


續修四庫全書

《續修四庫全書》編纂委員會編

續修四庫全書



上海古籍出版社

四七八・史部・詔令奏議類

臺省疏稿八卷

〔明〕張瀚撰

.....一

冲庵顧先生撫遼奏議二十卷

〔明〕顧養謙撰

.....一八七

小司馬奏草六卷

〔明〕項篤壽撰

.....五一三

臺省疏稿序

異日者廬州守謁余而請曰道明為諸生時遊今大冢宰廬州張公之門因緣得次公所為臺省疏草凡若干卷梓之郡庠以傳公雅知先生敢乞一言序之惟沐早官東甌嘗綴公末行後又謁公西湖上

序

間請質公平生經濟大略而不及詳今幸獲讀是編卒業則始矍然窺公之大又公舊督漕而余幸續貂尾實奉公成畫有餘庇焉其何敢辭竊惟

聖祖肇畫中原以京師建極臨四裔而撫之較齊形勝譬若常山之蛇

以關中為首據百二建瓴而下山東淮揚為脊轉輸通津要樞兩都間二廣為尾薄海南際險絕埽嘯此其大都也諸方類設撫臣於三鎮尤重至於以一人備更三鎮則縉紳為稀數非文武具備有足毗倚者不是授也公由郎署駁歷藩

序

臬才名忠猷震海內身事

三朝游被

眷篤故始者借公撫關中已又再至時公則闡謀懾虜增城通利水道設險漢中虜即效貢而隱然以陝為天塹所以起天下之首也此撫淮揚時公則督厲將士便轉輸移

農官撫茲凋殘炳然以遺後者成規百利所以強天下之脊也海寇方熾已又晉秩視師兩廣時公則鯨鯢尸於海狐鼠陳於陸遣將發卒收叛鋟巢蓋不啻洗而滌之所以收天下之尾也公所著績其大者在疏中而其應機即發發而密

不序

三

不可以語人者又不具於是焉今天子新政慎簡在庭尤以

冢宰為百僚冠乃

特召公於南司空而寄之銓軸嗟乎上方幸天下倚老成為治即意有所指必如公更嘗劇區明於掌上足供問對又

朝廷所倚三垂公皆敷澤而奏成焉則人才之選授與道里國俗難易相為劑品又宜莫如公者

天子深眷而用之重有以也往憶蕭何收秦圖籍漢得具知天下阨塞丙吉入相使東曹考案匈奴瑣條具悉奏對稱旨公疏皆更居天下

不序

四

兵食最大且重處而中又多急畫可為世法者至於詞之雅醇悠懷有陸贄劉向之思焉余以為如公所疏列當藏之天府為後考證三鎮制治者質券又非特如一家著述私言必傳而已也覽者其以是求之

時萬曆二年歲次甲戌春正月吉
賜進士出身通議大夫總督漕運軍
務巡撫都察院右副都御史臨海
王宗沐頓首書

序

五

刻大家宰元翁張老先生奏議序
士君子立人之朝懷竒傑瑰瑋之節
其所宣猷覃力者行也陳見劾悃者
言也有可述之行則必有可紀之言
唐虞以降賡歌之風曠邈矣奏記之
形忠臣謀國者先之揆所從來漢始
稱盛賈生治安一書董子天人三策
尚矣他如劉向匡衡董當元成之世
序
猶然論說不置其所上災異封事修
性正家等疏不下數什伯言然向之
說弗果行衡猶懷顧忌有所不盡言
者識者不免有遺論焉迨唐而有陸
敬輿之奏議藹然忠愛言與意俱深
得告君之體故後之論思獻納者咸
取資以為歸大家宰元洲張翁名頌
勳海內久矣道自束髮為諸生時親

翁所為時義舉子業竊私淑矜式之
甫壯歲通籍行游燕越齊魯間每咨
訪先達芳轍令矩則又稔翁所設施
政事顧弗獲覲只高山之仰徒重自
約結胸臆壬申歲辛備員南臺時翁
適承

命來總憲事得朝夕侍左右砥磨譚述
一日翁出示疏稿若干篇道得受而

序

二

讀之輒掩卷作而嘆曰元洲翁真社
稷臣哉即立朝大節迺今得以覲記
之矣昔宋司馬光進君道三劄自謂
平生力學所得盡在是翁之章疏奚
啻三劄其力學所得又自淵然深醇
然粹以懿也乃其忠義耿介天植其
性不可移易居嘗經畫天下事本之
神鑒遠而閱歷精是故其所指顧握

筭靡不悉當機宜如矢赴的而符合
節不爽尺寸迨夫操縱運量之妙用
則又不可揣摩而擬度之方翁之初
入仕也服官郎署兩守劇郡踐歷藩
臬晉秩臺省政行卓越殊絕所至焯
有聲績當是時翁所款論列世故者
豈遂忘之哉顧匪伊言責攸係不歆
越俎言事即有奇安所自表見迨其

序

三

開府仗節鉞臨戎而又畀之以理漕
治河所關皆

朝廷軍國重務豈惟翁所能行之即言
責亦屬之矣翁乃殫心竭謨劑量緩
急凡所安內攘外一切時政大體悉
關白而後行之是故其籌邊有疏撫
夷有疏議征勦有疏廣儲峙有疏舉
賢絀不肖有疏至於成功告捷陳乞

謝恩罔不披歷於

君父之前其論事剴而切其建議辯而裁其陳情懇而力雖其言與事殊而侃侃論百慮一致即其中或有少置勁氣使然若其依回兩可則非翁性所狎也翁每一疏入必舉手仰天祝曰吾言得無有違者乎默而湛思無

序

四

憾而後即安其精白一心上帝臨之明神鑒之矣假令敬輿而在與之比肩竝足而立上下相伯仲誰復能有所軒輊於其間者當翁之初出鎮也自關中徙淮自淮徙兩粵兩粵頻年來故多難寇盜克斥徵發旁午適茲土者舉疾首蹙額翁獨處之夷猶然以身擔之決策制勝坐收蕩平

臺省疏稿 序

纖毫皆翁力也當事者顧欲據其功迨失事鼓鑿則又歸罪於翁翁終不自白脫然謝柄去無何當宁諒其忠天子嘉其績尋詔起之不踰年則又簡任之以掌銓衡宅百揆

聖君賢相知人之鑒固自有在哉道嘗謂翁如干將莫耶遇盤錯則剗割有餘其堅石不渝如百鍊金久而愈莫能

六序

五

錄也觀其言自可槩見矣翁素博綜群籍冥搜玄契以文學飾吏治嘗有詩文集行於世風雅古偉遠追漢魏其曰奚囊蠹餘者則翁所自名篇云夫黑夫巷士矢口謳陰雕虫小技楊子雲所謂壯夫不為者曾何涉足作者之途其間工拙無暇論即工亦什伯之二二耳此不免覆瓿也然而

五

浸淫者且牛棟矣矧斯集也其所裨益於理道世風良非淺鮮是胡可弗梓之以廣其傳以貽四方同志之士哉時廬州守吳君道明請於翁再三吳君翁守大名時所甄拔門下士也爰命鋟而刻之刻成吳君徵一言於道序諸首簡道不自揆謏陋敢識其雅所傾慕嚮往者如此云

賜進士第文林郎南京河南道監察御史松陵晚學陳王道頓首拜書

臺省疏稿目錄

卷之一 負謝等類

恭賀 登極疏

奉慰疏

賀冊立 東宮疏

謝陞陝西巡撫疏

總督漕運謝 恩疏

恭謝 頒恩疏

恭謝河工 頒恩疏

恭謝 欽賞疏

總督兩廣謝 恩疏

謝 恩疏

恭謝 欽賞疏

再撫陝西謝 恩疏

謝賞疏

南京掌院謝 恩疏

南京工部謝 恩疏

再謝 欽賞疏

乞 恩移贈疏

乞休疏一

乞休疏二

乞休致以謝人言疏

衰病乞休疏

衰病乞休再疏

應詔自陳疏

自陳疏

卷之二 前後關中類

目錄

議處邊藩祿糧疏

大虜盤據臨海官軍奮勇斬獲疏

議處財用以定經制疏

舉劾方面官員疏

舉劾有司官員疏

薦舉教職以防學政疏

舉劾武職官員疏

增修極衝邊垣墩堡報完疏

卷之三 前後關中類

議包執城以重省會復洪堰以興水利疏

邊患稍寧及時大修邊政疏

酌議地方事宜以興治安疏

議裁續添兵將以節邊餉疏

酌議地方事宜以興治安疏

薦舉賢能官員請詔 王親以備擢用疏

酌議地方事宜以興治安疏

悉悃愚疏

卷之四 若運類

目錄

中嚴運務疏

議釋高牆宗室疏

議專官以安地方疏

免空運以恤貧軍疏

暫免帶磚以恤運軍疏

議更運船以便官軍疏

勘報衝損糧船疏

查議郵典疏

議兩浙把總疏

舉劾有司疏

薦舉兵備官員疏

薦舉方面官員疏

薦舉教職疏

舉劾將領疏

舉劾武職疏

卷之五 兩廣類

請調將官東征疏

剿平流賊報捷疏

目錄

四

參廣東失事疏

請留總兵官再疏

請釋閒宅庶人疏

擒獲賊首疏

會議軍餉征剿古田疏

明職掌以一正體疏

會留廣東錢糧疏

查參失事將官疏

卷之六 兩廣類

海上擒獲捷音疏

海賊流劫議處防剿疏

剿平右江都亮功次疏

截殺山賊功次疏

發回安南夷目疏

查議開設新縣疏

議處剿賊事宜以便調遣疏

請行閩省併力夾剿海賊疏

卷之七 兩廣類

目錄

五

擒剿海洋巨寇大捷疏

議剿倭寇疏

議復梧鎮班軍疏

剿平右江淶里等處功次疏

勘議 王府宗室事情疏

參論總兵知府攻訐疏

議處有司官員疏

卷之八 兩廣類

擒斬積惡首賊捷音疏

將領激兵叛殺旋即計滅以安人心疏

官兵奮戰生擒倭王大捷疏

叛賊流毒地方調兵急剿疏

剿滅倭寇并擒叛賊首惡大捷疏

擒斬山海劇賊報功疏

薦舉方面官員疏

舉薦賢能教職官員疏

舉劾有司官員疏

舉劾武職官員疏

目錄

六

臺省疏稿卷之一

賀謝陳乞類

恭賀登極疏

伏以

龍飛啓運欣逢

聖作之期 鴻業丕承快觀 鼎新之命臣民

踊躍普率輝光恭惟

皇上恭儉溫良 聰明睿智 青宮毓德接三

皇五帝之傳 紫極重華紹

卷之二

七

聖祖神宗之統 天心克享 履泰登樞 神

罷攸歸 乘乾御世謙撝三讓謳歌朝覲

歸心順效百靈 宗社人神有主建寅從

夏正頒萬年之玉曆適屆初元繼禹惟啟

賢際五百之昌期於斯為盛臣聯班臺省

方領役於南淮薦沐 恩波益馳心於北

闕拱隨星向誠效嵩呼伏願 繼明以照

四方眾日光天共荷維新之化 顯比以

親萬國滄溟紫塞同歸柔遠之仁 萬壽

無疆而金甌鞏固五氣順布而玉燭調和
臣無任瞻仰屏營之至

奉慰疏

隆慶元年正月十二日接到

大行皇帝遺詔欽遵開讀行禮外仰惟

皇帝陛下 大孝根心至情率禮值此終天之

感豈勝罔極之哀竊惟

大行皇帝本 聖神文武之資垂 光前裕後

之業 功德之茂前古所稀 享國之長

卷之二

近代未有矧得壽已周乎甲子而繼志有

託於丕承 賓天之靈信無遺憾永思之

切似可自寬伏惟少抑 孝情勉承 遺

詔保順天地百神之主丕宏

祖宗列聖之基體

先皇屬望之心慰率土臣民之望 臣無任懇切

顛仰之至

恭賀 冊立 東宮疏

聖主乘乾麟趾協重熙之運 元良出震鴻圖

行奕業之光前星騰瑞於微垣銀榜題宮

於仙嶠神人慶溢宇宙欣騰爰稽屬業延

長繩武推手誦聖上逮禹德無間亡子肇

於啓賢尚書載以貞之文非徒之愛漢史

傳梁建之議惟在得人主器 宗桃劫海

徵歌重潤貳體 宸極存雷應位春坊陋

彼金玉之詞徒誇釋奠豈若典禮之正快

觀文華恭惟

皇上 至性天成 英謀神受任賢圖治尤屬

意於經筵敬天勤民更致嚴於郊祀 政

先恭儉時敷容保之仁 道擅經綸曲盡

財成之義茲值銓斯之方茂預貽燕翼之

深謀 蘭殿呈祥慕 文德武功之緒

青宮授冊率 遠祖近宗之規名分定而邦本

不搖人心悅而王業彌固是誠 宗社錫

祉祐啓

皇心乾坤合謀奠安景祚播休光於八表洽和

暢於萬靈者也 臣職繫炎荒心懸 丹闕

觀鳳書之誕布，遙增雀躍之忱。望雞戟之森嚴，莫遂鶴班之邁跡。遠心通感，倍歡均伏。願養以聖功，正士端人，同為輔弼。學于古訓，詩書禮樂，用以周旋。繼明照於四方，治平有象。綿本支於百世，德澤無疆。

謝陞陝西巡撫疏

伏念臣草莽寒士，委瑣末流，幸際聖明，蚤干祿秩。郎署兩都，垂十載，瘼曠無裨。奔走四方二十年，慚負尤甚。勉循三尺，敬畏四知。雖孤宗久歷崎嶇，計圖報曾無分寸。自甘退伏，何意甄收。矧巡撫重臣，係一方之休戚，而中丞憲職，本羣吏之綱維。地即三秦，語形勢素稱雄鎮。治分八郡，在疆圉均屬要區。豈期再造之餘，榮薦奉九重之簡用。茲蓋伏遇

皇上 道參天地 化協唐虞 統馭百靈 鈞陶萬彙 肅清政本 典憲式儆 乎臣民 洞

見物情幽隱，莫逃于毫髮。以故茅茹盡拔，而葑菲不遺。何異金玉斯宣，而木石不廢。遂令蹇鈍亦與驅馳，恩寵既邁，乎尋常砥礪。敢踈於遲暮，適屆秋防之候，已嚴固鎮之行。誓竭迂愚，勉圖安攘。倘涓埃之得效，庶少酬高厚之恩。縱才識有所拘，亦畢殫犬馬之力。

總督漕運謝恩疏

伏念臣用世菲才，宦途多蹇。閱歷雖久，譽望未孚。誤蒙高厚之恩，拔諸冗賤之役。雍秦宣力，經年僅自焦勞。棘寺詳刑，數月未諧。法比遷登，憲部獲亞。六卿凡皆踰分之光榮，已慙負乘。何意方來之中，寵有隕自。天茲蓋伏遇

皇上 秉離照以乘乾，隱微畢見。體咸虛而顯比，葑菲兼收。遂令腐朽之根，芟亦荷陽和之發育。本以得人行，政猥慚遺大。摺懇念東南為西北之倉庾，而盈縮繫本根之

虛實轉輸既關乎 國計兵戎尤急於海

防責任非輕迂愚曷稱聖書恭捧寢食不

遑臣敢不永矢素心益堅晚節值 重華

之運快親惟均感荐晉之殊圖報彌切奉

揚 威命期振起乎漕綱單布

聖慈務安集乎田里淨氛稜於島嶼庶幾浩蕩

無波化強禦為淳良行見太平有象幸酬

夙願少荅鴻休

恭謝 頌恩疏

隆慶元年六月十五日欽奉

勅諭節開特賜侍郎兼都御史張瀚給與誥命

狼山副總兵李錫紵二表裏叅政劉祐

副使徐節俱給 誥命叅將顧承勳紵絲

一表裏守備張崑董濤周桐狄從夏軍門

中軍李夢孫把總秦泮孫世爵僕大有徐

正達九思周文忠每員紵絲一疋欽此 臣

當即同叅政等官劉祐等望 闕叩謝并

將原 賜李錫紵等十三員紵絲表裏頒給

各官咸祇頌叩謝訖除 臣等各應得 誥

命類咨吏部請給外伏念 臣等服役江淮

均慙尸素恭逢履泰共荷維新茲當 臨

御之初首渥臣鄰之惠既單侍從亦及戎

行深惟 曠蕩之恩踈迹不遺乎寵異猥

辱 恩綸之渙光榮迫邁乎尋常封誥貴

儒紳存歿仰 龍光披拂推衣頌武弁被

服皆 鴻造裁成凡承大賚之自天深媿

涓埃之未效儻幸致身之有口夫酬

高厚於無忘

恭謝河工 頌恩疏

竊惟 國家財賦仰給東南輸運帆檣必

由河道每歲千艘萬石渡江淮以沂黃河

從此浮濟入汶踰滄瀛而達通惠皆藉滄

瀋巨浸亦資導引原泉其中設隄岸以束

其奔騰建閘壩以時其啓閉雖濬鑿排滯

運用有賴於人謀而轉徙變遷緩急難調

乎水性邇者徐沛數十里之間寢滯成滔

天之勢漕河故道填塞漸高舟楫不通糧
運遂阻致屢宵旰之慮廣詢論議之同
乃命司空旋議開鑿積日累月糾工集財
幸及功成新渠底定定仰賴朝廷威德
淪浹感孚是以地道靈通民悅趨事不疾
而速能忘其勞也臣始謀未效後事無裨
敢云稽督憂勤仰荷寵頒金幣出內帑
之鄭重身媿比乎雙南分寶笥之綺紈誠
祇勤於一縷臣敢不服以懷恩實之傳

世矢心報稱仰贊平成

恭謝 欽賞疏

該兵部覆題為仰仗 天威官兵奮戰飛

報大捷等事節奉

聖旨欽賞廣東當事諸臣近該浙江巡撫衙門
批差承差潘守禎赴京奏事具告禮部將
賞臣銀二十兩紵絲二表裏領出本年六
月初八日齊捧到臣當即望闕叩領訖
伏念東粵遠在嶺海素非寧謐之區邇年

數起頑冥滋多軍旅之事彼以曾酋揭亂
方積兵選將造舟制噐出萬全之師何意
倭寇陰連迺投間抵禦聲東出西為一道
之梗非但分我兵力又且作其應援議合
剽除勢難緩縱於時躬冒矢石則將士之
勞多悻惺運籌則撫臣之算勝藉贛兵為
虎羽以鄰鎮銳於同心破城驛之蟻巢由
該道勤於任事幸而擒王滌穢滅賊寧民
寔仰仗我

皇上威稜震警廊廟紆謨在臣僅能奉揚天

威督率調遣而已豈有微勞敢叨 恩賚

金頒內局光分寶藏之珍幣出在笥彩綉

天機之錦纓慙頑鈍誤辱陶鎔才乏絳綸

終輸機線深惟鄙陋之質祇增跼結之忱

臣敢不箴為世珍服之無數祝 皇圖於

鞏固萬方永奠金湯臻 聖治於垂裳六

服祇承玉帛

總督兩廣謝 恩疏

臣竊自念束髮入仕垂老無功祿秩久糜
艱辛備歷誤蒙拔擢起藩臬而濫厠省臺
出鎮江淮飭兵戎而總司糧運有懷振刷
曾無益於分毫不恤怨尤祇自貽其憂惕
刼慮不周於河患致數有隕於京儲方臨
獲如淵水敢覬覦於進取豈期 弘造復
冒殊榮惟兩粵僻在遐荒漸摩已舊而煩
年滋多頑梗軍旅煩興所幾望於小康宜
責成於專任偶諧推引遂荷 恩俞恭捧

龍章深慙查負自量盤桓已倦不任驅馳徒
以 高厚難忘恐言辭避失心砥礪努力
涓埃伏願 丕震武威山海煙波永息
誕敷文德滂洋膏澤均霑

謝 恩疏

隆慶三年三月二十日准兵部咨為遵奉
明旨大舉水陸官兵越境追剿有名巨賊恭報
異常捷音事該本部具題節奉

聖旨兩省夾剿海賊擒斬數多各官効有勞績

張瀚賞銀二十兩一表裏欽此欽遵當據
臣原差承差蕭粵龍齋捧前項 欽賞銀
幣到臣除欽遵祇領望 闕叩首謝 恩
外臣惟信實必罰

聖王御世之大權宣力庸功人臣奉職之公義
即使無前偉績在天功亦不可貪矧方
一挫窮兇於愚衷猶未少愜憫勞瘁以
籠錫慕荷 弘慈省遲鈍之積愆何勝踟躕猥
以凡庸劇役適當軍旅煩興致厪重巽申

嚴恨不躬親矢石顧忠憤雖切事不從心
致安攘無裨衰且多病賜之骸骨竊感大
造曲全老去林泉惟冀苟延餘息何意優
獎海洋之斬獲槩頒殊異之 恩榮分內
帑之奇琛 先生委礫蠲 上方之組屨
賁及初衣尺寸未酬祇驚惶於綸綍毫釐
莫效自弁絕於陶鎔臣敢不藏為世珍服
之無斃俯孺益堅之志仰祝垂裳之休伏
願 聲教迄九圍北虜南夷咸歸玉帛

武稜先百粵漁鯨獵獍蚤偃鉦鞞

恭謝 欽賞疏

伏念臣材本駑下行復迂踈勉任馳驅徒
懷犬馬之志久糜祿秩未酬養養之恩
伊嶺表本山海之區藉險地為逋逃之藪
若廣州之新寧新會林茂密而結寨幽深
在高州曰恩平陽江逕崎嶇而嘯聚繁夥
頻年標掠四野靡寧闔境憂危茲辰正劇
致貽憂於宵旰勞成算於巖廊授鉞得

人憚慳決三軍之勝出師以律貌貅宣九
伐之威狐豕潛踪已全消乎霾曠旄倪有
望感慰滿於雲霓豈商宗鬼方之誅猶需
三歲比虞帝有苗之格無俟七旬寰宇廓
清神人懌豫寔由我

皇上洪鈞陶鑄鼓元氣而六合從風大造度施
握真符而百靈受職是使懷忠抱義共殫
力以宣猷蠢彼負固怙終宜禽獍而草薶
在將士不得貪為已力於微臣何敢濫與

前功乃荷慈仁不遺罪譴出兼金於內帑
中重異於私居自慙頑鈍之材敢志靡孺
勉篤堅貞之節矢效分毫制器傳家珍重
恩私世世錫銘頌 聖榆揚武烈巍巍
再撫陝西謝 恩疏

伏念臣迂愚無識踈淺多愆奔馳積有歲
年曾無建立志意猶存報效不任疋疲素
龍盤桓虛糜俸給部寺更歷濫竊 寵榮
繼監消淮甸之間僅免廢事復視師嶺海

之外迄無成功勞瘁憂惶侵尋衰病駕怯
自干公議生還寔荷 明恩一解戎衣久
安初服緬懷 高厚祗履祝頌於無忘退
省孤寒已踰分量而莫稱絕無希冀誤辱
甄收本以枯荑重霑惠露豈其老馬敢望
長途矧西陲當蕃虜之衝安攘攸寄而憲
府為紀綱之地振肅尤難臣敢不益懋脩
持勉終晚節矢殫心力仰荅 弘庥息烽
火於三邊共荷

皇威驚服燕困窮於八屬期臻 聖澤滂洋

謝賞疏

隆慶六年正月初五日准兵部咨為恭報原議增修極衝邊垣墩堡工完等事該本部復議裴家川邊牆墩堡既經修築完備先後效勞各官相應通行賞賚等因具題節奉

聖旨 賞張瀚銀二十兩一表褒欽此欽遵備

咨前來隨於本年二月二十四日該承差

田濟國齋捧 欽賞銀兩表裏到臣當即

焚香望 闕叩頭祇領外伏念臣謏蒙

簡命再撫西秦當入關之初適興工之際乘虜

酋臣服之間用士卒版築之勞曾不踰時

遂成永利皆仰仗

皇上威稜震龍近悅遠綏故臣庶宣力協謀不

疾而速也臣何功績敢辱 恩頒有隕自

天措躬無地敢不堅貞自礪佩服無忘誓效緘

埃仰剛 高厚

南京學院謝 恩疏

臣原任兵部左侍郎巡撫陝西隆慶六年

二月初一日該吏部等衙門會推具題奉

聖旨張瀚陞南京都察院右都御史念臣行本

迂愚才充譴劣久糜廩祿未效涓埃關隴

方懼曠瘵留臺遽膺 簡擢感逾涯分心

切戰兢臣敢不益勵寸衷勉終晚節誓殫

駑力仰答 鴻私

南京工部謝 恩疏

臣原任南京都察院右都御史隆慶六年

七月十八日該吏部會題奉

聖旨是張瀚陞南京工部尚書除望 闕謝

恩於八月二十二日到任管事外伏念六曹清

峻之階惟賢是擇八座班僚之冠非德弗

居宜需隆棟之材庶稱曳履之選雖舊都

事簡而名秩不殊迺 明命荐加致戰兢

無措謝疆場於西鄙方覩厠乎臺端荷綸

綍於 北辰遽晉司乎邦土例不敢為辭

讓祇厯狗馬之心志不懈於衰遲永矢羔羊之節

再謝 欽賞疏

竊念西省本 國家藩籬戍守出累朝建
置虜情巨測泚黠驚而難馴兵制徒嚴愈
繁冗而多費頃緣投款幸息邊塵烽火不
驚士馬高銳除戎設戒 綸音每思患預
防振旅宣威諸鎮敢忘危犯備故勞版築
習戰守既不致悒於軍需而節浮靡謹征

卷一 十六

輸時復申嚴於查覈以是隨在劑量較前
稍有贏餘非能頓革故常矯飾以干譽聞
豈意 聖明垂照遠及纖微至蒙 大賚
均施仰承蕃錫光分內帑出美鏐於朱提
綵綯儒紳煥班文於錦里 恩私同覆被
忍忘絲縷服勤銘刻屬精堅終藉陶鑄在治
乞恩移贈疏

頃者恭遇

皇上俯從禮官之請冊立

皇太子正位東宮 盛典既成 綸言覃布爰

推 恩以廣愛亦布 德而施生

誥勅均頒 仁孝淪浹寵錫賡子嗣續光榮普

天率土莫不歡欣踴躍臣至微且陋濫辱

弘麻感激屏營未能圖報豈敢他有希冀竊懷

區區迫切之私旦夕展轉不能自已乃敢

開具情實 上陳過恃 天恩浩蕩布獲

滲漉纖細無遺而臣所懇旬實亦 明詔

之所該載也 臣伏讀 詔書一款兩京文

卷一 十七

官一品至九品各給與應得誥勅先已給
領者與進本品勳階一等如品同而職銜
不同照見任改給有願移封移贈者聽若
先已移封移贈今與本身及妻誥勅欽此
臣今任兵部左侍郎叨忝京官三品臣父
祖本身及妻皆在應給 誥命之列緣臣
前任總督漕運恭逢

皇上即位覃恩前項 恩典已該吏部題請准

給臣有應進勳階亦不敢領獨念臣有本

生之祖張綬實生臣父應祿臣祖紀以同
 母弟立父為後臣自有生以及弱冠均受
 二祖教育之恩二十年臣祖之歿也歎曰
 惜哉一孝子臣父時時語臣輒歎歎泣
 數行下今臣幸出非望父祖皆荷
 龍章光被丘壟而臣本生之祖獨不獲霑一命
 竊恐臣父之心必不安於地下臣今不能
 繼志是忘本不孝罪無所逃異日何以見
 臣父於冥冥少慰歎歎無已之念即臣前
 次奉 詔即欲請乞移贈因未查有移贈
 及祖之例不敢輕賈臣昨行經江西萬安
 訪聞工部尚書朱衡先任吏部右侍郎時
 曾將伊祖寵與本生祖憲具本陳乞蒙准
 皆得 詔贈今臣事體實與相同且臣前
 次 詔命俱未給領願移臣與妻應得之
 封移贈臣祖及祖母林氏臣不勝受
 恩感激伏乞 勅下吏部查議施行則枯朽
 有知應叩結於窀穸衰庸未隕天殫力於

涓埃
 乞休疏一
 伏念臣本行能鄙薄仰荷 國恩祿食垂
 三十年未效涓埃之報向雖抱疾不敢顧
 恤已私干瀆 天聽頃因被論臣時宿疾
 正發倉卒迴避待罪行至華州積勞傷心
 胸次鬱懣一時下血數升自此氣體損衰
 藥石無效與疾就醫自分踈庸無狀又宜
 擯斥又經言官指摘益知罪不可逭沿途
 恭候 明命間續得邸報該吏部查訪生
 平博及輿論仰體
 皇上愛惜人才至意謹覆上 請節奉
 聖旨張瀚准留用臣聞 命自天不勝感泣踈
 遜小臣豈有寸長片善仰荷
 聖恩天高地厚如此誓當粉身碎骨猶懼無以
 報稱萬分之一豈敢他辭但臣稟質素弱
 多病早衰連年奔走闕蜀秦晉之間辛苦
 迢遛精力疲憊目昏頭眩痰嗽怔忡今復

傷耗心血形銷氣短若復隱護就列則病
日益深痼曠日甚事上之義守身之哲將
盡失之犬馬私忱切有所未安也伏望

皇上憐臣砥礪苦心察臣蹇難病體乞 勅吏

部容臣致仕倘幸苟延殘喘前疾少蘇日

惟引領北辰祝延

萬壽生當歌咏太平歿亦結草泉壤矣

乞休疏二

臣先因患病具本奏乞休致一面與病就

卷二 二十一

醫恭候 明命問欽奉

聖旨吏部知道該吏部看得臣才猷揮霍操履

謹嚴剔歷有年聞望素著况際清明之會

又逢知遇之恩正宜竭忠圖報豈可遽爾

乞休雖稱患病料非沉疴不妨在任調理

將原詞立案仍轉行陝西撫按衙門行臣

照舊供職尋蒙

聖恩又叨左使之轉伏念 臣草茅微賤遭際

聖刀掛籍仕版三十年服役內外十三任未有

功能表見僅僅兢惕自持隨在勉供一職

仰慙 鴻造下負生平况 臣近奉留用轉

官渥恩感激思奮尤非尋常可比豈敢愛

惜狗馬之生甘同草木之朽自棄於

天高地厚之外玆寔緣舊疾未愈新疾復增

往時痰嗽怔忡遇勞始發邇來時時咳嗽

涎唾不止中心搖搖晝夜不息加以虛癆

夜熱憔悴骨立若非謝事靜養必無可生

之理仰惟

卷二 二十一

皇上容留冗賤無非責以宣力效勞少裨化理

今臣病已數月日益增劇即此身尚不可

保豈能勉力奮起效涓埃之報仰咨 明

恩於萬一耶是敢披瀝悃誠再疏哀懇伏望

皇上憐察苦切真情 勅下吏部將臣放歸田

里使得幽棲靜攝專心醫療倘幸漸減宿

疴則餘生出於非望縱使化為異物亦素

願足於首丘皆

聖皇體 臣育物之仁如天好生之澤臣敢不誓

對結以延感激之忱也

乞休致以謝人言疏

臣原籍浙江仁和縣人由進士蚤叨祿食
服役內外三十餘年所至治行士民公論
不昧故雖遭讒謫陷私惡不勝公好本年
五月內以陝西左布政使歷俸幾及三年
伏蒙 簡授都察院右副都御史巡撫陝
西地方交代後即出固原防秋仰仗
聖皇威德一鎮無警事竣還省十月初八日於

卷一

二十一

涇州得報蒙改大理寺卿 臣孤蹤賤士存荷

聖恩天高地厚犬馬有知猶知報主 臣獨何心
敢不殫忠竭力誓效涓埃是以身雖夙嬰
辱弱不敢遽有陳乞實懷感激砥礪之心
甚於畎畝桑榆之戀也頃得邸報該御史
論臣不職大畧謂臣以虛譽倖進不當
叨冒崇秩欲將臣罷黜或令致仕或以方
面改調止為 臣曾披論列附和一致之言
意在擠排無他指摘 臣不必辯平生委未

識面亦無私讐止緣河東交代之日適 臣
遠在固原相離千五百里通問不先河南
山西則皆近而易達以彼相形遂見憎憾
况二人同年同官應相昵厚小釁致嫉黨
同求勝宜不免矣 臣何敢辯但 臣德薄才
庸蹇命多疾年逾五十精力已衰經畧安
攘既無揮霍之能斷獄平刑終鮮明允之
見本皆重任委不能堪彼意雖私其言良
是且 臣屢疏乞休非敢矯飾其詞心懷貪

卷一

二十一

戀伏望

聖明憐察 勅下吏部始以所論中議容 臣致
仕俯順言官之情亦以全 臣終始之義平
生圖報未盡之忱惟竊伏林泉旦夕焚香祝
聖皇萬壽無疆萬邦寧謐歌咏太平以延餘生
不勝幸甚

衰病乞休疏

臣稟受薄弱少多疾病自入仕途歷官皆
冗劇之役心煩於慮身親其勞然猶奔走

多年苟延性命以至今日者以經理砥礪志專報國升沉毀譽不戚戚搖惑其心由副使至左布政使十餘年皆單騎往來無情愁繁牽之累故雖屢抱危疾不即隕絕今臣祿食凡三十有三年犬馬之齒幾六十矣精神既耗氣力已竭數月以來鬚髮盡白銷振奮之志增委靡之態昨在淮揚衝繁覺不能稱思欲乞身適奉兩廣之命時事多艱臣受國厚恩豈敢避難歲暮亟趨交代冀收戡定之功少效涓埃之報不意事與願違病緣勞積時下痰喘怔忡耳鳴目眊稍履思慮輒眩暈倒地至不能應對者累日矧瘴厲之地寒暑難調病臥呻吟醫藥罔效自治不暇竟復能免勉督率任軍旅之事底蕩平之績乎鯨鯢在海臣夫心殄滅豈恤微軀顧定策憚惺鼓舞將士計議糧餉申嚴號令皆精神心力運用當茲擾攘雖壯盛魁傑尚恐未能猝效可

使屏憊之餘負重大之寄徒瘁其身無益於事非朝廷用人平定禍亂至意亦非臣趨命赴功感激圖報之初心也如蒙皇上憐察將臣放歸田里使得就醫調攝別選賢豪精銳以稱任使萬一苟延殘喘荷聖皇再造弘恩回生之年皆祝頌之日也

衰病乞休再疏

臣自夏月感冒煙嵐暑濕之氣觴發於積勞虛弱之餘痰嗽怔忡頭目眩暈每履思慮惛昏迷倒地實不能勉強供職萬不得已具本於隆慶二年八月十三日差人陳奏遠隔萬里之外急切不得邸報驛路往返非三四月不能即回臣旦夕禱首北望惟願天恩早賜俞允得遂生還亦自多方醫療庶幾少瘳不意年齡既暮血氣有減無增沉痾已成藥石損多益少降火則脾胃受傷理肺則心腎愈怯素稟薄弱不耐銷磨元匪豐腴遂見骨立自度必難猝效必不能

復任勞役竊恐

聖明以兩廣重寄時當多事不可輕易部議又或不知臣之疾劇不忍遽棄則臣孑然一身侵尋瘴癘日深日迫既無望於生必更速其斃腐朽微賤奚足憐惜徒令扶病不足濟軍旅之艱委身無以益底定之績國事臣情將兩失之即死有遺憾也是敢冒昧披瀝再懇伏望

聖慈垂鑒姑容休致使得與疾故鄉就醫調治

卷一

二十六

苟延喘息別選賢能代臣振武倘以奏膚功則地方無誤事之虞狗馬感再生之惠臣無任懇切哀鳴隕越待罪之至

應 詔自陳疏

臣伏讀

皇上登極之 詔內一款節開六部等衙門四

品以上官及各總督巡撫官俱着自陳去

留取自上裁欽此伏念臣原籍浙江仁和

縣人由嘉靖十四年進士歷即署邵守二

司右副都御史大理寺卿等官四十五年十一月內以刑部右侍郎陞今職又荷

恩榮深慙無補進登臺省益懼難勝惟茲淮揚為南北要區而漕運乃國家重計邇來弊增於積習之後政隳於姑息之餘軍衛有司人持異見兌運交納掛欠遲違兼以分布海防尚勞師旅餉兵無備民且阻饑外患未消內多鼠竊凡此裕國保民之務必資私毅明敏之才疎拙如臣委不能稱

卷一

二十七

况年已漸衰身嬰多疾勇於任怨而心氣不足動輒健忘急於奉公而見事每慮因之妨廢力小任重竊祿妨賢督撫之臣首當弃置宜莫有如臣者也伏乞

聖明將臣放歸田里別選賢能以代斯任則官

途無曠 聖化維新重鎮得人庶務有賴矣

自陳疏

臣於隆慶三年二月二十七日得見邸報

該吏部覆題為遵舊例嚴考察以勵庶官

事節奉

聖旨四品以上聽補等項官依擬都着自陳欽此查得先該吏部覆題為秋防事竣酌議督撫諸臣以欽奉 明詔事節奉

聖旨張瀚依擬回籍調用欽此欽遵候交代間伏念 臣賦質庸劣久玷冠裳行政迂愚素無聲望曩歲

先帝拔臣冗賤廁於列卿之班繼蒙 陛下命臣拊循兼以軍旅之事 恩同高厚未

卷一

二十八

效涓埃又以兩廣頻年多盜山徭海寇平定無謀西省兩有焚夷負固不能殄滅潮陽雖經斬獲黠酋猶未蕩平徒貽瘵曠之譏寔負安攘之責况年既衰頹病尤沉痼圖報徒切筋力已罷累罪積愆豈勝跼踖向乞骸骨誠恐病廢日深隕首不足以贖繼而兵科酌議之疏銓曹調用之擬實皆憐察曲全之意復荷 恩慈俞允犬馬餘生實同再造然已息心獻畝無復希冀茲

者適遇考察奉有前 旨臣內自省訟歉

然懷慙措枉黜幽臣宜首及伏望 皇上將臣特賜罷斥或 俯念積勞容令致仕

則臣殘喘未盡之日皆感激祝頌之辰也

自陳疏

准南京吏部咨該吏部節奉

聖諭朕初嗣大位簡汰衆職圖新治理兩京六

部等衙門四品以上官俱着自陳去借取 旨 上裁五品以下文職兩京吏部都察

卷一

二十九

院會同考察欽遵備咨到院除將南京五品以下文職官會同考察具 奏外念臣稟賦疎庸行能鈍拙累年叨忝未效涓埃業因兩粵放還久其棄置繼值三秦報缺復奉甄收再試州循迨無經畧猥蒙簡授風紀專司官本清嚴兢惕難稱矧 聖化維新之會正擇人圖治之時顧茲任重望 輕職艱貽請又以衰年多病驅策不前循 省生平首宜汰黜伏乞

皇上將臣放歸田里別選才德以克任使庶
追臣愚竊位妨賢之罪益彰
聖皇明哲作人之功矣

臺省疏稿卷之五

卷之二

議處邊藩祿糧疏

准戶部咨該禮科都給事中辛自修題本
部覆議恭候 命下移咨陝西巡撫都御
史備將咨開事宜逐一從長計處停當奏
請前來以憑覆議施行等因題奉 欽依
備咨到臣 臣謹議照我 國家分封 王
府頒給祿糧親親之恩備極隆渥然而紀
綱法度載在令典亦凜不可犯樂善循禮
屢奉 璽書褒嘉縱欲敗度間亦明罰正
法夫是以 恩威並舉知勸知懲而永保
福澤於無窮也竊照本省建有

秦 韓 肅 慶四王府邇年以來歲祿均
有拖欠惟

韓府宗支蕃衍積欠獨多漸有逼於窮乏不
顧禮義凌侮有司肆無忌憚者矣頃值

韓王薨逝管攝無人尤為恣橫臣等方切隱
憂仰荷

聖明從言官之請事下臣等計處敢不殫竭心思以備采擇臣惟親親仁也不得已而裁之以法者義也仁必盡而義迺可行故今韓府之事必先議祿糧以體其情而後可及於防範之法猶之天道資雨露以厚其生而後肅風霜以申其教也除臣等事得專行者不敢煩瀆聖聽外中間事體重大非可擅議者謹條為七事冒昧上陳伏候 勅下廷臣詳議施行

卷二

二

一曰補祿糧以濟窘迫查得韓府宗儀每歲該支祿糧價銀一十二萬九千兩每歲額派夏秋糧共徵價銀六萬二千五百餘兩尚欠銀六萬六千三百餘兩未奉新例之前積欠自嘉靖三十九年至四十三年共該銀五十七萬九千七百餘兩例後四十四年四季共該銀八萬三千二百兩通共該銀六十六萬二千九百餘兩無從處補及查布政司廣

積庫見貯應解戶兵二部事例僧道度牒富戶稅契路引與同撫按巡茶解京贖罰及三司各道府州縣衛所一應賊贖戶口益鈔驛站商稅筏木等項銀兩約共銀三萬四千餘兩俱係解部之數臣惟祿糧額派有限宗支繁衍無窮今計積欠日多議停減則應得之數勢不敢言欲加賦則窮竭之餘民不堪命若非留止官銀補奏一二即目前之患

卷二

三

已不可彌將來之禍誠不可測即今議留前銀尚不足當二十之一舍此更無他望臣又伏思近議條例裁省祿糧不啻三分之一豈以有餘而儉於宗親各宗固亦心知朝廷不得已為是久遠之計今韓府必俟舊例補足方行新例則十餘年尚無完期是朝廷政令扞格不能進行矧新封宗儀何能枵腹以待於數年之後似應調停以協

情法乞 勅該部議擬將前應解各項銀兩盡免解部存留本省與原額正項湊補本年分祿糧支給以後一體存留明開為 韓府截補祿糧支用仍將節年拖欠與今例後減定之數一新一舊相兼開支縱不能補其舊欠樽節前數繼今每歲或可四季全支少亦不下三季如此庶匱乏得濟旦夕之急而新舊均霑惇睦之恩矣

二曰肅開支以息紛擾臣惟祿糧缺乏群宗紛擾祇緣未足其數情非得已然一遇支放之際或聚眾勢逼大肆喧鬧不容監收稽察或已足而多求或既出而復入或二三互爭於公堂或四五攘奪於道路或自帶低銀抵換而詒弄府官或已動原封而駕言數缺甚至凌虐官吏橫逞兇頑似此弊端難以枚舉所以監收府官方至即欲求去勢既眾而法

難行也乞 勅該部查議行下臣等轉行各該王府今後凡遇放支長史司備將宗儀位員除 親王另行支給外其餘分別某 郡王府郡王一位鎮輔奉國將軍中尉各若干位郡縣主鄉君儀賓全支減支各若干位員照依食祿次第磨對無差造冊具領類投該領衙門會同長史等官當堂秤兌每員位各該銀若干合一府之 宗儀算祿糧之總數通共該銀若干類收一匣給與長史領啓 親王令旨發赴 郡王府仍督同教授等官逐位逐員分鑿包封唱名給散如有借貸等項令其出自自行償還 郡王不得干預斷給亦不許各宗擅自出入擾亂衙門凌虐官司如敢故違各該委官就將應得祿糧一面扣收入官一面啓 王奏 奏慶治永為遵守庶關吏簡便而群宗不致紛擾

夫

三曰正體統以便鈐束臣惟宗室繁多

全在親王鈐轄若王位又虛則人

情渙散易於玩肆今照韓府宗室中

間玩法者往往有之該府曾經叅罰一

二被叅之人亦即媒孽其短撫飾奏辯

快其私憤以致人皆效尤動輒阻撓已

非事體今值韓王新薨國爵未襲

群宗視若等夷畧無畏憚若不明正體

統申明法紀則將來蔑視橫行日益難

禁除喪禮國事已該臣等會本具

題外乞勅該部覆議蚤為請勅一道專

諭韓世孫攝行府事嚴禁闔府宗

儀務遵祖訓不許乘隙逞私暴虐軍

民敢有抗違無忌者輕則徑自戒飭重

則具實叅奏其被叅宗室並不許輒

自奏辯及肆誣捏如此庶體統正而人

心定矣

四曰補額員以資輔導查得宗藩條例

一款今後長史必須科甲出身方許陞

除紀善審理亦必以科貢正途克之良

以長史主一府之事責任至重其餘或

理刑名或資講讀凡以翊德輔善申法

飭行非徒具官而已不得其人且不可

而况久虛其職乎今查韓府額設左

右長史及審理教授等官各員缺近者

一二年遠者三五年俱未除補間有已除

補者又皆畏難推避不肯赴任一切大

小印務皆委奉祀典膳等土官代署人

微職小素習卑下欲規正則禮法未聞

責鈐束則威權不立宗室且願指氣

使之何望裨益於萬一也乞勅該部

速查該府左右長史并審理紀善教授

等官已選者勒限到任管事敢有推避

查行原籍提問治罪未選各缺逐一查

出遴選才能盡數銓補嚴立限期前來

任事庶責備有人輔導有賴而薰陶啓迪亦 宗儀變化氣習之漸也

五日嚴門禁以懲遠出查得問刑條例內

三款各

王府不許無故出城遊戲違者撫按等官奏聞

又查得 宗藩條例內一款今後 宗

室越關經過不許給以應付一面差人

徑送間宅拘禁其同行人伴務要追究

問擬極邊永遠充軍長吏等官定行革

卷二

九

職所奏情詞俱不雅理臣惟 朝廷設

法防範至嚴且悉在 宗藩固宜恪守

王章不離封域庶上以遵 朝廷之法亦自

不失尊重之體也近年 韓府宗室任

從自便輒擅出入雖設守門官軍畏懼

不敢聲言雜遝無從詰問嘉靖四十二

年間假以計祿為名倡眾百十餘位遠

出數百里直至會城擾害地方凌辱官

司雖參懲一二其於體統已蕩然矣夫

出城遊戲立有奏 聞之例越關奏擾

復設送發之條何獨難行於 韓府而

無申嚴之禁乎况平涼鎮城密邇虜穴

萬一奸細潛入內地詐冒 宗室猝難

辨別引惹貽患關係匪輕乞 勅該部

查議請 勅韓府差委護衛或內官一

員帶領旗校人等與同原設守門官軍

時加盤詰但有 宗室出城必先禁阻

即啓 親王以俟進止如有不遵 禁

卷二

九

例私自潛出但至二三十里之外者許

諸人盤詰伴送回府輕則量罰祿米仍

加戒飭重則參 奏處治同行撥置之

人照例問罪發遣如係詐偽辯認捕獲

即可潛消禍本如此庶足以嚴未然之

防而亦保全 宗室之一道也

六曰慶庶人以正名分查得 宗藩條例

內一款 宗室姦收樂女與不良之婦

所生子女已授封者爵職封號祿米盡

行革去未授名封者不許冒 請文婦
 盡數逐出臣惟 王府宗室出自 天
 潢之派雖流行不可混淆近來 韓府
 庶人積至一二百人動輒混冒 宗室
 之內一槩擾攘真偽莫辨其間有犯法
 革降者有花生胤生革黜者既不載名
 主牒亦無祿食資生槩之以齊民則此輩自
 以為 宗室而不其隆之以 宗室則
 宗人皆以為非類而見耻擬編籍以聽
 其自營則條例之所未及任遊食而無
 所歸者則靡蕩將安所終乞 勅該部
 從長計議或將該府前項花生胤生降
 革等項之人盡數查出應否於該府州
 縣另立一籍量免本身差徭聽其自為
 生理或行 親王另置一冊收籍拘管
 仍於本生各宗依倚衣食在有司則官
 府之法得以繩之在 王府則 親王
 之法得以繩之庶

聖朝無法外之人弃置被霑泥之澤 天潢岸
 淆混之防地方消積漸之患矣
 七曰嚴間宅以防不虞先年 宗室有犯
 俱發高牆禁住繼因送發數多供給稱
 累議將情罪稍輕者收住本省間宅實
 亦禁錮之示譴罰以警其餘也臣等查
 得本省間宅拘收宗人罪犯不一大抵
 皆悖違 訓典自干法禁固宜安意順
 受而訪聞仍有矯恣不悛猶貽地方之
 害者若不嚴加禁戢誠恐事端出於意
 外不得不為先事之防也乞 勅該部
 查議專 勅本省 親王將前間宅宗
 人嚴加拘禁聽輪委內官一員帶領旗
 校與同原委軍衛員役常川在於間宅
 門首晝夜巡禁尙鑰封閉如遇供送柴
 米小菜等項五日一啓放進敢有不遵
 明禁或額外需索官民及私擅出入等事許
 即具啓 親王輕則痛加懲戒重則奏

聞處治承委官員人等縱容懈弛聽
與臣等參究拿問如此庶 宗室知法
嚴而不致易犯地方藉備預而可保無
虞矣

大虜盤據臨河官軍奮勇斬獲疏

准鎮守陝西地方總兵官都督僉事郭江
會稿嘉靖四十四年十一月十六日遵例
赴靖虜衛調度兵馬防冬本年十二月二
十一日蒙總督軍門鈞帖節據寧夏總兵

卷二

十一

官吳昂等報有虜酋已克那言賓免他卜
狼等聚眾聲言入犯已經通行隄備訖嘉
靖四十五年正月初一日寅時據山後火
燒山墩軍錢定元傳接劉保兒墩軍孫仲
呆傳紅柳灘河北地名飲馬口前來達賊
六十餘騎到於北岸剽立後面陸續行走
不絕據此度料必是大虜遣來先鋒窺探
虛實大舉繼後必圖狂逞當發靖虜守備
楊鰲統領所部官軍馳赴李哈刺峴哈

吉一帶斷阻賊路總兵郭江統正兵官
高嵐等三千餘員名趨紅柳灘一帶賊經
要路嚴加拒守振揚軍威賊見有備即時
旋回仍從原路去訖十七日據靖虜守備
楊鰲呈解降人白七哇字可兒只供稱虜
酋卜兒半糾眾去搶西番惟恐聲彼擊此
一面傳諭參將張弼遊擊趙九思守備杜
龍張翼指揮沈忠等各整擗兵馬差人聽
探并傳東西操防等官嚴明烽堠慎守城

卷二

十一

堡及將所守黃河打開用心防範一面行
令中軍高嵐守備蔣松千戶李煦百戶吳
廷用楊鰲等各率所部官軍家丁於十八
日寅時從七里口踏水過河江統領官軍
三百員名繼後設伏及令守備楊鰲在於
紅柳灘防遏蔣松等至十九日卯時馳至
小松山瞭見大虜營帳常有達賊四起撲
喊前來蔣松等督勵官軍家丁奮勇衝斫
賊潰亂當就斬首奪馬收兵仍從原路

過河共斬獲首級三十二顆奪獲達馬一百四十五匹駱駝二十七隻牛二十九隻收獲夷器四百三十四件被陣亡軍丁四名射死標馬三十一匹除開呈總督軍門紀驗優恤給賞外等因會稿到臣案查先為防冬事該臣看得各該防冬官軍每每出邊不及其時致誤先事之防節行守巡兵邊等道并大小將領嚴限催促各該官軍依期馳赴原分信地設備防禦去後今

卷二

十四

准前因臣議照醜虜自冬徂春糾結聚衆臨河住牧蘭靖一帶實重延內地志在乘隙深入不意我軍雲集先據要害此靜待而氣逸彼趨利而力勞過虎噬於方張之勢止狼貪於欲食之時將領奮迅以率先騎士勇敢而效死雖云小有斬獲實已大挫賊鋒皆仰仗

皇上

文德昭宣

武威震警預伏犬羊之謀

遂致田禽之獲也自功員從例得陞賞

勅兵部查照議請臣又竊惟賞罰者

人主之柄而亦邊臣所賴以激勸將士之大機也賞不濫及則人無倖心忍弗能與即眾將解體蓋將士致身殉功其所喁喁時望朝夕者爵賞耳乃今遲以歲月勘報逡巡題覆淹滯何以慰忠勇之心鼓行伍之氣宣華夏之威乎仍乞勅下該部轉行查按御史照例紀驗如果斬獲真實別無隱匿失事等項情弊即為具一奏速賜施行

卷二

十五

邊圉幸甚

議處財用以定經制疏

臣聞禦戎莫要於強兵足兵必先於足食然兵無實用則虛耗而無益費不樽節則滋冗而難繼方今財用匱乏諸邊供億委應查核至如固原一鎮乃三邊之總會全陝之要區主客兵馬節經議設調遣規畫已定固不敢驀有加增亦豈容妄為裁削今查各路兵馬在固原兵備道屬主兵固

原靖虜二衛鎮戎平虜西安群牧白馬下馬紅古海打刺乾盭平灘十一所長樂廣寧等六監苑固原州土遊官軍見在通共一萬九千三百九十八員名又選中正遊守等營家丁共二千一百五十五名除本色糧草外實用折色銀一十二萬一千二百四十七兩所屬倉場每年額入民運銀一十二萬九千七百七十餘兩屯糧銀二千八百八十二兩本色糧五千一百三十

卷二

十六

三石草七千八百二十九束以上俱主兵應用雖總計該銀一十三萬二千六百五十二兩節因民運逋負屯糧拖欠大約每歲實解銀不及八九萬不敷支給以致拖欠各衛所少者一二十箇月多至四五十箇月俱無從處補近該軍門革去中正二營夜不收四百名馬一百匹每歲減銀一千九百餘兩每歲防秋總督軍門各營兵馬防禦修邊遊守等營兵馬住劄紅古城彭

陽等處擺守約有兵馬一萬二千一百五十餘員名此防秋之客兵也十一月終河凍調發遊兵一枝赴一條城正兵營督同西安等衛官軍共七千餘騎駐劄靖虜打刺赤平灘三處擺守黃河遊兵一枝并固慶二路守備秦州修邊營兵馬駐劄紅古城乾盭池西安州海刺都四處城堡設伏應援并軍門調到各邊旗牌官軍等項約有一萬六千七百二十餘員名此防冬之客兵

卷三

十七

也至二三月間動調各營兵馬俱赴固原鎮城挑選入衛遊兵及經過白馬黑水等倉與固原州倉駐劄關支錢糧此入衛之客兵也以上三項通共每歲約用銀六萬七千兩至於大虜入犯調動兵馬難以數計先年每歲分派盭銀一萬二千二百餘兩京運七萬餘兩以上二項俱應支給客兵近將工本盭銀三千九百六十餘兩停革四十二三四年解發固原京運銀僅有

四萬餘兩不敷支用該軍門禁單各營官軍經過西安州等處非百里不支行糧料草又單去塘軍五十二名馬五十二匹又將固原守備原統西安等衛馬隊官軍二百員名發回本衛以免行糧料草又查得固原中東西三路遊兵官軍各三千員名輪番入衛舊規將下班官軍分布各屬城堡防冬近議將來年入衛兵馬三千存留原駐衛所養兵秣馬免其防冬節省行糧

卷二

十八

草料計前四項每歲減省客兵銀四千餘兩此客兵應用之數也在臨鞏兵備道屬主兵甘州中護蘭州二衛甘州辟牧所肅府儀衛司工正所官軍實在官軍五千七百九員名河州主兵河州衛并歸德千戶所官軍實在官軍五千九百一十四員名每年支本色糧五萬七千餘石折色糧銀二萬六千七百餘兩本色料一萬餘石折色料銀三千五十餘兩本色草二十三萬一

千餘束折色草銀五千五百餘兩以上係民運等項錢糧內支給並無動支年例客兵防秋防守會寧青家翟家嘴乾溝郭城安定西鞏科溝灣清水定遠金縣天城葦子灣等處地方駐劄防秋三箇月原擬馬步官軍共二千四百七十一員名內除會寧定遠葦子灣地方不係百里以外不支行糧旗軍四百三十三名外二千三十八員名計三箇月共支糧料草該銀三千

卷二

十九

一百餘兩防冬防守一條城什字川買子桑園兒安寧鹽場西古城積積灘窄道黑天城等堡地方駐劄防冬三箇月原擬馬步官軍共九千八百五十六員名內除本鎮人馬防守積積灘天城安寧鹽場桑園兒等處非百里以外不支行糧二千七百三十二員名外七千一百二十四員名計三箇月共支糧料草該銀二萬五千六百六十兩以上防秋防冬二項官軍每歲共

該銀二萬八千七百六十餘兩俱先期動支庫貯年例銀兩并益引召商易買其糧舊用黃米小麥二色燕支每石米該價銀一兩以上其草上年因時歉草貴亦求用價二分六釐遂以為常節年未減今自四十四年為始糧每石值銀八錢草每束遠者二分九釐近者二分五釐共減銀三千一百六十餘兩及每年各軍到日先後不齊逃亡事故等項仍捏虛名冒領今皆設法

卷二

二十一

稽查照名給散大約通共減銀六千餘兩以一年計之除淮浙鹽銀三千八百三十餘兩外與奉例停革工本鹽銀一千五百五十餘兩尚該年例銀一萬八千餘兩在洮岷兵備道屬洮州衛主兵官軍共四千四十六員名每歲該支糧料共三萬六千八百九十九石銀八百三十兩額派民運銀二萬九百三十五兩屯糧五千三百四十九石每年雖餘銀四千四百五十餘兩

俱在各州縣拖欠今革去不係百里以外傳塘夜不收八十六名該口糧銀二百二十餘兩又革去原調秦州衛禮店所防冬二箇月官軍一百三員名支糧料草銀一百一十餘兩裁減老幼軍伍五十三名每歲該糧三百二十七石岷州衛主兵官軍四千七百八十七員名每歲該支糧料五萬六千二百八十五石銀六百四十五兩額派民運糧四萬二千三百三十二石屯

卷二

二十一

糧七千二百二十七石草一萬八百四十束裁減老幼軍三十五名每歲該糧二百一十八石八斗其年例銀九千一百八十七兩專備防秋兵馬支用西固城千戶所主兵官軍共一千一百三十二員名每歲該支糧料銀五千三百六十二兩額派民運銀四千九百六十六兩屯糧屯草價銀五百七十四兩民糧二百七石階州千戶所主兵官軍共一千八百九十餘員名每

歲該支糧料一萬六千四百餘石銀三百
二十餘兩額派民運糧八千三百九十餘
石屯糧五千七百餘石草價銀六十餘兩
文縣千戶所主兵官軍一千八百二十六
員名每歲該支糧料一萬八千二百七十
餘石銀四百一十餘兩原額民運糧一萬
二千二百六十餘石屯糧五千一百七十
五石以上並無客兵年例銀兩逃亡老弱
隨即收補年例客兵銀兩歲有定數時不

卷二

三十五

可缺相應照舊在分守關西道屬平涼衛
實在兵馬在衛者支給本衛屯糧僅足勾
用赴邊者支給在邊行糧其中遊二營新
軍五百八名內除退回無力騎征五十九
名實在四百四十九名并步操修邊新軍
三百五十餘名共該支京運銀三千五十
餘兩原係議定之數無可裁減在分守河
西道屬王兵慶陽衛并環縣所弘化等驛
所各墩守城守備營萬安苑官軍并嘉靖

三十年奉例抽選入衛新軍通共六千一
百二十餘員名每年共支本折糧五萬九
千三百八十餘石料豆一千二百八十餘
石草四萬二千八百餘束原額歲派本色
屯糧二萬三千六百餘石豆一千二百八
十餘石草三萬五千八百餘束民運折色
糧銀一萬八千五百四十餘兩除前項官
軍支給外剩民運銀六千五百一十餘兩
客兵環慶槐安走馬等城堡防秋三箇月

卷二

三十五

共八千四百四十九員名共支糧料草該
銀一萬七千五百三十餘兩如防秋各堡
并入衛往還兵馬寧夏定邊防禦修邊等
項客兵大約一年之中一十二萬六千有
餘共支糧草料該銀二千六百餘兩通共
每年該銀二萬一百四十餘兩內除將前
支剩民運并歲派淮浙鹽引等項銀兩駁
用外連奉例停革工本鹽銀一千七百四
十餘兩尚該補發年例銀八千七百餘兩

以上年舊規合用銀一萬七千五百兩今以數計之裁減銀八千七百四十餘兩至於有警調遣應援兵馬出於數外於民運糧內節省銀六千五百餘兩其客兵應用錢糧俱係一定之數再無別項可減總計各道所出之數如彼所入之數如此闔鎮所需軍糧主兵取給歲額民屯客兵仰藉京運並引每歲該用銀兩除並引銀二萬四千餘兩外仍該銀九萬五千餘兩今止

卷二

三十四

額發年例銀七萬三千四百五十五兩五錢先年商通無阻京運以時平時僅可支持至於秋冬調發猶有匱乏之請邇來並引壅滯商人告累屢歲不完頃該部議將工本並引停革其應發年例自嘉靖三十五年起到四十五年止積欠銀二十五萬三千五百五十三兩五錢屢次請討俱未解發是以客兵所需不敷皆借主兵之餉積累至今衛所老伍軍糧拖欠數多

馬嗷嗷待哺營伍日漸疲弱頻年聲息稍緩費止如常倘遇警急動調策應則緩急何所取給且欠數日益增多含憤蓄怨亦非所以安邊圉營伍之心也今各道多方樽節已減省銀共一萬八千餘兩此外皆經常實費雖年例盡解猶少二萬二千餘兩豈容於此數內更議裁削以貽增劇之後慮乎如蒙

卷二

三十五

皇上軫念固原重鎮關係全省兵馬芻糧原無虛糜乞勅該部再加詳議上請將該鎮年例銀兩查照舊額及時解發仍將以前積欠未發銀兩每歲量補十之一二以抵各衛所缺糧官軍一二月之數庶工馬克實鎮兵消意外之虞邊方賴藉而虜夷無乘間之逞矣

舉劾方面官員疏

竊惟藩臬之臣所以網維庶務表率有司所關甚重陝省地方廣濶設官獨多此時

格心於維新之化致謹於嚴核之餘爭相
砥礪以赴功名之會抱忠敬之忱者誠多
然乖舛拘局純疵不相掩者未盡無也臣
待罪經年蓋嘗察其心行而甄別之矣如
布政某溼養定而素節堅持才思優而世
故練達敷歷既久隨在騰聲毅直不阿宦
跡多蹇簡以剝劇責成於僚屬而甄別尤
精抑而彌光致慎於收支而姦弊盡革參
政某本英敏之才而出之以毅有沉著之

張二

二下

蘊而守之以廉贊帷幄之籌秋防允賴擅
仁明之譽政績懋昭又某春容儒雅之度
易直明敏之才織造嚴工作之勤懲倍加
精密驛傳察衝疲之勞費畫平侵漁久暫
不渝崇卑一節參議某高潔不群明通有
用法紀飭而郡邑嚮風約束嚴而盜賊屏
息浚泉之利澤既溥築臺之威武丕宣右
參議某持身推重蒞事周詳和惠宜民頌
橫因之欽跡節庶率下訟獄咸賴實成又

某器宇恢弘才猷豁達議地方之興革洞
悉隱微解嘯聚之頑真無煩兵甲威宣紀
法惠溢撫綏又某溫文有度明作多功吏
治精而問斷得情飭之文學操行潔而關
防逾慎益以謙冲副使某器厚而端凝
行周詳而恭謹密河防固城堡嚴外侮之
侵陵儲兵餉召益商覃西陲之威惠食事
某養盛而行裕文蔚而思清敦行誼以作
人率知趨向懸鑑衡以較藝明析秋毫允

張二

二下

孚多士之心克稱師儒之選以上諸臣皆
賢能昭著所當薦揚者也參議某志向頗
銳機警亦多惟英茂而未諳故驕揚而鮮
實通舟車省脚力議非不嘉徒致勞民傷
財因之中寢核軍伍慎關支始亦稱善不
免扣除公費卒以招尤每喜事而驟更輒
無益而有損且榆鎮各項出納動至萬餘
未明而該道職專兵糧乃其本管重務知
而自若寧無涉於嫌疑惜曰不聞將馬用

乎按察此一臣者在任不協人心遷官漸騰物論所宜改調稍裁抑以示曲全者也

舉劾有司官員疏

臣惟政化之隆汙視生民之休戚生民之休戚本守令之賢愚誠得其人則刑罰中而賦役均安田里而享樂利一方允有賴焉否則閭閻咨嗟嘆疾仇不暇奚望與民相安興化致治此臣於秦中三任藩臬經年拊循度地方之繁簡難易既已稍諳

卷二

二十八

察民情之向背得失信不可掩茲當離任謹核實而 上陳之訪得知府某器宇端凝才敏練達關防續密錢穀釐出納之弊而遠近德其公平法律精詳訟獄悉幽隱之情而上下服其明斷正身以率僚屬威生於廉約已以先庶民節以行愛又其老練之才寬平之政悉心節愛而疲郡來蘇迭用柔剛而強宗見化既安舒而不惑更堅定以有恒同知某貌古朴而內秀守堅

定而才優委委監署邑務規為隨事宜民勤解納撫逋巡緩急安常達變又其端慎老成忠信明決確乎定見惕之以勢而不阿凝然主持嘗之可欲而無染應 朝絕科擾之議署府遺子惠之懷推官某本清修之志而出以明爽之才有果敢之能而守以謙虛之益論人審清濁之辯不事深求讞獄察微暖之情每多平反又其文能飭政靜不雜於喧囂善不近名誠無俟乎

卷二

二十九

矯強威儀敬慎恂恂猶自儒生擬議精詳斷斷真如老吏知州某精銳之資嚴明之政廉隅謹飭起敬憚於僚屬吏民法紀堅持遵禁例於催科聽訟又其志向端潔治行精詳省刑罰人以無冤重農桑俗知務本且一任已踰兩考信雅操不逐世情又其誠心直道節用愛人明敏而操持尤甚老練而幹濟有方上下孚心姦頑帖服知縣某茂年練識雅度通才區畫當而糾紛

不眩操切嚴而姦弊莫容度糧田使輕重
適均議輸納則官民稱便又某志切功名
才優吏事保甲行而守望有賴四境乂安
催科善而逋負多完一時擅譽又某才本
宜今心尤好古克寬克猛而盜息民安不
援不陵而上信下服寓賑濟於工作勤勞
愛於催科以上諸臣皆廉勤公謹所當薦
揚者也又訪得知縣某性本愚昏行尤鄙
劣任衝疲之邑整頓非才當兵燹之餘休

卷三

三下

息無策始以糊塗廢事漸至貪贖敗名收
糧索大戶之銀劉進朝等各輸伍兩聽訟
利紙贖之罰小趙兇日收數金逆子李華
送黃金得寬其罪姦夫何海鯢白銀反斷
為妻積棍若胡連閻朝隆皆徇私以縱惡
侵欺如周福侯廷祿亦受賄以容奸大拂
人心久招物議又某賦性本剛出政尤疎
師事吏胥牌票擾民而不知覺察賄養老
廉求過邑而莫敢誰何里老稱前堂後

堂見面錢郭修誠欵送詞訟每明供暗放
紙贖銀劉小四催收印簿索紙紅大戶之
咨嗟何忍買辦用刑具各行之憤恨難關
借言受制於親實為同惡相濟此二臣者
官箴已喪衆論不容所當罷斥以警官邪
者也中部縣知縣某事體不達任氣好剛
聽斷多偏淫刑作惡託朝 覲而科欵有
跡聽該吏為之主張因餽送而分派不均
致與史敢於謾罵勾攝公事差阜快至百
十餘人鄉村驚詫群小橫恣致放火燬農
家廬舍告訐喧騰舉動已失人心粗鄙不
堪民牧又某材本柰稅景近桑榆既冒懶
而無為復多病以廢事吏胥奸弊已極簿
書寢閣無稽訟獄曲直不分民生手足何
措且治境與家鄉但邇關節易於交通而
礦洞結頑橫相尋縮胸不能禁戢此二臣
者所宜降調開散以責改圖者也
薦舉教職以飭學政疏

卷二

三二

臣惟學校者人才所自出方今濟濟在位
贊養化理孰非師儒之所教育夫惟不得
其人此教之所由以廢也其間迺有不移
於卑陋之習而卓然懋成已成物之志者
可無優異之典以風勵儒林哉竊見教諭
某學可淑人桃李門墻莫不樂其啓發誠
能動物充邪兵剽獨能保其室廬要從政
之功能應奮庸於遠大又某年茂而克勤
文藝志端而力懋修持義利之辯既明心

卷二 三十一

安卑薄上下之交以禮跡遠阿私又某置
身禮義之中一心無累造士範圍之內四
教克勤儒林之選既優政事之才亦裕又
某手儀出衆桀驁是循文敷邑而思深氣
春容而行潔力辭邑篆雅薄紛華又某器
宇整飭識趣高明夙負文名冠京闈之髦
士暫安歲命允用世之清才此數臣者驗
其學術之小試皆以盡職盡心察其意志
之不凡必能立身立政所當薦揚以備擢

用者也

舉劾武職官員疏

竊惟保疆圉以壯 國威者存乎兵馭士
卒以倡勇敢者存乎將方今良將之需甚
急而西土又用武之地臣嘗察行誼於平
居無事之時而充試材畧於臨戎防禦之
日似亦稍得其梗槩矣訪得參將某英銳
有為機警多算遇擢執而身先士卒三軍
樂其苦之同處番前而力却餽遺諸部感

卷二 三十一

清平之惠又某奮跡行間數蒙矢石忠信
無煩於文墨驅馳不懈於老成守鎮靖以
無虞備固原而益慎又某謀勇兼資志操
並勵恤士卒有威有愛勤訓練可守可攻
備諸機宜隔河嚴堵截之畧身嘗戰陣近
地多擒獲之功都司某性資爽朗年力精
強省費以恤軍痛裁積習之弊慎行以防
吏尤識政體之宜談沙漠之虜夷如指諸
掌昇邊疆之將領必殫厥心又某本武勇

之資騎射閑習負奮迅之氣號令嚴明稽
查實而撫愛多軍感投醪之惠防檢慎而
督率謹身無襲綺之風遊擊某性資朴實
膽氣驍雄控躍素優遇虜率先騎士紀律
既整擺邊克振威聲守備某力精騎射畧
本韜鈴威振羌胡雅有膺揚之氣素諳邊
務方圖馬塞之勲指揮某行勤而事每適
宜志遠而行不隨俗提兵環慶軍士歸心
防守商於曠徒欽跡又某年力精壯武藝

卷二

三十四

熟隲掌印科索無聞應接尤敏兵防分布
有法機警復多千戶某曾隨戰陣頗諳邊
情計議有條廢政也糧咸濟心行不苟修
橋節費無私以上諸臣職業不同器識亦
異要之皆堪適用可克總副參遊之選似
應薦揚以備錄用又訪得遊擊某起行伍
而機警知兵經戰陣而功能頗著累官漸
顯志意已懈於宦成歷歲近衰情欲遂忘
於戒得指秋防更換把總所需動致千金

尅班軍馱馬料銀總計不下數百本以不
揚之貌老云亦見侮於人頃當瘞厥之餘
將來必無濟於事此一臣者職業既墮邊
防無益所宜憫其積勞姑令解任以終餘
生指揮某貪婪不檢沉酒日滋加收征戶
納銀每令加四加五梁玘等告許可查刁
勒應襲禮物甚至一名十兩王以寧輩怨
忿未已接台紅帽細物也每屯科索三兩
他可類推及點催糧公事也每名見面八

卷二

三十五

錢數積不少問刑之通明之見僅資紙贖
之需馭下無紀律之嚴徒取狎侮之辱此
二臣者所且革任仍行提問以示警戒庶
忠勇者有勸而益奮縱廢者知警而改圖
武威振而邊防嚴矣

增修極衝邊垣墩堡報完疏

據固原兵備副使王宮用會同陝西總兵
官呂經開報修完靖虜裝家川邊工文冊
呈報到臣查查為增修極衝邊垣墩堡添

設守備官兵據地險扼虜患慎固河防以保安內地事先該督撫會議題稱靖虜地方直至寧夏中衛切近虜巢最為衝險中間通賊要路在東則大廟呼囉馬尾劉家寺兒大碾子八泉吉三灣在西則小紅溝硝水紅莽牛七里口紅柳樹李智壩李哈刺峴迭烈遜一盃泉等處然溝面不寬山崖陡峻惟黃羊坪裴家川一帶實居諸隘之中離河四十餘里南枕雪山北接劉家

卷

三六

寺兒溝口東臨旱平川白崖子亂骨堆鎖黃川山勢斷落川原平廣水草便利正與河外虜巢大小松山蘆塘湖相近而五方寺沙金坪則又在其指顧襟帶之間矣猾虜頻年大舉入寇必先聚結於此然後分兵諸隘以入此其總會要害之地也大率以裴家川適中為主自扯木破舊堡河口起至五方寺塔兒灣白草川墩止共長二十里沿河築邊一道每二里築敵臺一座及

於順備適中築小堡一座又於裴家川背山面河築大堡一座議設守備一員駐劄其中提調沿邊以據大虜聚結總路其餘東西隘口或修舊垣或築新牆或添墩堡或立月城或創雁塹通計邊牆二十五里零二十六丈敵臺十一座裴家川大堡一座順備小堡一座哨馬營二座月城三座共約三十四里零三十六丈約用軍夫一萬一千有奇計一百四日可完除架梁客

兵馬匹料草不計外共該糧一萬八千七百餘石鹽菜銀六千二百四十兩通計以二萬五千兩之費勞一百餘日之工修三十四里要害之邊以收三百餘里河防之險外控強胡內屏諸郡况舉歸併之餘卒分撥新立之營堡官雖設而兵不加增備已周而糧仍舊額天險既固地利可興費小而利大暫勞而永逸籌邊之計未有便於此者合用銀兩查得固原州庫見貯修

逆民壯銀一萬三千餘兩堪以動支并靖虜等城堡防冬標節糧米八千餘石通融支給乞勅兵部查議隨該部議覆題奉欽依備咨前奉該總督右都御史戴議將節年原派擺邊官軍內陝西正兵營撥撥二千及靖虜副總兵劉濟下見在馬步官軍隨行陝西總兵官呂經俱發裴家川做工不敷之數再於平鳳各衛所查明節年各軍勞逸酌量派調共計一萬餘名及整築梁兵馬隨帶合用器具擇吉破土安設窩舖以便棲止并將同原州收貯民壯銀兩見在糧米陸續動發委官解送工所及行委靖虜副總兵劉濟提調架固原東路遊擊陶承譽分管築城原任參將孟霖戶瀛分段築牆仍責成王宮川總理稽察呂經常川調度務要催併官夫建築堅固以垂永久又節經分等犒賞以恤勞苦及委官不時查閱撫慰催督去後今據前因臣會

同議照裴家川居靖虜之北在中衛之南適套虜往來要衝委蘭固東西門戶向因險隘未設其中雖有膏腴田地萬頃人莫敢種今幸皇上軫念邊防重計特允前議而督撫戴等恪遵明命督調軍夫轉運錢糧悉心區畫行委各官料理修築計不滿三月之期完四十七里之工較諸原議省銀六千餘兩加多一十三里荒涼草莽之境遽成保障之雄所據宣力效勞文武官員照部議錄叙以示激勸如陝西總兵官呂經固原兵備道副使王宮用此二臣皆當重加叙賚靖虜管參將事副總兵劉濟固原東路遊擊陶承譽原任參將孟霖戶瀛此四臣當併叙賚原任守備張應祥經歷楊橋主簿李縉各營千總官土邦安朱官韓守仁榮徵陳卿張羽陳保吳瑾各營把總官黃佩楊應元王勳羅

宗朝李承光孫昂陳實齊世勲馮恩趙梁
 鄭表范忠陳尚節鄒成石洞田濟民蔣天
 恩劉勲石寧聶續宗馬應武虎榜鄭重此
 數臣者似應行臣等量加犒賞者也及照
 總督陝西三邊軍務都察院右都御史戴
 忠誠體 國殫力悉心亟成邊塞之工
 永貽安攘之績且工作不踰三月省費多
 至六千先任總督都御史今陞南京兵部
 尚書王 虛心博訪建議增修先任巡撫
 陝西右副都御史今陞南京戶部右侍郎
 楊 天心協謀卒成保障此三臣者似應
 特加優異者也若臣交代未幾倉惶奔走邊堡
 幸爾告成職分猶慙未稱何敢言勞伏乞
 皇上俯念邊防增修之難錢糧節省之多
 勅下兵部議擬上
 請施行庶人心益知感奮而邊防日見整飭
 矣

臺省疏稿卷之二終

臺省疏稿卷之三

議包軌城以重省會復洪堰以興水利
疏

據陝西布政司呈繳造完脩過陝西會省
 城垣一座除敵臺瓮城女牆原係軌包外
 今用軌包完周圍四面共長三千八百四
 十六丈三尺高三丈四尺并用石條修砌
 完涇陽縣洪堰大龍口大王橋天澇池白
 公渠王御史南口北口西岸篩子洞水磨
 溝橋工程九處及將龍洞西岸等處量加
 整理仍添修龍王廟功臣祠察院府廳各
 一座及支用過錢糧軌灰石條數目文冊
 并總理管工效勞官員職名分別等第緣
 由通行呈報到臣卷查先准兵部咨該總
 督撫按等官王崇古等題稱陝西省城乃
 三邊八府總會之地而涇水又四縣生民
 粒食之源議包軌城修濬洪堰委於地方
 軍民有益合照前議將會省城垣并涇陽

等四縣洪堰作速興工修築合用錢糧夫役等項悉照所議處辦應用通候工完之日備將修過工程丈尺用過錢糧數目并將效勞官員分別應獎應賞等第一併造冊奏 繳青冊送部查考等因覆題奉 欽依備咨前來已經備行布政司并守巡關內清軍三道通行西安府并咸長等州縣動支錢糧買辦柴炭燒甄并易石條灰鐵等項起撥夫匠委官修理間該總督王戴巡撫張楊巡按王君賞楊相郭庭梧相繼督催及或設慶犒賞或處發甄灰或稽查驗視各司道府州縣等官交相贊助共期完工用垂永久續據該司并守巡道左叅議李江副使陳善道各呈稱已將城垣洪堰并添修龍王廟功臣祠察院府廳俱已修完城垣足堪保障堰水疏通四縣居民見今澆灌田地及稱二項工程因蒙撫按各院并布按二司及各道府州縣等官設慶

銀糧甄灰柴炭等項湊濟應用及各委官臨時樽節共支剩銀六千二百四十二兩三錢零糧三十一石零柴二十五萬四千九百餘斤石灰二十一萬三千三百七十七餘斤甄一十二萬四千餘箇斗灰一千八百二十二石零斤灰一十一萬七千八百三十三餘斤石條三千五百丈一尺零鐵銀錠二百五十六箇藍灰八百六十餘斤緣由前來除將修過城堰工程用過錢糧數目備造文冊另行 奏繳青冊咨送兵部查考支剩銀糧發還庫倉料物仍備修理城樓并衝決洪堰應用及效勞指揮千百戶田兩等縣丞典史等官張舜民等徑行該司動支官銀分別等第賞勞不敢瑣瀆 聖聽外臣會同總督右都御史戴 巡按御史郭庭梧褚鈇議照陝西省城乃關中重地自古名都內衛 宗藩外控夷虜上城傾頽不常本非保障永計而涇陽洪堰關係

一方利源生民粒食是賴湮塞既久灌溉無資維時總督巡按諸臣共議興築委為重計幸蒙皇上俞允各官同心協力以致城垣渠堰先後告完二百年未砌之城事如有待歷千載積弊之堰利乃復興所據宣力效勞官員應照部議錄叙以示激勸如陝西布政司先今左布政使栗永祿曹金李敏德原任守巡道左叅政溫如春副使張一霖今任陳善道此六臣者所當重加叙賚西安府知府安嘉善今先同知蘇璜宋之韓原任通判謝銳原任推官劉世賞知縣賈待問薛綸此七臣者所當併加叙賚者也及照先今總督戴才原任巡撫張祉張師載楊思忠巡按御史王君賞李良臣楊相郭庭梧褚鈇蕭廩或建議於前或區畫於後或催督於鳩工之日或措料於不給之時又或綜理查覈共襄浩大工程使屹然金城之固壯觀三秦沛乎洪

澤之流灌溉四縣此十二臣者似應特加優異者也伏乞 勅下兵部議擬上請施行以為人臣任事任勞之勸實亦鼓舞政治之一機也

邊患稍寧及時大脩邊政疏

臣惟夷狄之患自昔叛服無常制禦之方貴在經權迭用頃者北虜款塞稱臣九邊晏然無事我皇上嘉納輔臣之言預圖安攘之計 勅下邊臣使外示羈縻用權宜以息財力內脩戰守謹經常以振威稜經權之道兼得之矣臣待罪西階仰承詔旨敢不竭犬馬之私效涓埃之報除訓練兵馬樽節費用等項事宜會同鎮守總兵官呂經嚴行兵備將領等官着實脩舉外謹將事關邊政重大應合題請者條為五款冒昧上陳伏乞

勅下該部再加查議如果一得可採早為題覆施行邊疆幸甚臣愚幸甚

一曰又任將領以需成功夫制勝莫先於
選將而良將莫先於知兵兵將之情上
下固結而後得其死力若驟更數易未
有不離心僨事者也陝西蘭河州衛逼
臨黃河安寧益場一條城什字川西古
城積積灘弘化寸堯家臺等堡分列河
之南北邊長五百餘里隨處通賊夏秋
河流猶易設備冬深冰結最難隄防又
河州西面之諸夷出沒歸德治境之生

卷三

六

番縱橫將必得人庶乎有賴今分守蘭
州副總兵張傑分守河州叅將張翼畫
地分營互爲聲援皆諳曉夷情善撫士
卒識山川之險易達虜部之堅瑕已爲
得人也若責之久任必有成功但二臣
資俸已深屢騰薦剋恐一旦他轉則重
地未免失人合無將張傑張翼責令久
任俟其積有年勞或建立奇功聽臣及
總督叙薦加秩仍留任事庶人有固志

功效可圖

二曰申嚴盤詰以防不虞往年北虜密遣
被虜華人更變衣帽扮作僧道乞丐潛
入內地躡我道路覘我虛實引領虜酋
擁衆內犯前此邠延之深入筆架城之
殘破瓦渣梁之殺戮罹此患也今既聽
其互市中國紬段絹布彼皆有之若
比依式樣做成衣帽密令擄去茲細穿
戴潛入境內服色語言混然無別我既

卷三

七

不防被盜無忌不但沿邊諸鎮雖腹裏
城市亦得直行窺伺萬一變生意外將
若之何則盤詰之令在今日誠不可須
臾懈也合無再行申嚴備示各邊將卒
但非開市之時不得縱放一人入境使
虜中咸知此意不得藉口生釁仍通行
督撫大懸賞格嚴督沿邊將領并各軍
衛有司城堡關隘務要比常加倍嚴謹
但有踪跡詭異瞻視殊常面生可疑之

人就便讖察來歷果係姦細送官究實具奏獲功之人照例陞賞至於效順來降明言投見者不許一槩妄拿冒功以阻向化之心其各營軍士通事家丁除出邊偵探外平時不許胡帽胡服故為虜態仍各置小木圓牌一面上書本人姓名年貌籍貫官為印烙時常懸帶以備閩查違者以軍法網打庶華夷易辨奸宄潛消

卷

八

三曰添設防衛以固城守凡虜入犯不敢輕易攻圍城堡者所畏火器衝打與礮木礮石撞擊我軍防禦亦恃此為長然舉放便利非敵臺則人難施力非敵樓則身難藏躲數者皆為喫緊查得所屬沿邊城堡舊有樓臺者十之四五而原無者十常六七今不趁此閑暇逐一增置以後能無失時之悔合無行臣通行沿邊兵備等官將禁管城堡逐一查閱

除舊有敵臺敵樓火器等項堪以防禦外其原無者嚴督府衛州縣操把等官起撥人夫每城堡四角增築敵臺四座比城牆懸出丈餘城大者每面適中各增加二座或四座仍量動官銀買辦木料上蓋敵樓使眺望既便擊打尤捷於內安置大將軍及烏銃湧珠大砲多造火藥并礮木礮石各隨城堡大小以為多寡酌量定數事完將修過臺樓用過

卷

九

錢糧造冊呈臣覈實奏繳青冊送部查考仍聽行邊大臣閱視施行庶防衛謹嚴保障有賴

四曰請給關防以革奸弊本省沿邊倉庫錢糧綜理稽覈固在該道而釐革奸弊尤在監收查得臨洮府原設同知一員監收蘭州廣積等六倉通判一員監收河州等三倉民屯京運監引等項錢糧各歲至數萬不為不多不時收納支放

不爲不煩其間虛收實放詐冒侵欺千
緒萬端不可枚舉一向因無印信呈上
行下皆止白頭公文其諸卷牘簿籍抽
換洗改何所不至况延寧一鎮三路監
收通判俱有 欽降關防惟蘭河二處
尚未 請給合無乞 勅禮部將蘭州
河州二處監收官查照各邊事例
請鑄關防各一顆齎給各官欽遵傳使庶稽
考有憑奸弊少革

五曰議墾荒田以實塞下夫取盈於官不
若藏富於民急則戰守緩則屯牧自古
是邊率用此道方今內地民力已極疲
耗邊鎮軍儲日益匱竭蓋公私俱困幾
於難處陝西三邊延袤數千里地廣人
稀 國初因回虜瘠賦稅不多地荒者
聽令儘力開耕永不起科故塞下充實
地漸開闢已而計以微糧差賦繁重如
以虜賊之剽掠蹂躪年歲之荒早相仍

收獲既歉徵輸愈急所以積漸凋殘轉
徙流移弃置荒蕪日甚一日也節該建
議言極醇切顧議及屯田則許以儘力
開墾三年後起科至議拖欠則又令嚴
限催比盡數完納夫可以開墾之田即
有拖欠之稅既云三年後起科則常年
及拖欠之糧孰與辦納是以人懷畏忌
竟無實效官司雖刑勢驅逼而莫肯從
也故欲開荒蕪必大布寬恤盡免積逋

使民無畏合無照依近日兵部題 准
申明甘肅墾田事例通行三邊撫臣及
臣嚴行守巡兵備等官大書簡明告示
曉諭軍民人等凡願墾種荒田者具狀
投認官給印信下帖付照任其儘力開
墾原係拋荒者永不起科係近年拋荒
者十年之後方行起科其以前拖欠糧
草悉免追徵庶塞下無不耕之田邊儲
有得濟之日矣均乞

聖裁

酌議地方事宜以興治安疏

據陝西布政司呈蒙吏部議將本司添設
左叅議一員管理分守關內道事務原設
左叅政朱卿更令專管督糧驛傳等因題
奉 欽依備行前來欽遵外查得督糧道
原有 勅諭一道尚未議及且錢糧驛傳
事關全省似當比照各道事例 請給關
防以便稽察等因到臣會同巡按御史郭

卷三

三

庭梧劉光卿議照建設職官本以濟地方
之事事權不重無以振玩愒之習全陝八
屬民俗素稱獷悍徵輸自昔稱難驛遞日
凋漸疲積弊亦須振刷左叅政朱卿既奉
欽依今其專管督糧驛傳即催徵錢糧清查驛
遞皆其職業而綜理稽覈事關通省奸偽
委宜嚴防若不增重事權無以作新耳目
况先年督糧原曾奉有 勅諭而近日守
道亦多 頒給關防所據該司照列乞請

勅諭關防一節無非慎重職守之意相應題

請伏乞 勅下該部再加查議上 請頒降

督理糧儲驛傳 勅諭一道關防一顆令

其相傳遵守申飭行事庶職任稍隆政治

易舉其按地方重務必永有攸賴矣

議裁績添兵將以節邊餉疏

臣伏蒙

皇上再造弘恩起自病餘畀以重鎮心切圖報

倉惶入秦即西出防秋及還該行人王勿

慈齋捧 勅諭前來臣謹望

闕叩頭祇領欽遵外伏惟

皇上嘉納樞臣之疏申飭邊臣加意防禦當虞

夷降服之時為桑土綢繆之計憂深慮遠

詳悉丁寧 聖心西顧之念切矣臣東南

弱質疎淺書生何能晚暢邊情圖惟石畫

仰答

勅旨除脩葺城堡節縮軍需申嚴守備一百舉

行外竊見陝西之患不在無兵而在無食

食既不足何可使兵無實用又從而虛耗之若新增參將營所部馬步官軍三千員名係近年巡撫建議湊設徒張標下有兵之虛聲絕無應援守衛之實效似宜裁革以樽節糧餉者也臣謹略舉始末而陳之先年陝西巡撫與鎮守總兵並駐省城至秋內禦防守後虜屢犯河套遂移總兵周原而巡撫亦就彼調度兵食時總督猶未設也 孝廟以來虜占據河套添設總督

卷三

二四

大臣駐劄固原聯絡三鎮官兵增兵置將固原遂稱巨鎮嘉靖十八年該主事許綸具題奉 欽依每遇秋防總督移駐花馬池總兵官駐平虜城巡撫都御史有或駐固原或駐慶陽或駐蘭州之議此遙度之言非曾履其地諳道里而審事勢也竟不可行節年止於防秋之月暫駐固原然本鎮各兵俱屬總督調遣標下無兵故巡撫向無軍務之銜至嘉靖四十一年都御史

裴紳始意將西安左等四衛步隊軍四百九十八名新軍八百六十一名城操軍七百二十二名寄名軍四百一十九名加增月糧與馬軍五百名湊合三千題准添設參將一員統領每年隨同固原防秋迄今將及十年並未效有分寸之勞四十四年臣至彼中但見白水瓦雲瓦亭宜祿等處或一百名或二百名或數十名零星派撒問之曰節年常規若屯聚鎮城恐糧餉不

卷三

十五

繼至今歲則總督衙門先已分派修築鎮戎等處城堞實亦未嘗在固原也夫設兵之意本以壯巡撫出邊之威助固原協守之力而竟散處四旁分工遠地是明知其無益而遣去之顧歲費糧銀不下三千餘兩豈非捐實費而賈虛名紕然而總督撫按不遽言及者以增置有飭武之名而減削貽債事之議慮後人得藉口於此也臣謂全陝地方三邊分守疆界實地內之門

庭巡撫所轄郡邑即邊境之堂與門庭不
 守則八府州縣鎮堡孰非巡撫之責安能
 提三千疲懦之兵往來於二千里之內
 與強虜萬衆較勢力哉且虜不大舉不深
 入其來也迅疾如風兩備東則犯西顧此
 則失彼必俟有警調發比未至而賊已出
 境矣何濟於緩急而每歲蠲資以養此粉
 飾之具乎夫三鎮各宿重兵據守險要陝
 西總兵亦擁重兵往來應援邊兵不能拒
 之於外總兵不能禦之於中乃諉罪於巡
 撫標兵之有無也豈通論哉伏乞

卷三

十六

勅下兵部再加查議如果臣言非謬將前添設
 陝西叅將裁革見任錢炳遇缺改用所統
 馬步旗軍聽臣嚴行簡閱量留馬軍一百
 八十名與見在一百二十名共合三百之
 數選委中軍指揮統領一體操練每遇防
 秋隨臣出邊防禦其餘散歸原衛止食原
 糧庶兵無虛設軍餉少節矣

酌議地方事宜以興治安疏

臣會同巡按御史郭庭梧議照 朝廷設
 官分職本以脩政立事事能兼攝雖裁減
 無嫌於少政有窒礙即增置不以爲多惟
 視地方之遠近衝僻政務之繁簡難易而
 斟酌損益之爾陝西漢南一帶素稱多盜
 商洛之間礦徒時發延平之屬每不完糧
 前項州縣見在各官委難兼管且生儒漸
 盛訓迪乏人如延安府葭州切隣邊境地

卷三

十七

方遼瀾吏目一員糧捕二事不能兼理宜
 復設一判官甘泉縣素稱刁瘠糧多積逋
 宜復一主簿平涼府鎮原縣人民刁頑錢
 糧欠宜復一縣丞俱專管糧務西安府
 洛南鎮安二縣設在山中礦盜常發宜於
 洛南復一縣丞鎮安復一主簿防捕礦盜
 漢中府平利縣萬山環峙寇盜易生宜復
 一主簿專管巡捕其鳳縣沔縣褒城縣略
 陽縣漢陰與西安之盩厔韓城寧夏之中

一第力78册續修四庫全書第1反E句

衛儒學生儒漸盛訓迪不敷俱宜復設一
訓導又如慶陽府管糧通判兼管清軍顧
理不周今查靖邊城堡同知專爲督理慶
陽城餉而設既在該府支俸乃列銜延安
似當改註慶陽不妨原務兼理清軍靖邊
管糧通判應崇元住劄延安地方乃列
銜慶陽定邊管糧通判崔希賢住劄慶
陽地方乃列銜延安道路隔遠管轄不便
宜改靖邊通判於延安定邊通判於慶陽
其應支俸薪等項各照原缺更易及有得
西安府邠州所屬地方宜祿鎮東至本州
西至涇州南至靈臺北至寧州各離百里
之遠四面空野盜賊乘間竊發無所忌憚
且此中數里刁頑應納糧草率多逋負勾
攝亦多避匿該鎮居民屢屢合詞告要建
設縣治但建縣事大費多遽難輕舉宜於
該州添設同知一員住劄本鎮令其緝捕
盜賊催徵糧草處斷詞訟實息盜安民之

急務也伏乞 勅下該部再加查議宜復
者俱照舊復設宜增者查照添設同知通
判准令改註各官合用門皂等役俸薪等
項及宜祿鎮同知住劄公館悉行該司酌
議施行則庶務脩舉上下相安政事人才
兩有裨益
薦舉賢能以備擢用疏
仰惟
皇上臨御以來任賢圖治旁招俊乂摻羅遺逸
一時雲蒸騰舉赴功名之會翊 明盛之
化不啻濟濟在列矣至輪才授事每以乏
人爲憂蓋萬方庶政得人恒切於 淵衷
故孜孜側席之懷猶若有求而無已也臣
等服役於外有所見聞敢不循以人事君
之義自取蔽賢之罪乎竊見陝西布政司
左布政使李敏德素敦實行綽有通才歷
郡縣皆在衝繁錯節盤根夙微利器處藩
臬尤爲卓異威明慎密益闡宏猷矧守身

之嚴渾如處子而宅心之厚可方古人
 翔仕路二十餘年練達老成登進宜無不
 稱向以其父李汝佑曾為靈川王府儀
 賓拘於王親未授京職今查本官父母
 皆以身故且靈川王府因事革襲已四
 十餘年似與近行題准係同祖而妃與
 儀賓郡縣主已故者一體陞除京職新例
 相合况原任本司左布政使栗永祿曹金
 俱係王親已蒙勘明開豁錄用而本官

卷三

三

事體與二臣大略相同臣等竊議李敏德
 語其才識實可躋於大僚而揆諸事體本
 無礙於近例若不一體開豁則本官叨蒙
 培植既久閱歷復多乃中棄於隆棟養成之
 日廊廟需材之會殆非

皇上立賢無方愛惜人才之至意也伏乞

勅下吏部再加查議如果於例無礙將李敏德

一體及時擢用庶賢才不至終抑而政治
 尤有攸賴矣

酌議地方事宜以興治安疏

據陝西布政司呈該左布政使李敏德會
 同按察使曹科議照陝西錢糧之拖欠莫
 過於平涼府而平涼府之拖欠莫過於
 宗室查得該府一十州縣額徵邊儲祿糧一
 十二萬七千九百八十餘石歷年完過有
 五七萬者有三四萬者甚至有一二萬者
 考求其故咸謂膏腴之田地盡為
 宗室占買而應納之稅糧又復恃勢不納合

卷三

三

自隆慶陸年為始每於夏秋開倉之先預
 行所屬州縣將各

宗室見種民田盡數查出就於放給本宗祿
 糧之時即照數扣庶官司免催徵之勞而
 宗室無拖欠之弊等因通行呈詳到臣會同
 巡按陝西監察御史郭庭梧議照陝西地
 方建有

秦韓肅慶四王府始封之時宗儀
 位數大略相同支給祿糧簡省易辦一百

年來宗枝繁衍多寡迥異今肅府景
少慶府次之秦府差多最多莫如
韓府以額定有限之糧供積漸無窮之祿以
是雖多方措處終不能足其應得之數其
勢固不能禁其置買民業但既受民業則
惟正之供自當出辦乃今買占滋多逋負
日甚稅糧之征輸既少常祿之供給逾難
誠有如該司之所云者夫今不處竊恐日
甚一日額糧漸虧民產益促其弊將不知
所終矣所據該司議要將各宗室占買
見種民田應納稅糧於應支祿米內扣除
一節誠為因時通變捕偏救弊之策似應
俯從題請伏乞勅下該部再加詳議
如果與例無礙行下臣等欽遵轉行布政
司通行分守關西關內臨鞏兵備寧夏兵
糧等道通行所屬州縣將各宗室見種
民田應納夏秋糧銀盡數查出備造文冊
一樣二本一本送該道一送應支祿糧平

涼等府及監收官收財自隆慶六年為始
以後每於各宗室關領祿糧之時按冊
照數扣除以抵應納夏秋糧銀之數類總
奏解仍充各該王府祿糧之用庶國家
稅糧定制不至梗廢而宗儀歲供祿石
亦必補裨
悉懼愚陳末議以安地方疏
臣猥以疎庸自副使屢左右布政使兩次
巡撫前後服役關中凡二十年秋毫無補
茲又誤蒙
聖恩授臣於驅馳勞瘁之餘畀臣以簡重清
之職感激圖報惶悚未寧因思陝省地方
之事有一二可以保固邊陲銷弭隱禍者
謹列為四條冒昧上陳伏乞
勅下該部再加查議如果一得可採題請施
行西鄙幸甚臣愚幸甚
一築邊垣以嚴保障陝省東西延袤數千
里北面皆與虜為隣近年入犯多在延

綏之間嘗計榆林一鎮西自定邊營東至黃甫川約千五百里內設城堡三十八處橫截河套隨處通賊無險可恃節經諸臣建議屢奉 欽依修築大邊以爲屏蔽自西而東分爲三段興築西段已完三百餘里又築鎮城迤北大墻五十二里今定邊一帶與鎮城迤南魚河歸德等處得免乘寇襲掠之虞以此也其中東二段俱因財力不敷尚未舉修

卷三

十四

顧東段依山阻溝稍爲剝削尚可倚恃惟中段自龍州城起至無定河止約一百九十餘里沙灘平行難以防範由懷遠清平而入則安定安塞延安等處當其衝由威武龍州而入則保安槐安走馬城及慶陽等處受其掠先年虜由鎮靖夜犯直抵筆架城攻城陷堡往事可鑒已經虜酋順化邊塵既息我得專意版築無架梁防護之費以該鎮萬五千

人計之大約經年可以訖工口糧鹽菜約費銀七八萬比於西段迤延二十餘年方得告成者遲速不侔矣此邊既成夾道田地軍民得以盡力耕作徵輸易完食足兵強利莫大焉臣獨恐徂於工食之艱而失此事半功倍之機會異日歎爲而不可得悔無及也伏乞

卷一

十五

勅下兵部早爲議覆行令總督并延綏撫臣將前未完邊功速爲計議起派軍夫合用口糧鹽菜等項之費動官庫之積貯并容兵之所省又或不足請發京運不過捐二三十萬金成此千百年之保障實聖皇安中國而弭虜患之大烈也伏乞 聖裁一定統轄以銷隱憂臣聞晉天之下莫非王土率土之濱莫非王臣今天下大一統及地一民皆屬 朝廷分布庶職孰非 朝廷之臣也以臣治民則天下一家之心誰獨無之何寺苑牧軍之議猶

紛紛未定。臣竊憂之。嘗考國初陝西建設行太僕寺職專印烙并追補官軍戰馬。又設苑馬寺并各監苑孳牧馬匹。俵給三邊騎征立法至爲精密。嗣因生齒日繁。建置州縣衛所疆域既分。苑圍漸革。止存二監七苑。屬之陝西撫臣經理。又設巡茶御史專理漢中四川等處茶課。招易洮河西寧茶馬原與二寺不相統攝。弘治十七年因遭虜患。牧政廢弛。專差都御史楊一清督理馬政。清查苑牧實有荒熟地一十二萬餘頃。分界立碑。因地課馬。三年之間。馬政稍稍振舉。既而傳差御史拜行本官兼攝。後本官陞任總督。題請復差御史巡茶兼理苑牧。然二寺尚聽軍門考成。以後職掌漸更。各院軍門互生猜疑。自御史李閔師存智王果互相執奏之後。分土分民藩籬愈固。嫌釁滋多。積至今日。若謂

督撫按院皆不得干預矣。先臣楊一清亦嘗有此疏。彼時牧軍僅七百餘。多方招募。款足三千之數。爲每軍十馬。牧養三萬之數。今牧軍已積至數萬。何止十倍於昔。顧所牧之馬。不過數千。闔省軍民以苑監爲逋逃藪。日投月匿。漫無紀極。白晝攫人昏夜穿壁。有司不得追捕。該管庇護容隱。釀成禍患。莫知所終。近該總督王之誥議徵租銀四萬餘兩。奉有欽依。竟不能行。委官清查迄無定論。夫徵租本以抵餉。今日二年矣。嗷嗷待哺之軍。仰望不可必得之食。固原兵備道爲諸軍告急。至再至三。情極迫切。即目前已難保無他虞。而善後之策。可不亟爲之圖乎。伏乞勅下戶部。先將隆慶六年分固原鎮應給年例查照速發。以安人心。仍行巡按查盤御史作速清查。定擬餉銀。責成監寺。立限追徵。已

完之數德抵京運以後一如軍衛有司
聽巡按巡茶官巡歷其地考察各官贊
否比較馬匹租銀遇有勾攝不許占恡
違者叅奏拿問一體施行庶消癰腫
脉絡貫通開牧無妨軍民有賴
聖澤亦普徧而無遺矣伏乞 聖裁

一通益法以順民情竊惟益乃民生日用
之不可缺而權益以資 國用實天地
自然之利也然非通商以導利則壅滯

卷三

三

於民間適所以妨國計而失永圖矣
國初河東解益額行山西河南二省并陝西
西延鳳漢四府陝西花馬大小二池益
止行平慶二府節經言官建議兼行鳳
漢纔行遽止地方軍民深為不便先該
巡按御史王君賞建議要將延安一府
專食池益西鳳漢三府兼行解益及事
不會議疑於沮壞解益恐虧額課止往
延安專食而三府兼行之說竟寢今大

小池益除原定額課之外每有盈餘限
地既狹滯於食少河東解池自往年恭
兩衝決水淡益薄撈曬既微新舊不繼
一時益價騰踊日下西安地方斗益三
錢鳳漢之間漸增至倍其他行食池益
郡縣每斗不及一錢欲通融則事例重
不敢犯平市價則輕重迥不相侔均一
秦中疆界人民櫛比壤接事罔弗同而
獨以飲食之需使客嗟不平豈

卷三

三

聖朝公溥之化邪夫天地生物每消長無常
而立政宜民貴隨時通變以此有餘濟
彼不足順民情足額課在一轉移之間
何憚而不為也且人情之趨利猶水之
就下雖赴湯火觴厲禁不惜今益值相
懸如此即貪橫奸究之徒能保其不出
於防範之外而玩法以逞乎伏乞
勅下戶部再加查議轉行河東巡撫御史將花
馬池益許今暫行西鳳漢三府地方發

責俟解池產鹽如故榜曬充足仍照原議
兼行惟在商民兩便不必拘執彼此若
恐虧短解鹽額課就以池鹽量加引數
或更增價值以抵河東之數未為不可
鹽法既通民情悅服國課自無虧損
伏乞

聖裁

一分責任以飭政務臣惟庶務脩舉責有
專責責任不專則人心屬望無所適從

當官應務不免推諉在平靜之日簿書
期會既已不便值有事之際安危緩急
關係豈敢小哉查得陝西布按二司額
設守巡關內二道總轄西安府屬六州
三十縣後因地方濶遠礦盜生發管理
不周撫按官題 准添設撫治商洛潼
關兵備二道分地駐劄鎮壓奸宄今商
州洛南商南山陽鎮安五州縣分屬商
洛道專管分守關內道不復接預其間

其潼關兵備道原奉 勅書明開提調
潼關衛及河南閩鄉靈寶二縣陝西華
州華陰同州朝邑四州縣白水郃陽韓
城蒲城澄城渭南六縣山西蒲州并蒲
州守禦千戶所所在官軍民快時常操
練保障地方修濬城池禁革奸弊問理
刑名除山西河南州縣刑名事務各有
該省守巡專理外在陝西同華等十州
縣一切刑名等項庶務應聽該道專理

卷三

三十一

祇緣分巡關內道近奉 勅內亦載有
前項州縣遂各分屬管理遇有地方重
大事情委之查勘則彼是此非議論不
一率多牽制往年韓城巨盜竊發流毒
兩省是時分巡副使柳希玘與潼關副
使周世遠互相推諉遂致蔓延雖經動
兵勦滅然勞師費財釀成禍患不小矣
况所載六縣俱在省城東北與同華
連潼關道最為切近軍民訶訟催

攝巡歷糾察官民兩便所以亟行更正
無疑也然臣於此地尚有私憂過慮焉
潼關迤南皆深山窮谷東為河南之永
寧盧氏嵩縣西為陝西之山陽商南洛
南與華州華陰閩鄉靈寶諸處依山結
聚之徒一呼四集動至數千計成則盜
挖礦砂去如鼠竄犯之則剽掠殘殺驟
若烏合頻年漸無忘憚今河南分守住
劄洛陽商洛分守駐劄商州與潼關正

卷三

三

如昂足前項地洞皆在囊括之內若將
守道各兼兵備憲職操練衛所防守官
兵州縣額設民壯申嚴保甲振肅兵威
無事各守地方遇有礦徒嘯聚三道併
力夾擊則先聲所至自足以懾服愚頑
縱有意外之事必不敢逸出貽患矣伏
乞 勅下吏部再加詳議將潼關道
勅內原在六縣聽令管轄仍將以後 頒給關
內道分巡 勅內查照除去俾無重複

聖裁

以便遵守其商洛河南二分守道應
如臣妄擬定議施行地方幸甚伏乞

卷三

三

疏稿卷之二終

申嚴運務疏

臣查得浙東等處運糧把總所屬衛所節年領運漕糧中途遭風漂流及旗軍侵盜以致臨倉掛欠年復一年積累日深良由旗甲不得其人近來衛所不公皆由府選然府官勢分懸隔軍旗虛實既不周知况非切已利害視點選為故事不肯秉公詳慎以致殷實之人愛惜身家或納充吏承

卷四

或投靠勢宦或倚恃生員監生多方躲避而積年姦頑者又樂於克補今年新金之役即舊年侵盜之人又撐駕眾軍每不足數一船或四五名一二名或全無二名延至三四月間允期迫促修駕缺人旗甲隨處雇倩本係烏合之人通同侵盜勢不能免須委公正有司徧歷各衛所着落掌印指揮千百戶吊取軍冊不分此種城操及官吏監生承差知印除本身外其餘戶丁

俱聽從公揀選以殷實一人為旗甲精壯純實者十人駕運每船務足原額一十二名敢有故違占恠者許令本官叅究及照旗軍駕運遠出父母妻子皆賴月糧養贍各總屬如處州金華衢州三衛所每年預給六箇月糧以濟起運其寧波台温等衛俱經年不給以致衆心不服易於犯法及責陪補輒先逃走無產堪變貽累各官似宜通查各總額運軍丁除預給六箇月糧

卷四

外其餘六箇月糧仍除四箇月給散各軍安家扣將二箇月每石折銀伍錢與欠糧同船軍士全年糧銀俱給付該年運官領解司府掛號轉發該總隨同新運解京完補掛欠漕糧先該臣接管之日即已翻刻議單分發遵行及查將前項切要之務責成管糧守巡兵備等道嚴督有司衛所着實舉行又如運官軍旗藉口兌米之難而咨嗟無訴有司糧戶疾仇官軍之橫而搏

開成風彼軍民以求省貪多而意難收爭
論宜也本管各官皆 朝廷建設自不願
國家重計有司違道以干譽運官拂民以
從欲故違期限恬不知畏非管糧守巡各
道嚴督於上何以祛此因襲之弊亦通行
浙江等司府轉行掌印管糧守巡兵備等
道嚴督有司各遵照去後但積弊已久人
心玩愒各總皆然浙江為甚兩浙東西
東尤甚若不嚴行申飭仰仗 天威作新

卷四

三

一

耳目則各官效尤弊日益滋妨廢國計誠
非細故伏望 皇上軫念漕運重務乞
勅該部再加詳議申嚴轉行浙江等處各巡撫
衙門嚴督都布二司及直隸府州各掌印
等官每年務要預於官軍未赴水次之先
即分投親詣各衛所查點旗軍但有事故
者就便督令各掌印指禱千百戶吊冊逐
一審選僉補中間如有隱占庇護即將木
管官坐贓叅究並不許藉以應免各項名

色本身之外仍求脫免若月糧未給勒限
令各掌印管糧官刻期支放或正項錢糧
一時徵收不前聽借支在庫別項官銀湊
給如係抵料及完補掛欠之數亦要嚴查
扣解其交兌糧米悉遵議單事例曬揚乾
潔兩平交兌不許爭競敢有仍前怠視不
務着實舉行者聽各管糧守巡官舉實具
呈漕司聽叅各司道等官奉委不即親臨
督處依違姑息者亦聽漕司量情輕重併
叅降罰庶幾法例嚴而漕規有振起之望
乞速速而糧儲無虛耗之漸矣

卷四

四

議釋高墻宗室疏

臣伏觀近奉 詔書內一款犯罪發高墻
宗室除叛逆及內亂強盜人命不宥外其
情罪有可矜疑及身故而遺下妻妾無依
者撫按衙門查明原犯情由開具奏請欽
此隨准禮部咨該本部題奉 欽此將送
發高墻 鄭王厚烷 周府驛陵王府鎮

國中尉勣燹拜子朝埒即行釋放 鄭王

賜復原爵關支祿米照舊管理國事勣燹原授

鎮國中尉仍復舊職關支祿米朝埒未經

授封查果應 賜封祿即與奏

請定奪及照高墻廢人如有事體與厚烷等

相同一時查理未盡者聽彼處撫按官查

明具奏等因備咨到臣即馳赴鳳陽會

同守備鳳陽太監趙芬等親詣高墻將

鄭王厚烷拜眷屬六名口 周府鄆陵王府

鎮國中尉勣燹及朝埒拜眷屬六名口俱

放出會差奉御劉暹潘景帶同官舍人等

伴送俱於隆慶元年二月十六日起程各

回本府訖臣與御史孫丕揚謹遵

詔書通將各墻見禁庶人逐起查審除叛逆內

亂強盜人命等項重情帥伏玉等六十起

共三百八十一名口俱不敢輕議照舊禁

錮外共亡故廢人聰澥下妾張氏女鳳姐

庶人奇迺下妾安氏廢人安淚下妻周氏

妾田氏男守分碓哥珠哥子壓重哥女玉

姐赦姐庶人旭被下妻張氏妾孟氏女閨

五姐庶人拱柁男小老哥下妻李氏廢人

知賧下妻張氏妾趙氏男三長兒共六起

一十九名口俱正犯身故各遺家屬又見

在庶人睦檻拜母胡氏妻顧氏男長孫兒

鳳哥冬哥喜哥女鳳女月姐男婦沈氏庶

人克熒拜妻喬氏妾李氏尚氏使女王兒

男陽哥保祿女鳳姐五姐孝姐鸞姐元姐

重姐共二起二十三名口俱禁十年以上

廢人邦公拜妻莫氏使女桂花男鳳哥大

志哥隆哥女長姐卯姐貴姐住姐廢人旭

摺拜妻王氏妾李氏女官姐金姐廢人知

燠拜妻張氏妾王氏男壽哥女九姐廢人

經撤拜妻林氏使女蘭花男庚哥晚哥女

金姐共四起二十六名口俱禁八年以上

審皆越關妾 奏等項情犯稍輕與已故

聰澥等遺下家屬張氏等似應一體寬宥

庶人馮燭拜妻郭氏妾陳氏女蘭弟庶人
 融映拜妻滕氏使女桂枝男平哥女玉姐
 庶人表摺拜妻李氏妾王氏男巴則弟兄
 庶人俊掖拜妻温氏庶人俊棄拜妻曹氏
 妾殷氏張蘭香男燈哥春哥鳳哥喜哥女
 王姐男婦張氏閻氏庶人載燈拜妻李氏
 妾石氏男來鶴陽哥祖憐光明哥昌期哥
 女長姐慶雲共四起三十七名口內審融
 燭係倡衆出境告討祿糧欺凌官員表摺
 係越關妄 奏雖收禁未久情犯亦輕俊
 掖係放火燒燬草場禁經二十年以上載燈
 係招集奸暴毆人禁經十二年以上禁錮
 已久所犯亦非深重俱屬可矜似應議
 請覆查定奪及查嘉靖四年為懇乞
 天恩 憐念久禁 宗室延及子孫等事該守備
 鳳陽太監王德題該禮部覆議題奉
 欽依差司禮等監少監等官章壽等前來釋
 放過庶人男婦二百九十名口嘉靖十三

年又該太監王德題該禮部覆議題奉
 欽依備行本監督同管牆奉御李先等釋放過
 庶人男婦三十八名口嘉靖十八年欽奉
 詔書事例 勅差司禮監右監丞解朝禮部右
 侍郎蔡昂前來釋放過庶人男婦四十五
 名口嘉靖三十六年該禮部會同法司議
 奉 勅差司禮監右監丞何進前來釋放
 過庶人男婦伍拾陸名口俱經分送各回
 原府此皆節年荷蒙 恩宥無非體念親
 親至意茲者恭遇
 皇上御天登極 政化維新首頒 恩詔蠲租
 釋罪普天率土莫不沾被浩蕩弘仁矧此
 九族宗人尤宜優渥臣等仰體 恩綸酌量
 情法所據審過已故庶人聰澣等遺下家
 屬張氏等六起一十九名口拜見在庶人
 睦楹等六起四十九名口融燭等四起三
 十七名口原情俱屬可矜相應題 請定
 奪但各犯原發招由文卷俱隸禮刑二部

及都察院掌行此中不能備查恐有隱諱
重情或數外尚有情輕應釋人數併乞
勅下該部會同法司再加查勘議擬上
請均候

聖明裁奪庶天恩益篤於親親而陽春不遺
於幽谷矣

議專官以安地方疏

臣竊見江北四府三州本平衍膏腴之區
素以田畝廣濶戶口稀疎故地多遺利民

卷四

九

不聊生曾經議設重臣專主營口之務冀
以功不速成事遂中寢通年以來征輸增
重水旱頻仍迺亡日甚閭里蕭條蕪穢不
闢資生無計民窮財盡未有甚於斯時臣
受命州循數月稽行伍之耗則見在無
幾而應給月糧歲率十無一二督惟正之
供則拖欠連年而官吏師生之俸廩每缺
蓋軍民糧稅追徵徒有虛名而辦納實多
逋負驛傳罷於供應里甲困於包陪那移

屑湊僅為苟且支吾殊非長行可久之計
何以彌近患而消隱憂也臣竊以為民生
以粒食為天足食惟務本為急此方軍民
豈不知力田有收穫之利所以棄去逐末
者良由農習本惰疇曠野不為溝洫遇
雨任其侵淫遠早束手無策又因授田即
誅求宿逋苦畏差役不見其利而惟害之
避也方今

聖皇御極加志窮民盡蠲四十三年以前應徵

卷四

十

稅糧則既曉然無宿逋之慮矣乘更新之
會寓轉移之機誠得專官壹員督率有司
教以深耕易耨之法隄防蓄洩之宜招集
流移給帖安插因地之利厚民之生信今
日之急務也顧為政在人得其人則事半
功倍臣因訪得原任宿州知州姚筐彼時
在任孜孜惟民事是急兩年之間其招來
復業之民與開墾久荒地頃各數千許今
若仍用此官界以憲職使往來淮鳳兩府

專理農事以其治一州者推之州縣地即
江北之地民即江北之民官又已試有明
徵者庶富之效不將有望於他時哉近見
邸報潁州兵備僉事段錦已陞陝西參議
臣竊議照前缺若得即以姚筐陞補實慰
故民之望允有推廣之益况本官見任南
京刑部郎中資格正屬相應如蒙

皇上軫念淮安為南北要區鳳陽實 陵寢重

地衝繁疲敝已非一日釋今不處貽患滋

深待罪地方之臣何以逭坐視之罪也伏

乞 勅下吏部再加詳議將郎中姚筐陞

授前職嚴定期限前來聽 臣督令脩舉前

項要務若前缺已經推補亦乞將本官添

設為鳳淮屯牧僉事假以歲月責之有成

雖供應俸給不無增費然不當惜此眇小

之損致妨遠大之益也再照直隸二二兵

備官員前此皆因事議設如海防道專為

整飭水陸兵馬調遣區畫勢難分理他事

其徐穎二道招撫營日乃其本務所以不

及加意者則以各院事體相關初至參謁

巡歷陪行任滿送別奔走道路終歲在道

之日無幾奚暇勤勞民事巡行阡陌為民

開衣食之源哉亦嘗奉有 欽依禁止未

見遵行臣請自今以後一切參謁迎送俱

不許仍前費時失事勞費夫馬如違聽各

院即時參劾或以違制提問或以罷輟罷

職務責以脩實政期實效地利與民生育

消彌意外之患永貽樂利之休地方幸甚

免它運以恤貧軍疏

隆慶元年三月十八日准戶部咨該總督

薊遼保定等處軍務兼理糧餉右都御史

劉燾題稱密雲昌平二鎮糧餉先年它運

糧米粗腐後撥潛運官軍徑運龍慶石匣

等倉糧米始堪實用近因該鎮分撥古北

口為遠邊倉以致官軍告困議復它運乞

將潛糧照舊徑運二鎮龍慶等倉土納該

本部議光題奉 欽依備咨到臣查得漕運糧儲例於京通二倉上納以給六軍自開漕迄今二百年來未之有改或遇邊鎮缺糧戶部自有完運舊規未有漕卒直達邊鎮之事嘉靖三十三年偶因密雲昌平二鎮調集兵多暫撥漕糧徑赴龍慶石匣等倉上納彼時邊方告急倉卒應變孰敢異議顧負累官軍不勝苦楚次年漕司會題該戶部覆議減運五萬石三十七年漕司又經具題會議通免上邊照舊通倉交納其兩鎮糧餉戶部差官完運密雲七萬石由通州水陸接運一百四十餘里昌平三萬石陸路一百二十里合用脚價共銀一萬一千三百一十兩議將在運原兌隨船耗米每石扣出五升并近議加盤剥米三升共米八千石有司折銀四千兩不足之數仍於京通二倉各總扣剩羨餘銀兩動給彼時官軍得免邊運交納之苦無不

卷四

十三

舉手加額如獲更生後該總督薊遼尚書許論題據車戶張宣等告稱完運繁苦乞要將原運漕糧免寄通倉仍令官軍運赴各邊交納又自三十九年起復令軍運以致流毒至今四總狼狽又遭收糧委官忍心凌虐百計留難稽延秋冬又復逾年凍餓死亡接踵言之痛心酸鼻竊惟前項邊糧自有議定脚價軍運完運初無二議但完運乃部使督臨盜竊插和法得禁治及至倉中收受官攢斗級歇家小脚亦自斂手若軍運則無人看顧盤糧在車在船任意侵漁到倉交卸各有需索諸色人等視官軍為奇貨利歸姦人害及漕運况土著車戶猶且稱難遠方漕卒苦難尤甚再照山東官軍例該四月初一日完糧江北官軍例該五月初一日完糧今各總所運邊糧奄奄株守一秋一冬延至次年正二月尚未完結新糧先已派到又例該十二月

卷四

十四

以裏官軍船隻畢集水次領兌其勢豈能
兩全四十五年十一月內又該漕司具題
本部等衙門會議自次年為始將原撥密
雲昌平等倉漕糧免其徑運照舊上納通
倉另厥收貯至次年正月以後聽戶部差
官完運原議應運糧米密雲七萬石該脚
價銀七千三百五十兩昌平三萬石該脚
價銀三千九百六十兩仍照先年所議將
原隨船耗米每石二斗五升內止准二斗

卷四

十五

作耗扣出五升并近議加盤剝米三升通
共該米八千石行有司折銀四千兩隨糧
解部以備脚費仍欠銀七千三百餘兩於
京通二倉原撥運江北四總內扣剩羨餘
銀動支補給自後該鎮不得再行議

請等因題奉

世宗皇帝聖旨依擬行欽此備咨漕司欽遵隨
於嘉靖四十五年十二月二十六日劄行
江北把總劉崇武張一正中都留守司把

總王佐山東把總戴子進各將隆慶元年
應運嘉靖四十五年分山東河南二省漕
糧內原撥密雲昌平等倉糧共一十四萬
四千八十三石三斗照舊上納通倉聽戶
部差官完運及行山東河南二布政司將
應兌給各該官軍隨船耗米每石扣出五
升并近議加盤剝米三升通共該米八千
石行令各屬州縣每石折徵銀伍錢其銀
四千兩隨糧給與運官解部以備脚費仍

卷四

十六

大銀七千三百餘兩仍於江北四總內扣
剩羨餘銀動支補給又經督催各屬所管
軍俱已前赴水次領兌外今准前因臣竊
詳前事始末本非設漕舊規近該戶部會
集各官建議自隆慶元年為始漕糧免其
徑運照舊聽戶部差官完運自後該鎮不
得再行議 請奉有 欽依載入議單通
行遵守訖即今三月下旬各總米石折銀
派徵交兌已久茲准前咨仍爾解部 雖

勉遵後議忍心驅策而審時度勢已必不能行况邊軍所告先年空運糧米新舊相雜不堪食用是邊鎮所需止是欲得新米今戶部已議將漕糧運上通倉另廩收貯次年正月即行空運比之先年出陳易新以致給軍每有不堪者事體不同彼中固不以民運軍運為有損益但此運軍年來不勝罷乏臣任事以來旦夕焦勞至不遑寢食兢兢惟恐事不得集有愆期債事之憂豈能臨期更改駭已安之人心施必不可強之督責耶如蒙伏望

皇上軫念漕運官軍困苦已極乞 勅戶部查照當年新議仍自隆慶元年為始將原撥密雲昌平等倉漕糧免其徑運照舊上納通倉另廩收貯該部務於次年正月以後差官空運二鎮龍慶石匣等倉上納仍責成部運官員加意關防禁革奸弊以後年令悉照定規每年止將新收糧米如期完

運不得雜入舊貯以致各軍藉口即邊軍遂新米之願疲卒免額外之苦已定之會議不違漕運之舊規不失矣

暫免帶磚以恤運軍疏

臣行據江北等總運糧把總劉崇武等呈稱各屬衛所糧船經過臨清廠地方先年議令每船帶運城磚四十八塊至嘉靖十二年以後大工興作增至九十六塊又增至一百五十塊三十七年減作一百二十

塊四十一年又減作六十塊領納每磚一塊大約費用脚價銀一分投文告領住守須一二日糧船每隻止設旗軍十名撐駕原裝糧米正耗并例帶土宜共五百餘石已為太重又加此城磚不下二十石之多以致載重難勝牽挽不前遇淺即雇船起剥人費雇價值船亦耽延抵京交收有車脚之費損壞有陪補之費旗軍苦累情實難堪乞為議處暫免帶磚等因具呈到臣該

臣議照糧運帶磚始於一時權宜今已過
行年久非敢輕議但漕船受載本重往年
河渠通利加帶不勝苦難然數止四十八
塊不令過重以傷撻挽之力繼因工作迭
興用磚漸多加帶亦漸增蓋馴至載重難
行頻年又以河流變遷水道淺深不一船
重則轉動不快趨避既難水淺則阻閘多
虞干係尤大察疲軍之力委有所不堪矣
所據呈報前因誠非得已茲者幸遇

卷四

十九

聖皇御極首降綸音蠲租稅之宿逋罷四方之
採辦萬姓歡欣鼓舞有若更生又勅諭
頒恩上自公卿下及黎庶罔不沾被又出
內帑重貲徧犒各邊軍士曠蕩之恩無遠弗屆
惟此運糧旗軍經年於外祁寒暑雨風餐
水宿駕運疲勞且積月累歲丁年領運垂
老無休息之期誠可憫念獨未蒙 恩伏
乞推廣天地弘仁將今歲運船特賜免
運磚一年以代賞賚不勝至願臣又伏讀

詔書一款節開各衙門供應錢糧朕加意節省
用白有餘天下臣民仰知

陛下躬行節儉必不以土木勞傷財力則前項
磚塊在時下應非緊要之需况累年運解
堆積已多即暫停一二年不致缺乏如蒙
勅下該部再加查議合無將今年各總衙所重
運糧船暫免帶磚以後年分仍舊止帶四
十八塊定議遵守庶幾漕船輕捷可望稍
速疲苦旗軍均霑 天賚

卷四

二十

議運糧船以便官軍疏
臣行據運糧把總劉崇武張一正賈陳策
戴子進王佐議得遼洋旗軍每年起運盤
身遠涉直至四五月間方達河南水次領
兌糧米在船因是陸來原無附餘盤用過
海守潮動經日久未免蠶食正糧往往交
納掛欠賠累變產逃亡殆盡因而牽詞構
訟害及無干一不便也船隻寄泊臨清木
軍回衛雇人看守緣非已物不行苦蓋每

每損壞甚至擅將桅蓬什物板片折賣
罪逃匿領兌缺船多由此弊二不便也今
若以遮洋總屬在北德州等九衛改併山
東總在南淮大等六衛改併江北等總仍
將江北淮安總屬徐州徐州左歸德三衛
撥補山東總則遮洋一總可以不設每年
應上薊州倉糧合將德州等九衛額船一
百四十七隻并臨清衛船內撥湊五十三
四隻裝運再以平山衛船隻與臨清衛番
休以均勞逸其餘衛所船隻俱運京通天
津三倉糧米則淮大等衛軍船可無遠涉
愆期之累拋棄盜失之虞其江北淮安總
屬徐州等三衛併於山東總屬而以遮洋
總屬淮大等六衛分入江北留守三總揆
諸人情事體尤為順妥蓋徐州徐州左二
衛地理附近山東歸德一衛係在河南界
內歷年各運糧米俱係山東河南二省水
次原不領運南糧以近就近救弊補偏莫

善於此至於增益行糧如旗軍運薊州倉
糧者與密雲鎮同每名加增四斗共支二
石八斗運天津倉糧者與京通倉同每名
照舊支二石四斗遠近適宜人情輸服故
先該戶部趙郎中建議漕司會題戶部覆
議題 准將南京水軍左等八衛改隸江
南上下江二總將北直隸總下德州等九
衛以抵補遮洋總之數至今稱便今把總
王尚文建議欲將遮洋一總併入山東以
省一總實欲救濟時艱以保國計節蒙漕
司會題覆行查勘務求畫一以圖永久職
等會集及覆思詳改併甚便等因具呈到
臣據此案照先准戶部咨前事款開一議
處遮洋以定邊運該漕運都御史馬森總
兵官方恩題稱淮大高揚長泗六衛原屬
遮洋總內領運薊糧官軍呈告自南趨北
道里不便乞要將六衛各改南總於山東
總內臨清衛船撥補或將遮洋一總併入

山東更番北運該本部議得各總衛所疲
乏居多而遮洋遠運邊儲尤為困累所據
摘撥臨清船隻補運北糧又欲併總山東
更番遮運二者議當歸一中間北衛原額
船隻未審有無動干各總必須彼此稱便
無詞方可永遠通行遽難定擬相應再行
漕司查議明白處分周悉將所議條件先
期具 奏以憑議覆施行等因題奉

欽係備咨前來已經備行江北中都山東遮

卷四

三

洋五總會議去後今據前因該臣會同總
兵官李廷竹議照遮洋一總所轄一十五
衛在南則有淮安大河揚州高郵長淮泗
州六衛在北則有德州德州左天津天津
左天津右通州左通州右定邊神武中九
衛然德州等九衛原非遮洋舊額亦改補
南京水軍左等八衛之數南京八衛緣以
道路不便改入江南等總今淮大等六衛
官軍非直道路不便而流離困憊已極

切誠有大不便者是以當事漕臣目擊時
艱委須通便故行再疏欲將遮洋總屬在
南淮大等六衛改併江北等總兌運南糧
將遮洋一總裁革所遺在北德州等九衛
併入山東一總與同該總臨清衛俱運前
州倉糧又恐難易不均故以平山衛與臨
清衛各軍船更番輪換以均勞逸其摘撥
臨清船隻補運北糧與夫併總山東原係
一事所謂更番者為指臨清平山二衛軍

卷四

四

船而言若北衛額船俱係逐年見運之數
並無缺少議擬已定但事干各總該部恐
有窒礙覆行查議今既經各把總官會議
僉同彼此稱便相應依擬及查遮洋總額
年派兌見運本色正糧止該天津倉六萬
石薊州倉十萬石共一十六萬石該總舊
規每船一隻裝糧五百六十石則薊州糧
十萬石與近議班軍行糧一萬二千一百
餘石止該用船二百二隻除德州等九

額船一百四十七隻計該添船五十五隻
應於臨清衛額船二百六十五隻內撥補
湊運甚為近易再以平山衛額船一百一
十一隻併同臨清衛撥剩額船約有三百
二十餘隻內輪撥二百餘隻可充更番之
用如蒙伏乞 勅下該部再加詳議合無
將遼洋總裁革以其總下原屬在南六衛
內淮安大河泗州三衛額船分入淮北總
高郵揚州二衛額船分入江北揚州總長
淮一衛額船分入中都總俱兌運南糧以
在北德州等九衛并江北淮安總屬徐州
徐州左歸德三衛各額船俱併入山東一
總兌運山東河南之糧內德州等九衛與
同該總臨清平山二衛船隻通融輪流撥
運京通天津倉糧其各旗軍行糧運薊州
倉糧者比照空運密雲邊糧事例每名加
增四斗共支二石八斗運京通等倉者仍
照舊例每名支二石四斗其山東把總倉

卷四

三十五

照遼洋總原運天薊二倉事規每年將京
糧催轉白河仍押邊糧至薊州督併交納
一轉移之間南軍無累糧之難北衛有就
近之便軍免逃亡船無拋棄人情事體均
為停妥揆諸運務允有裨益

勅報衝損糧船疏

臣行據工部管理南河郎中沈子木管閘
主事陳楠管河副使徐節會呈勘得本年
六月初二日各幫糧船俱於鮎魚泉直至

卷四

三十六

夏村閘一帶灣泊本夜暴風大雨交作山
水陡發致將淮安等衛指揮僉事等官鍾
時泰等灣泊船隻或射杵閘上沉溺水底
或直衝閘下船糧無存各衛旗軍中間淪
溺者間有而乘機逃回者居多查開的數
及並無侵盜甘結回報前來與把總等官
張一正等原報勘緣由相同臣會同議照
臣等待罪地方自蒞任以來諸凡潛務罔
不殫竭心方所期兌運及時早抵京通上

納苟免愆違即今過淮船糧已逾十分之七沿河一帶荷比鱗集頭幫計可達通惠交納有期矣不意淮安等衛幫船行至新河偶以疾風暴雨陡作于一時官民艦舸撞磕於半夜以致損壞糧船一百二十七隻滄沒正耗米石一萬七千有零在運旗軍溺死漂流亦多事出異常孽非人作既經各官親詣地方會勘的實並無侵盜情弊例應處分但查漂失之患節年有之然不過千石之外猶易處補及查嘉靖三十年漂失糧米二萬九千餘石三十一年漂失范爛糧米一十四萬餘石彼以不察風波貪程冒險行舟失衣御之戒或守淺寄囤積久范爛停泊失晒晾之宜其責猶在官軍法應追補乃今卒然風雨變出非常雖智者不能慮其患勇者不能效其力比於常年漂流范爛誠有不同况旗軍內多滄沒衛所疲憊難支若非破格寬處仍拘

常例恐徒有責償之名難臻完納之實此時痛死扶傷悲號愁嘆之聲與將來拘逮追呼鞭笞逼迫之苦所不忍言今猶隱忍有司不得上聞戶部不敢輕議若非聖皇明見萬里憫察群情弘施優恤之仁特賜蠲豁之命則遑遑被災官軍將不堪命維新浩蕩之恩能無歎於失所之人耶如蒙伏乞勅下該部再行勘實將前漂失糧米大破常格查議分豁其滄死運軍容臣行衛查明的數量動無礙官銀分給優恤官軍幸甚臣愚幸甚及照變不虛生由人感召推原所自實臣行能鄙劣既無以孚格鬼神智識短淺又不能預戒趨避奉職無狀罪無所逃仍望天恩少寬鈇鉞之誅容臣將未盡糧船一面催償前進通前如期交納事完聽該部查議罷黜

查議恤典疏

伏覩 詔書內一款建言得罪諸臣遵奉

遺詔存者召用歿者恤錄欽此續准吏部咨題
 奉 欽依如有遺漏聽各處撫按官查理
 明白各另議奏內開建言得罪諸臣其死
 不同大畧有三典刑者上也合當復其原
 職特贈一官厚加諭葬仍廢一子 廷杖
 而死次也合當復其原職量贈一官亦廢
 一子或久繫圜圜或遠戍邊徼或永棄草
 澤終得死於牖下又其次也合當復其原
 職仍贈一官等因該臣等查得原任總督
 三邊軍務右侍郎曾銳曾日先任御史能
 定廣寧之兵變繼任總督建言復套之遠
 敵且博帶臨戎已潰把都河十萬餘之虜
 單騎出塞曾搃跨馬梁數百里之巢續以
 仇鸞結虜遂構世番中傷且坐賊至於巨
 萬家人今尚監追此忠臣義士之所最不
 平者又已故冠帶閑任南京兵部尚書王
 輒初以主事監京門之稅課而折抑權豪
 繼以巡撫平四川之草竊而勅諭褒獎

掌院事任司徒所至有聲止緣告老疏中
 誤用享年二字奉 旨為民後蒙 詔書
 冠帶閑任近奉 恩詔內開閑任者准與
 致仕及查夫人何氏先歿因本官未復舊
 銜至今不敢合葬今蒙
 欽諭病故大臣有應得恤典而未得者舉奏今
 本官已該致仕履歷操持實同應得恤典
 而未得者之例竊以曾銳志在吞胡功隳
 垂就忤權臣而枉死非辜坐虛賊而遺禍
 未已近見邸報已經優恤名下原坐賊銀
 似當分豁免追已故尚書王輒歷官政蹟
 可嘉終以小過獲罪似當併議優恤伏乞
 勅下吏部再加查訪如果與情無異將曾銳名
 下賊銀特免追併王輒亦許以禮贈葬庶
 幾 曠蕩之恩普及於泉壤忠義之臣無
 累於身後矣
 議兩浙把總疏
 據浙江東西二總運糧把總孟鉞張養會

呈前事該臣等查議得漕運開設額有十
 二把總分理衛所官軍催餉轉輸糧儲浙
 江原止一總先年運納易完與他總同至
 嘉靖三十三年因見漕務漸敝分為東西
 二總當時創議不為無見然知事簡易於
 就緒而不知根本受病當清其源而不當
 分其流也欲清其源須慎選補管船旗甲
 而選補之任尤貴專責親管官員近議每
 年各衛所官更番赴運掌印使知利害切
 身自宜致慎但官軍生同鄉土交結有年
 殷實富戶樂其覆庇積年無藉利於復役
 其中又有貪黷者賣富差貧曾無畏憚藉
 口有司編選衛所不得干預夫軍伍貧富
 有司何能遽知文冊原係該衛官識造送
 其中機械布置計已先定不過陽借府選
 之名掩盖行私之術良善既避奸頑得逞
 以致歲運恣其侵盜迨交納掛欠先已逋
 逃旗軍脫自盜之誅運官蒙監守之罪今

桎梏於囹圄含冤於重辟皆此類也其尤
 黠猾者掛欠逃回返捏詞告官飾罪撫按
 司道一售其欺運官之禍無已又何暇究
 此輩之奸乎是定選旗軍實革弊之源漕
 政之要也往年漕司責成各總務要親歷
 衛所點選旗船齊備方赴水次催兌以此
 也但各官歲運以五小過淮沿途押幫到
 京交納掣取通關延及回南已是次年發
 船赴兌之日矣顧此失彼何能濟事先該
 漕運都御史鄭曉總督顧寰題稱漕運
 一十二總江北等十一總軍船多者不過
 千餘隻少則八九百隻催餉運納船回易
 完惟浙江一總比各總數增一倍况溫台
 等衛所相去水次路遠一官勢難徧歷往
 往領兌愆期合將該總原屬杭州前右紹
 興三衛湖州海寧嚴州三所分為浙西總
 寧處台溫四衛金華衢州二所分為浙東
 總添設把總一員分理該本部等衙門議

允題奉 欽依備咨遵行開今該臣會同
總兵官李廷竹議照浙江都司所屬十二
衛所運糧官軍船隻原設把總一員在往
年不覺其難繼而增設兩總在近日不見
其易蓋增官不能去弊兩總各有責任俱
費月日其無暇整理旗軍猶故也誠使隔
歲先為查審把總親督衛所擇選旗軍領
船依期前赴水次使有司不得藉口船軍
不齊以致遲誤責任既專事難推托即以

卷四

三十一

原設之官分投綜理一員在該省料理新
運旗軍船隻為次年之計一員部領當年
幫船赴京掣取通關遙相更替衛所以有
專管不敢行私狡猾就近易懲不得瀆亂
不廢增設之名允有幹濟之實其於運務
裨益非細伏望

皇上軫念兩浙官軍疲憊已極設官建議貴條
實政乞

勅該部再加查議合無隆慶二年為始將浙江

原設運糧把總二員勿分東西俱為浙江
總各管十二衛所每年輪流一員督備交
兌糧完押幫赴京上納守製通關回南一
員在省徧歷各衛所嚴督掌印指揮千百
戶等官選補旗軍催促造修船隻追補舊
欠等項預整運務齊備聽候新糧派到即
督各官前赴水次領兌完日就便押幫起
運遙相更代督理庶免愆期再照把總官
例以都指揮體統行事該省司道自應以
禮相待不得睨視下僚多方挫折其衛所
有司各官凡遇該總催兌糧運徵處船料
取撥官軍務要一一遵行不許抗拒違者
悉聽據實參呈漕司究治庶積弊可起轉
輸不悞漕政漸脩矣

卷四

三十一

臣惟

皇上臨御以來躬行節儉加志困窮凡以殖兆
民之命普咸寧之化也若迺宣 主上之

德任牧愛之責惟守令為親且切焉臣職本漕運實兼拊綏敢不仰體

聖心督察惟謹稽政治之得失詢問里之向背雖不能槩其平生其於一時賢否之實似亦有所據而可指矣謹陳其畧如左訪得知府如某老成莊重之器練達明敏之才治本衝疲每悉心於區畫歲逢災歉尤加意於撫綏語風裁則凜有執持人莫敢犯稽勤勵則事無留滯刑且得中勞怨並任

三十五

不辭廉平歷久不變又如某性資英爽舉動周詳節用愛民而藹乎其善政剴繁理劇而綽然有餘才兵餉之資委曲調停而蘇息有賴差役之累計量均節而浮冗悉裁佐郡專城久騰令譽投艱遺大信有壯猷推官如某器識溫良才猷敏達筮仕輒如老吏守身猶若寒儒查盤不縱不苛堅執紀法聽詞惟明惟允適協民情旗軍樂編審之公平趨事不避益引革因仍之害

弊常課有裨又如某性溫和而剛果才爽朗而精詳審徭均貧富之差州民允服視篆釐吏胥之弊府治改觀心上經綸議地方之興革而條理中節目中減否察察屬之情偽而善惡不淆持廉雅不近名讞獄悉能當法又如某沉毅夙成安詳益練秉委克勤幹濟完報獨先聽斷尤善推許幽隱畢照查商稅於廬鳳損益得宜議里甲於泗盱斟酌有法珪璋之器冰蘖之操知

三十六

州如某實政實心克勤克慎冀閭閻之得兩百計圖惟疾狡猾之戕人一切屏逐勾攝罷下鄉之白役鋪商無催辦之公差餽絕四知之金民興五袴之訟又如某動止安詳丰儀雅秀守慎而門無私謁化行而市有絃歌憫水災恤窮獨咸懷父母之惠識詞訟審差徭均施公普之仁才守俱優循良稱最又如某才猷敏練資性溫良衙門之夙弊盡祛吏胥知畏里甲之煩費悉

華黎庶孔懷聽斷凜乎威明省刑罰而孚
心原被催科時其緩急禁常例而威感廉
平又如某偉資純厚雅度渾灑下車革里
甲之日供閭閻稱快登堂禁左右之稟白
威令大行塘租絕欺隱之奸夫銀革冒領
之弊城池滄沒而料理多方災變頻仍而
賑濟有法愛民真如赤子當官無異治家
又如某清脩無染練達多能裁省里甲之
役銀窮民受惠振刷衙門之積弊豪猾畏

卷四

三十七

威聽斷公明審編平恕衝疲允賴州牧稱
良知縣如某性木敏達氣復冲和雅志恤
疲瘥條陳切當銳情新政治弛廢振興革
冒濫之夫謗怨不避省坐庫之役庶節可
嘉又如某清標絕俗卓識超群寓撫字於
催利流移復業布威明於折獄原被輸情
理盤錯而井井有條謹出納而分毫無染
又如某年本少而老成出眾美質不凡任
雖衝而整頓無難清才足恃政惟務實

事之振舉可徵志不趨時四民之歸向非
偶刑期明允不事煩苛身謹操持不前寒
素又如某英年雅器從容不迫之儀銳志
清才貞潔不淄之守勸農息訟四境歸心
禦暴除奸一方安堵嚴局鑰而吏胥畏憚
清監舖而囹圄空虛又如某才識通明吏
事練習立身清介一毫紙贖不私臨政剛
明百凡浮冗盡革論議慷慨委之勞苦而
不辭心志憂勤惕之利害而不憚以上諸

卷四

三十八

臣皆庶勤公謹所當薦揚其知府某通明
特達之才俊偉光明之度微言細事必出
於心思慮變安常悉中乎肯綮文學足以
飾治煥乎改觀清政易於得民翕然頌德
知府某規模端肅政行廉平徵素養之冲
和宦跡能忘內外察民情之歸向仁聞已
徹閭閻嘉猷既見於施為令績可占於積
久知縣某個儻長才盤錯利器賑災恤困
窮簷布蘇息之仁理枉伸冤幽谷感陽春

之澤守同介石身比南金以上三臣今官
雖未甚深前任皆騰令譽所當併薦又訪
得知州某治才不乏每假公以濟私要譽
多方祗拂民以歛怨慮威權之不立則淫
刑以逞而人命視如草菅棄渺小以賣名
顧違禁多科而重賄取盈囊橐梁金窩主
也免罪利其贓物之饒張瑞庫役也就斃
惡其羨餘之少長於鑽刺而滁陽善地之
陟衆謂通神巧於彌縫而塩城穢跡之彰

卷四

三十九

人稱漏網知縣某性本貪婪行尤譎詐既
恣睢以罔利復文飾以沽名元宵使酒於
通衢冠裳掃地愛子宣淫於公署帷箔奚
脩姦犯馬乾索二百金以倖免其罪閩歐
金祿罰二百兩而不加之刑擅立生祠不
勝科派之擾自刊謠語莫逃士庶之公不
覺失囚何移怒而杖火夫蔡友等五命之
斃駕言易穀措放賑而侵經紀段永壽數
百之銀此類尚多不堪悉數此二臣者賄

跡彰聞官箴敗壞所當罷斥同知某才本
庸常性亦寬緩年齡向暮志既苦於振揚
祿仕已深勞役不無厭倦關防不密近習
緣以作姦聽斷延遲物議因之漸沸况其
任劄瓜洲係一方之屬望而乃虺隄習懶
致四民之咨嗟似當容令致仕庶舉措公
而人知懲勸政務飭而民生有賴矣
薦舉兵備官員疏

卷四

四十一

臣惟江北四府三州本畿輔重地南北要
區旣橋之所出沒則長江大海波濤易驚
車馬之所驅馳則東郡中州風塵相接其
間和輯民人追捕盜賊整飭兵戎廓清水
陸屬之二三兵備與兼制鄰境之道臣皆
例得舉刺以地方休戚相關也叅政如某
器識恢弘性行英毅閱歷久而事體諳練
調停識緩急之宜防衛嚴而稽察精明將
士生敵愾之氣砥礪激昂之節長駕遠馭
之才夙著績以見思今加秩而益懋僉事



如某明察有為端慎得體保甲通行於村
落孤鼠潛踪聽斷不留於公庭刁頑歸化
且廉靜可以風勵郡邑而仁恕尤堪蘇息
困窮克詰孔嚴防汛有賴又如某宅心平
易蒞政嚴明處人民凋敝之鄉多方存恤
當盜賊縱橫之地密法防閑理訟獄體悉
民情不聞冤抑歷郡邑節省財力譽滿賢
能一道樂安靜之庶黎庶仰廉平之化此
三臣者信一時臬憲之良所當薦揚者也

薦舉方面官員疏

臣惟糧運本民間惟正之供征歛迺官司
急切之務然郡縣之奉行惟謹由司道之
督率得宜則漕司所責望於掌印管糧諸
臣亦既重矣臣已苟完一歲之事又值政
官交代謹循例廉得其賢敬為

皇上陳之如布政使某夙賦仁明宅心長厚廉
靜無求之節歷中外而不移清通適用之
才隨繁簡以時出總理糧儲軍民兩便

淹藩臬譽望益孚又某雄渾高標豁達曠
度坦夷應物觀德者莫不歸心端潔持身
聞風者因之興行征輸克謹歲率如期節
省有方民尤稱便且其聯姻之禁例本疎
逃而可通顧惟義命之自安雖遲回而不
變又某抱經綸之蘊每謙退以自將嚴惕
勵之心更恬淡而無競規為弘毅振起運
務之因循政令精詳前除衙門之積宿軍
民感德出納稱平尤有明作之功常存惇

卷四

大之體又某才本宜今心尤好古信自持
之桀驁雖百折以不回歷仕路之艱辛甘
一節而不爽收支緝密黠驚不敢作姦動
止謙虛士民莫不懷德雅宜大受綽有遠
猷參政某長才偉器雅操純心簡靜而沉
著有為建議切姦欺之弊撲茂而清通不
滯宜民多懷保之恩監造運船工商悅於
趨事禁戢軍衛交兌籍有成規深資鮮有
其儔冲襟如不能勝參議某清粹表金玉



之儀以毅適重遠之任文能華國見諸實
用而非誇簡以率民本之躬行而不拂微
解革相沿之弊遐邇德其公平催科酌緩
急之宜上下服其明決又其通達多能純
實不露事練於閱歷之久宰割無難守定
於涵養之深冰霜益勵探謀猷於論議鑿
鑿皆經濟良圖徵治行於閭閻藉藉總仁
明令譽以上七臣皆庶勤公慎所當薦揚
者也

薦舉教職疏

臣聞

聖主必資多賢以弘功業猶為室必集多材以
備經營論選精粗鉅細備棟宇之用大匠
之事也比於銓司兼收杞梓梗楠施培植
之功場師之責也實同教職則師儒之官
關係政教豈其微哉夫惟不脩其職而人
始且眇之臣待罪此方十月矣孜孜訪
求僅僅得五人焉如教授某茂年溫雅之

資精才實切之學淑人知本績文必考其
身心立教無私持已尤嚴於取與崇慕
集聞正學之淵源寶鑑彙編迪居官之政
行儒林傑出科甲名流教諭某學多蘊籍
才負經綸銳意編摩總括百家之粹悉心
訓迪克遵四教之施進脩不廢於卑官行
誼素孚於髦士又某心地光明問學淵遠
教既勤於督課廉且樂於資貧孝友洽鄉
評允為多士之式謙虛愜輿論無忝風化

卷四

四十四

之司又某年青行雅學贍才優嚴以律身
一介之取受不苟勤於造士兩端之啓迪
良多英銳有望於甲科平恕允宜於從政
又某厚重簡默用心於內而不尚浮華恭
敬溫文律身以嚴而動循矩度傳經課士
足跡絕於有司閉戶讀書志行期於遠到
皆一時教職之賢均乞量才擢用則學校
人才感激振奮有裨風教非淺矣

舉劾將領疏

臣聞

明威之世雖威行四國而不弛兵防蓋所以震
讐華夷保衛生靈彌惠害而永治安也江
北自有倭患以來十餘年間選將徵兵武
事稍稍輯矣所賴撫士卒倡勇敢制三軍
之命任干城之寄則良將誠難其人焉臣
采諸輿情稽察行事敢列其實以

聞總兵某賦才英邁素習韜鈴恂雅無異儒生
勇敢常先士卒驟馬揮戈舞劍迅捷如飛

卷四

四十五

學弓貫革穿揚巧力俱備出奇血戰兩收
海寇之全功養士捐資數得家丁之死力
足當八面之寄允為萬夫之雄此一臣者
謀勇俱優堪充大將之選者也叅將其儀
容雅飭動履安詳營伍謹於清查虛冒之
弊盡革科歛嚴為禁約剝削之害頓除盜
賊潛消仗兵威之克振軍民帖服由防檢
之無虧不忝保障之司綽有溫恭之度守
備某年力精壯體貌魁梧武藝足冠三軍

氣尤英銳文雅兼通百傳才亦優長修章
城垣保障尤賴簡閱軍伍威令大行又某
騎射出衆膽畧兼人冒險而入史莊累年
之宿寇就剪奮勇以擒盜盜一方之鉅患
潛消前績既優今官尤勵士卒秋毫無犯
行伍積弊更新把總某器宇凝重心行端
方署衛篆而情法不偏官軍帖服承運務
而關防惟謹糧兌銷完昔年海上遭風乃
天時之不利近日軍中振奮實人事之克

卷四

四十六

脩指揮其一則年富而騎射俱優守真而
取與不苟割股療母篤孝可占其克忠捐
俸濟貧輕利必堅於守義一則形體駉雅
子馬閑習經戰陣而氣不懼於臨戎諸水
陸而事每中於逆料部領不聞需索禦暴
時表功能以上諸臣皆堪副將叅遊之選
所當薦揚又如叅將其者素稱謹畏亦有
年勞惟粗率而短於才故因循而習於自
領中軍僅免怨惡實寬縱以長驕守一

不戰兵防致盜之滋熾度其年力已衰
晚非鞭策之時考其施為日昏慵多廢弛
之事此一臣者雖無賊私可指委於軍旅
無伴所當行令閑住庶人知激勸武備克
脩安攘有賴矣

舉劾武職疏

臣惟 國家自開漕以來幾二百年於茲
往歲旗軍既樂於趨運軍職亦自效無難
邇來驅軍若赴湯火官員推避視焉桎梏

迺民間猶咨嗟憤恨比官軍於仇敵也無
他法又則玩玩極則難於驟更鼓舞誘掖
處此領運諸臣誠不可不加之意若不明
示勸懲陰寓優獎則人心益危懼懈弛不
可作矣是敢稽其志行悉所聞而

上陳之訪得某奮跡武科早擅清脩之譽晉秩
漕總雅稱幹濟之才刻期儲凍漕之船勤
勞不憚身親督泰漕之運險阻備嘗嚴稽
查以防姦格貨之宿弊漸少其澹泊以明

志修船之常例悉蠲又其志存忠蓋才實
精明懲積習而待以艱真一塵不染憫疲
憊而作之勤勵諸弊咸釐繩盜米拆船之
姦官軍畏慎嚴格客帶貨之禁運務肅清
惟知開誠而布公故能興衰而舉廢又其
本強壯之年器度宏偉有向上之志韜畧
優長禦驕悍之軍而紀律凜乎難犯總繁
劇之運而興革燦然有條已往之譽望徵
賢將來之功能必懋指揮某年力英茂資

性雅醇志薄綺紈操行謹恪視策不擾而
軍政率脩輸運無私而軍心咸服又其氣
爽神清才長識練交兌禁旗軍之盜拆催
儲革積習之科收素行孝友可嘉當官廉
謹並著又某勤於習武而技藝既優慎以
檢身而志向不為原管屯務常例能辭屢
運京儲通關盡掣又某典雅從容之度青
年英俊之資赴兌而悻慳借等不煩刑責
押糧而圖書在篋可驗清脩遭河道之變

遷人船早到處疲憊之衛所升合無通又
其謹畏足以持身剛毅可以服衆掌衛印
不事科取管屯局能慎徵收領運未幾首
革刁軍以行法居官漸久能釐夙弊而立
名以上諸臣皆勤慎有裨運務所當薦揚
又把總某某一則才足濟貪智能飾詐始
掩襲以強制終敗露而難欺曾晉閩司致
未任被劾之誚謀陞漕總有既死復生之
誣以伴僮徐石蒲為牙爪仗識字唐銳等

三卷

四

為羽翼舉放運債即淮安一衛不下三百
有餘稱貸者指揮鍾時泰可質逼討利息
雖美餘官銀亦必加五取足跟幫者母弟
王言等盡知分私貨於各船沿途販賣索
常規於各甲逐項需求水次兌糧得運官
三百則鳳陽之謝詔可證裏河管總占運
軍十七有淮安之徐金見存物議頗多

因諸無賴一則才質昏弱每行詐以欺公事
務因循况爭方而任性張疇以提舉交通

以軍半結納索常例以充私崇每廠
三金假公費而科料銀每年何止百
咸陽廠官盜賣官木已被人告發矣輒
受銀五兩而實之罔聞總府修祠抽分米
銀原輪有次序矣敢專利多方而奪之獨
擅受木商之賄雖朽腐亦敢收貪紙價之
饒受詞訟以招怨役志惟在於肥已論事
不止於曠官此二臣者經管之事雖有不
同均之妨廢運務所當罷革以警衆職庶

三卷

四

勤知勸貪贖知懲矣

卷之四終

皇省疏稿卷之五

請調將官東征疏

臣初至地方節奉

聖旨令臣督率巡撫李佑總兵湯克寬等

發兵剿滅叛賊以靜地方嚴督進剿聞據

僉事張士純周舜岳等呈開賊勢恣橫無

忌官軍屢被挫折皆由將領不得其人又

據三司熊汝達等各稱須調取廣西總兵

官俞大猷前來廣克有濟臣竊議曾一本

者止一點賊逼挾良民縱肆為盜向使將

領有司處置得宜豈遽猖獗至是總兵官

湯克寬身膺重任輕率寡謀始則撫處失

策致復背叛繼則避難東嚮遙制雷瓊以

致各官不肯齊心併力失律喪師損威玩

寇坐失機宜自干法典今本官雖奉

明旨革任而罪狀未明尚有遺議除候進剿收

功之日通查湯克寬與參將魏宗瀚王如

澄等情罪另行酌議具題外臣惟賊勢

方熾撲剿之議選將為急新任廣東總兵

官一時推補未至看得鎮守廣西地方總

兵官署都督同知俞大猷素負威名久諳

戰陣設策出奇料敵制勝衆心推服當此

緊急用人之際委宜暫行調用且廣西地

方警報稍緩所議征進古田尚須設慶糧

餉未可猝舉臣除遵照

勅諭便宜處置事理一向行令俞大猷挑選標

下慣戰官兵隨帶馳赴軍門聽臣計議方

畧暫令前去帶管廣東總兵官事務臣將

廣西總兵事宜已行柳慶參將王世科暫

理外其克寬前項失事緣由罪不止於革

任仍合責令戴罪立功以圖自贖伏乞

勅下兵部再加查議聽臣責成總兵官俞大猷

前去會同巡撫廣東都御史李佑處置應

用何項兵船應募何項勁兵應辦何項器

械整擗齊備親臨彼中隨賊向往與海內

海北等道兵備官督臣原任總兵湯克寬

及叅將魏宗瀚王如澄都指揮等官白翰
紀李茂材朱相等振肅兵威懸立賞格務
將劇賊曾一本等克期殲滅以靖海隅有
功之日容臣特與題

請除用若新任總兵官至日亦令馳赴軍中協
謀共事功成之日俞大猷仍回本鎮其戴
罪各官果能奮激致身衝鋒破敵准與議
贖庶妖氛有蕩滌之期海邦慰寧謐之望
矣

剿平流賊報捷疏

據廣東按察司管仲威兵備事按察使張
子私呈奉總督軍門憲牌并巡撫衙門案
據本道會同潮州兵巡道僉事蹇來譽呈
查得流賊楊子亮李竹山何元妹丘宗堯
等原係潮州府程鄉揭陽等縣蛇坑黃寨
等巢餘黨先年夥同已獲大賊首李春文
藍松山楊平溪等為盜嘉靖四十四年前
賊陸續剿平子亮等仍糾集張顯宙鄒子

勝陳良楊子周楊子清等三千餘徒流毒
興寧長樂等縣地方殺擄人口攻打城寨
以黃寨賊首蘇繼相康和巢賊首江漢秋
溪巢賊首劉興策為聲援彼此交通日益
猖獗法在必誅備仰各職及潮州兵備道
僉事蹇來譽各親詣軍前監統官兵務將
前賊剿捕盡絕以靖地方等因依奉督兵
進剿該潮州府捕盜通判潘槐程鄉縣知
縣洪敷言督率官鄉撫兵生擒賊犯楊子

清張廷舉龍必祥等三十七名斬獲首級
一十九顆奪獲牛三頭馬一匹各哨官兵
遵照巡撫軍門尅定師期于隆慶元年十
一月初九日辰時開刃申嚴號令依期齊
進左哨遊擊馬良匯督率官兵行至興寧
縣中堡地方適遇各賊出劫當督名色把
總周雲翔陳忠典史林天賜等官兵與賊
交鋒生擒賊甲賊從謝金孫等二名奪回
被擄男婦二十三名口餘賊退回健橋寨

悉衆出敵右哨原任叅將今報效梁高亦督官兵繼至四面夾攻血戰二十餘合賊勢敗衄二哨官兵當陣斬級五十八顆奪獲賊旗十一面長鎗十二根救出被擄男婦六百餘名口各官衆風縱火燒燬各賊寮房八百餘間焚死賊徒無數楊子亮即同何元妹等移道湖臺地方遊擊馬良匯等督率名色把總桑九虎典史林天賜千總江大勝朱憲等官兵於十三日追及到彼楊子亮當即放銳開旗率衆迎敵我英奮勇大戰當陣生擒賊總李竹山賊甲賊從共三名斬級七十八顆俘獲賊屬九名口奪回被擄男婦二十五名口各賊遁在軍營屯劄我兵尾擊斬級一十九顆十八日又在地名雙頭交戰斬級二十六顆楊子亮仍帶黨與遁入芥萊湖大山據險拒敵該本道懸以重賞鼓舞三軍衆兵踴躍挺身赴戰總兵官湯克寬督左右二哨官

兵於二十七日寅時由貴人村壩灘下崖附葛而進自卯至申鏖戰數十餘合各賊大敗當陣生擒賊總賊從何元妹丘宗光鄒子勝張顯宙范曰文等一百零三名斬級二百六十八顆俘獲賊屬三十九名口奪回被擄男婦五十二名口奪獲賊馬六匹賊旗十六面烏銃四門刀鎗盔甲共千六件鞍轡器械米飯鍋帳等物盡為各兵所奪尚遺顆賊數百餘徒遁往揭揚縣翁溪山見兵追逼勢愈窮蹙將所帶賊屬婦女幼男盡行殺死丟棄仍砍竹作槍以拒我師十二月初三日各哨官兵追擊至彼有哨官陳恩陳世孔張遜等衝鋒直前餘兵以次繼進復行大戰就陣生擒賊總賊從陳良薛子正等一百三十三名斬級一百五十九顆俘獲賊屬四十一名口奪回被擄男婦四十二名口奪獲牛三頭馬一匹賊旗十面標槍十二件腰刀六把仍

遺楊子亮等未獲隨督總兵標下原任福
山把總今報效姜旦中軍千戶吳憲督兵
生擒楊子亮嫡兄楊子周賊總何文清等
共七名俘獲楊子亮正妻余氏二妻張氏
三妻鍾氏共三口楊子亮等道往程鄉縣
銅鼓嶂官兵尾擊有夥下書總鍾臣鄒惟
六探覷得楊子亮伏藏所在潛投總兵官
湯克寬審實帶兵追殺至十七日辰時各
兵追及楊子亮仍恃兇悍手執篋笈率衆
迎敵各兵血戰至申時在柵梅礮射子凹
有名色把總張明星千長吳伯元等首先
斬獲大賊首楊子亮并將伊弟四妻殺死
又名色把總易大源督兵斬獲旗頭李大
總首級一顆當今隨哨鄉導陳香等及投
來夥賊鍾臣鄒惟六識認的係楊子亮身
屍原帶銀手鐲二箇金簪二根當即砍取
首級一顆餘賊逃散有大埔縣大麻社千
長余宗全等督兵截殺生擒敗賊陳貴勳

陳九子二名斬級三顆海陽縣潘田巡檢
司督率千長陳文敵等擒獲賊犯陳二子
王繼子二名揭陽縣兵夫陳光張大喬等
生擒從賊劉子清等二名斬級四顆奪獲
賊婦一口總共斬獲有名大賊首功級一
顆生擒賊總賊從共二百七十一名斬獲首
級共六百三十五顆通共擒斬獲九百零
七名顆俘獲賊屬男婦九十三名口奪回
被擄男婦一百四十二名口奪獲賊馬八
匹牛六頭賊器械賊物共八十七件陸續
陣亡兵夫三十八名被傷八十九名看得
首惡就戮餘黨蕩平地方可望安堵但恐
一二漏刃殘孽潛藏山谷及投各圍寨偷
生仍委長樂縣典史林天賜及行興寧程
鄉海陽等縣巡捕官逐一設法查搜盡絕
以防後患除獲解至日另報外但照此賊
既滅其餘蘇繼相等巢亦皆望風歛戢告
招且發兵之時二道遵照委官入巢坐鎮

俱不敢黨附助惡今海賊曾一本未除似宜暫示招安專力海上徐為後圖等因到臣卷查先據惠潮二府并興寧程鄉等縣申報前賊於嘉靖四十五年八月內陸續突劫各縣地方如興寧之黃沙賽龍川之新田鄉長樂之七都程鄉之石坑都虞塘下赤朱坑陳坑窯口等處地方連破程鄉等縣楊塘石坑長東二坑駱岐青龍長灘北廂等圍寨逼城劫殺縱橫無忌右侍郎譚綸巡撫右僉都御史李佑批行查議去後續據呈稱楊子亮李竹山等內有二千餘徒乃各巢驍雄極惡之黨夥助子亮出劫陰分贓物况多江閩各處投入技藝之流演禽布陣無不備知方今嶺東各巢山賊居處有定流劫不出二三十里惟楊子亮糾集各巢兇徒原無定巢屯割東擊西奔依憑三窟之狡流劫七縣之間官兵甫進則復散遁附近巢穴神出鬼沒姦險

萬狀若不及早撲滅禍愈莫測茲欲進剿必須多調軍兵董以大將副之偏裨四面夾攻庶克有濟緣由前來維時正遣叅將魏宗瀚等統率舟師進剿海賊曾一本而楊子亮等乃乘機倡肆以撓我師出攻興寧縣城池軍民赴告急求援總兵官湯克寬寬正督標兵三千六百名屯劄海豐又該前任總督巡撫衙門隨行總兵官湯克寬就近帶兵督剿仍添調官兵分為左右二哨左哨委廣東遊擊將軍馬良匪統督把總曾德久長樂所百戶孟津長樂縣典史林天賜官兵二千七百六十員口為一枝從長縣梓臯進廣州右衛指揮王照領興寧官鄉撫兵二千名為一枝從興寧縣水口進惠州衛指揮吳學顏張榮名色把總王鸞惠州衛百戶湯勛等領伸威道團練等兵三千五百名為一枝從龍川縣田心石背進右哨委原任叅將今報效梁高統

督惠州衛指揮李會龍闖常名色把總會
太平莊以臨等各領程鄉平遠二縣民壯
撫兵三千名為一枝從程鄉南口進仍委
管伸威兵備事按察使張子弘監督并委
按察司潮州兵備道僉事蹇來譽部領名
色把總易大源等操兵一千名赴哨夾剿
又委布政司糧儲道叅議許公高總理糧
餉惠州府同知唐德瑞潮州府通判潘槐
分理餉務臨軍催督平遠知縣魏世熙程
鄉知縣洪敷言揭陽縣知縣李仕各處辦
軍需督兵把截要路及照例約會巡按御
史王同道紀驗功次糾察姦弊并令各道
差官坐守黃寨等巢夥賊不許黨附去後
今據前因臣除將生擒賊犯發回問招通
詳首級解巡按衙門紀驗被擄給親領回
賊屬牛馬發賣取價充賞器械改充兵用
其黃寨等處巢賊既未合夥海事未寧且
又乞招已經安插儻再枯終不改悛機另

處外臣會同巡撫右僉都御史李佑議照
流賊楊子亮李竹山等倚恃諸巢黨附招
集醜類猖狂攻劫所至被其荼毒項乘官
兵西擊海賊即分哨出掠大肆兇殘各縣
村寨莫不騷動若不亟行剿滅為害將日
益甚今幸將領協謀軍士用命既先誅其
黨與尋已殲其渠魁一方之積患頃除萬
姓之宿憤稍洩是皆仰仗
皇上 聖化昭明 天威震奮蠢茲小醜宜不

足平如此也謹具題 知

參廣東失事疏

據廣東按察司整飭兵備分巡海北道僉
事張士純呈稱先奉行委監督舟師進剿
海賊曾一本等自隆慶元年十一月二十
一日在雷州東場海面失利參將繆印把
總俞尚志被執之後該本道行查損失官
兵船隻名數據肇慶府同知郭文通呈報
查得參將魏宗瀚王如澄原領兵船在雷

州剿賊三大哨官兵總計八千四百八十二員名除陣亡溺水及病弱革回外見在四千九百七十九名戰船一百四十五隻見在八十隻數目前來并據本道及統督叅將署都指揮僉事魏宗瀚王如澄各呈稱職等將原領兵船收在雷州府南渡港內整頓以圖再舉自本年十二月初六日至二十五日節次交鋒攻打互有殺傷本月二十九日夜半各賊盡數突至港內連接兵船鏖戰數百餘合矢石銃砲交攻如雨打沉賊船三隻傷死賊徒數多餘賊又駕白艚以刺胡盡數合來抵死拒戰至黎明偶值大霧天色昏翳又復南風助逆被賊奪據我營時守備李茂材李節二船居前獨當其衝血戰良久銃矢俱盡力不能支當被先焚李茂材身中銃彈打死其百戶杜鈺等亦多被傷生死未知下落兵夫止各存十數人我兵披靡已無鬪志陸續

奔逃叅將魏宗瀚且戰且却漸近城南僅以身免致賊又將兵船焚燒兵夫千餘名次日據福兵高亞三自賊中走回報稱各賊連日被我兵打死三百餘人俱扛屍上岸焚燒賊首曾一本大腿被大銃彈子打傷重其餘被傷者各船俱有二三十人賊今尚在雷州海面遨遊待南風便方回潮州等因到臣查得接管卷內先該兵備僉事等官蹇來譽等各呈稱海賊曾一本等挾詐稔惡流毒邊海法在必誅已經前任總督譚綸會本題請一面備行巡撫軍門調取柘林守備李茂材碣石寨把總朱相白鴿門寨把總俞尚志南頭哨指揮林清柯繩武趙陸千戶王綽等兵船行委叅將魏宗瀚王如澄統督海方兵備僉事蹇來譽監督進剿又調烏兔白沙二寨把總王正中陶俊兵船委叅將繆印統督海北兵備僉事張士純監督先于白鴿門等處

堵截總兵官湯克寬總督剿殺續據參將
魏宗瀚等呈報曾一本因兵船擁逼於隆
慶元年十月初七日在碣石鶯洲掛帆西
遯又據海北僉事張士純等呈報前賊於
本月二十二日突至雷州過沅遯走緣由
前來又經通行追剿外續該臣於本年十
二月二十六日赴鎮經臨肇慶府即行會
廣東巡撫衙門行帶管巡視海道僉事周
舜岳通行署都指揮僉事白瀚紀掌新會

卷五

一五

縣印韶州府同知楊繼宗督同指揮伍惟
統募取慣諳水戰兵夫五千名及行催在
省打造海南道大小戰船二十六隻市舶
提舉陳誥打造大烏船四隻哨馬中船十
隻刷雇烏白艚橫江船六十隻仍備火藥
軍器俱已次第齊備適總兵官俞大猷前
到軍門臣即咨訪計議令其前去會同巡
撫廣東都御史李佑酌處如用閩兵即差
委能幹官員前往閩省添募戰船隻擇

選精勁兵士審度機宜設策進剿去後今
據前因臣除行海北道兵備僉事張士純
備查前項賊徒再犯逼近郡城復致失事
係何官兵臨陣先退先將故違軍令正犯
緝解軍門處治及查實傷損官兵船隻另
行具奏外臣議照海賊曾一本乃吳平
遺孽素習兇悍狡黠尤甚出沒波濤流毒
閩廣先年盤據深澳兩省合師進剿被其
潰圍逸出自後陽順陰逆屢招復叛積惡

卷五

一六

既久脅從漸多焚劫鄉村擄集船隻抗拒
王師執辱將吏勝則黷聚長驅敗則鳥散飄
忽瞬息千里莫可追襲各官又任地方熟
知情狀自當運謀竭力計出萬全乃今總
統則驕恣僣蹇偏裨復疑畏遠巡竟致喪
師罪何可逭參照原任鎮守廣東總兵官
湯克寬叨膺闕帥坐失機宜先事不能戢
賊之謀殃民已甚臨敵殊無制勝之畧玩
寇滋多且驕橫生於得志之餘而奸避靈

於臨難之日方以搏山中之狐兔謂可掩蓋其愆不思縱海上之鯨鯢實乃自貽其戚既無率先士卒之義何有身殉 國事之忠督理海防叅將魏宗瀚分守惠潮叅將王如澄各膺分守之任俱乏統馭之才調遣逗遛奮迅之氣已却臨陣退縮將士之心不孚彼此不相應援處同舟之誼不思共濟利害不知趨避陷必死之地何以圖存但偷一己之生不顧三軍之命喪師

卷五

十七

失律傷重損威以上三臣者罪當從重其湯克寬雖有剽平山寇之功難準其過似應先取死罪招由責限以圖後功者也領哨把總俞尚志王正中朱相陶俊指揮柯繩武趙陞林清千戶王綽等或遇敵而畏怯不前或奉調而愆期不赴均有從征之責難逃憤事之愆所當併究者也廣東按察司海北道僉事張士純賊臨治境雖切保障之心職任監兵未效協謀之績雷州

府海防同知林焄船泊南渡去城伊適始失預防之周繼乏贊理之策皆屬有罪亦宜併究者也及照巡撫廣東右僉都御史李佑徵兵轉餉設策運籌焦勞不為不勤急切未臻成績非緣不敏實處其難已經節奉 欽依行令戴罪策勵供職無容再議如蒙伏乞 勅下兵部再加查議合無通將失事叅將魏宗瀚王如澄先行革職備行巡按廣東監察御史將魏宗瀚王如

卷五

六

澄與湯克寬俱取死罪招由在案責成滅賊贖罪如再不效竟坐重典其把總指揮等官俞尚志等責任稍輕亦先行革去冠帶克為事官與僉事張士純同知林焄俱戴罪殺賊候事寧之日分別功罪各另議處其巡撫都御史李佑仍令戴罪容臣再行督責後效與俞大猷協心併力必滅此賊該省原議請給軍餉錢糧亦乞俯從查處以濟緊急庶威信嚴明兵食之

足點賊有成擒之日矣

請留總兵官再疏

臣竊惟兩廣自昔多盜山徑海寇往往流毒地方征剿殆無虛歲蓋種類積習難馴而時下尤為狂恣乃至有如曾一本者乍降輒叛出海縱橫抗拒王師執辱將領本以巨寇吳平餘黨踵襲狡悍習知虛實剽掠漸多自去歲及今勢甚猖熾致塵聖皇注念屢降 綸音命臣督率剿滅臣入境

之初隨據廣東按察司海北兵備僉事張士純報稱前賊突至雷州海面登岸劫掠於隆慶元年十一月二十一日該統督參將魏宗瀚王如澄等率領舟師與賊交鋒失利被賊燒燬戰船據執參將繆印等緣由前來看賊勢方張我軍氣怯撲剿之議選將為急舊任湯克寬既奉 旨革任新任總兵官又推補未至一面先行調取廣西總兵官俞大猷馳赴軍門聽臣計

議督發前去廣東地方與巡撫都御史李

佑整備兵船置辦器械火藥等項以圖進

剿一面具本題 請去後隨據俞大猷呈

報應辦兵船數自并酌議大烏艚舡大福

船哨馬舡隻選過見在官兵軍器火藥等

項仍慮兵舡尚欠合用福兵及白艚舡隻

行仰廣東布政司支銀責委魏宗瀚等領

赴該省在募皆已定議施行與諸凡征進

事宜逐一措置漸有次第惟俟兵舡集日

舉事其間緩急操縱運用之權悉屬之大

猷方隅馮幾望功成有期矣近聞兵部侍

郎譚綸以為京營團練宜得大猷共事具

本欲乞 召用彼其同心共濟安內攘外

之意誠忠謀也在臣豈敢以此嶺海小醜

必欲挽留一將以妨大計但此時諸路將

士既已傾心服其指揮海洋桀驁亦皆憚

威屢乞招撫作三軍之敵愾安萬姓之憂

危士民洵洵惟恐其去況在誓師申令之

持有臨敵步將之忌揆諸事勢誠不可
令其去也且大猷生長海濱熟知水戰雖
忠義性成韜畧素具無往不利迺江海
帆檣從容應變奮迅於波濤震蕩之中一
持將領信無能出其右者即使新總兵至
亦豈遽能詣地利得人和如此臣復轉思
惟萬不得已乃敢冒昧上陳伏乞 軫
念遐方安危所係勅下兵部再加查議
合無將總兵官俞大猷暫留廣東令其殫
竭心力專意滅賊其新任郭成至日亦令
與之協謀共事督責將士務將曾一本等
剿虜盡絕功成之日即令應命赴京
聽用其廣西總兵官應否先行推補或事
畢仍令回鎮本省聽征古田以終巡按御
史朱炳如原建之議俱聽兵部查議施行
廢上紆九重南顧之憂下慰邊海生民
之望地方幸甚臣等幸甚
請釋閒宅廢人疏

先准禮部咨內開煩查該省閒宅內拘禁
廢人邦篤先前所犯情罪重輕及何年月
日入宅是否久遠有無可矜即今拘禁有
年曾否悔悞逐一查明如果例應釋出即
同巡按會奏前來以憑題請定奪至於
奏內乞要嚴加防範已經本部題奉 欽
依通行外合行查照着實舉行等因備咨
前來據廣西按察司會同都布二司守巡
等道左布政使等官陳慶等會查得閒宅
廢人經責孟生俱犯該拒捕持刀傷人及
夥賊強盜財物積惡深重約造四次越關
屢違 明禁素行橫暴民怨切骨經排收
禁在逃持刀傷人經恣誘引同行憑籍規
利潛踪肆出略無忌憚以上四廢恣行貪
暴蔑視 憲章至今粵西宗衆倚勢凌虐
朋比惱淫紛紛效尤日甚一日皆此輩為
之作備防微杜漸仍當禁錮終身為宗
藩不法者之戒又查得一名邦篤原犯私

出鎮未過百里尋即追回較之屢次越關過惡顯著者誠為有間雖無改過之驗似有悔心之萌近該本王題請釋放情委可矜又邦葦越奏降廢係家人劉享撥置已經問遣仲生依附同宗連名瀆擾彼時年尚幼小見惑於人邦葦代父越奏欲蓋前愆自惟於罪約等附和為非擅離封境以上四廢雖拘禁遠近不同而心迹似與邦葦俱情可矜應同奏請欵奉

赦典一體釋放至於關防一節先年立法本嚴近頗弛廢不守合行申飭以銷意外之虞等因呈報前來臣會同巡按廣西監察御史朱炳如議照間宅之設專以懲抑干犯法典宗室今當聖政維新之會正衆庶創艾之期所據廢人經畫孟生犯該盜情約造約踏經排經恣事干屢犯冲生拘禁未久俱不敢輕議照舊禁錮外其餘人邦葦出城未踰百里既經靖江王

邦葦具奏乞安釋出而邦葦等援例具告前來俱經三司官會勘明白邦葦邦葦約等俱係初犯且為他人撥置及代奏附和情犯似輕孽非已作今邦葦邦葦俱禁一十二年邦葦約等俱禁三年以上比與臣原任鳳陽巡撫題釋高橋廢人陸楹等事同一體於情委屬可矜相應題請寬宥及照原設間宅初議王府差委內官旗校有司差委捕盜官員內外防禁仍封閉

宅門五日一啓巡風人役晝夜守護不許私自出入交通外人防範頗周適因群宗構怨以致衆庶乘機蔑視毆辱官校法紀蕩然任其自便肆無忌憚若非申飭將來踵襲如舊難免地方之害除行長史司啓王仍舊嚴督內官旗校協同有司捕盜官兵務令晝夜局閉內外巡守鎖鑰仍行分巡桂林道掌管每遇五日委令按察司首領官員督同前項官校如期開放水米等項

完即高鎖如有疎怠縱容出入分巡該道
即將經該員役徑自查叅呈究其各庶人
凡有染疾及喪葬父母患難是雖人子至
情悉皆咨 王量事緩急聽其區處有司
亦不得擅自干預各庶人如有仍前不聽
鈐束違法踰越者聽 本王徑自懲戒或
叅 奏罰住口糧或送發高墻如此則事
權有屬防範無虞地方幸甚

擒獲賊首疏

卷五

三五

據廣東按察司整飭兵備兼分巡潮州道
僉事蹇來譽呈稱惠潮大賊首林金先年
糾同各巢點賊為患節被官兵征剿金性
狡猾遂得逃刃自集已獲賊總黎尚德龔
三蠻等二千餘徒劫掠惠州等府地名烏
潭義容等處圍寨殺擄人民盤據上松坑
為巢隆慶元年五月內該伸威兵備道通
呈奉總督撫按衙門督發官兵攻破巢穴
擒斬獲黎尚德等解報林金帶領殘黨數

百徒遁往海豐縣南嶺東溪寨地方仍勾
賊黨行劫官兵追及剿殺止遺林金十數
人潛行奔走隨奉督撫衙門憲牌仰道懸
示重賞設法緝捕必獲首惡解報以絕盜
源依奉督行潮州府知府楊承閔同知胡
廷順選差民壯郭賓董和楊貴等分投著
落惠來等縣撫民巢內查諭計擒彼林金
得知附投海豐八萬峒賊首饒棉峯等一
千餘徒流劫普寧縣泥洋徑口寨地方本

卷五

三六

道即督官兵剿捕各賊隨就逃散惟有林
金等又逃往惠來縣南洋寨撫民曾仕龍
巢內納降曾仕龍因見前諭諄切與梅林
寨千長官守正欲拿獲立功託佃人巫子
榮馳赴哨官李文甫於本年十二月十六
日引赴該府投詞當即給與榜文着落曾
仕龍計擒又督名色把總謝恩等前去高
浦等寨起集千長蔡守興等兵一千名會
同名色把總陳儒等募兵三百名移住南

洋以作聲援本月二十七日李文甫等督同曾仕龍并頭目黎德范仁等將林金拿獲解報到道研審得林金供係惠州府海豐縣金錫五都人嘉靖三十八年內合同已剿賊首花腰蜂即五端為盜號稱大總後五端就誅金又糾同已剿殺賊首葉卅樓蘇均用鄭奇山等打劫惠潮二府地方金親手殺死二十餘人復同被擒賊首王西橋等前往廣州府東莞縣地方劫掠被

卷五

三七

兵殺敗金自立為都總糾黨打劫各處圍寨殺人放火繼被大兵攻破巢穴剿滅徒黨金脫走惠來撫巢被獲等情據此為照賊首林金流毒三府地方播惡已非一日敵殺軍兵殘害百姓乃者潛身逃遁禍根未除仰仗軍門指授方畧恩威並用以致撫民效力不煩一餉首惡就擒士庶歡欣所據有功官員相應叙賞以酬其勞及照林金驍雄極惡首長殺人較多所宜亟正

典刑用洩民憤等因呈報到臣案查先據仲威兵備道及惠州府等衙門呈申拜歸善等縣申稱漏網賊首林金龔三蠻等糾集黨與據險為巢陸續分哨剽劫歸善長樂等縣洋烏潭上下石等處地方攻圍破寨殺死生員譚大緒軍民張大惠諸松矩等數百餘命擄去男婦潘應科梁氏等逼銀贖放懇兵征剿解民倒懸等情該前任提督侍郎吳桂芳會同巡撫廣東都御史李佑督調官兵分定哨道行委都指揮白翰紀統督仲威兵備按察司張子弘監督進剿已將巢穴掃蕩擒斬獲賊犯黎尚德揚子清龔三蠻等共三百零三名顆俘獲賊屬一百二十五名口奪回被擄男婦七名口奪獲賊旗器械一百七十二件馬六匹牛三十一頭獨遺賊首林金未見俘獲續該臣接管看得前項地方雖已平寧而賊首漏刃恐餘燼復燃又經會行嚴督各

卷五

三十八

道府縣官員多方緝訪購擒解報去後今據前因臣會同巡撫都御史李佑議照賊首林金嘯聚為盜擁眾焚劫始於惠潮之間延蔓東莞等處肆惡無忌雖大兵屢加而變詐莫測遂為出柙之虎茲者該道府官同心協力設策運謀以致撫民用命元惡就擒一方之禍本既除百姓之積憤已洩是皆仰仗我

皇上 聖德覃敷 天威遠布之所致也除將

有功官員聽巡按御史併勘另議其兵夫撫民量行犒賞賊首林金發按察司會審明白遵照兵部 題准嚴法令以靖地方事例押赴市曹處決如法判屍以洩民憤外謹具題 知

會議軍餉征剿古田疏

據廣西布政司呈奉 臣素驗准兵部咨該兵科抄出巡按廣西監察御史朱炳如題前事備仰本司將應剿古田地方會議合

用兵糧事宜具由通呈詳奪依奉該本司掌印右佈政使周傑會同三司各官議得古田巨賊據三鎮十里為巢穴連八寨為聲援越省城劫藩庫戎方面砍 王門誠覆載之所難容真神人之所共憤且該縣官吏師生僑寄省中編戶齊民流移他處垂六十年竟自執迷豈一朝夕所能招撫近該主簿廖元深入彼中名雖護印實則為質且不惟該縣之土地人民不復得見

大日而鄰境鄉村無日不遭劫擄之苦省城官司無夜不畏窺伺之姦蓋天將殄其種類故先厚其兇雷此正數窮理極之時大征之舉在所不容已也除合用大小哨官兵器械等項及善後之計已該總兵官俞大猷條論詳悉至於選將調兵嚮導偵謀分布信地各里專職凡一應進止機宜攻守長策候舉事之際再行酌議外所有糧餉一節如總兵俞大猷揭稱先發銀兩

前去湖廣衛永等處糴米合用銀四萬兩
右江府江二道各銀五千兩左江道買馬
肆百匹約銀四千兩及懸賞格置軍器等
項尤不下數萬兩今司帑被劫之後止有
馬價銀八百三十八兩專備地方買馬大
征其餘多係解京錢糧即 宗室祿米軍
糧且不敷一季支放已經另詳呈乞議處
而今欲動大衆興大役雖盡括解京錢糧
其何能措給萬分之一也查得嘉靖三十

卷五

三

四年總督浙直都御史張經周琬胡宗憲
先後題借去兩廣軍餉銀共二十萬兩止
還過銀三萬兩尚有一十七萬兩未還三
十七年該巡撫四川都御史黃光昇題借
去兩廣軍餉銀三十萬兩訪聞彼處見有
十萬五千兩未動夫浙直四川素稱財賦
之藪一旦用兵採木尚欲別省協借矧廣
西地瘠民困朝不謀夕今欲剿除數十年
之逋賊發紆數十年之積忿一時軍餉之

需何從取給伏乞 請轉行三省撫

按查將前借銀兩差官解還本省及多方
預處克足以備分投委官辦集前項諸費
聽候臨期舉事等因到臣案查先准兵部
咨該本部題准鎮守廣西總兵官征蠻將
軍署都督同知俞大猷手本內稱廣西古
田縣去府僅百餘里田土縣治盡被撞賊
占據已經五六十餘年弘治年間襲殺副總
兵馬俊參議馬鉉正德年間攻陷洛容縣

卷五

三

嘉靖四十三年十二月越入省城劫去庫
銀數萬兩參政黎民衷被害四十四年八
月復越省城被官兵挫退若不亟行盪定
則古田陸沉永不可復今應議處進剿機
宜約計共調廣西土官目兵及雇募烏銃
手等軍兵十萬員名分派七大哨用監督
司道官七員統督將領官七員又分三十
八小哨用指揮三十八員千百戶七十六
員監統進剿該本部看得俞大猷痛悞窮

允議行征討仍須借調湖貴等兵併力夾
攻乞行計議合用糧餉或於浙江四川兩
省取回原借軍餉不敷乞於 內帑給奏
緣由相應議處合候

命下移咨新任總督張瀚會同巡按御史朱炳
如備將前項征剿事宜再加從長會議停
妥會本具 奏等因具題節奉

聖旨是欽此欽遵備咨到臣已經業行會議去
後隨又查得嘉靖三十四年內當兩廣無

卷五

三三

事之日該總督浙直都御史張經周琬胡
宗憲題行戶部備咨前提督兩廣侍郎譚
愷行廣東布政司借支軍餉銀二次銀二
十萬兩嘉靖三十七年又該巡撫四川都
御史黃光昇題行工部備咨前提督兩廣
侍郎王鈞行廣東布政司議支銀共三十
萬兩差官解送四川布政司協濟採木之
用至嘉靖四十一年內前右都御史張臬
訪聞川貴解木事完前銀未曾支用題

請發還廣東濟用隨准戶部咨報前銀俱已
各項取用並無補還嘉靖四十四年又該
前提督侍郎吳桂芳見得用兵缺餉具
題取還前銀該戶部覆議止准該省解還銀

三萬兩前來兩廣支用訖今據前因臣會
同巡按廣西監察御史朱炳如議照古田
縣境賊巢結聚負固梗化占據已久弘治
間襲殺總兵叅議正德間攻陷洛容縣治
近年復突劫藩司庫藏殺死方面官員罪

卷五

三四

大惡極在法所當必剿但其巢穴深遠盤
據本省兩府四縣之地外連湖廣貴州之
間其中林菁深密蜂窩窟穴百十餘數衆
號數萬地有三厄之險鳥道攀援水有牛
河下流迅馳如箭此皆必經之蹠行師進
剿自昔稱難頃據總兵官俞大猷建議謂
須多集兵馬四面合圍奪險通道期於必
克誠勝筭矣然興兵十萬日費千金姑以
半年為期計須二十萬兩軍器火藥戰馬

賞犒諸凡雜費不與焉廣西物力素薄自來兵餉之費皆仰給於廣東稅課之積往歲稅銀饒裕數年始一大征故歲供常有餘而猶得以貯積濟他省之急頻年海洋多盜商舶既少征收已減縮過半又師旅煩興招兵增戍殆無虛日此時兩廣之力何能供十萬之衆備半年之需乎所據各司道會議前因誠非得已况浙江布政司除已解外見有銀一十三萬兩四川見貯亦不下二十五萬兩俱應查照原數補解前來容督率俞大猷等預備糧食召集兵馬博選將領分定嚮導關會湖貴併力堵截刻期舉事庶幾有濟若銀不滿數則兵難多調兵數既少則分布不周大猷欲計慮萬全遂難紆展臣亦何以施督責之法望平定之全功乎伏望

皇上憫念遐荒縣治久廢宿寇構患無已勅下該部悉從臣等所議將各省原借去銀

兩務先扣足二十萬兩刻期解至廣西布政司或梧州府交割以濟緊急軍需之用俾臣等文武諸臣各得以畢殫犬馬之力少效涓埃之報不勝幸甚迺若神武養威於不殺節儉弗侈於邊功惜力惜財暫撫四野可招之人漸通險阻之隘徐振一旅之師擒獲罪人安其反側謹於隄防以時鵬剿則固目前荷安之計非臣等所敢擅議也

明職掌以一政體疏

照得兩粵界嶺海之間諸郡皆盜賊之藪時時警報在在徵兵舊設提督撫臣關府蒼梧居中調度緣地方遼濶益以年累多事控制難兼嘉靖四十五年該言官建議兵部覆題奉欽依於廣東添設巡撫官一員兼贊理軍務專事該省其兩廣提督官改為總督軍務糧餉兼撫西省地方是東省既有巡撫而又使總督得兼制之良

以兵食相資必聯合而後不至於相病也
 則廣東地方一應兵馬調遣剿撫機宜與
 軍餉盈縮倉庫積儲各衙門大小文武官
 員考核賢否及考滿給由皆總督職掌所
 係理得與聞撫按官諸凡調遣舉措或題
 請有干軍計及舉劾官員等項俱應關會總
 督官議處施行此三邊總督與陝西巡撫
 事規所掌親歷與延綏寧夏甘肅各鎮
 皆然蓋為地方同心計慮政體成規應如
 是也項臣奉 命前來將及半年東省地
 方賊情與治兵理餉等項各該司道凡有
 呈請及總兵等官以軍務商確俱經悉心
 整理施行外但巡撫衙門往往不行關會
 如前 奏討浙直四川原借軍餉竟不相
 聞以致臣與廣西巡按御史朱炳如陷於
 不知亦復題 請前銀將為西省之用又
 如分巡兵備等官考滿呈詳應准給由或
 應會本保留俱宜計議定奪今每徑自具

卷五

三十七

題或移咨吏部並不相聞事皆齟齬在巡撫
 李佑銳意幹理功欲求成豈肯故為異同
 自分彼此寔緣衙門新設案牘無稽供役
 吏書無憑稟白不得不以臆見獨裁信直
 行為簡便也臣竊警諸行舟篙師舵長雖
 各盡其力於把持而心志則一張主不二
 故嚮往有定大川利涉若使少有參差東
 馳西驚槌槌莫知所適何以收共濟之功
 乎此臣所以惓惓願與同心併力而非強
 為專擅也已將前項緣由咨行查照外時
 下新舊交承誠恐將來承訛襲誤日益乖
 違有妨安攘之計虛節制之 聖書無督
 責之實效何以進曠廢之罪也如蒙乞
 勅該部再加查議上 請將兩廣督撫衙門
 照三邊事體轉行該省巡撫官今後除巡
 撫事宜不關軍計外其地方稍重賊情調
 遣官兵處置糧餉與文武官員給由應留
 應放等項及事干題 請俱要關會議處

卷五

三十八

施行至於額該供應西省錢糧亦須行令
所司如數依期解運不得遲延誤事如違
聽臣叅劾究治庶職掌明而政體不紊心
志同而地方有賴矣

會留廣東錢糧疏

照得廣東僻居海隅素號多盜然恣肆劫
掠縱橫海上未有甚於此時頃者林道乾
雖已招撫羈縻而曾一本尚點驚木已轉
餉招兵帑藏告乏亦未有甚於此時緣連

卷五

三十九

年征調供億浩繁常額不繼搜括靡遺迨
至去冬雷海之戰官兵失利船隻橫槓焚
掠一空近又賊襲省下半載經營海戰之
具盡被毀壞目下計圖滅賊復行打造兵
船添置火器軍前犒賞諸凡用費大約不
下數萬餘兩查得該省布政司庫貯軍餉
銀僅存三萬有零通省各道兵食皆仰給
於此即目前支應猶為不足而航海舟師
費用緊急該司計毛似徬徨莫知所措臣會

同巡撫右僉都御史熊桴議照理兵必先
財用財裕乃可振兵故雖平居無事之時
飭兵防除戎器尚不可使有不繼之患乃
今舉大事動大衆急切臨敵之際豈可使
貯積缺乏以誤重計臣等待罪地方目擊
心憂日思請給 內帑終不敢發而今將
盡括貯積起解則前項置造一不可行雖
使孫吳為將不能強枵腹之人出戰又安
能舍器具而徒搏無舟楫而憑河哉矧擊
賊於茫茫無定之區帆檣信風遲速不由
人力操縱緩急勝負決於斯頃賊利則力
抗我師敗則隨處遠遁殄滅之期固難逆
料而制勝之策不可踈虞若非大破常格
慶給錢糧及時置造終無濟於緊急臣等
冒昧伏乞

皇上軫念東粵寇患已久生民塗炭已極乞
勅戶部亟行查議將御史馬明謨查出該省司
庫應解京銀二十六萬九千餘兩除一十

一萬餘兩盡行起解外數內一項鹽課引紙價銀三萬四千兩鐵稅銀一萬九千三百兩督撫贖銀四千兩共銀五萬七千日下便可料理若曰該省曾經題請准取浙蜀償還之銀可以待用則遙遙異省利害不切有無多寡俱未可定何可恃為旦夕燃眉之救乎此臣等憂思迫切必不得已之款悃也

查叅失事將官疏

臣惟賞罰者 朝廷之紀綱賞罰不行雖堯舜不能化天下故易稱明罰勅法書言弗迪顯戮凡以法紀不可不飭也况軍旅之事臨敵勝負决地方之安危將領忠邪係士卒之勇怯非藉賞罰鼓舞振作其間則樂生畏死之素習必不可振玩寇殃民之顯過終無所懲禍亂何時已乎頃自海賊曾一本叛招潮陽縱橫海上罪大惡極

神人共憤當事諸臣與所在士民恨不刻殲滅以貽嶺海之安去冬該叅將魏宗翰王如澄繆印等奉委統領兵船進剿時賊方畏誅奔命勢未猖獗為力良易而魏宗翰王如澄乃逗遛不進縱令西逸繼而追及雷州各又二三其心遲回退縮以致繆印等兵孤失利為賊擄執隨帶軍器火藥餉銀船隻盡被搶掠極為賊有廣省數年預備攻戰之具坐是空二將失誤軍

機之罪已無所逃矣臣當入境之初叅

題前項失事議將二將先取死罪招由滅賊贖罪如再不效竟坐重典在巡按御史王同道叅論大意相同隨該兵部覆題奉欽依行令戴罪殺賊及調用廣西總兵官俞大猷前去廣東會同巡撫右僉都御史李佑及新任總兵官郭成協謀共事整理兵船以圖再舉在魏宗翰王如澄自當悉心殫力奮不顧身勉立奇功以贖前罪今兵船

將集漫不預防致賊襲入省下宗瀚如澄各統一哨未及對敵輒先退避部下官兵亦皆望風披靡任賊縱橫半載經營戰船槓棋復為賊燒燬占據而城外民居亦遭霍燬附近村落多被傷殘二將退縮債事之罪又將奚諉哉且宗瀚如澄先次領兵雷州數俱不足今次宗瀚招兵閩海虛冒尤多則何以服衆心而制死命夫指畫操縱之權固在乎主將衝鋒過敵之勇實賴

本五

四三

乎偏裨宗瀚如澄各領官兵兩致挫辱始則海北兵備之查核已明罪在不貸今復鎮巡諸臣之目擊難掩法豈能容若不一示法紀則人將無所忌憚何以懲奸貪誤事之罪鼓將士勇敢之氣欲以宣

朝廷之威奏蕩平之績人益玩而事愈難矣如蒙乞 勅兵部再加查議將原充參將革職戴罪今又失誤軍機犯人魏宗瀚王如澄聽臣遵照欽奉 勅諭拿解軍門以軍

法斬首示衆或行巡按御史通將二犯原領過軍餉招兵官銀比對原行查點實數扣算侵剋賊銀嚴追還官各項罪犯照依律例議擬具 奏定奪其餘失事官員容臣查核另行分別 題究治此則懲前事以振綱紀必如是而後將來之事可喜也二參將既已正法所遺員缺仍乞就近推選素有謀勇慣歷水戰如分守南贛參將蔡汝蘭廣東都司署都指揮僉事白翰

本五

四四

紀者調陞前缺令各馳赴統哨今巡撫都御史熊桴新任臣與之協謀區畫要之點賊敢於犯順不過恃其船隻利便及擄得火器漸多故一見官兵銃砲如雨衝突直前我軍遂怯今必欲收功海洋必須多備舸艦添造火器簡閱精兵數各倍之歷以一省全力乃為勝算但念曠日持久緩不及事而各賊復肆流劫於沿海之間禍患益延蔓無已勢不得不亟為追剿之計隨

據總兵官俞大猷揭帖開稱香山澳商自請款助兵滅賊及查見造并未完大福船共有一十九隻加以冬仔及近刷橫江船整理亦頗有勢福兵已點選二千三百名澳商亦集二千名本職親督前去追賊收功可望等因此本官定議用奇憤激於前而奮迅於後也臣猶慮兵力尚寡謀貴萬全查有近撫海賊林道乾等原議責令報效今當併用其力隨行巡撫熊桴及總兵官俞大猷郭成責差的當人員重懸賞格前去鼓舞調發會合官兵分哨出海總計前項兵船已足破賊制勝矧俞大猷躬自臨戎身先士卒將士用命成功可望此日下圖惟安揅期善後事之大略也

臺省疏稿卷之五終

臺省疏稿卷之六

海上擒獲捷音疏

據廣州兵備帶管巡視海道僉事周舜岳會同分守嶺南道左叅政謝鵬舉呈稱海賊曾一本自隆慶二年六月十一日突至省外焚奪兵船殺擄人民退出波羅外海節奉各軍門牌仰各道督率水陸官兵隨處相機剿捕六月二十九日賊哨馬船三隻飄劫深涌等處鄉村當督領哨百戶張沛率領總甲陳鳳余朝等追到與賊交戰生擒從賊彭世孔陳大等一十一名斬獲首級一顆七月初三日白艚賊船二十餘隻突至香山縣唐家九洲地方打劫又該領兵指揮僉事伍惟統坐駕兵船適會香山縣知縣林成綱督發哨馬健兵新會縣知縣林會春解濟軍需火藥各官兵遵奉總督軍門催督調度於初六日在虎頭門外百寅至午與賊大戰十數合奪獲大白

艚船九隻衝沉大船三隻指揮伍惟統等
哨官兵當陣生擒賊犯蔡七吳亞尾姚蕊
絢丘順等二十一名斬獲首級一十五顆
奪獲被擄男婦五口銃砲打傷墮水及奔
逃溺死賊徒約三百有零被傷兵夫郭才
胡清等三名及東莞縣知縣楊守仁亦督
官兵生擒賊犯李鳳褒等三名斬獲首級
二顆備倭指揮王權部兵擒獲賊犯吳美
一名又准總兵官俞大猷郭成手本開報
頭目林弘仲何中行等部領兵夫夾剿前
賊生擒賊徒二十五名斬獲賊級四十八
顆及總兵官郭成家兵林得成等斬獲賊
級一顆通前各哨官兵總計擒斬獲賊犯
賊級共一百二十八名顆各數目到臣案
查曾一本等流毒遠海屢抗王師執辱
將領該臣題奉明旨行取廣西總兵官
俞大猷前去會同巡撫廣東都御史李佑
計議造船募兵進剿續廣東總兵郭成到

任臣又督責本官協謀共事適船兵將集
本年六月十九日就准李佑咨及據分守
巡海叅政等官謝鵬舉等飛報前賊於本
月十一日突犯省城河下敵燒兵船民房
勢甚猖獗臣即掣調梧鎮戍守漢達官軍
日兵行委坐營都指揮李懋元統領及行
督調各道水陸官兵與東莞新會等縣雇
募兵船各入省合勢夾擊仍相機進剿一
面查將失事人員具本先行恭題一面
備行新任都御史熊輝會同總兵官俞大
猷等整理見在船隻及計處添造福船募
兵行令俞大猷親督進剿去後今據前因
除將生擒賊犯遵照題准事例處決梟
示被擄給親領回船隻改充兵用外為照
劇賊曾一本等流毒有年人神共憤兼造
船未集之際肆掩襲焚奪之謀苟圖緩師
聊保旦夕今各該官兵乃能協心共濟追
挫賊鋒則士氣自倍而尤允授首有日矣

是皆仰仗我 皇上 天威遠布

聖德懋昭之所致也除將有功官兵先行給賞

以作銳氣仍候事寧之日另行定議叙錄

外謹具題 知

海賊流劫議處防剿疏

據海防兵備兼分巡潮州道僉事郭孝揭

帖拜潮陽海豐等縣陸續飛報海賊曾一

本前此入犯省城地方隨即東向惠潮隆

慶二年七月內至連澳牛田羊等處海面

十九等日分程老等哨船突至海豐縣三

江港口及澄海縣鮑浦溪東蓬州烏汀背

月浦等寨海陽縣渡頭庵等鄉村搶擄去

白艚船隻數多捉擄男婦三百餘名口二

十一日往蓬州都地方焚劫出港即今編

挿旗號廣招人民每名給銀一兩以助惡

黨及白哨海賊與大家并新民并何老賊

黨率多投附夥衆其撫民林道乾船灣在

踏頭鋪搭寨與民盟誓互相救護等因又

據僉事郭孝揭報據揭陽縣并蓬州所飛

報曾一本等於本年八月初二日攻打大

家井勝負未分初四初五日駕船三百餘

隻由南溪突劫漁湖都鍾慶洋又一哨駕

船一百餘隻突入北溪焚劫梅岡都新河

磐溪等鄉村逼近揭陽縣蓬州所城池緣

由到此案查先因海賊曾一本突犯省城

河下焚奪船隻退出虎頭門等處海面已

該臣嚴督總兵官俞大猷郭成等督發各

該將領相機攻擊續據廣州兵備僉事等

官周舜岳等各報督兵擒斬賊犯蔡七等

功次并奪獲船隻數目前來已經具本題

知并將失事人員叅 奏處治及行贖理軍

務右僉都御史熊輝督行分守巡海等道

左叅政等官謝鵬舉周舜岳等修整見存

及在募福船烏艚冬仔等船六十八隻以

刺胡船三十餘隻分派原任叅將王詔與

都指揮白翰紀統督把總朱相伍惟統等

各領駕在於虎頭門及東莞南頭等處加
謹防守續准巡撫右僉都御史熊桴咨開
會同總兵官俞大猷議支銀四萬五千兩
委原任總兵官湯克寬雷州府海防同知
林焯領往福建福州洪塘漳州等處地方
打造大福船冬仔船七十餘隻即募慣戰
福兵五千餘名又發銀一萬三千兩於本
省東莞順德番禺等縣責成各掌印官造
大烏艚船十三隻募兵制器勒限報完仍

卷六

六

今俞大猷親往閩中督發兵船前來約期
夾擊又先行總兵官郭成進擊將軍馬良
匪共領陸兵六千餘名屯劄潮州設策鼓
舞撫民林道乾莫應敷朱良寶等協力相
機防剿外今據前因臣看得海賊曾一本
竿極惡窮兇流劫沿海今見大兵將集乃
復招納亡命張大聲勢以避誅戮及照撫
民林道乾前雖肆惡今自投招之後誓願
滅賊情詞既順信義當孚既以孤其黨類

又得藉其死力似亦權宜之策也除一向
通行嚴督催造船隻措備糧餉鼓舞將士
務將前賊剿處蕩平另 報外謹具題

知

鷓鴣右江都亮功次疏

據廣西遊擊將軍帶管柳慶參將丁山呈
稱隆慶二年十月初六日據慶遠守備田
義揭稱遵休方畧密往思恩府小諾齊兵
哨刻期於本年九月二十五日親統千戶

卷六

七

童鉞舍人李芷領軍嚴押東蘭州族目韋
福安等兵撲剿慶遠府宜山縣大都亮吳
村斬獲首從賊級一百五十六顆生擒首
從賊徒四名指揮程梁舍人鄔啓坤督押
邠地州族目羅思業等兵剿小都亮何馬
風木等村斬獲首從賊級三十五顆冠帶
總旗鄭陽春舍人黃世熙彭大成督押南
丹州族目莫昂莫顯德等兵剿歸剌下隘
等村斬獲首從賊級二十四顆三哨官軍

目共擒斬賊級二百一十九名顆大都
亮三村俱已全夥撲滅惟小都亮及歸朝
二處稍有脫逃除加意撫出另報等因隨
又續據分巡道副使鄭一龍呈稱先該分
守右江道叅議張佳胤會同分守柳慶叅
將王世科調到那地州目兵羅思詔等一
千名報效目兵黃積等九百名二道會行
柳州府同知何賢計辦糧餉分委守備田
義督領千戶陳良壁百戶余言陳漢剿得

峒門村首從賊韋公報等一十六顆社羅
村首從賊常扶晚等二十一顆黃荊村首
從賊常朝花等一十三顆俘獲賊屬大小
男婦共一十八名口馬一匹牛十三頭慶
遠府知府秦樞守備田義乘兵威始振督
令招主僮老龍仁晚擒獲柳城縣北蓋村
首賊梁宗達梁宗順二名審係殺死哨守
永寧堡千戶郭大倫夥賊又委南丹衛指
揮王瑞來賓所領哨千戶黃元舉統領賓

州三關馬鞍白袍等目兵營兵剿獲未賓
縣水規村首賊石公高拜從賊首級一十
四顆俘奪賊屬一十四名口水牛六頭沙
牛十七頭馬二匹又督千戶黃元舉統兵
殺獲東歐西里北三等峒賊級九顆及各
處把截官兵鄉兵呈報共獲功一十八名
顆通共擒斬首從賊人首級三百三十一
名顆奪獲賊屬三十二名口牛三十四頭
馬三匹開具獲功首縱人役姓名數目呈

報到臣案查柳慶諸山賊黨恃險負固稔
惡有年先該臣臨鎮之初仰體 朝廷好
生之德示以不殺之恩通行撫諭兩廣各
山峒寨寨匪撞洗心向化聽各自立千長
編甲互相約束安分住種共保家室以免
殺戮若屢撫不悛摘其尤者具報密行賜
剿示戒隨節據副使鄭一龍呈稱右江多
盜之區其極惡者賓州之八寨緣餞糧置
乏權行撫禦惟遷江之東歐未賓之比三

北五慶遠宜山之清潭大小都亮及柳慶
二府柳城等縣各處峒賊俱各縱橫流劫
多藉八寨以為聲勢劫人而恐官兵之查
勘則指為八寨之徒虜人而恐官兵之追
取則引致八寨之穴本道巡歷地方據各
鄉民遮道欄告殘破鄉村殺傷民命家產
罄盡老幼飄零慘毒之情甚可悲惻此病
不藥民將愈危及今不慶則柳慶十里之
間皆為煨燼諸巢賊黨固當犁庭掃穴草

卷六

雜禽獮然後快於人心但兵馬不足錢糧
不敷惟舉其尤者密行鴟剿懲一戒百所
謂根之難拔者不輕動以拯其變惡之素
稔者不緩治以失其機慶遠等處有守備
田義指揮王瑞等謀勇堪委乞賜處發錢
糧許以便宜從事獲功即行議報失事亦
聽議罰等因到臣已批各地既有專責各
官又皆同心依議相機剿謹密迅捷務
獲奇功臨時運謀設伏聽得便宜施行部

院不能遙度并於梧州府庫貯查發軍餉
銀二千兩前去賓州收候聽用去後今據
前因臣看得廣西宜山等縣大小都亮峒
門北蓋水規東歐等村寨之黨近糾賓州
八寨遠連古田鳳凰等巢依附聲勢肆無
忌憚殘破鄉村殺掠人民占據田業滿地
皆為盜區數年以來錢糧苦於不繼兵力
牽於東省久未一加懲創巨初給榜撫綏
叮嚀告戒惟欲導之歸化期於省事無奈

卷六

十一

梟獍難馴兇殘如故該道副使鄭一龍目
擊慘毒志切衛民乃銳意經畫與遊擊丁
山協謀定議率同守備田義奮迅前驅深
入險阻搗負固難拔之巢滅稔惡窮兇之
黨雖獲功不滿四百然懲一戒百

王師威令敷宣峒寨蠻徭畏懼實年來僅見之
功也除將副使鄭一龍遊擊丁山量行獎
勞守備田義及各獲功員役分別給賞賊
犯遵照題 准事例處決梟示賊屬牛馬

變價克賞外謹具題 知

截殺山賊功次疏

據廣東嶺西兵備道公事汪汝達呈稱陽春賊首黃天飛即黃朝盛莫永順等先年夥同賊首黎汝誠黃朝泰等劫掠陽春縣西山地方逐散種兵覃邦憲張槐等奪耕糧田陸續出劫高肇二府茂名等縣鄉村殺擄人民數多隆慶二年內黃朝泰被兵斂傷衆推朝盛為首莫永順為總目率領

卷六 十一

徒黨三千本年八月內剿劫樂安驛并陽江地方攻破旱田寨殺死覃邦縣等有各縣被害里排民人伍賢劉廷舉等屢告乞兵剿捕以解倒懸該本道遵奉軍門憲牌督行肇慶府同知郭文通部領官鄉兵夫伍惟著等前去攻剿時賊回劄清水塘挾取被擄收買馬匹該郭文通就令伍惟著等假作投降誘引黃朝盛莫永順出外買馬被伏兵擒獲各賊聞知權衆出奪被兵

衝敵傷死賊徒無數餘賊敗衄奔遁回巢為照前賊流毒殺人兇焰已極見蒙調兵征剿乃大兵未至輒先逃出為患所幸官兵計擒元惡首挫其鋒有功員役乞行叙錄賊首黃朝盛等俱係有名巨寇仍乞早正典刑等因又據南韶兵備道副使許宗鎰呈稱韶州劇賊黃奇山李應孫等約五百餘徒突劫英德縣蕉岡地方當督領兵名色把總張其志率兵敵殺斬獲賊級八

卷六 十三

顆奪回被擄男婦三名口賊即奔往乳源等縣打劫當陣殺男子三人祭旗勢頗猖獗隨奉總督軍門行道督發約授指揮陳璘統守備王克振把總張其志英德縣知縣張文獻督各官兵會哨本年九月二十二日前往地名杉木角與賊交鋒陣斬賊徒不計緣兵急於破敵只抓獲首級四十二顆生擒哨總李應孫賊目陳師長黃金富三名奪獲牛馬一十三頭匹盔甲槍刀

一多十八〇 丹 爲 修 四 庫 全 書 多 片 一

二百零六件奪回被擄男婦梁亞真等二十一名口被傷兵夫彭貴等三十八名當審各賊供稱前黨剿殺甚多首惡與熟知道踣者半已就戮尚有被擄隨從之徒四踣奔散等因又據管伸威兵備事按察使張子弘呈稱惠州山賊曾龍江曾唐等統黨流劫歸善等縣地方即督指揮劉欽千戶湯勛巡檢吳忠等部領官兵於隆慶二年九月初十日前至南山地方與賊衝鋒斬死賊徒百餘俱墜深逕只獲首級六顆生擒賊徒李汝忠等六名傷死兵夫一十名各賊大敗逃往海豐長樂等縣地方該海豐縣縣丞林士瑛武生黃縉雲等斬獲鄭庚生等首級三十二顆又據潮州府同知胡廷順呈稱督兵在揭陽縣尖山斬獲山賊首級七顆并遊擊馬良匪撫兵莫應敷等陸續斬獲海賊首級七十八顆聽候查覈等因又據廣州兵道僉事周舜岳呈

據新會縣報稱本縣背招賊首許永何季余寬余倫等據任龍塘等村後連大山通接各寨賊首周高山陳金鶯等流劫鄉村節據被害鄉民陳敬等告蒙總督軍門通行處剿該知縣林會春密計先擒獲賊首大總管許永并其黨許亞奴譚大耳等五名及督千長何橋伯等統集兵勇掩其不備即時進擊當陣生擒賊首何季等九名斬獲余寬等首級三顆奪獲賊馬二匹標刃賊仗十七件被傷兵夫謝貴旺等九名余倫等奔遁大山九月內復引周高山等出劫前岡等村蒙督千長保甲兵夫馮允衛等奮力協敵陸續生擒先年 奏剿有名漏刃賊首梁亞二并副總馮三保等共四十名斬獲余倫譚雙飛等首級一十四顆奪獲賊婦三口馬三匹賊仗七十件被傷兵夫何服成等十一名餘賊周高山等俱已退遁等因通共擒斬首從賊人賊級

二百五十五名顆俘奪賊屬人口二十七
 名口牛馬十八頭匹賊仗二百九十三件
 各報前來備咨到臣案查先據廣州南韶
 惠潮嶺西各兵備道報稱各處山賊出巢
 肆劫流害鄉村乞發兵驅剿臣等方虞海
 寇之跳梁復報山賊之嘯聚力雖有限事
 當早圖免滋後患臣即一面摘將見在梧
 鎮戍守歸順都康二州日兵及浙兵副總
 葉丹部兵共四百名督發前去嶺西道兵
 備官轉行高肇參將周恣同肇慶府同知
 郭文通統領前往陽春等處剿捕又行廣
 韶惠潮各道分發團操守備哨守官兵設
 法剿捕一面差官齎執令旗令牌前去
 調取向武奉議二州上林縣土官目兵七
 千名至日次第征剿去後今據前因臣等
 議照廣州惠潮韶肇五府地方山峒最為
 盜賊淵藪徑蠻盤據恃險播害每視官兵
 進以為聚散比因逆賊曾一本猖熾官兵

皆從事海上山賊黃朝盛李應孫李汝忠
 許末等遂敢乘間肆出劫掠各縣生靈多
 罹荼毒乃者督率官兵設策進剿在廣肇
 山寨則渠魁就擒在惠韶等處則醜類斯
 獲軍威克振賊黨漸消是皆仰仗我
 皇上 聖武懋昭廟謨指授所致也除將生擒
 賊首黃朝盛等發守巡道審實查照題
 准事例押赴市曹處決從賊李汝忠等發該
 道究招詳奪首級驗明梟示牛馬器械給
 兵克賞被擄人口給親領回賊屬變賣陣
 亡被傷兵夫俱行優恤有功軍兵即時給
 賞各官俱與紀錄候剿滅前項山賊一併
 叙論其海賊功次另行查覈外謹具題
 知
 發回安南夷目疏
 據廣東布政司呈稱安南夷目莫福山莫
 文明莫正中等於嘉靖二十六年內奔赴
 本省投生蒙軍門題奉 欽依安插清遠

縣肇慶府韶州府各支給米糧養贍至今
客久思鄉乞發還本土等因該本司會同
各道議照安南夷目莫福山等始因彼中
構亂奔赴投生分發各地方插住今經二
十餘年矣生齒既盛供億亦繁節據告回
原土前議謂恐彼中事體未定遂令照舊
安養今莫宏漢已說其子莫茂洽見在
請襲且前歲已曾入貢即其舉動似已安寧
若不俯順夷情似非柔遠之道見在夷從
男婦共一百五十七名口三處供億歲費
糧柴銀兩數目百兩以有用之財供化外
之夷尤為無益合候會題命下之日委
官送至鎮南關開關交接聽其領回又據
廣西分守左江道左叅議張佳胤呈稱思
明府盤獲夷目莫邦禎訴稱係安南都統
使司子孫原安插韶州府近因伊父莫正
中病故告給該府此文負父骸骨回鄉
葬緣莫福山莫邦禎等思歸心切呈乞

卷六

十八

行具題緣由到臣查得接管卷內嘉靖
二十六年閏九月內該前任提督兩廣侍
郎張岳會議內開安南都統使莫福海身
故應襲男莫宏漢幼弱不能管理司事其
頭目阮敬係莫登庸義子掌兵有功自福
海時漸不能制加以福海母弟莫敬典又
其女婿頭目鄧文值阮如桂等見莫宏漢
制於阮敬恐其不利共立莫正中管束海
陽海東二府衆寡不敵敗奔前來但莫宏
漢係正嫡當襲已經奏請就使阮敬或
有異謀亦合詳具事情和關號訴伏聽處
分今乃借興復之名私自署置莫正中等
事雖涉於妄作心在存其宗祀窮急前來
投生宜畧加存恤合無於廣東不近安南
府縣權暫安插支給糧食仍查勘如果莫
宏漢尚存境內輯睦其莫文明等只與阮
敬構爭與宏漢並無嫌隙行令宏漢取回
完聚若有罪過聽其從彼中土俗從自

卷六

十九

行等因題奉 欽派分發安插肇慶韶州
 二府及清遠縣養贖至嘉靖二十九年十
 二月內又該前任提督兩廣兵部右侍郎
 周延題為恭候勘議事內開勘過安南都
 統使男莫宏漢應該職事并據莫宏漢申
 稱自受屬權事來惟遵依 天朝原降先
 祖父 勅諭撫理人目安靜地方先因族
 孽莫正中起亂於海陽撫踏閩境人民聲
 義討之于時宏漢幼未及知今覺正中乃
 先祖都統使莫登庸庶子圖僭作叛未及
 出於本心祇緣奸人既如桂范子儀等之
 所脅誘以致惹罪走透 天朝安插然好
 善惡惡天下同情乞將正中文明等示下
 割領回司再許備族屬以存親親之義其
 從黨男婦名口亦望割還就聽照舊回貫
 等因時已議得莫正中等本為莫宏漢尊
 屬宗親乞要發回以全族屬親義及據各
 夷告稱所畏者既敬而已今既敬既已老

死則各夷之道還該司似無他虞第以莫
 宏漢尚在冲年事權恐未歸一俟莫宏漢
 承該既定事權有歸年齒稍長知識漸開
 將各夷押至境上責令領回等因具題節
 奉 世宗皇帝聖旨既查勘明白莫宏漢
 准承該都統使職事護守 勅印其餘依
 擬行欽此欽遵通行遵照去後今據前因
 臣會同巡撫廣東右僉都御史熊輝巡按
 廣西監察御史謝元康議照安南夷目莫
 福山莫文明與莫邦禎今故父莫正中等
 本都統使司已故莫宏漢尊屬宗親原因
 莫宏漢攝事之初年尚幼冲莫正中等執
 既敬專權之漸乘機啓釁欲圖攻擊彼
 動兵相角正中等事勢窮迫遂於嘉靖二
 十六年奔入中國投生安插養贖計今二
 十餘年約支用過米二萬二千餘石銀四
 千四百餘兩當時扶危周急固綏柔遠人
 之道乃今各夷久離鄉土在彼則以生計

無聊為怨在我則有煩繁不繼之虞及查嘉靖二十九年既經該司都統使莫宏漢已曾具申願領各夷回司仍許備族屬以全親親之義此則彼中似有議親宥過釋怨施恩之意而正中等即當遣之歸矣于時祇以莫宏漢承襲未定議候另行奏請發回今莫正中既死所存伊男莫邦禎及莫福山莫文明等男婦共一百五十七名口皆生長異域寄跡中華極日故鄉之恩不啻饑渴連年乞歸之訴實出悃誠若不俯順其情不惟徒滋閑冗之費抑恐或生意外之虞况交南本歸附來朝之夷而都統又奉命襲封之職據稱莫宏漢已故伊子莫茂洽見求勘襲有伊族莫敬典莫敦讓暨屬轄宣撫匡衛久已寧靖歷查彼中此地既各願收願回在中國誠無勞羈留養贍致地方無益有損也乞勅兵部再查無碍准將夷目莫福山莫文明莫

卷六 三二

邦禎等委官逐名詳審真實但收有中華人口即令退還及嚴行盤點行李不許夾帶違禁貨物各夷見在大小男婦備開花名青差官兵押出境上仍行廣西左江道兵備官備行安南都統使司令其責差夷使齎執印信中文領狀刻日抵關該道委官開關交割領回以慰羈旅懷歸之願以節有司供億之煩謹題請 旨

查議開設新縣疏

據廣東布政司呈據委官南雄府同知張尚呈奉本司劄付逐一查勘得歸善縣安民鎮河源縣鴻鴈洲均為緊要地亟當建立縣治及將定立界址分割里分田糧議處費用錢糧工作等項議估并巡司因革與海豐縣鵞埠嶺不又併設各備細緣由開報前來隨准廣州兵備帶管分守嶺南道僉事周舜岳牒呈開稱查得鴻鴈洲一處界在三府之交地連七縣之遠相應建

卷六 三三

立一縣并於圻坪要路立一巡司及河源
 之長吉翁源之黃峒英德之象岡三巡司
 并隸新縣管轄以成犄角以固防守然新
 縣之立百務伊始民志方新所賴以經理
 安戢惟縣令得人為急而耐勞苦其淡薄
 者尤難其人先年南贛新立龍南安遠等
 縣多以府同知等官管理縣務誠重其選
 今查肇慶府同知郭文通才力頗優志向
 亦銳辛勤淡薄皆其所堪先署河源印事

卷六

五

甚為民心所屬若使改授惠州府同知專
 理縣事一應創立城池清查田土撫慶殘
 民等事悉以屬之各緣由到司該本司左
 布政使熊汝達右布政使薛天華會同按
 察司陳善都指揮僉事黃應甲分巡惠州
 道按察司張子弘分守道右叅政桂嘉孝
 分巡道副使許宗鑑議照惠韶廣三府連
 界地方先年盜賊盤據為患生靈塗炭已
 極致動人兵征剿方克戡定所據增設縣

治控致要衝以杜遺孽潛滋反側之謀以
 貽生靈久安長治之利揆之理勢人情誠
 不可已今該委官同知張尚公同各縣正
 官勘議得河源縣鴻鴈洲地方四境去惠
 韶府縣隔遠與禾溪諸峒巢相近宜因先
 任陶僉事創議建縣遺址再加開拓築城
 四百五十丈并一應建置衙門等項計用
 銀八千四百餘兩將河源縣長吉都上下
 五里大洲都二圍英德縣象岡等都共十

卷六

五

四圍翁源縣黃雪二峒共八圍內田糧割
 附共糧三千三百七十六石三斗零道里
 適均追呼出納上下稱宜并無異論及將
 圻坪巡檢司設復與長吉黃峒象岡三巡
 司皆改隸新縣俱與原議相合又勘議得
 歸善縣古名都界在歸善長樂之間各三
 百餘里相去河源龍川海豐三縣各四五
 百里地曠人稀山谿險要宜於地名安民
 鎮建立縣治築城六百四十丈并一應建

置衙門等項實用銀九千四百餘兩將歸善縣古名都一二三圖寬得都一二圖長樂縣琴江都一二圖田糧割附共糧四千二百四十七石八斗零徵輸轉運上下地方民咸稱便又將原議裁革馴雉里巡檢司存留移置地名鳳凰岡通連康和上下等峒守把要害而寬仁里巡檢司苦竹派水驛俱改隸新縣所轄其二縣應設官吏自有裁減縣分舊例合用徑役俟縣成之日

卷六

卷六

隨宜處置又勘得鷺埠嶺各縣人心不一田糧難以分割原議新縣所當停省不又並建其內外管理鷺埠嶺二巡司俱宜仍舊以備防遏所據分割過田糧估計過工料數目似亦的確但通計二縣合用建置工費銀一萬七千九百一十餘兩措處為難欲聽變賣賊田恐一時混淆難清欲令新割帶糧之家每米一石借派銀一兩俟日後準折差役又恐小民推故俱緩不

濟事議於惠韶諸府那借庫銀數千兩與工隨於全省地方未年秋糧奏請酌派以助之但照各府近經查盤濟邊之後庫藏俱空無可那借而所屬民窮財盡常賦之外加派尤難惟惠州開廠抽收上下水商稅一節權宜行之似無不可蓋與其取諸民不若取諸商之不為病也查得潮州府新設澄海普寧二縣工費銀兩俱於本縣丁糧起派并從直動支府庫官銀濟用

卷六

卷六

肇慶府新設廣寧縣工費銀兩則盡取給於本府拜四會縣庫官銀皆有成案可稽今鴻鴈洲古名都二處新縣之設又不可已合無姑照分巡惠州道所議於本布政司庫貯益利軍餉并廣州府庫貯椒木軍餉銀內各借支三千兩以為二縣興工之用其餘仍照澄海等縣事例於割附新縣人戶內丁糧酌量均派以濟其事如日後清查賊田變賣城內外山地及設關抽收

尚稅銀兩計算足用不必復派丁糧以重
民困緣此等事體重大中間節目繁細如
匠作各役鴻鴈州取之河源古名都取之
歸善長樂及犁惠州衛官軍防護安民鎮
掣韶州所官軍防護鴻鴈洲等項必須得
人經理方可責成合於本省府縣佐二首
領官內擇其素有才力與地方相宜者題
請就近陞除俾之悉力任事則庶務漸次畢
舉而財力亦可就緒仍乞 欽定縣名以

卷六

五

彰建設以便行事其鵞埠嶺欲立一縣建
議之初雖於地方有裨而分割之際人情
不可強合况財力未舒勢難鼎建所當俾
革毋容別議等因具呈到臣查得接管卷
內先該前提督兩廣軍務兵部右侍郎吳
桂芳會 題前事內開大征過賊首李亞
元等河源翁源英德之間地名鴻鴈洲順
剿過賊首王西橋等歸善海豐長樂之間
地名古名都鵞埠嶺三處各立一裁減縣

分其鴻鴈洲新縣仍設坪巡檢司及
河源縣長吉巡檢司英德縣象岡巡檢司翁
源縣黃峒巡司俱屬鴻鴈洲新縣所轄及
移置歸善縣內外管理巡檢司于水口墟
以扼要害以上三縣仍屬惠州府管轄其
鵞埠嶺馴雉里二巡檢司裁革等因具本
題該戶部覆奉 欽依行回司道委官勘
議去後今據前因臣會同巡撫南贛汀韶
等處地方右僉都御史張紳巡撫廣東地

卷六

五

方右僉都御史熊桴議照河源縣鴻鴈洲
歸善縣古名都居惠韶廣三府七縣之中
聯亘數百里疊嶂層峦之險官府罕到政
教難及不逞之徒招集叛亡相繼猖熾弘
治四年譚從發等正德十三年吳何俊等
先後伏誅事後即置之不理未曾立縣以
致近年復有李亞元鄧廷鳳官祖政諸廷
福等復據險阻蕭聚其中大肆流毒今當
蕩平之後誠宜圖惟久安長治之策既經

各該司道會議及委官同知張尚親歷各縣督同掌印官拘集里排人等審訪輿論相度形勢勘議相同謂河源縣應添設一縣於鴻鴈洲分割河源長吉上下五里大洲都韶州府屬之翁源黃雲二峒英德縣象岡等處都圖田糧三千三百七十六石三斗零附入新縣設復炸坪巡司與本縣之長吉翁源之黃峒英德之象峒各巡司俱屬管轄歸善原議於古名都今勘應添設一縣在安民鎮分割歸善縣古名都一二三圖寬得都一二圖長樂縣琴江都一二圖田糧四千二百四十七石八斗零附入新縣及原議裁革今勘應存留馴雉里巡司移在鳳凰岡與寬仁里巡司苦竹派驛俱屬管轄實得唇齒相依之勢制馭頑梗之術遠近歸向而縣治易建官府既設則政令自行學校立而聲教漸開道路通而商旅必集開草萊為膏腴銷兵革為未

報窮荒僻壤行見太平有象美如蒙

勅下該部再加查議合無俯從所議乞將惠州府所屬河源縣地名鴻鴈洲歸善縣地名安民鎮各添設一縣併乞欽定縣名各照例裁減縣分銓設知縣一員典史一員教諭一員六房司吏共二名典史各一名學吏一名仍設炸坪巡檢司添選巡檢一員撥吏一名又改河源縣長吉巡司韶州府屬英德縣象岡巡司翁源縣黃峒巡司俱屬鴻鴈洲新縣管轄又將馴雉里巡司移建在鳳凰岡與寬仁里巡司苦竹派水驛俱屬安民鎮新縣管轄原議將海豐縣於鷺埠嶺分設一縣今稱民心不從且財力有限相應停省及先欲移置內外管理巡司裁革鷺埠嶺巡司俱應仍舊存留以備防遏其惠州府暫行設關抽收商稅與處置錢糧及掣惠州衛官軍防護安民鎮韶州府官軍防護鴻鴈洲等項應未盡事

宜通候 命下之日聽臣等便宜處置逐
一督行該司道次第脩舉施行地方幸甚
議處剿賊事宜以便調遣疏

臣等近因海賊曾一本等徒黨遁回廣東
潮州福建玄鍾銅山等處沿海地方往來
劫掠勢頗縱橫已於隆慶二年十月十九
日具本題 請亟行福建巡撫總兵官督
發素練官兵船隻約會廣省將領隨賊向
往相機夾擊其廣省差去雷州府同知林

卷六

三二

焮見在福建地方造船凡買辦木料軍器
火藥亦併乞責成彼處官司及早督率完
工與彼舟師合勢南下度計出萬全事賴
共濟續該臣竊慮前造福船尚未就緒而
官兵出海用船為急又經督令總兵官俞
大猷馳往閩中催促造募去訖隨據本官
差人賚文呈報彼省先造大船三十隻將
完今又造極大者二十隻必待閩中造完
方能興工等因到臣臣看得閩廣水陸接

壤休戚相關目下曾賊乘船劫掠屢戮人
民燒燬廬舍痛心切骨恨不能即日殲滅
以快積憤今若坐待同知林焮所造船隻
完日方行督發未免月日滋久誠恐賊
又將乘風西過追逐為難臣晝夜思惟必
須將閩中見有兵船借撥八十隻就用本
船慣習之兵約五千名交付總兵官俞大
猷就彼統領該鎮將領亦領五千名盡出
水寨所有之船不下數百聽其調度刻日

卷六

三三

出海窮追廣省亦將見在南頭兵船責令
總兵官郭成等統領應援隨賊所至併力
剿殺以收全功其原解去銀見在三萬八
千餘兩聽彼中巡撫衙門分派各船官兵
應用如未足數另議解發入廣之日一應
行糧犒賞俱行巡撫熊桴定議處給臣又
竊慮分兩省之河領聯數百之兵船遙制
於海洋浩渺之間萬一各官兵有彼疆此
界之嫌懷分功計利之意心志不齊應援

不力其勢固難盡合若臂指相使之順也
今當警師決計必須事權歸一而後謀度
可施統馭無碍查得先年征剿閩倭曾經
奉 勅兩廣軍門總督福建官兵進剿今
該省鎮巡將領似應亦如往年故事暫聽
兩廣軍門節制齊心戮力庶易成功俟賊
平之日照舊行事然臣已病廢不能為役
聽該部另選才望出眾大臣稍重事權前
來幹理惟幸賊計成臣即旦夕填溝壑

區區狗馬之心無憾也

請行閩省併力夾勦海賊疏

據整飭惠潮海防兵備僉事郭孝呈稱海
賊曾一本等徒黨於隆慶二年八月二十
三日巳時盡數駕舡開由馬耳澳去訖未
知向徃又據鎮守廣東地方總兵官郭成
呈稱本職官兵見到潮州近已殺挫賊鋒
兵威頗振而撫民林道乾莫應敷等俱願
誓志聽從督剿不料前賊於本月二十六

日適往福建古鍾地方與兵相戰數合復
入銅山水寨福建王參將督兵禦敵等因
到臣案查近准兵部咨該 臣題為海賊突
犯省外地方焚劫人民十分猖獗事內開
前賊突入廣東省城河下焚劫緣由本部
查得先該廣東撫按等官李佑等揭帖報
同前因本部覆奉

聖旨是這海賊愈肆猖獗地方官全不用心防
剿本都當重治但見在用兵俞大猷郭成

卷六

三二

并各該守巡等官姑住了俸看殺賊立功
贖罪魏宗翰王如澄俞尚志朱相巡按御
史即便提解來京問張瀚着嚴督鎮巡等
官上緊多方設謀務期剿蕩以靖地方不
許怠縱欵此又該兵科都給事中張鹵等
題為兩廣軍情重大懇乞
聖明速賜究處失事人員及剿除事宜以救危
急事本部覆議合候

命下移咨總督張瀚移住鄰東地方與同巡撫

熊梓多方設策徵調勁兵務在蕩平以靖地方其前議廣中但係勘動錢糧悉聽暫借支用等因題奉

聖旨是欽此臣等竊惟么麼小醜尚緩天誅

致屢 聖皇南顧 廟堂區畫許以設策

徵調兵餉復聽借支臣等晝夜思惟至廢

寢食敢不殫竭駑鈍以效涓埃當即督行

總兵官俞大猷會同右僉都御史熊梓議

委原任總兵官湯克寬同雷州府同知林

焮領銀往閩造大船八十餘隻俞大猷至

期親往浯嶼選募精兵督駕前來進剿又

行廣東按察司帶管海道僉事周舜岳議

處修造樓船六十餘隻委原任叅將王詔

及都司白翰紀統督於省會波羅海面防

禦又據海防兵備僉事郭孝呈稱遵奉明

文嚴行督剿據報海賊曾一本等流劫潮

揭二縣官船富沙青嶼小坑等處圍寨又

合白哨賊船五十餘隻約有四千餘徒攻

劫古溪龍溪等處本道督率撫民林道

部兵於隆慶二年八月初肆日駕船八十

隻至磊口遇賊爭鋒大戰曾賊敗走退遁

溪東被道乾追獲哨船一隻前後生擒賊

人四名斬首十三顆餘衆落水撫民魏朝

義率衆擒捕哨船二隻對陣斬死三十名

下水滄死百餘徒前後生擒賊人十五名

得獲首級五顆前賊又於本月十五日攻

打尖山寨潮州府同知胡廷順監督把總

易大源等交鋒斬賊七顆傷者不計其數

賊衆敗遁楓口救全本寨等因到臣就據

報稱前賊突往福建臣當即催促總兵官

俞大猷嚴限造募福船福兵與省會防禦

舟師馳赴閩中隨賊向往仍行會福建都

御史塗澤民約期會師夾擊去後今據前

因臣除遵照兵部 題行事理移鎮東省

肇慶府地方就近調度外臣會同巡撫廣

東都御史熊梓議照海賊曾一本原係福

建詔安縣人賊首吳平之黨今其糾聚群
賊大抵漳潮二府之人居多往年劫掠閩
中曾將把總朱璣王毫拘留既而彼省大
集舟師建設水寨兵勢克盛遺孽逸出遂
犯東粵搶虜官船一逞於雷州再逞於省
會而勢漸猖熾日下兩地造船各道招兵
攻戰之具漸次整飭正湯沐具而蚤惡相
吊網罟設而魚鼈驚逝之時又懼玄鍾密
邇潮陽恐其合擊遂乘不備仍肆焚搶所
聞虜乘大兵舡七隻又將增其障蔽勢益
縱橫非得多集艦舸博選將士約會兩省
刻期夾攻則此賊往來海上易於趨避難
於成功殲滅尚未敢必也及查嘉靖四十
四年六月內該巡撫福建右僉都御史汪
道昆因吳平等夥賊未滅亦曾具本題
請會剿今曾酋之點不下吳平而船隻黨類
殆將過之審度事勢必須會剿然後可收
全功况閩中連歲寧謐別無他虞曾酋惡

既貫盈神人共憤伏乞 勅下兵部再加
查議合無亟行福建巡撫總兵官督發素
練官兵屢備兵餉召集各寨船隻約會廣
省將領同心併力隨賊向往相機夾擊則
窮寇必無所逃廓清海宇有日其廣省差
委原任總兵官湯克寬雷州府同知林焯
見在福建地方造船凡買辦木料軍器火
藥諸項亦併乞賜責成彼處官司及早督
率完工與彼中舟師合勢南下庶計出萬
全事賴共濟而閩廣皆有息肩之期
皇上可紓南顧之憂矣

臺省疏稿卷之七

擒斬海洋巨寇大捷疏

據廣東按察司分巡潮州道僉事郭孝揚
 帖稟稱會同鎮守總兵官郭成將各哨官
 兵分定信地郭成坐督撫民兵船本年十
 一月初二日曾賊船宗移葉蕪馬耳澳以
 便脫遁本道一面催發閩兵初六日與郭
 成兵船密布外海初八日舟師從外包裹
 漸入圍攻曾賊知覺欲行逃遁被兵攔截
 初九日兩省官兵進迫馬耳澳與賊攻擊
 賊敗被兵焚燒賊船五隻續又燒燬二隻
 隨據蓬州所差人口稟賊見兵集棄船九
 隻搬併過船準備拒敵又准福建叅將張
 元勳飛報統陸兵劄蓬州所地方上山瞭
 見兵船與賊船自初十日午時交戰至申
 時止賊船二三十隻敗退我兵成宗進剿
 包圍不能逃遁隨准總兵官郭成手本稱
 初九日曾一本闖兵已到分船四十餘隻

潛往揭陽地方留馬耳澳大小船五十隻
 意候兵船至日內外攻擊本鎮撥大船六
 十隻封廣澳口防其出洋撥船五十隻從
 磊口門出接應閩兵瞭見賊船五隻前來
 迎敵當獲大白艚船一隻以刺胡船三隻
 大賊總一名擒斬三十三名顆催督撫民
 林道乾督前船徑往揭陽截剿初十日夜
 亥時據林道乾本鎮標下千戶王進報稱
 截殺曾賊獲船二十八隻擒斬首從二百
 餘名顆溺死千餘人等情除將功次器械
 已發潮陽縣主簿吳悅指揮戴應先查驗
 轉解等因又據福建副將蔣伯清差人口
 報初十日夜官兵進剿燒燬曾賊船十隻
 打壞船二十隻淦死賊徒不計等情各到
 道除候獲全捷另報等因到臣查海賊
 曾一本等自擁眾突犯廣東省城河下肆
 行焚劫遁回潮州等處沿海地方往來劫
 掠勢愈猖狂該臣會同巡撫廣東右僉都

御史熊梓多方設策整辦兵船糧餉督行
總兵參將兵備等官統督計剿臣又遵奉
明命移住肇慶府地方就近調度及會本題
請一面亟行福建巡撫總兵官督發官兵船隻
約會廣省將領隨賊向往相機夾擊通行
催督進剿去後今據前因臣會同巡撫廣
東右僉都御史熊梓議照劇賊曾一本等
本累年之黠賊逞無忌之兇殘流毒無窮
沿海東西將徧擁衆逼省人民城郭頻危
罪惡貫盈神人共憤臣等仰承 明旨督
剿終歲焦勞轉餉徵兵憂深恨切今幸
天厭禍亂猝致閩師此賊方且分投剽掠猶出
哨於驕肆之餘何意會集兵船已布滿於
占據之澳旋圍旋擊奪獲三十餘艘而焚
棄者尤多連戰連捷俘馘二百餘功而溺
死者無算度量賊勢力殫計窮非旦夕殲
滅即遠道海洋矣是皆仰仗我 皇上武
烈昭宣 衆社咸靈震蕩 廟謨指授鄰

省忠勤實非臣等智慮所能及也除福建
海道副使張鳳來參將張元勳副將蔣伯
清等部下所獲功次聽提督都御史塗澤
民查實開報及嚴督各該官兵乘勝擊擊
務收全功候事寧之日通將功次查覈明
白分別議叙另行題 請外謹具題 知
議剿倭寇疏
據分巡潮州道僉事郭孝呈報隆慶二年
十一月內倭賊一宗突攻石橋壩土圍本
月十二日又有倭船十一隻續到劫掠新
安地方俱被鄉兵敵退十五日又有十三
隻灣泊南竈共船三十餘隻近又探有大
宗倭船一百餘隻不日抵澳本道即遵奉
軍門明文督兵防截拜總兵郭成分兵追
剿隨據潮州府報稱倭船九隻突從惠來
縣溝梭赤澳地方登岸打劫博頭等村又
船五隻在神泉澳登岸有該縣知縣施暉
名色把總陳儒典史顏端卿等督領軍兵

於本月十六等日奮勇剿殺斬級一十七顆生擒真倭二名從倭王四等七名奪獲倭船一隻倭衣等件餘賊傷死數多敗走開船十七日又有倭船三隻突泊澄海縣新港燒船登岸被名色把總林瑞哨官洪成等督兵血戰生擒真倭首李密等三名賊總賊從沈完尾等一十八名斬級六十六顆陣亡兵夫楊正豐等九名被傷陳奎等四名前賊俱往平海所攻打城池官軍敵退即於二十二日夜三更時分擁衆突至碣石衛因本衛舊年已被海賊攻破人無固志賊從北門襲入有先發守城名色把總陳恩胡文元等官兵倉惶逃散該衛掌印指揮任糧率軍禦敵不過被賊殺死賊遂肆志焚殺勒贖人口查得前倭與海賊程老黃老等合夥四處流劫兇猾異常等因又據廣州兵備分巡道僉事周舜岳報稱十一月十六日有倭船九隻由東海

大星洋乘風突至大鵬所龍岐地方登岸劫掠十七日又有倭船六隻繼至泊在本所河下沿鄉劫掠二十三日又有倭船九隻突來湊夥弃船登岸扎架高梯一百餘張連日圍攻所城官軍奮力戰守績奉軍門督發名色把總五惟統等兵船一大哨拜指揮王憲領陸兵七百名兩路進剿前賊多被殺傷銳死遂將原船燒燬解圍移遁山徑潛往淡水等處地方等因又據伸威兵備分巡惠州道按察使張子弘呈稱倭賊一夥突至海豐縣南沙港攻打鹽溪金錫等村督發總目廖鳳等兵兼同該縣縣丞林士瑛巡捕倉官夏肯等帶領兵壯設伏截殺陸續擒斬倭賊三十一名顆奪獲倭刀倭旗等械解送紀驗又一顆從大鵬所突至歸善縣地方攻劫平山驛見在裝梯脩具探問道謀欲逼攻惠州府城池及據原委守把官周邦棟等緝獲奸細馬

賢壽等審係來探城中虛實要在舉事即
今人心恟恟危如累卵乞速發兵應援等
因各到臣案查先據惠來縣申報倭賊突
至攻劫甲子等處已經具本題知及即
督行總兵兵備等官整兵剿捕去後今據
前因臣看得海賊未滅見在用兵乃今倭
警又急所在兵少不足剿禦近以嶺西
地方山賊充斥該道請兵鳴剿已行差官
前去廣西右江起調鎮安歸順下雷等處
狼土官兵七千員名尚未得到當即一面
差官前去催調一面咨會巡撫廣東右僉
都御史熊桴先募東莞新會等縣精兵五
千名委原任參將王詔守備卜禎名色把
總周雲翔等統領前去防剿隨該巡撫熊
桴親到肇慶與臣面議機宜即就馳至惠
州就近調度各該官兵協力進剿賊聞官
兵大集將各處剽劫零黨已併大巢即今
一夥尚在碣石一夥仍住平山每夥真倭

約二千從賊更倍皆悍黠狡詐內有演禽
布陣者為之助雷傷殘境土被害官民雖
各路官兵屢有俘馘然燎原之勢未易撲
滅必得兵倍於賊然後可一鼓掃蕩也臣
等一面用間離散土賊以孤黨與拜催調
廣西狼土官兵七千名及借取南贛軍門
殺手二千名至日協同在哨官兵懸示重
賞期在剿平候獲功之日與查實該衛失
事人員各另具題外謹具題知

議復梧州鎮班軍疏

准兵部咨該巡按廣東監察御史王同道
條陳四事內開二曰裁班軍以省行糧大
略謂兵以衛民而廣東之兵不得衛此方
之民督府開鎮於梧而廣州左右等十衛
香山增城等七所共撥官軍二班計一萬
餘員名哨捕共派廣東本折糧五萬石起
解梧州廣備倉以備行糧之用廣東資於
廣西甚侈及至廣西征遣又不免募狼土

之兵是在廣西爲虛名在廣東爲實費豈非舍己之田而耘人之田要將前項官軍內摘留二千名赴督府輪班其餘發回衛所糧米扣留三萬五千石以濟廣東軍餉之用等因該部未經行查以爲前兵實有萬數兵糧似可減省遂依其所擬覆題移咨前來臣查得廣東前項衛所官軍原分二班更番前赴軍門鎮夷營分撥各處營堡關隘守把并防守鎮城原非隨哨捕閑

卷七

九

散之役自開府及今百餘年遵行宜有深意存焉非可以片言數語槩其顛末也今將裁革中間事體於地方有無關係遽難定擬隨行蒼梧守巡道右叅政曹天佑等呈稱議照督府開鎮梧州總轄兩省原議調發廣東官軍一萬餘員名本折糧五萬石定自國初其來已久近年廣東詳允守護城池及裁革總兵衙門已撤回官軍并年久逃亡事故共五千餘員名見在鎮

夷營官軍共止四千六百餘員名分爲兩班每班二千二百餘員名是下班者亦彼暫時守城之數而實在鎮夷營者止二千三百餘員名而已及查撥守龍江等四營堡蒼梧藤二縣所屬非守梧州一城也撥守桂平之牛屎灣堡平樂之福登昭平等七堡俱隸平樂與潯州非獨守梧州也發守廣東之新寧恩平此二縣者廣東所屬非獨廣西之梧州也通計撥出戍守官軍九百九十七員名尚存官軍八百二十餘員名防守城池四百九十名隨鎮防護哨守即諸凡捧執旗牌旗纛金鼓軍器軍器劊子等役皆在其中委無閑散虛曠之役况輪守城舖巡哨江道各官軍徹曉鳴鑼逐更點關日夜疲勞實無休息而各州縣以省城劫軍之後多懷恐懼方且添在打手添募狼兵而窘於軍餉之不繼各屬紛紛請兵征剿請兵協守而苦於兵力之不

敷當事者日切隱憂尚敢為減兵之說乎
 况所存實數止有一千三百員名即如今
 議二千尚少七百應於廣東撥捕及照廣
 西山多田少獐獍占據土族狼兵隨據耕
 食地之所出不足供一方之兵不得不資
 糧於廣東近年廣東多事如折糧每多拖
 欠橋稅亦漸減少計所入原額不過七萬
 餘兩而每歲支給省城一萬六千七百兩
 平樂三萬三百兩賓州一萬二千八百兩
 潯州與本鎮漢達狼目之兵共四萬三百
 兩通共該銀一十萬兩調兵犒賞之費不
 與焉則此所派五萬石者縱使全納盡輸
 亦難供各項軍兵之用當此勢急燃眉之
 日又議扣糧萬一變起不虞誰任其咎此
 皆理勢之必不可行者及照班軍戍守非
 獨守一梧州也為開府梧州而設也非直
 體統欲尊嚴亦賴此以制三軍而成百變
 也每歲征剿動調土族狼兵而土族狼兵

臺省疏稿 卷七

率皆桀驁不服調遣查點所以先臣韓雍
 嘗以三萬餘兵戍守梧州與土族狼兵彼
 此相制良為有見今以軍餉不繼戍守不
 滿二千較初設無十分之一又皆分撥各
 營堡仍欲議減可乎本道竊以廣東官軍
 戍守梧州非守梧州也所以守廣東之藩
 離湖廣官軍戍守廣西省城非守廣西也
 所以守湖廣之屏蔽議者直以廣西資廣
 東之錢糧廣東資廣西之兵力其言似是
 而實非也且如以湖廣之錢糧養湖廣之
 官軍遠為廣西戍守何曾實兵力於廣西
 乎夫自各省分土而言各自為計可也自
 國家全盛一統而言廣東西皆王土皆王民
 也守廣西而後廣東可固守藩離而後門
 庭可安其勢真不可已者不然廣西獐
 獍千穴土狼萬族山深菁密境壤相錯設
 無梧州重鎮控扼之朝發巢而暮踐郊矣
 恐不止海寇之縱橫已也廣東雖欲晏然

可得乎此為廣東計亦有不得不然者呈
 乞深惟 祖宗之定制規畫萬世之遠圖
 奏行廣東仍照前數撥軍及時運糧悉聽
 梧鎮調度庶兵食不匱地方可安等因備
 呈到 臣 備查前項班軍與糧米之數相
 同復檢閱故蹟審度時事沉思熟慮積旬
 日而後敢略具始末以 聞惟
 陛下垂察焉粵自 明興始平兩廣建官置守
 紛無定議寇亂亦無寧時

卷七

七

憲皇帝加意遐荒校參政韓雍為都御史假以
 不禦之柄度越常規當是時兵馬錢糧皆
 於南京科理選調兩京江西湖廣漢達官
 軍不下二十萬物力充盛故所至如摧枯
 拉朽無不殲滅彼雍誠異才亦委任權力
 不同也嗣後分兩巡撫事不協一盜日益
 熾於是用言官建議仍用雍總督而梧州
 開府實自茲始本兩省交會之區諸蠻盤
 慶之地必籍重兵彈壓始可警服群兇於

是調兵三萬餘戍守鎮城并分布兩省近
 梧州堡以謹 捕後漸減至一萬員名所
 以貽東西百年之安良有以也歲久逃亡
 減免強半僅存四千餘梧鎮日漸薄弱盜
 賊滋蔓狼目驕恣勢已不可支矣今將併
 見在四千之數而更減之即防守不周潰
 亂四出難於控制異時推究根本誰當任
 其咎者且兩廣盜賊淵藪大者嘯聚山海
 黨類數千攻城劫寨負固抗敵如曾一本

卷七

十四

黎汝誠及大羅山古田鳳凰巢八寨十八
 山之類雖調遣狼兵招募浙福之兵勞費
 不貲未能即滅其次千百為群聚散倏忽
 大者狼兵小者土兵調度得宜可施鵬剿
 則近日右江再舉之捷南韶嶺西並舉之
 捷是已又其次一二十人或三五十人投
 間抵巇突出焚劫隨時隨處有之正戍守
 官兵之責每有擒獲而囚之驚駭解散者
 尤多豈謂官兵盡為虛設而紛紜鼠狗必

一一獨之狼兵乎今謂無益撤去恐賊無
忌憚縱橫愈甚勢不能不議復設也又梧
鎮在萬山中谿徑甚多前臨一水爲三江
下流徭獞往來通道城內空虛民居不過
百餘守禦所官軍僅五七十人所恃壯軍
容謹防禦全賴東省不待智者知所資之
後也若謂耘人之田即湖廣亦戍守桂林
桂林豈楚人之田當時非謬詎審度當於
事理何得行之百年人無議異至於扣留
軍餉之說尤爲不可廣西十萬常供每歲
皆出東省近自另設巡撫已分去數萬兩
今本官具奏又欲將比來橋稅亦留彼中
若皆分彼此而自爲計如此則日侵日削
東省可絕不相顧梧鎮可廢而廣西全省
亦可弃置不守矣臣誠不敢雷同狗建言
之意妨地方之計也近日嶺西道梗又遠
調狼兵徵調犒賞之費出於廣西亦不貲
豈可槩謂爲耘人之田凡以天下大一統

仰藉 朝廷威稜總攬於上司同心供
濟於下使兩省各保無事則已何敢分彼
此出臆見以恣爭勝之說所據各道呈報
前因誠非得已至於東省用兵勞費未已
事雖專屬巡撫督率屢奉 綸音兩地經
理糧餉皆臣之事臣雖欲分彼此不可得
惟兩省艱危窘迫之苦獨臣與該省當事
諸臣知之不敢不一盡於 君父之前也
如蒙 勅下該部再加查議將廣東見在
班軍四千餘員名照舊分兩班戍守其額
派本折糧五萬石亦如數調撥以克梧鎮
漢達狼目各兵之用庶經略有裨兵防允
賴地方可無意外之虞臣鎮稍存建設之
意矣

鵬剿右江淥里等處功次疏

據廣西右江兵備道副使鄭一龍帶管柳
慶參將事遊擊將軍丁山呈稱鵬剿慶遠
宜山都亮等賊除已獲功外慶遠府知府

秦樞守備田義又於隆慶二年十月十三
十四日督兵殺獲小都亮首賊覃公養覃
定杏覃萬米覃萬料藍貴縣藍奉威藍陽
藍招藍萬全韋廷占并從賊級共一十五
顆生擒從賊一名韋引十五日據差招安
千戶張誼帶到被虜人洪慶宜審供有賊
一百在漁翁峒躲避當令慶宜引路差指
揮胡維屏千百戶等官張誼等督押目兵
連夜抵峒包圍共斬獲賊級五十七顆都
亮既平尚有賓州之淶里上林之淶開與
融縣等處寨賊俱應勦剿就據上林縣知
縣羅嘉慶稟稱淶開賊徒告款聽招本道
且從撫諭惟淶里峒賊倚恃地形險阻負
固不悛乃密行調兵委指揮王瑞康仁總
督千百戶等官姚弘仁丁紹華等分領於
本年十一月初三日寅時分道並進直抵
淶里上下二峒包圍攻剿陸續據指揮康
仁并千百戶丁紹華等解到殺獲淶里下

峒首賊常明滿潘明高潘父賴常富常公
侶潘樹在常公奴并從賊級共四十五顆
生擒從賊二名常嫂女常特住指揮王瑞
解到殺獲淶里上峒首賊黃京黃公才潘
道全潘道讚并從賊級共六十三顆生擒
從賊潘父豹石特師石特鄧常陳明四名
又指揮王碧及目兵蒙賢等與保長鄉夫
人等共殺獲首賊黃滿黃公結并從賊級
共四十三顆生擒首賊潘公雷并從賊覃
得先常特養常特三常父送黃特培等共
四十二名并各俘獲賊屬共八十七名口
奪獲賊水牛二十一頭黃牛十六頭馬二
匹又原任守備金策督同千戶陳國賢百
戶余言把督李道基領兵於本月十八日
卯時攻剿融縣嬰田村斬獲首從賊級一
十二顆又指揮王瑞督千戶周維新陳嘉
猷於本年十二月初七日自淶里移師進
剿來賓縣南四里大老下莫籠村古僕等

賊武宣古毫里懷縛紙劄思勞等賊王瑞
部下斬獲首賊謝明廣并從賊級共六十
七顆周維新部下斬獲從賊級九顆陳嘉
猷部下斬獲從賊級二十四顆小旗小興
一部下兵斬獲從賊級六顆千戶姚磁仁
親斬賊級三顆指揮康仁督千戶王光
臣何應秋領兵亦於本月初七日獲剿來
賓縣南四里頂獨潭村等賊康仁部下斬
獲賊首常鐵環并從賊級共三十八顆生
擒從賊常特換陸特塘陸特行三名王堯
臣部下斬獲從賊級一十二顆何應秋部
下斬獲從賊七顆又千戶黃元舉領兵進
剿南四李宅村等賊殺獲賊級一十三顆
及各處把截千戶等官姜良卿等督兵斬
獲賊級共四十一顆生擒從賊常公雍常
力盈等五名并各俘獲賊錫共四十七名
口奪獲賊牛共一十六頭馬一十四匹通
計各起擒斬首從賊人賊級共五百一十

二名顆俘獲賊屬共一百三十四名以
獲賊水黃牛共五十三頭馬一十六匹備
開獲功首從人役姓名數目呈報到臣案
查先據呈詳計議鵬剿所屬宜山賓州來
賓等州縣各處稔惡寨賊緣由前來臣已
批允施行又於梧州府庫貯查發軍餉銀
兩前去賓州應用去後續據該道及遊擊
將軍丁山呈報鵬剿過大小都亮等處共
擒斬首從賊人賊級三百三十一名顆已
經具本題知訖今據前因通計鵬剿過宜
山大小都亮賓州淶里融縣嬰田來賓南
四里武宣紙劄等處劇惡巢賊二次擒斬
首從賊人賊級共八百四十三名顆臣看
得前項賊徒據險為巢又恃負隅之勢聚
眾作梗時肆出押之尤村寨為之傷殘人
民被其殺掠罪惡已極法所必誅緣地方苦
於匱乏遷難興大舉之師而人心急於溺
焚遂議用鵬剿之計茲賴官兵用命賊黨

盡滅巢穴蕩平根株已拔自此懲一戒百
 克振兵威諸寇當稍知斂跡隨機撫禦可
 不勞而定矣除將生擒賊犯鞠審明實遵
 照題 准事例處決梟示賊屬牛馬變價
 充賞各該官兵所獲功次仍候巡按御史
 紀覆明白另行分別論叙具 奏外為照
 副使鄭一龍心切救民轉餉微兵費省而
 功倍意專滅賊發縱指示動中乎機宜與
 遊擊將軍丁山矢竭同心共濟之義用收
 擒斬掃蕩之功二臣勞勩似應稍示優異
 先行量賞以勵人心使東西當事諸臣各
 知奮勵以懋庸功實亦救寧山海之一機
 也伏乞 勅下兵部查議施行不勝幸甚
 勘議 王府宗室事情疏
 據廣西按察司呈奉撫按衙門案驗前事
 依奉行據委官桂林府通判蔣奎平樂府
 通判林允達平樂縣知縣陳學乾臨桂縣
 知縣李蒙亨呈稱公同 靖江王府長史

司長史吳一元散拘得紀善舒燁及
 原告約尼邦毅中尉約趙經棠經弁經搃
 邦違邦距經誦經禍約懋約躡約箭約部
 約如經營經抱經詰邦酋與十三輔房長
 約踰規俵規征經資約郊經芊經闈約淵
 約記邦革邦芮經巡約郊并提弔軍校趙
 七兒沈懷義梅四兒王晚子等各到官會
 勘得隆慶元年正月二十日夜二更時分
 布政司外巡風吏葉邦訓周仁思等因夜
 深封鎖司前延熙坊柵欄門有 宗室經
 顯經賂在於宗家飲酒夜回敲叫柵欄不
 開彼時肆酒逞兇喝令家人用鐵錘衝破
 柵欄打毀鐵鎖仍又趕打守門地方人役
 次日各役具呈布政司見得事干 宗室
 備行長史司於本月二十五日啓 王戒
 諭 主囚痰疾至二月初五日暫行長子
 任昌差門副孫忠典仗胡學帶領軍校趙
 七兒沈懷義梅四兒王晚子等拘拿經賂

經賂并家人可得等時經賄經賂各因中
酒病起推推不前趙七兒等扭拽至府孫
忠稟將經賄經賂先行監禁至初七日方
帶出押至古鐵牛寺門請令旨傳將經
賄責三十五棍加五竹皮經賂責五十棍
加十竹皮二宗不服孫忠復令軍校揚
大相楊信鄭祖兒王寅等扭按伏地責治
訖各發落回家彼經賄經賂各因忿恚沉
重經賄於二月十五日夜經賂於本月二
十二日夜各身故約尸經案經認經拙并
經賂嫡男邦毅各恨孫忠督令軍校凌辱
酷打其詞捏稱長子任昌差孫忠帶同軍
校二百餘人來家抄沒奸淫婦女等情赴
按察司告要相驗屍傷中尉約趙經裳經
搯并邦蓮邦距經禍經詰等各因與王
舊有讐隙要得乘機報復就會衆歃血城
隍祠內將已死身屍移至十字街通衢日
夜叫號嚷罵仍要從拿官校人等毆打出

卷七

三三

氣房長約趁規俵規征明知各宗兇橫不
行阻止以致益肆無忌至本月二十五日
本司催行桂林府委官臨桂縣署印經歷
羅紹智帶領吏件前去相驗已死經賄經
賂二屍因宗室人衆勢兇不容委官細
驗逼令件作供報傷痕當場填註屍格仍
捉拿紀善舒燁百戶戴若用等收殮責令
看守情真今據所報傷痕除臂腿脚下受
刑去處各傷係依法責打其經賄右肋經
賂左右腰眼各有紅色審係官校趙七兒
梅四兒王晚子并楊信楊大相鄭祖兒沈
懷義王寅等拘押刑杖之時扭按所傷不
足致命再勘奏內所稱經賄經賂發落回
家之日即有別房各派懷奸稔惡之輩為
伊用藥醫治敷貼致死等情審因經賄身
故之後頭髮脫落迹有可疑今審各宗與
經賄經賂妻男俱各不肯證認無憑鞠究
又經詰所奏本王先年違犯各事情查

卷七

三四

得嘉靖二十六年已該巡按廣西監察御史徐南金奏奉 欽差兵科右給事中王國楨刑部署郎中張祉錦衣衛副千戶萬文明會同提督兩廣軍務兼理巡撫兵部右侍郎張岳巡按廣西監察御史蕭世延會委多官勘問明白具 奏嘉靖二十七年六月十七日該刑部等衙門會題奉 欽依罰住祿米半年訖又嘉靖三十七年二月內 本王因召各宗入府要將春夏二季

卷七

三十五

祿米扣解輸助大工各宗不服委將抗違宗室邦革邦莞等責打監禁有約勸邦葉陸續病故經詰恠稱內官黃載屏去飲食致死具告巡按御史龔愷參奏該禮部覆題奉 欽依寫 勅戒諭內官黃載行廣西巡按御史勘明具奏黃載一向久逃未結又勘得宗室約璫先年因告爭屋地辱打長史吳朝喜被啓 本王將璫責治監禁因病身故璫子經排二十七年赴京奏擾被禁間宅經

排男邦着四十年又赴京奏擾亦被送禁間宅原係違例越奏所致似與 王府無干該各職會看得前項各奏告事情經賾經賂二 宗委因責打致死雖孫忠不無譖稟之情軍校間有拽扭之事然孽由自作法所當加縱有他傷亦非故害邦藐約已等捏詞興告尚出迫切之情約趁邦蓮等聚眾軟血尤屬抗違之甚乃至肆行兇逞驚動地方名為伸雪死者之寃實為報

卷七

三十六

復宿讐之計及經詰所奏指摘多端皆係先年勘明之事俱經奉 旨罰住祿糧寫 勅戒諭無容再究合將 宗室約趁等量加罰治使立黨肆兇者稍知所警而 王府之事權可振法度可行矣其奏內中尉經弁經誦約躡約懋約箭約部約踟經營經抱邦箇與房長邦芮約郊經芋約記約郊等審係干連姑免衆究內官孫忠與軍校趙七兒梅四兒王晚子楊信沈懷義楊大相

鄭祖兒王寅俱應依律究治梅四兒趙七
 兒王晚子楊信見該別卷問擬梅四兒死
 罪趙七兒等各充軍應聽從重歸結其經
 賄經賂二 宗子幼貧窘情有可憫似當
 議恤即令擇日安葬以慰亡魂及經排邦
 眷父子久禁閒宅情罪可矜相應查照
 恩詔奏釋以慰各 宗之心等因呈報到司該
 本司堂印按察使郭應聘會同布政司掌
 印右布政使周倣帶管分守桂林道右叅
 政余敬中分巡桂林道副使程大賔都司
 掌印署都指揮僉事王倫會勘前情相同
 為照 靖江王府宗派藩衍自 祖宗以
 來家法甚嚴諸宗皆秉禮守義地方亦賴
 安堵至嘉靖三十七年間本王以獻助為
 議刑罰過重諸 宗因之不服鈐東畫押
 久廢朝祭久缺馴至於今渙散無統恣橫
 無忌至有弟弑其兄子弑其母而不能制
 者其諸背理傷道之事難以悉數軍民受

其害官司被其凌侮議者深為地方
 憂今 王方奉 新勅鈐東諸 宗而經
 賄經賂適以充恣自罹罪罟在 王誠非
 無故而濫刑在二宗誠非無辜而致死也
 約趁等輒挾宿讐群聚聲告晝夜喧詈至
 以請討為辭而經詎復牽摭勘明往事違
 例奏擾房長約趁等不行阻止其罪皆有
 不得而辭者蓋在昔日則以尊凌卑之權
 不可不抑在今日則弱本強枝之勢不可
 不扶所以為 國家存大體為地方杜大
 患也合將鎮國中尉約趁輔國中尉經棠
 經褐奉國中尉經搯邦連邦距經詎房長
 約趁規侏規征各分別住支祿米以示罰
 治約已經案經認經拙係經賄伯叔兄弟
 宗幼邦殺係經賂嫡男情由迫切姑免罰究
 門副孫忠革職不許營求管事軍校楊大
 相鄭祖兒王寅沈懷義各問擬應得罪名
 楊信梅四兒趙七兒王晚子各聽別從重問

擬經賙賙賂二極尚未營葬雖其死由自
 致而情亦有可矜查得先年約勸監禁封
 故該房長規仕告蒙巡按御史高應芳批
 司議給銀一十五兩以助殯葬今經賙經
 賂子幼家貧尤為足憫似應倍處行布政
 司查將喪禮銀內或別項無礙官銀支給
 二宗妻另領回營葬經排邦養聽候原詳
 題請至日施行其內官黃載查照該卷
 另行提結仍乞 天語叮嚀 靖江王拜

卷七

七

戒諭長子任昌自今以後痛釋前讐務存寬厚
 以上體 祖宗之德下服 宗儀之心毋
 得聽信奸人撥置自貽後悔再照 本王
 之於 宗室固有統握之分尤貴惇睦之
 情自嘉靖三十七年以後諸宗不赴晝押
 朝祭凡名封祿米等項率未舉行即今宗
 幼二三百名或年穉逾壯而未及媾婚或
 子女多人而米食全祿至有貧乏不能自
 存喪葬不能如禮者以致情義愈踈讐怨

自積紛紛報復無時可已此今日之事所
 由起也若不早為調停竊恐釀成禍變不
 惟非宗藩之福尤非地方之福也伏乞拜
 請區處凡各 宗一應名封祿米等項未經
 舉行者各行從實開報長史司啓 王知
 會應奏 請者即與奏 請應保勘者即
 與保勘不得仍前留難致滋怨望如遇朝
 祭晝押日期初次長史司預呈布政司委
 首領官一員會同各房長督齊各 宗室

卷七

七

如期赴府舉行以後日其房長徑自督行
 其晝押事規仍照嘉靖三十九年題 准
 十三輔各立一簿以免守候之難各 宗
 如再抗違阻撓聽 王指名叅奏處治庶
 法紀彰明情義聯屬而地方賴以無虞等
 因到 臣 案查先該前總督兩廣兵部右侍
 郎譚綸題奏前項事情又該 靖江王拜
 奏前事奉
 聖旨禮部會同法司看了來說該本部會同刑

部題奉 欽依行移撫按衙門從公會勘
明白指實具奏以憑覆 請施行等因又
准禮部咨為門禁事該 靖江王府奉國
中尉經詰奏為 勅查惡王依附權勢流
毒一門雁寬三代懇乞 天恩調勘部院
參詳以正大綱大法事該禮部題奉
欽依將經詰送回交割及將奏詞備咨到臣
即會行按察司一併會勘詳報去後今據
前因臣會同巡按廣西監察御史蔚元康
覆勘前情無異內除見禁間宅經排邦眷
近為 請釋間宅人犯以定法體事該臣
會同巡按御史朱炳如查勘得經排事干
屢犯相應照舊拘禁邦眷情有可矜相應
釋出已經題 請無容再議合候
明旨至日施行已死經贖經賂二樞尚未營葬
該司以其子幼家貧議處恤葬查有先年
約勸事體相應准照聽其處給其內官
載亦聽查照該卷原行提結俱不敢煩

外臣等議照南方 宗室惟 靖江王府
藩衍為最悖理違法亦惟本府 宗室為
多自嘉靖三十七年以來 本府有因公
科擾之失致踈睦愛之情諸宗遂恃族黨
之強幾亡上下之分由是朝祭盡押等禮
一切不行積習驕頑無所顧忌而悖理犯
法將莫知所終矣嘉靖四十五年該言官
建議伏蒙 先皇勅諭責成 本府鈐束
當奉 命更新之初適遇經賈經賂深夜
行兇之事將以行法示警自難姑息徇情
因而拘拿責治似非過當彼各邂逅身故
夫復何憾乃約趁等祇以平日之怨含蓄
未平遂借同黨之故而呼號結構約踰
等既為房長不能禁止反陰相附和縱橫
張勢幾成大禍均屬不法相應示懲參照
鎮國中尉經裳經禍奉國中尉經楹邦連
邦距經詰派出 天潢罔遵 成憲志親
藩之名分而歛血誓衆徒欲報復私讎皆

勅命之誥嚴而攘臂通衢其同市井無賴房長
 約跽規俛規征容縱宗強既非家教之善
 陰相黨附寔為朋比之奸以上各 宗內
 經詎擅離封域不思禁例之嚴撫拾奏詞
 又犯不實之戒本當從重但其越奏在 本
 王指名參奏之後事出有因情非得已姑
 應從寬與約趁約跽等各分別罰治者也
 其約已經案經認經拙係經順伯叔兄弟
 邦菽係經賂嫡男各橫誣 本王之非法所

卷七

三十三

當究但因憤至親之死情有可原相應姑
 免罰究以示寬恤者也門副孫忠心本愚
 冥行尤恣肆真二 宗於幽禁自招誥害
 之疑督諸校以嚴刑致損寬仁之體人心
 共惡情理難容相應革職以快衆心者也
 軍校楊大相楊信等雖聽使之人情無故
 害然決杖之過罪亦難逃內楊信梅四兒
 趙七兒王晚子各別卷皆有罪名相應從
 重歸結楊大相鄭祖兒王寅沈懷義俱應

依律問擬者也緣約趁等俱 宗室孫忠
 係 王府內官伏乞 勅下該部議擬上
 請令無將約趁等各分別量罰住祿米約已
 等姑免究治孫忠革職不許營求管事楊
 大相等行巡按御史提問發落庶人心知
 警安分守法而意外之虞可杜矣再照尊
 卑本以分定親愛須以情通在 宗室之
 於 親王固當恪守不可逾之分而 親
 王之於 宗室亦宜曲全不容已之情今

卷七

三十四

本府朝祭畫押廢弛有年而諸 宗名封
 婚娶等項亦久停閣 宗室分義既乖
 本王禮制亦廢委屬未安仍乞 天語叮
 嚀 靖江王并 戒諭長子任昌務崇親
 義盡釋私讐仁厚存心公平處事凡諸
 宗名封等項悉遵 典制速為查理不得淹
 遲致生怨望其朝祭畫押率由舊章着實
 舉行 宗室俱要恪守 祖訓以禮自愛
 毋蹈前愆若有不服拘鈐非為妄作或恣

意欺侮等項聽。王審實輕則量行責治，重則參奏處分。如此則讐言怨釋而情理兩全，法紀脩而禍患自息。宗藩幸甚，地方幸甚。

參論總兵知府攻訐疏

據鎮守廣東地方總兵官署都督僉事郭成呈稱：職統兵住鎮潮州府城於隆慶二年九月初九日巡歷潮陽，至本月十九日回潮州二十日，有潮州府領兵把總謝恩

三十五

帶兵牟朝海等五百名持刀擁至本鎮公署門首，彼時牢子劉汝悌等驚奔出探被傷楊茂等七名頭額手足等處。該道郭僉事聞知親來禁止及詢究，乃知本月十三日係本鎮廣州前衛指揮同知劉興倫被歇家潮州府皂隸曾志得誣姦被候知府杖死義男劉亞二同旗軍黃世寬等六十八人赴道告理。過該府到道，攔路哀鳴。該府疑是各官率軍告狀，分付謝恩帶兵訪護。

不料謝恩過於用情，領兵前來嚷鬧，致傷各役。歷觀知府侯必登用意，抑兵先曾杖死浙兵，今又杖死品官，裁革冗員，兩月不給糧食等因。粘連抄白劉亞二告稱：劉興倫死於非命，情詞一紙。又據潮州府申在知府侯必登關稱：查得郭總兵部下在潮苗蘇廣兵共一千九百五十九員，名內把總副總遙授指揮千戶及報效等官共九十五員，十羊九牧，坐耗官糧。候查明另給

卷七 三十一

續因本職赴分巡道遞文出門，忽被前兵數百名各執兇器圍攔毆打，致傷左膝。閩城鄉官生員百姓救護，方得免害。又揭稱劉興倫強姦曾志得男，曾繼祖妻親夫捕獲，蒙道發府監候，懼罪投井身死。今假此以歸兇戾之罪而報不遂，侵冒軍餉之愆。等因。又據兵備僉事郭孝揚報大略相同。該臣照得各官在總兵官則稱該府裁革其兵糧兩月不給，仍杖死職官在知府則

稱被總兵部下圍毆傷膝其申辭印一則
 身膺 重簡一則職專守土均有安攘之
 責即今強寇在境不於此時協謀和衷計
 議滅賊却彼此攻訐有同兒戲古有先
 國家之急而後私讐今乃仍血氣之剛而忘
 分義皆非政體已行巡撫右僉都御史熊
 梈訪求公論責以大義務全體統其節約
 兵食並聽該道酌處支給知府不得徑情
 直行部兵須嚴節制總兵不得輕聽鼓惑
 各項自平私忿務以報 國安民為事毋
 相攻訐致啓釁端仍要見應否即議奏究
 咨報施行隨准右僉都御史熊梈揭帖內
 開訪得知府候必登與總兵抗禮而褊急
 不遜恐兵目多有虛數而給餉逾期積弊
 劉興倫之犯罪不行究問禁斃於獄其孽
 或由自作其死尚屬未明至如鎮兵之侮
 辱民兵之格鬪禁戢未能官常有損在總
 兵官郭成則紀律欠嚴軍威曷振斤將各

官應參緣由備咨到臣該臣看得廣東潮
 州地方山海盜寇連年猖獗議設總兵欲
 其振揚威武殄滅乂安該府知府職任專
 城亦有滅賊安民之寄各宜公爾忘私協
 心共事庶幾有賴今乃任性立威好剛使
 氣將官與守土忿爭何望兵食相資共收
 安攘之功也參照廣東潮州府知府候必
 登負悻直自恣之性之和平濟事之能逞
 刑罰幾於不中殊非牧愛之體禁軍職致
 其暴死不思律例有違戕削兵糧意圖節
 省實褻統領之權呼號士庶本出倉惶卒
 踰驅逐之跡鎮守廣東地方署都督僉事
 郭成身為大將手握兵符平時鮮禁戢之
 嚴部下敢於犯法臨事無解息之術若將
 任其紛爭劇寇未能即除小釁豈宜致競
 此二臣者皆見小節而昧大體均應重究
 但前項情罪未經勘明執詞未定似非文
 移切責所能屈服時下兵務方殷用人為

急如蒙 勅下該部再加查議合無將侯
 必登先罰住俸給與郭成仍住俸俱戴罪
 供事共圖滅賊仍行巡按御史將指揮劉
 與倫致死根因勘究明白具奏 定奪庶
 官常以肅庶職知警再照兩廣分設總兵
 等官未以禮儀體統俱無定規總兵參將
 與各府州縣官謂非統屬動輒計較禮節
 致起爭端每以小嫌有妨大計併乞
 勅下該部定議將各官文移開白體式與彼
 此接見事宜酌量定擬題奉 欽定通行
 遵守庶禮達分定人無踰越事無窒礙其
 於軍機重務非小補也
 議處有司官員疏
 准吏部咨為兩廣軍情重大懇乞
 聖明速賜究處失事人員及剿除事宜以救危
 急事該本部題看得廣東海寇猖獗不止
 武職當任其咎文官亦難辭責合候
 命下移咨兩廣總督侍郎張瀚如巡按御史一

時未到會同巡撫都御史熊輝郎將該道
 守巡兵備并府縣掌印巡捕官逐一評品
 要見何官才力有餘應該存留何官才力
 不及應該更易就於附近堪任官內坐名
 具奏等因奉 聖旨是該道守巡兵備有
 司等官應該存留更易的着總督撫按作
 速查覈具奏欽此欽遵備咨到 臣竊惟司
 道綱紀一方守令變養百姓人之賢否而
 地方休戚繫焉誠不可不慎擇也茲蒙我
 皇上軫念遐方選求良吏臣等敢不仰承除海
 道副使某兵備僉事某該巡撫都御史熊
 輝先已咨部改調外廣東巡按御史自下
 委未見到 臣謹會同巡撫廣東右僉都御
 史熊輝將見任有司各官備加詢訪政行
 及行各該司道查取考語逐一參酌評品
 如歷官已久而民心相安或蒞任雖淺而
 可望後效亦力稱任照舊存留及肇慶府
 陽春縣知縣某剽民玩寇貪穢彰聞廣州

府香山縣知縣某誣盜索財賊跡敗露俱經告發拿問不敢槩及外謹以亟當議處者上陳訪得肇慶府新興縣知縣某性迂緩而張弛無能事沉湎而衰病日甚精神倦於案牘志氣奪於需求親男林文通飲酒宿娼縱而不禁戶吏程睦過錢說事信之不疑稱收各項錢糧每十兩多加一兩支放均平雜用將官銀攙和低銀積穢如山叢怨滿耳廣州府龍門縣今丁憂知

卷七

聖

縣某志貪昧而徇其所好處偏僻而恣其妄為用皂隸黃文瑄鄒亞養為爪牙尋害無辜百姓倚吏書立文相如理明為心腹誅求徧及四民生員劉漢打死吳國齊重情也受賄百金而吳國譽反坐以誣告之罪千長劉子永窩盜莫永興賊犯也納銀五十而劉金可至有訐告之詞受黃朝宜賣法之金蘇朝恩父子俱斃是可忍也索黃長安不遂其意施氏之夫婦幾亡此何

法手以上二臣賊私狼藉物議沸騰所當罷斥以警官邪者也廣州府順德縣知縣某貌本清爽心實糊塗政每涉於因循弊矣望其振刷聞寇移家先避大失人心斷獄聽囑無嫌遂生眾怨為人命而受潘少倫區汝週之金收頭陳仁伯為之過送因參缺而得馮金周道之賄門子吳勝實先交通總甲排年之常例不辭丁田役銀之耗頗重但年力尚壯改悞可期韶州府

卷七

聖

英德縣知縣某猥瑣而識見不融衝繁而應酬罔逮用刑太過李知府嘗訐其非居官貴清馮副使亦叱其短窳均徭而重貧輕富莫門子通賄可疑緝民壯而逐甲需求雖容總亦所不免往跡似知改悟民間久已離心况茲多盜之區難保克終之績廣州府合浦縣知縣某瑣才不堪任事大言徒以文奸慕寬仁鞭朴不施左右全無畏忌任疎散政務不理案牘何以稽查信

庫吏莫汝忠為奸行止聽其指使倚牌頭
曾廷穩用事關節因以替通城守不嚴難
禦縱橫之寇奸弊滋長致銷良善之心以
上三臣才力已難支持操守未甚狼狽所
當調簡以示器使者也肇慶府陽江縣知
縣某年逼桑榆已無振作之氣行復偷惰
又非卧治之才案牘付之吏胥改換者盜
印隨手詞訟行之里老私和者交紙扣頭
刑吏賭博宿娼事發而納賄求免門子挾

卷七

四十二

財放潑傍案而高聲自如衙門有左右知
縣之稱聽訟來原被同科之誚歷任未久
誤事已多瓊州府定安縣知縣某乖戾之
性疎拙之才意在沽名假慈祥之態以要
譽心多貪得為狐媚之行以欺人紙贖不
登循環悉充私橐均平加收火耗尤罰公
堂檢勘先通賄賂查盤索受過山吏胥弄
權士民切齒韶州府曲江縣知縣某才力
綿薄性資迂遲一邑之政務本非繁雜諸

山之賊巢甚為隣閭門稱病既無弭盜
之方訥口無言徒有素餐之愧邑治廢墜
人心憂惶以上三臣吏事原非所長儒術
或能自勉所當改教以示曲全者也及查
訪得廣州府三水縣知縣周行韶州府仁
化縣知縣王繼芳南雄府始興縣知縣黃
佩皆才力有餘政體練達處以小邑未竟
厥施俱堪調衝繁之任者也如蒙乞
勅吏部再加查訪如果臣等所言不謬乞將某

卷七

四十四

等罷斥某等調簡某等改教以為有司不職之
戒各員缺合無就近以周行補香山縣王繼芳
補曲江縣黃佩補英得縣以簡調繁以某補合
浦縣其補始興縣其補定安縣以繁調簡各給
憑到任其陽江新興二縣地曠民頑為盜賊之
藪順德縣路衝邑鉅實繁劇之區乞將進士選任
三水等縣乞於舉人中選其精銳老成者銓補庶
不才不得貽害大小各稱器使賢能益勵政行而
瘡痍困苦之民咸有蘇息之望矣 七卷終

臺省疏稿卷之八

擒斬積惡首賊捷音疏

據潮州府申稱大埔縣大麻巢賊首黎成之馮尚清等原係已獲賊首蕭雪峰殘黨因恃巢穴險峻可以拒敵嘉靖四十四五年內復集八九百徒陸續流劫程鄉興寧海陽等縣地方殺死民人劉育楊秀等三百餘命屢經督兵剿捕賊乃假投乞招隆慶二年五月內又劫赤陬社殺死鄉民黃

卷八

進等六七月內復劫陂頭寨南山逕等處殺虜男婦二百餘人節據被害士民楊茂黃傑劉德等數百名赴告乞兵剿捕隨奉各軍門牌仰道府督兵進剿時因專力海寇未暇分兵至十二月內黎成之仍率徒黨流往長樂興寧中保地方剽劫時有遊擊馬良匯領兵在彼當時與戰斬獲首級二十三顆各賊奔逃回巢該本府知府侯必登看得黎成之等肆惡有年殺人無數

且狡詐異常兇悍特甚如堂堂進攻非太勢兵力恐未易得倘遲遲不剿則日益猖熾民不堪命隨調千長諸一經諸繼昂羅良錦等兵夫一千五百名分布三河烏槎那山要路把截又密授方略令名色把總陳嘉猷等領勁兵六百名前去賊巢逕路埋伏本月二十八日黎成之率衆出劫銀溪地方捉虜男婦諸應世王尾娘等五十餘名口回至隴溪嶺被陳嘉猷等揮兵進擊交鋒十數合即時斬獲書總馮尚清首級一顆黎成之恃其驍悍仍當先抵敵時諸一經等各哨兵勇繼至再戰官兵奮勇當陣生擒黎成之并殺死賊徒九十餘名墜在深坑不能抓功止取獲旗總藍郭定馮滿首級二顆陣亡被傷兵夫二十四名救脫被虜諸應世等回還時潮州兵巡道未臨已將賊犯首級送同知白世徵審驗外看得前項強賊結黨聚肆行殺擄逐

寬豐政一都良民流劫惠潮兩府地方為害甚大且久茲幸俘獲人民稱快除將餘黨給榜安插訖所照黎成之等罪惡貫盈乞早典刑以泄民憤等因并據整飭廣州兵備道僉事周舜岳呈稱從化縣溪頭巢撫賊黎宗林萬尚欽等七百餘徒向劫從化龍門等處地方隆慶二年三四月內又劫增城縣石灘等鄉村殺民單繼芳茹化等六月內劫清遠滘江堡十二月內劫龍門縣鐵崗崗擬虜男婦一百餘名口回巢本道節據各縣申及民劉昭等狀告各要請兵攻剿隨委龍門縣典史陶先舉從化縣典史廖可文等帶領千長許元深黃茂光等兵勇二千名本月十六日與賊交戰攻破溪頭巢縱火將房屋燒毀當戰生擒賊首黎宗林等一十八名斬級一十九顆奪獲大白旗一面陣亡兵夫三名被傷二十一名尚有殘賊徑從牛步禾倉等山奔

走又該本道添發指揮王憲武舉生周昌遠等領兵六百名前去合哨剿殺隆慶三年正月初十日追至灌村復戰生擒賊犯林亞二斬獲首級二顆俘獲賊婦伍口奪獲賊旗二面馬一匹餘賊逃在深山除督各兵嚴行搜捕外合行具報緣由又據廣州府新會縣申稱有新寧新會二縣交界地名藤崗九迳等巢皆招賊首陳金鶯童盛才等向合浪賊周高山等共一千餘徒節年流劫會寧恩平等縣地方殺人無數隆慶二年八月十二日又劫新會縣長塘龍岡等村焚燒房屋劫掠財物殺死鄉民譚紹龍等七十二名捉擄楊亞丑黃氏等二百餘名口屯劄車背山逼銀贖放陸續又劫黎崗等鄉捉去耕牛一百餘隻并擄執人口回巢有被害民譚師尹張大任等赴告請兵剿滅并捐銀一百兩以助兵食該本縣知縣林會春看得前賊蠶食一方

殺害萬姓相應亟剿救民倒懸但今食訕
兵疲難以大舉即遵奉軍門勦剿明文募
取兵勇雷聖達黃奇用等五百名并令千
長陳榮等各起調附近鄉兵合哨併力俟
各賊歲暮稍息四面進攻本年十二月二
十日發哨二十二日抵車背賊巢分布設
伏二十三日黎明各哨官兵齊進彼賊倉
惶迎敵交鋒數合有陳金鶯等被銃箭傷
死數多俱即搶回不能枚功各兵乘勝直
搗賊巢用火燒燬茅屋三百餘間焚死賊
徒不計只生擒從賊諸馬留等二名斬級
四顆俘獲賊屬黃氏等三口奪獲被擄楊
亞丑等一百一十七名口奪獲馬六匹糧
衫一件刀一把所餘散賊不多四往走避
除督捕巡官兵緝捕外隨審雷聖達等執
稱當時交戰委已將陳金鶯斬死被擄賊
奪去及被擄譚旺等供報相同為照陳金
鶯等盤據前巢為患日久今一旦焚蕩致

賊敗散雖俘獲數少然功亦頗偉合行申
報等因各到臣案查先據各道府縣申報
前項巢賊流毒地方緣由前來俱經督行
發兵相機剿捕去後今據前因臣會同巡
撫廣東都御史熊輝議照賊首黎成之黎
宗林陳金鶯等本以各山漏刃殘徒復敢
糾黨操戈流劫盤據巢寨則一方田土盡
為汙萊荼毒遠邇則萬戶人民皆為魚肉
害愈久而愈大勢益肆而益狂所幸各該
官兵齊心協力或闢機以搗巢或乘勢而
鏖戰元惡大憝既已就擒嶺表生靈咸稱
有賴是皆仰仗 天威遠布 神武懋昭
之所致也除將效勞人員候進剿海賊會
一本寧日併行叙錄獲功與傷故兵夫先
行賞恤及行各道將斬獲首級驗明梟示
被擄人口給親領回賊屬變價并馬匹器
物供賞兵夫訖生擒黎成之等審實遵照
題 在事例押赴市曹處決梟示外謹具

題知

將領激兵叛殺旋即計滅以安人心疏
准巡撫廣東右僉都御史熊桴會稿隆慶
三年正月十六日據白翰紀呈稱督領名
色把總伍惟統林清等兵船巡剿海賊時
曾一本等敗遯馬耳灣奉軍門牌督順剿
見碣石衛倭寇遵依前進將船分布外
海挑送勁兵登陸會同總兵中軍官李峨
等官兵設法攻剿本年正月初九等日約
同生員黃應龍等交戰斬獲真倭首級七
顆擒獲通倭奸細一名施亞養奪獲馬十
四匹倭旗一面賊見得勢敗於十三日
奔遯上船分宗散走一宗船二十二隻向
東行使白翰紀親督伍惟統等兵船衝擊
追至捷勝所海港大戰數合我兵奮勇犁
沉大小倭船六隻奪獲三隻各倭被傷溺
死甚多尚存大船十三隻見在圍攻兵亦
傷損數名又一宗船十九隻遯往長沙海

口林清拜百戶張禮等兵船追及奮力鉤
戰當即焚燒倭船二隻衝沉三隻尚存十
四隻連日多用火箭乘風進攻將前
倭船盡行燒燬其賊死於鋒鏑焚溺者約
有千餘連日風浪大作不能抓功餘倭奔
岸死戰各哨在陣生擒真倭從賊共十二
名斬獲倭級十七顆奪回被擄男婦三十
五名口并倭旗器仗等項俱解送惠州府
同知唐德瑞審驗即今衛城克復殘黨勢
窮乞催發陸兵協剿合先飛報并准總兵
官郭成手本開稱督發坐營都指揮李峨
等標兵前去碣石截剿倭寇名色把總林
遂等斬獲倭級八顆生擒真倭一名該衛
被劫印信銅牌俱獲見在無損水兵名色
把總王進等殺獲從倭海寇程老哨賊級
四十八顆生擒賊犯李逢道等二十八名奪
獲賊船二隻俱解潮州府同知白世徵審
驗等因本院照得前項倭寇已遭敗衄再

加陸兵夾剿可收全捷即行監督道催促將領將平山巢賊速行蕩滅庶便長驅盡殲殘黨續據該道呈稱蒙委監督已將兵糧預支及犒賞調度又行通判潘槐在營監紀本年正月初四日各哨選兵挑戰賊畏不出初六日二營官兵直衝賊巢交鋒數合銳彈射死倭賊數多各兵亦有陣亡又奉本院議照各官兵雖覺勇健尚無節制相應委官統領綠總兵郭成見駐潮州節催未至乃委原任叅將王詔統督卜禎等兵又委新任雷瓊叅將耿宗元統督周雲翔等兵務要同心協力剋期於十八日擄巢賊初閉門拒敵至未時擁出真倭八百餘徒與各兵鏖戰兩營衝鋒哨兵殺倒倭賊三十餘徒方在抓功巢內見得勢敗盡數衝出彼周雲翔廖鳳曾德父等部兵先行奔走致賊乘勢趕逐過河傷死哨兵五十餘名是晚回營叅將耿宗元憾其無

功將各哨頭目剝辱欲要次早將周雲翔廖鳳并各頭目斬首號令彼各畏死遂於是夜軟盟謀叛十九日辰時鼓衆二千餘徒吶喊燒營廖鳳等將耿宗元及家兵陳宗會等十名一同殺死復進民圍執擄通判潘槐即殺人祭旗各穿紅上馬率衆擁突惠州城下稱被叅將激變特來要取妻子出城當蒙本院以周雲翔等素養已久一旦戮將叛出直逼府城即當剿捕但中間多有脅從遽爾加兵未免玉石不分牌行曉諭衆兵執獲首惡送官准與贖罪又該本道再三諭令解散隨據差人回稱周雲翔等因取妻子不得決要攻城就酉時放火燒燬城外民人蘇允脩等房屋三十餘間殺擄男婦劉矮三陳氏等四十餘名口當蒙發出中軍官指揮沈燦統領標兵并名色把總劉大偉等兵即與接戰當陣生擒叛賊馬拈天等九十三名斬級四十

五顆本道嚴督城上官兵銃箭傷死無數
周雲翔被鳥銃打傷左脇遂行奔走退至
孫崗地方屯劄又蒙本院樹旗給榜再四
招諭陸續放回脅從八百餘人其餘結黨
通透倭賊周雲翔等皆削髮於二十三日
將被擄婦女二十餘口馬二十匹拜通判
潘槐投獻倭巢頭目要得同來攻城查得
起叛之原因參將耿宗元馭兵過於嚴刻
人心驚懼因之違禍實自取之而叛徒周
雲翔廖鳳魯德久等本以有勇無義之小
人濫受把總哨官之名色經年坐食全無
圖報乃於主將行法之際輒肆背叛屠戮
之慘投入倭夷謀為不軌但今孤危之城
深是可慮况人心徬徨各無固志且執官
未回乞為計處等因本院看得周雲翔等
既投倭巢賊勢益大所調狼贖官兵未至
權應速計乃喚被虜放出居民張羽丁伯
成等假以贖入入巢密示通判潘槐在內

卷八

七

用間務使猜忌離散去後續據潘槐稟稱
叛賊周雲翔廖鳳等殺死將官決意叛逆
周雲翔僭稱周平王廖鳳為王叔曾德久
廖廷相為都元帥黃鉞黃遷曾喬李高等
為都總管哨隊長俱為一總二總三總等
名號將槐綁執要得代取妻子又多做長
梯攻陷府城因計不遂二十二日各惡選
取被擄婦女馬匹拜將槐送入平山倭巢
謀先陷惠州連破博羅增城廣州等處城
池搶船下海續得密諭用計反間各倭通
事生疑及巢內皆傳叛兵廖鳳等謀欲殺
倭贖罪倭酋即於二十五日將廖鳳等先
綁然後開刀將各餘黨四五百人盡行殺
死卑職今將首惡廖鳳批差陳忠等解赴
正法等情據此當將為從逃散者俱各招
回姑從周治發還原籍安插訖等因備到
臣案查前項二夥倭寇猖肆為患已經具
本題知及會巡撫右僉都御史熊桴一

卷八

三

面督發所在官兵相機防剿并咨南贛軍門借調殺手又催調廣西狼土官兵該熊桴親赴惠州督剿去後今准前因臣會同巡撫廣東右僉都御史熊桴議照二夥倭寇屯住為患已調水陸官兵次第進剿方幸碣石克復兵威已振若各將領皆奉令協和勦力奮戰則平山劇賊可就殲夷而漏刃之衆將不勞餘力盡收蕩平之績矣夫何周雲翔等臨敵先奔違律僨事恭將耿宗元嚴而少恩疑而無斷初至軍中既未素結其心及見敗績又未能即正以法所謂次早斬首之言實啓群兇謀叛之釁遂使周雲翔廖鳳等手刃統督之武職擄執監哨之府官臨城肆侮挾取妻孥削髮投倭妄行僭竊以致雷焰熾遠邇震驚茲幸仰仗 天威不煩傳檄而滔天惡逆數日就擒使人知犯順者罪不容誅法無所逃也所據地方各官該道按察使張

子弘職司監督叛兵多出其圍標責在承備變故僅知乎城守惠州府知府李伯遇捕盜通判陳廷觀歸善縣知縣林應騰惠州衛掌印指揮李廷桂巡捕千戶王垣各有視篆捕巡之責殊乏先事制變之謀通判潘槐督兵被其執擄罪固當論用間以消隱禍情或可原總兵官郭成剿倭而屢懼不赴兵變而事若罔聞雖山海多虞亦變通無術與各領兵等官失事之責其何容逭但倭賊正在地方除臣等一面催促原借調南贛參將蔡汝蘭等并廣西狼土兵前來及督令總兵中軍官李峨等兵鼓舞進剿務將二處倭寇盡行掃蕩以紓皇上南顧之憂以安地方瘡痍之患候事寧日將功罪人員分別參論具題 定奪及將投賊廖鳳發該道審實遵照題 准事例押赴市曹處決梟示外謹具題 知 官兵奮戰生擒倭王大捷疏

據廣東伸威兵備監督道按察使張子弘
呈據委官惠州府通判陳廷觀報稱倭賊
一夥久圍惠州平山圍劫掠為患節奉督
撫軍門調兵進剿隆慶三年二月初六日
約會各營官兵攻搗賊巢南贛軍門標下
總統參將蔡汝蘭分統贛州府府同知方
策南贛生營都指揮李無咎督率贛兵由
長塘水口而進廣東原任守備卜禎名色
把總魯太平等進劄烏柏塘以為策應總
兵官郭成統率部下生營李峨等官兵由
大埔白雲屯而進逼近巢邊初八日各哨
齊攻賊眾驚懼向東奔遁官兵直衝追殺
且戰且走至鹽路礮依寨拒敵蔡汝蘭部
兵當戰斬獲賊級一十六顆奪回被擄男
女四十六名口郭總兵標下把總鄧子龍
等先在木塘衝陣斬獲首級三顆各兵與
賊對壘聯營晝夜堵截賊出輒被殺敗回
巢十一日早四面進攻賊即擁眾迎敵我

兵矢彈如雨血戰踰時李峨部下官兵
斬真倭首級一十一顆蔡汝蘭哨兵陣斬
賊級二十二顆傷死不計賊即拖回焚燒
堅閉不出我兵亦有傷損十二日夜各倭
營巢欲逃直至總兵營前衝路時值夜半
官兵分守信地郭總兵親督家丁郭來定
等數十人當鋒格殺斬獲真倭三顆奪獲
倭盔三頂刀鎗六件倭箭六十二枝高照
倭旗等項時將火箭鳥銃射打傷斃甚多

賊亦拋擲火藥延燒總兵衣甲致傷兩手
燎及鬚面各賊大敗血流滿路仍退回巢
十三日分兵預伏各路即以佛郎機鳥銃
雲梯等具攻其垣牆礮炮如雷賊不能支
是夜二鼓即從北方潰圍奔逃伏兵四起
蔡汝蘭等兵斬獲真倭級一百二十二
顆生擒真倭一名并李峨等兵斬獲賊級
三十四顆共奪回被擄男婦四百餘名口
餘賊帶傷奔竄墮落坑壑不能採級者數

百奪獲賊馬二匹倭衣弓箭刀鎗等項三百餘件又千長陳君裕王德興約長郭文悅等生擒真倭四名通事一名首級一顆巡檢童子信哨官黃珊等各督兵斬獲賊級伍顆拜禽書佛軸符簽號木等項解道當將通事唐得敬譯審得真倭一名立古所係日本國第三王與伊國石馬子大王楊哈搭有隙駕船率眾前來劫掠一名迷沙濕波跟同倭王發課演禽一名腰矢雞

卷八

十七

一名堅踏幸俱係倭酋因兵追急倭王扛轎奔遁鄉兵衝截仍狼各鬪被兵鎗刃殺傷一十餘處各倭護戰當即生擒等情并據總兵郭成恭將蔡汝蘭各報同前臣查得倭賊二巢其原屯碣石者已經官兵攻散遁在海豐縣金錫地方其原屯平山者恃據圍寨險固兼值叛賊周雲翔等投合助謀入心遙動幸而計剿以孤賊勢俱經陸續題報外隨該臣等咨行巡撫南贛

都御史張紳督發借調標兵三千五百員名前來協剿去後今據前因臣會同巡撫廣東地方兼贊理軍務都察院右僉都御史熊桴議照前項倭奴自去歲登岸屯聚流劫向以海寇猖狂分我兵力彼乃肆逼惠州謀攻府城臣等多方調募鼓舞進剿今各官兵合力擣巢躡踪追擊雖倭斬二百二十餘功而傷死甚眾况倭王就擒群醜喪氣將必殲滅無遺是皆仰仗

卷八

十六

皇上神武懋昭廟謨指授之所致也及照此戰之力實賴巡撫南贛都御史張紳忠誠夙著遠勤借援之師號令素嚴遂底破倭之績總兵官郭成志切滅賊奮不顧身恭將蔡汝蘭機宜素定擊刺當先與同知方藻坐營官李無咎都指揮李峨等均有勞勩所當叙錄但兩起殘黨尚未盡殲殊催督官兵剿滅鹽路遁寇併將金錫餘孽通行掃蕩平寧有功人員覈實叙議另行題

請及將倭賊丘古所等違照題 往事例押

赴市曹處決外謹具題 知

叛賊流毒地方調兵急剿疏

崇照先節據分守高肇參將周整及肇高一府陽春陽江等縣生員里排耆民沈而練伍賢等呈告稱陽春賊首黎汝誠等糾黨數千流毒地方黎汝誠先巢于雁岡全據太平南鄉都賊首許雙塘等巢于順陽都李德桂等巢於灣口屢招屢叛肆行劫

害近有種人招主劉惟化等奮報父讐殺逐汝誠後徒營大埔離城不滿十里招亡納叛妄擬稱號吞噬鄉村屠戮四境乞早發兵剿殺等情到 臣俱經批仰嶺西兵備道分巡官查議剿處隨據該道僉事汪汝達揭帖開稱陽春山賊久應鵬剿緣事體重大錢糧難處今地方告急乞賜批示以決進止緣由前來又該 臣批地方告急應剿可行爲民拯救焚溺何可緩也作速

議停當兩府餉銀作何處派事急聽借額

銀何以抵補擬於何時舉事狼兵之調須

先期百凡周詳開揭稍有次第密切呈詳

隨據該道守巡官右叅政桂嘉孝僉事汪

汝達呈詳會議得黎賊招叛結黨數千餘

徒流毒陽春等七縣地方慘不可言救焚

拯溺勢不容緩將合用狼兵并監統領哨

等官與兵食等項開款具呈到 臣又經行

回該道將應辦應處錢糧馬匹軍火器具

作速整備統督領哨等官 臣通行取用及

遵照欽奉 勅諭從宜處置事理差官齎

捧令旗令牌前去起調廣西鎮安府及下

雷岡等處土官目兵七千員名又據守巡

該道會議哨道畫圖造冊呈繳在卷續該

廣西帶管左江兵備道叅議曹棟呈稱南

寧府四都地方警急將原調下雷岡官兵

留彼彈壓隨慮兵力尚少又行添調在梧

向武州土官族黃九疇所部戍守正調報

效目兵一千三百名上林戍守兵五百名
 前來克哨又據惠潮道兵備官報稱倭賊
 數宗登岸流劫見屯碣石衛等處猖肆為
 患臣已備咨南贛軍門借調殺手催調廣
 西狼土官兵候至日改發并勢剿倭間當
 據廣東伸威兵備監督道按察司張子弘
 呈報隆慶三年二月初六等日督兵約會
 南贛參將蔡汝蘭鎮守廣東總兵官郭成
 官兵剿殺平山倭賊獲功二百二十餘功
 倭王就擒尚存殘醜勢敗流浪遠逃臣等
 一面會本報捷外今照陽春瀧水地方
 盜賊荼毒已極士民哀籲甚急臣會同巡
 撫廣東右僉都御史熊桴議照賊首黎汝
 誠等黨衆數千屯結萬山險巢之中流毒兩
 府七縣之地占據民業為害有年焚殺無
 忌彼因錢糧不繼兵力薄弱姑從撫處詎
 期前項惡黨怙終不改恃負隅之勢而倡
 狂更熾肆出柙之兇而殺虜愈慘罪貫已

盈法不容遁所據統督領哨領隊等官與
 土官目兵俱陸續見到軍門又經斟酌分
 定哨道瀧水哨委廣西都司署都指揮僉
 事楊弘舉統督廣西分守嶺西道右叅政
 桂嘉孝監督陽春哨委廣西都司署都指
 揮僉事李懋元統督廣東嶺西道兵備僉
 事汪汝達監督漢達官軍土官目兵打手
 民壯鄉兵人等共一萬四千六百餘員名
 剋定本年三月初八日一齊抵巢征剿除
 候事寧之日將有功人員另行叙錄題
 請外謹具題 知
 剿滅倭寇并擒叛賊首惡大捷疏
 據管伸威兵備事按察使張子弘呈稱奉
 督撫軍門行委監督廣東總兵官郭成中
 軍都指揮李峨贛州軍門借調參將蔡汝
 蘭坐營指揮李無咎贛州府同知方渠并
 柘林守備孫江原任守備卜禎李芳名色
 把總魯太平陳恩等官兵進剿原襲劫碣

石甲子衛所及平山土圍倭寇與叛賊首
惡周雲翔曾德久等解報依奉會同二將
拜督各哨官兵於隆慶三年二月內節次
剿殺獲功具由呈報訖本月十四等日原
在平山倭賊自大安崗突至海豐縣西門
焚屋殺人徑從鹿境渡河流往金錫地方
與前碣石倭奴合夥各兵追及交鋒銃彈
如雨奮力死戰郭總兵中軍官李峨部兵
生擒倭賊五名斬級五十二顆奪回被虜
男婦七十四名口守備孫江哨斬級十七
顆奪回被擄十名口百戶夏大恩哨生擒
一名斬級二十四顆奪回被擄十名口守
備李芳倉官夏肯陶思學巡檢童子信哨
官陳金吏李秀等哨生擒十二名斬級十
五顆奪回被擄二十七名口奪獲倭王兵
古所錫印一顆賊馬一匹各哨共奪獲倭
刀槍械三十四件當日銃擊溺死賊徒百
餘總兵郭成見得二賊既合恐勢張大難

卷八

三三

以頓剿即插木牌行間使二顆分宗十九
日平山逃去之倭遂移往捷勝所地名長
埔橋屯劄攻打所城該所告急郭總兵與
蔡叅將計議選撥名色千戶傳大邦等領
苗兵五百名入城助守賊復連日攻城傳
大邦等同該所掌印千戶朱德及領兵千
戶湯勛等率軍捍禦仍督兵絕城約同城
外營兵奮力夾擊郭總兵部兵斬級一十
二顆被傷陣亡兵夫六十名叅將蔡汝蘭
部兵生擒引路從倭楊世念一名斬級三
十二顆奪回馬二匹被傷陣亡兵夫五十
餘名千戶傳大邦等哨斬級十一顆奪回
被擄男婦一十四名口奪獲馬四匹叭喇
胡船一隻千戶湯勛等哨擒斬三十七名
顆奪回被擄一口陣亡旗軍蕭時和各哨
共奪獲鎗刀等械十一件賊因勢窮即奔
往東坑土圍據劄續奉軍門牌仰本道親
至海豐軍前催督及早殲滅拜蒙密示方

卷八

三四

畧務得通判潘槐生還周雲翔曾德父生
縛方為全勝各官遵奉號令剋日掃蕩曾
德父聞知畏懼帶領舊黨林三逃出小漢
山把總陳恩報知同知唐德瑞差兵擒獲
二十六日各哨官兵進至東坑圍批戰倭
畏不出郭總兵帶兵直衝巢門斬級二顆
生擒廖鳳男廖德并從賊共五名奪獲被
擄七名口奪獲倭旗一面三十日眾兵復
行衝巢與賊鏖戰郭總兵親斬穿紅倭賊
首級一顆標兵斬級十一顆陣亡名色把
總陳世孔奪回被擄九名口蔡參將督率
李無咎同知方渠守備卜禎名色把總魯
太平王追仁等斬級十二顆斫死倭馬六
匹奪獲弓箭十一件各營乘勝圍逼倭巢
三月初二日夜倭賊潰圍逃走我兵先已
預伏徑路銳炮亂發遂行阻截彼時各兵
認識潘通判在後直衝救出回營仍縱火
焚燒賊巢風急火烈賊眾燒死者難計內

有一夥與周雲翔冒死竄走各兵且追且
戰蔡參將哨指揮李無咎名色把總葉應
熊袁棟等部兵衝前生擒倭寇四名斬級
二十六顆奪回被擄二十八名口奪獲倭
馬二十八匹初三日蚤郭總兵部下百戶
郭文率同家兵郭來定等與蔡參將哨兵
兼程追擊當陣生擒元惡周雲翔及名色
把總陳恩同擒叛惡黃遷餘賊逃散哨兵
追急墮巖踏水而死數多又有一顆復奔
金錫地名白沙河湊合原巢碣石倭奴是
日郭總兵親督李峨及蔡參將親督方同
知卜守備李指揮等官兵仍分左右二哨馳
至白沙河倭奴一乘槍船在港各哨官兵
乘勢進擊先將火器攻打倭船各倭荒亂
自相蹂踏沉船三隻溺水死者無算在岸
之賊猶據死抵敵我兵勇氣益倍郭總兵
帶兵當陣生擒真倭無名餘名斬級一百
餘顆蔡參將營兵生擒真倭三十二名斬

級九十八顆共奪回男婦二百十名口奪
獲鎗刀器械稱是各哨官兵連日搜捕獲
斬真倭一百五十八顆被傷斃死者枕籍
山谷不敢割取尚遺零賊將小船九隻潛
逃出港據舍人姚寬報稱被東莞兵船打
沉三隻除功級及嚴督剿滅另報為照倭
賊猖亂叛兵助雷執虜府佐殺戮居民誠
為兇惡滔天今幸軍門殫慮運謀群帥協
恭奮力故一鼓而蕩倭巢再鼓而擒元惡
府官還郡俘馘獻功厥績可謂偉矣合行
具呈等因到臣案查原屯平山倭賊據險
肆劫叛賊周雲翔等捉擄通判潘槐投倭
助逆又一顆遁在海豐金錫地方臣等節
行嚴督二哨官兵陸續擒斬獲叛惡廖鳳
及倭王丘古所等共六百一十九功先後
具本題 知及嚴行催督各該官兵務將
各賊乘勝剿滅去後續有叛兵頭目李雲
譚相黃珊投赴巡撫衙門發該道再審今

據前因通計前後擒斬真從倭賊共一千
三百七十五名顆奪回被擄八百六十九
名口臣會同巡撫廣東都御史熊桴議照
前項倭奴入犯邊海荼毒地方襲陷衛所
勢甚猖獗人心洶洶方在進剿詎期叛賊
周雲翔等戮將執官投合助勢且敢擁眾
侵逼惠城一郡屬邑之間已騷然矣所幸
天奪其魄官兵效命首行離間之計而叛
卒盡殲繼調夾攻之師而倭黨悉滅元兇
既已擒獲被執亦得生還其餘漏刃殘徒
四散奔命不過千百中之一二方且搜捕
必無足慮是皆仰仗我
皇上聖武布昭 廟謨遠定之所致也除將有
功官員另行叙錄題 請所獲功次聽巡
按御史紀核具 奏生擒賊犯遵照題
准事例處決梟示奪獲被擄人口給親領回外
為此具本謹題請 旨
擒斬山海劇賊報功疏

案照先據分守嶺西道右叅政桂嘉孝嶺西兵備道僉事汪汝達呈奉臣拜贊理軍門案驗據各道呈詳陽春賊首黎汝誠黃朝泰許雙塘李德雄等糾黨數千累年盤據平寶大埔車田灣口等處流毒肇高二府陽春電白等七縣地方焚劫殺擄殊不忍言隆慶二年十一等月各道督發肇慶府同知郭文通部領官兵擒獲賊總黃朝盛唐德明唐廷章等名色把總曾希聖與恩平縣千長錢君達等部兵生擒賊犯梁亞住斬級十一顆奪回被擄三名口電白縣典史李喬部兵擒獲賊犯陳文廣等三名陽江縣主簿柳喬部兵斬級一顆奪回被擄十二名口石城所千百戶朱本源許希董本縣典史劉頂等官兵生擒賊首英前江賊從林亞三曾清趙仕吉等六十五名陸續解報餘賊逃遯回巢招集日衆勢愈猖獗今蒙會調狼土官兵已到但萬山

之中賊巢聯絡恃險負固東擊西奔相應分哨進剿議將瀧水哨委都指揮楊弘舉統督右叅政桂嘉孝監紀陽春哨委都指揮李懋元督統僉事汪汝達監紀各選鄉導分兵並進等因已經會案仰道遵照圖冊舉事外隆慶三年三月二十二日據僉事汪汝達報稱本月初八日督兵進山初十日午時賊首黎德雄等一夥攻打大小那座屯即擁衆拒敵該職會同都指揮李懋元當督領哨同知郭文通守備王克振千百戶童克清等官兵直至灣口衝殺當陣擒斬賊九十二名顆奪獲旗二百鎗十一根賊敗奔巢十三等日各兵又行深入連破車田相思胡崗那陳等巢生擒黎公海陳汝善八名斬級一百三十二顆俘獲賊屬二十二名口奪回被擄二十六名口牛馬八十七頭匹銅鼓一副當有排年鄉兵鄧鳴邦李亞孫等識認首級二顆的

徐賊總談月光李德雄等因四月初八日
 又據瀧水哨叅政桂嘉孝報稱三月十三
 日會同都指揮楊以舉督令領哨指揮董
 堯卿胡九經王璉等官兵密抵巢邊賊當
 驚出即與死戰攻破山棗坪黃埔等巢生
 擒賊犯陳亞月等七名斬級一百零一顆
 俘獲賊屬男婦三十三名口奪回被擄五
 名口鎗刀九件牛馬十一頭匹陣亡土舍
 岑穩一名被傷兵夫梁傑等八名見今追
 剿務要盡絕等因并據領兵原任把總謝
 潮呈蒙廣州兵備道信牌奉督撫軍門案
 驗據本道呈稱從化縣溪頭巢撫賊萬尚
 欽等七百餘徒向劫從化龍門等縣為患
 最以先督龍門從化二縣典史陶先舉廖可
 文等募集鄉兵進剿陸續獲有功次各賊
 復糾河源縣叛招賊首唐亞六等湊成大
 夥龍門典史陶先舉從間道進兵被伏賊
 執擄本年三月初十日仍流毒增城縣並

汾等村挾令陶先舉告招仍肆焚劫不止
 蒙案仰道行委卑職領標兵一哨由從化
 路進都指揮白翰紀指揮王禎各領兵一
 哨由增城路進及行南韶兵備道委納授
 指揮陳璘領兵一哨由清遠英德路進本
 道監紀本月二十一日探得前賊逃回從
 化縣石嶺水尾崗屯劄職即移兵石嶺圍
 與賊對壘二十七日夜督兵進擊當擒引
 路衝營賊李彥才邵景夫并獲姦細尹惟
 化湯景善職仍力催官兵攀崖附為直抵
 巢門賊眾迎敵我兵奮勇衝入大戰斬級
 十一顆奪回被擄鄧萬宣等五名口將巢
 縱火燒燬焚死賊黨數多餘孽從小路遁
 入清遠大山等因又據龍川縣報稱山賊
 藍亞公等突劫通衢地方該知縣陳應秋
 督同主簿林九經領兵追剿斬獲賊首藍
 亞公并賊級六顆生擒黃子清等二名并
 獲廣州府海防同知常若愚呈報海賊曾

一本賊黨程老大小船四十餘隻流劫新
 寧香山等處蒙督名色把總伍惟統等兵
 船連夜追至牛角灣有船戶總甲李旺喬
 黃天與等奮勇衝戰火炮交攻黎沉賊白
 艚船五隻燒燬三隻各賊大敗傷溺甚衆
 因西北風發飄棄脚艇不能斬取功級見
 奪獲賊船四隻生擒賊徒吳亞成八名當
 戰斬獲首級十顆奪獲賊屬男婦十二名
 口績又據陞任海南兵備道副使姚世熙

卷六 三十三

呈奉督共剿捕海寇該委官海南衛指揮
 石子方千戶王艾等在儋州新英海洋遇
 番賊船五隻當與交戰斬獲首級十二顆
 生擒賊犯邢育等三名被傷溺水死者不
 能孤功奪回被擄男婦二十七名口奪獲
 船三隻海北兵備道僉事張士純報獲賊
 犯李亞二等四名斬級十三顆指揮宋天
 爵督兵斬獲番賊首一顆生擒賊犯鍾
 一舉遂溪縣知縣吳天傳縣丞蔡邦臣督

兵在地名北岸頭斬級一顆生擒薛三等
 六名等因各到臣據此查得前項山海盜
 賊出沒為患節據嶺西守巡廣州海南等
 兵備道呈報前來已經嚴督各處圍操哨
 守官兵相機剿捕及查陽春西山一帶巢
 壘相聯黨類日衆播霍二府七縣之間最
 為慘烈隨即會調狼土官兵剋期進剿今
 據前因臣會同巡撫廣東都御史熊桴議
 照廣東地方崇岡巨浸內則山賊縱橫外

卷六 三十四

則海寇侵突倏忽流劫民多廢業踪跡詭
 秘兵難馳騁此全廣之久患地方之積憤
 也今兵力稍奮督發進剿仰仗
 皇上赫怒之威遽收一戰而勝之捷未盡之黨
 業已消蒐方勝之師勢如破竹除嚴行該
 道將領等官仍懸示重賞務使各兵不避
 險阻將尚餘群醜盡行殲滅俾山海之氣
 復從此蕩滌而閭閻之焚溺得遂拯援斯
 也矣其為斬功次俱解巡按御史紀錄

勞官員聽勘明叙錄被擄人口給親領回
賊變價併牛馬器物俱給兵充賞陣亡被
傷者量行優恤外為此具本謹具題

薦舉方面官員疏

臣惟任人圖治者國家之急務以人事君
者臣下之私忱故罪莫大於蔽賢而知人
尤非易事臣奉 命督撫兩粵其於藩臬
諸臣固嘗因事以辨其才因才以考其德
自以殫厥心矣然博考者或持重而不揚

卷八

三五

矯飾者或行巧而揚售一時之見聞恐未
足以定終身之行誼則臣之知識有限若
昧本心之明而枉是非之實非惟不忍為
而亦不敢為也地本遐荒自昨歲考察之
後選補者方到任未幾臣固不過為搜剔
苟圖塞責亦不泛漫收羅務以悅人除廣
東按察使陳善先已陞任副使姚世熙已
會本保留按察司調任副使程大賓及廣
東布政司右叅政桂嘉祥僉事楊正廣西

布政司左叅政陳道基右叅議曹棟按察
司僉事譚惟鼎俱履任尚淺不敢驟舉外
訪得廣東布政司左布政使熊汝達氣度
溫純志行卓越廉明無染而蠹弊祛除靜
定莫捥而紀法堅守軍需不繼每委曲以
調停師旅方殷亦周詳於區畫右布政使
薛天華守介志端文學燦然出衆心平政
練器度綽手有容論事唯諤不輕自從容
而得體蓄德沉潛不露宜浮湛以趨時雅

卷八

三六

有才華尤墩義氣按察司惠州道按察使
張子弘剛毅自持率直應務當艱危之地
出荆入棘而不憚驅馳運老練之才竭力
殫思而每臻茂績往年山賊撲滅調度多
方近日海寇成擒皆襄得策海北道僉事
張士純忠信無欺之心堅貞不拔之操孤
城海畔時懍懍嚴保障之圖群盜境中獨
鯢鯢屢戰守之策謀謨既練寔勞苦而功
多士庶孔懷本安攘之有賴廣州道僉事

周舜岳賦性剛果每奮發而有為銳意功名運精神於不匱任勞設備纖細莫不盡心守經行權張弛各中其節合俗宜民之政剴繁治劇之才嶺西道僉事汪汝達素謹畏以真誠更周詳而穩妥言無妄發當理法而行必相符事不避難處糾紛而中有定見議征剿百凡縝密虜若在其目中憤時艱日切煩勞情不願乎身外廣西布政司左布政使周倣夙稟傳大誠懇閱歷

卷六

七

久而持之彌堅益以寅畏謙恭操存熟而出之無滯當匱乏之際會計當而濟寡以均值軍旅之煩防輯嚴而禦侮有要憂勞致瘁精力不減於始萊嗣續櫻情恬澹息心於非望右布政使郭應聘淳良醞藉之資清白真方之操中規中矩人情物理莫不相安不援不陵僚屬士民各得其所東道行政之善遺愛弗諼西司用法之平畫一可守右叅政余敬中特身謙約卓行之

顯若自不可踰敷政和平風裁之凜然人莫敢犯革收放之弊侵漁於典守者立發巨奸安反側之軍結聚而呼號者潛消隱禍節堅冰蘗才裕經綸右叅政曹天佑聞然示人以璞內蘊清通秀朗之才澹然於物無求實秉凝定簡易之節脩文兼飭武既銳志於枚筭嘉善矜不能尤注意於屬吏左叅議張佳胤筮仕首擒劇盜夙著能名歷官煥發鴻猷久騰令績當拂抑而愈

卷六

七

勵盤根錯節別利器之咸宜履藩臬以彌先政事文章信全才之適用按察司按察使汪應植識慮精詳事體練達處已有定見得失毀譽無所動於中斷獄不深求輕重大小莫不當於理先膺分守之任均節行于轉餉之煩煩今當紀法之司明威生於公廡之手泐提學道副使吳文華受材闕靡涵養春容崇雅黜浮敷教不假聲色折衝禦侮籌邊悉中機宜楚粵風化有俾

兩地師模咸振道義芳華素重一時士論
攸歸右江道副使鄭一龍德器端凝才猷
振肅憤戍民之梟獍悉力摻羅憫構患之
豺狼隨宜解釋功多斬獲尤約縮以節才
政本嚴明更廉平以範俗以上諸臣治行
不同年資亦別要皆賢能庶謹所當薦舉
者也伏乞 勅下吏部查議如果臣言不
謬將熊汝達等酌量陞擢則賢才登進政
治彌光在位諸臣益知勸勉共勵匪懈之
節矣

舉薦賢能教職官員疏

臣惟學校之設所以教士也士習而民安
之使詩書禮樂淪浹于衣冠之儒而守分
循理漸漬於里閭之俗則風化本源功效
非淺鮮矣嶺表民夷雜居易亂難治化理
之責比于他方尤為急切臣故特舉其優
於訓迪行誼不群者列其狀上 聞庶幾
同類各相勸勉不敢以閑局冗員怠棄則

亦人倫風俗之一助也此時兩廣教職固
多可觀然皆歷任方新不敢槩舉謹查訪
得廣東廣州府番禺縣儒學教諭陳哲器
度英偉行檢清脩崇本實以作人立教革
浮靡之習察民情以行政署縣有子惠之
懷高州府吳川縣儒學教諭陳夢龍清爽
多文詳慎有禮持身素潔允宜髦士歸心
雅意不凡一洗廣文陋習肇慶府廣寧縣
儒學教諭董大恩詩書不忘舊業禮義每
切躬行時却餽儀遇貧士尤加愛念力辭
常例署縣治大慰里坊廣西柳州府賓州
儒學學正歐學程縉藉典籍蔚然藻麗之
文誦法伊周展矣經綸之具日恂恂於禮
門義路善自居卑不逐逐於市井公庭心
無願外潯州府平南縣儒學教諭鄧文學
動止從容不迫守身似裕於養心文詞雅
鬯成章成已可推之成物生徒翕然悅服
風化庶乎流行以上各官出身雖有舉人

歲貢之異皆才堪效用所當薦揚以備任使者也伏乞 勅下吏部再加查訪如果臣言不謬將各官量材擢用庶政務得人治化益盛矣

舉劾有司官員疏

臣待罪兩廣已踰一年旦夕孜孜講求弭盜安民之策申飭保甲團練戰守有司非不舉行而實效未臻山海之盜間發於東或逞於西歲無寧日豈民習誠異好危亂

奏

聖

而惡安定如此亦化導馴擾未能盡其道則有司之責所宜甄別以示勸懲也臣謹察於民間考證得失稽其政行參酌群情擇播惡不容姑待者先行拿問及將廣東應調應黜各官會本題 請又除任淺禮待不敢槩舉外訪得廣東肇慶府知府某才猷豁達器宇恢弘崇儉朴以先民恫瘝注念勵勤勞而集事兵食關心馭吏有翼有嚴闔屬知畏讞獄原情執法兩造稱平

詔操持一介不私論治行六事咸舉韶州府知府某志趨端潔政治清明均賦役以節愛困窮平民有要明鄉約以轉移風俗古道復興講學脩文懋著循良之績除盜禦侮不乏通變之才南雄府知府某重厚長民之體精明應事之才潔已倡率吏民剔刷而貪污屏迹興利以招徠流徙期月而遠邇歸心廣州府同知某性資凝定才識優長佐會郡而行每安詳署煩邑而政

奏

聖

先長厚軍政不擾海防究心庶靖出塵寬仁遠怨潮州府同知某行本疏通性生懇恪管稅厚利不取足徵介石之貞署邑積弊頓除賸有茸崇之愛屬吏之鑒別清濁不淆兩造之質成情偽無隱番禺縣知縣某器宇溫醇以英發之才而出之以和平之氣政行卓越有老成之見而本之以鄭愛之心不用智以自私習吏事而微情隱弊曉暢無遺不違道以千譽體庶民而與

聚勿施循良日懋高要縣知縣其年齡方
茂志向素端明敏足以革奸才華優于集
事裁冗役以抵軍餉之缺省供應以恤窮
閭之私行鄉約而澆俗有裨治戰艦而時
艱克濟新會縣知縣其明爽之性練達之
才曾有甲兵政多牧愛計剿劇寇深謀以
收全勝之勲發覺奸欺懲吏以泄多人之
憤導利除害約已阜民廣西梧州府知府
其操守堅定識見老成遇盤錯有解焚之

卷八

四三

才每執法以剖斷當誦之寓省節之意尤
任怨以支分律例疏通幽隱纖微必察鑒
裁精當僚屬賢否周知衙門積弊頃除地
方保障攸賴原任鬱林州同知其器度文
雅才識精明革徭役之包當民沾實惠親
簿書之繁瑣吏憚清嚴議事切中時宜西
甌之賢聲甚懋臨民不務苛刻會城之政望
聿新梧州府推官其秉心密察蒞政精詳
查盤稽覈無遺且費用極爲樽節斷獄情

法允當使善惡悉知勸懲守已奉公革厥
弊而商民各得服勞任怨署縣篆而上下
歸心河池州知州其鎮靜得馭夷之方明
敏達導民之政繕城築堡永垂保障之功
清稅查盤咸釐積宿之蠹見不渝於素定
才允適乎時宜未福縣知縣其才情穎敏
政體整嚴邑雜揉於蠻徭防捕至忘乎寢
食路續紛於衝劇應酬常取諸俸資聽斷
公平行移不妨旁午議論切實施爲尤善

卷八

四四

調停知柔知剛不隨不激荔浦縣知縣其
智識疏通文學足以飭治操持純謹平易
自可近民賊犯孤城防禦嚴而百姓恃以
無恐師惟一旅訓練熟而群兇因以知名
漸多明作之功無忝庶能之譽平樂縣知
縣其心地正大才識精明節用愛人坊里
無虛冒之費清屯革弊狼徭戡隱占之欺
嚴禁公差應付恪守乎定議均平徭役困窮
獲免於煩苛用刑平反適中聽訟曲直不

案以上各官皆一時有司之良所當薦舉者也又訪得廣西太平府推官某鄙陋可憎貪婪已極得上舍趙顯忠銀二百兩妄斷地土致張大權等與兵讐殺大貽患於地方受土官趙彥麟銀六十兩酬答字扁令譚書手討取加添實取憎於夷族參考常例每吏四十兩致有怨言節儀折乾每屬二十兩肆無忌憚遣親男送建扇於富民朱從茂得銀八十兩猶未厭足而收監差義

卷八

四十五

官齋未襄送院陵黃德隆得銀七十兩亦嫌數少而求補嚇取委官銀送黃大受雖死猶徵專任吏胥過錢陳守智尤為用事委查盤索桂平等縣常例各取數十金而蒼頭公子皆與外人交通署府印向羅陽等處營求多者數百兩而陸華士直盡入私衙囊橐此一臣者該已先已舉究亦報所當亟為罷黜仍行問結以正法紀者也原任南寧府推官某性既庸愚行尤貪鄙

卷八

四十六

審役而奸民納賄視多寡為重輕理刑而富者行財以有無決勝負查盤橫索每處數十兩致州縣科歛於窮閭劫事嚇財動挾幾百金使蠻夷益輕於犯法拐騙部民之女蓋喪官箴縱飲土官之家不羞體面解官滯滯猶戀誅求而積累三年已不下盈萬之入已行李載途方揚揚出城郭而士卒一挾遂致損數百以脫身此一臣者貪汙已甚改調未盡其事所當禡其官秩革職為民者也廣東河源縣知縣某才本下而行復慵年未衰而志先墮逐日坐收飲食支費猶瑣細以取盈聽訟不論原被供明輒混亂而罰紙姑息寇盜置民瘼若罔聞玩愒居諸視縣事為不屑既不能脩政立事不幾於尸位素餐廣西融縣知縣某柔懦無為迂腐不振積習總昏闇之氣明不足以察奸行已在清濁之間身不足以及服衆聽訟每詢左右滿堂狐鼠攻鑽

牌票瀝給皂兵各鄉狼虎馳逐文移終年
沉閣一無完銷錢糧累月拖延百孔滲漏
况邑稱稍鉅平居已見政治不脩且境與
寇隣臨事何望緩急能濟此二臣者所宜
降調閑散以示曲成者也伏乞

勅下吏部查議如果臣言不謬將其等循資擢
用其速 賜罷黜仍行巡按御史查問歸
結其革職為民某等降調閑散庶懲勸招
彰庶官知儆其於兩省安撫之計非小補
矣

卷八

四十八

舉劾武職官員疏

臣惟嶺表本多盜之區頻年尤充斥之候
折衝禦侮尤有賴於虎臣求之今日則誠
難其人矣故不智不信則王汝澄等之憤
事宜懲徒勇徒嚴則耿宗元之被禍可憫
奮果敢之氣者之多算之沉思解戰守之
法者習退縮之故態全才安可得也必欲
藉將領以克軍旅之寄即舍短取長作興

鼓舞龍無寓懲勸於激揚之典乎臣謹以
得于聞見者陳之除廣東總兵郭成通連
奮迅嘗乘機夾擊大挫馬耳之鋒又會剿
倭夷近有平山之捷廣西總兵官俞大猷
持重老成方徵兵飭具堅主閩船之議誓
必殲群醜以收掃蕩之功皆素著懋績於
疆場而希冀救寧於旦夕與廣西都司錢
鳳翔精爽敏捷廣東都司黃應甲方試事
功遊擊馬良雁已經陞任俱不敢舉舉外

卷八

四十八

訪得廣西分守柳慶右參將王世科貌重
厚而有威才通朗而不露較武冠其流輩
素習韜鈴論文不減儒紳夙膺魁選操持
定計閱歷之久察右江駐劄之地已孚洽
於軍民智慮增于憂患之餘當省城盜賊
之窺審機宜于防禦此一臣者可備東南
總帥之選者也廣西都司署都指揮俞事
揚弘舉氣銳而心純行動而事練語山徭
海寇則揮戈躍馬之意奮迅如飛至對壘

臨戎則量敵慮勝之機沉毅不露餘威著於江道督剿方懋膺功坐營都指揮僉事李懋元謹實不欺臨事每從容而中節嚴毅有勇馭軍按紀律而不苛儉約破世冑之風可與士卒同其甘苦老練達機權之用時於料敵見其通明梧州遊擊署都指揮僉事丁山魁偉負英邁之氣質直孚士卒之心感時事之多艱每欲效勞於汗馬值右江之出劫大收擒獲於山徭此三臣者可備參戎副將之選者也廣東南韶等處指揮僉事王克振勇氣奪人振罷虎之雄能當一面才名出眾精騎射之藝可剋三軍守戍南韶已見威行於禦寇提兵西剿益徵志銳於策勲廣州前衛指揮僉事王漢誠實孚軍旅之心勤銳勵果敢之勇領哨必先期赴鎮遇糧賞分給尤均衛禦每率眾當衝雖險難在所不避廣西南丹衛指揮僉事康仁年力精壯膽氣驍雄識

暢兵機益練于閱歷之熟勇嘗敵愾且能體士卒之情久控山林盜區數資捍禦計招土酋就款一鼓成功曾藏應變之甲兵志勵許身之慷慨此三臣者可充參遊守備之選者也又訪得廣東瓊州白沙寨把總指揮同知陶某本以駑鈍之才復肆貪殘之欲以營兵為奇貨巧立名色而科取幾二百兩視軍法若常刑痛加箠楚而逃亡殆三百人緣事而行非公委也四十餘兩夫馬之橫歛不念士卒難堪被提聽問本罪犯也百七十金軍餉之盜支明知律例故犯創收船稅致窮民之貿易不通科喂馬錢累眾兵之稱貸何忍縱家兵生事羅織每假酷以濟貪棄信地戀住郡城實趨利而避害海防一無裨益賄賂百計營求廣西五屯千戶所指揮同知李某狡偽存心貪活成性隱逃亡之役冒領名糧賣空閑之差私通賄賂素有聚賭之行尤為

倫理難容每就噬虎之兇不顧軍民切齒
占役軍伴甚衆若固有之侵剋也糧累年
何可長也姦娶倡妓狂蕩渾若喪心歐打
公差克悍極其玩法此二臣者所當亟行
革職仍提究歸結以正其罪者也廣西守
備古田都指揮僉事魯某儀貌可觀謀猷
無濟條陳縷縷徒飾紙上虛文應對便便
皆非師中實務議鵬白竹古底惡種似手
義舉何乃預泄兵機移禍淺村古鉢良

卷八

五十一

頗有傷殘幾至激成他變尙賊橫截手以
許損湖廣之班軍部曲縱弛於隄防致理
定之阻塞且販鹽下同乎商賈又占軍供
役於私家猶遺左江穢聲覆車不戒夫前
轍日聞古田僨事老馬奚取於識途廣東
守備德慶署都指揮僉事馮某積木似無
過舉情弱亦乏勇功惟畏賊之心甚於畏
法故保身之意切於保民剽掠縱橫目擊
耳聞而不能救護兵夫偷惰積歲累月而

無法稽查屢鞭策而不前益頹損而無耻
此二臣者俱應革任閑住以重要地者也
伏乞

勅下兵部再加查訪如果臣言不謬將王世科
等量資擢用陶某等提問魯某等革任員
缺另行推補庶將領知所懲勸而武功有
所倚賴矣

卷八

五十一

臺省疏稿卷之八終

臺省疏稿後序

今天下名公德業文章景仰元洲張
公久矣曩者公治天雄時道明以諸
生叨趨牆仞辱荷

鈞陶公所賜教一話一言義文周孔
之精微也有若時義之刻諸生習以
為範教行化洽民心戴之建祠立碑

臺省疏稿

八後序

二

於今猶耿耿也公繼遷藩臬鎮關陝
委蛇棘寺經理漕河節鉞是承教寧
廣省總紀綱于留院平水土于司空

簡在

帝心天卿特授其間疆理之策勘綏之
畧見諸矢謨風議為大者之奏

聞關

國計民休甚備海內縉紳士夫爭相誦

讀比道明承乏廬陽廬陽公舊治郡

也祠宇留思豐碑紀績其視天雄宛

然一轍道明所師法而從政者炳炳

如也公門生太學王生教持公疏進

謁道明愛而傳焉因謀壽梓遂俾王

生詳加訂校刻既成竊綴一言於末

臺省疏稿

後序

二

惟公之疏忠誠閎渾典要洞達慮之

遠說之詳其歸必至于安

社稷奠生民而後已夫太上立德其次

立功其次立言為此說者其知道乎

蓋湯穆渾噩之區惟德可見故立德

也敦厚而博大熙浸而昌明治定而

功成焉故立功也既而矢謨宣論都

俞吁咈吐衷章志如訓與誥以鑑萬
世故立言也公也備聖賢英邁之資
道醇德粹恭事

三朝膺將相之任馴躋

台輔丞弼之尊即其訂籌特

賜允納宣布中外而敷施之言以懋功
而功以彰德者緣是以適于太上立

德之化矣猗與盛哉道明于是知公

今日明良相遇之殷也世有堯舜之

君而後有禹臯稷契之臣有殷湯周

武之辟而後有伊傅周召之佐嘗是

時治化如春之入乎草木而群工之

效其職也亦如草木罔不自神其生

色耳是故昌言陳焉嘉謨告焉裒然

唐虞之治三代之英也今

天子游神三五駕軼成周而上公則夙

攄淵慮發精含光百有餘疏徹相孚

合謂非今日之昌言嘉謨也哉嗣茲

以往乃銘諸鼎爨黼黻于

皇猷以昭示無極與典謨大訓相為流

傳則太史氏職也敬書以俟

明

萬曆紀元歲冬十月上吉

賜同進士出身直隸廬州府知府前河

南道監察御史元城門生吳道明頓

首拜書

臺省疏稿後序

天官冢宰張公疏稿梓成謹捧讀拜
而言曰公其旦奭之心乎傳曰有庇
民之大德有事君之小心語臣道者
此為極矣公為浙之明雋自入仕版
峻秩崇階敷華炳赫聞之薄海頌之
荒陬仰之縉紳倚之朝著是其履福
清遐克增全盛公乃日夕兢業殫竭
忠蓋期上不負

天子下足慰蒼生凡所經歷必著事功
一有得失善惡關於政理者無不悉
心敷奏諒公在位無一日不注念元
元曾不櫻情順逆以搖厥志觀其志
悚言切酌議周詳未有不脗合

上意相助成功其視古之疏有三難者
何有一哉故知庇民事君於傳蓋有
徵矣世之談疏稿者必首陸宣公然
宣公所遇中主惜乎莫究其施我公
德位躋膺先賢隆遇

三朝比皆

聖哲較宣公更濟其美矣邇乃職司邦

治統御群僚大授鈞衡專茲銓鏡凡
有裨於

國體者猶得定為章程以示天下後世
其勛勞大業又有出於諸議之所不
及者也私昔謬縣山陽出公門下得
叨監察之選後以城事坐移廬州理
刑適道長豫齋吳君守廬公昔守大

名豫齋又為公治且出其門誼之尤
厚者暇日積公疏稿若干篇壽梓俾
松校之其有錄之差訛字之簡脫皆
歸於正因不揣荒謬僭序冊末以識
公之洪烈云

萬曆元年冬十月上浣之吉

賜同進士出身承德郎工部營繕清吏

司主事門人楊松頓首拜撰

後跋

臺省疏稿凡若干卷累累萬言我
鄉達尊元翁張公所上公匪直一鄉
之望天下之望也特化自童丕登弱冠
稔聞諸先達推服公云甫入仕籍承
乏合肥為公舊屬邑善政具在種種
可師雖守令廣狹殊施為民之心一
也公去廬幾三十年附郭編氓孰非
公所遺乎肖像有祠去思有碑民之
德公遠矣公亦無忘斯民進時化語以
惇本尚實之政奉行惟謹今府臺元
城吳公刻疏議于公署中命時化監視
諸工公餘盥手捧讀如疏賀謝疏辭
請既建置大都宣

上德達下情敷陳方略磊磊軒天地而
忠愛之心溢於言表即古謨訓何加
焉夫施於郡治為一方師帥政之大
端也未也撫關陝漕河淮齊兩廣諸
所措注見後先疏中議益詳則所施
及益遠然猶未也忠臣事君看于疏
焉發之而不專於疏者惟

公正色立

朝不動聲氣措天下於泰山之安豈功
盛烈銘彝鼎而被弦歌音所謂邦家
之无非閭里之榮也信哉敬書于末
簡

萬曆紀元孟冬之吉浙姚後學胡時化

頓首謹跋

臺省疏稿後序

疏稿曷錄乎錄其告

君之辭也而有相之道存焉其可忽歟
夫古之告君者多矣都俞吁咈之旨
典謨命誥之文載諸尚書則謂之經
謀猷之關於

國家章疏之益于政治載諸往乘則謂
之史經常道也萬世之軌範也不可
尚已振孫嘗披諸史而臆議之告君
之辭貴正也而陽規陰諷如曼倩者
其辭譎貴切也而炫侈導淫如相如
者其辭靡貴通也而泥古飾非如荆
舒者其辭固貴婉也而危言抗論如
東都者其辭激正而不譎其出師佛

骨之表乎切而不靡其天人治安之
策乎通而不固其敬與君實之敷陳
乎婉而不激其伊川紫陽之奏對乎
振孫自惟淺謏竊欲一訂膚見於有
道者而未能也邇者承乏襄陽便道
鄉郡適

大邦伯豫齋吳公輯我

大司空元洲張公疏稿八卷壽諸梓
氏謂振孫舊出治下亦稔其殘膏賸
馥者於公之集似不可以無言振孫
受命唯謹復不敢以不敏辭乃啓函
盥讀究極終始而再拜誦言曰懿哉
公之告

若乎即其疏賀謝疏陳乞疏悉愚悃也

夫所謂正而不譎焉者於公見之即
其處邊防處運務處

宗藩海寇也夫所謂切而不靡焉者於
公見之即其議財用議城守議地方
事宜也夫所謂通而不固焉者於公
見之即其請謝人言請明職掌請豁
王親公舉劾也夫所謂婉而不激焉者

於公見之抑豈惟無諸賢之長哉而
謀國之忠制事之義子民之仁應變
之智炳然著於言表如日星之麗天
也如江河之行地也如布帛菽粟之
益人也是故可以翼經可以禪史可
以立德立功立言而措之天下裕如
也垂之後世錙如也故曰有相之道

存焉而可忽歟雖然文辭見公一斑
 云爾昔公之守廬陽也有忠肅孝肅
 之節行其補大名也有元城萊公之
 風裁二郡之民碑以頌德祠以繫思
 固矣而矧夫蒞藩臬理棘寺撫關陝
 漕江淮總兩廣都留院晉工書而踐
 台鼎其勲名道德之樹立顧不為我
 明名臣之偉傑也乎語曰有德者必有
 言殆公之謂乎振孫不佞僭贊一辭
 於末簡而且以質膚見於公公其無
 以珉石冠玉致哂乎哉

萬曆元年歲在癸酉秋九月初吉

賜進士出身中順大夫知湖廣襄陽府
 事前刑部郎中舊治下晚學生萬振

孫頓首拜書

臺省疏稿後序

廬陽江北首郡也距南都未遠稱重
地焉守郡者率多循良稱仁和張公
尤稱最方公守郡時年稚無識長遊
士大夫間見諸父老齒及公政輒煦
煦然有餘思以故生祀公久之類又
爭捐貲煥偉之故每聞公擢則大喜
已憲職淮漕益喜無何朝議推公威
望界公撫陝及廣陝廣諸觀眺者罔
不揉首吐舌凜凜歎服也頃
聖天子咨百官疇若予工僉舉公惟
聖天子俞之命作司空公遂掌司空事
居南都乃廬民則奔騰傳說無異在
淮狀年叩之則云公愛廬民深云年

聞輒勃勃快瞻仰而郡守元城吳公
又為道公德更縷縷詳焉乃出公疏
稿付梓人無示年讀之年一讀即嘆
讀畢又嘆嘆者非疆之也誠難之矣
故年讀公疏稿具五義焉爵崇階即
縱祿倍百即侈故秩高當路者雲集
而懷赤感遇間亦覩之若公之賀謝
疏則君陳揚后德也關中扼塞當虜
衝苦兵疲餉誣廣尤多瘡癘盜竊發
更蔓延公上兵食疏而條畫咸中機
宜則克國上方略也北夷剽掠桀驁
窺伺虛實海倭颶來電去焚劫過慘
而公屢有斬捷疏則山甫襄獫狁也
邇來蒞官者虛撫禁約善事上官巧

獵名譽而智情幽明者顛倒名實善
或以一青議惡或以小節褒著公之
舉劾疏則孔明公賞罰也脩清蹈高
史冊所躋至身係安危雖辭職如釋
讓能如捨朝綱孰賴故公隻上乞休
疏而

溫綸頻留則李泌思衡山也五義備爰

是歷宦三十載駿豎鴻謨赫赫耀寰
寓乃吳公復為道所以受知於公者
稱奇觀故吳公一政一令廬氓便之
若公守廬時則明徹冰壺甘棠之詠
遠美年寡聞媿不文何足以揚公臣
言公則津津靡倦絲仰企內臆浪兼
葵素好固論見與不然見公疏稿如

見公也且公撫淮時年領丁卯薦公
下禮幣特敢而父老每口往勸則丰
采聞望又於人心去思處覲之矣年
亦公所知哉公泓蓄淵養不既奏議
中而使閱疏稿者知式則吳公用心
遠矣噫天壽平格君奭隆姬朝休蘇
也張公平格係

累朝重望無讓奭者即不梓議猶爾矧
梓爾爾哉時

萬曆改元秋九月之吉

舊治下晚學生黃道年頓首拜謨

後跋

唐陸忠宣奏議蘇東坡進神宗以為
可為治道之助而吾鄉先達孝爾公
題疏至今刊布凜然可為事君者法
程也今

元宰張翁奏議若干卷其忠君體國之
心安內攘外之績以至薦引彈射誠

駕軼乎二臣而利賴

國家者太守吳公於

公為門人既梓以傳世迺始獲捧帙
而一肅讀焉於乎二生幸甚矣二生
幸甚矣愚生也晚每從肥寧橋瞻謁
台像裴徊而言曰公之德政茲其一
乎而恨親炙無繇也今吳叢集出矣

臺省疏稿 後跋

奏疏復出矣則公之勲業文章爛然
烈然譬之江河群飲人人既其量能
心公猶日面公也吳必躬樞侍而日
聆訓誨為我刳翼亮熙運都俞若唐
虞唐宋惡足論也宏謨鉅訓嗣當拭
目以觀陸包二公之所未究者公其
大發于

明時乎謹跋

明

萬曆紀元孟冬之吉舊治下廬州府
合肥縣舉人晚學生羅雲 王商 頓首
拜謹跋

一八五

冲庵顧先生撫遼奏議

〔明〕顧養謙撰

據上海圖書館藏明萬曆
刻本影印原書版框高二
一 二 毫米寬二九四毫米

大司馬冲菴顧公撫遼疏議叙
御史中丞通州顧公益卿之為戶部郎即以才選而僉福建臬計平邵武黨斗亂民尋遷廣東之叅議以至臬副從征山寇有功而中忌者歸久之乃補僉滇中臬解順寧大候二州土酋之構詔還公叅議於浙江兩年復還公臬副而飭霸州兵事會浙有驕卒之變屬撫臣銅梁張司馬密捕誅之司馬恐不任於是奏留公浙江以自翼凡十日而驕卒之首惡悉授首詔加公三品俸以原官飭薊州兵事霸薊俱

天子之東南北門而公皆以才選公至時方有稻田使者公與之合筴興水利募農耕奉行之臣凡十餘道而獨公所治已見利數倍會遼左之撫臣缺詔推賢能知邊務者公遂超為右僉都御史以往公上疏力辭謂往歲於藩臬前後薄有成效皆因人成事身所建畫又多不待竟而遷浙中之役甚愧同事者或以小嫌見累而已獨得超拜甚不安誠願以故秩為縣官捍薊邊且得究稻田之利優詔不許而以稻田事責代公者公既至屬虜大入與征虜前將軍太保寧遠伯

李公合筴討之公任謀李公任勇
大破創其衆斬首虜以千計鹵駝
馬牛羊萬餘公叙所以勝狀宛曲
如畫而力推功於寧遠請毋賞及
臣賞及臣不足以勸戰士

天子為之首錄寧遠而公與總督王
公俱遷公自僉而副賞亦差次之

撫遠疏議叙

三

襄敏

當公之在遼遠困大水千里為甌
脫公請開海禁議蠲卹得報可公
益與總督王公大帥李公條遼事
之所以難大勢有四謂邊長虜衆
兵寡餉薄畫圖貼說而上之其所
思以濟拯之筴甚詳

天子得公疏下大司馬大司農議之

亡不朝上夕許公自是益發紆諸
所建白與注措略相當自公之在
遼士飽馬騰遼遂以重冠九邊議
者知以戰功推寧遠不知所以作
寧遠之氣而礪其爪牙者固公力
也吾觀近世之善言邊事者於西
北推楊文襄公應寧於東北推翁

撫遠疏議叙

四

襄敏

襄敏公仁夫於南推王文成公伯
安文襄詳而不甚文襄敏文而不
甚暢文成兼暢與文矣而不甚覈
乃具體集成則惟公哉公與予交
頗晚而最為相知癸未之冬余與
今相國太原公俱杜門却掃有志
游方之外公謂余毋事筆研謂太

原公母應世今太原公已拜相樹
平章之績而余亦謬誤一出不唯
不能從公教而卻筆研之累且為
公犯綺語戒矣公自薊以前所興
立不能自達之於上而徃徃託之
移牘丁亥而後其因驛上封事者
又不知其幾余所叙僅公一斑耳

撫遼疏議敘


五

公於出世經世二端似能合之余
且與太原公託自解焉當不以我
為綺語也

萬曆丁亥三月上巳

賜進士出身資善大夫南京刑部尚
書前都察院右副都御史奉
勅提督軍務撫治鄖陽等處地方年

家弟王世貞頓首拜撰



撫遼疏議敘

六

冲菴顧先生撫遼奏議目錄

一卷

辭陞遼東巡撫疏

遼東巡撫到任謝 恩疏

巡撫交代疏

虜賊入犯官軍獲捷乞賜勘議功罪疏

集議陳惻以裨戎政疏

二卷

議改文武官員職銜疏

謝 欽賞疏

夷酋來降立功乞賜餉安插疏

謝 欽賞疏

保留給由州官疏

三卷

擒斬大虜收獲奇捷疏

甄別練兵官員疏

查叅不職都司疏

謝加陞副都御史并 欽賞疏

保留給由府佐疏

四卷

查勘清丈田地復 命疏

官軍拒敵出境併諭市夷送還人畜疏

遼東缺都司疏

率官軍謝 欽賞疏

州官患病乞容致仕疏

憲臣患病不能供職疏

寧遠缺備禦疏

五卷

議處遼鎮兵餉疏附圖說

六卷

全鎮圖說

七卷

率官軍謝加餉疏

虜賊屢次大犯官軍出奇獲功疏

申明加餉未盡事宜疏

廣寧備禦官員患病疏

遼陽缺副總兵疏

保留給由方面官員疏

八卷

調停蠲賑事宜疏

地方災傷懇賜蠲恤疏

自陳不職乞賜罷斥以嚴考察疏

九卷

奉諭查勘災傷地方疏

甄別練兵官員疏

辭加俸併誥命

欽賞疏

謝加俸併誥命

欽賞疏

十卷

分別功罪官員以昭勸懲疏

謝欽賞疏

顧爾恭議

目錄

三

四方災報踵至懇恩破格蠲賑疏

鎮靜堡缺守備疏

蓋州等衛地震疏

謝欽賞疏

瀋陽缺備禦疏

十一卷

屬夷蓄謀報怨懇賜勘處疏

十二卷

廣開墾以修實政疏

開原缺備禦疏

請發軍餉以救饑困疏

遼鎮後遭災傷酌議徵納疏

十三卷

馭夷失策懇乞併罪以謝邊臣疏

虜賊入犯官軍襲擊獲功疏

懇賜罷斥以謝人言疏

開拓邊疆以便防守併叙効勞官員疏

十四卷

改協守分信地以便責成疏

勦處逆首錄有功死事人員疏

顧爾恭議

目錄

四

十五卷

甄別練兵官員疏

寬恤軍民災困疏

謝加俸併欽賞疏

蓋州等衛地震疏

保留給由賢能方面官員疏

廣開墾以修實政疏

十六卷

議處諸酋善後事宜疏

十七卷

甄別練兵官員疏

類報邊情疏

缺乏錢糧懇飭臣工協心體國以足經用疏

蓋州等衛災異疏

十八卷

查發侵餉大奸請 旨處分疏

議處患病將官疏

遵例給由自陳不職疏

十九卷

屬夷擒斬逆首獻送被虜人口乞賜職銜疏

顧司馬奏議

目錄

五

瀋陽缺遊擊疏

請加副將李興府銜疏

衝邊危困請發原額行糧疏

二十卷

改發軍犯以實衝邊疏

薦舉兵備官員疏

薦舉有司官員疏

薦舉教職官員疏

薦舉武舉官員疏

舉劾武職官員疏

查舉閑將疏

舉劾武職官員疏

顧司馬奏議

目錄

六

冲庵顧先生撫遼奏議卷之一

通州 孟卿顧養謙著

疏

辭陞遼東巡撫

奏為懇辭重任以安愚分以圖報效事臣於本月二十三日接得印報該吏部題為缺官事等因奉

聖旨顧養謙陞都察院右僉都御史巡撫遼東地方兼贊理軍務寫勅與他欽此臣聞

命自天措躬無地謹閱邸報吏部題遼東巡撫李

顧司馬奏議

卷之一

二百七

丁憂員缺奉

聖旨該鎮屢有屬驚這員缺著便推賢能知邊務的去欽此是

皇上念遼為左輔重鎮數中虜患欲求賢能知邊務者而任之也臣素多罪狀曾遭指摘既非賢能調官薊鎮甫及年餘尚昧邊務

皇上之所求在彼而在

廷之臣誤採虛聲而謬以臣應也臣是以益徬徨却顧而莫知所措也臣由嘉靖四十四年進士初任戶部主事陞員外郎中陞福建按察司

僉事曾計處邵武黨斗之亂民矣第擒其首惡

而善後之事未竟即陞廣東布政司叅議陞

副使曾征嶺東山寇與事行間矣第墟其地而

善後之事未竟即以福建僉事論列考察不及

而聽調歸歸則閉門悔罪不敢謁調者凡四年

而後調補雲南按察司僉事曾解順寧府土官

猛寅大候州土舍奉赦相構之難矣而未竟其

事即陞浙江布政司叅議分守溫處間賴地方

安靜而臣亦碌碌無所自表見幾兩年而陞霸

州兵備副使矣以浙江撫按疏留而未任改浙

顧司馬奏議

卷之一

二

二百五

江按察司副使治杭嚴抵任不十日而遇處分

叛卒之事當是時督撫重臣主之按浙兩御史

力贊成之而今貴州巡撫舒應龍為左布政使

今陝西巡撫李汶為右布政使今順天府府尹

徐元太為按察使同心決策期在必行今被論

聽調副使徐汝陽與副總兵徐景星調停籌畫

已一年所臣不過以該道員缺倉卒赴任而適

逢其會耳乃撫按具

題藩臬長皆謙讓不居其功而以臣有治兵之責

得與徐汝陽同敘並蒙

聖恩陞俸一級臣已有愧於汝陽及吏部奉

旨更調邊方兵備官臣又以鄉者虛聲而得與山東

副使李材同調遼薊人居其實已居其名已非

當矣今汝陽顧論調而臣獨儼然開府也於心

能自安乎夫臣之得稱於士大夫間也徒以處

叛卒故而不知其事實因人又因浙事而摻及

臣閩廣滇南之蹟也而不知其事皆不竟是臣

往往提空名以徼

陛下浩蕩之恩而實未嘗一任事以效涓埃之報也

今者備兵薊鎮正圖悉心於撫剿修守之間且

顧司馬奏議

卷之七

三

三十三

將遵

明旨開水田以求邊塞無窮之利而仰答

皇恩於萬一顧事方有端倪而又忽奉

今命豈不更出望外而益重臣之懼哉是臣方欲任

事而又將舍之去也頃者言官謂

陛下任事之臣少臣以為任事之臣少者則陞遷太

速之故也况

陛下軫念民隱洞悉邊情欲久任巡撫之臣矣而邊

方兵備之官顧可使有速化如臣者哉且臣聞

望素輕上之難並列於督撫鎮巡而下無以服

司道之心威名未著內之難彈壓乎文武將士

而外無以寒醜虜之膽後棄將成之緒前履不

識之途固自揣必不能稱任使如

陛下之所求也然則

陛下復何取於虛聲未任事之臣而驟用之若此也

伏望

皇上收回

成命別選賢能知邊務者以充是任而使臣得安其

位而畢其志庶用人適宜邊既有託而臣亦

未必無小補於薊矣為此具本

顧司馬奏議

卷之七

四

一百九十五

奏

聞奉

聖旨遼鎮邊務重大顧養謙以公舉簡擢不准辭談

道開墾等項事宜著督撫官責成代任官員接

續整理毋棄前功該部知道

遼東巡撫到任謝 恩

奏為恭謝

天恩事臣原任山西按察司整飭薊州兵備副使萬

曆十三年六月二十五日准吏部咨為缺官事

該本部等衙門會題奉

聖旨顧養謙陞都察院右僉都御史巡撫遼東地方

兼贊理軍務寫勅與他欽此又准本部咨為懇

辭重任以安愚分以圖報效事先該臣未准咨

文已經奏奉

聖旨遼鎮邊務重大顧養謙以公舉簡擢不准辭該

顧司馬奏議

卷之一

五

二百九十二

道開墾等項事宜著督撫官責成代任官員接

續整理毋棄前功該部知道欽此又准總督薊

遼保定等處軍務兼理糧餉太子太保兵部尚

書兼都察院左副都御史張 咨為邊道陞

任撫臣呈詳離任乞

賜酌裁

明例以便遵行事准吏部咨該巡按直隸監察御史

吳定題奉

聖旨邊方兵備官例當候代但遼東屢有虜警秋防

緊急顧養謙著便前去整理不必候代以後有

這等的該鎮督撫巡按官還與題請該部知道

欽此欽遵各備咨到臣隨於八月十二日日到

遼東地方除望

闕叩頭謝

恩外伏念臣猥以草茅賤士樗櫟下材幸際

聖明叨承

任使歷官二十一載奉職碌碌無聞雖曾屢效微勞

往往未終厥績謬叨

今命踴躍不安上疏懇辭出自肝膈未蒙

皇上俞允更荷

顧司馬奏議

卷之一

六一

二百九十三

溫旨優容念遼左正急秋防志邊官尚當候代待罪

方切奉

旨愈溫既感

鴻恩益慙查負星馳受事夜起籌邊滿目荒涼觀瘡

疾之未起悉心籌度覺休養之為先外據內安

豈無長便之策巨謀纖計容摠一得之愚臣敢

不益矢初心竭盡狗馬之微力永堅素履報酬

履載之洪慈制禦強胡紆

九重之宵旰肝拊楮赤子莫千里之封疆臣無任感

恩圖報激切屏營之至為此具本奏 聞

山門臺出境十七日寅時至地名古路半那林
離牆三百五十餘里在彼掩伏選差真夷丁夜
前去賊巢哨探比有存營精兵達賊千餘披甲
上馬即來迎敵李平胡等申嚴號令督率官丁
各用槍刀弓矢一擁突起衝斫射打賊不能支
四散跑走就陣斬獲首級一百八顆內降夷卜
花等認出哈塔大斬賊首卜兒忒革把免虎刺
赤斬賊首卜言兀捨正并救回被虜漢婦一口
達馬斫傷數多路遠不及拏趕得獲盛五十項
甲六十一副臂手二十八副夷器等件陣亡降
夷一名阿寨被傷家丁九名射死官馬八十八
匹官兵於十八日巳時從大清堡蒲安臺進境
等因又據分守邊備右叅議傅霖開原兵備右
叅政王絨各呈稱本月十二日據報達賊約有
六萬餘騎從瀋陽上榆林十方寺二堡進入奔
至懿路地方搶掠又至汎河與設伏叅將查大
受兵馬對敵殺死中軍官一員張良棟并家丁
二十名被傷軍丁三十九名射死官馬一十五
匹又奔至鐵嶺地方殺死設伏把總一員張治
并執旗頭目二名家丁一十三名射死官馬一

領馬奏議

卷之一

九

三百六五

十五匹被傷家丁二名經掠屯堡三十五處射
斫死收斂委官二員曾尚忠王受恩并夜不收
一名種田軍一名又殺死看田男子共四十七
名僧人一名虜去看田男子壹百四名馬牛駝
一百五匹隻頭燒燬汎河教場廳房八間桅杆
一根各處房屋共三百九十二間穀梁五十九
堆蒿頭一垛柴草七十七堆寇馱雜糧一百五
十八窖十四日申時分賊見汎河城有設防叅
將查大受千總陸尚學等官軍奮勇血戰捨死
固守比有開原叅將宿振武鐵嶺中軍彭國珍
并設防遊擊胡尚忠等帶領官軍馳至新興鋪
遼海等屯遇賊攻打壯面副總兵楊燮設防遊
擊塗廣鄭應時帶領官軍馳至盧野鋪攻打南
面賊見我兵南北夾攻二日團結大營未開從
汎河城該管宋家泊堡蔣官兒湖水口出境去
訖開原叅將宿振武於十二日未時聞報統領
中軍王汝徵等兵馬於本日夜四更時分馳至
汎河與設防叅將查大受合營十三日賊往壯
行隨賊跟至遼海屯有精兵二千餘騎迎敵射
打數陣傷賊數多酉時分賊回敵家屯下營十

領馬奏議

卷之一

十

三百六十九

四日卯時前賊約有五千餘騎復來新興舖與宿振武兵馬連衝數陣至午時歸入老營宿振武官兵在陣被賊射死官馬二疋又有蒲河設防官兵鄭應時追至懿路地方韓家小屯撞遇哨馬達賊對敵斬首一顆得獲馬一匹射死官馬三匹鐵嶺設防遊擊胡尚忠統兵馳至遼海屯馬兒山迎遇哨馬精兵連賊一枝衝敵斬首一顆得獲達馬四匹夷器俱全被傷家丁三名射死官馬五匹射傷官馬八匹汎河防禦選鋒參將查大受下中軍李景華帶領兵馬追至懿

顧司馬奏議

卷之二

十一

三百六十九

路城壯濫橋臺迎遇哨馬精兵對敵斬獲首級二顆得獲達馬四匹前鋒千總陸尚學下家丁李祥斬首一顆得獲達馬一匹夷器俱全等因到臣據此查本年閏九月初二日據遼陽副總兵楊燮報稱分守傳參議因傳報虜賊犯搶計議本職兵家之勝貴於未戰此賊既已結聚勢在必犯不如先伐彼謀以奪其氣會差降夷青打哈等并家丁鄭朝隆等三十名本職親率至長勇堡邊令各夷丁騎牽馬匹諭以見賊即殺使彼疑畏知我有備於九月二十七日申時

分從瀋陽上榆林堡馬門出境哨探虜情至地名紅山迤西離牆約有一百五十餘里至二十八日酉時分突遇達賊數十騎就彼對敵斬獲首級一十五顆得獲盔甲七頂副馬一十五匹被賊射傷夷兵一名射死官馬四匹自度勢孤力寡恐賊奔趕攔路乘其夜黑改從靜遠堡進境等因在卷今據前因除虜賊入境出境并節次獲功緣由已經塘報兵部軍門訖及將被殺被傷官丁給與優恤湯藥得獲達馬夷器俱給原獲之人充賞斬獲首級行令解赴巡按衙門

顧司馬奏議

卷之二

十二

三百七十

紀驗地方有無別項失事仍行訪道查勘又恐虜賊未滿其欲必圖復犯仍嚴行各訪道寺將領加謹隄備外臣會同總督薊遼保定等處軍務兼理糧餉太子太保兵部尚書兼都察院左副都御史張佳胤鎮守總兵太保兼太子太保寧遠伯李成梁議照遼左邊長二千餘里無險可恃處處受敵三岔河中流分遼地為東西兩河自舊遼陽不可復而大虜往往結聚其間東西入犯皆便河東兵寡而弱貼防為守猶然不足寧前兵稍勁而苦其不多所賴以調遣應援

者獨廣寧營兵萬衆耳萬衆之中精銳敢戰者不盈七千狡虜或聲東擊西或東西並犯則我兵疲於奔命矣是以料敵應變為難今歲入秋以來東西諸酋糾結已非一日先虛聲欲捨寧前錦義復聲言欲犯廣寧遼潘臣等固知其變詐不常情形難定惟處處清野堅壁謹備之而已臣與總兵官李成梁嚴竹兩河日夜般運米穀收斂人畜以保腹心時遣夷兵出邊偵探以明耳目休其選鋒士馬於適中便地以利爪牙而成梁則面會臣曰虜勢必東故發查大受等領兵分防汎河等處及虜果東犯攻汎河甚急而竟賴查大受殊死戰以守成梁又與按察使任天祚決策謂虜已擁大衆入犯河東河東業有備可無大患而恐其久屯深入為害不細則宜以勁兵搗其巢穴攻其所必救以牽制之而虜欲入犯必先遠徙其巢以避我賴李平胡李寧素習虜中道路刻日計程獲捷全師以歸而東犯之虜首尾止三日竟解散而去矣發兵時成梁又下令將士入虜巢不得殺被虜吾民以報功能生得一人還者即如斬虜首一級例陞

領司馬奏議

卷之二

十三

三百七

賞而夷兵卜花果救回漢婦一口金氏臣即先借庫銀五十兩賞之以全信而為勸於後其在於東雖散屯頑民收斂未盡者遭其殺虜而城堡關廂俱得保全拒堵之功亦不可泯查得正兵營加銜副總兵李平胡參將李寧遊兵左營管遊擊事參將孫守廉選鋒參將查大受外家丁遊擊胡尚忠塗廣原任守備鄭應時督陣參將塗寬管千總事加銜備禦陸尚學管開原參將事副總兵宿振武或襲虜而深入其穴或當虜而敢犯其鋒內李平胡李寧進退之機有全師之功查大受戰鬪竭力有全城之功相應重加陞賞其孫守廉等七員俱應重加賞賚坐營中軍張世爵調度勤勞傳宣明營亦應併加賞賚千把總毋承宣高良獨魯有時李繼武李尚仁金尚禮鄒天福尚大用張繼宗張世臣盧得功朱文良孟國臣督陣官旗李有名李有華李有德李有用李奇宋尚文李有榮李忠李受李遇和等二十三員名奉調遣而奮勇先登當賊鋒而艱險不懼亦應同加賞賚又如分巡兵備按察使任天祚矢志籌邊圓機應變不謂畫疆

領司馬奏議

卷之二

十四

三百八

而守各有攸司而遇應援東西同心決策出奇兵以取勝竟全師而解圍有得無失功宜首敘所當重加陞賞分守邊備右叅議傅霖慷慨負奇忠誠有識訓練新卒已自振其軍聲鼓舞降夷遂能得其死力既以偏師而收奇捷又如大虜而獲保全所當重加賞賚仍應紀錄以待後功併敘整飭開原兵備右叅政王緘經略百端焦勞萬狀知狡虜入犯有日預設分防憂頑民收斂為難身親指畫大虜壓境而猝至諸城有備而皆全所當併加賞賚戶部管糧郎中趙三

領司馬奏議

卷之一

十五

三百五

聘思遠憂深智周才達劑量中竅而五路適均給發以時而三軍宿飽亦應併加陞賞軍門標下中軍副總兵張玠臣標下中軍姚大節調度傳宣均能竭力廣寧通判支應瑞詰兵理餉有資戰守以上三員俱應同加賞賚及照遼陽副總兵楊燮瀋陽代遊擊事都司李宗召瀋陽備禦于景陽蒲河備禦趙之牧守上榆林堡王善守十方寺堡金三品均有信地之責難免疎虞之愆俱應叅究內楊燮係遙制且先能駕馭降夷已有斬獲之績繼與李宗召于景陽趙之牧

偵探不爽防堵無虞俱應免究楊燮仍應併加賞賚守堡王善金三品原無兵馬責任哨探已明俱應末原其陣亡中軍張良棟把總張治家丁李孝降夷阿寨等櫻鋒力戰奮勇捐軀內張治李孝以十八騎追虜虜所殺傷甚衆竟為大虜所逼挺身而死尤為可憐相應破格陞錄其餘與收斂委官曾尚忠王受恩俱應照例卹錄以勵死事之忠者也乃若督臣之總握機宜遠宣威令臣等大小文武將吏無不受成而後從事者應候

領司馬奏議

卷之一

十六

三百六

聖明簡錄不敢妄擬至如鎮守總兵官寧遠伯李成梁料賊所向分兵為備秋毫不爽而城堡皆賴以全不可謂非功驅單師夜馳出虜不意搗其巢而以解重圍於河東不可謂非策斬首虜以百餘級探虎穴得子而我兵無所失不可謂非奇願成梁獨側行辭讓如有不勝謂受

皇上高厚之

恩已極即捐糜不可為報又安敢以小捷稱功而倖恩澤也臣察其人忠誠退讓其性固然非有矯飾深明乎止足之義兢業於功名之間而善自處

者也深歎服之至於臣者抵任甫及兩月機務尚屬茫然役也號令三軍在鎮守分任諸路在司道竭力戰守在諸將校臣待罪鎮城毫髮無所容其力馬臣非偽讓也蓋拊膺者臣之職也休養生息者臣之心也不得已而為搗巢解圍之舉實非臣智之所及也况臣與成梁均有全遼之責失之東隅收之桑榆差足自贖何可言功夫攘人所不居之功以為已有臣不能也東有殺擄而以首功稱於西臣不忍也舊績未終

顧司馬奏議

卷之一

十七

三十一

新恩未報而求榮不知止臣不敢也况遼左獨當九邊之衝虜引弓而東向者何啻數十萬不能為策以滅而滅此百餘小醜又何足多是臣之憂方大也挾小勞而忘大計非臣之志也故在成梁則與其加

恩不已而使之懷憂危之心不若與之以能讓之名而使之得安其位在臣則與其傲非分之福而內自媿不若使臣得遂其志之為榮是二臣之希

恩寵於

皇上者愈益大也蓋遼左之勢非九邊比九邊或修守或撫賞一有勲勞皆舉萬全故當其優遼左既無險可守又不可撫而與虜為讐東西二虜與三衛之虜合而日為遼之謀零竊則月無虛旬大舉則歲凡幾入少則數萬多則數十萬故不得已而以孤軍與戰戰則有得有失自古記之矣故得之於此不能保其不失於彼得之於前不能保其不失於後其勢固然也自今以後臣於諸文武將吏既不敢沒其功亦不敢蔽其罪而於死事者尤不敢不表其忠以勵後之人

顧司馬奏議

卷之一

十八

三十二

惟願皇上之於撫鎮二臣也有功則鑒二臣之心或量加之

賞而使得安其分有罪則念遼之邊長兵寡獨當其難寬之於文法之中而使得展其後圖二臣幸甚遼左幸甚伏乞

勅下兵部將文武各官查例分別陞賞與獲功陣亡應陞應賞應卹應察人員並地方有無別項失事隱匿等情通行巡按御史逐一覈勘明實徑自具

奏施行併乞

勅下該部將李成梁與臣免敘庶犬馬微衷得以少
安臣無任激切屏營之至為此具本請

旨

領司馬奏議

卷之一

十九

五十二

集議陳惻以裨戎政

題為集衆議陳愚惻以裨戎政事據山東布按二
司分守遼海東寧道兼理遼備右叅議傅霖分
巡遼海東寧道兼理廣寧等處兵備按察使任
天祚整飭寧前兵備副使劉易從整飭開原兵
備右叅政王緘遼東苑馬寺卿曹子朝各呈將
各路副叅遊守原係都指揮使以下等官逐一
詢試考核備將各官賢否實蹟呈報到臣據此
案照萬曆十三年二月十八日准兵部咨職方
清吏司案呈照得萬曆十一年十二月內該巡
視京營科道等官傳來鵬等題陳復舊制以儲
將材一款本部覆議今後如遇考選軍政之年
各邊將領仍照原議與腹裏省直如遇五年應
考之期本部預行各該總督撫按官將所屬大
小將領從公詢試如有貪酷庸懦年老有疾等
項不拘多寡名數會同具
奏議斥如罪惡未至昭彰年力尚堪策勵者不得
苛求搜索其造冊送部俱行停免等因已經覆
奉

欽依通行欽遵去後今照萬曆十三年正值五年應

領司馬奏議

卷之一

二十一

三十四

考之期所據各邊腹省直將領例應考選相應預行知會備咨前來煩照前項題奉

欽依事理會同巡按御史欽遵查照施行等因本年八月二十六日又准兵部咨為考選軍政官員事該本部題照得萬曆十三年例該考選在京各衛所軍職官員合候

命下催行各該衙門速行采訪填註賢否揭帖通限九月中旬送部以憑考選除九邊并各省直腹裏俱照萬曆十一年本部題

准事例行令各總督撫按官擇其貪殘庸懦老疾等項具

奏議斥無容別議外惟京營將官免其考察仍應議復等因題奉

聖旨是欽此欽遵備咨前來煩照本部題奉

欽依內事理會同總督衙門及巡按御史行令總兵副總兵但係都督職銜者依限自陳其餘副參遊守原係都指揮使以下等官從公詢試一體

考核通限本年十月終旬具

奏議斥以憑覆請定奪施行等因又准總督薊遼保定等處軍務兼

理糧餉太子太保兵部尚書兼都察院左副都御史張

咨同前事准此已經備行各道寺轉行總兵副總兵但係都督職銜者各依限自陳其餘副參遊守原係都指揮使以下等官從公詢試查訪考核去後今據前因臣會同總督薊遼保定等處軍務兼理糧餉兵部左侍郎兼都察院右僉都御史王

巡按山東監察御史趙崇善議照遼左當九邊之最衝虜之窺伺歲無寧日兩河之間無邊可恃而處處受敵中間大小將領一有貪酷庸懦年老有疾等項自不能容近該年例練兵舉劾及巡按復

命閱視總督軍門回部各有論劾如遼陽副總兵秦某寬真管參將事副總兵楊某義州參將王某鐵嶺遊擊章某撫順管備禦事遊擊王某錦州守備張某右屯備禦丁某海蓋備禦王某俱經革任外其見任各官臣等從公覆加詢試考核如廣寧右屯備禦祖某關葺無為貪婪有跡士卒公庭攘臂約束何存城垣到處傾危修守奚賴侵剋糧餉則無名家丁十名冒銀二十餘兩見役軍丁五百名扣銀八十餘兩知證者曲九

敘也索騙軍民則撥軍沈宗易等五十名銀二十五兩鄉老徐計學等十餘名銀五十兩過送者于文德也語屯堡之科害則鹽場等屯郭官等堡凡一十五處共斂豆三百餘石斂鹽一百餘石鄉村之雞犬不寧語軍丁之占役則蓆匠劉朝用等弓匠胡禮等共六十餘名月交蓆一百領交弓九十張衙門之輸納如市屠子周景栢等十名日有猪肉之稅計六月已二十餘金皆于管家為之收送網戶曾胡子等二十名月有魚蝦之供計半載可百十餘兩悉李門子為

餉司馬奏議

卷之二

三十一

三十一

之催徵此一官者已盡喪其庶隅復何裨於戰守瀋陽備禦于某年已近衰志惟在得修守一無所事刑罰大抵不中影占多端坐侵市肆之利科歛有據寧惜營伍之艱以楊景春為心腹隨事過付託李樹勳而附益徧地誅求扣侵月糧高已等已多飲恨尅減馬價談秀輩更皆含冤油麵醬醋有定供各行因而私庇草豆葛米常橫索衆屯譁然公非鑽刺小人穿窬大盜長安等堡備禦郭某百務俱弛一籌莫展處衝邊第築臺以自保瞻畧可知遇零竊惟勒馬以遠

旨

觀技能何取索屬堡常例雜糧數百石高國忠為之催收科閱視文冊紙銀三十兩吳景栢為之斂送歇軍役而取遼河之魚利指父喪而扣衆軍之奠儀不惟選悞無能亦且誅求漸肆以上三員俱應斥革者也伏乞
勅下兵部再加查議將祖某等革任另選謀勇兼資者各代其事庶衝邊得人保障有賴矣為此具
本請

餉司馬奏議

卷之二

三十四

三十五

冲菴顧先生撫遼奏議卷之二

通州 益卿顧菴謙著

疏

議改文武官員職銜

題為乞

賜議改文武官員職銜以圖保障衝邊事竊惟邊疆之事任人為急而文武之臣正名為先擇材而用畫地而守優之名號假之事權與之以其所樂就責之以其所能為如是而人不効其長事不登於理者未之有也况遼左何地也今何

顧司馬奏議

卷之二

七

二十九

時也兩河之間二千餘里之內處處受敵日夜卧薪嘗膽擐甲枕戈以待猶然不給戰守之士恨不人百其身而其間文武之臣責之以當一面者尚可使有不得其當者乎臣會同總督薊遼保定等處軍務兼理糧餉兵部左侍郎兼都察院右僉都御史王 巡按山東監察御史

趙 議照

國初於遼左並設苑馬太僕二寺以重馬政其後省太僕而以苑馬兼之苑馬卿駐蓋州領遼之南四衛金復海蓋之地地方千數百里而遠視

諸道所轄為獨廣

祖宗設官之初意非不重苑馬卿也而先年以南衛之地去邊稍遠虜不常至稱腹裏視苑馬寺為閑局官苑馬卿者為劣處往雖以邊方故疏兼憲職而稱苑馬卿如故世俗習心不能變也夫以劣處者之心居腹裏閑局之地以為虜不常至也而一切因循苟且之以故兵不習於戰城堡器具不備於守所從來長遠矣今虜之所垂涎者南四衛也而無備故今遼左之最可憂者南四衛也而其急在任人任人則苑馬之銜不

顧司馬奏議

卷之二

十一

三十一

可仍襲故常而銷阻有志者之氣如曩時也頃者苑馬卿曹子朝以年勞加按察使似為得矣而按察使非常秩也誠恐子朝陞轉之後而苑馬秩如故非所以作士氣而重邊臣臣等是以不能不先為之

請耳此文臣之銜所當改者也臣等所謂擇材而用優之名號與之以其所樂就者此也又行據分巡道按察使任天祚呈稱錦義兩州邊長二百餘里計邊堡一十二處叅將一員駐義州守備一員駐錦州仍聽叅將節制每遇虜報互相馳

援勢不能及是錦州屬義州而叅將苦於調度
義州轄錦州而守備苦於拘攣名存節制事多
掣肘欲將義州叅將轄義州備禦而以義州衛
廣寧後屯衛牽馬嶺驛大清大靜大寧大平大
康大安大定七堡屬之錦州守備改為遊擊轄
右屯備禦而以廣寧左屯右屯中屯三衛大凌
河松山二所小凌河杏山十三山三驛大茂大
勝大鎮大福大興五堡屬之及查錦州見在馬
步官軍家丁一千七百七十一員名內有馬官
軍家丁一千八十八員名無馬軍士六百八十
三名不足防守仍宜添兵一千名於河東河西
寄籍流移之人陸續召集充補支食邊故軍餉
馬價於年例數內給發盔甲弓箭於歲造內支
給疆界照前分管叅將遊擊

勅書另行

請換等因到臣等查得先是督臣嘗以是為
請矣今從其議便此武臣之職所當改者也臣等所
謂畫地而守假之事權責之以其所能為者此
也伏乞

勅下吏兵二部再加查議如果臣等所言可行將遼

東苑馬寺卿改為山東布按二司官職銜管苑
馬寺事仍查才望素著資俸相應之臣以充是
任一切兵馬錢糧城堡器具戰守機宜悉聽查
議舉行及將錦州守備改為遊擊與義州叅將
如前分地而守彼此有警得相應援而不得相
統屬庶文武二臣各得因職盡分而衝邊之保
障有賴矣為此具本請

旨

領司馬奏議

卷之二

四

百廿七

謝 欽賞

奏為恭謝

天恩事萬曆十三年閏九月二十八日准兵部咨為
虜眾內附邊患稍寧乞及時大修邊政以永圖
治安事該遼東巡按御史陳登雲直隸巡關御
史蘇都等各題稱閱視過各鎮八事修舉緣由
該本部議覆題奉

聖旨該鎮修舉邊務效有勞績郭四維等各陞一級
還與任天祚等各賞銀二十兩欽此欽遵備咨
前來除遼東苑馬寺卿今陞按察使曹子朝寧

顧司馬奏議

卷之二

五

三十一

前兵備副使今陞右叅政劉易從各聞

命於本年十月二十四等日到任管事分守道右叅
政王大用今已赴部聽調開原兵備叅議靖四
方已調湖廣各賞銀二十兩自行領謝外本年
十一月二十六日據臣公差百戶宋良臣齎捧
欽賞臣并分巡兵備按察使任天祚按察使蕪苑馬
寺卿曹子朝開原兵備右叅政王緘寧前兵備
右叅政劉易從各銀二十兩到鎮臣等即日焚
香望

闕叩頭祇領外伏念臣前任山西按察司副使整飭

薊州兵備雖有修守微勞僅是邊臣常職况督
撫力主乎成議而將吏各效其片長錢穀則分
諸太倉力役則委之軍士臣等不過因人成事
譬諸順風而呼今有遼左之遷猶懷薊北之念
頃當閱視之會殊深瘵曠之憂詎意

賜重捐

內府之珍官級有加益樹遐荒之望臣等捫心增
懼揣分奚堪敢不矢竭一心相與勉修八事共
效犬馬之力少盡涓埃之私臣等無任感戴

顧司馬奏議

卷之二

六

三十九

天恩激切屏營之至為此具本奏
聞

夷酋來降立功乞賜餉安插
題為

天威遠播夷酋率眾來降屢立斬獲功次乞

賜糧餉安插以便鼓舞併叙効勞官員以昭激勸
事據分守遼海東寧道右叅議傅霖分巡遼海
東寧道按察使任天祚各呈降夷青打哈阿卜
當乞台等三起因偷頭兒以兒鄧等馬匹帶領
男婦共五十七名口馬四十一匹於萬曆十三
年八月二十六等日從平虜鎮遠丁字泊三堡
投降進入譯審明的俱發遼陽副總兵營隨操

願司馬奏議

卷之二

七

三四十六

照例給賞安插撫住又朶顏衛有名頭目速伴
即肅漢等男婦一百六十二名口馬牛一百五
十匹隻盔甲等件西虜頭兒以兒鄧營內部落
羊羔兒等男婦六十八名口馬騾六十七匹頭
俱因在夷地受氣不過又在馬市見先降夷人
有好衣服糧賞率眾歸附於本年閏九月二十
七等日從大康等堡進入願効力隨營截殺圖
報等因各到臣案照先據分巡道任天祚呈稱
譯審得降夷虎刺又漢等一十五名口俱係朶
顏泰寧二衛頭兒委正速把亥花大以兒鄧等

願司馬奏議

卷之二

八

三六十七

下部落并回鄉換刺哈赤馬存住金世臣三名
各陸續從鎮靜等堡進入內馬存住金世臣省
發寧家黃賴病故伊妻董桂配與降夷肅漢為
妻虎刺又漢襖刺哈赤等一十五名並無降夷
親識認領俱應監候解京卜落大等四名俱有
先降日又夷人打拜相識情願認領似應存留
發受降所安插撫住等因隨經移文鎮守寧遠
伯李 將今節次降夷青打哈等五十七名
口肅漢等一百六十六名羊羔兒等六十八名
查得俱係真心効順相應撫賞安插以備軍前
効用臣即會同李成梁議得諸夷既率眾來降
須令之出哨劫營立有奇功乃可深信而厚撫
之隨會行守巡二道并遼陽副總兵各加意鼓
舞降夷責令立功自効本年九月二十七日該
分守道叅議傅霖遼陽副總兵楊燮差降夷青
打哈生庫等并家丁鄭朝隆等三十名從瀋陽
上榆林堡出境哨探至紅山迎遇達賊對敵共
斬首一十五顆本年閏九月初一日該臣與總
兵官會差降夷乃六等七名從鎮邊堡出境哨
探至三塔谷撞遇達賊一名生擒進境本年十

月十九日又諛臣與總兵官會差降夷肅漢等
從大清堡出境至地名打路撞遇做賊達子肅
漢等四名各生擒達賊一名共四名慌合帖木
救回漢人一名張二漢本月三十日又會差降
夷羊羔兒等從鎮邊堡出境至地名長漢失涉
撞遇做賊達子羊羔兒等五名各斬首一顆共
五顆陣亡降夷二名伯卜哈額革士本年十一
月十六日該分守道參議傅霖遼陽副總兵楊
燮會差降夷青打哈阿卜當等家丁江達子等
共二十八名從十方寺堡出境哨探至地名蝦

額司馬奏議

卷之二

九

三六十九

兒吉太等處離牆二百餘里撞遇達賊對敵共
斬首十九顆內阿卜當斬賊首把免首級一顆
生擒夷婦二口救回被虜漢人一名王靠山本
年十二月初六日又諛臣與總兵官會差降夷
肅漢卜向化等七十七名從鎮邊堡出境哨探
至地名朱沙坡離牆三百餘里撞遇達賊五十
餘騎對敵斬獲首級一十三顆捉獲夷婦二口
得獲駱駝一隻達馬一匹射傷降夷一名襖免
以上降夷共生擒達賊五名捉獲夷婦四口斬
首五十二顆救回漢人二名俱報在卷已經臣

冲庵顧先生撫遼奏議 卷二

與巡按御史趙崇善驗明即借庫銀如例給賞
以勵其後其救回漢人二名亦各給賞銀五十
兩以為不殺被虜吾民之勸諛臣看得前項降
夷出哨每有新獲功級新舊夷人通應查備陣
前衝鋒破敵之用又經移文鎮守衙門備查內
外受降所設自何年節年投降夷人共若干曾
否月支糧賞若干精壯隨營殺賊者若干某人
領哨戰陣獲功幾次見陞何職其新舊降夷除
病故外總計見在若干驗試果有精壯堪戰者
若干委官統領團練殺賊應該請給糧賞若干

額司馬奏議

卷之二

十

三六十六

老弱幼小及婦女共若干糧賞若干一年共諛
主客銀若干應給馬若干匹諛馬價銀若干計
議明妥以憑會
題施行續准寧遠伯李成梁手本覆行據坐營中
軍張世爵呈卷查先於隆慶六年四月內該前
任巡撫張都御史
題設外受降所萬曆元年十月內又諛本院
題設裏受降所如遇建州等衛夷人投降俱發外
受降所泰寧朵顏等衛夷人投降俱發裏受降
所各安插撫住及據裏受降所委官指揮李忠

一一〇九

開稱隆慶六年七月內有降夷卜兒寨帶男花得才阿卜寨帶男哈進功并把塔亥等男婦八十二名口紗花營降夷李着大帶男戴有功并姪男我羅漢即戴有成勺登帶男吳得功并先未故討木賴阿柳谷二等共男婦四十三名口降夷往艾帶男果羅太并奴木賴我兌等男婦三十五名口降夷土魯庫即魯之東帶領卜刺哈進先未故降夷我羅柰即羅成德帶領得勒李來朵兒必等男婦五名口先未陣故回鄉吳達子即吳効先未故降夷塔刺并先未故

顧司馬奏議

卷之十一

十一

三百七十一

山口虎塔撫順所古勒寨大康堡與中十方寺堡大長山大清堡青山鎮邊堡三塔谷開原等處卜兒寨斬首一十三顆勺登斬首一十二顆救回漢人一名花得才斬賊首一顆首級七顆羅成德斬賊首一顆首級六顆戴有功戴有成各斬首七顆哈進功斬賊首一顆首級四顆李着大往艾各斬首六顆阿卜寨吳得功討木賴各斬首四顆吳効忠斬賊首一顆首級一顆把塔亥我兌果羅太卜賽各斬首三顆奴木賴斬首二顆救回漢人一名卜向化生擒達賊二名

顧司馬奏議

卷之十一

十一

三百七十一

降夷卜墩等思起族姪我羅柰先投南朝過好日子帶男乃六即卜向化并忒骨莫賴忒革柰卜列奎卜兒忒革脫卜當等男婦一百二十一名口馬牛各從大康等堡投降及查各起夷人精壯堪戰男子隨營出哨節次斬獲功級自萬曆二年正月起至十三年閏九月止在於丁字泊堡長山劈山打大東州堡王果寨曹子谷鎮邊堡舊遼陽鎮遠堡河西岸鎮安堡養善木大靜堡紅土城古路伴那林永奠堡鴨兒墮大定堡大鎮堡凌河上哨大寧堡換即免大康堡青

卜墩忒革柰各斬首二顆李羅生擒達賊一名塔刺救回漢人一名阿柳谷二魯之東朵兒必得勒李來忒骨莫賴卜兒忒革脫卜當阿寨華妹敏艾得勒李賴一十二名各斬首一顆俱各報驗在官吳効忠卜兒寨阿賽俱陣亡把塔亥阿卜寨勺登塔刺卜墩等陸續病故各夷斬首除願賞外戴有功已陞指揮僉事花得才哈進功吳得功俱陞千百戶候勒合至日亦該陞指揮僉事吳効忠已准正千戶優給又據管外受降所委官通事佟惟動開稱建州等衛夷人兀

銀住等自嘉靖四十二年以來各因在夷地過日艱難兼有携帶妻小一起或三五名口或一二名口者陸續從撫順等堡進境投降精壯男子隨營殺賊自隆慶五年十一月起至萬曆八年三月止在於清河王呆寨平虜堡養善木鴨兒墮等處兀銀住胡失哈白得你葉二苦石林保常古老义小三官兒那木寨艾失哈准塔乃哥一十二名各斬首一顆施卜赤所羅張打力方指揮各斬首二顆俱報在官願賞陣亡佟阿里太勒黑勒哈力已太三名又查前後各起降

顧司馬奏議

卷之二

十一

三百六十一

夷因其携帶妻小牛馬有據以此發所給糧安插間有隻身無據者俱擬解

京今裏受降所自隆慶六年至萬曆十三年止新舊陸續投降泰寧朵顏等衛夷人男婦除病故外見在所并遼陽副總兵營共五百五十三名口內精壯隨營殺賊男子花得才肅漢青打哈羊羔兒等一百六十九名外受降所自嘉靖四十二年起至萬曆十三年止投降建州等衛夷人男婦除節次病故外見在三百五十八名口內精壯隨營殺賊男子兀銀住等二十三名總

計裏外受降所并遼陽副總兵營見在通共九百一十一名口內驗試精壯堪戰花得才肅漢青打哈羊羔兒兀銀住等一百九十二名相應委令千總高良弼等統領團練殺賊再照各夷既用之軍前報効須有常餉方可責之輸竭死力合無將精壯隨營花得才青打哈肅漢羊羔兒兀銀住等一百九十二名每名每月應給雙糧銀五錢加添銀一錢五分行糧銀四錢五分年給賞賜布花銀九錢一年共該主兵糧賞銀一千六百七十兩四錢客兵行糧銀一千三十

顧司馬奏議

卷之二

十四

三百七十

六兩八錢次壯男懷子忒記記三塔老义等八十七名每名月給糧銀五錢年給賞賜布花銀九錢一年共該主兵糧賞銀六百兩三錢婦女并幼小男女恩只革大阿勒太阿失革等六百三十二名口每名口月給單糧銀二錢五分年給賞賜布花銀九錢一年共該主兵糧賞銀二千四百六十四兩八錢通共一年共該主兵糧賞銀四千七百三十五兩五錢客兵行糧銀一千三十六兩八錢應於主客軍餉年例銀內照數增發隨營降夷一百九十二名每名該正馬

一匹每匹用價銀二十兩買驗共該馬價銀三千八百四十兩應於太僕寺馬價銀內給發及查見操降夷既有馬匹必得料草資養計馬一百九十二匹應照家丁馬事例每匹月給料草銀六錢五分一年共該客兵行料草銀一千四百九十七兩六錢增入年例銀內併發又查得先後投降夷人數多前建裏受降所窄狹不能安插擇於鎮城西門外迤南小操廳空隙地創建聯城受降所城一座除一面附大城不議三面周圍共一百三十三丈合用磚瓦石灰木料

領司馬奏議 卷之十一 十五 五十六

於本處採造燒辦應用不計外其夫丁匠役約用一千人做工三箇月可完每名日給口糧粟米一升五合諛米一千三百五十石照時易買每市斗價銀七分諛銀九百四十五兩每名日給鹽醬銀三釐諛銀二百七十兩通共諛銀一千二百一十五兩似應請發

內帑支用等因據此為照戎狄雖云犬羊馴得其道實效死力今精壯者頻年哨探戰陣屢收斬獲再加優養効力更倍在所以駕馭之者何如耳緣由回復前來煩為會

題施行等因到臣准此查嘉靖元年准兵部咨諛本部題奉

欽依今後遇有投降夷人若果無親戚及事干人眾邊情者照例解

京若有親戚不必拘定父母兄弟或原是中華人及所生之子俱臨時奏

請存留操守等因又查得萬曆八年六月內准兵部咨為竭愚衷酌輿論條議遼鎮未盡事宜以備採擇事該巡按御史安九域題一款議處廣寧降夷

領司馬奏議 卷之十一 十六 三十一

諛本部覆行前任巡撫都御史周 等會

題本鎮降夷安插日久隨營多効死力近該按臣條議欲將日久者照舊撫用新來者盡發兩廣但犬羊內附本來投生緊發煙瘴實以送死若明行解遣將使歸附路塞夷情不通甚非邊方之利合無仍照近日事體將安插已定者隨時關防陸續來降者相機酌處如情有可疑即舊降亦必解發果征哨可用雖新來不妨收養諛本部覆議將見在者隨時關防陸續降者相機酌處使夷心不疑地方無擾等因題奉

欽依備咨前來節次通行欽遵外今准前因除各降

夷姓名候與一年招過回鄉人口類

題外臣會同總督劉遼保定等處軍務兼理糧餉

兵部左侍郎兼都察院右僉都御史王鎮

守總兵官太保兼太子太保寧遠伯李議

照遼東自永樂七年設安樂自在二州領治新

附夷人後俱化為冠裳之俗及東寧等衛多有

遠近歸附夷人以功勞得世官與華人世官往

往相半即近年

題建兩受降所諸夷其建功蒙秩賞者蓋可觀也

臣等竊以為以夷攻夷古今禦虜之上策也撫

顧司馬奏議

卷之十一

十七

三

順致順又

國朝治遼之明效也其機惟在撫養赤子鼓舞降

夷而得其心耳顧近年以來九邊以款

貢修守俱得宴然為曲突徙薪之計收萬全之功

而遼左獨當虜衝大舉零竊何歲無之被虜人

口不知凡幾惟恐虜中善遇被虜吾民使之甘

服役而無還心諸酋且小大一心而惟吾之圖

則遼左以孤危之鎮將坐受其病而莫知其所

終矣此其機甚微虜操之則虜勝我操之則我

勝轉移之間其所關係非小也今幸

皇天祐我

國家虜中絕無豪傑其眾雖動以數十萬計類所

謂輕而不整貪而無親者其大酋往往苦其部

落其部落又覩先後來降者皆以功勞得世官

欲倚

中國以報怨而取富貴故不惟歷年被虜吾民知

有優恤回鄉之例苦虜雷用而得間奔回者月

無虛日而一時諸酋率眾來降至三百餘人其

馬牛稱是甲冑弓刀具備選其壯丁不必教練

而為我強兵分置廣寧遼陽二城二城之文武

顧司馬奏議

卷之十二

十八

三

將吏微有鼓舞之術使之東西出哨爭立功以

相勝往往去邊二三百里而遠凡六出而六有

功皆用寡殊死戰擒斬凡六十餘級夷兵戰死

者二人還即借庫銀給賞如例使之深結怨於

外而厚蒙恩於內至死無他心自是大虜以雪

深馬弱慮降夷率兵誅去邊益遠而自錦義至

遼陽遂絕跡無零竊矣蓋由我

皇上御極以來

神武昭布威加四夷西虜之納款者稱臣南倭之犯

順者授首兩廣滇蜀之間巨寇兇酋無不殲

是以餘威遠播虜皆膽喪而

聖心注念恒切遼左故臣與鎮臣得藉

皇上寵靈受成於本兵與先後在事督臣決策於河

東西文武諸將吏而收此勝算握此微機使遼

左困敵孤危之區有隱然虎豹在山之勢而可

漸圖其大者則以夷攻夷之故也而皆自

皇上一念始之也及查效勞官員除原任錦義叅將

王守道已經革任瀋陽備禦于景陽已經論劾

不議外如鎮守總兵官寧遠伯李 新舊降

夷皆其任內威惠並用首握機宜相應首叙分

巡兵備按察使任天祚分守邊備叅議傅霖各

盡鼓舞之術並收擒斬之功相應併叙但近以

大靜等堡捷功新蒙

欽賞無容再議遼陽副總兵楊燮鎮靜堡守備劉崇

正懿路備禦郎顯忠俱候總查一年招徠降夷

回鄉人口照例類

題陞賞外惟守堡官員各當衝要臨邊而守降夷

至境必先投之使其譚審不明擔當不力或反

失夷人歸順之心而致生他變者則守堡官始

事之勞似不宜終泯而年終類

題例不得載今不議賞則終無蒙賞之期矣查得

守大康堡指揮尹世武收進夷酋肅漢等一百

六十六名口守鎮靜堡千戶劉綬收進降夷羊

羔兒等六十八名口守丁字泊堡百戶皮承德

收進降夷乞台等三十名口守鎮遠堡指揮陳

善策收進降夷阿卜當等一十五名口守平虜

堡指揮鄔希堯收進降夷青打哈等一十二名

口各有始事之勞合無分別多寡酌量

賞資或聽臣等動支無礙銀兩給賞有差庶賞罰明

而激勸之機寓矣臣等又竊以為撫降夷而用

之其利有幾蓋遼左苦於邊長兵寡而虜眾至

於不可勝計一夷來降則虜中少一強虜而我

得增一強兵善養而用之以衝鋒搗穴則彼固

悉虜中之情狀習邊外之險夷足以伐狡虜之

謀而為我耳目其所擒斬又不知其凡幾有功

者隨其所願而官之賞之以明示諸夷如曩者

其聞風而來者又不知其凡幾或疑其跡而解

京安插或得其情而隨營征剿或先養之而後責

之立功或先責之立功為信以自絕其歸路而

後為之收養隨機應變因時制宜則臣等之事

顧司馬奏議

卷之二

十九

三百廿四

顧司馬奏議

卷之二

二十

三百廿五

也不敢不慎之又慎也第用降夷在得其心而得夷心在厚其養必餉可常恃而賞不移時乃為完計今計新舊降夷共九百一十一名口歲用糧賞行糧料草銀七千二百六十九兩九錢應

請增發若止據此數而

請發則後來者又當議

請不無煩

價項增發銀二三萬兩另項收貯立籍稽查以便隨

宜撫處則孤鎮之利賴無窮矣至於添築受降

顧司馬奏議

卷之二

三十一

三百十

城一座應用銀一千二百一十五兩查有萬曆

二年戶兵二部發修寧前牆臺銀三萬兩存留

聽用節經題

准脩廣寧鎮城錦義邊臺義州城垣支剩銀三千三

百六十六兩合於此中照數支用不必仰給於

內帑其馬價銀三千八百四十兩近該巡按御史

陳登雲題復朋銀見行臣等議復即應於朋銀

內通融支用不必增發於兵部伏乞

勅下戶兵二部再加查議覆行臣等遵奉施行為此

具本謹題請 旨

謝 欽賞

奏為恭謝

天恩事萬曆十四年正月初七日准兵部咨為虜賊

大舉入犯官軍奮勇拒剿獲捷保全城堡乞

賜勸議功罪以昭勸懲事該本部覆議蒲潘大靜

等處地方獲功失事緣由節奉

聖旨該鎮失事獲功既各查勘明白即顯忠等姑准

照例罰贖還各降實職一級楊燮等功罪相當

姑免究鎮守督撫等官出奇却虜保全地方李

成梁賞銀四十兩紵絲四表裏張

顧養謙

顧司馬奏議

卷之二

三十一

三百五

各三十兩二表裏李平胡李寧查大受各陞一

級還與任天祚各賞銀十五兩趙三聘拜傳霖

等各十兩王緘等各五兩欽此欽遵備咨前來

臣等望

闕叩頭稱謝外隨據分巡兵備按察使任天祚等呈

稱各官叨蒙

欽賞例該附名謝

恩等因除

欽賞金幣恭候祇領外竊念頃者大虜入犯河東擁

衆至逾六萬城堡雖賴以無恙村屯則未免受

傷搗穴解圍原非得已以此較彼亦畧相當臣
等尚恐桑榆之收莫贖東隅之失誠心待罪何
敢言功伏蒙我

皇上注念衝邊

不加薄罰顧出奇豈小臣之智力而保全賴

皇上之威靈乃諸臣槩露

渥恩已屬過分至臣某某特荷

殊錫尤愧無功發

內府之金丘山非重出

上方之幣

顧司馬奏議

卷之二

二十三 一百八十六

華袞為榮臣等雖自負因人成事之慙敢不奮感

恩圖報之志相期砥礪共效綢繆務滅虜於北陲少

紆憂於

東顧臣等無任感戴

天恩激切屏營之至為此具本奏

聞

保留給由州官

題為保留給由州官事據整飭開原等處兵備山

東布政使司右叅政王緘呈查得安樂州知州

張一舉見年四十歲直隸廣平府邯鄲縣人由

選貢萬曆元年四月二十八日除授陝西慶陽

府通判本年十月初五日到任萬曆六年七月

二十日開喪丁母憂回籍守制萬曆八年十月

二十日服滿萬曆九年二月二十三日復除陝

西平涼府通判本年四月二十日奉例裁革未

任十月初九日改補河南衛輝府通判本年十

顧司馬奏議

卷之二

二十四

三百四十三

二月初三日到任萬曆某年某月某日陞授今

職本年十二月初一日到任扣至萬曆某年某

月某日連閏實歷俸三十六箇月三年任滿例

應給由查得隆慶六年正月內為乞省繁文以

節浮費事蒙巡撫河南栗都御史并巡按河南

楊御史題同前事吏部覆題一件酌議考課之

法以肅吏治事內開今後府州縣正官給由免

其赴京聽撫按官從公考覈賢否具

奏先令就彼復職管事牌冊差人齎繳其稱職經

薦應得

誥勅照例

請給等因又查得萬曆四年四月內蒙吏部題為酌議外官給由事例以一法守事內開在外三六九年考滿官員除府佐方面照舊赴京有事地方照舊保留其府州縣正官免其赴京齎繳牌冊例該撫按覈實具

奏以憑覆考等因又查得萬曆六年十月內蒙總督梁侍即題為省繁文以節財用事吏部復議以後考滿兵備等官係干兵馬錢糧照舊造冊呈報止具畧節不必瑣細其有司正佐并衛所首領自有各該撫按在總督止許具由呈詳不必另行造冊以滋煩擾俱經題奉

欽依通行欽遵訖今照本官歷俸三年已滿似應俯准照例給由緣由到臣案照先據遼東安樂州知州張一舉申前事已經批行該道查報去後今據前因臣會同巡按山東監察御史趙崇善議照安樂州知州張一舉語守則絕無點染論才則綽有擔當邊務悉賴調停弊竇總能釐正稱職本鎮有司甚少如本官賢能頗不易得今既三年考滿相應照例保留具

顧司馬奏議

卷之二十

三十五

三十四

奏伏乞

勅下吏部再加議擬將本官准留管事或念其衝邊久勞陞遷內地應得

恩典照例

請給其任內行過事蹟攢造文冊准令照例差人繳部查考為此具本請

旨

顧司馬奏議

卷之二十一

三十六

八十五

冲菴顧先生撫遼奏議卷之三

通州 益卿顧養謙著

疏

擒斬大虜收獲奇捷

題為大虜結聚謀犯主將相機出師仰仗

天威官兵奮勇擒斬獲收奇捷事萬曆十四年三月

初一日辰時據遼東鎮坐營中軍張世爵報稱

節蒙總督撫鎮咨案火牌節據燕河等路傳報

東虜一克灰正等三箇頭兒在捨刺母林等候

土蛮男孛彥等共要聚兵十數萬要在三月初

領司馬奏議

卷之三

一

三十一

一日前後通到廣寧邊外住牧啜哄貨換講賞

如不與就便進槍不得種田等因隨蒙撫鎮衙

門會議土蠻挾賞進槍頻年故態今據報聚兵

講賞要挾聲勢比往歲尤為重大若不集兵厚

待臨期難以禦堵隨會將遼陽寬奠長奠海州

寧前副叅遊備揚燮等兵馬調赴河西城堡防

禦本年二月二十四日會差千總高良弼帶領

降夷乃六我兒等從鎮靜堡出境哨賊形蹤動

定至地名孛羅嶺撞遇投降降夷人哈奕等三名

隨帶入境譯審說有達賊精兵約七八萬騎已

到地名阿奕塌同東虜把兔兒等聚兵只等土

蛮到講討大賞如不從就要進槍當蒙巡撫顧

都御史鎮守李總兵議料此賊精兵已到邊外

土蛮若到合營勢大賞必難應犯必大肆不若

先伐其謀庶可戢其狂逞以安地方會行李總

兵即統本職并傳調各路設防及錦義正安鎮

武叅遊黑雲龍等兵馬合營仍分布副叅遊守

備禦等官李平胡李寧李興塗寬胡尚忠塗廣

姚大節李如梧查大受唐伯美胡萬千把總李

繼武等官軍家丁為一字陣直前衝斫以原任

領司馬奏議

卷之三

二

三十一

叅遊備守等官郭夢徵陳伯懌李應時秦得貴

蔣位鄭應時熊朝臣蔣國泰等執旗監督副叅

遊守等官王維貞孫守廉李宗召黑雲龍劉登

泰祖承訓李維藩李文芹佟養正劉秉節劉崇

正王咨臣王紹芳栢朝翠中軍千把總守堡等

官高貞等官軍家丁為二字陣專一防援待戰

以官旗宋尚文等執旗催督李總兵帶領本職

并旗鼓陳一諤等居中前後督調令副總兵楊

燮兼督河東兵將分布已定復下令各官兵務

要奮勇協力勵氣敵戰敢有臨陣退縮者斬首

以徇於二十五日午時分從鎮邊堡大臺出境至二十七日辰時馳至地名可可母林離牆二百餘里各賊預差精兵擺撥瞭山隄備傳探遙見兵馬飛馳回報各賊俱披甲上馬前來迎敵李總兵申嚴號令督併前鋒官軍家丁各用槍矢火箭火炮直前射打擊斫二字陣官軍家丁橫衝援戰奮勇夾擊又下令不許貪割首級違令者即時斬首一時火炮連天呼聲震地混斫一處李總兵督勵轉戰勇氣增倍自辰至未賊方披靡敗遯李總兵乘勝長追直抵營帳又復斫殺敵不及顧各騰山鑽林四散奔走至申時傳令收兵團營徐回至二十九日申時仍從原出隘口進境及查在陣各營官軍家丁斬獲首級九百二顆內降夷乃六奴木賴等認出戴有功等斬賊首虎兒處把禿等二十四顆救回被虜漢人湯住等男婦二十二名口拏獲幼夷男女七十八名口得獲達馬一千三百一十三匹駱駝三隻牛一百二十六隻盛五百八十三項甲六百四十三副臂手三百五十一副夷器等件併斫死馬牛羊無算陣亡官軍家丁徐良臣

顧司馬奏議

卷之三

三

三十七

李受等三十四員名被傷官軍家丁李寧李興查大受等一百七十八員名射死李得恩等官馬八百八十九匹官軍各回城堡防禦外等因案照先據前屯駐防右營遊擊陳嘉寵備禦楊紹祖各報稱二月初二日達賊五十餘騎入犯三山營堡各官領兵追剿斬首三顆奪獲達馬三十一匹又據開原管叅將事副總兵宿振武報稱本月初九日達賊三百餘騎入犯永寧堡本官統兵追剿斬首二十一顆奪獲達馬二十四匹各地方俱無失事等因各到臣先已塘報兵部軍門外臣會同總督前遼保定等處軍務兼理糧餉兵部左侍郎兼都察院右僉都御史王鎮守總兵官太保兼太子太保寧遠伯李議照遼左虜患其大勢有三西虜強而稍遠東虜近東塞而稍弱其部落最衆住牧最廣而為患最數者惟壯虜為甚壯虜若土蠻把兔兒抄化花大小歹青爰免伯免悅忽太蟒戶伯戶委正老思卜兒夾諸酋無慮數十百率其衆無慮數十萬東西逐水草無慮千餘里東直開原遼陽西直廣寧寧前無處不可入犯而結

顧司馬奏議

卷之三

四

三十八

聚於舊遼陽之南兩河之間為諸路適中之地則我無處不守其俗與東夷不相入而與西虜合又往往借勢西虜以甘心於遼遼人歲不得寧居遼士日夜不得解甲馬不得解鞍欲以寡而禦衆以勞而待逸也故遼事之難難於九邊往者無論即去歲閏九月以六萬衆入犯東河雖地方遭其鹵掠而以我兵搗巢解圍未大得志以去自是以後畏我降夷不敢近邊而蓄謀糾衆以圖再逞則關西之報殆無虛日矣今年二月以來一犯前屯再犯開原東西分犯以嘗

顏司馬奏議

卷之三

五

三百六十九

我而使我疲於奔命乃前屯則陳嘉寵楊紹祖斬首虜三級奪其馬三十一匹開原則宿振武斬首虜二十一級奪其馬二十四匹不無小挫其鋒而乃益悉其精銳直抵舊遼陽之間居適中之地使我東西兩河千數百里而遠處處戒嚴莫測其所向且將圍我城堡誤我春耕賴大帥知機集兵為備而諸將或言虜悉其精銳逼我邊疆為謀叵測未可卒櫻其鋒且東西兵業已集無空還者不如以奇兵西出錦義遠搗其巢如故事虜將自遁臣與鎮臣皆以為不然謂

顏司馬奏議

卷之三

六

三百七十

搗巢之舉可出不意而偶為之不可踵故智而屢試虜在近邊而我兵反遠出萬一遠墮彼之計而近乘我之虛非得策也故與其動兵於遠而無當孰與禦寇於門庭之為便俟其入掠而後與戰使得失或相當也孰與圖之於邊外之為全待其大衆既成而勢難圖也孰與乘其未集而擊之之為易然偵探未明未敢輕動乃遣高良弼率降夷乃六我兌凡十二人東出鎮靜堡以偵虜去邊不二里所而小虜哈亥率其弟妻來降遂悉得其遠近險夷衆寡強弱之狀鎮臣遂決策曰虜虞我搗其寡弱不虞我擊其衆強今以銳卒萬人疾馳擊之便遂披甲上馬為諸將先由廣寧城西鎮邊堡出取間道出虜西壯遠其後晝則掩伏山谷間不敢火食食乾餼飲水夜則疾馳用副總兵李平胡原任副總兵李得全率降夷四十餘騎先驅導軍故得趨便宜無失道如是者凡二日夜二日夜之內大風雷鳴揚沙蔽天即人馬囂塵不能辨故機不先露而我兵得近及虜覺而迎敵我兵已橫絕之矣是日風恬日朗賊無遁形虜急甚矢發如雨

士馬死傷而我兵愈奮爭為先登虜以為有神也遂潰敗而壯成此奇捷總之首虜俘獲併救回遼人以千數馬牛羊橐駝生得者千四百四十有奇死者無筭此其所遇者皆勁虜功為力戰功戰功之在壯虜者為尤難而今斬獲之多至於如此蓋遼左從來所未有也及全師而歸臣執壺漿迎大帥於郊既入城大雨如注將士皆西嚮舉手加額呼

萬歲曰

天也洗兵矣使師出而雨當有驟漲阻山谷間歸途

顧司馬奏議

卷之三

七

三十五

而雨則士馬皆病矣夫未出而降夷來此

天授而將亡虜也既出而風既歸而雨不先不後適

當其時皆

天也顧臣等眇爾邊臣安能得之於

天哉蓋由我

皇上至德格

天天心助順故亡胡之兆啟於降虜而或風或雨種

種効靈且

聖明遠覽

洞悉邊臣之苦而尤

鑒大帥之忠誠故大帥感

恩而圖報益力

念遼左將士轉戰之勞而

大賚時加故將士一心而咸願効其死

威加四夷四夷無不誅服故餘

威所懾醜虜不及逞而輒殲伐在封疆事關

社稷而

威靈實出於

朝廷至於

內閣輔臣之體

顧司馬奏議

卷之三

八

三十五

國安邊深謀遠慮授以

廟筭假之便宜使邊臣得展布其四體而効其微

勞功元有自遵奉

明旨不敢僭為敘列本兵掄材選將精神長注於邊

陞決勝運籌機務總歸於帷幄總督侍郎王

沉機天啟文武咸仰而受成羽檄夜馳酋虜

遂因之授首俱候

聖明簡錄不敢妄擬如鎮守總兵官太保兼太子太

保寧遠伯李成梁先期徵調令士卒銜枚夜馳

兵既集而絕無人知一言決策身先士卒兵既

出而若有神助出虜不意擊其選鋒振臂一呼士氣百倍殲群醜於一日之間而塞塵不驚邊氓高枕若不知有虜者使宣猷効力之士各奏其功則知人善用之故也又下令軍中有能救回漢人者悉賞以首功之賞是以遼人之沒入虜者悉得生還於鋒刃之下臣以為此之為功不數首功且其子李如梅姪李如梧並當先用命各有斬獲一門忠勇如此此將士之所以益勸也蓋成梁感

恩圖報身不難於一死而料敵制勝功竟收於萬全

顧司馬奏議

卷之三

九

三百三十七

頭雖白而心逾赤位已極而功益高即其處心積慮誠不復敢萌希賞之念而國家酬功之典當有不可盡廢者

恩出

朝廷臣亦不敢擅擬其餘戰守效勞人員如正兵營副參遊擊李平胡李寧李興查大受塗寬胡尚忠塗廣姚大節李如梧唐伯美胡鸞致仕副總兵李得全坐營中軍張世爵遼陽副總兵楊燮寬真管參將事副總兵王維貞左營管遊擊事參將孫守蕪海蓋參將李宗召義州管參將

事遊擊黑雲龍寧遠參將劉登泰前屯遊擊祖承訓正安堡管車營遊擊事參將李維藩錦州管遊擊事參將李文芹鎮武堡遊擊佟養正代遼陽軍營遊擊事管屯都司劉秉節執旗督陣原任參將郭夢徵陳伯懌熊朝臣原任加銜遊擊秦得貴李應時蔣位蔣國泰原任守備鄭應時鎮靜堡守備劉崇正義州備禦栢朝翠長奠堡備禦王紹芳廣寧備禦王谷臣正兵營旗鼓陳一諤以上三十七員陷陣摧鋒共奮無前之勇當先殿後同收有制之勳俱應重加陞賞內

顧司馬奏議

卷之三

十

三百六十九

楊燮謀勇冠軍材堪大將應加府銜仍應查復原降祖職李寧李興查大受皆首先破虜身被大創幾至捐軀並應加副總兵銜以示優異李平胡孫守蕪挺身救解把總鄒天福王世福之圍仍斬首數十而後馳歸大營與塗寬胡尚忠塗廣唐伯美胡鸞俱當先用命亦應併加優異但李平胡新陞右都督難以復加應查例重賞孫守蕪仍應加副總兵職銜姚大節原以副總兵革任今應復其舊銜張世爵久以中軍効勞今復立有新績相應與姚大節遇有參遊員

推用者也祖承訓驍勇絕倫虜所素畏出則先
登入則殿後亦應特加優異李得全少時留勾
奴中久習邊外險夷遠近用是立功名身至副
將而子得世官今其子李繼武已襲父職而得
全告老然其年實未滿六十而健熟如故非老
也鎮臣乃用其子繼武為千總司哨探牽制得
全使不得不出卒用其父子以明耳目其功不
細則大將用人之妙也若李得全者仍應加以
重賞而優錄其子者也劉崇正原任遊擊今為
守備責任衝堡市夷絡繹審夷情素得肯綮成

領司馬奏議

卷之三

十一

三百三

大捷厥功居多相應復其遊擊照舊管事蓋此
堡關係甚重非本官不可仍與正安堡叅將李
維藩協同行事文移或用手本往來或各行中
軍轉呈其於體統事務皆無所妨也又如督陣
官旗馬天閑李祿李有名李有華宋尚文李忠
李遇和李芹李有榮唐世傑于奉于良勝程文
輔趙奎張世祿傅景春馬魯四佟元禎以上一
十八員奉令督兵共有塞旗之氣櫻鋒力戰遂
伸破竹之威俱應重加賞賚又如各營中軍千
把總高良弼李繼武母承宣陸尚學張國忠馮

文用張朝臣熊鑰喻成功趙國禎戚金朱文良
馬九皋王玳張杲李尚仁楊清尚大用張繼忠
金尚禮張永官李義李祈王世福陳大勳崔仲
才岳氣完李祥王珂郭承印李世功劉巨呂希
賢皇甫壽蔣鈇張光先趙維藩任大受李得功
曲伸李福王都張世臣李栢李守仁趙光祖高
仲先黃卿張玉黃道中張文才趙良俊張承祖
霍思義金城戴捷劉文元彭應桂陶國榮陳志
儀李景華周維徐國勳于良輔張成陳承祖馬
升堂李有用李保王俊楊點潘慶揚萬里何時

領司馬奏議

卷之三

十二

三百三

中高雲登佟起鳳李守庶強得忠業良爵施濟
民曹景栢徐富朱應堯高貞徐行謙雷應坤劉
應德喬官李世勳楊四維馬升高臧文綵崔吉
趙栢張承武閻爭坐周世勳羅維冕項權凌雲
王通張三畏羅九成王廷鑰王汲趙寅董耀威
王宗堯曹宗武亢思恭楊暉閻尚輔宋資郭恩
吳啟高景時尚傑詹鞠養許維成于大用盧得
功佟煦佟元相秦國弼馬負軋張珮卞世祥楊
體元孫守印陳一諒丁起鳳劉守勳丁栢孟國
臣路問津黑國忠孫惟重吳化中武大奎施尚

輔張仲義守堡李都以上一百四十二員奉調遣而艱險不辭當賊鋒而湯火可蹈俱應同加賞賚內高良弼統領降夷降夷貼服而屢立奇功李繼武職司哨探哨探不爽而父子効力與母承宣陸尚學俱當先用命高良弼應復守備職銜仍管降夷李繼武應加備禦職銜仍司哨探母承宣應加備禦與陸尚學遇有相應員缺推用又如開原管叅將事副總兵宿振武右營遊擊陳嘉寵前屯備禦楊紹祖設防歷盡苦辛遇敵勇於追逐斬獲雖有多寡東西先挫賊鋒

顧司馬奏議

卷之三

十三

三月七

亦應酌量賞賚及照分巡兵備按察使任天祚先事嚴戶牖之防臨敵決攻剿之策借銀補馬旬日而濟急需措餉犒兵一鼓而成奇捷大軍出入皆其境內功稱萬全所當首敘此一臣者相應重加陞賞開原兵備右叅政王緘處世三面孤懸審機一心獨苦預分兵而邊堡有備遂得賊而內境無虞寧前兵備右叅政劉易從守全遼之最衝練偏師而稱勁既却境內甯我之寇又收塞外克敵之勲金復海蓋兵備候代按察使曹子朝練士深桑土之謀保障已成於南

路徵兵合沙漠之戰聲威併借於壯陳此三臣者亦應併加陞賞分守邊備候代右叅議傅霖實心任事刻意籌邊練義兵有投石超距之風納降夷得赴湯蹈火之力今塞外之役調其義兵降夷才二百人耳而得首虜五十餘級功冠河東軍自大帥而下無不欵欵感服近經考察地方軍民聞其將去如失慈母扶携而來告願借留則本官之所為作可知矣臣等待罪行間聞見最真不敢有所避忌而蔽

皇上忠賢之臣亦不敢有所隱忍而失地方軍民之

顧司馬奏議

卷之三

十四

三六六

望合無念其邊功或復其舊官或量復憲職留用庶公道明而邊疆任事之臣有所勸矣戶部管糧郎中趙三聘劑量雅有成畫調停曲盡苦心處月餉最薄之區而三軍感如挾纊值青芻未長之候而萬馬飽欲追風此一臣者亦應重加陞賞者也看得九邊管糧郎中惟遼左最難最苦而督餉獲捷之功又最著若不破格優處何以酬勞勵後查得工部管河郎中等官往年有以工成而陞四品京堂者有加四品而仍舊管事者無非重漕儲而急邊餉也今趙三聘衝

邊督餉之功當亦不後腹裏治河之功似應比
照管河即中事例或加陞管事或查照先任督
臣薦疏即陞邊方兵備之官以酬其勞而展其
用也軍門標下中軍副總兵張玠閱歷疆場明
如洞燭傳宣號令疾於風霆亦應重加賞賚其
陣亡官丁徐良臣等三十四員名衝鋒力戰身
殞疆場相應照例恤錄內把總徐良臣督陣家
丁李受先登賊壘死事尤苦似應比照平虜堡
禦虜陣亡把總喻春等事例超陞三級以慰忠
魂以示風勸其餘有功人員臣已量行分別犒

領司馬奏議

卷之三

十五

三十一

賞不敢一一槩敘再照邊民被虜虜即易其服
飾與之無二兵與虜遇鋒刃相接死生在呼吸
之頃辨別而生全之最難今大帥一下令而得
全者凡二十二名口皆先年被虜之人即宜以
首功例給賞有功人員以樹信而為將來之勸
伏乞

勅下兵部查照報捷事例議擬上

請將効勞文武各官分別陞錄賞賚與獲功陣亡被
傷應陞應賞應恤併救回被虜人員及前屯開
原功次通行巡按御史覈勘明實徑自具

奏施行至於臣某某者海濱豎儒不習邊事原未
親臨戰陣不敢因人冒功再乞
勅下兵部勿敘及臣以安徽志臣無任激切屏營之
至為此謹題請

旨

領司馬奏議

卷之三

一六

六十八

甄別練兵官員

題為甄別練兵官員以昭勸懲以勵人心事據山東布按二司分守遼海東寧道兼理遼備右叅議傅霖分巡遼海東寧道兼理廣寧等處兵備按察使任天祚整飭寧前兵備右叅政劉易從整飭開原兵備右叅政王緘整飭金復海蓋兵備遼東苑馬寺卿按察使曹子朝各呈將分隸營伍簡練過兵馬器械分數及各練兵將領備守等官分別勤惰回報到臣又准鎮守總兵官寧遠伯李成梁手本將督查過各營將領等官

顧司馬奏議

卷之三

十七

三百三十六

聖明申飭兩鎮邊臣協心防禦事該前任巡撫都御

史周 等會

題條議練兵該本部覆議看得所題大率謂該鎮兵馬惟正兵一營簡練已成數若不多各營將領雖經簡練率多未精欲照近議於七月中旬責令總兵官親詣各營閱視年終督撫稽覈分數多寡考其將領道寺勤惰深得責成之法合

無依其所擬咨行該鎮督撫衙門查照所議行令總兵官於七月內親詣各營點視要見軍丁馬匹果否精壯盈甲器械果否堅利務在略去虛文幹理實事督率查閱一如正兵選練之法中間將領有簡練無效者輕則懲戒重則叅究每歲終即以練兵分數多寡分別各官勤惰聽督撫舉劾懲勸等因題奉

顧司馬奏議

卷之三

十八

三百四十六

欽依備咨前來已經通行各兵備道寺轉行各將領等官欽遵查照簡練及會將正兵營盈甲臂手弓箭腰刀撒袋每營各發一件立為式樣行令照式修整又每營每季酌給操賞銀兩責成各道寺監督簡練除萬曆十二年已經前任巡撫兵部右侍郎李 分別會

題外今照萬曆十三年又該總兵官李 親詣

點驗及委官查點去後今據前因臣會同總督薊遼保定等處軍務兼理糧餉兵部左侍郎兼都察院右僉都御史王 查據各營簡練實數叅以上年點驗舊冊各將領等官之勤惰蓋有莫可掩者除新任與增練不多怠玩未甚者臣等量行分別獎戒不敢

聖聽外查得廣寧正兵哨探營加銜副總兵李平胡
前鋒加銜參將李寧李興先任前鋒今陞錦州
管遊擊事加銜參將李文芹選鋒中營加銜參
將查大受選鋒左營加銜遊擊唐伯美選鋒右
營原任遊擊胡鸞標下中軍原任副總兵姚大
節坐營中軍張世爵督陣原任副總兵秦得倚
廣寧備禦王咨臣正兵營旗鼓官陳一諤練兵
調馬征誅威震於虜中整甲增丁保障功高於
遼左雖運籌決勝有大帥為之主張而効力宣
猷非諸將何所付託又如遼陽副總兵楊燮開

顧司馬奏議

卷之三

九

三十七

原管參將事加銜副總兵宿根武廣寧左營管
遊擊事加銜參將孫守蕪前屯遊擊祖承訓正
安堡車營管遊擊事加銜參將李維藩鎮武堡
遊擊佟養正寧遠參將劉登泰廣寧右營遊擊
陳嘉寵鎮靜堡守備劉崇正清河堡守備何繼
祖蒲河備禦趙之牧前屯備禦楊紹祖長真堡
備禦王紹芳開原備禦吳希漢清陽堡備禦吳
嗣勳中固備禦劉仲文西平堡備禦金承武語
地則處處衝邊掄材則人人驍將士馬各當乎
一面功名俱著於三韓以上諸臣俱練兵著有

勞績所當敘薦以示激勸以需錄用者也內劉
仲文身操番鍾守則堅城力任干戈戰能陷陣
本當擢用但本城係極衝之處非本官守之不
可相應加遊擊職銜仍令管備禦事以責後効
又如先任領兵遊擊今陞居庸關參將楊元先
任海蓋參將今改寬奠管參將事加銜副總兵
王維貞先任慶雲堡備禦今陞鐵嶺遊擊黃應
魁勇略並堪禦侮精神俱足折衝營伍改觀功
勞難泯此三臣者雖經陞任所當併敘者也及
照訓練雖將領盡其職分而監督實寺道為之

顧司馬奏議

卷之三

二十

三十七

提衡如分巡兵備按察使任天祚明如懸鑑機
若轉圜駕馭具見長才稽核不遺餘力巨謀纖
計上下相資整飭金復海蓋兵備按察使曹子
朝老成之度淬勵之操馭將士信而不欺飭營
伍嚴而有備馬多駉牝士擁貔貅整飭開原兵
備右參政王緘沉審多謀掀揭有概處衝邊危
如累卵練孤旅屹若長城事有先機發必中窾
整飭寧前兵備右參政劉易從實心實政有猷
有為度時勢事不空談處孤危力能獨任一軍
一馬皆出苦心分守邊備右參政傅霖性稟忠

誠力能負荷練兵得師中之要務納降收塞外之奇勳績用有成諺由此速此五臣者並當紀錄以明邊臣之盡心邊事者也內曹子朝雖以被論聽調傳霖雖以考察聽調然皆以候代在任而一年之內其勞績俱有不可泯者故並及之也又如正兵營標兵千總廣寧前屯衛百戶楊紹先偉貌真稱驍將先登歷著奇功廣寧前哨千總廣寧左衛武舉署都指揮同知崔吉夔朗多具材能勇敢長於戰陣廣寧左哨千總定遼左衛指揮同知楊四維吞胡乃其素志應變

顧司馬奏議

卷之三

二十一

三百七十

綽有沉機前鋒裏家丁右哨千總加銜備禦遼海衛都指揮使陸尚學甘苦同乎士卒戰守各有機宜廣寧右哨千總廣寧左衛指揮僉事馬升高年少而立志甚銳技優而遇敵當先前鋒裏家丁左哨千總安樂州都指揮使毋承宣出塞素有雄心取敵每以奇勝前鋒中營中哨千總加銜備禦鐵嶺衛指揮使張朝臣氣雄而目中無虜戰慣而部曲多功前鋒外家丁營中軍加銜備禦廣寧衛指揮僉事高貞功每徵於橫草射可擬於穿楊管降夷千總廣寧中衛都指

揮使高良弼統降夷約束甚嚴習地利耳目是寄哨探千總鐵嶺衛指揮同知李繼武父子來自夷中偵探秋毫不爽廣寧右哨把總廣寧左衛百戶宋國賓從征不避艱難斬級新有勞績把總寧遠衛百戶楊清踴躍而趨戰陣慷慨以赴功名前鋒親兵把總安樂州都指揮僉事李尚仁身長差擬於七尺力勇可冠乎千人把總鐵嶺衛指揮僉事金尚禮陷陣則奮身不顧搗巢則策馬爭先以上諸臣均應紀錄以俟遇缺推用者也又查得寧遠備禦蔣 虛聲巧獵

顧司馬奏議

卷之三

二十二

三百七十

穢跡益多豁壑之欲難盈朕削之事日甚補馬即給官價常過二年占軍諸匠皆全不止百數私田無城不有春時斂糞秋時收租雖草束亦散放扣銀無異賈豎營軍無人得安或與採辦或與圍獵雖路臺亦假卯徵利甚察雞豚平時則一味營私有事則千方飾罪衝邊疲卒一日難留所當亟行革任者也又查得撫順備禦戚本無長才繆領邊事練兵不能增數原額反致多虧曾經戒懲益難展布亦應革任者也又查得鐵嶺備禦慕 修築乃其所長調度乃

其所短懿路備禦即 一人之勇則有餘千
夫之長則不足相應各取其長與有餘勿試其
短與不足將暮 調回聽委修工即 調
回隨營征剿所有員缺各另推補隨查得廣寧
左哨千總指揮楊四維前鋒裏家丁左哨千總
都指揮毋承宣俱堪補蔣 員缺廣寧前哨
千總都指揮崔吉前鋒中營中哨千總加銜備
禦指揮張朝臣俱堪補暮 員缺前鋒裏家
丁右哨千總加銜備禦都指揮陸尚學前鋒外
家丁營中軍加銜備禦指揮高貞俱堪補即

顧司馬奏議

卷之三

二十三

三十一

雲堡有衝邊防禦之責有馬市撫夷之責較之
清陽堡一意防禦而無撫處者為稍難慶雲備
禦劉維藩優於防禦而不長於撫夷清陽備禦
吳嗣勳防禦既周而撫夷亦善相應更調庶大
小將領各宜其地而事皆克舉矣再照遼左勢
主於戰故練兵為急而利所當與力所可就則
修守開墾之功亦有不可不早為之圖者蓋全
遼荒蕪棄地甚廣當開墾以收其利而自廣寧
城東二十里直抵三岔河百七十里而遠舊有
路河一道外禦虜馬而內獲耕作先年深賴之
今漸以湮塞水不得直達三岔歲衝漫為患地
不可盡耕零竊之虜無復河阻不時入掠耕夫
行旅皆患之原任叅將陳伯懌原係薊鎮裁軍
聽調叅將軍門咨送遼鎮隨營本官心計極周
力又能副近委之修河墾荒漸有成效且其督
兵出塞業有勞功相應以見任叅將管遼東修
河墾田等事俟其果有成績另議題
請者也伏乞
勅下兵部再加詳議上
請將李平胡等楊燮等紀錄優敘楊元等并加錄敘

顧司馬奏議

卷之三

二十四

三十二

任天祚等移咨吏部紀錄擢用楊紹先等遇缺
推用陳伯懌准以見任叅將管修河墾田等事
宿振武與李宗召吳嗣勳與劉維藩各更調蔣
某某等革任暮某某等調回聽用各遺下員缺
即於楊四維等酌量推補俱行令上緊赴任以
便春防庶勸懲明允而人心益奮矣為此具本
謹題請

旨

顧司馬奏議

卷之三

二十五

二十九

查叅不職都司

題為查叅不職都司懇乞

聖明亟賜議斥以警官邪事竊惟遼東都司之設二
十五衛官員之襲替軍伍之勾補詞訟之聽斷
咸屬焉諸折衝禦侮推鋒陷陣之事則有諸將
校効力於疆場而居中綜理戎務以裨軍實者
都司之責匪曰輕也且將試其材武而用之焉
非清正不苟慷慨有為之士不足勝是任也今
臣會同巡按山東監察御史王國弼查得都司
蕭 原以年資得推今職抵任未及半載輒

顧司馬奏議

卷之三

二十六

三十一

蒙競進之心惟知百計營求實則一籌莫展文
移任意停閣以致上下之脉絡不通清勾一味
糊塗坐使遠近之拖累甚衆追補逃軍則百戶
戴朝冠招首王任等斂銀五十兩買免寬限且
又賣放壯丁而僉解老疾營伍何裨稽查商貨
則守門指揮王仲堯馬應詔各送銀十兩以為
常例遂使指稱科斂而展轉為奸稅銀多匿百
戶何儒因管蓋場經魁索銀一百三十兩儒病
故其母嚴氏告發其索經魁銀五十兩門子小
方兒過送百戶李盛芳追取李良臣參價過多

告發某索李盛芳銀十五兩百戶段光裕考選
某騙銀十五兩何承功被戶丁何承庫告買馬
苦害某索銀十兩俱高位知證承差張應澄曠
役既索沙金四兩遲悞上班又索白銀五兩劉
門子過送承差審臻縱放歇役索銀十兩江門
子過送春季聽考吏章文煥等四十六名每名
罰紙價銀二兩章文煥等可證諸如此類不可
枚舉賊實日開穢形已著若再久於其任操守
將益狼狽政務將益廢弛遼左何地今又何時
一都司之官乃二十五衛軍政之所責成人情
之所觀望而可復使貪庸如某者濫其官耶伏
乞

領司馬奏議

卷之三

二二七

三六

勅下兵部再加查訪如果臣言不謬將蕭某即行罷
斥另推賢能官員以充是任庶官邪知警而邊
政肅矣為此具本謹題請

旨

謝加陞副都御史并欽賞
奏為恭謝

天恩事萬曆十四年五月二十一日准兵部咨為大
虜結聚謀犯主將相機出師仰仗

天威官兵奮勇擒斬獲收奇捷事該本部覆議本鎮
鎮邊堡境外地名可可毋林斬獲捷功等因節
奉

聖旨該鎮出塞勦虜斬獲數多奇功可嘉李成梁先
廕本衛兒男著陞三級還賞銀一百兩大紅紵
絲蟒衣一襲綵段四表裏王一鸚陞都察院右

領司馬奏議

卷之三

二二八

三十三

都御史兼兵部右侍郎照舊總督賞銀四十兩
紵絲四表裏顧 陞都察院右副都御史照
舊巡撫賞銀三十兩紵絲三表裏任天祚等各
賞銀二十兩任天祚仍陞一級趙三聘陞俸一
級李平胡查例加賞楊燮陞署都督僉事仍復
原降祖職李寧李興查大受孫守廉各加副總
兵職銜姚大節劉崇正各復舊銜俱照舊管事
塗寬等各陞一級王絨等各陞俸一級賞銀十
五兩傅霖准以原官調用葉夢熊等各賞銀十
兩高良弼等各八兩宿振武等各五兩在陣血

戰軍士著發馬價銀五千兩賞犒其餘俱依擬
本兵調度有功張佳胤賞銀四十兩紵絲二表
裏石星蕭廩各二十兩一表裏該司即中銀十
兩其餘各五兩加銜武官有相臨體統不便的
還著督撫官查明更調欽此備谷前來臣即欽
遵望

闕叩頭謝

恩外除金復海蓋兵備按察使曹子朝陞俸一級賞
銀十五兩今已赴部聽調自行領謝隨據分巡
道按察使任天祚等呈稱各官叨蒙

領司馬奏議

卷之三

三九

三

欽賞加陞級俸例該附名謝

恩等因除

欽賞金幣恭候祇領外臣惟頃者官兵塞外之捷預
破酋虜入犯之謀皆賴

聖武布昭

廟謨指授而大帥奮勇以決策乃臣所目擊而心
降至諸將士之功誠有不可誣者若臣等猥以
書生謬膺邊寄徒有苦心蒿目曾無片善寸勞
文移往來孰與矢石親冒從容商確孰與倉卒
櫻鋒當局者尚不居功傍觀者豈容掠美况當

益圖維其遠大未可遽覲覲於功名荷蒙

皇上過念邊臣均頌

大賚至如臣某某者既冒

金幣之

賜復荷進級之榮卿者由兵備而進撫臣已屬非分

今乃不一年而至三品益越常資

皇上則

普一視同仁之

恩小臣實負因人成事之媿欲再陳辭以安愚分恐

瀆

領司馬奏議

卷之三

三十

三

天聽而重罪愆謹拜

命於

九重期宣

威於萬里臣等下情無任感戴

天恩激切屏營之至為此謹具奏

聞

保留給由府佐

題為保留給由府佐官員事據整飭金復海蓋兵備管苑馬寺卿事山東布政使司右叅政郝杰呈蒙臣并巡按王御史批呈依蒙查得山東濟南府駐劄岫巖通判曹岡見年三十二歲原籍陝西西安府三原縣人由舉人於萬曆十一年三月初五日除授前職本年四月二十三日到任管事扣至萬曆十四年三月二十二日連閏實歷俸三十六箇月三年已滿及查得隆慶六年正月內為乞省繁文以節浮費事該吏部題

額司馬奏議

卷之三

三十一

三十三

款內一件酌議考課之法以肅吏治事內開今後府州縣正官給由免其赴京聽撫按官從公考覈賢否具

奏先令就彼復職管事牌冊差人齎繳其稱職經薦應得

誥勅者照例

請給其平常不稱者部院會同酌處等因萬曆四年四月內又為酌議外官給由事例以一法守事該吏部題內開在外三六九年考滿官員除府佐方面照舊赴京有事地方照舊保留其府州

縣正官免其赴京齎繳牌冊例該撫按覈實具奏以憑覆考乃今有以遵例為名徑自起文齎繳牌冊其中朦朧詐捏之弊安保必無相應申明以後守令考滿俱要合干上司嚴加考覈明註稱職平常不稱職三等報部其考詞亦要據事直書不拘對偶事蹟雖多無過十句仍候撫按官分別具

奏方准給由違者駁回不准等因萬曆八年八月

內又為給由事該吏部覆議以後凡遇方面州

縣掌印官及邊官管糧與管漕河府佐并地方

額司馬奏議

卷之三

三十二

三十四

有緊要事情官員考滿俱照舊

奏留至於各省方面府佐等官行令赴部不得援

以為例等因俱通行前來遵依訖看得通判曹

岡歷俸委已三年別無公私過犯應准給由但

本官管理邊餉擅難離任合候本院考覈批允

遵照吏部題

准事例行令曹岡將任內行過事蹟照例造冊繳部

查考緣由到臣案照先據山東濟南府駐劄岫

巖通判曹岡呈前事已經批行該寺查報去後

今據前因臣會同巡按山東監察御史王

議照山東濟南府駐劄岫巖通判曹岡魁偉之貌精敏之才聽斷能得隱情稽覈不遺餘力官屬稱職今當三年考滿例應給由但邊方多事軍儲職掌似難離任相應照例保留具

奏如蒙

勅下吏部再加議擬將本官准留管事其任內行過事蹟行令攢造文冊差人呈部查考應得

恩典照例

請給為此具本謹題請

旨

顧司馬奏議

卷之三

三十三

一廿四

冲菴顧先生撫遼奏議卷之四

通州 益卿顧養謙著

疏

奉諭查勘清丈田地復 命

奏為欽奉

勅諭事萬曆十二年五月二十七日欽奉

勅巡撫遼東都御史清丈田地本為查豁虛糧以除

民累先因各該地方官員奉行不善以致弊端

百出反為民害近該言官奏請釐正該部覆議

相應今特命爾不妨巡撫職務遵奉節次詔旨

顧司馬奏議

卷之四

三百五

督率司道及府州縣廉能官員查照該部題准

事理通行所屬地方曉諭軍民如近年清丈過

田地但有短縮步弓虛增地畝變亂冊籍混淆

等則及將坡蕩墳屋作為平田衝壓積荒作為

熟地高腴上田作為荒蕪一切奸弊貽累者許

令首告在官爾即督令各官查勘明實要見一

府之中何州縣最稱不便一州縣之中何都圖

最稱不便爾即設法釐正從宜區處或舊額存

自均平願復舊者准與復舊或近日清丈停妥

願從新者聽其從新或利多弊少止應稽查一

二者即與稽查或槩州合縣告願重復丈量者即與復丈務要任從民便有益地方毋得踵襲近弊憚於更改亦不得通行覆丈及滋勞費如官吏書算公正糧里人等作弊害人者爾即擊問叅究若有奸民勢豪顛倒是非鼓衆告擾及阻撓占恡圖便已私者從重究治通限萬曆十四年四月終報完亦不許遷延停閣事完之日分別承委各官賢否功罪以憑議處勅至之日如已經遵照稽查妥當地方相安者許即具由回奏爾須殫力竭慮慎密周詳務使國賦均平民情安便方稱委任爾其欽承之故勅欽此案照先准戶部咨為恪遵

顧司馬奏議

卷之四

二

三百四

恩詔改正虛糧懇乞

聖明溥賜申飭以昭

嚴威以宣實惠以固萬年邦本事該屯田御史江東之戶科都給事中蕭彥等工科給事中張棟各題稱清丈弊多查摘當慎在江東之則欲添差御史專行查理在蕭彥等則欲寬限期順土宜專責撫臣在張棟則欲專用撫臣及郡縣正官寬假責成以善後事該本部覆題奉

聖旨清丈田地本為查豁虛糧永除民累前因撫按

官督責嚴急有司多阿承邀譽苟且塞責以致增額升科等則混亂徒滋煩擾你部裏既議停當俱依擬著各該巡撫官督率司府州縣遵奉詔旨叅酌查正有該照舊從新摘改覆丈的務從民便不許規避遷延紛更勞費各巡按御史著實稽查有故違的還著該科不時叅奏處治欽此欽遵備咨前來煩照本部題奉

欽依內事理欽遵施行計開款內本部覆議者得添

差御史委有專責易以完事但添官不無煩擾

顧司馬奏議

卷之四

三

三百五

各該巡撫見在地方且田糧係其職掌專以責之最為省便布政司及各分守道均有地方之責政體相關難以獨遺合無將各省直巡撫外

加

勅書一道令其專理稽查文到之日一面移文布政司及各分守道府州縣掌印正官一一查議停妥出給簡明告示許令百姓首告州縣官不許威挾阻抑如一省之中要見該查者幾府一府之中要見該查者幾州幾縣一州一縣之中要見該查者幾都幾圖隨其土俗察其利害可一

則即從一則不必分其等可分等即分等不必定於一民情已見詳加斟酌免摘查者開數咨報俱照新文冊籍徵派諭令相安其應摘查者方行選委通達民情練習政務掌印官親詣各該地方公同查改掌印官不能兼理者另委附近賢能正官以此官始事即以此官終事期在浮糧俱有著落等則不相混淆事完之日分別功罪其承委實心任事稽查得法衆口稱便効勞日久暫稽陞遷者即從異處其資俸以淺而從事有勞亦當先期優敘以酬其功如各該有

領司馬奏議

卷之四

四

三百六十五

司隱護不肯據實申報及威挾小民不許告訴或承委官員不行親詣用心查理苟且完事虛文塞責及滋弊端無益實政者聽巡撫指實奏以憑議覆陞遷降黜至巡按御史一方風紀有糾察奸弊之責雖不可侵越以亂職掌亦難以緘默坐視民瘼合無亦加

勅書一道令其專司糾察事完巡撫將查改過田糧數目造冊巡按將糾察過奸弊緣由同原領勅書一併奏報青冊送部查考巡撫不實心督理巡按不盡法糾察縱令各官仍前怠玩聽該科登

本部從實奏究庶官有責成民無貽患等因該前巡撫兵部右侍郎李 備行各該道寺欽遵查照一一著實舉行仍一面出示曉諭各該軍民人等知悉但係有糧無地貽累包賠者許赴各該道寺告理即與分豁改正以後再有告訴不便者定將各該衛所并清丈官員從重參究去後續據山東布政使司分守遼海東寧道兼理邊備右叅議傅霖呈蒙 旨并巡按御史秦駿依蒙行據原任遼陽通判張天衢呈會同原任自在州知州侯一位行准定遼左等瀋陽六衛

領司馬奏議

卷之四

五

三百六十八

并蒲河撫順二所印屯官員手本回稱查得各衛左等所掌印管屯千百戶王之都等俱各結稱各所屯科田糧俱自萬曆九年奉明文清丈明白俱照等則徵糧並無短縮步子虛增地畝亦無墳屋積荒有糧無地貽累包賠之害無憑查丈又准定遼右衛手本回稱查得本衛所屬寬奠大奠永奠長奠四堡於萬曆二年創建夷地新展邊疆官軍分剩荒佃山場續有住民柯繼時等告明開墾量准納科並無屯田裁派賠納情弊緣由各回復到職備由呈報到道看得

定遼左等瀋陽七衛蒲河撫順二所屯科田地
於萬曆九年奉明清丈俱照等則受糧給發由
票至秋徵納已經造冊報部每年徵完糧石具
本

奏報經今五年中間並無虛增地畝混淆等則及
將坡墳作為平田積荒作為熟地膏腴作為荒
蕪舊額已均民心稱便合無將屯科田地照舊
徵納免其丈量等因又據分巡遼海東寧道兼
理廣寧等處兵備按察使任天祚呈除備出告
示外及據先管廣寧備禦事遊擊章應選呈行

顧司馬奏議

卷之四

六

三百十八

據廣寧四衛掌印管屯指揮安慈張應秋等義
州備禦栢朝翠呈行據義後二衛掌印管屯指
揮郭濟川等原任錦州守備張粹呈行據廣寧
左中二屯衛掌印管屯指揮張問政等原任廣
寧右屯備禦丁倣呈行據右屯衛掌印管屯指
揮黑雲鳳等各呈稱查得各衛所屬軍民人等
承種屯科營田糧石俱已於萬曆九年二月內
奉

欽依明文行委各官親詣各衛該管地方公同各該
屯堡知識人等逐一沿坵履畝從公清丈明白

造冊

奏繳訖中間並無有糧無地亦無貽累包賠虛糧
無憑查議又經出示曉諭經今五年並無一人
告辭各緣由回報到道據此看得廣寧錦義右
屯守備備禦章應選張粹栢朝翠丁倣各查稱
廣寧等九衛軍民人等各承種屯科營田糧石
俱已奉明委官親詣各該屯堡沿坵履畝清丈
明白已經造冊

顧司馬奏議

卷之四

七

三百十九

奏繳今蒙覆丈並無有糧無地亦無貽累包賠虛
糧各呈報前來無容別議等因又據整飭寧前
兵備右叅政劉易從呈據寧遠衛經歷司署事
訓導周于德廣寧前屯衛經歷杜本仁各呈稱
會同掌印指揮董耀威王宗堯查得遼東田賦
國初時通屬稱均自大虜大荒之後其人漸少其
地漸荒而浮糧之弊滋矣至於寧前一路猶為
全遼咽喉近邊逼海南北相去僅二十里東西
相距僅二百餘里嘉靖庚戌以來虜患頻仍民
間納糧田地近邊者棄逼海者荒其成熟田地
或被豪強之兼併或苦名色之多端曰屯糧曰
營田曰太監糧曰地科未已有重征之苦又或

地去糧存復議以人納糧上戶每丁一分下戶二丁一分誠為負累當事者每欲均其輸而釐其弊但事屬更變徒切隱憂至萬曆九年奉

旨清丈浮糧已蒙前道大軫民瘼掄選能幹官員親詣地內將寧前二衛中左等四所連山等五驛田地編設井田之法窵立封堆其井內成熟民田并新荒願復開種者俱照依上中下等第逐一沿坵履畝踏丈明白填給由票照數輸納穀豆在倉作為軍餉其前地科等項名色已經除改至於山岡沙渚舊路古墳河泊港溝海瀕荒

顧司馬奏議

卷之四

三十七

佃盡行豁免又經出示曉諭城所驛堡官軍人等知悉如或有糧無地許令首告准與分豁改正經今五年並無一人告豁虛糧無憑造冊緣由回報到道據此看得寧前田地已經奉

旨清丈納糧版冊已定今經五年委無有糧無地貽累包賠之弊即通行遍示曉諭亦無告辯虛地浮糧既經兩衛經歷司查報前來無容別議似應遵照原文成規納糧永為遵守等因又據整飭開原兵備右叅政王緘呈據安樂州知州張一舉申稱會同三萬遼海鐵嶺三衛掌印管屯

并上年委官經歷吏目等官孫策等各欽遵清查覆丈去後今准各衛手本回稱出示曉諭軍民人等俱稱上年清丈田畝均平並無貽累包賠虛糧無憑重複丈量相應照舊聽從民便各緣由回覆到州猶恐不的又經移文各衛覆查亦稱開原鐵嶺等城堡乃極邊孤懸盡頭之處地廣人稀拋荒甚多其軍民所種田土上年委官清丈明白委無有糧無地包賠情弊各衛公堂見今暨立清丈田糧大總額數石碑可據每歲照此徵糧貯倉不敢增減升合年終

顧司馬奏議

卷之四

九

三十七

奏報無容再議造冊回復前來覆查相同委係軍民各願從新丈上納不願覆丈是的緣由申報到道看得各衛田糧既經州衛覆查並無有糧無地包賠情弊相應照舊聽從民便免其覆丈每歲徵糧貯倉等因又據整飭金復海蓋兵備管苑馬寺卿事右叅政郝杰呈據主簿楊儒呈依蒙行准金復蓋三衛回稱本衛田糧自清丈後並無軍餘告豁虛糧無憑開復又准海州衛掌印指揮花應龍回稱卷查萬曆七年蒙撫按兩院案驗出示曉諭軍民人等凡故絕軍田儘

力開種比本衛軍餘姜興周等各陸續告種絕
軍劉均祥等荒田各給有印票執照萬曆九年
四月內前任主簿李臯奉明文到衛清丈田畝
同管屯指揮徐維藩將姜興周等告種前地俱
造冊報部訖萬曆十年十月內奉明文追納姜
興周等佃種劉均祥等官田照冊追徵屯糧完
倉萬曆十二年奉例行查有糧無地分豁改正
姜興周等思因佃種劉均祥等屯田告要起科
改正狀赴前道批仰本衛前掌印指揮王善政
查報關行管屯指揮徐維藩轉行各百戶所查
得姜興周等相應納科具結回關本衛轉呈前
道仍行本廳覆查仍將納科緣由呈報前道曹
按察使於年終冊內開報本院續蒙案驗備行
本道即查海州衛萬曆九年清丈田糧有地則
定糧以後連年俱已徵完今稱虛糧要見原清
田地何人隱占連年何人佃賠始初呈豁災糧
之時緣何不行一併告豁延今數年方稱虛數
是何緣故備細查明詳報仍行本職細查得凡
佃種屯田即納屯糧姜興周等乘改正虛糧之
詔輒紛紛告擾夫種屯田而不肯納屯糧一衛軍餉

觀司馬奏議

卷之四

十一

三百七十一

出於何地徐維藩許令開豁不知何故緣由回
報本道又行本官親詣海州衛審勘應否民便
續據主簿楊儒呈稱親詣海州衛會同掌印指
揮花應龍代管屯指揮祝世泰經歷曾宗範隨
拘詹樂姜興周等逐名查審各稱先年奉明文
告種絕軍荒田應納屯糧造冊回報因奉新例
各佃戶欲脫屯糧圖輕納科成法豈敢變亂等
因又據代管屯指揮祝世泰開稱姜興周等前
項告豁未完屯糧二千二百六十一石一斗七
升五合已追完九百五石一斗四升五合未完
者見今追徵陸續完報續又據祝世泰報稱又
追完八百六十三石一斗八升五合緣由各到
道據此除金復蓋三衛並無虛糧取有甘結及
海州衛各屯戶已經丈清並無告豁者俱無容
別議外看得屯田原有定畝屯糧原有定額自
祖宗二百餘年以來未之有改也姜興周等告種劉
均祥等田在各所實係屯地原非科田已前俱
照數上納穀豆訖至萬曆十二年姜興周等因
奉例豁虛遂謀告納科希圖輕便管屯指揮徐
維藩不查

觀司馬奏議

卷之四

十一

三百七十八

國賦因而妄呈計豁糧二千二百六十一石一斗七升五合今冊查得唐樂等八十五名係種絕軍劉禿兒等屯田九十五分姜興周等六十三名係種絕軍劉均祥等屯田七十五分蕭得衣等四十七名係種絕軍張履兒等屯田七十二分承種既係屯田租糧擅難改額似應仍照原大冊徵收庶於屯田原額不失並將管指揮徐維藩據實奏報等因各到臣看得查豁虛糧原恐先事丈量之官虛增畝數貽累包賠故欲復行清查以除民害該先任巡撫侍郎李與臣

顧司馬奏議

卷之四

十一

三百二十一

遵奉

詔旨

勅諭節次嚴行各道寺督率衛所掌印官員著實查勘并出示曉諭軍民知悉或有糧無地貽累包賠者即當覆丈固不敢規避重遺民害如田糧均平地方相安者即當仍舊亦不敢紛更以滋民擾况本鎮疲憊已極尤當體恤荷蒙

皇上加惠元元屢頒

詔旨臣等敢不仰體

德意以蘇民艱今據各道寺并各委官各衛所掌印

等官查稱定遼左等二十四衛所驛堡田糧上年俱已清丈明白並無虛增地畝增額升科及坡蕩墳屋作為平田衝壓積荒作為熟地膏腴上田作為荒蕪等弊事既傳安民亦稱便無容摘查覆丈委宜照依新大冊籍徵納惟海州衛軍餘姜興周等領種原係屯田自當照納屯田穀豆乃乘清查

詔旨朦朧告改科糧計其實數計糧二千二百六十餘石是款改多為少原非虛糧先該新舊兩道交代耽延遂致稽遲月日今據參政郝杰冊查

顧司馬奏議

卷之四

十二

三百二十二

唐樂等八十五名係種屯田九十五分姜興周等六十三名係種屯田七十五分蕭得衣等四十七名係種屯田七十二分見今前後已徵完一千七百六十八石有零等因為照姜興周等承種田地既查係屯田即係額餉所告虛豁處難擬減應從該道所議仍照原冊徵納庶於屯畝得免荒蕪而邊餉不致虧損為此今將前項查勘過緣由併原奉

勅書一道合行

奏繳參照海州衛納級指揮僉事徐 某亦竊世

祿專理催科不思

國賦之常經任情更變歆市屯民之小惠妄意申

呈奉法反以容奸假公因而滋弊所當罰治以

示懲戒伏乞

勅下戶部再加查議題覆施行為此具本

進繳謹具奏

聞

顧司馬奏議

卷之四

十四

八

官軍拒敵出境併諭市夷送還被虜人畜

題為達賊節次入犯官軍奮勇拒敵出境併善諭

市夷送還被虜人畜事案照萬曆十四年三等

月二十六等日節准軍門咨據臺頭等路稟報

各營達子亂哭因遼東人馬殺了他三營達子

無數有土蛮同把免兒等大小頭腦傳調達子

十萬餘騎要在寧遠廣寧遼瀋等處報雙俱已

通行各道將哨備收斂本年五月內據開原兵

備右叅政王緘稟據回鄉李乃奇供說騷達子

打刺漢調各處大小頭兒要搶廣寧留下龍兔

顧司馬奏議

卷之四

十五

三

伯言犯槍開原鐵嶺四月二十七日達賊約有

三千餘騎從開原威遠堡進入分為二枝一枝

約一千餘騎奔鎮壯堡一枝約二千餘騎奔靖

安堡各攻圍有各守堡并設防官兵迎敵射打

各賊退遯虜掠隣境屬夷猛骨字羅下部落劄

失卜等在關牧放牛五十隻劄失卜等同設防

官軍截下賊見開原叅備等官宿振武等兵馬

追趕至近精兵達賊千餘迎敵因我兵勇猛即

從未路出境去訖奪獲達馬四匹被賊射死軍

士石上元等四名射傷商甫等六名射死官馬

二匹虜去軍夜磨景等五名經行樵採男婦祁
大林等二十八名口馬牛一十五匹隻該本道
照得此虜的係福餘衛西市屬夷隨行宿振武
會同本道青差備禦中軍十總等官吳希漢等
前去慶雲堡會同備禦吳嗣勳守堡王鳳翹督
令通事王勳等執牌宣諭買賣夷人恍惚太營
達子草困你等既為忠順夷人緣何陽順陰逆
這邊買賣那邊即犯槍且爾等衣食費用皆仰
賴我

中國若將搶去人畜送還這條路還容你討賞若

顧司馬奏議

卷之四

十六

三百五

不聽我宣諭送回原虜人畜閉關絕賞題

請把你各營頭兒大賞盡都革了還請兵馬剿殺等
語草困慌懼回營與恍惚太說知本夷即帶領
部下達子迎見原搶賊酋又哈兒等將前虜去
臺軍夜役并經行樵採磨景等三十三名口馬
三匹牛一十二隻盡數截下令草困等於四月
三十日先將男婦磨景等二十九名口牛十二
隻送進慶雲堡備禦吳嗣勳又宣諭草困等供
出還有人四名馬三匹在營留下有又哈兒等
說稱我們掣的裏邊人畜都看你營截下送與

他去他裏邊人馬奪去我們達子馬四匹叫他
與我們將他這四箇人三匹馬都與他等情備
由連人呈解到道隨即逐名面審磨景等親口
供稱前虜人口實止此數除將送回人口查發
寧家牛給各主認領仍行令中軍王汝徵等將
得獲達馬四匹准給夷人將留下人四名馬三
匹宣諭作速送還外又據寧前兵備右叅政劉
易從呈五月二十四日達賊八百餘騎從前屯
瑞昌堡進入前屯遊擊祖承訓聞報統領官軍
追至刺黎山遇賊對敵斬獲首級一顆達馬一

顧司馬奏議

卷之四

十七

三百六

十五匹并夷器等件被賊砍射死軍丁王仲儒
等三十六名被傷官丁元思恭等四十五員名
射死官馬騾五十五匹頭射傷三十八匹頭前
賊因官軍血戰退回去訖等因各到臣除被殺
被傷官丁給與優恤湯藥得獲達馬夷器俱給
原獲之人克賞斬獲首級聽巡按衙門紀驗外
臣會同總督薊遼保定等處軍務兼理糧餉都
察院右都御史兼兵部右侍郎王 鎮守總
兵官太保兼太子太保寧遠伯李 議照遼
左自二月大捷之後諸虜糾結報讐蜂屯蟻聚

沿邊無虞不窺一犯開原撲掠人畜賴鄉者殺
伐之餘威而該道協同將領等官善諭市夷即
復送還此從來所未有一犯前屯而官兵奮勇
拒戰出境兵馬雖有損傷皆係臨陣對敵以致
捐軀而達賊死傷之數亦畧相當第其勢不能
一一得其首虜耳而官兵之忠勇則深有可念
者除仍行各道嚴督將領等官比常加謹隄備
不許時刻懈防勿致乘隙圖犯以保萬全并諭
夷効勞官役宿振武等及夷人悅忽太等已該
臣動支庫貯銀兩襖段等物酌量賞犒外所據

題伏乞

勅下兵部再加查議轉行巡按御史將應參應問應
恤人員并地方有無隱匿等情通行覈勘明實
徑自具

奏施行為此具本謹題請

旨

遼東缺掌印都司

題為缺官事准兵部咨武選清吏司案呈奉本部

送准薊遼總督侍郎王 巡撫遼東右僉都

御史顧 各咨稱遼東都司掌印蕭 某參

論革任所有員缺要將原任海州參將郭夢徵

原任都司僉書王盛宗改補等因咨部送司案

呈到部查得近該吏科右給事中王三宅題議

武官陞轉無據等事本部覆奉

聖旨是今後武官考察論革非係地方緊急督撫特

薦的不許推用欽此今查原任參將郭夢徵曾

經論劾革任雖有咨文薦語可據但未經督撫

疏薦似難遽題備咨前來煩查原任參將等官

郭夢徵等如果堪補前缺會同薊遼總督具

奏薦補以憑覆

請施行等因到臣又准總督軍門咨同前事准此案

照先該臣照得遼東掌印都司蕭 某該臣會

同巡按山東監察御史王國弼參論不職革任

所據員缺查得原任海州參將郭夢徵魁偉不

群慷慨有志武弁共推材畧聞司當見作為原

任都司僉書管鎮武堡遊擊事王盛宗論議通

嘗夷險周知威惠能馭三軍謀勇可當一面俱堪陞補已經咨行兵部酌議題

請去後今准前因臣會同總督薊遼保定等處軍務兼理糧餉都察院右都御史兼兵部右侍郎王

議照原任海州叅將郭夢徵自萬曆三年

該巡按御史劉臺叅論革職提問功罪罰未完結自萬曆十年起節該薊遼總督侍郎周

薦揚英偉之貌精壯之年養晦惟知杜門督防不辭冒除又該巡撫都御史李 於丁字泊提

功本內類薦陷陣摧鋒大奮貔虎之勇當前殿

額司馬奏議

卷之四

二十

三百五十九

後咸收捷伐之勳又該臣於鎮邊堡邊外可

毋林捷功本內類薦一次又該臣推陪領兵遊擊薦舉一次以上薦舉四次原任都事僉書管

鎮武堡遊擊事王盛宗自萬曆六年患病准令回衛調理候病痊之日酌量薦用後自萬曆十

年起節該巡撫都御史周 薦揚偉貌長才誠心壯志經戰陣首功屢樹任專城勞績猶存又

該巡按御史馬允登薦揚昂藏軀幹磊落肖襟啟齒多褻韋之談鬯孤擅穿揚之巧又該巡撫

侍郎李 薦揚年力精壯體貌魁梧且戰陣屢

經而射技之長無比謀勇兼優而干城之寄足資以上薦舉三次今復行查前缺此二臣者相應陞補如蒙

勅下兵部再加查議將都司員缺於郭夢徵等酌量推補施行為此具本謹題請

旨

額司馬奏議

卷之四

二十

三百六十

率官軍謝 欽賞

奏為感激

特恩恭率官軍陳

謝事先准兵部咨為大虜結聚謀犯主將相機出師仰仗

天威官兵奮勇擒斬獲收奇捷事該本部覆議本鎮鎮邊堡境外地名可可母林斬獲捷功等因節奉

聖旨該鎮出塞勦虜斬獲數多奇功可嘉李成梁先

廕本衛兒男著陞三級還賞銀一百兩大紅紵

顧司馬奏議

卷之四

三十一

三十一

絲蟒衣一襲綠段四表裏王 陞都察院右

都御史兼兵部右侍郎照舊總督賞銀四十兩

紵絲四表裏顧 陞都察院右副都御史照

舊巡撫賞銀三十兩紵絲三表裏任天祚等俱

各賞銀二十兩任天祚仍陞一級趙三聘陞俸

一級李平胡查例加賞揚燹陞署都督僉事仍

復原降祖職李寧李興查大受孫守廉各加副

總兵職銜姚大節劉崇正各復舊銜俱照舊管

事塗寬等各陞一級王絨等各陞俸一級賞銀

十五兩傅霖准以原官調用葉夢熊等各賞銀

十兩高良弼等各八兩宿振武各五兩在陣血

戰軍士著發馬價銀五千兩賞犒其餘俱依擬

本兵調度有功張佳胤賞銀四十兩紵絲二表

裏石星蕭廩各二十兩一表裏該司郎中銀十

兩其餘各五兩加銜武官有相臨體統不便的

還著督撫官查明更調欽此欽遵備咨到臣隨

該本部委官進士柴堯年齋解賞銀五千兩至

山海關該臣查照近

題事例差委廣寧右衛掌印指揮楊威領運到鎮

臣欽遵會同鎮守總兵官太保兼太子太保寧

遠伯李成梁公分巡遼海東寧道兼理廣寧

等處兵備右布政使任天祚將前項各營出塞

禦虜應賞官軍酌其勤勞多寡分別等第擇於

萬曆十四年七月二十六日陳設

龍亭儀仗香案於演武廳聚集文武官軍官以班分

軍以隊分將各應給銀兩預先劈鑿人各一封

封各印記又恐劈封委官抵換短少復懸衡於

庭公同抽封秤驗銀皆足色足數計銀五千兩

共賞過禦虜官軍一萬八千三百八十四員名

逐一唱名散完臣等恭率望

顧司馬奏議

卷之四

三十一

三十一

闕拜叩又仰奉

德意宣諭官軍爾等生長邊方與虜為鄰

朝廷平日作養爾輩原為禦虜安邊保爾身家爾

今殺賊立功不過本分常事况有功人員已經

照例陞賞荷蒙

皇上

天恩浩蕩

特念爾等血戰之苦

欽發帑銀緊

頒賞犒爾等受此非常

顧司馬奏議

卷之四

二十四

二百五

特恩今後愈要齊心竭力奮勇用命守期必固戰期

必克以仰答

皇恩於時文武將吏軍丁人等萬口同聲感激

天恩歡呼踴躍倍增戰氣臣等特罪疆場忻逢

曠典竊念本鎮地方處處當虜之衝諸營軍士四時

征防終歲無室家之樂而日有鋒鏑死亡之憂

危苦之狀未可盡述仰荷我

皇上注意衝邊

明見萬里

軫念血戰之勞

特頒額外之賞無論領受

欽賞者歡聲動地即全鎮將士亦莫不感勵奮發思

一當強胡而效其死力古稱投醪挾纊何足為

喻百誠不勝慶幸不勝感激除給賞銀兩并官

軍姓名造冊咨部查考外緣係感激

特恩恭率官軍陳

謝事理為此今將賞過銀兩等第并官軍名數理

合開坐具本奏

聞

計開原發銀五千兩犒賞各營禦虜官軍家

顧司馬奏議

卷之四

二十五

二百五

丁一萬八千三百八十四員名

賞銀四錢正兵等營前鋒官軍家丁吳大

才等八千六十員名共銀三千二百二

十四兩

賞銀三錢火器等哨官軍樊敬等一千四

百八十一員名共銀四百四十四兩三

錢

賞銀二錢正兵營在哨并各營官軍馬文

必等四千四百七十四員名共銀八百

九十四兩八錢

賞銀一錢各營在哨官軍并塘砲馬軍士
戴國勳等四千三百六十九員名共銀
四百三十六兩九錢

州官患病乞容致仕

題為州官患病有難赴任乞容致仕事據整飭開
原兵備山東布政使司右叅政王緘呈據署安
樂州事遼海衛經歷杜進孝申稱萬曆十四年
十二月初九日據本州原差接新任知州薛同
術書辦門役胡大仁等齎到知州薛同術呈內
稱本職係陝西西安府韓城縣人由舉人萬曆
八年四月內陞授山東兗州府鉅野縣知縣歷
俸方及三年因丁母憂於萬曆十三年十一月
起復除補河南開封府儀封縣知縣本年十二
月十三日到任萬曆十四年六月二十日接報
陞授今職七月終降憑八月十五日將各色倉
庫錢糧賬同委官陳州同知單熙載交代明白
即行赴任間不幸嫡妻雷氏陡因時疾亡故本
職痛感委自送柩還籍中途致動痰火病症時
發時止調理至今尚未痊可如欲加力奔馳誠
恐軀命有礙况原籍抵開原程途六千餘里知
州又係邊疆重任本職病體委不能赴且不能
堪呈乞轉申各該上司俯容休致庶得身軀保
全等情到州轉申到道為照開原衝邊道屬只

有一知州分理事務今自本年六月內知州張一舉陞任之後缺人廢事至今而新任知州薛同術因其妻故送柩還鄉中途患病又兼地方寒苦不願赴任見今移文十分停閣况賑濟饑民缺官委用呈乞速賜題

請就近推補賢能官員星馳到任以濟事艱等因到

臣臣會同巡按山東監察御史王國弼議照遼東一鎮原設文職不多一切差委勘事查盤審編等項動輒乏人故本鎮安樂自在二州官員雖係拊轄土達遷民衙門無腹裏詞訟錢糧之

額司馬奏議

卷之四

二八

三百六

繁然每委之分理邊務需用甚急即使日不缺人尚苦委用不敷况屬賑濟災民急欲得人料理今新陞知州薛同術呈稱患病不能赴任既經該道呈報前來相應題

請如蒙

勅下吏部再加查議將新陞安樂州知州薛同術俯從致仕所遺員缺即選附近強壯才幹官員推補令其作速前來到任庶邊方分理得人而賑濟有賴矣為此具本謹題請

旨

憲臣患病不能供職

題為兵備憲臣患病不能供職事據分巡遼海東寧道兼理廣寧等處兵備山東按察司副使鮑希顏呈蒙臣批呈依蒙行據代廣寧通判事都事劉一貫呈行准寧遠衛掌印指揮楊景嵩手本回稱行據本衛醫學署印醫生李世弼申稱去年十一月內蒙寧前兵備劉參政喚令本生診驗委因痢疾過服涼藥致傷脾胃病證用藥調治至今未可取具印結回復到職備由轉報到道看得寧前兵備劉參政端亮庶靜沉毅恢

額司馬奏議

卷之四

二九

三百七

宏當衝邊備極勦禦強夷尤多勲伐祇緣神思過勞是以感成痢疾先已具呈乞休蒙本院批留在任調理經今半載餘矣前疾愈加沉重以此懇切辭歸若遽令休致深為可惜呈乞俯賜查為題

請令其痊可起用或量移腹裏地方則四載勤勞庶不隳於一旦而往者既錄則將來者益有所勸矣等因到臣據此案照萬曆十四年十一月內先據整飭寧前兵備山東布政使司右參政劉易從呈為危病難痊不能供職懇乞轉

題容令休致事職於本年八月感患痢病時因夏
月霖雨坍塌城垣數多秋防傳報甚急地方可
憂寢卧不安扶病幹理又過服寒涼之劑以致
一痢纏綿四十餘日脾胃既傷中氣復損兩月
來飲食不化日減一日用藥消導益加痞滿今
形體已羸精神昏惰舉筆健忘遇事顛倒自度
疾勢必無就痊之期任係衝邊又非卧治之地
倘至誤事死不足贖伏乞題

請放歸等因該臣批寧前極衝極危之地遼左各道
之難無過於此該道苦心三年矣地方正切倚
賴且掄才者當有優處以昭公道今安得以旦
日小恙求去邊臣有此動舉恐人疑以為避難
矣本院何可輕率具

題也該道量之仰即安心視事毋動他念反自焦
勞也此繳萬曆十五年三月二十日又據參政
劉易從具呈前情案候間本年四月十六日又
據本官呈稱前疾調理今經四月餘百方治療
不惟無效反益加重胃腹痞滿脇肋脹痛痰火
上攻頭目眩暈少涉思慮心輒如刺怔忡潮熱
口舌乾裂即數夜不能寐因是案牘停閣諸務

皆廢不謂又於今月初十日忽然昏仆在地汗
出如水家人扶掖半晌方醒頭痛愈甚疾吐不
止自度疾勢日覺深沉若不再為具呈急求休
致職一人骸骨奚足計誠恐瘵曠日久政務盡
弛轉暇秋防誤事非細伏乞蚤為題

請容令休致等因已經批仰分巡道查勘去後今據
前因臣會同總督薊遼保定等處軍務兼理糧
餉都察院右都御史兼兵部右侍郎張

按山東監察御史王國弼議照寧前為遼左咽
喉之地地窄邊衝兵單虜近遼處其難而寧前
處遼之最難自人情視之若一日不可居其地
者也參政劉易從在任且及四年業官有如一
日覈軍實嚴脩守鼓舞將領拊楮士卒實心實

政任怨任勞使孤軍稱雄於塞上而狡虜素憚
其威名且其誠心應物不伎不求報得失則主
於不欺處功名則甘於恬退不紛華以趨時尚
簡靜而敦古才既若彼而品又如此此臣素所
心服而推讓者也夫以寧前之孤危方且倚之
以為安而以臣材之駕下尤當引之以自助臣
又安忍聽其言去也顧其病勢纏綿旦夕難愈

真有其所陳者蓋邊地積勞精神內損則其受病之原是以不得已而屢有乞休之請也今既該分巡道副使鮑希顏勘明委非假託相應代為題

請但本官勞未盡酬才堪大用若竟聽其去殊為可惜伏乞

勅下該部查議將參政劉易從准令回籍調理病痊之日聽原籍撫按官具

奏起用則掄才者當必為

國家憐才而始終成就之矣為此具本謹題請

顧司馬奏議

卷之四

三二

一百四十九

旨

寧遠缺備禦

題為缺官事據整飭寧前兵備山東布政使司右參政劉易從呈萬曆十四年十二月二十二日據寧遠備禦中軍百戶劉印稟稱備禦楊四維於本月十七日得患腫頸病證至二十二日丑時身故情由到道除批義兵千總王宗堯速赴寧遠中左所暫代備禦事務外照得該所地要邊衝備禦不可久缺呈乞題

顧司馬奏議

卷之四

三三

三百一

兼兵部右侍郎王 巡按山東監察御史王 駙議照寧遠備禦駐劄塔山中左所乃近邊極衝之地四時皆防之區今備禦楊四維病故所據員缺相應亟補查得寧遠衛都指揮僉事葛逢夏戰陣屢經矢志無忘橫草勇敢足任引弓可命穿楊寧遠衛指揮僉事王宗堯年茂而狀貌魁偉志銳而才略老成氣欲吞胡射能貫甲以上二員俱堪陞補寧遠備禦伏乞 勅下兵部再加查議將前項員缺即以葛逢夏等酌量推補庶衝邊得人而保障有賴矣為此具本

謹題請

旨

顧司馬奏議

卷之四

三十四

十五

冲菴顧先生撫遼奏議卷之五

通州 益卿顧養謙著

疏

議處遼鎮兵餉 圖說附

題為極危孤鎮邊長虜眾兵寡餉薄恭

進圖說懇乞

聖明御覽

特賜宸斷以遺久安事竊惟禦虜之策惟戰與守而

已其機在知彼知己其本在足兵足食未有兵

食不足而可以審彼已之機者也未有兵食不

足不可以審彼已而可以談戰守之策者也臣

自奉

命撫遼待罪行間者且一年所矣中間賴將士之力

雖有一二出塞之功不敢遂用為喜而憂思轉

深則以遼左處勢之危真有若累卵然者未可

以一二戰取勝而高枕也臣乃會同總督薊遼

保定等處軍務兼理糧餉都察院右都御史兼

兵部右侍郎王 巡按山東監察御史王國

弼日夜與大帥及司道諸臣辨地形偵虜勢核

軍實計資糧而知遼事之難其大勢有四則邊

長虜衆兵寡餉薄是也夫遼西起山海東盡寬莫延袤二千餘里而三岔河中流入海分遼地為河東西河東西之間舊遼陽之南廣可四百里入內地可三百五十里為虜畜牧往來之地而我則紆迴夾河為塞以守蓋二千餘里之間無險可恃無障可乘無處不可入犯雖有城堡相去動數十里而遠有警則藉營兵分防猶然不足雖有墩臺不過瞭望軍丁數人傳報烽火而已雖有壕塹踧之可頽而填也零賊往往疾馳出入若飄風驟雨不可為備何況大虜蓋自

顧司馬奏議

卷之五

二

三

山海以西恃天險修守稱腹裏一出關門若置遼地於度外矣遼實無邊也臣故不得已而曰邊長直寧前錦義有朵顏衛諸酋之虜直廣寧遼瀋有泰寧衛諸酋之虜直開原有福餘衛諸酋之虜三衛之虜合之可十餘萬騎小掠則各有分地大舉則聚衆於兩河之間或聲東擊西或東西並犯自山海以東直抵開原小大城堡無不擊刁斗戒嚴而三衛之酋北合土蠻西合青酋則其勢愈大殆不下百萬騎矣蓋九邊以貢市撫守並得羈縻制禦之策而西虜北虜與三

衛之虜無不東向而甘心於遼虜譬則黃河之水諸邊譬則堤防而以遼為壑也此遼之所以獨當其難而受害獨甚也凡此皆韃靼部也開原之東則有海西酋王台之子率其衆萬餘騎牧近邊至今賴以明耳目而為我藩籬其東南撫順靉陽寬奠之間則有建州之虜可三萬餘衆陽若順而陰為賊然多步少騎勢不與三衛西北諸酋合而為患小此皆女直之遺種所謂東夷者也以全遼而言東備東夷而西苦三衛西北之虜置東夷勿論即三衛西北之虜稱百

顧司馬奏議

卷之五

三

三

萬矣臣故曰虜衆計全遼馬步官軍舊額之數凡十一萬五千四百六十一員名內驛遞軍九千六百餘名及歷年兵荒逃故官軍一萬六千二百一十四員名實在止八萬九千六百餘員名而中間步居十四有馬稱騎者止五萬一千九百餘耳中惟大將所統萬衆稱強次寧前兵又次河東兵其三萬餘皆廝養傭奴也即舉全遼之士一當大虜業無不以一當十矣而况散之於二千餘里之間二十二城一百五堡十四驛之內無所不守無所不分無所不寡乎廣寧

鎮城撫鎮二臣及督餉分巡諸臣之所居全遼倚為重者也官兵止一萬四千二百有奇耳騎僅萬餘聞警則分防於六城二十七堡六驛之內急則東西應援奔走兩河之間無事則發邊工作一歲之中得解甲釋耒而還顧其家者大都不兩月耳遼兵視他鎮兵最苦而鎮城之兵其苦又最遼陽城者按臣及分守協守諸臣之所居也為河以東重地兵不滿五千騎強半聞警則分防於四城三十八堡二驛之內急則南援海州北援開原間亦工作寧前兵備與

顧司馬奏議

卷之五

四

三百六十八

一叅將提兵僅二千餘人騎十七居寧遠援五城二十一堡五驛而寧前一道去邊遠者不二十里近不十里勢最單危而工作苦開原兵備與一叅將提兵三千人騎強半居開原援四城十有九堡當遼地盡最孤苑馬寺居蓋州蓋州稱腹裏故無兵自嘉靖間虜乘冬月河水數大舉深入踰海蓋破熊岳堡掠復金以南海島間為禍甚烈蓋復之間始騷然議兵矣然不過取金復蓋三衛修邊之夫五千七百有奇更名土兵而以兩閑將統之春散而耕冬聚而防防蓋

復以南四城十二驛堡之地將不稟於部議兵不隸於尺籍餉不給於公帑至今徒有其名耳雖謂之無兵可也南衛在遼尚稱殷富其民居渙散虜知故道數垂涎而其城堡往往卑薄難於為守此最可憂其他叅遊凡十員分布河東西要害間提兵或二千有奇或不盈二千以守所分地不足守備禦各有專城之責者凡二十二員惟前屯城中左所兵皆千餘遼陽城西平堡皆近千其他多不過六七百人少僅二百人或僅足守其城或守其城不足而仰給於大

顧司馬奏議

卷之五

五

三百六十九

營至諸堡驛之兵多不過三四百人少至三四十人此其人第可供奔走備作耳不獨不能戰亦難於守其勢不得不分營兵以守此遼左兵馬之大較也臣往在薊時聞寧前有警嘗惟廣寧之兵不即西援而不知寧前近虜而遠廣寧倉卒勢不相及且彼亦各有分防非坐而視寧前急也正營兵寡而分防不及寧前也即遼師往往奇捷非以眾勝也則大帥仗皇上之威靈而善用寡用奇之故也非其勢均而力相敵也夫敵有以一師一軍與敵者有以一郡

國與敵者有舉

中國而與為敵者西北之虜自古舉

中國而與為敵者也前代無論自

國朝來財盡東南力盡西北事無有大於禦虜者

矣今諸邊修其堤防而遼為虜整欲以區區彈

丸之遼數萬之衆而敵自古及今以

中國與敵之虜也臣故曰兵寡乃若遼左軍餉之

薄蓋有從矣先年三衛屬夷為我藩籬北虜隔

在絕漠而斥堠遠東夷弱而効順遼人得深耕

沃土而米穀賤民間為市米一石值銀二錢五

領司馬奏議

卷之五

六

三十四

分故官給軍餉亦以銀二錢五分抵一石是時

外無虜憂內有恒業物產甚盛人民繁庶一人

應軍舉族為佐佐之貲財足給其父母妻子卒

歲而有餘是以軍無鋒敵死亡之慮徵調修守

之勞而有俯仰無累之樂人樂從軍而視月餉

猶之竒羨而非所急也故米一石領銀二錢五

分而足也自嘉靖二十五年屬夷合西北之虜

大舉入犯大得志以去其後大小入犯歲無寧

月為禍日深又水旱屬疫相仍人民殺虜死徙

十去七八田野荒萊米價騰湧軍伍凋耗生男

悉以應軍軍鮮次丁為佐而獨倚月餉月餉米

一石給銀二錢五分而銀二錢五分不足糴米

三斗以之資身不足終不能顧父母妻子矣是

以逃亡益衆而勾捕橫及之端無窮蓋三十年

來遼幾不可為矣

皇上御極以來兩

俞撫臣之

請漸加月餉已至四錢正兵營與各營家丁舊食雙

糧五錢者七千餘人已加至六錢五分近年遼

士漸有生氣而猶可支者

領司馬奏議

卷之五

七

三十五

皇上之

恩也諸將士咸願效死而屢有戰功者感

思而思以報也是

皇上全遼而遺有今日也使非漸加之餉則其困苦

流離又不知當作何狀矣而臣猶不免以餉為

言者則請為

皇上細陳之夫全遼之軍月餉率四錢歲賞率九錢

河西多事馬勞歲給料八月月給銀一錢八分

河東以虜不數犯稱次衝馬歲給料六月而皆

無草惟廣寧四衛老哨諸軍之馬料八月如河

西例而給草四月月給銀一錢五分此所謂主兵也主兵征調出百里外人馬得支行糧日三分而遇賊對敵者全支遠戍者半支或以乏餉則不與矣凡曰家丁者勁卒之稱也主將欲得其死力而親厚之如其家之人者曰頭目者率衆而勇敢登先者也正兵管及各營家丁頭目共七千一百四十八名每名月支主兵糧銀六錢五分客兵馬料銀六錢五分一人一馬月支銀一兩三錢征調出百里外人得支行糧日一分五釐或半支或不與而馬則不復有行料

矣外自錦義及河以東調入大營合操者謂之選鋒軍糧賞各於其衛如例支主兵餉而以遠調故人馬月支行糧料草銀九錢併月餉亦一兩三錢征調雖適千里無行糧此所謂客兵也而廣寧四衛軍亦有選克家丁者謂之軍家丁以其為主兵也糧賞各如例從其衛而馬料草亦從河西馬例不得多墩軍夜不收處極衝或出入虜地旦暮死生不可測者凡四千三百九十餘名月餉止五錢賞如例其次衝者二千四百二十餘名糧賞悉與諸軍等並以主兵餉給

之然先是以兵部歲發馬價銀五萬兩不足買補陣失倒死馬匹而扣全遼兵馬糧料十分之一凡六萬七千八百七十五兩買補槽下倒死之馬謂之朋銀則家丁頭目除扣朋銀外月實領銀一兩一錢七分人馬各得銀五錢八分五釐耳選鋒軍除正糧外月實領行糧八錢一分人馬各得銀四錢五釐耳諸月餉四錢者實止領銀三錢六分馬料一錢八分者實止銀一錢六分二釐馬草一錢五分者實止銀一錢三分五釐而給料八月六月者其餘月分皆無料草

矣此遼左主客兵馬糧芻之大較也今以遼左糧芻計之歲登米賤一石價可四五錢稍貴可六七錢家丁月餉五錢八分五釐止足糴米一石或一石五斗而邊人善食每盡一升即儉而日盡一升有父母妻子五口之家止足供二十日或一月之食而魚鹽蔬菜之費薪水之勞不與馬若歲歉米貴一石價輒一兩月餉五錢八分尚不足三口之家一月之食而况少而為三錢六分者乎遼左馬最勞而正營之馬特甚人倚馬為命飼之不得不勤一日一夜非豆三

升草三束不飽不可以騁官驗其飼馬法甚峻而豆三升草三束賤則價止三分貴則常至五分是飼馬一月九錢尚恐不給家丁之五錢八分五釐豈所以飼戰馬而况減而為四錢五釐又減而為一錢六分二釐一錢三分五釐者乎又益減而為止支料八月六月者乎臣初出關時見帶甲護行之士皆取潢汙之水和麥麩而啜之以充饑渴而馬則不廢芻豆為之墮淚及抵鎮城詢之全遼之士皆然以為固常而淚不勝其墮矣查得南直隸浙江閩廣之間自兵

顧司馬奏議

卷之五

十

三十三

興以來月餉皆以九錢夫彼皆米穀布縷魚鹽所從出之鄉猶必餉以九錢而始足薊鎮南兵則以遠戍而厚招之月餉以一兩五錢不一兩五錢亦不足其招募步兵密雲灤陽漢莊凡三營九千人者月餉皆一兩軍餉上半年折色七錢下半年四錢五分馬料折色或八錢或四錢宣大軍餉沿邊八錢腹裏亦七錢其馬料折支亦至八錢七錢五月六月仍有貼料銀三錢緣先年宣大虜患頻仍軍士苦戰故養之為獨厚今遼左虜患甚於先年之宣大乃月餉止及其

半而飼馬不及兩鎮四分之一是遼兵之苦視諸鎮獨甚而其餉視諸鎮為獨薄也臣故曰餉薄然邊長矣而二千餘里之間又無險可修而守即薊鎮恃天險修守計二千里之內天險十七當修者才十三耳而發

內帑之財悉主客之兵十八九年之間修所當修者曾不能十二三蓋其難也若遼則二千里平坡沙磧之間又河流漫漶欲修何從也不獨詘於財力妨於虜警而圖其所不成是猶驅石而填海也臣故不敢議修邊宣大以西虜皆款

顧司馬奏議

卷之五

十一

三十九

貢故撫賞互市有厚利以結其心得勝筭而虜不敢叛薊鎮虜皆屬夷撫賞如故外有重險內有重兵虜勢盛而虜不敢窺然其納貢乞賞入市也各有分地分虜邊臣得制之故歲費各有額而不得過若遼則既無重險厚利如諸邊而虜之眾則熾也而以賞招之是招寇也勢必不飽不飽必滋禍是猶委肉而當餓虎之蹊也臣故不敢議撫虜至於兵而稱寡其當增也明矣先是督臣亦嘗議全遼增兵一萬一千歲增糧賞銀七萬五千九百兩馬價二十二

兩矣而不報今方欲為全遼加餉請而又欲加增兵之餉至七萬五千九百兩恐不能並得之主計之臣且不敢議增兵夫與其益眾而不飽也不如飽其寡之可以有為與其眾而不飽之易於逃亡也不如飽其不逃者以為招來之地則餉之薄也遼左今日之急急於然眉臣實不得已而議加餉方欲畫圖貼說間隨准兵部咨為遵奉

聖諭陳言政要以備

采擇事諫本部題稱

顧司馬奏議

卷之五

十二

三八

內閣輔臣傳奉

聖諭朕見連日天氣昏濁塵霾蔽空又覽臺官所奏主百姓流離朕甚憂惶驚懼書云民惟邦本本固邦寧又云民無常懷懷於有仁古人之言甚有裨於為治君民一體憂樂相關其害甚大惟今之政固善亦有妨害民生者不少著各諫有司明白條具奏請定奪庶以仰回天意以遂民生朕與卿等共享太平之治卿等傳示知悉欽此諫本部謹以職掌所關者推廣

德意條列奏

聞等因奉

聖旨卿等所奏有裨戎政邊務遼鎮兵餉著會同戶部議擬來說其餘俱依議行卿等務奉公率屬

以回

天意欽此欽遵備咨前來煩照本部題奉

明旨內事理欽遵查照施行計開一議兵餉以保危

鎮內稱遼東一鎮乃薊門之藩籬也遼危則薊受其敵密邇

陵京關係尤重先年虜不內侵人得耕種糧銀雖薄

米價甚賤可以度日數年以來虜犯無時人少

顧司馬奏議

卷之五

十三

三九

田荒節粟

湛恩汪濊漸加至四錢矣又以戰馬無措內除五分為朋銀是每軍每月僅得三錢五分耳米價騰湧饗餐不飽又安望得其懽心而令之出死力耶伏望

皇上軫念地方之孤危憐憫軍士之忠勇且如連年禦虜萬死一生是征戰較之各鎮獨當其難而糧餉較之各鎮反從其薄固是相沿舊制亦宜破格議處合無仍行諫鎮督撫巡按衙門詳議具奏

勅下戶部從長酌議量行增加至於朋銀應否扣除
本部通候議定之日另行酌處臣等言及至此
非不知

帑藏日詘主計甚難乃敢忘體

國之心以昧同舟之義但遼左之急危如累碁而
臣等之心欲治未病若窮苦日蹙士不用命萬
一全遼不守即

皇上傾

帑藏而救之無益矣等因到臣又據整飭金復海

蓋兵備管苑馬寺卿事山東布政使司右叅政

顧司馬表議

卷之五

十四

三百十六

郝杰呈為乞賜議添將領以重責成事查萬

曆七年該先任巡撫周都御史會議將金復蓋

修邊夫一萬二千丁內摘撥六千改充土兵原

編銀力二差俱准開豁令其三時務農一冬團

練每年十月初調集次年二月內遣散而以閑

住將領二員分統之一在蓋州一在復州諸訓

練防禦貼守事宜非不責之專也但土兵乃烏

合之衆而閑將非見任之官法令難行教練鮮

實不過資役使充虛名耳夫習已因循之火而

人無綢繆之謀虜有垂涎之心而我無扼吭之

策萬一南逞誤事非輕今查得海州雖設叅將

一員而去金復甚遠調度難周金州雖設守備

一員而兵馬全無將何展布且海州叅將有兵

三千尚不敷分貼况金復之無兵乎夫兵家之

道戰守二端今守無高堅之城戰無精銳之卒

可不為之寒心哉合無於復州添設叅將一員

蓋州添設備禦一員專責訓練其營司兵馬冊

查金州見在土兵一千五百餘名復州一千二

百名共二千七百餘名復州除見在一千二百

名外再將金州撥補八百名以足二千之數內

顧司馬表議

卷之五

十五

三百十七

摘定有馬一千步軍一千隸將官訓練金州七

百名仍聽守備訓練而永寧監石河藥古等城

堡如遇有警即叅將督率金州守備分貼防守

蓋州土兵三千名內選一千名摘定有馬三百

步軍七百屬備禦訓練而熊岳岫巖等處如遇

有警即聽海州叅將督率備禦分貼防守其餘

土兵二千名輪班應軍一年一更上班者在營

常操下班者照常防冬事寧歸業金州者屬復

州將領節制蓋州者屬海州將領節制其中軍

千把總等官即於兩衛選用庶統有主將則號

令自齊隸有操司則訓練自實分有信地則修
 守自專虜若南向首尾聯絡主兵可以固守客
 兵可以應援此保障南衛之一策也失今不行
 亟處恐別無善後之策矣及查金州營堡見在
 食糧軍士頭目共一千七百一十五名內除全
 支糧賞頭目七十名不議外有支半糧半賞軍
 士一千六百四十五名先年每名月支本色米
 五斗計美抵折色銀止該一錢二分五釐季支
 賞布半疋止折放穀六斗一升八合七勺五抄
 計抵折色銀一錢叁釐一毫二絲五忽與各城
 堡軍士每名月支折色銀四錢者相去遠甚似
 應量增以養士氣欲加給本色但查軍有增補
 倉無積餘每年坐放官吏旗軍糧料俸賞尚不
 敷用焉能加給軍士耶合無將前項軍士每名
 每月加支折色糧銀一錢二分五釐通前共二
 錢五分每季加支折色賞銀一錢三釐一毫二
 絲五忽通前共二錢六釐二毫五絲計筭一年
 每軍該加銀一兩九錢一分二釐五毫共銀三
 千一百四十六兩六分二釐五毫再照土兵既
 改額軍糧料亦應議給每名月支折色糧銀二

顧司馬奏議 卷之五 十六 三十七

冲庵顧先生撫遼奏議 卷五

錢五分季支賞銀二錢六釐二毫五絲冬季又
 該花銀七分五釐計筭一年每軍該銀三兩九
 錢計三千七百名共該銀一萬四千四百三十
 兩馬一千三百匹除四衛原無草束每年每匹
 該料六箇月該銀一兩八分共該銀一千四百
 四兩與金州營堡加增總計糧賞馬料通共該
 銀一萬八千九百八十兩六分二釐五毫相應
 增入年例數內其各軍騎操馬匹即於
 貢夷及未寧監孳牧馬內陸續俵給火器於官局
 製造給領盔甲弓箭刀槍除見在外不敷者於
 庫貯不堪數內改造給領止恐糧料當增年例
 戶部不肯輕增然而南衛廢弛已甚勢如累碁
 若不破格早圖終成畫餅此職所以日夜籌心
 而不敢不以請者伏乞念全遼根本之地為桑
 土未雨之謀早為題
 請則南衛有保障之望而東虜絕窺伺之心等因到
 臣據此臣復會同總督右都御史王 巡按
 御史王國弼議照遼左之困其來久矣其處勢
 之難至於今極矣今諸邊宴然而遼左獨戰夾
 河二千餘里之間無險可守而無處不守諸邊

顧司馬奏議 卷之五 十七 三十七

一一五九

皆春秋兩防而遼左四時無日夜不防虜衆動以數十萬計而我兵無不一當百財與力公私並困而城堡墩壕臺圍無一日不修諸邊餉視遼皆以倍遼視諸邊曾不能半而獨處其薄是以遼左士馬最勞且苦而鎮城之兵為尤甚然感

皇上之

恩守官府之法遵將帥之令自臣所目擊屢出塞獲捷以還則赴邊工作河東有急則又奔防於河東甫來還則又分防於錦義寧前之間而不以為勞部餉每以預借故不時至自冬徂春凡三四月不得餉至賣衣裳鬻子女寧枵腹以待而不以為怨臣以為遼左將士人人皆忠臣也每為之感念泣下矣

皇上每往返

山陵則

念昌平小民蠲其租護從軍士加之賞頃見風霾異常則

念百姓之流離今軍士困苦百姓流離宜莫有過於遼左

皇上若親視其狀而

憐其忠又不知

軫念當何如者是遼人之困

皇上有必

仁之心而臣不以其狀

聞者是不能將順

皇上之美而負邊疆之託也臣不敢也今照兵部所

陳大都謂遼餉既薄而以扣朋銀故益薄餉當

議加而朋銀當酌處叅政郝杰所議大都欲設

將練兵而稍加之餉以防南衛虜所垂涎之地

而保遼左之腹心然加餉議朋之必不容已者

非獨恤軍兵也實以培全遼之元氣也臣請以

全遼受病之狀畧而言之軍士以餉薄不能生

活則多逃逃則不得不捕捕而得之則不得不

治以軍法臣固知逃之非得已也然法廢則逃

益衆故每蹙額而治以軍法捕之不得則不得

不勾其餘丁丁盡而無從勾補則不得不橫及

他姓而擾害之端益無窮矣家丁原非額軍而

以餉招之來者也餉薄而不足以招之不得不

顧司馬奏議

卷之五

十八

二百五

顧司馬奏議

卷之五

一九

二九三

貪報而簿籍之其在河東者以道遠故與為期
期二年滿聽其攀報而更番之而所攀報之人
若赴死地往往傾其家求脫或自斷其手足至
死不肯應年復一年展轉攀報而河以東殷實
有力之戶殆蕭然矣所以不能遽變此法者以
為不如此不足以繫在營家丁之心而用之也
然至於今極矣而其怨獨歸於鎮臣不知先年
以地方多事撫鎮二臣不得已會議行之亦不
知其流弊之至於此也今家丁必不可廢而攀
報又為大害欲已攀報則厚養家丁不可不亟

顧司馬奏議

卷之五

二十

三十一

為之圖也遼左終歲征調馬日夜不得休死傷
多而地產少故馬貴貴於關西十之四其值幾
三十金乃得一戰馬次則二十金少亦十五六
金以見在五萬二千馬計之歲每死傷十二三
不啻萬馬故部發馬價五萬兩不足而扣朋銀
六萬七千八百餘兩佐之然官給之價家丁馬
二十兩選鋒軍十八兩隨征老哨與河東西各
營馬或十五六兩或十二兩少至十兩遼左馬
價至十兩者不堪隨操矣何復言戰然自家丁
以下人馬並相依為命不得不市良馬馬不良

不中驗故官所給價復不足而私益之遼人謂
之稍銀稍銀多至十餘金少亦數金已累及其
族而猶可忍近以兵部加發馬價二萬兩免扣
朋銀而槽下倒死之馬悉責軍士買補夫先是
部發銀伍萬兩加之朋銀六萬七千八百兩有
奇共十一萬七千八百兩有奇官給之不足而
私猶有稍銀今部加銀二萬兩總之不過七萬
兩視扣朋銀尚少銀四萬七千八百餘兩而欲
以責之困苦之士也豈可得乎行之一年而軍
士與其族人並鬻其妻子而不足以供一馬
者矣此凡有馬者之所寒心也夫軍逃則有勾
補之害家丁則有攀報之害買馬則有賠累之
害此其為害皆次骨行之不止是不待虜而自
盡之術也求其策則戶部加之軍餉如臣今之
所

顧司馬奏議

卷之五

二十一

三十二

請兵部加之馬價如遼向之所朋則害皆可去全遼
之元氣可漸復而戰守彼已之機宜可籍箸而
談矣

皇上念遼大臣體

國豈忍惜此小費而忘二千里封疆之大計哉至

於蓋復間設將練兵則以時異勢殊更有所不容已者今參政郝杰之所議餉不過舉先年二錢五分之例而尚不敢比於今之四錢蓋以南衛視諸衛邊為有間且知所從出之難故不敢與諸軍槩而議加餉也然諸軍之餉亦未可以槩而加也廣寧家丁最勞苦而功最多月餉不敢比薊鎮南兵之一兩五錢亦不敢比募兵之一兩而願比之浙直之九錢不九錢必不足以養戰士馬料草不九錢亦必不足飼戰馬人馬月加銀五錢而免攀報有老病物故者自可招

領司馬奏議

卷之五

二十二

三

而補之每名歲加銀六兩計見在併逃故應補之數共四千五百名歲應加銀二萬七千兩選鋒軍四千名功勞與家丁等以其得踐更也人馬月加銀三錢歲應加銀一萬四千四百兩其餘全鎮見在併逃故應補之數共九萬餘非不勞苦也顧不敢多請以難計臣每名月止加銀一錢止得月餉五錢耳歲應加銀十萬八千兩南衛歲加練兵糧賞馬料銀一萬八千九百八十兩通共該銀一十六萬八千三百八十兩應發之戶部馬價則除部

發銀七萬兩外尚少朋銀四萬七千八百餘兩之數應發之兵部使二部發之不能盡如其數則遼左之困猶未可盡蘇也謹具圖說一冊恭進伏乞

聖明睿覽念此極危孤鎮

勅下戶兵二部再加查議如果臣等所

請不謬如數

題覆及將蓋復間添將事宜一併查議更望

皇上獨斷加惠全遼以遺久安全遼幸甚臣等幸甚

再照邊臣之籌邊則重安危計臣之主計則量

領司馬奏議

卷之五

二十三

三

出入各緣職以效其忠而要之皆

國事也其當同心體

國也明矣往見邊臣有所

請而不得輒以為計臣吝而不知主計之難則邊臣

過也計臣不念邊臣之苦而輒以危言議其後

且以為妄也計臣亦過然主計之難誠莫有過

於今日矣驟而加遼餉以十有六萬而欲其歲

常繼也豈不難之又難哉不別出一策而徒斤

斤守尺寸而較錙銖也遼終不能盡得之太倉

矣查得增發馬價二萬兩而免扣朋銀者蓋由

給事中張希臯增餉之請也曾奉

旨欲將薊遼兩鎮錢糧通融酌處矣臣先為薊州道副使頗知其詳即薊州一道所轄中協一區餉蓋至六十三萬矣遼餉不過四十六萬以全遼之餉不能比薊之一區其為薄可知矣然萬曆十二年屬臣任內稽核樽節省中協餉至七萬兩密雲永平二道所省亦各以萬計總之可十餘萬兩臣嘗議薊鎮衝邊之臺止用南兵五人每新增一臺輒分舊臺之兵以守而不復增兵臺愈多則兵愈寡不足以守非計也所不復增

顧司馬奏議

卷之五

二十四

三、五十五

兵者徒以餉難再加耳不知舉全薊而言歲增臺不過二三十座增兵不過百五十人費餉不過二千餘兩即歲增臺百座不過增兵五百人費餉九千兩以薊鎮一年之所省足以供十年增百臺之餉而有餘而况十年之間其所省又不知當幾何也又何必請益於額餉之外也今若仍遵

前旨通融似應以薊之所省計臺增兵給餉先足薊而後以其餘者濟遼之急或可得其半此一策也而不可常恃也夫主計大臣必有遠大之畫

以生全遼人而仰慰

皇上之

至念臣愚不知大計本非臣之所得言而以遼左之勢誠急萬不得已仰

天而呼故復陳此以備下體之採焉若馬價之增發則先是督臣嘗有增馬價二十二萬之議矣今之本兵大臣即前日之督臣也前之所議既如彼而今之所陳又如此其於遼蓋有深憂矣增馬價如朋銀之數而免扣餉必有處也而無容臣之喋喋為也緣係極危孤鎮邊長虜眾兵寡餉薄恭

顧司馬奏議

卷之五

二十五

二十九

進圖說懇乞

聖明御覽

特賜宸斷以遺久安事理未敢擅便為此具本謹題請

旨

冲菴顧先生撫遼奏議卷之六

通州 益卿顧養謙著

疏

全鎮圖說

圖式

一全遼大勢河東屬分守開原苑馬寺三道地廣而人稍多河西屬分巡寧前二道地窄而人亦少河東地勢陔靡而處東北河西地勢却縮而處西南舊為圖者第以河為界而地形則東西相對者非今

顧司馬奏議

卷之六

二百四十八

改正

一總圖內河東西地形皆正向河西自山海至錦義以西北為邊廣寧城以正北為邊自廣寧鎮遠堡綠河而南至西寧堡以東為邊河東自海州東勝堡綠河而北歷遼瀋至開原鎮西堡以西為邊開原城以北為邊自開原至寬奠以南抵鴨綠江以東為邊

一總圖內城堡驛鋪馬市各有識凡堡驛鋪市皆方而扁不扁不能容其墩臺不能悉

載載其畧在分圖

一分圖則順邊為圖不復拘東西南北至開原盡其東向者為正北南向者為正東象地形宛轉明遼地盡也

一圖內青者為山綠者為水巨浸者為海連海而界朝鮮者為江屈曲而相通者為河瀦者為湖紅細而逶迤者為路方而大者為鎮城其次為衛次為所為堡又次為驛最小者為鋪圓而高者為墩為臺起山海架山疊石為險而工未竟者為

顧司馬奏議

卷之六

二

二百六十五

大邊墻連大墻而東竟全遼之地勢低而色黃者為土邊墻自廣寧東一水橫斜踰三岔河屬東昌堡而止者為路河綠路河而黃者為堤堤高七八尺邊外如舍宇色雜而連絡布散於山谷之間者為虜帳諸各有識各象其形而城堡驛鋪之內各識其官軍之舊額墩臺道里之大都

貢市

一外夷

貢道凡四朝鮮陪臣渡鴨綠江由江沿湯站入建州諸衛夷由撫順關入海西塔魯木衛諸夷由開原鎮北關入海西塔山衛諸夷由廣順關入

一諸夷馬市凡三其一在廣寧鎮靜堡鎮遠關朶顏三衛諸夷入市一在開原鎮北堡鎮北關一在開原慶雲堡新安關並海西諸夷入市市之馬牛皆有稅其酋長有小賞賞以段布酒肉之類取諸稅而足然亦有額不得過不費官帑而頗資其馬為用非如諸邊之撫賞馬市也

海道

一遼故航海屬山東自金州旅順口達登州新河關計水程五百五十里而海中島嶼相望遠不過百餘里近數十里可泊舟避風濤故道具在海邊居人能屈指而計也先是諸生應試悉赴山東山東亦歲運花布給遼卒而貨財相通豐歉相濟遼人登人兩利之後以遼左亡命逃入海島中漸眾而數為盜又藏匿遼左

顧司馬奏議

卷之六

三

二百九十

逃亡卒或殺之海中為害日甚撫臣奉命設策悉招降其眾散之金復間使復其業焚燒島

中屋廬鑿舟塞井而沉其器具於海海患平而設禁禁海不得通登遼遂絕自萬曆二年迄今凡十有三年矣每歲九月撫臣令金州守備稍發舟師搜島燒荒以為常夫當時海島甫平不得不嚴海禁今宜搜島燒荒如故事禁奸人不得居島中而弛海禁使登遼相通有無緩急豐歉相濟則濟邊之急務也第其立法宜慎耳

路河

一自廣寧東二十里至海州東昌堡凡一百七十里緣路濬河謂之路河其來舊矣初海運由路河直達廣寧外禦虜馬內洩瀦水而達於海軍民賴焉後海運罷而河漸湮嘉靖四年撫臣張連䟽請濬之四十二年撫臣王之誥復請修之隆慶元年撫臣魏學曾又請大修之增築河堤高廣畫一人馬通行其上而河

顧司馬奏議

卷之六

四

三百十三

外護之稱便迄今凡二十年矣堤日頽河日湮虜得乘隙入居人行旅皆患之而內水無所洩輒潴為湖地不可耕軍民無所給食久雨則斷炊烟而人皆魚鱉如是者已五六年矣今宜大䟽築之使遼陽之粟得達於廣寧而導其支流別出以入於海乃可外禦而內耕也

舊遼陽

一遼陽舊城在遼外廣寧開原之間自廣寧出邊取道東北行可二百里至舊遼陽舊

顧司馬奏議

卷之六

五

二九三

遼陽東北行可三百里至開原自舊遼陽東南行入兩河之間可三百五十里地故肥饒漢唐間屬

中國然或得或失宋陷於遼金

國朝夾河為塞以守自廣寧至開原紆迴七百里而虜牧其中馬肥則逞東北犯開原東南犯廣寧中犯遼陽海州兩河城堡處處受敵且從遼海間可南犯南衛我兵疲於奔命虜處其逸我處其勞虜居其利我居其害此遼左腹心之害也談邊

顧司馬奏議

卷之六

六

三〇

事者每抗顏而曰遼左之務無急於復舊遼陽且謂廣寧由舊遼陽達開原止三百里而緣河紆迴行至開原八百里以八百里之守守三百里其難易得失較然矣而外驅腹心之虜內據肥美之地東西蔽兩河而南蔽南衛筭之上者也此誠美談也則人人能言之也而不知廣寧經舊遼陽至開原或言四百八十里或言五百里則非三百里明矣即今紆迴行亦不過七百里以七百里之守守五百里亦不可謂不便而中間城堡驛鋪墩臺工作並舉夫役非十餘萬眾不可防護官軍非十餘萬眾不可所費

帑金非六七十萬不可其告成功非六七年不可而固知虜之所必爭也其每秋冬大舉而來也又安必我兵之勝負而晏然版築耶盡全遼之兵且不足以護版築則二千餘里之間將盡置之不防耶抑借兵於他鎮而給耶此其勢誠難矣先任

撫臣張學顏與鎮守總兵官李成梁嘗因閱邊侍郎汪道昆固邊疆之條而議之詳矣臣等今不敢輕議也俟善養士卒相機擊虜於兩河之間虜數失利去視此地為害而棄之不顧乃可漸圖之也而未易言也

邊長

一西自山海東至江沿邊長二千二百一十八里

一萬曆元年遼鎮建議奉

顧司馬奏議

卷之六

七

御二百八十二

旨修築寧前大邊臺牆凡六年自錐子山臺起至管家衝臺止修完牆凡七十里臺凡二十六座以工大力詘巡按御史趙允升題允罷役連大牆而東直抵江沿凡二千餘里之間皆有壕牆為邊壕深廣不盈丈牆高或盈丈或不盈丈而土多沙磧牆善頽頽則塞壕零賊往往乘間入大虜益難禦而不得不修修之者以大虜入必先毀牆塞壕可少緩其衝突以便屯民趨避也此則遼之邊也與無邊同非如薊之峻

鎮重關高牆大臺之險南北軍兵之衆可據而守也

一寧前道所屬自鐵場堡錐子山臺至椴木衝堡安靜臺邊長三百八里每十里或二十里一堡凡二十一堡每二三里一臺凡二百六十三臺臺軍多者四五名少者二三名以下各道皆然

一分巡道所屬自大興堡新徐家山臺至西寧堡西寧臺邊長五百三十六里或二十里或六七十里一堡凡二十二堡或

二三里一臺凡四百四十四臺

一苑馬寺所屬自東昌堡鎮河臺至東勝堡一堵牆墩邊長四十五里凡二堡三十二臺

一分守道所屬西邊自長靜堡夾河臺至十方寺死魚湖臺長三百五里每二三十里一堡凡一十一堡每二三里一臺凡一百五十六臺

一開原道所屬自西邊丁字泊堡夏塔兒南空臺至東邊三岔兒堡小河口臺共長四

顧司馬奏議

卷之六

八

御二百八十三

百九十里每二三十里一堡凡一十九堡每二三里一臺凡二百一十五臺

一分守道所屬東邊自會安堡河口臺至長奠堡江沿臺長五百三十四里或二三十里或四五十里一堡凡一十五堡或二三里或四五里一臺凡一百五十九臺

虜眾

北虜韃靼部

一直前屯有猱兔板峇兒兀六伯戶孛只塔補汪打敗阿主戶等酋約一萬五六千騎

顧司馬奏議

卷之六

九

三百

在地名塩場迤北游牧離邊二百餘里

土魯赤我苦倫塔補汪噶亥滿堵孛來等酋約二萬五六千騎在地名哈老兀

速游牧離邊三百餘里歲勾西虜犯遼一直寧前有董會阿只孛羅忽禿罕孛羅大等

酋約八千餘騎在寧遠迤北地名土兒根游牧離邊二百餘里專難哈刺恩得

孛來堵戶莽巾班卜刺等酋約三萬餘騎在地名可可火屯游牧東西聯絡往

來構結離邊三百餘里歲勾西虜犯遼

一直錦義有杜勞亥歹青宰桑花台吉逞急兒

把敗等酋約二萬二千騎在地名卜

刺哈兔蒼子溝等處游牧離邊約三四

百里歲糾土蠻大為邊患

一直義州有黃台吉以兒鄧委正青把都兒那

木大等酋約十三四萬餘騎在地名黃

河迤北一帶游牧離邊約四五百里土

蠻卜言台住宰桑兀兒把哈土妹大委

正等酋約四十萬餘騎在地名塩場金

線塔等處游牧離邊約六七百里歲結

顧司馬奏議

卷之六

十

三百

聚大舉入犯

一直鎮夷大清等處有已剿速把亥子把禿兒

卜言谷花大孛兒敗土魯赤等酋約三

萬餘騎在地名額列東塔裊山等處遊

牧離邊約二三百里歲糾土蠻大舉為

廣寧遼瀋河東西大患

一直鎮靜等處有老撒土魯孛兒戶土累把兒

度哈卜寨等酋約二萬二千騎在地

名得兒必等處游牧離邊約二百餘里

歲糾土蠻大舉為廣寧遼瀋河東西大

患

一直鎮寧等處有炒花煖兔伯牙兒朶卜火勺

賴土累莽中等酋約三萬餘騎在地名

塔馬戶杜等處遊牧離邊約三四百里

歲糾土蠻大舉為廣寧遼瀋河東西大

患

一直平虜等處有卜兒愛額參得兒阿刺章土

力等酋約二萬餘騎在地名遼濱塔打

且荒一帶遊牧離邊約二三百里歲勾

土蠻大舉為河東大患

顧司馬奏議

卷之六

十一

二十六

一直開原有愧忽太果各賽擺言大石塔指伯

得掬准不賴等酋約三萬餘騎在地名

打半母倫一帶遊牧離邊約三百餘里

歲為開原患

一直開原有那言大都堵占赤者兒得石刺臣

兀把賽等酋約二萬餘騎在地名主六凹

好來等處遊牧迤東聯海西夷人離邊

約三百餘里歲為開原患

東虜女直部

一開原東北有已剿逞加奴子卜寨歹商阿卜

孩阿伯木忽魯在地名野黑寨住已剿

仰加奴男納里孛羅金台失阿里麻撒必

禿等夷共約一萬餘騎在地名台住寨

住俱離邊八九十里今畏威貢市

一開原東北有已戮白虎赤孛同果子佛當哈

卜等夷約二千餘騎在威遠堡境外地

名火屯寨住離邊約七十餘里今畏威

貢市

一直開原東北有已故王台子猛骨孛羅康古

六煖台已故虎兒罕男歹商等夷約一

顧司馬奏議

卷之六

十一

二十九

萬二千餘騎見在廣順關外地名哈塔

寨住離邊四十餘里至今忠順不移

一開原東有王忽子大明哥張大官兒等夷約

三千餘騎在松山寺伍堡邊外地名把

兒好子等寨住離邊五六十里今貢市

一撫順關外有綽乞搜失羊舒長舒三非山章

伏羊功等夷約八九千騎在地名土木

河撒兒骨等住離邊約五六十里間有

竊掠

一清河邊外有奴兒哈赤等夷約五千餘騎在

地名甯官塔等寨住離邊約二百餘里
間有竊掠

一駿陽邊外有鎖羅把羊等夷約四千餘騎在
地名董果寨等處住離邊約百五十里
時有竊掠未為大害

一寬奠邊外有王兀堂等夷約一萬五六千騎
在地名瓦里哈等寨住離邊約二三百
里今拓地扼險各夷畏服

兵寡

一全遼馬步官軍家丁舊額一十一萬五千四

顧司馬奏議

卷之六

三三 三十九

百六十一員名內除驛遞軍九千六百
餘名及歷年逃故官軍一萬六千二百
一十四員名外實在官軍家丁八萬九
千六百四十七員名

一凡鎮城及衛所堡驛原額官軍之數載在各
圖之內存其額以待清補也實在官軍
之數載在總圖之首著其實以便稽查
也實在往往失額其溢額者凡八堡驛
乃各直省充發新軍量各地虛實緩急
而分填之者也廣寧遊兵左營所以溢

額者以遊擊家丁新增火器火藥諸匠
及被虜回鄉無家可歸壯健而可為兵
者悉收左營食糧也前屯右屯慶雲三
備禦營所以溢額者各有家丁數十名
也廣寧之團山堡前屯之八里舖則舊
本無軍而新以充發填之者也然溢而
填者類無多不足補全遼失額之百二
三

一全遼驛遞非如腹裏之設流官驛丞大使其
馬匹錢糧亦非若腹裏之出於有司每

顧司馬奏議

卷之六

一四

三十九

一驛設三百戶所曰馬驛曰遞運曰安
插各有百戶掌之皆世官通計驛軍凡
二千七百八十九名專備馬騾驢送迎
并治館穀遞運軍凡二千五百七十名
安插軍凡一千八百一名俱扛臺并置
養車牛遞送朝

貢朝鮮及海西建州諸夷各舖亦設有舖司百戶
所百戶掌之亦世官通計舖軍凡二千
五百二十六名專遞來往公文驛遞安
插舖軍俱有額田無稅而以田所入各

供其役故各軍不復有月餉歲止領賞銀九錢俱不係馬步官軍操防之數驛遞安插軍俱載在各驛之下舖軍不能悉載共載其原額於各道官軍之下然四所軍以死徙流亡失額者多存者第十二三又水旱荒萊田無所入故支全額軍之賞給存者佐其供役而困苦亦甚矣今不敢聞於

皇上也撫按諸臣當自調停之耳

一偏僻驛遞凡十處原額驛軍三百四十四名

領司馬奏議

卷之六

一五

二十九

遞運軍二百九十四名安插軍一百名

皆有額田而無糧賞

一寧前道所屬各城堡實在官軍家丁一萬五

千四百六十員名外原額驛軍五百六

十名遞運軍五百六十名安插軍五百

六十名舖軍二百七十四名

前屯遊擊駐劄中後所本營實在官軍家丁

一千八百四十九員名所轄前屯一備

禦萬曆十六年四月內題將遊擊改為

中後所遊擊其備禦移駐中前所專聽

協守管轄

前屯備禦駐劄前屯衛本營實在官軍家丁

一千一百五十五員名領前屯城并以

下所堡驛九十八處邊長一百八十四

里有警則遊擊備禦二營分兵為防急

則廣寧大營分兵為援而寧遠有急則

前屯遊擊領兵東為援萬曆十六年四

月內題備禦移駐中前所專聽協守管

轄其備禦營兵馬即聽協守統領仍撥

協守營調操五百名與中前所原軍五

領司馬奏議

卷之六

十六

三十三

百名共一千俱付備禦統領操練

中前所提調營實在官軍五百一十六員

名萬曆十六年四月內題將本營官軍

付備禦統領

中後所提調營實在官軍四百九十二員

名

鐵場堡實在官軍一百一十五員名

永安堡實在官軍九十九員名

背陰障堡實在官軍二百一十四員名

三山營堡實在官軍一百六十一員名

平川營堡實在官軍一百五十八員名
瑞昌堡實在官軍一百七十五員名

高臺營堡實在官軍一百七十八員名

三道溝堡實在官軍一百九十三員名

新興營堡實在官軍一百五十三員名

錦川營堡實在官軍一百四十八員名

黑莊寨堡實在官軍二百九十四員名

八里舖填實千總官下新軍實在一百七

十三員名

高嶺驛填實千總官下新軍實在一百六

顧司馬奏議

卷之六

十七

即明三百九十五

十八員名原額驛軍一百一十二名遞

運軍一百一十二名安插軍一百一十

二名自此以下各驛皆有堡以護居人

有警則各分兵為防

沙河驛原額驛軍一百一十二名遞運軍

一百一十二名安插軍一百一十二名

東關驛原額驛軍一百一十二名遞運軍

一百一十二名安插軍一百一十二名

右營遊擊營實在官軍家丁一千五百六十

八員名原係廣寧入衛薊鎮之兵今常

川駐劄前屯衛應援前屯東西萬曆十

六年四月內題將右營遊擊改為西路

協守副總兵分有信地仍節制寧前叅

遊備禦

寧遠叅將駐劄寧遠衛本營實在官軍義兵

家丁二千一百五十一員名所轄寧遠

一備禦

寧遠備禦駐劄中左所本營實在官軍家丁

一千八十六員名領寧遠城及中左所

并以下所堡驛凡十五處邊長一百二

顧司馬奏議

卷之六

十八

三百九十五

十四里有警則叅將備禦分兵為防急

則廣寧大營兵為防援而前屯有急則

寧遠叅將領兵西為援

中右所提調營實在官軍家丁五百一十

三員名

仙靈寺堡實在官軍二百一十四員名

小團山堡實在官軍二百四十員名

興水縣堡實在官軍一百六十四員名

白塔谷堡實在官軍一百四十一員名

寨兒山堡實在官軍一百四十三員名

灰山堡實在官軍一百三十七員名

松山寺堡實在官軍一百八十四員名

沙河堡實在官軍二百二員名

長嶺山堡實在官軍一百四十九員名

椴木衝堡實在官軍二百一十二員名

曹莊驛填實千總官下官軍并擺堡馬軍

實在二百一十六員名原額驛軍一百

一十二名遞運軍一百一十二名安插

軍一百一十二名

連山驛填實千總官下官軍并擺堡馬軍

額司馬奏議

卷之六

一九

二十九十三

實在二百二十四員名原額驛軍一百

一十二名遞運軍一百一十二名安插

軍一百一十二名

領兵遊擊營實在官軍家丁一千六百七十

五員名原係廣寧入衛薊鎮之兵今常

川駐劄中右所應援寧遠東西此與右

營遊擊兵俱常駐寧前者以寧前地逼

虜而兵力單也然二營以入衛之故皆

無信地而事掣肘宜令領兵遊擊與寧

遠參將右營遊擊與前屯遊擊各分地

冲庵顧先生撫遼奏議 卷六

而守急則相援乃便萬曆十六年四月
內題改為中右所遊擊分有信地

一分巡道所屬各城堡實在官軍家丁三萬三

千二百七十員名外原額驛軍一千一

百九名遞運軍八百九十六名安插軍

九百四十八名舖軍九百六名

廣寧正兵營實在官軍家丁一萬一千九百

四十員名有警則分防河東西單弱城

堡急則援全遼全遼倚為重最驍勁而

勞苦獨甚

額司馬奏議

卷之六

二十

三百五

遊兵左營遊擊駐劄廣寧城實在官軍家丁

二千二百七員名有警則分防河西城

堡急則隨大營應援

廣寧備禦官駐劄廣寧城無兵馬領廣寧城

并以下堡驛凡四處無邊

廣寧城驛原額驛軍一百一十二名遞運

軍一百一十二名安插軍一百一十二

名

閭陽驛原額驛軍一百一十二名遞運軍

一百一十二名安插軍五十二名

二七三

壯鎮堡係腹裏無兵馬有警分兵為防

盤山驛原額驛軍一百一十二名遞運軍

一百一十二名安插軍一百一十二名

義州叅將駐劄義州城本營實在官軍家丁

一千九百四十八員名所轄義州一備

御

義州備禦駐劄大清堡本營實在官軍家丁

三百二十一員名領義州城并以下堡

驛凡十一處邊長一百二十三里有警

則叅將營分兵為防不足則廣寧大營

顧司馬奏議

卷之六

二二

二二六

分兵為防

義州城驛原額驛軍一百一十二名原無

設立遞運安插二所

大定堡實在官軍二百四十四員名

大安堡實在官軍二百九員名

大康堡實在官軍二百七十三員名

大平堡實在官軍三百三十四員名

大寧堡實在官軍二百九十五員名

大靜堡實在官軍三百二十三員名

大清堡實在官軍三百六十二員名

大順堡新修已完尚無填實官軍

戚家堡實在官軍一百九十三員名

牽馬嶺驛原額驛軍一百一十二名安插

軍一百一十二名原無設立遞運所

錦州遊擊駐劄錦州城本營實在官軍家丁

一千七百七十一員名所轄右屯一備

禦并錦州等城堡驛凡十三處邊長九

十五里有警則分兵為防不足則廣寧

大營分兵為防

松山所提調營實在官軍三百三十四員

顧司馬奏議

卷之六

二二

二二九

名

大凌河所提調營實在官軍三百三十三

員名

大興堡實在官軍四百六員名

大福堡實在官軍三百九十一員名

大鎮堡實在官軍三百八十六員名

大勝堡實在官軍三百五十四員名

大茂堡實在官軍三百七十九員名

錦昌堡實在官軍二百三十二員名

小凌河驛擺堡馬軍并填實新軍實在一

百五十六名原額驛軍一百一名遞運軍一百一十二名安插軍一百一十二名

杏山驛原額驛軍一百一十二名遞運軍一百一十二名安插軍一百一十二名

廣寧右屯備禦駐劄右屯衛本營實在官軍家丁五百四十八員名領右屯城并以下驛凡二處無邊在廣寧南稱腹裏而廣寧東西邊皆近可徑達虜所垂涎

十三山驛原額驛軍一百一十二名遞運軍一百一十二名安插軍一百一十二名

正安堡車營遊擊駐劄正安堡本營實在官軍家丁一千八百三員名所轄鎮靜一守備并正安以下凡九堡邊長二百八里

團山堡實在配軍一百四十六名

鎮靜守備駐劄鎮靜堡本營實在官軍家丁二百一十五員名督防朵顏二衛夷人入市領鎮靜以下凡七堡邊長二百八

顧可馬奏議

卷之六

二十三 百五十四

里有警則遊擊分兵為防不足則廣寧大營分兵為防

鎮夷堡實在官軍五百八十七員名

鎮邊堡實在官軍五百八十九員名

鎮靜堡實在官軍五百二十二員名

鎮安堡實在官軍四百七十四員名

鎮遠堡實在官軍四百九十三員名

鎮寧堡實在官軍四百五十九員名

鎮平堡創修未完

鎮武堡遊擊駐劄鎮武堡本營實在官軍家丁二千二十員名所轄西平一備禦

西平備禦駐劄西平堡本營并本堡實在官軍家丁九百一十八員名領西平并以下凡五堡邊長一百一十里有警則遊擊分兵為防不足則廣寧大營分兵為防

西平堡沙嶺驛原額驛軍一百一十二名遞運軍一百一十二名安插軍一百一十二名

鎮武堡實在官軍二百八十八員名本堡

顧可馬奏議

卷之六

二十四 百五十六

高平驛原額驛軍一百一十二名遞運軍一百一十二名安插軍一百一十二名

西興堡實在官軍二百七十九員名

西寧堡實在官軍三百三十員名

平洋橋堡實在官軍二百八員名

一苑馬寺所屬各城堡實在官軍家丁四千八百八十九員名外原額驛軍二百二十四名遞運軍二百二十四名安插軍一百一十二名偏僻驛軍三百四十四名

額前馬奏議

卷之六

二十五

向榮二八十六

遞運軍二百九十四名安插軍一百名舖軍六百七十八名

海蓋叅將駐劄海州城本營實在官軍家丁一千八百八員名所轄海蓋一備禦

海蓋備禦駐劄東昌堡本營實在官軍家丁六百三十三員名領海蓋二城并以下

堡驛凡九處邊長四十五里有警則叅將分兵為防急則遼陽副總兵為援不足則廣寧大營分兵防援

海州城驛原額驛軍一百一十二名遞運

軍一百一十三名

東昌堡實在官軍三百五員名本堡牛莊驛原額驛軍一百一十二名遞運軍一百一十二名安插軍一百一十二名

東勝堡實在官軍三百八十一員名

耀州堡驛原額驛軍一百一十二名遞運軍一百一十二名安插軍一百名無糧

賞

連邦谷堡係腹裏設守堡官一員無兵馬

蓋州城驛原額驛軍一十三名遞運軍二

額前馬奏議

卷之六

二十六

二百六十三

十名無糧賞

熊岳驛原額驛軍一十九名遞運軍二十

二名無糧賞本驛係嘉靖四十年大虜

已破之堡今其中居民止五十九家堡

大難修而無與為守見議遷之饅頭山

可據險而守也

五十寨驛原額驛軍六十五名遞運軍四

十八名無糧賞

岫巖堡原設撫民通判一員以堡城未建

不可居居蓋州今有守堡官一員

永寧監係腹裏故無兵而城垣卑薄難於為守

金復守備劄金州衛本營實在官軍六百七十一員名領金州城并以下衛堡驛凡十二處無邊邊海官軍本以備倭倭不復能至而所憂在虜也

復州衛止住衛所官員其軍士悉調各營堡操防本城驛原額驛軍一十九名遞運軍一十名無糧賞

顧司馬奏議

卷之六

二十七

二五

樂古驛原額驛軍二十四名遞運軍一十

八名無糧賞

石河驛原額驛軍二十四名遞運軍一十

八名無糧賞

羊官堡止有守堡官一員無見在兵馬

鹽場堡止有守堡官一員無見在兵馬

金州城驛原額驛軍二十名遞運軍一十

八名無糧賞

木場驛原額驛軍二十四名遞運軍一十

八名無糧賞

旅順口堡實在官軍二百九十二員名本

堡驛原額驛軍二十四名遞運軍一十
八名無糧賞

望海塢堡實在官軍一百三十二員名

紅嘴堡實在官軍一百三十六員名

歸服堡實在官軍一百五十二員名

黃骨島堡實在官軍二百三十七員名

總巡墩空委官下守墩空軍士實在一百

四十二名

一萬曆七年撫臣議將金復蓋三衛修邊夫一

萬二千丁內摘撥五千七百一十五名

顧司馬奏議

卷之六

二十八

二六

免其銀力二差改充土兵而以兩閑將

統之一在蓋州一在復州春散而耕冬

聚而防防蓋復以南四城十二驛堡之

地至於今因循日久懈弛為甚而將非

推選無事權兵無糧賞無固志緩急無

所賴之也

一今議復州添設叅將一員練兵二千名馬步

各半轄金州守備守備練兵七百名如

故共兵二千七百名分防永寧監石河

樂古諸城堡蓋州添設備禦一員練兵

一千名馬三步七屬海州叅將防岫巖
熊岳諸堡

一分守道所屬各城堡實在官軍家丁二萬二
千一百一十員名外原額驛軍四百四
十八名遞運軍四百四十二名安插軍
一百五十名舖軍四百七十一名

遼陽副總兵駐劄遼陽城本營實在官軍家

丁三千三百七十四員名有警則分防

河以東單弱城堡急則北援開原南援

海州而東備東夷然副總兵亦有分地

領司馬奏議

卷之六

二十九

二百九十二

清河一守備長安長勇二備禦并遼陽

城以下驛堡九十七處邊長三百九十

六里河西有急副總兵亦提兵西援而

廣寧大營之兵每歲冬春之間輒分防

河以東城堡自海州直抵開原

遼陽車營遊擊係管局都司兼管駐劄遼陽

城本營實在官軍家丁一千四百五十

三員名聽副總兵調度應援

遼陽城驛原額驛軍一百一十三名遞運

軍一百九名

虎皮驛堡實在官軍四十四員名原額驛
軍一百一十二名遞運軍一百一十一

名安插軍五十一名

鞍山驛原額驛軍一百一十二名遞運軍

一百一十一名安插軍九十九名

長安備禦駐劄長安堡本營并本堡實在官

軍家丁三百七員名領長安并以下九

四堡邊長九十五里

長靜堡實在官軍一百六十九員名

長寧堡實在官軍三百一員名

領司馬奏議

卷之六

三十

二百九十四

長定堡實在官軍一百八十六員名

長勇備禦駐劄長勇堡本營并本堡實在官

軍家丁五百八十九員名領長勇并以

下九三堡邊長七十里

長勝堡實在官軍二百八十九員名

武靖營堡實在官軍四十五員名

清河守備駐劄清河堡本營實在官軍家丁

四百九十七員名領清河以下九七堡

邊長二百三十一里

馬根單堡實在官軍四百二員名

散羊谷堡實在官軍二百二十五員名

清河堡實在官軍五百一十員名

一堵牆堡實在官軍四百七十二員名

鱸場堡實在官軍二百九十四員名

孤山新堡實在官軍二百三十二員名

威寧營堡實在官軍一百二十七員名

腹裏煙墩委官下墩軍實在二百五十六

名

寬奠參將駐劄寬奠堡本營實在官軍家丁

一千五百六十九員名所轄變陽一守

顧司馬奏議

卷之六

三十一

二百八十三員名

備長奠一備禦領寬奠以下凡十五堡

邊長二百五十八里急則副總兵兵為

援甚則廣寧大營兵為援

變陽守備駐劄變陽堡本營并本堡實在官

軍家丁九百九十八員名領變陽并以

下凡六堡邊長一百四十里有警則參

將視緩急分兵為防

酒馬吉堡實在官軍一百六十五員名

新奠堡實在官軍三百一十七員名

草河堡實在官軍四十四員名

鎮夷堡實在官軍四十二員名

甜水站堡實在官軍一百五員名

長奠備禦駐劄長奠堡本營并本堡實在官

軍家丁四百四十一員名領長奠并以

下凡九堡邊長一百一十八里有警則

參將視緩急分兵為防

寬奠堡實在官軍四百八十三員名

大奠堡實在官軍四百二十三員名

永奠堡實在官軍四百一十九員名

江沿堡實在官軍六十二員名

顧司馬奏議

卷之六

三十二

二百五十六

湯站堡實在官軍七十七員名

鳳凰城堡實在官軍六十八員名

鎮東堡實在官軍三十九員名

青台谷堡係腹裏設守堡官一員無兵馬

瀋陽遊擊駐劄瀋陽城本營實在官軍家丁

二千四百一十九員名所轄瀋陽瀋河

撫順三備禦領瀋陽城并以下城堡凡

十一處邊長一百八十五里急則副總

兵分兵防援不足則廣寧大營分兵防

援

瀋陽城驛原額驛軍一百一十一名遞運軍一百一十一名

奉集堡實在官軍九十五員名

瀋陽備禦駐劄平虜堡本營實在官軍家丁

八百四十七員名領瀋陽城并以下堡

凡四處邊長八十五里

長營堡實在官軍三百六十六員名

靜遠堡實在官軍二百四十三員名

平虜堡實在官軍一百九十五員名

瀋陽備禦駐劄瀋陽所本營實在官軍家丁

八百一十員名領瀋陽所并以下堡凡

三處邊長五十五里

上榆林堡實在官軍二百四員名

十方寺堡實在官軍二百四十五員名

撫順備禦駐劄瀋陽所本營實在官軍家丁

八百七員名領撫順所并以下堡凡三

處邊長四十五里

會安堡實在官軍二百八十七員名

東州堡實在官軍五百六十八員名

一開原道所屬各城堡實在官軍家丁一萬三

顧司馬奏議

卷之六

三十三

二八十九歲湯利

千九百一十八員名外原額驛軍四百四十八名遞運軍四百四十八名安插軍三十一名舖軍一百九十七名

鐵嶺遊擊駐劄鐵嶺衛本營實在官軍家丁

二千九百三十六員名所轄鐵嶺懿路

沅河三備禦領鐵嶺城并以下城堡凡

十一處邊長一百九十里急則副總兵

分兵防援不足則廣寧大營分兵防援

鐵嶺備禦駐劄鎮西堡本營實在官軍家丁

七百七十三員名領鐵嶺城并以下堡

凡五處邊長七十里

鐵嶺城隰州驛原額驛軍一百一十二名

遞運軍一百一十二名

會遲堡實在官軍一百七十八員名

鎮西堡實在官軍二百四十二員名

殷家莊寨堡實在官軍四百五十九員名

撫安堡實在官軍一百二十二員名

懿路備禦駐劄懿路城本營實在官軍家丁

八百九十八員名領懿路城并以下堡

凡三處邊長七十里

顧司馬奏議

卷之六

三十四

二九十四

懿路驛原額驛軍一百一十二名
一百一十二名

丁字泊堡實在官軍三百五十八員名

三岔兒堡實在官軍二百九十五員名

沅河備禦駐劄沅河城本營實在官軍家丁

六百八十五員名領沅河城并以下堡

凡三處邊長五十里

宋家泊堡實在官軍一百九十二員名

白家衝堡實在官軍一百四十九員名

開原叅將駐劄開原城本營實在官軍家丁

顧司馬奏議

卷之六

三三五 二十五

二千九百四十七員名所轄開原中固

慶雲清陽四備禦領開原城并以下城

堡凡十三處邊長三百里有警則叅將

分兵為防急則副總兵兵為援甚則廣

寧大營兵為援

松山堡實在官軍二百七十五員名

靖安堡實在官軍二百七十五員名

威遠堡實在官軍一百八十一員名

開原備禦駐劄開原城無兵馬領開原城護
守城池并馬市撫夷

開原城驛原額驛軍一百一十二名
運軍一百一十二名

中固備禦駐劄中固城本營實在官軍家丁

五百一十九員名領中固城并以下堡

凡三處邊長六十五里

中固城沙河撫順驛原額驛軍一百一十

二名運軍一百一十二名安插軍三

十一名

定遠堡實在官軍二百一十二員名

柴河堡實在官軍一百四十一員名

顧司馬奏議

卷之六

三五六 二十六

慶雲備禦駐劄慶雲堡本營實在官軍家丁

五百七員名領慶雲以下凡三堡邊長

六十里

慶雲堡實在官軍三百四員名

古城堡實在官軍一百九十五員名

永寧堡實在官軍一百二十七員名

清陽備禦駐劄清陽堡本營實在官軍二百

八十七員名領清陽以下凡三堡邊長

八十里

鎮夷堡實在官軍二百五十員名

清陽堡實在官軍一百五十六員名
鎮北堡實在官軍二百五十五員名

餉薄

一薊鎮南兵皆無馬月餉皆一兩五錢密雲灤
陽漢莊三營募兵皆無馬月餉皆一兩
全鎮軍餉上半年折色七錢下半年四
錢五分馬料折色或八錢或四錢宣大
軍餉沿邊八錢腹裏七錢馬料折色八
錢或七錢五月六月仍有貼料銀三錢
南直隸浙江閩廣兵餉皆九錢往歲浙

顧司馬奏議

卷之六

三十七

三〇四

兵稍議減其餉輒激而至譁其撫臣賴
皇上命威望大臣出鎮之事乃定夫浙兵本以備倭
倭乘風泛海來歷殊險其來有時我兵
暇日多而浙又布帛米魚蓋所從出衣
食易辦乃其兵必餉以九錢差足給俯
仰稍議減輒不足而輕犯法遼無險阻
限虜虜馬若飄風驟雨日夜可猝至我
兵禦之其勞甚而日有鋒鏑死亡之憂
又布米貴重衣食常不給至忍饑寒禦
虜爭為先登數有功而其餉曾不能得

浙之半明知其薄而至死無怨言臣故
曰遼左將士人人皆忠臣也

一各營家丁頭目每名人馬月各支銀六錢五
分歲領賞銀九錢如遇征防出百里外
人得支行糧日一分五厘遇賊對敵者
全支遠戍者半支或以乏餉則不與馬
不復支行料今止議廣寧正兵營家丁
頭目人馬各加至九錢差足比於直浙
閩廣之餉而尚不敢望薊之募兵其各
營家丁頭目人馬槩議加銀五分各得

顧司馬奏議

卷之六

三十八

三〇四

銀七錢差足比於宣大之腹裏
一正兵營選鋒軍凡屬河東河西錦義寧前選
調者有一年一更之例糧賞隨各原衛
造支而人馬月支廣寧行糧料草銀共
九錢如遇征防雖適千里不復支行糧
料草今止議人馬共加銀三錢
一全遼各營軍士每名月支餉銀四錢歲領賞
銀九錢若征調出百里外人馬得支行
糧料日三分或半支或不與今止議軍
餉月加銀一錢共五錢

一墩軍夜不收處極衝者每名月支餉銀五錢
次衝者每名月支餉銀四錢歲俱領賞
銀九錢今止議槩加銀一錢極衝者六
錢次衝者五錢

一河西馬給料八箇月月給銀一錢八分惟廣
寧四衛老哨諸軍之馬仍給草四箇月
月給銀一錢五分其餘皆無草今未敢
議加

一河東馬給料六箇月月給銀一錢八分餘月
皆無草今未敢議加

頁司馬奏議

卷之六

三十九 三月廿四

一金州營半糧半賞軍士月支餉銀一錢二分
五釐歲領賞銀四錢五分今止議月餉
加至二錢五分歲賞加至九錢

一蓋復二衛議添將領練兵三千七百名每兵
一名止議月餉二錢五分歲賞九錢馬
議料六箇月從河東馬之例蓋以金復
蓋三衛在遼猶稱腹裏故兵餉不過舉
先年二錢五分之例而尚不敢比於今
之四錢視宣大腹裏軍餉七錢者不過
三分之一耳

一全遼軍餉皆薄甚而獨於正兵營家丁議之
稍厚者以其最勞苦而功多且有更番
攀報之累累及全遼厚家丁而免攀報
實所以惠全遼而培其元氣也是以急
也諸軍則仍從其薄而不敢槩馬厚望
者恐難計臣也

頁司馬奏議

卷之六

四十一 七月廿四

冲菴顧先生撫遼奏議卷之七

通州 益卿顧養謙著

疏

率官軍謝加餉

奏為感激

天恩恭率官軍陳

謝事萬曆十四年十月初四日准兵部咨為極危

孤鎮邊長虜衆兵寡餉薄恭

進圖說懇乞

聖明御覽

顧司馬奏議

卷之七

一

規

二五十四

特賜宸斷以遺久安事該本部會同戶部覆議遼左

連年虜患諸軍士咸效死力督撫按臣請乞增

餉亦出萬不得已合無量為酌處該戶部增餉

銀七萬四千三百八十八兩六分二釐五毫兵部

增馬價銀四萬七千八百七十五兩其復州添

設參將一員蓋州添設備禦一員本部查舉相

應官員請

旨簡用等因題奉

聖旨遼鎮軍士防戰艱苦委當優恤這餉銀馬價准

照數增發還著督撫等官稽覈樽節務使軍需

實惠其餘俱依擬欵此備咨前來臣即欵遵督
率官軍望

闕叩頭謝

恩除一體遵照施行外臣竊惟遼左軍餉之薄其所

從來具載臣前疏中先是撫臣屢請

皇上屢俞雖加而不能驟多則以其初本太薄也嗣

是督撫科臣非不有所陳

請建白而當事之臣計

內帑盈縮重出納輒從中持之或盱衡厲色而議

其後遂使

顧司馬奏議

卷之七

二

二五十四

湛恩不流而遼人坐困非一日矣是以在事之臣徒

有蒿目苦心憂遼事之不可為付之無可柰何

而鉗口結舌不敢復以餉為言者有由然也非

皇上不欲加而前此諸臣不能

請也今幸

皇上始終注念遼士之苦

不厭臣等之言下之兩部而輔臣及主計本兵之

臣同心體

國採在

廷之輿論破積習之拘孿而委曲取給於

帑藏無贏之日用以生全遼人普

皇恩而慰

聖衷誠所謂千載一時也雖戶部之所增不能盡如

臣等之所

請而

請十得五業已周其所急以遼士之困苟益錙銖亦

足相濟而况歲益以七萬四千有奇乎况又省

朋銀而增馬價乎譬之涸轍之魚相濡以沫猶

可以緩死湏臾而况决之以西江之水也是以

聞

領司馬奏議

卷之十

三

三百八

命之日將士歡聲動地不啻若投醪挾纊也者夫古

稱投醪挾纊者非真有醪與纊也而其感若此

况歲與之以無窮之醪與纊乎故首厚家丁以

免攀報則既足以酬勞鼓勇而河以東農商自

給之家可高枕矣實所以培全遼之元氣也次

厚選鋒以恤調操則既足以慰其遠調之勞且

可以為招補之地漸變調操之法使河東選鋒

各歸其伍以實開原遼瀋之間而杜將領奪甲

奪馬之漂說是使臣可藉手調停而兩河俱利

也南衛設將練兵而稍加之餉則腹心可保矣

冬防復何虞乎全遼之士槩加賞以二錢視月

餉四錢是又加半月之餉矣秋毫非

帝力乎至於馬價之增既省朋銀而陰益於餉之內

又免買馬而明寬於例之外

澤普諸軍而有馬者且不累及其族矣此將士所以

歡欣鼓舞而人人願效死以報

皇上者也然臣則猶有說焉遼左以彈丸之地外逼

強胡內忍積困譬諸危羸之人元精內耗邪氣

外侵奄奄待命於旦夕之間急目前不得不投

祛邪之劑以治其標則將帥禦侮者之事也計

領司馬奏議

卷之七

四

三百五

又速不得不守調中之法以固其本則臣等拊

楯者之事也事不得越俎而相代較然明矣臣

是以於向者力戰之功不願分居其功名而必

亟亟以餉為

請者蓋欲生遼人於死法中以自塞其責誠不忍微

一身盈背之福而忘全遼溢世之害也故向以

戰功而倖

恩臣感

恩而有餘媿今以餉薄而得

請臣感

恩而有餘榮使臣不終負因人成事之媿而有言聽計從之榮是

皇上所以待臣者加於人一等矣臣有不罄涓埃之誠竭狗馬之力於向所謂戰守彼已之間以報

皇上

知遇之恩於萬一者哉此則臣之私也

特恩殊遇臣與遼人感激之衷皆有所不容已者是

以述將士之情明安攘之故以仰慰

皇上東顧之憂而自鳴其私者如此臣無任瞻

天仰

顧司馬奏議

卷之七

五

聖踊躍誦禱之至為此具本奏

聞

虜賊屢次大犯官軍出奇獲功

題為虜賊屢次大舉入犯官軍奮勇拒堵保全城

堡併出奇獲功事萬曆十四年十月十一日據

分巡遼海東寧道兼理廣寧等處兵備山東布

政使司右布政使任天祚呈據坐營中軍金承

武報稱案照本年九月二十等日節蒙兵部軍

門撫鎮咨文牌案節據臺頭石門等路參將王

輒等并本鎮鎮靜等堡守備劉崇正等各稟據

哨夜回鄉探報東西虜首以兒鄧黑石炭黃台

吉抄花把兔兒等并土蠻男卜言太主糾會聚

顧司馬奏議

卷之七

六

三十四

兵一稱聚兵六七萬要搶廣寧錦義寧前等處

一稱水淺犯槍河東水深犯槍河西原殺他三

箇達子地方報讐一稱大小頭兒二十箇聚兵

七八萬隨帶攻尅臺圍鈎梯於十月初一日都

到地名烏峯塔一二日進槍等因預蒙撫鎮衙

門會將正兵等營副參遊備等官李興等各帶

領兵馬赴錦義寧前等城堡驛鋪聯絡駐防仍

行各路副參遊守備禦等官加謹哨備收斂人

畜并各城關臺圍添撥火器火箭防禦本年十

月初五日巳時據管正安堡遊擊事副總兵姚

大節差夜不收劉景節等報稱達賊約有七八萬騎於本日卯時從鎮夷堡下韓口沙河營小附馬營等臺空進入至巳時方纔進畢先有達賊三千餘騎攻圍本堡當有設防降夷千總高良弼同守堡陳衛國拒堵降夷肅漢斬獲酋首班卜賴一顆後有達賊七八萬四面齊攻官軍戰至申時退往西南昶家屯下營初六日辰時臺營南下本日亥時鎮守李總兵遣家丁降夷尾賊探剿斬獲首級二顆義州管叅將事遊擊黑雲龍預差百總楊繼昂等赴開州等屯截殺

顧司馬奏議

卷之七

七

三百七

顆至酉時方纔出絕各營官丁降夷共斬獲首級八顆得獲達馬八匹并盔甲臂手夷器等件陣亡軍丁李景栢等六名虜去走報夜不收一名蕭清射死墩軍一名何來保被傷夷丁奴木賴等二十九名射死官馬一十匹賊由劉温等屯攻臺射死看家男子賊以太等三十三名虜去郭義州等四名燒燬草房四百一十間挖馱雜糧一千三百餘石等因到臣又據分守邊備右叅政栗在庭呈准遼陽副總兵楊燮手本開稱差千總馬九臯等督同降夷阿卜當等家丁楊萬里等一百名于本月初十日從潘陽十方寺堡出境哨探至本日申時到於地名夾山迤北離邊約有百十餘里哨見達賊七八十騎即來迎敵各夷丁奮不顧身向前混斫鏖戰良久前賊退走斬獲首級二十七顆得獲達馬二十七匹盔甲一十九頂副及夷器等件夷丁阿卜當等改從別路轉至原過河口用船擺渡於十一日寅時分進境及查在陣被傷家丁阿都赤等七名射死官馬一匹射傷官馬一十八匹等情亦呈報到臣據此查本年六月十九日據

顧司馬奏議

卷之七

八

三百十

整飭寧前兵備右叅政劉易從稟據駐劄中左所寧遠備禦楊四維呈本月十五日辰時虜賊約有三千餘騎從鄰境錦州大興堡地方進入楊四維聞報恐賊攻犯高橋鋪當差人分投走報量留步軍守城一面統領官兵家丁馳至本鋪與同設防把總徐義合營時有楊僉書西行比杏山驛設防正兵營叅將李興帶領兵馬迎護至杏山西七里河臺聞報當撥把總張國臣護守楊僉書存住本臺李興統兵亦至併力與賊接戰斫射一處前賊即分別二枝一枝徑撲

顧司馬奏議

卷之七

九

中左所東關門一枝在青石嘴山劄營照應兩路賊見連山驛設防遊擊塗廣馳至所西門外姚河山寧遠叅將李維藩并曹莊驛設防遊擊胡尚忠各領兵馬聯絡馳至未敢逼城散槍即歸青石嘴山團結東枝賊正戰間當有壯路錦州地方錦昌堡設防正兵營叅將李寧錦州叅將李文芹各領兵馬亦至賊見官兵勇猛又見援兵四集不敢戀戰收兵圍營回奔原路出境查得在陣楊四維營斬首三顆得獲達馬一十三匹并夷器等件陣亡軍丁張連子等二名被

傷軍丁一十五名射死官馬二十三匹射傷七匹又虜去瞭山軍士三名殺死二名李興營斬首一顆得獲達馬五匹陣亡家丁陳一忠等五名被傷官丁七員名射死官馬三十八匹等因又據分巡道布政使任天祚稟准錦州叅將李文芹手本開稱本年九月初七日申時達賊十餘騎突至大福堡塔兒山空牆下撲虜取水墩軍朱學去訖當有錦昌堡設防正兵營哨探千總高良弼聞報選差降夷吳得功等三十八名跟踪出境襲至地名大虹螺山迤南離牆五十

顧司馬奏議

卷之七

十

言六十八

餘里至初八日未時趕上前賊卜哈脫力庫就陣斬首二顆得獲達馬二匹救回虜去墩軍朱學射死官馬二匹等因又據本道稟據叅將李文芹報稱本月十六日寅時達賊約有五六千騎馳奔大鎮堡大邊長山南空進入往東行走當即差人分投走報後有達賊五六千騎跟踪亦從長山南空進入俱奔錦州攻衝四門三千餘騎先至西門一擁衝斫有設防副總兵李平胡李得全督令千把總李繼武等督率家丁拒堵三千餘騎攻衝南門并東南巷口副總兵李

寧領千總李尚仁等督率家丁拒堵三千餘騎
攻衝東門并壯巷口副總兵李興領千總金尚
禮等督兵各持刀向前連斫數陣二千餘騎攻
衝壯門并三官廟巷口本職帶領中軍千把總
趙寅等督令官軍家丁拒戰比各門官軍家丁
各用弓矢槍刀射斫數陣射死達賊數多不及
割首俱拉去訖賊見我兵猛勇自寅至午四面
各不能前攻方纔圍營回至教軍場將演武廳
燒燬賊見各路兵馬灰塵相繼馳奔前來於未
時仍從原路出境鎮守李總兵統領兵馬馳至

顧司馬奏議

卷之七

十一

三十七

閭陽驛據報賊已出境亦回城訖及查在陣李
興營家丁虎刺哈赤斬獲首級一顆各營得獲
達馬五匹鈎槍六杆弓三張撒袋一副射死家
丁于國賢等四名并官馬三十七匹射傷官軍
家丁伯戶等三十二員名并官馬二匹等因到
臣據此已經節次揭報兵部軍門訖今據前因
除將被殺被傷官丁給與優恤湯藥得獲達馬
夷器俱給原獲之人充賞節次斬獲首級行令
解赴巡按衙門紀驗地方有無別項失事仍行
該道查勘又恐虜賊未滿其欲必圖復犯仍嚴

行各該道將加謹防備外臣會同總督薊遼保
定等處軍務兼理糧餉都察院右都御史兼兵
部右侍郎王 鎮守總兵官太保兼太子太
保寧遠伯李 議照我兵出塞擊虜必選輕
銳輕銳必以衆退無顧戀而進有功名則將士
必敢戰其勢在我而虜受敵故每有奇功在
戰勝虜大舉壓境而來不能禁其野掠而所在
城堡皆危其急在收保收保不得不分兵分
則益寡其勢在虜而我受敵故難以收捕斬之
功在守固其勢然也廣寧正營之兵雖以萬

顧司馬奏議

卷之七

十二

三十八

計而精銳敢戰者才七千餘人耳一聞關西傳
報度其急在河西則河西小大城堡不能不仰
營兵為守多不過數百人少則數十人且不能
遍而正營之兵一分輒盡且於頃者請餉疏中
言之詳矣使其置城堡不守聚萬衆而決於一
戰不無首功可稱而虜得乘我之虛或陷我一
城破我一堡則其得失孰多有如衆寡不敵而
損我精銳者則軍氣必不復振而後且難支矣
此所謂彼己之間不可不審其機宜當論守難
論戰也則遼左虜衆兵寡之故也况乎遼左之

守以老弱列城上助軍聲將領率甲士列城外與虜接戰保關廂又以戰為守也今歲之虜自二月大創之後為謀益深六月盛暑度我無備則以三千騎入錦州南襲高橋而大帥若有前知度河東稍寬已先調還營兵之東防者西為備而李興在高橋非與金尚禮以四百人背城殊死戰則高橋幾不保而虜見兵寡攻益力士馬且疲非李寧以五百騎赴急則李興且不免楊四維率其卒才二百餘人耳而斬虜驍騎益振軍聲虜大失利去是時中府僉書楊四畏

顧司馬奏議

卷之七

十三

三五六

方携其家以西道遇虜賴興寧得全即行李無所失四畏今在

京師當不沒兩將批難功而虜所死傷甚衆則薊鎮宵夜得之虜中者也嗣是九月則虜馬益肥糾聚益衆先以輕騎虜我墩軍意欲得我虛實為入犯錦州計而高良弼以降夷追斬二賊奪所虜墩軍以還及擁萬餘騎猝至而攻錦州錦州業先有備虜又大失利去非李平胡李寧李興殊死戰則關廂必不守而城且危而李得全李尚仁大有力焉虜再入再失利於是東西諸

酋會合益衆衆至八萬餘橐駝萬餘以備負所虜資糧則關西之報日至而本兵軍門飛檄晝夜東馳矣乃留千人以戰車四百兩載火器列廣寧城門外當孔道籍城中壯丁乘城守而益發兵錦義寧前之間大帥身所統為援者不過五百騎耳有虜中脫歸男子王蔣兩小廝者言虜挾攻城之具謀攻我城堡圯不治者必連破大城居內地十日乃還蓋知夏秋雨甚城堡多頽歆承我之敵而不知處處皆新矣虜入果急攻鎮夷堡鎮夷堡官陳衛國修其城堅甚虜不

顧司馬奏議

卷之七

十四

三五七

能克而高良弼率降夷百五十騎格虜降夷肅漢斬其一首虜乃引兵而南其明日攻戚家堡堡官周勅修其城亦堅三日不能克則以李平胡率李繼武等三百人力戰故然非金印以火器中虜虜不數却而李寧塗寬塗廣乘夜衝虜圍入堡為援功亦不細虜知我援兵至遂解圍去而寧前諸將援兵數千人集於南大帥收傍近分防兵數千人逼於壯虜是以南不敢深入錦州寧遠壯不敢復出廣寧故道近就義州邊出塞而去矣塞閱其橐駝皆空歸所畧不過凌

河以西近邊村屯而收保甚預老幼婦女一無所畧又以歲侵屯民所獲不過十一二已半入城堡其愚而憚負載者輒埋糧地中虜過悉掘地食之且盡而焚燒其屋廬惟賊家屯者屯民自築土堡中為臺圍高堅可守屯民半入臺圍而半恃其強出守外土堡與虜鬪死者三十人而臺圍無恙我兵得首虜凡八級死者六人而城堡皆全此

天幸也實賴

皇上之靈也河東則叅政栗在庭副總兵楊燮聞虜

顧司馬奏議

卷之七

十五

三四九

已西犯用降夷為耳目隨以義兵總之不過百騎耳渡河擊其惰歸斬首虜二十七級以歸而我兵無所失此一奇也先後斬首虜凡四十二級奪獲達馬六十四匹虜出而降夷家丁尾其後得其馬十有八匹而歸我軍先後為所殺虜者二十一名陣失馬一百一十三匹虜死傷無算虜馬死亦無算而其所殺畧邊屯者大都如前所稱夫虜之窺伺非不久糾聚非不衆意欲一大逞以甘心於遼即臣等亦謂其積憤蓄銳合謀併力而來不知遭其荼毒當何狀而先以三

千騎襲堡後以萬餘騎攻城皆失利最後衆以八萬留邊內以五日而其得失大較若此遼人咸以為從來虜滿萬入犯未有狐疑狼顧董董自保不敢開營遠掠無所得而去若此番者今宜以功

聞往如此類類以功

聞臣以為若鎮守總兵官李

分防赴援不啻若

極溺救焚城堡要害以數十百精神無處不周

其所挾者寡而所全者多不可謂非功功反難

於塞外之捷而成梁

顧司馬奏議

卷之七

十六

三四六

國家重臣邊疆大帥世受

皇上之

恩無可為報其為人忠勇仁讓猶以不盡滅虜而保

內地秋毫無損為恨退虜而還憔悴送巡不忍

自言功臣故不敢稱其功若分巡布政任天祚

之悉心於收保寧前叅政劉易從之盡力於修

防亦不過各舉其職耳臣亦不敢過為之敘及

諸將勞績未著者俱不敢槩敘外其諸將校之

拒守而得全救援而克濟與夫捕斬修築功勞

最著者使不稍為優異何以酬今而勵後哉臣

謹為

皇上摘陳之如都督李平胡副總兵李興死戰全城者各再副總兵李寧死戰全城者一赴急解圍者再此三巨者功當首論而重加陞賞或陞格於例而以賞優之致仕副總兵李得全千總金尚禮李尚仁李繼武死戰全城者各一功當論次而重加賞賚參將塗寬遊擊塗廣赴急解圍者各一功又次而當同加賞賚備禦楊四維以斬勁虜而威振守備高良弼以督降夷而功多千總金印以精火器而却虜功當論次與李得

簡司馬奏議

卷之七

十七

三五六

全等守鎮夷堡指揮陳衛國當重加賞賚守戚家堡指揮周勅當同加賞賚以勵沿邊之守堡者至於叅政栗在庭副總兵楊燮出奇取勝於塞外而內境晏然且示河東有備隱然保障之功不細功當與李平胡等而優其賞仍紀錄以俟後功併敘者也又如管正安堡車營遊擊事副總兵姚大節管鎮靜堡守備事遊擊劉崇正管義州叅將事遊擊黑雲龍管錦州遊擊事叅將李文芹義州備禦栢朝翠守鎮夷堡指揮陳衛國代守大興堡千戶鄒應龍守大福堡百戶

文盤守大鎮堡指揮趙桂賊之入犯雖其信地而外無險阻內無重兵本難堵遏又俱保全似應免究令其加慎防冬內陳衛國仍當從前論功者也伏乞

勅下兵部查議照例轉行巡按御史將前項獲功陣亡人員及地方有無隱匿情弊并已前節次虜犯情由一併查勘明實徑自具奏施行為此具本謹題請

旨

簡司馬奏議

卷之七

二十八

二百卅

申明加餉未盡事宜

題為申明加餉未盡事宜以便支放以永遵守事

卷查先准兵部咨為極危孤鎮邊長虜衆兵寡

餉薄恭

進圖說懇乞

聖明御覽

特賜宸斷以遺久安事該臣等會

題本鎮軍丁加餉事宜該本部會同戶部覆議遼

左連年虜患諸軍士咸效死力督撫按臣請乞

增餉亦出萬不得已合無量為酌處該鎮家丁

顧司馬奏議

卷之七

一九

三百十五

四千五百名每名人馬月加銀伍錢歲增銀二

萬七千兩及查萬曆十三年該巡按御史陳登

雲題稱遼鎮家丁攀報為害議將本官贓罰銀

三千兩本鎮稅銀一千兩共四千兩以為河東

家丁戍守河西衣甲盤費之用今既一槩加餉

合將前銀抵湊今增之數扣銀四千兩實該發

銀二萬三千兩選鋒軍四千名人馬月加銀三

錢歲增銀一萬四千四百兩其餘軍士量於歲

賞九錢外再加二錢共一兩一錢歲增銀一萬

八千兩其南衛設兵防守歲加練兵糧賞馬料

銀一萬八千九百八十兩六分二釐五毫以上

通共增銀七萬四千三百八十兩六分二釐五

毫馬價免朋銀四萬七千八百餘兩如數增發

劄付太僕寺於常盈庫貯馬價銀內動支四萬

七千八百七十五兩連前次發銀七萬兩共十

一萬七千八百七十五兩俱為年例買補戰馬

支用等因題奉

聖旨遼鎮軍士防戰艱苦委當優恤這餉銀馬價准

照數增發還着督撫等官稽覈撙節務使軍需

實惠其餘俱依擬欽此欽遵備咨到臣除選鋒

顧司馬奏議

卷之七

二十

三十五九

軍士月加三錢閩鎮軍士歲加賞銀二錢金州

軍士加添糧賞士兵軍士糧料賞賜銀兩并增

發馬價俱無容別議外惟廣寧家丁加餉一節

河東西當有分別及欲將按臣贓罰銀三千兩

本鎮稅銀一千兩抵湊相應再為調停臣會同

總督薊遼保定等處軍務兼理糧餉都察院右

都御史兼兵部右侍郎王 議照項者臣等請

益全遼軍餉而於正兵營家丁議之稍厚者蓋

欲使之長遠服役而免攀報之累也然攀報惟

河東家丁有之今人馬月益之以五錢而欲其

一旦弃丘墓離宗族親戚而揭其家以遠戍又永無還期也於人情為最難似其所加猶未足河西家丁征防非不苦然去其家較河東為近又本無攀報之例而加餉一如河東兵於人情猶有所未均故臣等復為之劑量群兩河家丁而面諭之河東者再量加銀一兩二錢歲共加銀七兩二錢河西者減半歲共加銀三兩六錢兩情悅服無有異言而通融裒益之間取給於部發二萬三千之內而足可無藉按臣之贖鍰與本鎮之稅錢也此當明言者一也先是巡按

簡司馬奏議

卷之七

二十一

三六十一

御史陳登雲題為孤鎮危急直陳利弊大端以裨安攘萬一事該戶部覆議將巡按衙門解部贖罰銀三千兩及本鎮魚鹽市稅銀一千兩共四千兩每年給賞戍守河西家丁以為衣甲之費再不許各丁恣意攀報致貽民害而贖罰三千兩係本鎮抵充年例之數乃欲管糧等官設法措處免增京運夫御史陳登雲之議蓋目擊河東攀報之累又念家丁征調之勞而當是時正諸臣鉗口結舌不敢以餉為言之末故不得已而以其贖罰為

請度不足而復益之以稅銀其意實望部臣如其數增發也前此太倉豈獨難此三千金而以設法措處責之管糧等官管糧等官所司錢穀幾何况遼餉預食半年又往往後期至至則各道領餉之官已坐而守管糧官不過驗封識無他一分立盡於彼三千金又將何法以處也是若以三千金益家丁而實損額餉矣譬諸損暮之四益朝之三若為得宜而斷鶴之長續鳧之短實則非便今家丁既已加餉則不必復與衣甲之費部發既已調停而給則不必復取足於按臣之贖鍰而按臣之贖鍰仍宜解管糧即中使不失年例之額至於本鎮稅銀多寡原無定數而驗功犒賞馬市撫夷及各衙門一切不可已之費皆取諸此而不足似仍宜聽本鎮公用者也此當明言者二也又查得先該臣等會

簡司馬奏議

卷之七

二十二

三五十三

題為

天威遠播夷酋率衆來降屢立斬獲功次乞賜糧餉安插以便鼓舞等事內降夷精壯堪戰者一百九十二名歲該糧賞料草銀四千二百四兩八錢次壯男并婦女幼小七百一十九名口

歲該糧賞布花銀三千六十五兩一錢該戶部議覆奉

聖旨這降夷精壯堪戰的月糧行糧等項准照該鎮原擬支給其次壯男及婦女幼小著督撫官再加查議作速具奏其餘依擬欽此除精壯降夷已奉

明旨無容別議外其次壯男并婦女幼小仍該銀三千餘兩查得新增河西家丁餉內尚有數百兩贏餘其不足者即於全鎮逃故軍餉內通融支給不必復

顧司馬奏議

卷之六

二十三

三十

請諸太倉此當明言者三也夫昔當餉薄之時則其措處也難今當加餉之後則其措處也易一通融之間而按臣贖緩與降夷應補之六千餘金皆可不仰於

內帑矣不然而請之不已是馮婦之操也臣等不忍為也部臣既能濟邊臣之急邊臣安得不量部臣之難伏乞

勅下戶部再加查議將家丁餉銀如臣等今次所擬照數支給以便造報稽查其按臣贖罰照舊解管糧卽中充為年例稅銀仍聽本鎮賞功撫夷

等項公用降夷次壯男并婦女幼小糧賞銀本鎮自為通融其精壯降夷銀四千二百四兩八錢每年隨年例銀題發庶錢糧各有歸着而可永為遵守矣為此具本謹題請

旨

顧司馬奏議

卷之七

二十四

七十八

廣寧備禦官員患病

題為患病備禦官員事據分巡遼海東寧道兼理廣寧等處兵備山東布政使司右布政使任天祚呈稱行據廣寧通判魯三近查得廣寧備禦王咨臣於萬曆十三年閏九月內蒙兵部推陞前職到任管事至萬曆十四年四月十九日偶患喘疾調理至今未痊誠恐有曠厥職以此將情呈要休致回籍似應准從緣由到道該本道看得備禦王咨臣年資青敏才猷練達備煩劇之地而任怨任勞勵廉靜之操而不苛不擾查

顧司馬奏議

卷之六

二五

三

病果真論才可惜似應准其回衛調理員缺題請推補候本官病痊之日另行推用等因到臣據此案照先據廣寧備禦王咨臣呈前事已經批仰該道查報去後今據前因臣會同總督薊遼保定等處軍務兼理糧餉都察院右都御史兼兵部右侍郎王 巡按山東監察御史王國弼議照廣寧備禦王咨臣心誠事練守慎才通求之武弁中甚為難得是以臣等於其初病容其在任調理以冀痊可而用之不意抱病至今不痊則衝邊武臣職難久曠相應准令回衛調理

查得廣寧左衛指揮僉事郭濟川賦材通敏任事精勤條議諄諄恤軍矢志斤斤守已先任海蓋備禦止以練兵不及分數論草原無大過相應推用廣寧衛指揮使李都騎射優閑幹理精爽守堡能禽逸賊修邊知恤疲軍以上二員俱堪陞補廣寧備禦伏乞勅下兵部再加查議將王咨臣准令回衛調理候病痊之日另行推用員缺即以郭濟川等酌量推補為此具本謹題請

旨

顧司馬奏議

卷之六

二十六

七

遼陽缺副總兵

題為急缺衝邊協守及查議將領等官以肅秋防
事據分守遼海東寧道兼理邊備山東布政使
司右叅政栗在庭稟稱遼陽副總兵楊燮於萬
曆十六年七月十四日已時病故等因到臣除
行該道將副總兵兵馬事務行令遼東都司孔
東儒暫代外臣會同總督薊遼保定等處軍務
兼理糧餉都察院右都御史兼兵部右侍郎張
議照遼陽副總兵統轄河東地方大小將
領悉聽約束一切調遣分防皆得視緩急便宜

顧司馬奏議

卷之七

二十七

三百五十八

行之實為河以東主帥今歲秋防關西及馬市
回鄉人口之報並急調土蠻諸酋業已聚兵祭
旗意在必犯河東協守副將不可一日缺人查
得管正安堡車營遊擊事副總兵姚大節老成
持重之度周詳沉審之謀韜鈴素熟於胸中首
虜可置諸掌上威望材武衆所推服彈壓河東
無有出其右者管海州叅將事副總兵孫守廉
賦質清臞而熟於戎機起家行伍而明於吏事
勇略安可以皮相功名皆得之身強以上二員
俱堪推補東路協守如用姚大節遺下員缺查

得管鐵嶺遊擊事叅將郭夢徵沉毅而誠度不

群庶正而措注自別已見長才於歷任可屬大
事於將來正安堡乃廣寧鎮城要邊其所轄鎮
靜堡鎮遠關乃市夷出入之區稽查錢糧以杜
侵漁整飭兵馬以防巨測譚審市夷以探虜情
其責頗重非郭夢徵之才守兼優者不足以當
之鎮武堡遊擊蔣國泰偉貌出群誠心任事撫
疲卒悉沾實惠處衝邊竭盡苦心以上二員俱
堪調補正安堡遊擊如用郭夢徵仍以叅將管
遊擊事遺下員缺查得汎河備禦董文貴防禦

顧司馬奏議

卷之七

二十八

三十一

慎密脩守勤勞衝區盡三載之苦心要地堪一
面之付託蒲河備禦趙之牧意氣精爽機宜明
練志不安於小成材可期乎大用以上二員俱
堪推補鐵嶺遊擊如用董文貴遺下員缺查得
正兵營後哨千總金州衛署都指揮同知趙國
禎氣壯敢於當鋒材長勤於幹理屢試而屢奏
績數戰而數有功正兵營左哨千總廣寧左衛
指揮僉事劉應德勇決不憚履危勤慎每能集
事歷下已曾領餉直沽又復轉漕以上二員堪
推補汎河備禦又查得鎮靜堡守備陳某往過

曾經指摘新遷未見作為志已壞而頗閏脂膏
體愈肥而不便鞍馬近有市夷到邊貪其貿易
小利留滯四日不報以致夷情壅闕譯審未明
邊關重務何所賴之應亟革任回衛另議推補
及查原任京營叅將三萬衛都指揮僉事戴良
棟邊務習練膂力精強機權素善於撫夷警敏
尤長於應變原任清河加銜遊擊王惟屏魁偉
之貌通練之才守邊曾立戰功督陣近收全捷
以上二員俱堪推補鎮靜堡守備內戴良棟本
以京營叅將革任或量加遊擊職銜管事或照

額司馬奏議

卷之二

二十九

張

近例止起守備伏乞

勅下兵部再加查議將遼陽協守副總兵等官員缺
即以姚大節等酌量推補仍將陳 革任回
衛即以戴良棟等二員或量加銜或照近例起
用庶衝邊得人而秋防有賴矣為此具本謹題
請

旨

保留給由方面官員

題為保留給由賢能方面官員事據分巡遼海東
寧道兼理廣寧等處兵備山東按察司副使鮑
希顏呈蒙 批據整飭寧前兵備山東按察司
僉事王邦俊呈稱本職見年三十六歲陝西延
安府鄜州人由進士萬曆三年二月除授四川
重慶府推官萬曆九年二月陞兵部職方司主
事本年十一月初十日到任給領

內府推字四號

精微批文及本部劄付管守山海關至萬曆十二年

額司馬奏議

卷之七

三十

張

十月初十日三年考滿復職萬曆十三年四月
十一日陞武選司署員外郎事主事次日到任
本年十月十五日陞車駕司署郎中事主事次
日到任萬曆十四年五月陞湖廣按察司僉事
本年八月十三日到任萬曆十五年八月初三
日調寧前兵備僉事因進

萬壽表文赴京本年九月初六日事竣領

勅出京本年十月初十日到任內除九月初七日起
至十月初九日止一箇月零二日不計外計自
十四年八月十三日起至十七年八月十五日

止連閏實歷俸三十六箇月三年例該考滿等因蒙批仰分巡道查報又蒙巡按徐御史亦批本道查報蒙此依蒙查得僉事王邦俊前項歷俸年月相同例應將任內行過事蹟攢造牌冊赴部給由看得本官力祛虛浮雅存實際當虜騎之衝鋒不避艱險值軍情之洶湧綽有調停邊塞長才巖廊重器值此地方多事若使離任不無廢事相應保留等因備呈到臣據此卷查嘉靖四十五年十二月內准吏部咨為優處邊方官員以固疆圉事該本部文選清吏司案呈

顧司馬奏議

卷之七

三十一

三十一

都察院咨為酌議邊臣考滿事例以昭激勸事准吏部咨該本部題各邊兵備官員較之內地勞逸本殊故三年考滿特從優敘以後三年考滿本部查其人品政績果屬卓異者方得照例陞銜仍舊供職平常無過者亦止照常敘遷等因題奉

欽依備咨前來又經通行欽遵去後今據前因臣會同總督薊遼保定等處軍務兼理糧餉都察院右都御史兼兵部右侍郎張 巡按山東監察御史徐元考得整飭寧前兵備山東按察司僉事王邦俊處衝邊實心任事值裁餉極力安危品格不凡功勞最著茲當考滿例應赴部但遼鎮最為孤懸而寧前尤全鎮之最衝僅以一條之路西通山海外逼虜穴不數十里大舉零竊何月無之本官經畧苦辛巨細畢賴封疆不可一日少之難令給由離任相應遵例保留伏乞

勅下吏部查議行令本官照舊供職止將攢造牌冊送部查考應得

恩典照例

顧司馬奏議

卷之七

三十二

三十二

請給施行再照本官調任衝邊雖止二載艱難辛苦

實則萬狀操練修築禦虜救荒兩年之內絕無

一日休暇不獨緩急時有也即近時稍議裁餉

軍情洶洶非本官調停彈壓將不知其所終矣

稽其政績足稱卓異臣等先是於叅政栗在庭

之考績嘗以卓異稱之矣而今又以屬王邦俊

非敢市恩於諸臣也蓋遼左之難

皇上素所洞燭諸臣才望不著不以調之遼左今其

勞苦功高並著乃有所顧忌聶需而不以上

聞是没人善而負

顧司馬奏議

卷之七

三三

二十二

皇上任人之

盛心也故不敢以遠嫌故而蹈蔽賢之罪也伏候

聖明裁奪為此具本謹題請

旨

冲菴顧先生撫遼奏議卷之八

通州 益卿顧養謙著

疏

調停蠲賑事宜

題為調停蠲賑事宜以省煩擾以便官民事先該

臣題為地方災傷異常軍民十分饑困懇乞

天恩早賜勘議蠲恤以保孤危重鎮事條議一款議

蠲恤遼東今歲災傷異常不啻十分已行各道

寺備查今不能悉待其報合行巡按御史將被

災分數查勘明確造冊

顧司馬奏議

卷之八

一

二十二

奏報重加蠲免其蠲免應補軍餉或不盡仰太倉

之特發俟臣等臨時斟酌會議另行具

題近准戶部咨為災傷重大軍民困苦懇乞

聖明破格拯恤併陳蠲賑事宜以保衝邊以固人心

事該巡按御史王國弼條陳遼東水災一款議

蠲屯糧本部覆議合行巡按御史將被災衛所

踏勘得實照例災輕者每石折銀三錢五分災

重者每石折銀三錢通融作數抵放月糧或量

行緩徵從宜施行等因題奉

聖旨俱依擬行欽此又准本部咨為四方災報踵至

隱憂漸萌懇乞

聖明亟

賜殊恩大破常格以振子遺以安反側以保治隆
事該工科右給事中張棟題前事本部覆議遼
東逼近虜穴被災尤重委當破格賑恤合發銀
五萬兩於太倉銀庫內動支本部擇司屬官歷
練老成者一員請

勅齋銀前去會同撫按官督率司道先將委賑官員
慎選以充其應賑人戶務要逐名查審的確不
許任憑里書呈報以資騙局至於一應未盡事

宜聽撫按司屬官悉心區畫便宜行事事完造

冊

奏繳仍將承委官員分別三等薦獎恭
奏等因題奉

聖旨是這災傷地方給賑銀兩數目俱依擬司屬官
員務選廉能任事的去開職名來看賑濟事宜
全在有司實心愛民放散得法乃能宣布朝廷
德意着各該撫按官加意選委着實稽查事完
通將經委有司會同差去司官從公舉劾如有
虛文塞責實惠不及窮民的重治不饒欽此欽

遵備咨前來除欽遵通行外及接邸報該戶科
都給事中田疇等題為差官給賑太倉不敷懇
乞

聖明破格奏處以甦遺黎以大溥

皇仁事內稱宜抵者抵宜賑者賑賑在所急賑即抵
也抵在所急抵即賑也又或半為給賑省斂以
支目前之困半寄司庫省耕以備明年之乏等
因深有切於遼左該臣會同巡按山東監察御
史王國弼議照全遼今歲之災其初苦於雨水
復不足而又繼之以風又不足而加之以蟲是
受災者土田也則

皇上蠲賑之

恩宜首及於力田供賦之人明矣今

皇上既

納按臣之請又

俞部臣之覆將本鎮屯糧重災者每石折徵銀三錢
輕災者每石折徵銀三錢五分部議雖未明言
其蠲而以遼鎮軍餉每石四錢之例計之是徵
三錢者蠲一錢徵三錢五分者蠲五分矣此則
屯民陰受

皇上蠲租之

恩已不淺矣乃又

嘉科臣之議而

遣官發賑者以五萬金此遼人瀆死而再生之會

也臣等復何容喙但所蠲者係全鎮額餉必有

抵補之數而後軍有見糧所賑者宜半歸屯民

必得簡易之法而後民受實惠查得先年災傷

蠲免例得請補於太倉而當其時非必有加餉

之事也非必發賑五萬也又非必四方之告災

者接踵而成以賑補仰太倉也今蒙

皇上念遼餉之薄而一旦加之至七萬四千有奇矣

又

念衝邊重災而發賑五萬矣又四方接踵告災而賑

者補者太倉之給發如流矣於此之時不覩其

全而執一隅之見為故常之請則邊疆者

皇上之邊疆也太倉者

皇上之太倉也無就中調停之策而徒欲損彼以益

此是不惟不量部臣而亦非所以仰體

聖衷矣臣不敢也然在屯民則蠲之與賑勢必不容

已在諸軍則月餉四錢額必不可缺求其策則

顧司馬奏議

卷之八

四

三〇八

無如科臣以賑抵蠲之說為長便也蓋使應蠲

不蠲而必於取盈則必有追呼逮繫之擾應抵

不抵而必欲散賑則必有假冒偏枯之弊况欲

散賑必先攢造屯民花名文冊冊必備開田畝

若干被災若干應賑若干送之撫按二臣存之

各道不知攢造供役當幾何人首尾終事當幾

何日紙張工食當幾何費是民未受分毫之惠

而先病其擾矣此中群小之姦弊又何可勝道

也又况全遼有司不過三通判二知州才五人

耳此五人者即盡為精明能幹之人而力必不

能遍全遼之地其勢不得不委各衛之經歷經

歷豈無才者而潦倒易與者固多其勢必委權

於積書而屯民屯田當問之管屯指揮管屯指

揮之魚肉屯民也以為固然而其勢又必委權

於軍識經歷與管屯指揮合經歷之積書與管

屯指揮之軍識合其姦竇何所不至是

皇上之

湛恩祇以充姦人群小之腹而實惠之及窮民者鮮

矣豈臣等所以宣布

德意而塞其責者哉臣又訪得本鎮先年屢被災蒙

顧司馬奏議

卷之八

五

三〇九

賑矣而輒為群小所侵漁甚至有力者得以詭名數輩冒賑而窮民曾不得沾餘潤此往事明鑒也是以蠲賑調停之舉不容不急為之圖也該臣等行據分巡道右布政任天祚分守道右叅政栗在庭開原兵備右叅政王絨寧前兵備右叅政劉易從管苑馬寺卿事海蓋道右叅政郝杰各報到臣查得全遼屯科營田米穀豆折細通共一十七萬七千二百五十三石三斗七升三合二勺六抄五撮二圭以本鎮軍餉折徵事例言之定遼左等二十二衛折細糧一十三

顧司馬奏議

卷之六

六

三百六十九

萬八千一百六十三石有奇每石該折銀四錢共該銀五萬五千二百六十五兩有奇金復蓋三衛折細糧三萬九千八十九石有奇即係支給三衛官軍俸糧之數本鎮屢次加餉止加沿邊二十二衛及各營堡墩臺軍丁哨夜月糧金復蓋三衛官軍原未議加仍照先年二錢五分之例年豐官軍各支本色年歉折徵止折徵銀二錢五分給散官軍即照此數今以每石二錢五分算共該銀九千七百七十二兩有奇通共該銀六萬五千三十七兩八錢六分二微五纖

五塵此每年隨京運銀兩支放官軍之額餉也內如分巡道廣寧錦義右屯諸衛之境內若正安堡等處分守道遼瀋撫順蒲河等衛所寧前道寧遠前屯二衛開原道鐵嶺一衛海蓋道海州一衛共折細糧九萬七千六百一十石有奇俱係重災照部議每石徵銀三錢已虧額餉一錢今議加賑銀一錢不必給銀每石再免徵銀一錢作賑是每石虧額餉二錢矣共虧餉一萬九千五百二十二兩有奇又如分巡道廣寧錦義諸衛之境內若石門屯等處分守道定遼右

顧司馬奏議

卷之六

七

三百六十九

衛開原道三萬遼海二衛共折細糧三萬六千三十七石有奇俱係輕災照部議每石徵銀三錢五分已虧額餉五分今議加賑銀五分不必給銀每石再免徵銀五分作賑是每石虧額餉一錢矣共虧餉三千六百三兩有奇至於分巡道廣寧錦義之境內若盤山高平吳家墳臧家堡等處共折細糧四千五百一十五石有奇俱係全災若照部議每石尚該徵銀三錢今各該地方受災獨慘顆粒無收軍民逃竄乞食父子夫婦不能相顧若非分外加賑必難生活實不

可追徵毫釐矣相應全免共虧餉一千八百六
 兩有奇又若海蓋道金復蓋三衛共折細糧三
 萬九千八十九石有奇俱係重災舊例每石止
 折徵銀二錢五分若照部議每石徵銀三錢是
 反加徵五分矣今宜仍照舊折徵二錢五分再
 議加賑銀五分不必給銀每石再免徵銀五分
 作賑共虧餉一千九百五十四兩有奇以上通
 共虧餉銀二萬六千八百八十六兩四錢四分
 七釐三毫六絲一忽七微一纖五塵即於賑銀
 五萬內照數扣抵是在公家於屯民應納之數
 酌其受災輕重而各免徵有差則謂之蠲可也
 謂之賑亦可也屯民並受實惠而官可省稽查
 給散之煩在屯民以公家應賑之數隨其所蠲
 多寡而各扣留在官則謂之抵可也謂之徵亦
 可也軍士不失額糧而民可省奔走輸納之累
 且大書曉諭官民可一旦而悉知一切該管委
 官及書識之弊可不單而自絕各衛之實徵花
 名文冊具在按冊而會計之其為蠲者徵者較
 然明甚不必復紛然造冊送之撫按存之各道
 矣蠲者在民扣者在庫即事完造冊

顧司馬奏議 卷之八 三百六

奏繳可無煩瑣以瀆
 天聽第於冊首以數語舉大綱而明矣此則賑銀五
 萬之內屯民已領二萬六千八百八十六兩有
 奇沾
 惠過半而可以仰慰
 皇上恤災之
 盛心矣尚餘銀二萬三千一百一十三兩有奇應分
 發五道查賑別項軍民而五道分發之數又當
 有差寧前道止二衛地窄人少而最衝最貧應
 發銀三千兩開原道三衛一州地窄人稍多而
 較之河西穀差賤應發銀三千兩海蓋道四衛
 一永寧監地廣人衆而南衛視沿邊稍寬又得
 通海有貿遷之利利首及南衛應發銀三千兩
 分守道七衛一州兼開原海蓋二道之衆應發
 銀六千兩分巡道九衛人衆而災獨甚甚於四
 道應以其餘八千一百一十三兩有奇悉發之
 分巡道夫賑銀屯民已領過半則所省煩擾亦
 過半即攢造文冊唱名給散亦易舉耳事完之
 日造冊
 奏報豈不較簡易哉至於慎選委官則各道諸臣

顧司馬奏議 卷之八 九 三十一

之責也然諸臣必不憚其煩親為料理乃克有濟而責成各道則又臣等之責也部臣不日且至不先

請明當何所措手哉謹將全遼五道所屬各衛屯科管田糧石折細被災該免虧餉各數目開列上請伏乞

勅下戶部再加查議具覆以便遵守受災軍民幸甚臣等幸甚為此具本謹題請

旨

計開全遼屯科管田糧石折細通共一十七

顧司馬奏議

卷之八

十一

三十八

萬七千二百五十三石三斗七升三合
二勺六抄五撮二圭照本鎮軍餉例定
遼左等二十二衛每石折銀四錢金復
蓋三衛每石折銀二錢五分通共該銀
六萬五千三十七兩八錢六分二微五
纖五塵今議全災與重災輕災各免徵
不等除實該徵銀三萬八千一百五十
一兩四錢一分二釐六毫三絲八忽五
微四纖外虧餉銀二萬六千八百八十
六兩四錢四分七釐三毫六絲一忽七

微一纖五塵議將賑銀抵補

分守道所屬遼瀋七衛原額實徵屯科管田

糧石折細共五萬九千四百五十七石

八斗一升二合三勺六抄七撮五粟照

本鎮軍餉例每石折銀四錢共該銀二

萬三千七百八十三兩一錢二分四釐

九毫四絲六忽八微二纖今議重災輕

災各免徵不等除實該徵銀一萬二千

四百四十九兩八錢二分九釐五毫四

絲三忽四微一纖外虧餉銀一萬一千

顧司馬奏議

卷之八

十一

三〇一

三百三十三兩二錢九分五釐四毫三
忽四微一纖應補
重災折細五萬三千八百七十五石一斗
四升一合六勺六抄七撮五粟每石折
銀四錢共該銀二萬一千五百五十兩
五分六釐六毫六絲六忽八微二纖係
本鎮額餉照部議每石止徵銀三錢免
徵銀一錢內虧餉銀五千三百八十七
兩五錢一分四釐一毫六絲六忽七微
五塵今議賑銀一錢不必給銀再免徵

銀一錢作賑又該虧餉銀五千三百八十七兩五錢一分四釐一毫六絲六忽七微五塵二項共一萬七百七十五兩二分八釐三毫三絲三忽四微一纖應將賑銀抵補

輕災折細五千五百八十二石六斗七升七勺每石折銀四錢共該銀二千二百三十三兩六分八釐二毫八絲係本鎮額餉照部議每石止徵銀三錢五分免徵銀五分內虧餉銀二百七十九兩一

顧司馬奏議

卷之八

十二

三〇三

錢三分三釐五毫三絲五忽今議賑銀五分不必給銀再免徵銀五分作賑又該虧餉銀二百七十九兩一錢三分三釐五毫三絲五忽二項共五百五十八兩二錢六分七釐七絲應將賑銀抵補分巡道所屬廣寧錦義右屯九衛原額實徵屯科營田糧米折細共三萬五千三百六十七石三斗七升九合八勺五抄照本鎮軍餉例每石折銀四錢共該銀一萬四千一百四十六兩九錢五分一釐

九毫四絲今議全災與重災輕災各免徵不等除實該徵銀八千四百七十三兩六錢一釐四毫四絲外虧餉銀五千六百七十三兩三錢五分五毫應補

全災折細四千五百一十五石九升七合一勺五抄每石折銀四錢共該銀一千八百六兩三分八釐八毫六絲係本鎮額餉照部議作重災每石該徵銀三錢今各該地方受災獨慘顆粒無收軍民逃竄乞食父子夫婦不能相顧若非分

顧司馬奏議

卷之八

十三

三〇五

外加賑必難生活實不可追徵毫釐矣相應全免共該銀一千八百六兩三分八釐八毫六絲即以賑銀抵補重災折細七千八百二十石八斗三升三合七勺每石折銀四錢共該銀三千一百二十八兩三錢三分三釐四毫八絲係本鎮額餉照部議每石止徵銀三錢免徵銀一錢內虧餉銀七百八十二兩八分三釐三毫七絲今議賑銀一錢不必給銀再免徵銀一錢作賑又該虧餉

銀七百八十二兩八分三釐三毫七絲
二項共一千五百六十四兩一錢六分
六釐七毫四絲應將賑銀抵補

輕災折細二萬三千三十一石四斗四升
九合每石折銀四錢共該銀九千二百
一十二兩五錢七分九釐六毫係本鎮
額餉照部議每石止徵銀三錢五分免
徵銀五分內虧餉銀一千一百五十一
兩五錢七分二釐四毫五絲今議賑銀
五分不必給銀再免徵銀五分作賑又

顧司馬奏議

卷之八

十四

三百十

該虧餉銀一千一百五十一兩五錢七
分二釐四毫五絲二項共二千三百三
兩一錢四分四釐九毫應將賑銀抵補
寧前道所屬寧前二衛原額實徵屯科糧料
折細一萬五千二百五十五石八斗九
升九合五勺八抄七撮六圭五粟照本
鎮軍餉例每石折銀四錢共該銀六千
一百二兩三錢五分九釐八毫三絲五
忽六纖係本鎮額餉俱重災照部議每
石止徵銀三錢免徵銀一錢內虧餉銀

一千五百二十五兩五錢八分九釐九
毫五絲八忽七微六纖五塵今議賑銀
一錢不必給銀再免徵銀一錢作賑又

該虧餉銀一千五百二十五兩五錢八
分九釐九毫五絲八忽七微六纖五塵
實該徵銀三千五十一兩一錢七分九
釐九毫一絲七忽五微三纖二項該虧
餉銀三千五十一兩一錢七分九釐九
毫一絲七忽五微三纖應將賑銀抵補
開原道所屬開原鐵嶺三衛原額實徵屯科

顧司馬奏議

卷之八

十五

三百十二

營田糧米折細一萬二千五百五十石
六升九合九勺五撮照本鎮軍餉例每
石折銀四錢共該銀五千二十兩二分
七釐九毫八絲二忽今議重災輕災各
免徵不等除實該徵銀三千二百五十
二兩三錢五分九釐四毫三絲六忽五
微外虧餉銀一千七百六十七兩六錢
六分八釐五毫四絲五忽五微應補
重災折細五千一百二十六石六斗一升
五合五勺每石折銀四錢共該銀二千

五十兩六錢四分六釐二毫係本鎮額
 餉照部議每石止徵銀三錢免徵銀一
 錢內虧餉銀五百一十二兩六錢六分
 一釐五毫五絲今議賑銀一錢不必給
 銀再免徵銀一錢作賑又該虧餉銀五
 百一十二兩六錢六分一釐五毫五絲
 二項共一千二十五兩三錢二分三釐
 一毫應將賑銀抵補

輕災折細七千四百二十三石四斗五升
 四合四勺五抄五撮每石折銀四錢共

額司馬奏議

卷之八

十六

二九八

該銀二千九百六十九兩三錢八分一
 釐七毫八絲二忽係本鎮額餉照部議
 每石止徵銀三錢五分免徵銀五分內
 虧餉銀三百七十一兩一錢七分二釐
 七毫二絲二忽七微五纖今議賑銀五
 分不必給銀再免徵銀五分作賑又該
 虧餉銀三百七十一兩一錢七分二釐
 七毫二絲二忽七微五塵二項共七百
 四十二兩三錢四分五釐四毫四絲五
 忽五微應將賑銀抵補

海蓋道所屬金復海蓋四衛原額實徵屯科

糧米折細共七萬五千七十四石二斗

一升一合五勺五撮五圭內除原額折

色豆二萬四百五十二石不拘年歲豐

歉每石折銀二錢連年解管糧衙門送

庫照舊徵納外止該本色折細五萬四

千六百二十二石二斗一升一合五勺

五撮五圭照本鎮軍餉例海州衛每石

折銀四錢金復蓋三衛每石折銀二錢

五分共該銀一萬五千九百八十五兩

額司馬奏議

卷之八

十七

三〇六

三錢九分五釐二毫九絲六忽三微七
 纖五塵俱重災今議各免徵不等除實
 該徵銀一萬九百二十四兩四錢四分
 二釐三毫一忽一微外虧餉銀五千六
 十兩九錢五分二釐九毫九絲五忽二
 微七纖五塵應補

海州衛折細一萬五千五百三十二石二斗

八升二合八勺每石折銀四錢共該銀

六千二百一十二兩九錢一分三釐一

毫二絲係本鎮額餉照部議每石止徵

銀三錢免徵銀一錢內虧餉銀一千五百五十三兩二錢二分八釐二毫八絲今議賑銀一錢不必給銀再免徵銀一錢作賑又該虧餉銀一千五百五十三兩二錢二分八釐二毫八絲二項共銀三千一百六兩四錢五分六釐五毫六絲應將賑銀抵補

金復蓋三衛折細三萬九千八十九石九斗二升八合七勺五撮五圭即係支給三衛官軍俸糧之數遼鎮屢次加餉止加

顧司馬奏議

卷之八

十八

三〇四

沿邊二十二衛及各營堡墩臺軍丁哨夜月糧金復蓋三衛官軍原未議加仍照先年二錢五分之例故年豐官軍各支本色年歉折徵每石止徵銀二錢五分給放官軍即照此數今若部議作重災每石徵銀三錢是反加徵五分矣應照舊每石徵銀二錢五分共該銀九千七百七十二兩四錢八分二釐一毫七絲六忽三微七纖五塵今議賑銀五分不必給銀再免徵銀五分作賑實該徵

銀七千八百一十七兩九錢八分五釐七毫四絲一忽一微該虧餉銀一千九百五十四兩四錢九分六釐四毫三絲五忽二微七纖五塵應以賑銀抵補

顧司馬奏議

卷之八

十九

史本九

地方災傷懇賜蠲恤

題為地方災傷異常軍民十分饑困懇乞

天恩早賜勘議蠲恤以保孤危重鎮事先該臣題條

陳一議海禁合候

勅下該部議覆移文北直隸山東撫按行該道府俟

臣等委官齎銀分投南則登萊之間西則天津

等處糴買米穀由海運來或充軍餉或賑民饑

隨宜給散以濟目前之急其商販人等亦容其

分投糴買給引查驗盤詰庶海道通而救遼之

策無有過於此者一議發賑如使海道果便則

顧司馬奏議

卷之八

二十

史方

年例軍餉望給天津本色米十萬石而扣其銀

於太倉仍給脚價轉運此亦濟變之權宜也又

該兵科都給事中顧九思等題為遼鎮重罹大

災事勢巨測懇

恩曲加優恤嚴

勅備禦以存孤懸以杜禍患事內稱乞

勅戶兵二部悉心會議見今應該發賑若干及年例

軍餉若干先用本色從天津海道轉運接濟以

救燃眉之急該兵部覆議備行遼東巡撫顧

轉行山東北直隸各巡撫衙門查照所議各

行該道等官聽其委官齎銀分投糴買東自登

州新河關至金州旅順口經由海運以濟河東

西自天津曹泊店至寧遠右屯衛經由海運以

濟河西至於掛號給引盤詰夾帶事理悉聽各

該衙門設法施行等因題奉

聖旨是該鎮災傷重大海禁准暫開濟荒各該地方

還着設法稽查毋得疎玩欽此又該戶部覆議

天津通州倉糧俱係歲漕四百萬石之數原無

借賑之例且天津倉一歲所入僅足以供一歲

支用似難輕議至欲以年例易米既可以濟緩

顧司馬奏議

卷之八

二十一

三百廿六

急又無損於

國儲相應依擬題

請恭候

命下本部移咨總督倉場左侍郎毛綱及劄通糧廳

即中于文熙查漕糧應撥通倉者十萬石曬揚

乾潔收貯倉廩一面移咨遼東巡撫都御史顧

即便委官踏勘海道如果可通徑自雇覓

海船直抵通州順流而下為力甚易仍選委的

當官數員分投押運其脚價即於輕齎銀內計

程補給運至該鎮照米價之貴賤定斗頭之多

寡酌量給軍仍稍從寬以默寓賑濟之意本部
於題發年例之時照兌運改折例每米一石扣
銀七錢共扣銀七萬兩留貯太倉以備折放軍
士之用俟來歲漕糧於應撥京倉數內改撥十
萬石補還通倉如海運險阻不便般運前米仍
貯本倉挨陳支放等因題奉

聖旨是欽此欽遵俱備咨到臣該臣查得臣於去年
八月內以遼鎮異常災傷題

請蠲賑而及天津倉糧轉運允餉者蓋為今年三月
以後計也部臣以天津倉糧不足而即議通倉

顧司馬奏議

卷之八

二十二

揚言四十一

糧十萬曬揚乾潔給遼餉且欲於輕齎銀內計
程補給脚價運至本鎮其急遼之急誠不啻奉
漏壑而沃焦釜矣臣非不願即飛輓十萬石濟
遼軍使早沾

皇上寓賑於餉之

弘恩顧當其時已為九月矣九月以後壯風漸勁天

津海不便往來必俟三月後風乃利而遼素禁

海無所用舟楫故官民船可轉漕者甚少候

明旨許通海乃敢令民間自造報官編用亦必待三

月後而始齊此固天時人事不容不然者也自

去秋迄今臣與按臣查將臣等所積在庫贖銀
及在倉米穀聽各道視緩急定數呈發每道發
賑或二次或三次計賑過極貧軍餘男婦一萬
二千四百五十七名口用過銀八百三十八兩
米一千一百二十三石九斗穀二千二百六十
九石及戶部主事喬起鳳齋

皇上發賑銀五萬兩到鎮除將銀二萬六千八百餘
兩抵蠲作賑首惠被災屯民不下十餘萬戶外
其二萬三千一百餘兩即設處銀米相兼聽各
道委官給散極貧次貧各項軍民共七萬一千

顧司馬奏議

卷之八

二十三

三百六十

八百六十九名至煮粥一節除近邊城堡及星
散村屯事勢不便者隨宜給散銀米不能舉舉
外臣又設處薪米於廣寧城按臣設處薪米於
遼陽城各委官煮粥立法給散按臣近又發題
允新納吏承米數百石於海州及高平等三站煮粥
給散通候事完各造冊

奏報大都處輕災之鄉而尚有雜糧可糴者與之
銀重災全災之鄉與之米流移無籍而乞食於
大城者與之粥大營軍之分防於河東無行糧
而極貧者與之倉穀軍丁遠調遺妻子於鎮城

而凍餓無聊者與之散賑之餘糧凡此皆所以
普

皇上浩蕩之

恩酌量先後調停其間以延遼人喘息於三月之前
也三月以後乃可望天津漕糧接濟矣當時止
以倉卒告災諸事未有次第故難詳言之耳夫
部臣以歲裏濟急故發通倉自通達天津又自
天津達遼其勢遠且難故議腳價而遼東海船
但可抵天津則自通達天津當覓他船費當益
鉅矣且通倉所發又竟當撥補也今通倉糧既

顧司馬奏議

卷之八

二十四

三三六

不能運於歲裏而天津海洋風候又必待三月
之後而始利三月後則今年漕糧可至矣取其
應撥京倉而首先至天津者即留入天津倉以
待遼東自運可無煩發通倉以免覓船之煩而
省腳價之費且十萬糧之領運官軍又可免遠
涉之勞而糧船得早回空矣此其為公私之便
較然也臣又查得臣先告災而議開海禁者本
為通糴而救荒也自奉

明旨之後差人問之登萊則登萊閉糴也差官糴於
天津則天津閉糴也蓋登萊天津一時並災難

責之損有餘以濟遼是遼已無望糴於登萊天
津矣然則遼軍今歲之食他更無所倚惟倚漕
糧耳而漕糧十萬石計部扣七萬之數較遼價
多寡之平止足供全遼軍丁兩月之餉而已臣
不知其復何以為繼也萬不得已須再留漕糧
十萬於天津而扣銀如例或可支半年以待秋
成何如耳又查得部發遼餉每石止四錢而扣
銀則七錢雖漕糧折色元有定例而以遼視之
每石實多扣銀三錢矣總二十萬糧則多扣銀
六萬矣當此發賑抵蠲赴急如流之日計太倉
所積銀當不足米當有餘發有餘而留不足是
亦未嘗無益於太倉也而臣亦非敢更求多於
額餉之外也伏乞

顧司馬奏議

卷之八

三十五

三三六

皇上軫念衝邊徼坐困而無隣
勅下戶部再加酌議如果臣言可行將本年山東河
南漕糧首先至天津者先儘二十萬石曬揚乾
潔另覈收貯明白封識以待遼東船到兌發不
得隨該倉換陳之例止於輕齎銀內查給自倉
抵船之腳價仍每石二斛一平一尖如其收法
蓋遼軍以二石價致米一石給放時亦必以一

石米充兩月之餉視月給本色米一石者已疾其半矣非得新運乾潔之米則軍心必不願而得一尖之微羨亦陸魚之濕沫也未必無少濟矣再照開海禁者固以通糶亦以通貨也通糶固以救荒通貨亦兩地民間生理彼此俱利而未必無補於荒救也貨通必有稅又未必無補於官而取其羨以救荒亦一策也先年遇災而請通糶未嘗不通貨臣前所

請蓋援往例耳今山東天津並罹重災自救不暇遼左不可復言糶以啟兩地民間爭端士大夫異

顧司馬奏議 卷之八 二十六 三百四十一

議必俟兩地果豐而遼獨災也遼乃得乞糶於兩地兩地之民亦必趨利而樂於糶然安知遼無豐年而兩地竟無水旱耶兩地亦得援例而糶於遼此須剖藩籬為一家觀豐凶於十載事求俱利法在可行如或法久弊生無妨再禁通俟該道將一切事宜酌議詳妥通呈臣等另行會

題外惟通貨一節係目前救荒急務應從民便不可強而亦不必禁也不然既不通糶又不通貨遼左請開海禁何為哉况自奉

明旨之後即行令濱海居民造舟待用本以利之也既已費財力造舟而無所用不反重困遼人耶且邊左海船每隻用水手十五名如運天津米二十萬其所費工食良不貲以責之遼必不能辦也以望之部又無是理也若令每船運糧三四百石外聽之載貨若干以為工食則民利而官省巨益籌之熟矣是天津通貨與運糧蓋相須者也臣是以不能已於言也併乞

勅下該部議覆臣不勝懇切祈望之至為此具本謹題請

顧司馬奏議 卷之八 二十七 原元一百三十六

旨

自陳不職乞賜罷斥以嚴考察
奏為自陳不職乞

賜罷斥以嚴考察事萬曆十五年正月二十九日

准都察院咨為遵舊例嚴考察以勵庶官事該

吏部題照得兩京官員每六年一次考察除四

品以上及翰林院學士例該自陳等因題奉

欽依通行各該督撫一體欽遵施行等因備咨到臣

切照臣由嘉靖四十四年進士歷官戶部主事

員外郎中福建僉事廣東參議副使而福建以

僉事論臣復調雲南僉事陞浙江參議副使調

顧司馬奏議 卷之六 三十一 三十三

薊州副使紆迴仕路二十餘年無尺寸之效而

有彈劾之章其為不肖昭昭也頃者

皇上不以臣為不肖

拔臣於儕伍之中而

授以撫遼之

命臣自揣非分曾具疏懇辭而不能得勉強受事凡

十有八月於茲矣中間又以大帥出塞之功併

錄及臣而得令官伏念

皇上命臣巡撫遼東是責臣以安邊也必無一夫不

獲而後可以言拊楯

命臣贊理軍務是責臣以禦虜也必使匹夫不入而

後可以言保障今者內罹重災不能保其無凍

餓死徒拊楯之謂何外逼強虜不能保其無殺

畧焚燒保障之謂何是臣實不能禦虜安邊而

稱

任使也其為不肖愈益明甚矣且當師旅饑饉之會

而日夜不暇給也則憂因人成事而無功倖

恩澤也則慙恐貽好事喜功名而有所張皇欺蔽之

譏也則懼自反涼薄而不足以樹信於人也則

憤憂與慙結於心脾懼與憤傷其肝膽臣以藁

顧司馬奏議 卷之八 三十九 三十九

爾之軀而攻之者非一途身非木石病從內生

矣不肖當退病亦當退矧不肖而又加之病也

遼何地也今又何時也而可使不肖抱病之臣

濫為之撫耶夫處危險之地值艱難之時即仗

節死官下而不敢避者臣之心不能夷險安危

而弘濟艱難者臣之力見可而進知難而退者

臣之誼而進賢退不肖者則有

朝廷之

公典在也臣又安所逃矣伏乞

皇上俯念衝邊非竊祿之地撫臣非備員之官端

非任重之器

特賜罷斥使臣得安其分而別選賢能以充是任不
獨仕路為清而實以計安孤塞矣為此具本奏
聞

顧司馬奏議

卷之六

三十 張五十

冲菴顧先生撫遼奏議卷之九

疏

通州 益卿顧養謙著

奉 諭查勘災傷地方

題為欽奉

聖諭事萬曆十五年正月二十三日准戶部咨本年

正月十四日申時該司禮監太監張誠等傳奉

聖諭近聞各災傷地方劫掠公行民生不安前有勅

旨着各處申嚴保甲緝捕盜賊即今保甲有無

通行盜賊有無寧息兩雪有無沾足流民有無

顧司馬奏議

卷之九

三

復業各撫按官每月一次從實奏報司道有司

有能彌盜安民及曠職廢事者不時甄別具奏

賞罰不許規避隱匿悞事養亂又聞各處積有

米穀地方閉遏隣境糴買殊失朝廷愛民均一

之意着各該撫按官及時曉諭禁約務令通融

協助其接濟糴買事宜戶部從長計議來行欽

此欽遵備咨前來煩為遵照

聖諭內事理嚴督司道速行各該有司將被災地方

雨雪愆期務要竭誠祈禱流民逃移務要設法

招撫每一月一次

奏報其司道有司有能仰體

朝廷德意彌盜安民及玩視民瘼曠職廢事者即

從實不時分別具

奏賞罰不得隱匿其積有米穀隣境地方各要通

融協助不許過糴如違以故違

明旨參論等因又准兵部咨同前事備咨前來煩為

遵照

明旨內事理會行巡按御史一體欽遵查照施行等

因准此已經備行各道欽遵備查呈報去後續

據山東布政使司分巡遼海東寧道兼理廣寧

領司馬奏議

卷之九

三三四

等處兵備右布政使任天祚整飭寧前兵備右

叅政劉易從整飭開原兵備右叅政王緘分守

遼海東寧道兼理邊備右叅政栗在庭整飭金

復海蓋兵備管苑馬寺卿事右叅政郝杰各呈

蒙臣并巡按御史案牌依蒙將萬曆十五年正

月起至本年二月終止各所屬地方申嚴保甲

緝捕盜賊雨雪霑足流民復業四事逐一查訪

的實照款登卷及稱隨經出示曉諭積有米穀

地方居民務要通融協助不許過糴緣由各呈

報到臣臣會同巡按山東監察御史王國弼議

照遼鎮東越重關之外蓋

京師薊鎮之扞蔽也三面界虜而一線通朝鮮非

人人能戰其地不可守不可以腹裏有司之治

治也故

祖宗朝不設有司而設二十五衛二十五衛則皆軍

安樂自在二州則皆歸附夷人永寧監則牧馬

軍屯種之軍亦人自為守而諸軍之餘丁則各

為其佐保甲之法原非所宜先年亦曾行之臣

等近亦申嚴之遼河以東生齒頗繁民居稍密

故分守開原二道皆訪行之然皆為乘城禦虜

領司馬奏議

卷之九

三三五

之計河西以人煙稀闊南衛以民居渙散故分

巡寧前海蓋三道皆難行而各城堡何敢一日

忘禦虜虜可禦則盜不足憂矣蓋遼為用武之

場非辟盜嘯聚之地保甲之行不行非所急也

去年雖罹重災人情洶洶不無流移就食之輩

而蒙

皇上發賑蠲租不啻生死肉骨自齎賑部臣入境以

及今茲若大旱之得雨而天時人事又適相值

自冬徂春雨雪霑足於河東而微潤於河西是

以軍兵超距於伍農亦胼胝於野壯者不至散

而為盜老弱者不至盡轉死於溝壑去年之流
移者各就粥食於官而可以漸復其業山海以
西以永平道府不過糴而守關部臣日啓關門
聽商賈載糧以濟遼遼之所以災而不害也自
茲以往水旱雖未可逆觀而目前景象已足以
仰慰

皇上東顧之憂矣除三月以後隨時另行

奏報外今據各道將正二月分查實開款呈報前
來相應類

奏為此開坐具本題

顧司馬奏議

卷之九

四

三六十二朱

知

計開

保甲有無通行

前件據分巡道右布政使任天祚呈稱
照得保甲之法自古稱善然可行於腹
裏而不可行於邊鎮遼左三面隣虜東
南瀕海地窄人稀居者半軍半餘城堡
驛所設有捕盜官兵莊寨村屯亦有鄉
副屯甲附之衛所管轄雖未設有保甲
而互相詰查亦隱然有保甲之意也原

未通行據寧前道右叅政劉易從呈稱

查得寧前二衛係極邊地方與腹裏州
縣不同各城所驛堡俱駐有兵馬向無
編立保甲據開原道右叅政王緘呈稱
查得三萬遼海鐵嶺三衛預蒙撫按明
文挨門查審每十家編為一牌每百家
編為一保各置器械遇警各令登城擺
守據分守道右叅政栗在庭呈稱查得
定遼左等瀋陽七衛并清河等堡先經
本道定立保甲大小牌面上寫某家男

顧司馬奏議

卷之九

五

三〇九七

婦幾名口保長某人巡捕官兵巡緝稽
查各遵照申嚴通行據海蓋道右叅政
郝杰呈稱查得道屬衛監地方在衛者
俱係操軍籍名在伍所統有叅將守備
備禦千把總等官在屯者俱係軍餘隨
操更補原設有屯甲鄉副長等役而永
寧監俱係牧丁各有群頭約束且各屯
丁有朝在屯而暮應軍者有前在營而
後更班者有十數家為一屯者有三二
家為一屯者勢渙星羅居無鱗次其保

甲之法似難編立合無將約束稽查等項仍照此中舊規在營者責之將領千把總在屯者責之屯甲鄉副長等因該臣等看得遼鎮原係邊地所患者惟虜耳各衛城堡所驛俱設有操司并巡捕官兵村屯亦有屯甲鄉長各置器械既可禦虜又豈難防盜乎分守開原二道雖編牌甲無非為禦虜計是保甲之法在遼鎮可以行可以無行應聽各道權宜惟其所便不必執一紛更也理合

顧司馬奏議

卷之九

六

二十七史

奏報

盜賊有無寧息

前件據分巡道右布政使任天祚呈稱照得遼係兵馬之場自來無大盜結聚近以饑饉缺食窮民鼠竊者間一有之蒙

皇上給賑蠲租本道遵撫按屢行嚴督捕盜官兵晝夜巡緝地方並無群賊生發據寧前道右叅政劉易從開原道右叅政王緘分守道右叅政栗在庭各呈稱盜賊寧息

並無生發據海蓋道右叅政郝杰呈稱間有鼠竊之徒地方即隨時捕獲問擬發配並無嘯聚強劫等盜為害地方等因該臣看得遼鎮雖值豐年亦不能盡無強竊之盜然即擒獲正法不為地方大害今雖過災絕無饑民嘯聚為盜流害地方者也理合

奏報

雨雪有無霑足

顧司馬奏議

卷之九

七

二十七史

前件據分巡道右布政使任天祚呈稱今年正月稍得微雪二次二月稍得微雨雖未霑足然上年雨水甚多地氣尚潤可以佈種據寧前道右叅政劉易從呈稱正月雖落雪二次二月落雨一次未得霑足見今祈禱據開原道右叅政王緘呈稱所屬地方去冬積雪未消今春正二月落雪兩次雨一次似已霑足據分守道右叅政栗在庭海蓋道右叅政郝杰各呈稱正月落雪三次二月落雪一次雨一次俱各霑足等因該臣等

看得本鎮河東雨雪業已霑足河西雖未足而半尚可耕自是以後雨暘時若乃可望有秋也理合

奏報

流民有無復業

前件據分巡道右布政使任天祚呈稱照得流移避差鄰境或因饑饉就食他方往往有之近蒙

皇上蠲賑漸次復業據寧前道右叅政劉易從呈稱

寧前兩衛俱有賑賣米糧價值雖貴軍

顧司馬奏議

卷之九

八

二九六

民尚可支持未至逃流開原道右叅政王緘呈稱所屬地方年雖荒歉不至太甚軍民委無流移率多安業據分守道右叅政栗在庭呈稱流移饑民近奉欽依賑濟散銀糴米煮粥俱各復業據海蓋道右叅政郝杰呈稱道屬軍民遇歲凶荒委多艱食近蒙賑銀給粥懸罄者蒙

恩於賑絕粒者就食於官雖流移貧戶難保盡無隨經出示衛監各官將見在者加意存恤流移者多方招撫務期不致失所等因

該臣等看得遼鎮軍兵勞苦屯軍貧困即年豐不能無逃移况值此饑饉乎近蒙

皇上加餉發賑人有固志而冬春以來雨雪稍足關以西糴糧商賈通行不至如先年離散倘秋成可望流移之輩可漸招而復也理合

奏報

顧司馬奏議

卷之九

九

九四

甄別練兵官員

題為甄別練兵官員以昭勸懲以勵人心事據山東布政使司分巡遼海東寧道兼理廣寧等處兵備右布政使任天祚整飭寧前兵備右叅政劉易從整飭開原兵備右叅政王絨分守遼海東寧道兼理邊備右叅政栗在庭整飭金復海蓋兵備管苑馬寺卿事右叅政郝杰各呈將分隸營伍簡練過兵馬器械分数及各練兵將領備守等官分別勤惰回報到臣又准鎮守總兵官寧遠伯李成梁手本將督查過各營將領等

顧司馬奏議

卷之九

十

三三七夏京

官練兵分数分別等第回復到臣准此案照萬曆七年八月內准兵部咨為土酋屢挾貢市遼鎮孤懸可虞懇乞

聖明申飭兩鎮邊臣協心防禦事該前任巡撫都御

史周詠等會

題條議練兵該本部覆議看得所題大率謂該鎮兵馬惟正兵一營簡練已成數苦不多各營將領雖經簡練率多未精欲照近議於七月中旬責令總兵官親詣各營閱視年終督撫稽覈分数多寡考其將領道寺勤惰深得責成之法合

無依其所擬咨行該鎮督撫衙門查照所議行令總兵官於七月內親詣各營點視要見軍丁馬匹果否精壯盛甲器械果否堅利務在畧去虛文幹理實事督率查閱一如正兵選練之法中間將領有簡練無效者輕則懲戒重則叅究每歲終即以練兵分数多寡分別各官勤惰聽督撫舉劾懲勸等因題奉

顧司馬奏議

卷之九

十一

三三五嵩陽

欽依備咨前來已經通行各兵備道轉行各將領等官欽遵查照簡練及會將正兵營盛甲臂手弓箭腰刀撒袋每營各發一件立為式樣行令照式修整又每營每季酌給操賞銀兩責成各道監督簡練除萬曆十三年已經分別會題外今照萬曆十四年又該總兵官李成梁親詣點驗及委官查點去後今據前因臣會同總督薊遼保定等處軍務兼理糧餉都察院右都御史兼兵部右侍郎王 查據各營簡練實數叅以上年點驗舊用各將領等官之勤惰蓋有莫可掩者除新任與增練不多怠玩未甚者臣等量行分別獎戒不敢槩瀆

聖聽外查得廣寧正兵哨探營加銜副總兵李平朝

前鋒加街副總兵李寧李興選鋒中營加街副
 總兵查大受選鋒左營加街遊擊唐伯美前鋒
 外家丁左營加街參將塗寬前鋒外家丁中營
 加街遊擊塗廣前鋒外家丁右營加街遊擊胡
 尚忠選鋒中營督陣原任遊擊蔣位選鋒右營
 督陣加街遊擊蔣國泰選鋒左營督陣原任參
 將熊朝臣標下中軍原任遊擊王盛宗坐營中
 軍金承武正兵營旗鼓官陳一諤管前鋒裏降
 夷所守備高良弼前鋒哨探營加街備禦李繼
 武前鋒外家丁左營中軍加街備禦高貞練兵
 馬則鬼神可動飭器械則戰守深裨翼大將如
 子弟之為父兄殲強虜若鷹鷂之攫鳥雀又如
 遼陽副總兵楊燮廣寧左營管遊擊事加街副
 總兵孫守廉寬奠管參將事加街副總兵王維
 貞正安堡車營管遊擊事副總兵姚大節義州
 管參將事遊擊黑雲龍開原參將李宗召錦州
 管遊擊事加街參將李文芹寧遠參將李維藩
 前屯遊擊祖承訓鐵嶺遊擊黃應魁廣寧右營
 遊擊陳嘉寵中固管備禦事加街遊擊劉仲文
 領兵遊擊張世爵開原備禦吳希漢前屯備禦

顧司馬奏議

卷之九

三十一

冲庵顧先生撫遼奏議 卷九

楊紹祖金州守備王善政沅河備禦董文貴長
 奠堡備禦王紹芳義州備禦栢朝翠瀟河備禦
 趙之牧慶雲堡備禦吳嗣勳靛陽守備王印鎮
 靜堡守備鄭應時西平堡備禦楊紹先守邊疆
 各當豺虎之衝訓士卒俱得熊羆之旅遠近星
 羅棋布而人人効能日夜仰瞻卧薪而時時奏
 績以上諸臣俱練兵著有勲勞所當叙薦以示
 激勸以需錄用者也內李平胡於大帥為先鋒
 李寧李興為左右翼此三臣者虜中素所畏憚
 鎮城大營之中缺一不可且相與約為兄弟誓
 同生死語其報
 主上之心真可謂忠臣義士跡其事大帥之節誠不
 媿孝子慈孫近李平胡雖加陞右都督李寧李
 興亦俱為副總兵而隨營報効之勤如故察其
 心即以他鎮一鎮守與之所不願也臣以為此
 三臣積有功勞第當加其名號厚其賞賚聽其
 為大帥之手足而不宜他推以奪驍將而損軍
 聲者也高良弼以統降夷而得虜中之情狀最
 真李繼武以司哨探而為軍中之耳目尤要此
 二臣者雖有功勞亦止當加街加賞而專任以

顧司馬奏議

卷之九

三十一

三十一

三十一

便責成者也及查得分巡兵備右布政使任天祚盡心軍實畢智戎機本無他腸而人見疑屢有奇勲而謗以起勞勩已積乎四載功名盡棄於一朝整飭寧前兵備右叅政劉易從才誠兩合謀勇兼資物望著於衝邊軍聲振於孔道處孤危良工獨苦任勞怨士卒同甘整飭開原兵備右叅政王緘機沉審而多智氣掀揭而寡倚談邊則全鎮在提衡之中馭夷則奇策出撫剿之外宵藏兵甲筆湧風濤分守邊備右叅政栗在庭沉毅鎮靜之度精練明徹之才利鎧仗績

顧曰馬奏議

卷之九

一四

三五三十一

可無前練陣圖兵為有制淵然武庫辯矣智囊整飭金復海蓋兵備右叅政郝杰忠誠而兼之揮霍洞達而益以精詳久廢之城垣處處皆修創設之營伍人人自選不獨作長城於南衛實則培元氣於全遼此五臣者並當紀錄者也內任天祚近以京官考察當調在任候代四年之內積功累勞甚盛其餘修守訓練之勤姑無論已查得萬曆十一年十二月內為恪遵

明旨仰仗

天威剿平逆虜以安孤懸邊鎮等事剿殺逞仰二奴

斬獲首虜一千五百六十三級救回漢人一十三名口擒獲幼夷七口本官以副使帶管開原道事督兵有功陞右叅政十三年三月內為虜賊糾謀復舉仰仗

天威主將督兵出塞奮剿大捷事於丁字泊堡邊外地名打大斬獲首虜八百三十七級救回被虜婦女一口本官以功陞按察使十四年二月內為大虜結聚謀犯主將相機出師仰仗

天威官兵奮勇擒斬獲收奇捷事於鎮邊堡境外地名可母林斬獲首虜九百二級救回漢人二

顧曰馬奏議

卷之九

一五

十二名口擒獲幼夷男女七十八名口本官以功陞右布政使而今以原任兵部武選司即中考察浮躁淺露應降一級調外任夫京考黜幽固

皇上肅京官之大典而邊功進秩亦

皇上勵邊臣之大權誠使舉任天祚今昔功過而較量之不啻足以相當者今以疇昔之故而一旦盡棄其平生臣是以惜之而深嘆其置邊功於無用也又如正兵營前鋒裏家丁左哨千總安樂州都指揮使李尚仁挽強弓舊殲射鵬之虜

馳車騎新斬躍馬之酋前鋒裏家丁右哨千總
鐵嶺衛都指揮僉事金尚禮隨大營先登之績
屢著守高橋死戰之功最奇廣寧左哨千總廣
寧左衛指揮僉事劉應德貌雄偉而騎射尤閑
氣勇猛而戰陣素練火器哨千總廣寧衛指揮
使黑雲鳳技藝優閑而訓練勤英資颯爽而行
陣熟廣寧後哨千總金州衛署都指揮同知趙
國楨練火器則營陣增威統操軍則旌旗生色
廣寧前哨千總廣寧衛指揮同知安本固資身
有策而操守最廉訓士知方而擔當甚勇前鋒

顧司馬表議

卷之九

一六 三月二

外家丁中營中哨千總鐵嶺衛指揮同知詹鞠
養年青茂而志向不群力剛強而騎射罕儷廣
寧中軍哨千總定遼右衛都指揮僉事趙栢領
士馬威行於塞外斬首虜名振於軍中廣寧右
哨把總廣寧左衛前所正千戶宋國賓才明練
而精勤以任事氣果敢而踴躍以從戎把總寧
遠衛左所試百戶楊清通敏有集事之才慷慨
負建功之志廣寧中哨把總廣寧左衛中所正
千戶楊體元散糧給軍無科尅而素有絕甘之
節領價市馬多奇羨而且收汗血之良前鋒裏

家丁左哨把總蓋州衛中所實授百戶鄒添福
遇敵則挺身於數百虜之中追亡則斬克酋
於三十里之外前鋒裏家丁右哨把總廣寧左
衛左所試百戶徐義勤遠戍而觸盛暑之戰尤
難遇大虜而保高橋之績堪紀前鋒外家丁左
營左哨把總廣寧衛署都指揮僉事宋寶隨營
則訓練之力居多出塞則斬獲之功非一寧遠
義兵千總寧遠衛指揮僉事王宗堯才具老成
而戎務堪託志氣奮發而虎穴可探正安堡車
營中軍定遼後衛都指揮同知葉貴隨征剿屢

顧司馬表議

卷之九

一七 三月廿四

有捕斬飭營伍更見作為守鎮邊堡廣寧衛指
揮使李都恤貧軍遇災而不至離散擒逸賊正
法而可示威嚴以上諸臣均應紀錄以俟遇缺
推用者也又查得管海蓋叅將事加銜副總兵
宿某貌既欠揚才亦甚短斥堠之火器未備傳
報何憑丁夜之偵探不明收保奚賴馬匹半瘦
豈盡芻蕘之不克市米強賒不恤行戶之生怨
海蓋乃近邊之地本官非應變之材近日東
堡零賊入犯殺虜不下數十人而本官止報
人即此一節所當革任以為欺蔽之戒者

也備禦甚急於奉公而動于眾怒勇於任怨而不近人情先為遼陽中軍義兵非不練也而甲馬促辦於旦暮大啓流言今為右屯備禦壞城非不修也而版築無間於朝昏致遭告訐蓋本官性嚴刻而事固執招尤速謗其來有由雖跡其謗書皆無驗而人心大失難以善終亦應革任以俟佩韋改絃而別用者也前項各官員缺急應議補查得廣寧左營管遊擊事加銜副總兵孫守廉勇畧著聞才具通練守已不失乎尺寸料敵動中乎機宜廣寧右營遊擊陳嘉寵

顧司馬奏議

卷之九

一八

三十七

鎮靜不浮謹飭有守撫士卒人情安堵整部曲陣勢排山以上二員俱堪推補宿 某員缺如用孫守廉查得開原備禦吳希漢猛氣鷹揚雄姿虎視任廣寧則積案舉於勤敏調開原則市夷憚其威嚴原任遊擊王盛宗偉幹罕倫壯心自許事多練而力足擔當病久痊而才堪叙用以上二員俱堪推補孫守廉員缺如用吳希漢查得開原叅將中軍三萬衛指揮僉事王汝徵敏而知機圓而善事總操司能作士氣管中軍大得人心鐵嶺右哨千總鐵嶺衛指揮使宿振

文廉知守已勇欲吞胡威名著群酋之中騎射出諸軍之右以上二員俱堪陞補吳希漢員缺又查得掌瀋陽中衛印東寧衛指揮僉事王玠操守謹飭才識通明撫疲衛軍士歸心處衝邊修防有策掌定遼左衛印定遼中衛指揮僉事佟養中志氣並壯才守兼優管捕則盜賊潛消視篆則廢閣漸舉以上二員俱堪推補審 某員缺又據報懿路備禦陸尚學近已病故查得鐵嶺遊擊營中軍遼海衛指揮使彭國珍力可無人射能殲虎捕斬名聞於諸虜傳宣令肅於

顧司馬奏議

卷之九

十九

三十七

三軍遼陽守道中軍定遼中衛署都指揮使康元吉廉正得人勤能集事練義兵勞績可紀統降夷威惠適宜以上二員俱堪推補陸尚學員缺又查得廣寧備禦郭濟川敏練有為而官坐治乎里閑任法難終長奠備禦王紹芳精爽多識而任久偏於東隅人情易玩此二臣者相應更調者也又查得遊擊陳伯懌修路河則湮塞將通墾荒田則草萊漸闢雖大水懷襄成功半棄而苦心經畫良法猶存即災傷之後而收穫水稻雜糧尚七百餘石其功勞固不可泯也但

本官閩產也塞上沍寒風氣已自非宜官中蕭索水土亦且不服形容憔悴舉動周章遼左非其久處之地相應聽其回籍以俟腹裏推用者也隨營加銜遊擊李如梧觀其貌不過中人試其技可當勁敵查得本官為總兵官李成梁親姪該前任撫臣李松與成梁會議疏請裁免以避嫌疑且言其年青力壯技藝俱優才難終棄該兵部覆候別鎮員缺仍以原官調補至今隨營征防如故雖出塞屢有戰功而本鎮難以推用在成梁終為有嫌當避在如梧竟爾無路可

顧司馬奏議

卷之九

二十

三十九

前不無可惜似應如前議別鎮推用以盡其才者也伏乞

勅下兵部再加查議將李平胡等楊燮等紀錄優叙任天祚等移咨吏部紀錄擢用李尚仁等遇有相應員缺推用宿其寧其革任各員缺即將徐守庶等推補郭濟川與王紹芳更調陳伯懌回籍聽用李如梧聽調別鎮庶勸懲有機而銜邊文武諸臣知勵矣為此具本謹題請

旨

辭加俸併 誥命 欽賞
奏為微勞自贖叨

賞逾涯懇辭

恩命以安分誼事萬曆十六年五月二十一日准兵部咨為仰遵

明旨剝服負固逆酋恭報捷音以慰

聖懷併乞

俯錄獲功死事人員優叙危苦勞臣以昭激勸大典以安孤懸重鎮事該本部覆議本鎮剿服逆酋那林孛羅等斬獲捷功等因奉

顧司馬奏議

卷之九

二十一

三十一

聖旨該鎮剿服逆夷有功顧養謙陞俸一級給與應得誥命賞銀三十兩紵絲三表裏善後事宜着該督撫等官悉心計議停當具奏欽此臣聞

命自

天感懼交集除善後事宜務求萬全容臣等另疏會題外臣竊惟賞有功罰有罪者

人君勵世之大權也功罪自明不敢欺君上而倖

恩澤者人臣之節也罪則未罰而功則同賞苟有忠愛之心明人臣之節者必有所大不安於

中而不敢儼然自以為得當則臣今日之謂也夫頃者剿服海西逆酋臣其實疏

聞而復自陳罪狀者非矯情也誠以那卜二酋本我屬夷善撫之為我藩籬以修

祖宗之業策之上也撫之不善以致逆狀日甚制馭無策而為開原隱憂則將安用邊臣為也臣是

以參兵備之官

皇上業急速參政王某而竟褫其職矣又因王某而急速布政任某事雖得明而亦褫其職矣二臣者皆以海西夷故褫其職而臣今日獨以海西

夷故而蒙

上賞不惟身受

金幣俸級之褒加而

誥命之榮且及先世視二臣榮辱何啻九天九淵夫

王某以不善撫夷得罪臣當與之同罪而榮辱

異任某則嘗有剿夷之功者也臣今即有微勞

不過與之同功而榮辱異此臣所為日夜戰兢

不寧而非陽浮為讓者也且任某得罪由於王

某王某之得罪由於臣是臣始以一言禍二臣

而竟自居其功厚享其福也於心能自安乎即

顧司馬奏議

卷之九

二十七

三百二十

二臣聞之能心服乎故督臣與本兵之優叙與公典也所以勵邊臣也臣之懇辭陳隱衷也所以

明臣節也况是役也指授方畧者在督臣苦心經營者在兵吏親冒矢石者在大帥與諸將士

臣正所謂因人成事者也又惡可與諸臣同其賞耶伏乞

皇上俯鑒愚衷收回

成命使臣得以微勞贖罪而

皇上即以不罰為

賞且使持公議者知臣非好事喜功甘心屬夷以欺

顧司馬奏議

卷之九

二十七

三百二十

皇上而希

恩寵者是使臣之心事竟得白於士大夫之間

皇上之恩孰大於是哉臣不勝恐懼戰慄懇切待

命之至為此具本奏

聞伏候

勅旨

謝加俸併賜 誥命金幣

奏為恭謝

天恩事萬曆十六年五月二十一日准兵部咨為仰
遵

明旨剿服負固逆酋恭報捷音以慰

聖懷併乞

俯錄獲功死事人員優叙危苦勞臣以昭激勸大典
以安孤懸重鎮事該本部覆議本鎮剿服逆酋
那林孛羅等斬獲捷功等因節奉

聖旨該鎮剿服逆夷有功李成梁着歲加祿米五十

顧司馬奏議

卷之九

二四 三十五

石仍賞銀六十兩紵絲六表裏張國彥陸倭一
級給與應得勲階誥命賞銀四十兩紵絲四表
裏顧養謙陸倭一級給與應得誥命賞銀三十
兩紵絲三表裏成遜等各賞銀十五兩內成遜
陸一級吳希漢陸叅將各照舊管事楊燮等各
賞銀十兩王尚文等各五兩其餘俱依擬善後
事宜著該督撫等官悉心計議停當具奏本兵
調度有功王一鶚賞銀二十兩紵絲二表裏楊
俊民蕭大亨各十兩一表裏該司即中銀五兩
欽此備咨到臣該臣隨於本月二十二日具本

懇辭

恩命六月初九日伏蒙

聖旨加恩已有成命不准辭該部知道欽此臣即欽

遵望

闕叩頭謝

恩外隨據整飭開原兵備副使成遜等呈稱各官叨

蒙

欽賞陞級例該附名謝

恩等因除

欽賞金幣

顧司馬奏議

卷之九

二五 三十二

誥命恭候祇領外伏念臣等駕駘下乘櫜櫛散材本
無軍旅之長謬膺邊塞之寄頃以二奴遺孽脩
父怨而五年不庭於是三疏興師彰
天討而兩朝取捷克酋泥首而歸命群醜委心以効
誠重作藩籬復通

貢市此皆

皇威遠播於絕漠是以軍聲大振於穹廬且

聖斷不阻於浮言故

廟謨竟收乎勝筭臣無功自媿補過未能敢謂微
勞可稱盛事若兵吏之經營於先後亦邊臣之

黽勉其負儋豈意

皇情終然

嘉予

金幣既已並及俸級復爾同升臣所蒙

恩益復逾望臣甫三歲而祖父逝長懷執硯之餘思

十一歲而祖母亡每恨報劉之無自父喪幸露

一命母老已逾八旬身在行間元未親乎血戰妻留

侍養亦未備乎晨炊今自祖及孫三世並躋三

品乃若存與歿

五花齊下

顧司馬奏議

卷之九

二十六

三十八

五雲此人臣之極榮而仕宦之希邁也臣自揣非分

激切陳辭再荷

溫綸踧踖拜

命鼠蛙之量已滿狗馬之志未衰敢不率僚屬以忠

誠用以答

聖明之

高厚事惟務實即百折而不回心苟弗欺寧九死其

無悔欲舉馭夷之長策必求善後之良圖顧外

攘內安不過修其常職雖捐軀畢命何以報此

洪恩臣等下情無任感戴

天恩激切屏營之至為此具本奏聞

顧司馬奏議

卷之九

二十七

三五

冲菴顧先生撫遼奏議卷之十

通州 益卿顧養謙著

疏

分別功罪官員以昭勸懲

題為虜賊節次犯邊官軍奮勇拒剿斬獲首級得獲達馬分別有功有罪官員以昭勸懲事萬曆十五年四月二十五日據鎮武堡遊擊劉崇正呈稱案照節蒙撫鎮并分巡兵備任布政急字等號火牌案驗准蒙軍門咨案節據臺頭燕河太平等路副叅等官解一清任自強郭銘等各

顧司馬奏議

卷之十

三百五

稟報東虜黑石炭銀燈土蠻把漢打來罕一指委正等大小頭兒數十箇各帶領達子要在四月初十等日前後犯搶廣寧東西地方又據鎮靜堡守備鄭應時稟據市夷卜當等密說東夷頭兒把兔兒卜言顧老撒卜兒愛煖兔伯言兒等帶領各營達子馱着盔甲要在四月二十前後在三岔河迤西沙嶺高平大小黑山一帶地方犯搶報警等因本職遵依即行本營中軍千把總佟嘉慶等及所屬西平等堡備禦守堡楊紹先等各嚴加提備收斂人畜外今據備禦楊

紹先呈據代守鎮武堡百戶王承勳呈稱本年

四月二十日辰時達賊約有一萬餘騎從邢百戶大臺起東蓮子湖東空臺止共一十四臺空窻折牆口七十餘處一齊進入分為二枝一枝約五千餘騎徑堵本堡東西二門與分布中軍佟嘉慶代守堡王承勳等護門官軍衝敵一枝約五千餘騎徑奔堡東大路老鴉莊臺路壕牆外窻牆進入遊擊劉崇正即收做工官軍歸臺擺列槍炮火箭防護比賊前來迎衝數十餘陣自辰至未時有平洋西平西寧等堡設防叅遊

顧司馬奏議

卷之十

二

塗寬胡尚忠塗廣等與備禦楊紹先各兵馬合營應援前賊瞭見方纔一半退過路河一半攢站盤聚要往南深因湖泊泥濘不能通行南下又見西來正兵營兵馬馳至盤山驛迤東至未時未仍從來路出境去訖及查在陣奪獲達馬二匹被賊射死軍丁黃相等一十六名經行不知名男子六名射傷軍丁并走報墩夜李敏等二十九名射死官馬一十五匹虜去官馬三十四匹并空菜男婦陳來子等一十三名口及種田經行馬牛馱騾共一十七匹隻頭燒燬經行

車五輛等情又據遊擊劉崇正呈稱先奉明文
 本職帶領千把總廣世勳等督率馬步官軍家
 丁在老鴉莊臺空防修路河工程行令中軍佟
 嘉慶并代守堡王承勳在堡防守遲放經行收
 斂人畜佟嘉慶王承勳疎慢不嚴將它取柴菜
 人畜不行禁止致賊撲掠本職在工所相離本
 堡二十餘里被賊隔阻屢戰本職逗遛之咎理
 宜甘受其佟嘉慶王承勳守城疎慢搶掠人畜
 本職恐有未盡仍行佟嘉慶嚴督王承勳復查
 虜掠老小男婦吳保住等三十八名口等情又

顧司馬奏議

卷之十

三

三六十九節

名從長勇堡馬門出境截殺於五月初一日已
 時到地名中遼河離邊一百餘里林內掩伏至
 酉時分遙見達賊約有一百五十餘騎從南順
 河往北行走阿卜當等突出斬獲首級四顆生
 擒一名海廝得獲達馬五匹奪獲牛一十二隻
 被賊射死降夷一名擺賽被傷家丁王友功等
 三名射死官馬五匹俱呈報到臣據此查本
 年正月初八日據坐營中軍金承武呈據守備
 高良弼稟稱本月初二日蒙撫鎮衙門差令本
 職帶領降夷乃六等四十七名於初三日巳時

顧司馬奏議

卷之十

四

三六十九節

據分巡兵備副使鮑希顏呈據管正安堡車營
 遊擊事副總兵姚大節差夜不收蕭有安報稱
 本月二十三日蒙撫鎮會令管降夷守備高良
 弼選差降夷我克等二十三名於二十六日午
 時從鎮安堡關門出境哨探至申時分行至地
 名莫艾兔離牆約四十餘里撞遇哨馬達賊十
 騎對敵斬獲首級一顆得獲達馬二匹并夷器
 等件射死官馬三匹又據分守道右叅政栗在
 庭稟准遼陽副總兵楊燮手本開稱四月二十
 九日差令降夷阿卜當等家丁楊萬里等二百

從鎮夷堡鎮虜臺出哨至初六日申時到地名
 硃砂塌離牆三百餘里撞遇達賊三十餘騎對
 敵斬獲首級七顆本月十六日據管海蓋叅將
 事副總兵宿振武稟稱十四日據東昌堡備禦
 古大相差夜不收黃景運稟報本日寅時達賊
 約有二千餘騎徑奔本堡流沙溝臺一半被河
 岸水坎將馬跌倒一半在河北岸站立止前鋒
 賊三百餘騎徑奔本堡迤西新舖臺大路古大
 相領兵迎堵間本職亦統官兵馳至堡西前賊
 遙見隨即退遁本職督兵直追收後達賊過水

不及斬首一顆得獲達馬四匹夷器等件賊於
本日辰時從來路出境去訖及查在陣射死軍
士一名趙要二射死官馬七匹殺死經行男子
三名虜去牛驢八隻頭等因本年二月初九日
據分巡兵備右布政使任天祚稟據坐營中軍
金承武火牌報稱本年二月初六日據鎮武堡
遊擊劉崇正報稱本日卯時達賊約有一千餘
騎一半從西平堡平山臺進入一半在牆外掩
伏又據管正安堡車營遊擊事副總兵姚大節
差夜不收張聰報稱本日戌時達賊六十餘騎

顧司馬奏議

卷之十

五

從鎮寧堡張茂臺南空潛入深至盤山驛地名
三里橋迤東虜掠婦女四口即從原路出境去
訖當蒙巡撫顧都御史會同鎮守李總兵計料
前賊節次入犯趁其出道截其歸路以絕後謀
當遣正遊二營前鋒選鋒副總參遊備守等官
李平胡李寧李興孫守廉查大受姚大節塗寬
胡尚忠塗廣唐伯美督陣參遊熊朝臣秦得貴
史儒李應時蔣位守備備禦高良弼李繼武高
貞統領中軍千把總李尚仁等精銳官軍二千
五百員名於初七日寅時從鎮遠堡據臺西空

出境至本日未時馳至東遼河離牆九十餘里
迎遇前犯達賊就與兵馬對敵李平胡李寧李
興孫守廉查大受姚大節等申嚴號令督率官
軍家丁各用槍棍弓箭齊力射斫前賊敗遁即
欲窮追奈因途遠馬疲恐墮賊計收兵於本日
二更時分仍從本堡南界劉斌營南空進入及
查在陣斬獲首級三十七顆內降夷革妹等認
出斬賊首四顆首級三十三顆得獲達馬五十
匹并盔甲臂手夷器等件救回被虜婦女四口
陣亡家丁一名李繼祖被傷官丁馮文用等一

顧司馬奏議

卷之十

六

十九員名射死官馬一百九十一匹等因到臣
據此訪得東昌堡賊犯殺擄人畜不止前數除
行該道查勘未報先將節次斬獲功級畧節揭
報兵部軍門訖續據慶雲堡備禦吳嗣勳稟據
市夷草困說稱大虜達子進搶廣寧地方有本
處兵馬追趕出牆將黑字羅兒子託力是箇大
頭兒騎着花馬殺了等因到臣及節據回鄉市
夷各供報相同又據海蓋兵備右叅政郝杰呈
查得本年正月十四日東昌堡遠賊突至新舖
大路離邊七里谷屯殺死男婦黃欽等一十八

名口燒燬瓦草房共五十五間內燒死男子李伯雲等二名虜去男婦李忙漢等八名口并在臺快槍一杆及牛驢三十九隻頭比時守堡夏繼祖失於查的止報殺虜經行男子三名牛驢八隻頭稟報古大相開報宿振武轉報訖等因本年四月十四日又據分守道右叅政粟在庭呈據遼陽副總兵楊燮火牌差夜不收皮秋奴報稱楊燮因報達賊近邊隨會本道選差降夷家丁阿卜當李得功等四十三名於本月十一日酉時從平虜堡林靜大臺空出哨至長山等處離邊約有八十餘里得見達賊在彼牧馬各丁慮恐賊衆聯絡未能深入營內剿殺乘黑止收趕達馬二百二十匹小駒二十二匹共二百四十二匹於十二日寅時從靜遠堡大臺進境等因本月十九日又據分巡兵備右布政使任天祚呈准管義州叅將事遊擊黑雲龍手本開稱節報東夷把兔兒營達子百十餘騎馱着盛甲掩伏溝內要在這月一二日犯搶清細河一帶地方當蒙撫鎮會差守備高良弼等帶領降夷肅漢卜向化等七十五名於本月十三日

顧司馬奏議

卷之十

七

三十九

時從大平堡墓山營臺出境哨探至十五日辰時到地名古勒半巴林離塔二百五十餘里有在山擺撥架梁達賊三十餘騎遙見各鑽林跑走止斬獲首級一顆夷器等件趕獲達馬一百五十八匹被賊射死官馬九匹於十六日午時仍從原路進境等因各呈報到臣除將被殺被傷官軍給與優恤湯藥得獲達馬夷器俱給原獲之人充賞節次斬獲首級行令解赴巡按衙門紀驗地方有無別項失事仍行各該道查勘外臣會同總督薊遼保定等處軍務兼理糧餉都察院右都御史兼兵部右侍郎王 議照賞罰不明不足以昭勸懲功罪不辨不足以明賞罰明賞罰以昭勸懲者朝廷所以馭邊臣之大權辨功罪者則臣等所以奉命而行法以為賞罰之地者也臣在薊時每報遼左邊事輒聞人言嘖嘖其稱得也則曰必張詡之以冒功而倖賞其稱失也則曰必彌縫之以蔽罪而逃罰及臣至遼跡其事人言良太過而守邊將領習為彌縫則有牢不可破者臣乃盟諸

顧司馬奏議

卷之十

八

三十五

天日先自矢心不欺因與大帥為約務竭愚忠以報
皇上且戒諸文武將吏各効其忠而勿欺蓋自
肅皇帝時以及

皇上今日深鑒遼左無邊可恃而虜衆兵寡扞禦甚
難故將士有微功輒錄而罪則多從末原是

皇上於遼

恩則浩蕩法則

寬假諸臣無容習於欺益明矣是以大帥益篤其忠

誠而諸臣之同心効力不過各舉其職耳臣不

敢以為多而近有副總兵宿某者以報東昌堡

領司馬奏議

卷之十

九

三三四

邊事不實已經臣等論革以為欺殺者之戒矣

不意復有鎮武堡遊擊劉某之為欺益甚也臣

又安能默默而已乎夫虜之入犯鎮武也以萬

騎自辰至未餘四時縱橫內地數十餘里而某

某之初報不過射死軍丁十六人經行男子六

人挖菜男婦十三人而已及臣他有所聞而某

覺之也乃更報被虜男婦三十八人而遂委罪

於中軍指揮佟嘉慶守堡百戶王承勳守堡原

無兵馬之責况王承勳又屬暫代之官而中軍

則又聽令於本將者二人固不能無罪某安得

引以自解乎及臣行分巡道委通判魯三近至

該堡查之則稱殺虜男婦一百三十二人而臣

所密查殺虜花名則一百七十一人也近日逃

回男婦已不下二十人問其姓名多未載之一

百七十一人之內者則殺虜不止一百七十一

人又可知矣此其人皆在某所居一堡之內以

歲饑老幼男女空城而出挑菜根而食者也曩

爾邊堡一經殺掠哭聲滿城某還居其間獨無

耳與目也而曰被虜男婦十三人將誰欺乎夫

某親督工於老鴉莊無非為禦虜計也臣不敢

領司馬奏議

卷之十

十

三六九夏

沒其動率衆不過數百人倉卒而當五千之虜

不至覆沒而能自保全臣不敢沒其勇兵單虜

衆無邊可守臣不恨其不能制虜之入而獨恨

其欺也此而不創人將效尤若劉某者所當革

任以為邊將之戒者也中軍指揮佟某代守堡

百戶王其放人畜若以恤饑失宵探竟爾貽害

所當究治仍以軍法重加網打以示懲者也若

東昌堡之事則管海蓋恭將事副總兵宿某已

經參論革任無容別議海州備禦古某偵探不

明查報欠確守堡百戶夏某職司防守謀乏周

全收欽委官百戶劉某陳某分委有責收保無方俱屬有罪但失事未至重大均應重加罰治者也若西平堡之事則備禦楊某守堡指揮王某並屬踈虞俱難辭責但能力戰拒堵失事小而所全者多所當原免者也以上諸臣失既有大小罰應有重輕臣今不敢殺其罪也然罰當其罪足以懲矣而有功不賞何以示勸方虜之以千騎薄西平而分其精銳直犯鎮寧也業已深入兩河之間不一創之則兩河日夜不可測而道路且為之不通矣報至臣即往會鎮臣決

顧司馬奏議

卷之十

十一

三十一

策發兵而諸將李平胡等已戎服勒馬弓刀各在腰矣乃馳勁卒二千五百騎出小黑山遠賊後絕其歸路自西徂東可九十里是為二月七日士馬衝寒行風雪中五步內不相見賴降夷肅漢卜向化我兕羊羔兒等為耳目得古城伏兵以待偵賊且至兵乃起起則風雪忽止皎日在上矣虜遂驚敗斬其驍騎得三十七級降夷識其中有酋首者四我兵戰死者一人虜之敗走也李尚仁以五騎追五虜虜馬逸不能止五人相呼引弓射虜馬虜馬皆應弦倒遂斬五級

而歸而劉國威所斬級則所謂黑字羅之子名託力者也一名把免奔機蓋虜中巨酋與往歲李平胡所斬巨酋速把亥為鴈行級大如斗先是李寧河東掣防歸方以苦辛卧病聞賊輒強起請行擊賊臣與鎮臣念其病稍難之寧輒曰即不行病當益甚行即不病耳及戰勝歸病良已此可以觀遼左將士忠勇之槩矣四月以後虜馬逐水草漸南降夷偵得其狀以七十五騎乘夜走間道斬一虜得其馬一百五十八匹而正月七日又嘗以降夷四十騎馳三百里外入

顧司馬奏議

卷之二

十二

三十七

虜營斬其七級而還也此其事皆在河以西分巡道得與之臣目擊而次第其勞則右都督李平胡副總兵李寧李興孫守廉查大受姚大節叅將塗寬遊擊胡尚忠塗廣唐伯美備禦李繼武高貞統降夷守備高良弼家丁千總指揮李尚仁俱當重加賞賚者也督陣叅將熊朝臣遊擊秦得貴李應時蔣位史儒俱當同加賞賚者也原任分巡道右布政任天祚已聞京察降調之報不遽沮喪而始終拮据効其勞績尤足嘉也今雖離任功不可泯此一臣者所當重加賞

賚仍應紀錄以俟酬之於後者也河東則分守道察政栗在庭協守副總兵楊燮偵虜南下於四月內一發降夷阿卜當家丁李得功等四十三騎襲虜營得其馬二百四十二匹再發降夷阿卜當家丁楊萬里等二百騎要擊虜斬首四級生擒其一得其馬五匹牛十二頭而降夷戰死者一人臣親驗首虜時問所死傷厚恤之則有降夷阿卜虎台者負重傷而前口刺刺不休譯其言則曰死者擺賽是其子也以陣前救子故得重傷臣以十金恤死而以一金恤傷夷以首叩地作聲為謝又口刺刺不休譯其言則曰死者已矣願錄死者子報

顧司馬奏議

卷之十

一三

三十九朱

朝廷蓋慕

中國之冠裳而為其孫子地也有固志矣是皆先任分守察議傅霖之遺績而栗在庭尤善成之者也由此觀之降夷何負於傅霖而傅霖何負於邊疆哉今賞雖不及而所從來不可泯也若栗在庭楊燮者屢發屢中示我有備而伐虜大逞之謀不必論其首功而伐在河以東不細俱當厚加賞賚而仍紀錄者也義兵中軍指揮康

元吉者亦當同加賞賚者也以上諸臣值饑饉之年當士馬疲困之日而能鼓舞士卒各効其死力功勞俱著於兩河臣今不敢沒其功也而不及大帥者以大帥謙讓不欲分將士功而以小勞數干澤於

皇上也再照鎮武一帶為河西最衝之邊劉某既已革任將領不可不得其人查得正兵營加銜遊擊蔣國泰貌偉技優才通心實脩潔無武人之態忠勇有烈士之風標下中軍原任遊擊王盛宗習知夷險曉鬯機宜凝然持重之操允矣干

顧司馬奏議

卷之十

十四

三十九范

城之將此二臣者俱堪補鎮武遊擊之缺者也伏乞

勅下兵部查議先將劉某革任鎮武遊擊員缺即於蔣國泰王盛宗二員內選補仍行巡按御史將屢次有功有罪人員陣亡士卒及地方有無隱匿情弊再加查勘明實徑自具奏施行為此具本謹題請

旨

謝 欽賞

奏為恭謝

天恩事萬曆十五年五月十八日准兵部咨為虜賊
屢次大舉入犯官軍奮勇拒堵保全城堡併出
奇獲功事該本部覆議鎮夷十方寺大興等處
地方獲功失事緣由節奉

聖旨李成梁顧養謙各賞銀三十兩紵絲二表裏任

天祚著該部議處劉易從等紀錄李平胡等各

賞銀十五兩李得全等各十兩塗寬等各五兩

鄒應龍等姑免究劉 某等照例罰贖其餘俱

顧司馬奏議

卷之十

十五

三〇五

依擬欽此欽遵備咨前來臣等望

闕叩頭稱謝除

欽賞金幣恭候祇領外竊念遼左去歲邊事在河西

則大虜數入雖賴官兵分防拒敵城堡俱得保

全而近邊村屯不能保其無焚燒殺掠在河東

則降夷一出雖以諸臣先事伐謀搗剿示我有

備而小有斬獲不足誇之為繫頸破廬顧謀無

遺諳善用寡而苦心周防者則大帥之能也奮

不顧身殊死戰而微勞各奏者則諸將士之力

也

皇上於大帥及諸將領各
厚賞有差而於有罪者則

原宥而薄其罰是

皇上所以優遇邊將者至矣即臣等之感已不後於

諸將若臣則待罪鎮城束手無策虜威氣而不

能大創我清野而難語萬全臣之罪也其何敢

辭乃不蒙

顯罰而反叨

恩賞金幣並隆丘山比重誠感激無可柰何而惶懼

不知所出矣至於分巡布政任天祚之收保兵

顧司馬奏議

卷之十

十六

三五六

備案政劉易從之修防分守叅政栗在庭之出

奇取勝不過守封疆之臣各盡其分所得為耳

而劉易從栗在庭並蒙

紀錄任天祚以京考降調之官復得奉

旨議處此何異然死灰而肉白骨也

皇上於邊臣

薄罰過而

厚錄功若此邊臣有不感

恩而思効死者哉臣等今不敢辭

賞而有所責

聞惟有仰

天叩首務竭狗馬之力而已臣等下情無任感戴

天恩激切屏營之至為此具本奏

聞

顧司馬奏議

卷之十

十一

四七

四方災報踵至懇恩破格蠲賑

題為四方災報踵至懇恩破格蠲賑

聖明亟

賜殊恩大破常格以振子遺以安反側以保治隆

事萬曆十四年十月十六日准戶部咨該工科

右給事中張棟題前事該本部覆議遼東發銀

五萬兩本部擇司屬官一員請

勅齎銀前去會同撫按官督率各司道將委賑官員

慎選以充其應賑人戶逐名查審的確給領事

完造冊

顧司馬奏議

卷之十

十八 三〇五

奏繳仍將承委官員分別三等如賑濟有方竝獨

得所者為上等給散無私人解異議者為中等

若容姦滋弊賑者未必貧貧者未必賑為下等

上等者疏名特薦中等者量行禮獎下等者指

名參

奏以憑議黜等因題奉

聖旨是這災傷地方給賑銀兩數目俱依擬司屬官

員務選廉能任事的去開職名來看賑濟事宜

全在有司實心愛民放散得法乃能宣布朝廷

德意着各該撫按官加意選委着實稽查事完

通將經委有司會同差去司官從公舉劾如有
虛文塞責實惠不及窮民的重治不饒欽此欽
遵備咨前來准此又准本部咨稱委官主事喬
起鳳解遼東銀五萬兩前去賑濟所有事完
奏繳等項文冊原無

請給關防不便類造備咨前來造冊付本部委官齎
繳等因又准本部咨為調停蠲賑事宜以省繁
擾以便官民事該臣等題前事該本部覆議將
該鎮屯糧減徵抵賑共該補餉銀二萬六千八
百八十六兩四錢四分七釐三毫六絲一忽七

額司馬奏議

卷之十一

十九

三十四頁

微一纖五塵准於賑銀五萬兩內照數扣抵其
所餘二萬三千一百一十三兩零寧前開原海
蓋三道各發銀三千兩分守道發銀六千兩分
巡道發銀八千一百一十三兩零隨宜分散貧
軍等因題奉

聖旨是欽此又准本部咨為恭遇

皇仁浩蕩大開賑濟教陳一得之愚以昭實惠事該
巡按陝西監察御史董子行題該本部覆議或
易粟煮粥或就便給銀聽其便宜行事等因題
奉

聖旨是各處賑濟饑民准便宜設法不許耽延虛冒
欽此又准本部咨為目擊異常災荒調停賑濟
之法以奉揚

德意事該巡撫陝西都御史王璇題該本部覆議煮
粥給米給銀視民心向背以為從違但要災民
得實惠不必膠柱鼓瑟強人以所不欲等因
題奉

聖旨是欽此欽遵俱備咨前來准此俱已備行各道
欽遵查照慎選委官嚴督責成查審應賑人戶
出示曉諭隨宜給散不許滋弊悉照各咨原題

額司馬奏議

卷之十一

二十

三十四頁

事理施行事完造冊俱送分巡道類造付本部
委官齎繳去後續據山東布政使司原任分巡
遼海東寧道兼理廣寧等處兵備右布政使任
天祚整飭開原兵備右叅政王絨整飭寧前兵
備右叅政劉易從整飭金復海蓋兵備管苑馬
寺卿事右叅政郝杰分守遼海東寧道兼理邊
備右叅政栗在庭各呈蒙臣并巡按御史案驗
依蒙將賑過軍民人等用過銀兩數目并承委
官員分別等第查明造冊各呈報到臣臣會同
巡按山東監察御史王國弼戶部主事喬起鳳

議照遼左衝遠也其處勢與腹裏郡縣異視緩急為賑蓋有次第焉非可以漫及而無要也夫受災者土田也食所從出也不急屯民則死徙荒蕪且無以為來歲地故蠲賑首急於屯民而邊外內墩臺城堡非諸軍則誰與為守故急諸軍諸軍之餘丁居常各佐其軍缺則取以補伍者也故及餘丁驛遞舖軍有歲賞無糧而差役苦故及驛遞舖軍監鐵軍本無糧賞而各有軍需之供故及監鐵軍諸生有貧不能舉火者則及諸生之貧不能舉火者及舍餘在官供使令而貧甚者及鰥寡孤獨收養之未周者而流移行乞之輩即內地豐年何處無之緩急雖無所賴而不忍其枕藉於道也故行煮粥之法而聚食之然其法惟行之數大城流移之所聚而沿邊之城堡墩臺內地之村落不便煮粥者則給之銀米雜糧各從其便顧臣居鎮城未嘗遍歷悉覩兩河之間按臣雖嘗遍歷觀兩河之間而不必適當發賑之會五道之臣各拮据其疆以內而不覩其他惟齋賑主事喬起鳳自入境以及終事由寧前以至開原當盛寒之月墮指裂

顧司馬奏議

卷之十

二十一

三十一

膚之時冒風雪歷邊險往返二千餘里絕塞孤危之勢隆冬黯慘之形遼人饑寒之狀蓋目擊而深有槩於中矣是以劑量適宜而緩急中節也此皆

皇上一念之

仁而遼人之生死而肉骨也何可勝道哉除抵蠲作賑過屯民不下十餘萬戶外計賑過軍舍餘丁等項七萬二千五百九十八名口人人得蒙實惠而無姦靈虛冒之弊除將賑過軍民用過銀兩姓名數目備造文冊付主事喬起鳳齋繳并放賑無私中等官員量行禮獎外臣等查得遼左文職無多發賑之事非如腹裏之專責成守令也皆五道之臣親為之綜理而諸承委文武之官不過聽指授而分其勞耳如原任分巡道右布政任天祚開原道右叅政王絨寧前道右叅政劉易從海蓋道右叅政郝杰分守道右叅政栗在庭苦心各盡於衝邊蒿目同憂乎凶歲流離餓殍悉親覩其艱難升斗錙銖咸手握其資筭精神並竭惠澤交敷以上五臣不惟賑濟有方竝獨得所而且安輯得策杆禦是資於當

顧司馬奏議

卷之十

二十一

三十一

特薦者也岫巖通判曹岡遼陽通判王三槐原任自在州知州楊承父遼東都司經歷司都事劉一貫任事共竭其誠救荒各畢其智或法令先行於近習或勤勞遍歷乎遠鄉金州守備王善政前屯備禦楊紹祖審戶散銀分猷共念或誠心恤災而幽隱悉達或盡力釐弊而姦蠹潛消以上文武六員所當併薦者也又查得鐵嶺衛掌印指揮朱某報饑民多雜姦頑循舊弊未能振作原任遼陽中軍指揮羅某查賑不分貧富給銀假捏頂名蓋州衛掌印指揮陳某問貧

領司馬奏議

卷之十

二十三

三五

富則應對茫然造文冊則遷延不報定遼中衛掌印指揮馬某衙役冒領賑銀窮民或反告困定遼右衛掌印指揮倪某災民鮮安集之策賑銀寡濟困之恩以上五員雖其怠事市恩幾虐盛典而各道留心廉察立覩弊源姦未及施事皆反正所當重加罰治者也伏乞

勅下戶部再加查訪將任天祚等曹岡等移咨吏部王善政等移咨兵部各紀錄仍將朱某等重加罰治庶荒政肅而官邪知警矣為此具本謹題請旨

鎮靜堡缺守備

題為缺官事據管正安堡車營遊擊事副總兵姚大節呈據鎮靜堡守備中軍張大功稟稱守備鄭應時於萬曆十五年五月二十一日得患時疾至二十三日寅時病故緣由到職呈報到臣臣會同巡按山東監察御史王國弼議照鎮靜堡乃廣寧關市重地邊為最衝夏秋之際正屬防撫之時今守備鄭應時病故相應亟補查得義州衛都指揮使陳一諤勇畧敢於撻鋒機警長於應變司營務教練有方撫市夷剛柔得體

領司馬奏議

卷之十

二十四

三十七

海州衛武舉百戶王世榮沉而多智敏而有為曾身經西虜之中能口道土蠻之狀以上二員俱堪推補鎮靜堡守備伏乞

勅下兵部再加查議將前項員缺即以陳一諤等酌量推補庶地方得人而保障有賴矣為此具本謹題請旨

旨

蓋州等衛地震

題為地震事據整飭金復海蓋兵備管苑馬寺卿

事山東布政使司右叅政郝杰呈據蓋州衛呈

據本衛陰陽學署印陰陽生白贊申稱萬曆十

六年六月初九日丑時從西北地震未及半時

聲往東南去訖又據金州衛呈稱本衛地方於

本月初九日夜四更時分忽起地震自東南如

雷有聲房屋搖動人皆驚懼等因又據廣寧右

屯備禦指揮王玠呈稱本年六月初九日夜約

四更時分從西北地震如風來有聲徑往東南

去訖等因又據廣寧前屯衛申稱本年六月初

八日夜丑時分地震有聲從東南方起即於本

時止往西北去訖等因各呈報到臣臣會同巡

按山東監察御史許守恩議照地道主靜動者

變也變不虛生者也况遼左與虜為鄰日尋干

戈戰鬪之事其將虔劉我邊陲使疆土不寧而

先為之兆乎頻年苗沴斗米值尚四錢將復遭

饑饉地失其職而無養乎然地下也其象臣也

此皆臣等奉職無狀所至除痛自刻責及通行

文武各官一體修省并將禦虜政事宜悉心

知

舉行外為此具本題

謝 欽賞

奏為恭謝

天恩事萬曆十六年閏六月二十九日准兵部咨為
虜賊大舉入犯官軍奮勇拒敵保全城堡襲擊
獲功事該本部覆議鎮夷堡等處地方獲功失
事緣由節奉

聖旨李成梁顧養謙各賞銀二十兩紵絲二表裏鮑
希顏并栗在庭等各銀十兩其餘各依擬欽此
欽遵備咨前來續於本年八月十三日據公差
百戶秦國弼齎捧

顧司馬奏議

卷之十一

二十七

三九十一朱

欽賞臣銀二十兩紵絲二表裏分巡兵備副使鮑希
顏分守邊備右叅政栗在庭各銀十兩到鎮臣
等即時焚香望

闕叩頭祇領外隨據分巡兵備副使鮑希顏等呈稱
各官叨蒙

欽賞例該附名謝

恩等因伏念遼左孤陞也以孤軍當大虜士馬疲於
奔命歲無寧日虜大舉盛氣而來動以十萬計
不可輕試寡損威則以清野堅壁為功蓋彼聚
我分衆寡懸絕難與戰而出於守不得已耳非

能出奇制勝也或乘虜退而擊其惰歸或先未

發而搗其巢穴不如是則入若履無人之境且

將漸徙而近吾塞亦不得已耳非敢好事喜功

也總之則邊臣拮据其職分不足非有加於職

分之外也去歲虜擁十萬之衆入犯廣義之間

所在城堡危甚雖以分防稍豫幸而無虞而不

足以言功在野之屋廬糧芻守望男子焚燒殺

掠之狀具載臣前疏中雖降夷尾其後斬級奪

馬以歸不足以償失亡河東雖有塞外之捕斬

不足以稱一捷當其時大帥與諸將士冒鋒

顧司馬奏議

卷之十

三十八

三十八 范

鏑有不測之險所謂蹈難之

賞則宜臣等何功可與同論若總其得失曾不足

以此贖彼而竟冒

賞不已僭乎况開原之役甫定

陞賞之

恩並隆曾幾何時而又復有此臣等益何以堪之乎

且戰守捍衛邊臣職耳分之内也

恩命種種望之外也臣等勉脩職於分之内而

皇上屢加

恩於望之外臣非木石安得不循省自媿而戰兢自

懼也夫邊臣之禦虜猶醫之治病也與其數奏功則不如無功謂數病數藥之不無損元氣也故虜不入而臣等無功封疆之福也臣之至願也虜數入而數有功非封疆之福也臣之所不願也今亟從事而亟稱功亟稱功而亟受賞而又安之是醫之幸疾以為功者也豈人臣之心哉蓋辭則恐責

天聽受則媿濫

天恩辭受之間莫知所出感衷激切無可柰何惟與諸臣矢心不欺以報

顧司馬奏議

卷之十

二十九 頁十二

皇上願邊陲無事臣等無功使邊氓實受其福而已

耳此則尚賴

皇上之威福而非臣力之所能及也臣等下情無任

感戴

天恩激切屏營之至為此具本奏

聞

瀋陽缺備禦

題為缺官事據分守遼海東寧道兼理邊備山東布政使司右叅政粟在庭呈據瀋陽中衛撫順千戶所申稱本城備禦康元吉於萬曆十六年六月二十四日得患時疾病故緣由到道查得撫順備禦員缺係撫夷緊要之地一時不可缺人遼陽營中軍張三畏堪委暫代等因到臣除批張三畏准委署撫順備禦事務外臣會同總督葡遼保定等處軍務兼理糧餉都察院右都御史兼兵部右侍郎張 巡按山東監察御

顧司馬奏議

卷之十

三十一 頁十三

史許守恩議照撫順所乃建州諸衛

貢市孔道控制東夷之要關也撫諸夷而防其巨

測備禦之官不可一日缺者也今備禦康元吉

病故相應亟補查得定遼後衛署都指揮使張

三畏熟諳夷情曉營戎務練卒能支一面當關

可抵萬夫廣寧衛指揮僉事安春魁偉之貌精

敏之才致貨則物價常餘市馬則兵威益振以

上二員俱堪推補撫順備禦伏乞

勅下兵部再加查議將前項員缺即以張三畏等酌

量推補庶地方得人而保障有賴矣為此具本

旨

謹題請

顧司馬奏議

卷之十

三十一

冲菴顧先生撫遼奏議卷之十一

通州 益卿顧養謙著

疏

屬夷蓄謀報怨懇賜勘處

題為屬夷蓄謀報怨屢諭不聽逆狀已著懇乞

聖明早賜勘處以安孤鎮事據整飭開原等處兵備

山東布政使司右叅政王某呈卷查自剿二奴

之後承平未及一二年而有逞加奴之子卜寨

仰加奴之子那林孛羅於萬曆十二年九月初

十日聽說王台之子猛骨孛羅令部夷把太叫

顧司馬奏議

卷之十一

一

三十一

土勒等講和喫血酒起誓回寨二酋即帶領兵

馬將猛骨孛羅部落歪卜等殺死十數名奪了

盔甲十副馬二十餘匹至萬曆十三年八月二

十四日未時卜寨借領西夷以兒鄧等達子八

百名前到猛骨孛羅部夷把吉把太寨攻克將

把太肱膊射中三處部夷射死五名射傷二百

名牛馬盡行搶去萬曆十四年九月十一日據

開原備禦吳希漢稟據南市通事高應魁稟稱

有廣順關夷人都督歹商親自到市稟說北關

夷人卜寨那林孛羅煙州押不刺并西夷以兒

鄧男忙谷閔恰等一千六七百名槍到本夷所
管何魯奴台者哈等三寨人畜約有上千盡數
槍去稟上大馬法可憐見與我們做主討路差
部夷同通事往廣寧投見太師馬法告狀辯明
與我們講和得生止有我們一寨還要會兵來
槍無處存住等情本道已經具呈本院蒙批此
中機宜仰該道即酌議停妥詳奪又蒙本院牌
行本道即便會同開原叅將李宗召選差通事
行委備禦吳希漢同差去原任備禦戚揚親自
到邊招令夷人卜寨那林孛羅與歹商等到關
顧司馬奏議 卷之十一 二 三十一

宣布

朝廷恩威軍門殺伐汝父逞仰二奴先因連年槍
殺王台子孫夷寨已經奏

准動調兵馬將汝父殺死并斬部落千餘此時欲殺
汝二子憐其孤幼饒汝生命并汝部下餘黨俱
聽猛骨孛羅約束今不三年汝又行作孽警殺
故違

朝廷威令法實難容若聽宣諭將槍去人畜盡數
送還與歹商兩家講和再不許借兵讐殺保守
邊疆永效忠順聽其入

貢互市照常撫賞如或不悛致取大兵剿滅後悔
無及等因該本道會同叅將李宗召行令備禦
吳希漢選差通事高應魁前去鎮北關夷人卜
寨那林孛羅寨內宣諭准李宗召手本回稱行
據吳希漢據通事高應魁回稱夷人卜寨情似
遵諭惟那林孛羅執迷不聽本職屢差通事出
邊遵照本院憲牌叮諭兩酋又將

朝廷大恩大威傳宣那林孛羅仍前不從卷查本
年六月二十五日據守威遠堡百戶陳仲彥呈
解回鄉人丁林德才供說鎮北關夷人仰加奴

顧司馬奏議

卷之十一

三 三十一

兒子那林孛羅聽見拆修鎮北堡要借騷達子
乘勢分三路來槍一枝在靖安堡進一枝在西
邊堡進一枝在鎮北堡進等情本年七月十六
日有清陽堡備禦劉維藩稟據守鎮北堡千戶
孔思明稟稱本月十四日據回鄉人丁損三等
供稱那林孛羅與卜寨計議待割田之後將老
婆孩子送在兀蘇莊子上住着會騷達子要克
鎮北威遠二堡報父前讐緣由具呈到職着得
開原地方三面通夷猛骨孛羅住牧於其東那
林孛羅住牧於其北迤西通慶雲堡關口而靖

安威遠二堡素稱腹裏自來不曾入犯茲三年內竊掠七次皆由那林孛羅寨內出入假道報復屢經宣諭佯為不知且密謀分路並進欲克邊堡以雪父讐但先次攻克歹商猶云初犯情可矜宥既克之後再三差通事高應魁等傳宣怙終不悛復行搶虜歹商人畜千餘叛逆昭然但查二酋卜寨尚有內向之意而又迫於那林孛羅巨惡強兵本酋無所適從且那林孛羅卜寨自二奴就戮通未進關入市雖有部落步須買賣往來不過自為衣食之計原無改惡從善

額爾馬奏議

卷之一

四

三十一

之心今奉憲牌本職委曲宣諭北關那林孛羅卜寨南關歹商猛骨孛羅俱到鎮北堡公同委官戚揚講和兩酋全不聽從仍再行吳希漢宣諭外等因到道看得開原孤懸一線三面鄰虜西北二隅虜賊出沒無常田土盡行荒蕪獨有東方一面軍民便於耕耘者百年來賴海西夷人王台世效忠順南制建州北統二奴鈴束不敢為非耳不意王台物故二奴首先叛逆不受約束開原日多事矣所以有萬曆十一年出剿二奴之役也今逞加奴之子卜寨尚有內向之

意獨仰加奴之子那林孛羅最為黠桀數年來懷有深怨積怒於

中國而不敢一逞者緣大創之後兵氣不揚耳豈忘報哉據今蚕食王台部落過半潛勾西虜相為犄角聲勢駸駸大矣今既屢行宣諭招之不來撫之不聽業已有騎虎難下之勢萬一變出倉卒患生肘腋攻一城克一堡而去莫謂今日不言也若邀功生事本道素耻為之但唇亡齒寒關係於東邊生靈者甚大不敢不具實呈請緣由通呈蒙巡按王御史詳批往時剿殺二奴

額爾馬奏議

卷之十一

五

三百零五

功至今尚有異議茲伊男不遵約束誠難為言矣且彼中不聽宣諭之情又未否真贗或喜功好事者亦未可曉耳為今日計唯革去撫賞嚴我邊堡修我戰具練兵秣馬以待斯為上策若因其一時不順而逞兵剿殺恐

內論不我然也不識該道以為何如唯與諸將悉心再議候撫詳繳又蒙本院詳批王台部落世效忠順居中控制南北諸夷為我藩籬所關係於開原者不細逞仰二奴既誅之後其二子那林孛羅卜寨原無悔罪效順之意所不敢逞者

徒以其氣尚弱耳其心實未嘗一日忘報也今
屢侵掠猛骨孛羅歹商各寨本院行該道及叅
將等官屢加善諭而橫暴愈甚且聲言糾合北
虜進攻邊堡逆形已著矣本當遣兵剿滅以安
地方但稱卜寨尚有內向之意猶當惜我屬夷
再行撫處仰該道再委熟諳夷情員役同委官
戚揚至關宣諭務使各夷親自扣關聽處兩平
其情永遠安妥不遺邊疆後日之憂另詳報繳
蒙此隨會叅將李宗召親詣鎮北堡差通事人
等招令夷人卜寨那林孛羅與歹商等再行講
和不從間又蒙本院憲牌行仰本道即便督令
戚揚宣諭那林孛羅等以必得撫為主萬無輕
率動兵之理仍諭戚揚不可懷有二心如果各
夷再三執逆不從悉聽該道酌處即令戚揚回
鎮等因蒙此行准叅將李宗召手本回稱行據
備禦吳希漢回稱選差通事高應魁陳添福前
去鎮北關招令夷人那林孛羅卜寨等前來與
南關夷人歹商等各親自到市講和二酋不從
本職仍率領歹商等到鎮北堡傳調宣諭惟那
林孛羅執逆再三不聽延至兩旬差部夷兀蘇

顧司馬奏議

卷之二十一

六

三百七

六哈同原差高應魁到市隨蒙本道與同本職
公同委官戚揚面審本夷說稱那林孛羅卜寨
等差我來說問南關要

勅書一百二十道與了講和不與不聽等語查得南
關

勅書額該六百九十九道北關

勅書額該三百道今卜寨等恃強先已得過八十道

茲復索一百二十道本道主張再量給六十道

渠尚未遂其願原捨人畜亦不輕許償還仍遣

高應魁再行宣諭復據陳添福回還稟稱卜寨

顧司馬奏議

卷之二十一

七

三百六

心已帖服那林孛羅口稱

勅書仍要一百二十道原捨人畜已經分散無存整

兵以待俟再犯歹商提兵救援另報緣由回復

到道除令戚揚回鎮外合無准令各該通事再

加宣諭如果那林孛羅執逆不悟悉聽本道督

令將領等官隨機救援緣由呈蒙本院詳批諸

酋撫處事宜該道既有定見一聽該道便宜行

之本院不能遙度也惟求地方乂安毋致遺患

耳此繳又蒙本院牌仰本道即便嚴行叅將李

宗召差人出邊傳諭猛骨孛羅歹商今後但有

那林孛羅糾合西虜結連東夷雙殺伊寨預先
差部落到市報知務要厚集兵馬隨賊向往救
應保爾無虞如或觀望不救致有他虞以遺孤
鎮後患定行從重叅究等因遵行外又准叅將
李宗召手本據備禦吳希漢稟稱本月十一日
據守鎮北堡千戶孔思明呈解回鄉男子王七
十到職審王七十供說有那林孛羅差部落端
多合等前去恍惚太煖免伯言老思卜兒亥等
營借兵只在青草起要搶南關就搶南朝等語
十五日又據通事郭仲舉稟稱有廣順關夷人

額爾馬奏議

卷之二

八

百三十七

猛骨孛羅歹商差部落伯羊阿台卜花等到市
說稱有卜寨那林孛羅會合建州夷人奴兒哈
赤灰扒兀刺往金奴卜羊拜西夷恍惚太煖免
伯言等四項夷人只在三月裏青草起各帶帳
房牛羊食米盛甲要搶我們南關寨子我們來
稟大馬法知道如可憐我們忠順達子就連老
婆衆夷人都般在南朝裏邊住着投命等語又
據原差宣諭通事高應魁自那林孛羅等寨內
回還稟稱各酋不與南關講和親見那林孛羅
與西夷恍惚太商議二日待三月裏會騷達子

額爾馬奏議

卷之二

九

老思卜兒亥煖免伯言以兒鄧并江上及建州
等營達子聚齊攻殺南關歹商等寨移文到道
該本道照得海西夷人猛骨孛羅等世效忠順
為我藩籬久矣今與北關二奴之子卜寨那林
孛羅經年雙殺本道在任三年百方宣諭令其
和息而二酋之子恃其兵強力衆執迷不反必
欲魚肉猛骨孛羅一枝而後甘心焉已非本道
口舌所能挽矣夫觀其今日之驕可以見其當
年之逆則二奴之剿原非過舉明矣所可惜者
彼時脅從之治太多賞功之典太厚夫脅從之
治多則不免傷好生之心賞功之典厚自有以
啓要功之議此所以至今因噎廢食而剿處一
節上下諱言之矣夫
中國之所以駕馭屬夷者不過撫剿二者今剿之
不可撫之不聽忠順者弱而不扶梗化者強而
不問日令其猖獗自恣西連三衛東結建州其
為地方之患不止開原不得安枕而已也今撫
剿之說姑置勿論而兵連禍結已不可解惟有
提兵救援以示鋤強扶弱之義此則師興有名
而本道一得之愚為可行耳但今二酋糾合西

虜聲勢甚大犯在旦夕彼或以千騎而來開原之兵尚可出境截殺多則不得不借兵於鐵嶺再多則不得不借兵於別營夫驅兵而與之戰鋒鏑死亡之患決所不免鋒鏑死亡之患既所不免有功者不與首虜同賞誰其用命此必先期申明曉諭而後臨時不致失信於三軍况河東瀋陽遼陽兵馬原非本道統轄信地必須本院申明號令俟有緩急悉令本道調遣星馳策應救援有功者一體同賞庶本鎮孤弱之卒可恃以無恐也再照今日之勢二奴強梗不處不可若盡絕其種類又不可蓋強梗不治則屬夷無主其如仰望

顧司馬奏議

卷之十一

十一

三十四

中國之意何若因而盡絕其種類則西虜盤據巢穴其如大遺

中國之患何故治以不治更有說焉本道久聞彼中虜情卜寨尚曰當和那林孛羅獨曰不可部落皆曰當和而二酋又曰不可故部落中言和者二酋以為逆耳疑之而不信稱犯者二酋以為同心信之而不疑兄弟不同謀主僕各異趨已非一日矣近日本道訪其卜寨素所信任者

卜三那林孛羅素所信任者兀蘇魯哈本道招致之來再三曉諭禍福厚加賞犒二虜業已唯唯聽命歸而言之二酋二酋併二虜而踈斥之蓋卜三元蘇魯哈部落中之最黠桀者今怨此二酋痛入骨髓萬一前謀未協救援不利而渠之侵侮不已因勢利導尚有一節為可行也必須大將提兵城下攻圍城寨聲罪致討待其勢窮力屈明告以殲厥渠魁脅從罔治之意或懸五百金之重賞令其部落自縛二酋出獻正罪即選虜中素所推服者另立酋長或仍令二酋

顧司馬奏議

卷之十一

十一

三十四

之子俟其長成擁立照舊悉聽王台管束未為中國藩籬保安疆土其餘部落悉置勿問此則不動聲色而消百年之禍本無煩殺戮而免眾口之叻叻似為計之上者而非本道所得專也本道在任一日則有疆場一日之責設或處置失宜則遺疆場無窮之害故不思智小謀大一至於此若曰要功希賞

天地鬼神實所鑒臨死不為也此其事體重大必須速賜題請務使

廟堂之上曉然知其利害而又原其本道不得已
舉事之情無一毫要功希賞之念然後可以展
布四體計安地方於無虞也緣由呈蒙本院詳
批二奴剿處之後人言嘖嘖本院蓋耳熟之矣
要功希賞該道耻為之本院亦耻為之但王台
之子孫忠順者弱而不扶二奴之遺孽梗化者
強而不問使之西連三衛東結建州將遺孤鎮
無窮之禍不獨開原不得安枕該道既已見之
審矣欲為地方計久遠不得不講求撫剿之機
宜安得復慮一身之毀譽瞻前顧後畏首畏尾

顧司馬奏議

卷之十一

十一

三三六

而忘安邊之大計哉今既曰撫之不聽則當剿
又曰剿之不可則不必 題既不必

題則大將不可輕為提兵遠出聲罪致討之舉如
所謂懸賞購求二酋另立酋長歸一管束種種
之說恐亦不能盡得之犬羊之輩而如吾之所
料若欲鋤強扶弱而處不撫不剿之間本院莫
知所適從矣該道既得其兄弟主僕異趨之狀
可以就中取事不動聲色而消百年之禍此真
計之上也悉聽便宜行之除遼瀋兵馬行令聽
該道相機調用外仰再視緩急斟酌一定之策

詳奪此繳蒙此又該本道者得兩關屬夷雙營殺
北強南弱危如累卵今據叅將李宗召接奉本
院明文統兵救應務保無虞此應兵也不得已
而用之者也倘或那林孛羅等懼我兵之應援
罷兵息戰斯亦已矣若必不得已而用兵則兩
軍決戰定雌雄於呼吸之間成敗實難逆觀苟
有功不賞有罪不罰將何以獎率三軍而坐致
其死命令李宗召利害切身不得不再行申請
蓋本官率疲殘之我衆蹈不測之深淵亦豈能
為必勝哉止緣二奴遺孽十分叛逆不受約束

顧司馬奏議

卷之二

一三

三三四

堂堂

中國既為屬夷鋤強扶弱事理自當如此即捕麋
逐兔人心非賞其誰用命耶再照救援之兵與
誅剿之兵原自不同蓋那林孛羅雖強屬夷也
即禍形已著而實惡未彰不聞之於
朝而擅行誅剿不敢也歹商一枝忠順之虜也禍
在旦夕救則得生不救則死而應援之兵必待
聞之於

朝則緩不及事即先發後聞無傷也故誅剿之兵
有功有罪應賞應罰不待言也至於救援之兵

萬一有功有罪應賞應罰實非本道之所敢專也緣由具呈本院蒙批兵雖救援賞罰安可廢也仰候有功有罪之日該道查明從實呈報以憑具題既稱屬夷實惡未彰決無輕率先題之理也此繳又該本道稟准分守道栗參政手本蒙本院批據撫順備禦畢宗泗稟稱本年三月十六日據守把撫順關千戶金三品稟據近邊土木河寨夷人四官兒等報說有夷人色失先年將他弟劊力斫死遺男英華幼小跟隨伯父色失一寨居住今英華長成懷讐至本月十二日夜間將色失并妻男殺死四名口止剩色失男咬即得命脫走其色失寨內夷人俱隨英華本月十五日英華查出咬即逃奔伊親阿即太寨潛藏英華投順奴兒哈赤帶領人馬攻開阿即太寨門將阿即太等拜咬即殺死寨內存活夷人牲畜盡行掣去燒燬房屋河北夷人張海等帶領家小投順海西夷人歹商去訖及查色失等原係建州朝貢頭領今被讐殺等因蒙批看得英華之殺其伯父色失雖云報父之讐若非奴兒哈赤與之合謀

領馬奏議

卷之十一

十四

三十五

必不至是夫奴兒哈赤素所讐者色失張海也今色失死矣張海奔投海西矣以奴兒哈赤之橫勢且必及海西海西酋者累世忠順而為我藩籬耳目者也南見侵於奴兒哈赤北見侵於那林孛羅將來勢且無海西無海西是撤我藩籬而塞我耳目也而南北諸酋勢一合不獨開原多事即東邊俱不得高枕矣是今日諸逆酋之蚕食屬夷實為他日犯內地之計也豈可謂夷狄相攻中國之利耶夫中國所以利夷狄之相攻者以兩強相攻勢必相弱而無暇於吾之圖也今海西之順而獨弱諸酋之逆而皆強較然矣以諸強攻一弱勢必不支不支則諸逆酋素以謀合今且以勢合矣豈中國之利哉諛道熟計之如中間撫剿機宜應與相鄰道分商確者相與密計周悉詳報毋遺後日之憂圖之晚矣此則本院與該道皆不得辭其責也慎之慎之此繳備用手本過道准此查得海西夷人王台二百年來世效忠順當其在時不止二奴受其約束即建州諸夷悉屬統馭

領馬奏議

卷之十一

十五

三十五

故河東帖然無事矣不意王台物故遺種懦弱
近日二奴日侵而南奴兒哈赤日侵而北腹背
受敵勢蓋岌岌矣不意歹商近又有藏匿張海
一節夫張海者既為奴兒哈赤之深讎藏匿張
海者必為奴兒哈赤之大忌是又生一敵也豈
不自貽伊戚耶除行令通事宣諭歹商等將建
夷張海速令逐回以消釁端外大抵二奴之侵
害王台子孫者本道之責也相機便宜在本道
建州諸夷乘機侵害王台子孫者守道之事也
相機便宜在守道昨議處那林孛羅一節非敢

領司馬奏議

卷之十一

十六

三十一

言剿也渠屬夷也逆節雖著實惡未彰曾未奏

聞

朝廷誰敢言剿但渠今勾引西虜日為蚕食之計
情形已露而王台子孫禍在旦夕救則得生不
救則死萬不可不提兵以救倘或懼我虛聲伐
彼實謀因而罷兵息戰上也若或執迷不反必
欲攻圍王台大寨令其無噍類焉則百年忠順
之虜既淪於灰燼而千里門庭之寇日見其方
張遼東邊事將不在西而移之東矣至於建州
諸夷奴兒哈赤等原住牧撫順迤南俱屬守道

所轄近日頗不安靜燎原之勢漸不可長等因
本年四月十六日巳時據猛骨孛羅歹商差部
落報說有北關夷人那林孛羅等帶領西夷恍
忽太脫下戶等一萬餘騎來到把太寨子北邊
山上下營隨有猛骨孛羅帶領二夷親自到市
哀懇急救性命等情本道具稟本院蒙批那林
孛羅等借兵恍惚太為報讐之舉固知勢所必
然我兵出援亦不容已但恍惚太近頗效順若
善諭之或亦可解其圍而二奴之子兵亦無多
即開原兵足以制之而有餘矣可無調遼瀋之

領司馬奏議

卷之十一

十七

兵為也蓋諸虜近窺兩河甚急遼瀋各宜自保
而河西之兵則益難遠調耳該道自有定畫仍
須斟酌行之此繳隨有叅將李宗召即時統領
備禦吳希漢中軍千把總王汝徵等馬步官軍
飛星往救行至靖安堡迤東方商又差部落阿
台卜花把吉等報說前賊分為二枝一枝攻圍
把太寨子一枝往我們大寨子來了李宗召等
官兵至本日未時出關將步兵槍手留守關門
仍將有馬軍丁分為三路併力齊進那林孛羅
等因見救兵突至遽爾解圍退歸大青山劄營

至本夜三更時分偷營歸寨去訖夷寨俱已保
全次日卯時分收兵各回城堡防禦外備由具
呈本院蒙批各酋解散諛道諛祭之力也地方
之慶不淺矣但夷性無常而其心難測後來動
定該道仍行李宗召用心偵探應援務保無虞
可也此繳本道遵將各官應該獎勵緣由呈詳
本院蒙批李宗召等於屬夷赴急解紛藩籬為
固委為可嘉該道之方畧安可誣也仰候怨釋
釁消叙

題此繳又准祭將李宗召手本本月十九日據清

顧司馬奏議

卷之十一

十八

陽堡備禦劉維藩稟稱守鎮北堡千戶孔思明
稟稱本月十八日據回鄉楊二小四供說有卜
寨那林孛羅等各寨達子會同都打鉤槍鐵即
頭收鎗杆許多每三杆綁一杆鉤槍只在三五
日要攻克臨邊一帶邊堡屯寨本日酉時又據
甕可太營內走回婦人二口說騷達子營內也
打鉤槍要克南朝邊堡屯寨等情到職又據通
事陳添福稟稱蒙差前去那林孛羅卜寨等寨
內宣諭各酋與猛骨孛羅等講和那林孛羅等
執迷不聽宣諭於本月十五日借西夷恍惚太

脫太脫卜戶等達子共六七千騎至十六日槍
殺猛骨孛羅等寨將陳添福拴綁在營恐漏消
息不意攻寨不利奔走回營即遣添福回城本
役在營聽見北關虜去南朝三姐與先年虜去
徐外郎等密說那林孛羅等槍南關見

中國人馬救他即便偷營回寨益增讐恨前借騷
達子都未散在各寨子分住每四家收牛一隻
共收牛五百餘隻與騷達子喫又收鎗杆綁鉤
槍攻克臨邊堡屯寨你們裏邊十分防他等
因又該本道稟前議調遼潘之兵者不過聲言

顧司馬奏議

卷之十一

十九

以恫疑虛喝令其不敢逞耳實不敢輕用調遣
也大抵救援之事止偶一為之可也使渠出其
不意乘其不備而日肆攻圍寧能數數出兵以
救之耶勢不能也今且謀犯內地矣即傳言不
可蓋信而東邊一帶城堡不得不日夜分布貼
防開原三面鄰虜西北田土盡行拋荒惟有東
邊一面軍民便於耕耘從此烽火日驚民不便
田作軍不能休息即無忘矢遺鏃之費而先坐
困矣至此則渠之實惡彰矣誅剿之事於勢決
難已矣今之旁觀竊議者不過曰東虜素弱而

易制或又欲借此以要功也然不知西虜雖強尚不知我之虛實深淺故來如飄風去如鳥舉城堡不甚為害此酋雖弱日與為市

中國之道路盡知之矣虛實深淺盡熟之矣不反則已反則城不陷不休堡不破不止攻城克堡之後彼必遠走江上有地方之責者肉可食耶故曰渠之實惡彰矣誅剿之事決難已矣借曰將官殺弱虜以要功誠不知於王台之子孫何厚而於二奴之子孫何薄也且聞之父老傳言二奴之祖速掌家曾以叛逆戮於開原之市矣

顧司馬奏議

卷之十一

二十一

而二奴不悔二奴又以叛逆戮於開原之市矣而二奴之子又不悔是犬羊之性世濟其惡原非口舌所能爭也竟何法以處之乎前本道謬言懸賞以殲渠魁者是欲征剿之後待其力屈勢窮而後為之不欲多殺以盡絕種類耳恐盡絕種類於

中國又有不便故也若不待力屈勢窮而求為此逞彼夷狄之有君長若子弟之衛父兄手足之捍頭日本道何能持空拳而制二酋之死命哉本道業已講和三年矣本院已差官親到地方

兩次矣二酋全不聽撫地方萬人耳目其亦聞且見矣今據士民眾口同詞以為非剿不可正所謂國人皆曰可殺而後殺之者非本道之得已也等因本月二十九日據慶雲堡備禦吳嗣勳稟本月二十八日據守堡百戶王鳳翔稟據通事王宗臣密審得市夷准卜哈說稱有煖免伯言以兒鄧等達子約有三千餘騎在清陽堡對過下營只在三五日犯搶不知搶南朝又不知搶海西達子該本道看得前賊即二奴寨內所結之虜日久通不解散屢差通事宣諭俱

顧司馬奏議

卷之十一

二十一

三十七

羈留不放存亡尚不可知而地方已兩月戒嚴軍民不便耕作人情洶洶之甚將來猖獗之勢尚有不可知者等因本年六月十一日據開原新任備禦王汝徵稟本月初八日據通事高應魁稟稱廣順關夷人都督歹商到市說稱有所管部夷阿台卜花等於本月初七日反叛投康古六本日晚本酋帶領阿台卜花等將歹商住房圍了要殺歹商歹商乘夜帶領四夷脫奔到城康古六隨將歹商家財牲畜盡行搶去稟報參將李宗召具呈本院蒙批王台世效忠順為

我藩籬今其子孫雖寢以弱而當扶之無疑前日之所患者在二奴之子耳今康古六温姐原係二奴肺腑明為內應即猛骨孛羅或亦不能無二心万商一人豈能獨立哉由此觀之海西之事已去矣將來諸虜日侵內地誰執其咎耶則當時何不早言之直至於今事勢無可柰何而空為之咨嗟也仰開原道速查議報蒙此本道行會叅將李宗召手本回稱行據開原備禦王汝徵呈稱阿台卜花等叛逆禍起倉卒雖万商亦莫之知臨時方得脫身逃走職等何由早知預報原無的據何敢妄行呈擾及奉明遣差通事高應魁崔得忠郭仲舉陳添福等屢經宣諭各酋夷執迷不聽復蒙本道白牌仰王汝徵於本月十三日前赴靖安堡廣順關差通事崔得忠傳調康古六猛骨孛羅等聽宣各酋夷止令數夷前來討万商出境講和本官再三將牌內事例宣諭令万商部夷全來妻子隨行鑽刀說誓永不謀害将万商當面交與康古六猛骨孛羅同阿台卜花等領出和好不然照牌施行後悔無及各夷權詞以應待三四日起本堡說

顧司馬奏議

卷之十一

二十三

三七十二

誓講和延至本月十九日復差通事崔得忠傳調各酋夷及万商妻子到堡有康古六說稱万商原與我有讐今万商妻猛骨孛羅已是都姦要了如何又肯與万商事已到此隨

中國如何處罷又復再三宣諭伊堅執不從意欲将万商哄至關門暗行殺害等情具呈叅將李宗召為照王台忠順久矣今子孫自相吞謀宣諭講和全不聽從置之不問姦謀得遂非

中國撫處屬夷久安長治之策備用手本煩請轉會鐵嶺黃遊擊帶領馬步軍丁及本職所屬兵

顧司馬奏議

卷之十一

二十三

三百五

馬公同出境親詣猛骨孛羅温姐康古六住巢安營布陣勒令各酋夷綁獻主謀康古六叛逆阿台卜花帶赴

中國斬首正法各酋夷免罪即将万商交付温姐猛骨孛羅仍将万商部夷妻子家事盡數查給倘万商物故身死本寨併行剿滅或延一二月不肯遵諭将本寨齊用大砲火箭燒燬或整兵迎敵即斬首亦不論功如此庶

中國之威大展於境外將來屬夷不敢起叛服之心矣緣由回復到道看得前項夷情大畧已備

本道再三面與參將李宗召商議計無出此蓋緣夷性貪而無親雖蘇張復生難以語言化導必湏以兵力威逼始得帖服待兩營齊到關門本道必湏親自督理決不敢妄戮一人至擒拏二酋之日亦必解送廣寧詰

旨處分以杜後患以伸

國威其餘善後事宜另行議處及照溫姐原係二奴親妹猛骨孛羅係卜寨妹夫未婚康古六係王台姦生子又係二奴女婿本夷昔與虎兒罕亦有讐投順北關跟隨伊親二奴住牧虎兒罕

顧司馬奏議

卷之十一

二十四

三百四

赤死後康古六復回南關得配溫姐今因互相瓜葛輒生姦計以此骨肉相殘昨二奴之子已差部落一把力親到本道面稟譯審得稱說猛骨孛羅歹商

中國馬法再三救他今一旦不聽

中國約束自相殘殺又差人截我貨物請問

中國馬法已後還救他不救他等語一面主使猛骨孛羅所為如此一面所以稟本道者又如此則猛骨孛羅之滅亡在旦夕而渠尚自作其孽若此可令何法以處之耶再照夷狄原無禮義

顧司馬奏議

卷之十一

二十五

三百七

人倫君臣上下故子得以殺其父弟得以殺其兄朝為骨肉暮為讐敵其天性然也地方將領實無得早知而預圖之彼冒頓以鳴鏑殺其父頭曼即頭曼尚不得知而况外人耶即此中屬夷情狀千變萬態本道恨相隔之遠不得與本院面相商確止於文移往來實不能盡其萬一也緣由呈蒙本院詳批先據該道揭稱將領之言謂溫姐係二奴之親妹猛骨孛羅係卜寨妹夫康古六係二奴女婿又謂叛逆雖起於阿台卜花主謀實由於康古六溫姐而猛骨孛羅則又溫姐子也是南關之衆久與北關陰結所謀者獨歹商一人耳今該道又云猛骨孛羅已將歹商三妻盡行姦收是康古六擒奪歹商之妻而猛骨孛羅得姦收將并猛骨孛羅而入於北關明矣何得又云猛骨孛羅滅亡在旦夕耶豈所謂猛骨孛羅姦收者乃康古六之訛也本院所謂何不早言者謂將領既知北關首與南關之衆因肺腑而陰相結則當早發而預圖之不宣優柔不斷以至於今耳今該道既與李宗召決策即如議速調黃應魁兵馬相機便宜行事

本院決不掣肘如能生致康古六阿台卜花并
温姐監候請

旨處分万商亦不可便交與猛骨孛羅也彼中事情
馬上差人星夜馳報此繳蒙此遵依移文叅將
李宗召遊擊黃應魁各統所部兵馬隨同本道
於七月初六日赴靖安堡出關擒擊康古六等
去後今准李宗召手本內稱於本日會同本道
赴靖安堡至初七日子時分本職帶領開原備
禦王汝徵中固管備禦事遊擊劉仲文慶雲堡
備禦吳嗣勳中軍武舉郭繼善千總申克寬裴
邦翰王起鳳把總鄭選程四箴楊楫修惟詔李
秀修朝用楊耀武梁成功守靖安堡孫策等馬
步官丁四千員名并會同鐵嶺遊擊黃應魁統
領備禦崔吉中軍宿振文千總金本重李元相
金本健把總張成材羅一龍王守清田九方鄭
聞詩劉尚智王用予鄭維新顧伸曹汝修周宏
等官軍二千八十餘員名責令通事郭仲舉高
應魁崔得忠帶領万商等夷出境馳至夷酋康
古六等寨分兵固守本職先令郭仲舉等宣諭
康古六將叛逆阿台卜花送出回稱先已脫逃

顧司馬奏議

卷之十一

二十六

三六六

又諭万商家事妻子退還本主亦不依允且身
穿盔甲手執槍箭四面貼守先遣精兵迎敵本
職因見此夷梗化會同鐵嶺遊擊黃應魁分布
裏外家丁用大砲火箭及挨牌等項四面攻圍
遣差通事再三宣諭康古六等仍前執迷不聽
至本日午時分職等仍復督兵攻打軍丁勇猛
直前各夷勢窮力屈將温姐拏出寨門部夷射
中跟隨本職各應百户胡魁心窩一箭又射傷
家丁李勇等五名本職面與温姐講說万商家
產逐一交付原主仍令康古六猛骨孛羅出寨
殺牛宰馬啖血酒鑽刀說誓永不圖害方了此
事如蹈覆轍滅亡目前温姐背逆如故職等遂
將本婦羈留在營仍用砲箭弓矢挨牌齊力向
前攻破本寨頭門各夷併力迎敵軍丁亦被射
傷少延一時仍復射打各夷且戰且退官丁乘
機直至住所將康古六綁出寨門軍丁官馬亦
被死傷時值天晚分布安營俟次日講還万商
妻子家產比時若將温姐就戮第恐猛骨孛羅
不能自立投順北關事體未便會同本道至初
八日釋放責令温姐猛骨孛羅万商及小頭領

顧司馬奏議

卷之十一

二十七 三六十七

把太二漢毛哈喬即等鑽刀說誓挿血飲酒講和將歹商妻子哈兒哈等五名口原收部落莊太卜思華等三百二十三名夷婦女分姐猛骨姐等四百一十二口幼小子女一百三十一名口馬一百三十五匹牛二百五十八隻羊八十一隻盈一百三十二頂甲一百四十六副逐一查明盡數交付歹商照舊收回管領其餘原屬歹商夷寨六處一併退還仍留通事崔得忠在彼安插本日午時分進境各回城堡防禦外所有部夷阿台卜花逃無踪跡無憑擒拏及查在

顧司馬奏議

卷之十一

二十六

三十三

陣陣亡軍士一名吳四兒射傷官一員胡魁軍丁李勇等五名射死官馬一十三匹緣由到道准此除將康古六監候另文呈解外看得開原一線孤懸三面鄰虜數百年來得以保全無事者賴有海西屬夷王台自祖父以來世效忠順威令素行故北之二奴南之建州盡屬統馭不敢侵犯內地以故東方一帶軍民便於田作不意王台物故子孫孤弱建州諸夷早已離披而仰加奴逞加奴遂包藏禍心日肆蚕食頃於萬曆十一年剿處二奴之後稍加欵戢不意近日

二奴之子那林孛羅卜寨又復猖獗之甚三年之內無日不加侵害宣諭萬端終於執迷不反比復勾連西虜壓境而來非賴

中國提兵救護王台子孫早已無噍類矣今謀之不已又復陰結康古六温姐以為內應意欲剪其歹商一人而後温姐康古六猛骨孛羅一股從逆使我

中國之藩籬盡撤此其謀亦甚狡矣向使其計得行異日猛骨孛羅聽其頤指氣使西結三衛南連建州臂指相使首尾相應非止無海西是無

顧司馬奏議

卷之十一

二十九

三百五

開原而河東一帶日見其兵連禍結而不可解矣何者西有大河為限犯搶有時此則寇在門庭譬人之有腹心疾也其為地方之害豈淺鮮哉今幸將領同心機不預泄謀能先定出其不意乘其不備首惡始得就擒稍緩則盡數反入北關勢將不可為矣所據逆犯康古六並未獲阿台卜花一則以孽而害宗一則以奴而叛主罪當首論亟宜請

旨梟示以彰

國威以杜後患及犯婦温姐淫惡異常狡猾無比

不思同心以禦外侮反忍操戈以禍夫家婦有長舌實為禍本均當顯戮正法但恐處之太重不惟猛骨孛羅冲年無主且與歹商重結殺母深讐勢難兩立似應姑宥以示曲全若二奴之子世濟其惡姦謀百出今日不處則必為疆場一日之憂王台子孫終不得全活地方終不得安靜但二酋罪有差等不處則養虎必至於貽患盡處恐玉石不免於同焚中間逞加奴之子孛寨尚知畏

中國之威每有講和之意惟制於仰加奴之子那

額爾馬奏議

卷之十一

三十一

林孛羅而不敢有所異同是那林孛羅之罪浮於孛寨也明矣彼兄弟各有專城原不同寨今必欲出師問罪止宜先及那林孛羅而不及孛寨庶使有所區別非惟那林孛羅之力分易制而孛寨既畏其威又感其德自可保其永無反側矣大約今日之舉事在不疑可以兩言而決如不殺康古六則王台子孫之內變終不得消不殺那林孛羅則王台子孫之外患終不得息倘謂將領有一毫要功生事之意均一屬夷誠不知於王台子孫何厚而於二奴之子何薄均

為二奴之子又不知於孛寨何厚而於那林孛羅何薄也苟可以安封疆為

國家計長遠不遑恤其他矣再照歹商原討妻子兵馬已經安插停當康古六首惡既已擒獲溫姐姑暫釋放仍多方嚴緝逃夷阿台卜花獲日另報外等因呈報到臣據此案照先據開原兵備右叅政王某叅將李宗召各節次呈報那林孛羅孛寨等與猛骨孛羅歹商等讐殺及康古六等背叛情由屢次批行斟酌撫處并委原任備禦戚揚前去宣諭去後今據前因臣會同總

額爾馬奏議

卷之十一

三十一

三百九

督剿遼保定等處軍務兼理糧餉都察院右都御史兼兵部右侍郎張 議照

中國之馭屬夷惟有撫剿二者而已順則撫逆則剿剿之以示威威必加於強者撫之以示恩恩亦必加於強者蓋強者服則其餘不足服也然必能剿而後其恩感必能撫而後其威服乃若忠順者則雖弱而必扶又所以仗義執辭以為鼓舞之權者也視強弱順逆為撫剿以行吾之權當可而施間不容髮其機不可失也一失其機有如撫之不聽剿之不能則屬夷皆敵國而

邊疆多事矣今以遼左大勢言之環二千餘里之間皆虜也皆

祖宗朝所稱屬夷者也西起山海東至開原以西則有朵顏三衛之夷開原東北則有海西之夷其東南南盡鴨綠江則有建州諸衛之夷自三衛之夷北臣土蠻西合西酋動以數十萬入掠兩河之間撫剿難言而三衛之夷皆遼之敵國矣惟開原之海西夷世稱忠順為我屬夷而先是撫順駿陽寬奠之間建州夷為亂破城殺將殆無寧歲自拓寬奠六堡廣地數百里據東山要

顧司馬奏議

卷之十一

三十一

三百五十二

害而誅王杲及阿台阿海諸酋之首亂者東夷始平稱屬夷通

貢入市順常聽撫逆非大害臣嚮者請餉疏中謂建州之虜陽順陰賊多步少騎勢不與三衛西北諸酋合而為患小者以有海西酋王台之酋裔在至今賴以明耳目而為我藩籬也蓋王台在時北收二奴南制建州終其身內向而無異志其地居中為間是以建州之夷勢不得與三衛西北諸酋合北虜既無東心東夷亦無北意而開原高枕是海西之重於開原明矣及王台

死其長子虎兒罕赤亦死孫歹商孤而其妾溫姐之子猛骨孛羅者幼而弱建州夷解體各自為雄而二奴首叛結婚西虜挾其眾以攻海西海西不守是撤我藩籬而掩我耳目也故前此諸臣不得已有誅二奴之舉而海西稍寧然仰加奴之子那林孛羅逞加奴之子卜寨怨殺其父而讐海西益深臣自授事以來屢行該道及將領善諭之終不聽而益急攻海西且結西虜而謀內犯先是王台有孽子曰康古六者與虎兒罕赤爭分其父遺業虎兒罕赤以為是其父

顧司馬奏議

卷之十一

三十一

三百五十三

姦生子也欲殺之康古六奔逞加奴逞加奴即以女妻之後虎兒罕赤死而康古六歸得妻其父妾溫姐而分海西之業與猛骨孛羅歹商各居一寨而並立為三名為海西酋而陰實與溫姐為二奴內應溫姐者二奴親妹也二奴既以海西故並戮而其二子日夜謀攻海西左提右挈而報殺父之怨康古六又以讐虎兒罕赤之故而甘心於其子歹商猛骨孛羅雖為王台子實二奴之甥又為逞加奴婿今已無父獨其母溫姐在耳勢不得不從其母而懷二心是王台

之苗裔有固志而立於海西者獨歹商一人耳其處勢之危危於累卵矣海西之南曰奴兒哈赤者建州酋也故屬王台叛而自雄於東東夷畏其強多服從之數為東邊小患而北侵諸酋若張海色失者稍蚕食之諸酋不能敵輒奔海西奴兒哈赤以為海西匿其讐也因併讐海西而北連二奴之子以從事夫海西三酋最爾三寨耳北見侵於二奴之子南見侵於奴兒哈赤而三酋之中康古六內為賊猛骨孛羅無能為且以母妻之故而不能無二心歹商一人之不

顧司馬奏議

卷之十一

十四

三百三

能立於海西也豈待今日而後見哉歹商不立則無海西無海西則二奴之子北結西虜南連建州而開原危河以東且西急土蠻三衛東急東夷腹背受敵而左右狼顧鎮城之兵分防兩河之間不足且將東向而防東山益分益寡益勞且疲而勝敗安危益不可測夫全遼以數萬之衆當無筭之虜於二千餘里之間而保有孤鎮者以東夷勢不得西合尚稱屬夷而我得一意西防也使無海西而令東夷得合於西虜則全遼之禍可勝道哉蒞之三衛屬夷屬夷也昔

為藩籬今為強寇而無可柰何者以其得合於東西二虜也非明鑒耶由此觀之則二奴之子其當剽明矣恭政王其既竭心力而費唇吻撫之三年不聽其當早為議剽亦明矣乃既曰逆節已著又曰實惡未彰既曰撫之不聽又曰剽之不可若有所隱忍顧忌而不肯發發之而不肯盡趨趨囁嚅於撫剽之間而無決策又斤斤自明其不要功希賞以形前此者之為非其故何哉亦畏人言而有所懲耳臣在蒞時聞人言開原二奴屬夷也剽屬夷不足誇之以為功諸

顧司馬奏議

卷之十一

十五

三百五

臣之蒙

恩於

皇上也僭也且每有捕斬於西北三衛也亦輒曰搗屬夷蓋得則張大之失則彌縫之固邊將常態而在事之臣或以邊情緊急倉卒奏報不暇庶其狀而發其隱固不能無間然矣而司道官之不得志於遼者遼人之脩怨而忌功名者遊談干進於行伍之間有所挾以趨名趨利於遼而不遂者卜醫星相若雜技群小之以薦引來而不滿其望者各乘間以售其說而甘

心於遼其妻斐何所不成關西士大夫既明聞之君子又微得之小人誠不啻三至矣是以遂深信而不可解此遼左功罪所以紛紛於士大夫之間也臣曩在關西亦常深信其說而今聞見頗真則又深懼其墮落而無以自明無恠乎叅政王某隱忍於二奴之子而諱言剿也臣不知當時所以剿二奴者何狀然不可謂無大造於開原

皇上厚加之

恩凡以激勵邊臣耳今日之為誇與僭而并沒其功

顧司馬奏議

卷之十一

三十六

三百四十一

過也又誤以西北三衛為遼左屬夷而俾其搗剿又過也人臣既任邊事第當計邊地安危不當營一身毀譽叅政王某畏人言而難決策又過也且夫論事易當事難先機以示創則必曰要功希賞後時而失事則又必曰養寇遺患夫養寇遺患則邊疆受實禍要功希賞則邊臣失虛名與其受實禍寧失虛名又况必有能量之者也惟虛名之求而遺邊疆以實禍豈人臣之義哉臣是以反覆思之而不敢出此也今審遼左之勢必東存海西以斷西虜之左臂而時時

伏乞

顧司馬奏議

卷之十一

三十七

三百四十二

有所殺伐於西假餘威以讐服東夷又詔東夷以扶忠順之故而益堅其效順此用寡制勝之機也撫剿之宜而鼓舞之權也不可以存海西為末務也欲存海西則外必並誅那林孛羅與卜寨內必並處康古六與溫姐一有不盡又必遺後日之悔矣然使計擒康古六不早則海西之事已不可為此王某所以亟稱叅將李宗召之功效當首叙者也以今日之擒康古六為功則當年剿二奴之功益明矣然臣撫臣也恐終有要功希賞之念不足聽而按臣之言必公也

勅下兵部先將康古六溫姐議覆聽候

明旨處分叅政王某雖已陞叅將李宗召雖已死而

計擒逆酋之功俱不可泯應先優叙陞賞其餘

有功及死傷員役聽後并叙外其那林孛羅卜

寨二酋速行巡按御史親至開原相其形勢權

其利害詢訪酌議特本具

題如以為不當剿則勿剿如以為當剿必須大將

提兵東赴開原相機進剿或止擒斬二酋而部

夷歸順則使猛骨孛羅歹商統之以復其故業

而厚海西此上策也如或部落各為其主而致死格鬪則不得不殺之以夷逆黨將士犯鋒鏑而蹈死亡不測之險也則不得不論功若鎮臣李成梁者自以受

皇上之

恩已極即減此朝食曾不足以報

高厚萬一至若臣者一豎儒耳蒙

皇上特達之知

恩已不薄於成梁而區區狗馬報

主之誠亦不敢自後於成梁終不忍以蠢爾屬夷之

顧司馬奏議

卷之十一

三十八

三頁六

故攘將士之功而干

澤於

皇上也使二臣以是故而蒙

恩則必有要功希賞之譏不惟臣之心事不白於士

大夫之間徒鬱鬱以終死後必有不取明言屬

夷之橫而貽禍封疆者夫使封疆之臣憂讒畏

譏而首鼠兩端以貽禍孰若使之無所顧忌而

得展布四體之為便也此其為

恩也顧不大與伏望

皇上并垂聽焉為此具本謹題請 旨

冲菴顧先生撫遼奏議卷之十二

通州 益卿顧養謙著

疏

廣開墾以修實政

題為溥

皇仁廣開墾以修惠民實政事據分守遼海東寧道

兼理邊備山東布政使司右叅政栗在庭呈蒙

臣并巡按御史案驗依蒙查得萬曆十四年分

本道所屬定遼左右中前後東寧瀋陽七衛并

蒲河所清河豐陽長真長勇等堡軍餘許翰等

顧司馬奏議

卷之十二

一

御志三百十四

開墾過荒田四十九頃三十畝六分五釐見年

納糧各不等共該穀二百五十七石七斗五升

五合內上等田一頃三十二畝二分五釐每畝

納穀一斗共穀一十三石二斗二升五合中等

田一十一頃九畝每畝納穀七升共穀七十七

石六斗三升下等田二十八頃一十畝九分每

畝納穀五升共穀一百四十石五斗四升五合

瘠薄田八頃七十八畝五分每畝納穀三升共

穀二十六石三斗五升五合又准原任分巡道

右布政使任天祚手本開送所屬廣寧左中右

屯中屯四衛軍餘管才等開墾過荒田六頃九十八畝三分每畝納穀三升共穀二十石九斗四升九合內見年納糧荒田五頃二十六畝該穀一十五石七斗八升候三年納糧荒田一頃七十二畝三分該穀五石一斗六升九合又准海蓋道右叅政郝杰手本開送所屬金蓋二衛軍餘魯友賢等開墾過荒田六頃二十二畝見年每畝納穀三升共該穀一十八石六斗六升以上三道通共開墾過荒田六十二頃五十畝九分五釐納穀二百九十七石三斗六升四合

額司馬奏議

卷之十二

二

三百五十六

內見年納糧田六十頃七十八畝六分五釐該穀二百九十二石一斗九升五合候三年納糧荒田一頃七十二畝三分該穀五石一斗六升九合又准寧前道右叅政劉易從手本回稱所屬寧前二衛所驛並無告墾荒田人役又准開原道右叅政王絨手本回稱所屬三萬遼海鐵嶺三衛該年自春入夏以致秋收水旱為災並無一人告墾荒田無憑開送緣由各到道卷查萬曆十四年遼鎮地方災傷重大應徵屯科糧料已蒙題

准重災地方每細一石折徵銀二錢輕災地方每細一石折徵銀三錢及查該年軍民新墾荒田應徵科穀二百九十二石一斗九升五合本道所屬衛堡科穀二百五十七石七斗五升五合分巡道所屬各衛科穀一十五石七斗八升海蓋道所屬各衛科穀一十八石六斗六升此係額外新墾之數合無姑念地方頻遭災沴且係小民竭力開墾荒田新近起科比照屯糧重災事例每穀二石折細一石徵銀二錢貯庫備荒支銷以後年分追徵本色另覈儲積等因到臣據

額司馬奏議

卷之十二

三

內言三十二

此案照萬曆十三年十月初九日准戶部咨該戶科都給事中姚學閔等題該本部覆議通行各省直撫按轉行各該所屬府州縣正官但有荒蕪地土耕種素所不及者示諭小民儘力開墾不許勢豪侵奪或有人戶逃亡田地又荒情愿佃種者查審明白給與告主帖照俾永為已業而各該有司又必嚴禁遊民盡心勸相示之隨地以鑿陂塘築圩岸之方如貧難小戶缺乏牛種許將積貯稻穀借給補助待秋成之日抵斗還倉每歲將開過荒田頃畝數目從實申報

撫按各印發墾田文簿一扇就以開墾字為號令其陸續登註毋容那移虛捏中有開荒數多者即係實政修舉薦獎以旌其賢或拋荒如故即係曠職廢事戒飭以警其餘年終稽核明確依期

奏報其所開地土每畝止令納穀三升另厥儲積以備荒歉俟大造之年該州縣通查墾過田畝內稍有肥饒堪以升則者定以下則就將額糧均攤收入冊內原納租穀盡與除豁其瘠薄下地仍納穀三升置之永不起科之例自萬曆十

顧司馬奏議

卷之十二

四

尚書

四年為始每年撫按官俱要着實舉行依期

奏報倘有無荒可墾去處亦要明白題

請并刊刻書冊徧給里民通知永為遵守毋事紛更等因題奉

聖旨是開墾荒田事宜着各該撫按官查照着實舉行欽此欽遵備咨前來准此已經備行各道欽遵轉行所屬衛所官員及示諭查照開墾給與告主帖照印發文簿就以開墾字為號陸續登註一一悉照原題事理舉行及行分守道會同分巡寧前開原海蓋四道將萬曆十四年開墾

過荒田數目稽查明確類報去後今據前因臣會同巡按山東監察御史王國弼議照遼左數拾年來兵荒相仍軍民殺虜逃亡失業者眾是以土地之荒蕪者在在有之然遼與虜鄰用武之地也為足兵計者必先於足食故科臣開墾荒田之策於遼為尤急臣等自奉

明旨以來嚴行各道督責衛所官員省諭軍民人等凡有荒蕪地土告明儘力開墾故萬曆十四年分守分巡海蓋三道共開種過六十二頃五十畝九分五釐而分守道為獨多則以其地廣土

顧司馬奏議

卷之十二

五

三十七

沃而人稍衆也寧前道地窄人少而逼於虜故開墾不易開原道已有立屯開種之成議而以二奴之子反側未安方費撫處未遑及之蓋遼左開荒頃地可保而後人有恒心歲屢登而後人有餘力或招來以復業或召募以導利必以其漸而不可責效於一歲之間者也及查前項軍民種過荒田內有納穀一斗或七升五升三升或候三年徵納者則以其地有肥瘠而各從其便耳其見年應徵穀二百九十二石一斗九升五合適遇災沴本色糧石難以辦納應照歲

額屯糧重災事例每穀二石折細一石徵銀二錢貯庫備荒支用以後年分追徵本色送倉另厥儲積若開墾漸多可漸查復屯糧之額而足兵食也伏乞

勅下戶部查照議覆施行為此具本謹題請

旨

顧司馬奏議

卷之十二

六

開原缺備禦

題為缺官事據整飭開原兵備山東布政使司右叅政王絨呈據開原備禦王汝徵稟稱開原叅將李宗召於萬曆十五年八月十七日亥時病故等因到臣除行該道將叅將兵馬事務行令備禦王汝徵暫代外臣會同總督薊遼保定等處軍務兼理糧餉都察院右都御史兼兵部右侍郎張 巡按山東監察御史許守恩議照開原地方三面環虜且係關市重地最為孤懸即今秋深正當防撫之時今叅將李宗召病故亟應推補查得廣寧左營遊擊吳希漢知機而可謀成有氣而能任事且先任開原備禦熟知兩關夷情應將本官以遊擊調管開原叅將事遺下廣寧左營遊擊員缺又查得正兵營前鋒外家丁左營加銜叅將塗寬從征敢於先登赴急如蹈湯火選鋒右營原任遊擊胡鸞征防屢著勲勞甘苦常同士卒以上二員皆正營驍將大帥手足俱堪推補廣寧遊擊以隨大營征剿者也伏乞

勅下兵部再加查議將前項員缺即以吳希漢等酌

顧司馬奏議

卷之十二

六

三四十一

量推補庶人與地宜而責成可效矣為此具本
謹題請

旨

顧司馬奏議

卷之十三

八

三十二

請發軍餉以救饑困

題為請發年例軍餉以急救衝邊饑困事萬曆十
五年九月十一日准戶部咨為請發年例軍餉
以便接濟事內稱查得萬曆十四年十月內該
薊遼督撫王 等會
題加增全遼家丁軍士糧賞料銀七萬四千三百
八十兩六分二釐五毫內將薊鎮歲省銀三萬
兩撥補外不敷銀四萬四千三百八十兩六分
二釐五毫動支太倉庫銀自萬曆十五年為始
增入年例併發等因奉有

顧司馬奏議

卷之十三

九

三十一

欽依在卷今照薊州歲省銀三萬撥補遼東加餉原
係該鎮徑自轉解以故本部止發不敷銀四萬
四千三百餘兩督撫又欲於太倉先發歲終計
扣殊非原

題之意况十六年年例已經

題發難以再

請備咨前來煩為移咨薊鎮軍門將十五年分銀三
萬兩仍照原

題於年終徑解遼鎮管糧郎中處交接收濟支放
等因准此已經移咨軍門解發去後續准總督

薊遼保定等處軍務兼理糧餉都察院右都御史兼兵部右侍郎張 咨稱卷查先為極危孤鎮邊長虜衆兵寡餉薄恭進圖說懇乞

聖明御覽

特賜宸斷以遺久安事該前總督都御史王 會

題內稱查得薊之額餉計兵定食毫不可缺薊之額兵畫地分守毫不可減今欲有助於遼無損於薊惟可移薊之歲餘而未可減薊之歲額查得萬曆十三年薊永密昌四鎮歲終剩銀三萬三千餘兩合無每歲戶部於薊鎮歲終積餘數內量撥三萬兩以之解遼其支剩尚多者仍聽扣留等因隨該兵部會同戶部覆奉

領司馬奏議

卷之十二

十一

尚三十一

欽依備咨欽遵在卷續於萬曆十五年三月內准巡

撫遼東右副都御史顧

咨薊州歲省銀三

萬撥補本鎮加餉數內速賜給發復該前總督

都御史王

照得近議移薊餉於遼原以歲

終計薊鎮省存之數扣於太倉改發遼鎮非以

薊鎮各管糧分司之銀從外轉解且各分司之

銀必奉部劄方可撥給此在戶部必有定畫又

經備咨遼鎮巡撫衙門查照咨請戶部裁示去後及查得萬曆十四年終薊永密昌四鎮共積餘剩銀四萬五千八百兩零俱經戶部扣留抵作各鎮主客額餉訖各緣由在卷為照遼鎮前項餉銀三萬兩先經

題以薊之歲餘那補於遼者祇因財用不給曲為調停及查薊永密昌四鎮實有剩餘故建前議以為極遼之計耳今查十三年十四年薊之各鎮歲終積剩共銀七萬八千八百餘兩俱蒙戶部扣留免發似亦足為遼鎮二年撥補之餉矣

領司馬奏議

卷之十二

十一

三十一

况今遼鎮地方災傷極重斗米數錢人情洶洶加以警報頻仍夷虜數犯東有仰逞遺孽勢應亟處西有委正衆酋在在糾聚探報日至窺伺未已山東糧運到者又僅僅二萬兵荒交極財力並困無如此時及查戶部咨文止云年例已題初未有所拘執而不給發也職再三籌度時勢如此除咨戶部查照原議事理將前項餉銀三萬兩早賜題

請給發外備咨前來煩為查照一體亟請戶部

題發施行等因到臣該臣會同總督薊遼保定等

慶軍務兼理糧餉都察院右都御史兼兵部右侍郎張 議照薊鎮撥補遼鎮加餉銀三萬兩部議以歲終計薊鎮省存之數徑解遼鎮以十五年正月初一日為始則十四年終薊鎮積餘之銀似當留以給遼矣是時臣以邊情孔棘失於明白咨部以致該部未經劄付薊鎮管糧即中仍將各鎮兩年積餘銀七萬八千八百餘兩俱扣作薊鎮十五年例之數無復可給發於遼左者是臣之過也然薊鎮積餘應發餉遼之銀既扣作薊鎮年例而省發於太倉則部臣必有所處以給之遼矣又節准戶部咨為地方災傷異常軍民十分饑困懇乞

領詞馬恭議

卷之十二

十一

三六五

天恩早賜勘議蠲恤以保孤危重鎮事該本部

題發遼鎮漕糧一十六萬石內貯天津倉米六萬石通州倉米十萬石聽候海船陸續搬運照依改免每石折銀六錢例於該鎮應發萬曆十五年下半年年例軍餉銀內照數扣銀九萬六千兩臣等已經查修見在官船及行令民間自造海船報官編號前赴天津載運糧米外今照遼東海船成造甚難以致運糧遲滯今歲止可運

二萬石其餘四萬石來春始可運完若通倉十萬石遼左海船既難直達脚價之費亦復不貲勢必難運矣夫薊鎮之積餘三萬與扣通倉糧折色之六萬共銀九萬兩皆遼鎮今年上半年應給之軍餉也今已十月且盡矣糧則在通倉而銀則在太倉也况下半年預支來年之餉遼今又自運之山東山東又以銀數不足杳無音耗遼左兩年疊遭水患斗米價今三錢十室九空朝不保暮又值大虜擁衆十萬入犯廣義之間大營之兵分防邊腹城堡虜勢西向則奔而西東向則又奔而東即士飽馬騰然且難支况士枵腹而馬垂耳乎所謂饑饉薦臻師旅煩興者遼適當其會矣今災傷則不敢望抵蠲於太倉矣饑饉則不敢望發賑於太倉矣惟請歷過應得之數以救目前萬分之急薊之應給遼者三萬部既扣作薊餉則當通融以補遼非敢復請於太倉也通倉糧折色六萬仍發之遼則本色十萬依然在通倉也及今

領詞馬恭議

卷之十二

十三

三六六

題發乃克有濟遼士之望蓋不啻望歲矣伏乞勅下戶部查將薊鎮十五年應給遼鎮餉銀三萬兩

通融查補并通倉糧原扣銀六萬兩一併給發
仍行齎餉部臣即日就道急於拯溺救焚庶孤
危之邊災困之衆猶可支也及照薊鎮餉遼積
餘三萬之數及今若不明議成規將來未免又
費唇吻合無行該部再議長便之策使歲歲接
濟務不失期率為定規庶不致再煩文移往返
而終贖

聖聽矣為此具本謹題請

旨

顧司馬奏議

卷之十二

十四

下廿三

邊鎮復遭災傷酌議徵納
題為邊鎮復遭災傷懇乞

聖明酌議徵納以惠軍民以蘇重困事據分巡遼海
東寧道兼理廣寧等處兵備山東按察司副使
鮑希顏呈查得廣寧錦義右屯九衛官軍舍餘
呈告今歲田禾二三四五月雨微難以佈種至五
月初九日雨始霑足方纔廣種盡係晚苗六月
初間麥田被霧蠶死盡為糠粃自六月中以至
七月大雨晝夜如注猛風交作陰濛連綿平地
成渠致將田禾高阜者損折低窪者淹沒又因

顧司馬奏議

卷之十二

十五 三百零七

年歲饑饉人民缺食兼以瘟疫不能耕種地多
拋荒所存晚田未得成熟至八月二十七日普
降嚴霜盡俱枯死乞要蠲免田糧本道巡歷親
勘相同查得廣寧錦義右屯九衛所驛實徵屯
科管田糧米共五萬八千二百一十四石一斗
六升六合五抄該折細三萬五千三百六十石
七斗一合八勺五抄內各衛所糧米五萬五千
八百一十六石四斗六合五抄折細二萬五千
一百二十七石八斗二升一合八勺五抄被災
例免糧米三萬二千八百八十九石四斗二升

九合九勺八抄折細一萬九千九百四十八石
六斗七升五合二勺三抄俯賜題

請折徵充餉其應徵糧米二萬四千九百二十六石

九斗七升六合七抄折細一萬五千一百七十

九石一斗四升六合六勺二抄通行各衛查照

追徵本色赴倉交納高平盤山二驛穀豆三百

九十七石七斗六升折細二百三十二石八斗

八升被災例免豆穀二百七十八石四斗三升

二合折細一百六十三石一升六合應徵豆穀

一百一十九石三斗二升八合折細六十九石

顧司馬奏議

卷之二

十六

三百五十八

八斗六升四合查得二驛地方水勢重大升合

無收今年被災較之去年尤甚若與各衛軍民

一例徵折決難辦納合無全免追徵等因又據

整飭寧前兵備山東布政使司右叅政劉易從

呈查得寧前二衛所驛共該實徵穀豆二萬二

千三百七十七石五升六合六勺八抄四撮六

圭二粟折細一萬五千二百五十七石八升四

合一勺三撮一圭五粟一粒內有災無收穀豆

一萬七千三百五十八石三斗一合一勺九抄

八撮二粟九粒折細一萬一千八百三十五石

二斗五合三勺六抄二撮二圭九粟三粒無災

有收穀豆五千一十八石七斗五升五合四勺

八抄六撮五圭九粟一粒折細三千四百二十

一石八斗七升八合七勺四抄八圭五粟八粒

寧前土瘠民貧兼以上年被災重大又自去冬

及春未霑點兩片雪四五兩月亢旱如焚至五

月將終始得兩佈種耘盪未畢即遭霪雨連綿

不止平地水深尺餘本道扶病勉強出城親自

看驗果見禾苗下者盡皆萎黃高者半不發秀

始信屯民之告非虛誠不為妄災沴之後復又

顧司馬奏議

卷之十二

十七

三百五十七

遭此民何以堪查上年議

題本鎮軍餉則例石該四錢因重災每石細折徵

二錢虧銀二錢俱以

欽發賑銀抵補窮困之民霑此大惠又蒙普施賑濟

始得延喘至今今災傷不異去年蠲免則無銀

抵補照折則又虧額餉且軍民不可異視凶年

米價必騰貧軍得本色一石足當二三石而一

月折色買米不二三斗是改折加惠於民未免

又少虧於軍本道再四籌思合無將兩衛本年

分應徵屯糧無分有無災傷俱減半徵收本色

其一半題

請蠲免或補銀於太倉或補米於天津倉既蘇屯民亦惠貧軍如不可得將無災有收者仍徵本色有災無收者改徵折色每石細折四錢粗折二錢庶於糧額不虧而民與軍兩無所損此不得已調停之術等因又據整飭開原兵備山東布政使司右叅政王緘呈查得三萬遼海鐵嶺三衛俱有災傷應將三衛無災有收共米穀豆九千一百一十三石三斗一升五合三勺一抄五撮并輕災二分共米穀豆三千六百四十五石

額司馬奏議 卷之十二 一八 三六

三斗二升六合一勺二抄六撮通共米穀豆一萬二千七百五十八石六斗四升一合四勺四抄一撮照舊追徵本色赴倉交納重災三分共米穀豆五千四百六十七石九斗八升九合一勺八抄九撮照例折徵等因又據整飭金復海蓋兵備管苑馬寺卿事山東布政使司右叅政郝杰呈查得金復海蓋四衛俱屬無災屯科糧料相應照額徵納但蓋州衛所屬熊岳五十寨二堡土瘠民貧有荒蕪而 匪種者有播種而不能耘者若與別所一槩追納民力不無難支

二堡該納本色米穀一千七百五十四石似應折徵每細一石折銀二錢五分再照金復蓋三衛地土俱屬硠确三衛實徵本色米穀豆六萬七千八百二十三石四斗二升三合六勺一抄一撮內除熊岳五十寨二堡折徵米穀一千七百五十四石外仍該六萬六千六十九石四斗二升三合六勺一抄一撮今要以藹抵穀豆抵米相兼上納查得往年舊規曾有此行似亦當通融徵納以紓民困其三衛原額折色豆共二萬四千五百二十二石并海州衛實徵本色米穀豆二萬三千二百四十石五斗七勺五抄俱照舊徵解上納等因又據分守遼海東寧道兼理邊備山東布政使司右叅政栗在庭呈查得定遼左等五衛并右衛及所屬城堡屯寨地方自夏入秋雨水調和原無呈報災傷即今秋禾成熟收割將完無憑查議及照瀋陽蒲河地方屯寨低窪處所近被七月初八等日連雨稍遭水災但隨即晴明其西邊近河田地原係境外流入大水一時浸淹隨亦漸消及本道於本月二十六日巡歷之時詢訪居民備云河水泛漲之際禾

額司馬奏議 卷之十二 一九 三七

稼早已長成若水勢漸落秋禾可望半收前項
屯糧似難蠲免且下窪去處既得半收而高阜
之地收常加倍若高下相補未為全災亦難改
徵折色及查定遼左等瀋陽七衛實徵屯科營
田糧米共九萬九百六十一石八斗九合三勺
八抄九撮八圭五粟相應行令各該衛所查照
舊規徵收本色入倉其長安等堡并瀋蒲被災
地方軍民人等止待來春青黃不接之際通將
彼處收貯備賑并官倉義倉糧石量其人多
寡俱借給食用候秋成之日不以豐年加利仍
照抵斗還倉默以寓賑濟貧民之意等因各呈
報到臣案照先據廣寧錦義右屯寧前等衛并
各城堡備守等官各呈據納糧軍餘告稱今歲
田禾春旱秋澇災傷無收錢糧難以辦納乞要
蠲免折徵等因俱已通行各道查勘去後今據
前因臣會同巡按山東監察御史許守恩議照
遼左今歲之災在河東三道不過十二三而河
以西為甚河西則寧前受災大較十之八與分
巡道屬等而以近山海入關乞糴稍便故獨分
巡道九衛為尤甚斗米價至五錢五分猶然款

顧司馬奏議

卷之十二

二十

續編三十一

糴無所人情洶洶臣每一出老幼男女遮道泣
訴不忍見聞所不敢遽以其狀

聞者以中原

畿省之地告災告盜者踵相屬

皇上方蒿目四顧而勤

宵旰之憂計臣議賑議蠲不啻救焚又一切無備而

責辦難於拾潘時方紛紛獻救荒弭盜之策為

國家慮根本者急中原斯何時也臣安敢不仰體

聖懷復以邊疆之故塵

皇上東顧而益難計臣然臣所以得措手而調停其

顧司馬奏議

卷之十二

二十一

二十一

間者則以

皇上卿者

俞臣所請厚加之餉

祭帑賑贍出自

聖衷生死肉骨之

恩既以深入人心而不可解又

聽臣轉漕使軍士仰給見糧

假臣便宜使得搜括倉庫視緩急而為賑臣乃會

諸按臣謀諸司道凡可以救轉死而濟艱難者

即由頂至踵不敢自愛以推

皇上之餘

澤是以士卒雖并日而食糠粃不辭奔走修防之勞
小有犯令者輒處以軍法而不敢怨貧民寧取
草根樹皮以為食而不至殍聚於山澤流離枕
藉於道傍故不必誇張其事以重憂時當事者
之彷徨且也不復敢以發賑抵蠲望太倉矣欲
勘實處明然後疏

聞以慰

聖心而報主計者今分守道則稱諸衛無災惟蒲瀋
近河之地稍傷暴漲故不議折徵而議貸以寓

顧司馬奏議

卷之十二

二十一

三十一

賑海蓋道則稱四衛無甚災而欲以蜀抵穀豆
抵米如往例以稍寬屯民惟熊岳堡五十寨堡
俱無收故議米一石徵銀二錢五分如南衛折
徵給軍之例以重恤二堡開原道則稱三衛無
災及輕災者仍當徵納本色如故而有受災稍
重者故議折徵寧前道則稱二衛有災無災之
處應各視其分數而徵本折各如例臣以為寧
前應徵本色無多又近山海穀稍賤易辦徵本
色以給軍軍便而折色一如例徵銀四錢則屯
民無收者猶為病也每米一石止應減徵銀三

顧司馬奏議

卷之十二

二十三

三十七

錢分巡道則稱九衛有災無災者應照分數各
徵本折而高平盤山二驛受災十分凡兩年矣
故議全免臣以為先是廣寧米一斗價至五錢
五分近以天津糧至乃減其半若無災者一徵
本色米價必復騰湧如故軍士之得領本色者
幾何勢又必貴糶而食矣是屯民與軍士俱不
便也不如應徵本色者每米一石折銀八錢減
市價之半留本色以惠屯民使為來年力耕之
地而市價稍平亦所以惠軍矣此則問之屯民
軍士而一口稱便者也至於應折徵者若如四
錢之例則九衛之屯民視寧前尤病每石止應
減徵銀二錢而高平盤山二驛則應全免其減
徵全免不敷額餉之數即以每石八錢者通融
補給而有餘有餘者恐不無逃亡拖欠而留以
通融補足原額為便寧前減徵不敷額餉之數
計銀一千一百兩有奇聽臣於天津漕糧內定
價給軍稍有贏餘即以補之此則不仰
內帑不虧軍餉而就中調停以並惠軍民之術也
再照盤山高平以嶺遼人謂之窮三站其地傍
大河歲遭水患雖豐年亦無收不獨去歲今年

也其驛遞三所之軍有送迎供具之累而高平遊擊沙嶺備禦二營之軍又皆調自河東各衛使守三站之衝邊頻年以來水患相仍地無所產人無固志驛遞軍逃者十七八二營軍逃者十三四若再以科糧若之不至於盡逃不已也夫徵糧本以養軍養軍本以守邊今以徵糧之故至軍逃而無與為守則孰與豁糧存軍之為愈也今應查將三站科糧盡行豁免如有軍民能開三站荒地者聽其耕種永不起科庶見軍不至逃亡逃亡者可望復業而衝邊有賴矣計高平等處之糧不過二百三十石有奇徵銀不過九十兩有奇俟各衛有新墾之田即補其額無難也伏乞

旨

顧司馬奏議

卷之十三

二十四

三十五

勅下戶部再加酌議將全遼屯科糧石應徵本折者各照數徵收其減徵全免不敷之數容臣等於折色及天津糧內通融補足三站科糧見載冊內者悉行豁免後有軍民人等開墾者永不起科乃可救全遼目前之急而蘇三站無窮之困也為此開坐具本謹題請

計開

分巡道所屬廣寧錦義右屯九衛所驛實徵屯科管田糧米五萬八千二百一十四石一斗六升六合五抄折細三萬五千三百六十石七斗一合八勺五抄

各衛所糧米五萬七千八百一十六石四斗六合五抄折細三萬五千一百二十七石八斗二升一合八勺五抄

應徵本色糧米二萬四千九百二十六石九斗七升六合七抄折細一萬五千一百七十九石一斗四升六合六勺二抄今議每細一石折徵銀八錢

被災例免糧米三萬二千八百八十九石四斗二升九合九勺八抄折細一萬九千九百四十八石六斗七升五合二勺三抄今議每細一石折徵銀二錢

高平盤山二驛有災無收十分例免七分應徵三分共該穀豆三百九十七石

顧司馬奏議

卷之十三

三十五

二百六十四

七斗六升折細二百三十二石八斗八升今議全免徵納

寧前道所屬寧前二衛實徵屯科穀豆二

萬二千三百七十七石五升六合六

勺八抄四撮六圭二粟折細一萬五

千二百五十七石八升四合一勺三

撮一圭五粟一粒

有災無收八分寧遠衛前屯衛并中前

所及山海關承種遼東田地共該穀

豆一萬三千五百五十四石八斗九

顧司馬奏議

卷之二

二六

二百六十四

升二合一勺五抄三圭六粟折細九

千二百四十一石九斗七升一合九

勺二抄七圭今議每細一石折徵銀

三錢

無災有收二分穀豆三千三百八十八

石七斗二升三合三抄七撮五圭九

粟折細二千三百一十石四斗九升

二合九勺八抄一圭七粟五粒今議

徵納本色糧石

有災無收七分前屯衛中後所并沙河

顧司馬奏議

卷之十三

二七

二百八

開原道所屬開原鐵嶺三衛實徵屯科營

田糧米一萬八千二百二十六石六

斗三升六勺三抄

有災無收五分雷其等屯糧米九千一

百一十三石三斗一升五合三勺一

抄五撮

重災三分楊貫等屯該糧米五千四百

六十七石九斗八升九合一勺八抄

九撮今議每細一石折徵銀四錢每

粗一石折徵銀二錢

輕災二分魏頭目等屯該糧米三千六百四十五石三斗二升六合一勺二

抄六撮今議徵納本色糧石

無災有收五分沙河鋪等屯該糧米九

千一百一十三石三斗一升五合三

勺一抄五撮今議照舊徵納本色糧

石

海蓋道所屬金復海蓋四衛實徵屯科米

穀豆一十一萬一千五百一十五石

九斗二升四合三勺六抄二撮內除

顧馬奏議

卷之二

二十八

二十七十四

原額折色豆二萬四百五十二石不

拘年歲豐歉每石折銀二錢逐年解

管糧衙門送庫照舊納外本色米穀

豆九萬一千六十三石九斗二升四

合三勺六抄一撮

金復蓋三衛米穀豆六萬六千六十九石

四斗二升三合六勺一抄一撮今議

以蜀抵穀豆抵米相兼上納

蓋州熊岳五十寨二堡米穀一千七百五

十四石今議每細一石折徵銀二錢

五分每粗一石折徵銀一錢二分五

釐

海州衛米穀豆二萬三千二百四十石五

斗七勺五抄照舊徵納本色糧石

分守道所屬遼瀋七衛實徵屯科營田米

穀豆九萬九百六十一石八斗九合

三勺八抄九撮八圭五粟俱照舊徵

納本色糧石

奏議

卷之二

三十九

七百六

冲菴顧先生撫遼奏議卷之十三

通州 益卿顧菴謙著

疏

馭夷失策懇并罪臣以謝邊臣

奏為馭夷失策上干

天威懇乞

聖明並罪臣以謝邊臣事先該臣為屬夷叛逆孤鎮

益危查察兵備官員以明禍本事會同巡按御

史許守恩將開原兵備參政王某議勦二奴遺

孽不早以致猛骨孛羅又復背叛欲將王某議

處等因題奉

聖旨兵部知道該本部議將王某重加降調覆奉

聖旨這夷情着該督撫等官遵前

旨相機行事王某玩寇養患着錦衣衛便差官校

解來京問欽此臣一聞之驚怖欲絕

皇上所以急逮某者無非

注念邊事警戒邊臣也不並逮臣臣已萬幸何敢復

置一喙以瀆

天聽顧臣前日將諸酋叛逆之形王某優柔之狀畢

陳於

皇上之前者誠自矢心不敢欺

皇上也蓋環遼之虜歲為兩河大患者皆先年所稱

三衛屬夷也惟開原海西王台一枝世効忠順

為我藩籬故東夷若奴兒哈赤之橫尚不得與

西北諸酋合而開原以南遼陽以東建州之夷

尚名之曰屬夷小為邊患而不敢逞今王台之

孫反商孤立而二奴之子侵於北奴兒哈赤侵

於南康古六與猛骨孛羅變於內若反商不守

而無海西則東夷又合於西北諸虜而河東益

多事矣及今圖之已為不早必俟禍已成而後

顧菴馬泰議

卷之十三

二

三百四十六

言將益無及故臣不得不詳利害之端然而領

其事者王某也故臣不得不重典守之責臣以

為重加降調若部議而足懲矣豈意

皇上震怒而急逮之若是哉夫諸酋雖背逆猶可圖

也反商雖孤猶可扶也內地猶未見侵犯也而

至逮繫邊臣假令海西之事盡去內地之禍已

成

皇上又將何以加之夫罰當其罪則人心畏服而知

警罰浮於罪則適足以寒邊臣之心而喪其氣

邊臣而寒心喪氣也寧復能任邊事哉

皇上欲以警邊臣卒至於寒其心喪其氣而不能任邊事也豈

皇上注念邊事之

初意哉固知

皇上雖始之以

雷霆之威必繼之以

日月之照而復之以

雨露之恩矣况乎遼左邊臣之難其狀有不可枚舉

者邊無險塞處處受敵一城之外虜得共之勢

孤力寡禍且不測如是之危羽檄交馳手口並

作食不下咽寢不交睫兼之救荒不啻救焚遍

歷郊原常忍饑渴如是之勞日常仰瞻夜若卧

薪修防並舉恐憊人力餉不時給慮失軍心瘡

痍饑殍目不忍觀形容憔悴毛髮黃白如是之

憂黃沙蔽空冰雪滿地冬春沍寒墮指裂膚而

欲奔走應酬不得休息面皮土卷手足僵直枯

据劬不遑飲食如是之苦乃頻年以來仰荷

皇上體恤之

恩功則

厚錄之罪則

曲原之

量諸臣之心以作其忠

鼓諸臣之氣以作其勇是以諸臣感激奮發忘其

艱難竭盡其心力於禦虜救荒之間振積弱而

當強胡屢樹微勞於遼者有以也今

皇上一旦以屬夷之故逮繫王某則向者

錄功原罪而作其忠勇者謂何乃獨於某則甚哉

某雖失之屬夷亦備嘗危苦憂勞於四年之間

者也以其四年所歷之艱難且又已遷官一級

盡舉而棄之不錄以罰失處屬夷之罪亦已極

矣臣故曰重加降調如部議已足以當罪而示

懲也曩者布政任天祚以京考謫也而以邊功

得憲職叅議傅霖以大計謫也而以邊功復原

官一時邊臣舉手加額爭効死力以報

皇上何獨至於王某而特甚哉某之一人何足深惜

第恐自好之臣見向之危苦憂勞既若彼今之

天威不測又若此將視遼為陷穿裹足而不敢東視

臣為鷹鷂側目而不敢近以臣為戒者且緘口

而不敢盡言邊吏之過是

皇上本欲重罪某以警邊臣第恐人人自危不獨遼

左九邊之臣聞之無不寒心喪氣而解體也夫
向之列狀而論某者雖臣與按臣而事實始於
臣是臣以一入干

皇上之怒失九邊兵吏之心而遺累於邊疆者滋大
也則何不戮臣一人以謝九邊之兵吏且臣之
論某也實不意其至於此極也故未遑自陳其
罪狀耳今

皇上既視為重大邊情而處某至此則臣又安所辭
其罪哉蓋某為兵吏有專責而臣則撫臣也某
在任已四年而臣亦在任二年餘矣不早見而

顧司馬奏議

卷之十三

五

三章七

惟借聽於某是不明疑留於某之兩可而不自
決策是不斷不明不斷之臣復何足以任邊事
哉直當與某同罪耳大都臣之罪視某為重輕
者也某而重加降調如部議則臣亦當降級以
待自贖於其後某而罷斥則臣亦當與之同罷
某罪益甚則臣之得罪於九邊兵吏益甚而無
以自解萬一徼

皇上浩蕩之

恩而寬臣者則某亦宜少寬其罰焉夫臣前日之論
某者為邊疆也不敢欺

皇上也今日之

請與某同罪者亦為邊疆也始終不敢欺

皇上也臣既自誓不欺即以此再干

聖怒而伏斧鑕所不悔蓋自出山海以來此身已殉

之邊疆而頃者十萬之虜將薄城下臣業已置

此身度外而誓死以守矣今又安敢重一死而

不極陳於

君父之前哉臣不勝激切冒昧戰慄待罪之至為此

具本奏

聞伏候

顧司馬奏議

卷之十三

六

三十四

勅旨

虜賊入犯官軍襲擊獲功

題為虜賊大舉入犯官軍奮勇拒敵保全城堡襲擊獲功事萬曆十五年九等月內節准兵部軍門咨文節據薊鎮臺頭喜峯馬蘭等路總副叅遊張臣解一清等并永平兵備道稟據哨夜屬夷各探報東虜大頭兒把漢大成等帶領達子二萬糾合一克委正同速把亥弟燒海召力兔等帶領達子三萬要搶廣寧迤西與速把亥報讐又黃虜頭兒伯言太主小委正塔塔兒等十個帶領精兵五萬餘騎說稱遼東不知那箇地方冊了半壁城池先差達子進去密密探看如修了在別處槍如未修一齊前去進犯又西虜哈卜慎打來明暗等會合東虜頭目一克委正等要在十月初一前後犯搶廣寧東西地方又土蠻男卜彥黑石炭把漢大成一克大成滾兔土妹銀燈等各在地名捨刺母林聚兵十萬餘騎要在十月初十五前後犯搶廣寧并錦義二州分兵二股一齊進槍土蠻男卜彥台主領兵一股犯槍錦義他台兒領兵一股犯槍廣寧各東西地方俱備咨前來修繕城堡嚴督偵探

領司馬奏議

卷之十三

七

三六十三

加謹哨備清野貼防相機戰守務保萬全等因

及節據山海管叅將事遊擊張應種稟報相俱經節次通行各該道將領嚴督備守等官萬分加謹哨探隄備收欽入畜清野堅壁單弱城堡分兵貼守整擗兵馬相機截殺及各該城堡如有坍塌上緊併力修理多備火器晝夜查點守城守門官軍嚴謹看守隄防攻襲又將正遊二營副叅遊備千把總等官李平胡等及傳調鎮武堡遊擊蔣國泰各帶領兵馬分布廣寧錦義各邊堡聯絡防禦鎮守李總兵仍駐廣寧適中以備東西援勦本年十月二十七日據分巡道副使鮑希顏呈本月二十日據正安堡副總兵姚大節差夜不收崔能等報稱十九日郊時鎮邊堡夜不收李文升出境哨至地名黃佃子平山青山離牆二十餘里哨見達賊約十萬有餘營火寬四五十里長八九十里在廣寧清細河錦義地方對直下營二十日辰時達賊約有五萬餘騎從鎮夷堡大邊新臺西空下韓口沙河管等臺空進入又據義州遊擊黑雲龍差夜不收張可冠等報稱達賊約有四五萬騎從大

領司馬奏議

卷之十三

八

三七十一

清堡東北白土溝等臺空進入李總兵聞報統領坐營中軍金承武等官軍五百員名赴牽馬嶺當遣管左營遊擊事叅將塗寬兵馬三百員名赴盤嶺各駐堵比二堡各進前賊攻衝各堡有鎮夷堡設防把總魯友時守堡馬倫等大清堡備禦李都各嚴督官軍齊力射打斬首一顆二堡達賊俱退歸迤南出頭山寺兒溝等處下營蒙巡撫顧都御史見得賊營逼近鎮夷堡係先年殺速把亥讐地回鄉屢傳報警攻赴恐該堡兵少難支隨差官會李總兵復撥中軍把總

顧司馬奏議

卷之一三

九

三七

雷應坤等兵馬三百員名由邊路於二十一日乘夜赴該堡併防本日郊時達賊分遣精兵三四千騎攻衝牽馬嶺驛三千餘騎徑奔盤嶺東下李總兵與塗寬各督率官丁射打數陣各賊不敢東下退往塔兒山瓦子谷一帶下營二十一日已時達賊四五千一股自驛後迤東小鐵傷屯披甲掩待一股仍從西來攻衝本驛又分精兵於南北高山以窺堡中虛實矢石徑達城內李總兵申嚴號令督率軍丁用火砲火箭齊力射打自郊至未傷賊數多方纔退回在陣斬

顧司馬奏議

卷之一三

十

三七

首二顆又達賊連於二十一二十二二十三日本圍鎮夷堡攻衝該設防雷應坤等官軍晝夜拒堵防守又達賊無數齊攻鷄冠山城并臬家屯各三日兵壯齊用槍砲矢石射打斬首一顆賊方退回各賊於二十四日已時從大清堡白土廠靜安清河等臺空出境至二十五日未時出絕各營堡共斬獲首級四顆達馬七匹并盔甲夷器等件陣亡軍丁楊仲金等八名射死墩軍畢伏禮等四名虜去夜役洪旺等三名并官馬十一匹被傷軍丁夜役張尚恩等九名射死官馬一十六匹搶掠程祥等屯射死看家屯民何住等六十六名虜去王金等七十三名馬一匹空馱雜糧四千三百九十餘石燒燬草舖房一千九百三十餘間等因到臣本年十一月初四日又據本道呈據坐營中軍金承武火牌差夜不收杜能報稱本年十月二十七日蒙鎮撫衙門會差千把總高良弼李繼武陳守義王鳳鳴吳大績等帶領精健官丁降夷李向義李向順卜向化等五百員名各牽騎接濟馬匹於本日未時從義州大寧堡地方青水墩出境尾

襲擊至三十日酉時馳至地名卜兒克力離墻三百餘里趕上前搶後營達賊高良弼等督率官丁降夷乘陰霧落雪一擁撲斫各賊驚惶措手不及混斫一處斫死達賊數多止割首級三十五顆得獲達馬三十七匹盔一十八頂甲一十八副夷器等件被傷家丁降夷李向義等八名射死官馬四十八匹官丁降夷趨奔回還於十一月初一日亥時仍從大寧堡下石門空進境等情到臣據此卷查本年八月二十三日據遼陽副總兵楊燮呈稱蒙撫鎮衙門牌案因秋防伊邇行職嚴督哨備分兵邊堡防獲屯民收穫本職隨會分守道栗參政議料瀋陽十方寺等堡地勢高爽虜馬通便於本月十二日差本營家丁百總楊萬里等帶領降夷阿卜當家丁江達子等一百二十名并各營家丁一百二十名俱設伏平虜堡一帶就近出邊哨探十六日酉時楊萬里等督令前項夷丁從十方寺堡北瞭馬山臺北空出境哨探十七日酉時到於地名養善木離邊約二百餘里途遇哨路達賊百五十騎遙見我兵齊來迎敵楊萬里等當率阿

領司馬奏議

卷之三十三

十一

三百五十二

卜當江達子等奮不顧身一擁向前混斫一處前賊退遁跑走即追至彼巢穴共斬首級二十顆得獲達馬二十一匹并夷器等件於十九日子時從原出墻口進境及查在陣陣亡家丁陳楠等二名被傷王佐等九名射死官馬一十五匹射傷一十一匹等因本年九月十六日又據原任整飭寧前兵備右叅政劉易從呈准前屯遊擊王盛宗手本據前屯備禦楊紹祖報稱本月十一日郊時平川營堡出哨夜不收王尚仁等報稱寅時在境外地名帽盒山哨見有馬達賊五千餘騎往南馳奔楊紹祖一面將所部見在兵馬分堵南面關廂三巷口右營兵馬分撥堵護東西二門關廂巷口遊擊陳嘉寵仍同楊紹祖率領選鋒家丁出關倚墻列陣以待前賊於本時分執打旗號從本堡石河口臺西空水口進入各臺舉放烟砲前賊進墻分為二枝一枝奔石河舖堵截東路兵馬一枝徑奔前屯城東關廂陳嘉寵等各督率官軍各用槍砲火器齊力拒堵衝斫右營前鋒家丁曹奉等斬首二顆得獲達馬二匹盔甲二頂副備禦營家丁李

領司馬奏議

卷之三十三

十二

三百五十三

伯忠等斬首二顆得獲達馬二匹盔甲一項副
 賊見我兵有備不得近城斂歸城東印山臺劄
 營分賊標掠間時有駐劄中後所遊擊王盛宗
 據報統兵馳至石河舖西丁家灣前賊視見分
 兵一枝迎敵遊擊王盛宗申嚴號令督軍直前
 衝斫在陣官丁汪應召等斬首一顆得獲達馬
 一匹盔甲一項副前賊見野無所掠又見兩營
 兵馬夾攻即退歸大營於本日巳時從原入河
 口退遁出境去訖各營被傷軍丁袁思中等二
 十七名斫射死官馬三十二匹斫射傷重回營
 倒死官馬八匹射傷一十二匹截下被虜平川
 營走報夜不收一名魏忠并官馬一匹被賊虜
 去各屯收斂未盡看家男子姚文表等二十一
 名并牛馱三十隻頭等因到臣已經揭報兵部
 軍門外今據前因除虜賊入境出境緣由先已
 揭報兵部軍門訖及將被殺被傷官丁給與優
 恤湯藥得獲達馬夷器俱給原獲之人充賞節
 次斬獲首級行令解赴巡按衙門紀驗各該地
 方有無別項失事情由仍行該道查勘又恐虜
 賊未滿其欲必圖復犯仍嚴行各該道將加謹

顧司馬奏議

卷之十三

十三

尚三十一

隄備外臣會同總督蔣遼保定等處軍務兼理
 糧餉都察院右都御史兼兵部右侍郎張
 鎮守總兵官太保兼太子太保寧遠伯李成梁
 議照遼左今歲之虜東西相合北糾土蠻其結
 聚甚衆不下十餘萬騎而關西傳報甚早軍門
 飛檄日至堅壁清野之謀出奇制勝之略叮嚀
 告戒不啻三令五申臣與大帥以及文武將吏
 無不謹奉約束預為之備顧邊長無險處處受
 敵不知其入犯何從小大城堡在在單弱虜譬
 若排山倒海而來塵起蔽天鐵光奪目遼勢之
 危危於累棋其所稱坍塌城垣者蓋指右屯衛
 也先是右屯衛城以夏秋積雨傾圮而歲凶人
 困盡力修之工未及半此虜之所以垂涎也臣
 乃謀之大帥大帥已先遣千總閻爭坐率二百
 人往佐其役合之右屯軍夫工作者才五百人
 耳於是更遣千總趙國禎率七百人往掘壕於
 城之周遭以拒虜馬而分巡道副使鮑希顏乘
 馬夜馳至右屯籍其城中子弟得三百人合曩
 者五百人並作一日而部署定八日而城成又
 分勁兵乘城守虜知右屯城已守故不復南而

顧司馬奏議

卷之十三

十四

尚三十一

虜營去廣寧城西不過四十里隔一閭山耳牽馬嶺驛者自西而東達廣寧之要路也故有城小而卑薄南北兩高山夾城立直下視之稍北則盤嶺盤嶺亦達廣寧大帥率家丁降夷五百人據牽馬嶺而令遊擊塗寬以三百人守盤嶺虜擁萬騎急攻牽馬嶺凡兩日大帥被甲徒步為士卒先士卒皆殊死戰虜死傷甚衆斬首二級故數却而以輕騎上兩高山窺我虛實矢石直達城中我兵以火箭射兩山虜馬驚不能止遂奔而下塗寬兵遇虜爭盤嶺各有死傷虜遂不敢東下盤嶺盤嶺牽馬嶺虜皆被創去故不得東犯廣寧而邊腹小大城堡凡數十處大帥以營兵八千人分隸諸將視緩急更調馳騫而為守鎮夷堡者先是鉅首速把亥死所也虜至今讐之故急攻鎮夷堡凡四日不能下我兵火器矢石交下虜所死傷甚多不能得其首虜其攻大清堡者死傷亦如鎮夷我兵斬其一級虜知我處處有備故不復攻城堡而其分攻屯民山城者屯民據險與鬪虜死傷甚多斬其一級是時寧前諸將兵已集於西南故虜不敢西

顧司馬奏議

卷之十三

一五

三百七十一

南下計虜所至之地在廣寧義州之間自邊入內地可五十餘里東西三十餘里首尾凡五日村屯草屋焚燒殆盡而被災之後所獲麩糧負載入城堡未盡而窖埋地中者悉掘而食之屯民老幼婦女悉收入城堡而其屋廬器具窖藏恐虜不至防他盜家留男子一二人為守虜至或恃其山險或恃其臺園與虜鬪而勝如昶家屯鷄冠山則格殺虜斬其級不勝則與鬪而強者見殺不與鬪者驅之而去其勢然也方大帥馳牽馬嶺時士卒以應猝急發而歲凶餉滯無見糧臣以百五十金馳致大帥倍其值買堡中所收屯民牛羊芻豆以給士卒士卒得不饑而臣與副使鮑希顏率標下及老哨軍丁數百人并城中父老子弟以守廣寧廣寧無復勁兵兵且無食臣復以百五十金糴糧買牛給兵食設火器戰車於城外掘坑塹以待是時臣與大帥相隔四十里耳聲問隔絕不通者凡兩日臣念虜勢盛夾攻大帥良急而城卑兵寡不知竟作何狀大帥亦念臣居廣寧無勁兵萬一大虜臨城而勢隔援絕何以為守蓋兩地皆危而兩

顧司馬奏議

卷之十三

十六

三百七十二

人又交相危也及虜退而兩人相見有如更生
大帥則又與鮑希顏決策曰虜退兩日內必設
伏備我及勢分而鳥獸散則不復虞我至矣我
以輕銳疾馳擊之當大得志於是復夜馳至邊
選銳卒五百人用降夷卜向化等為耳目擊虜
情歸臣復以百金為餉而五百人者竟疾馳及
虜三百里外斬首三十五級而還此一奇也亦
足以小創矣而卜向化之功不可泯也夫虜以
十萬之衆盛氣壓境而來以之攻城畧地何所
不至我兵不過八千又當饑饉之候餉未至而

顧司馬奏議

卷之十三

十七

三百七十一

無見糧士馬疲勞特甚而欲責之東西赴急無
所不守其處勢之危誠不意其復有今日也乃
大帥身蹈險而萬全鎮城孤危而不警邊腹小
大城堡皆無恙單師遠出履危道竟斬首虜以
歸而我兵無所失非仰仗

皇上之威靈何以有此我除鎮守總兵官寧遠伯李
成梁忠勇危勞之狀不可枚舉然身為大帥全
鎮係為安危不宜以微功槩叙外所有効勞文
武官員相應分別叙錄查得分巡道副使鮑希
顏忠誠任事精敏當機始則刻日完城以寢虜

謀繼則決策出塞以收奇捷所當首加賞賚仍
應紀錄者也管降夷千總守備高良弼管哨探
千總備禦李繼武把總陳守義王鳳鳴吳大績
各統精兵冒險而遠出同收奇績全旅而還歸
俱當查例陞賞者也副總兵右都督李平胡前
鋒副總兵李寧李興選鋒中營副總兵查大受
致仕副總兵李得全左營管遊擊事叅將塗寬
選鋒左營遊擊唐伯美右營遊擊胡鸞前鋒右
營遊擊胡尚忠鎮武堡遊擊蔣國泰督陣遊擊
李應時原任叅將熊朝臣遊擊秦得貴張世爵

顧司馬奏議

卷之十三

十八

三百七十二

史儒坐營中軍金承武赴援則用寡以全城遇
敵則挺身而守險鼓舞疲卒扞禦強胡俱應紀
錄者也又查得管正安堡車營遊擊事副總兵
姚大節管義州叅將事遊擊黑雲龍鎮靜堡守
備陳一諤義州備禦李都守鎮夷堡指揮馬倫
守大清堡鎮撫卓天衢大虜入犯雖由其境而
無險可乘勢難堵遏且哨探甚確城堡皆全似
應免究者也其中虜地方各有掌印管屯及分
委收斂官員仍應行分巡道查明分別罰治以
警將來者也又查得分守道叅政栗在庭備能

預設事有先幾探虎穴每立奇勲消鼠竊坐收
勝筭協守遼陽副總兵楊燮智足料敵發每中
機屢收塞外之功允協師中之吉此二臣者俱
應賞賚紀錄者也又查得右營遊擊陳嘉寵前
屯遊擊王盛宗備禦楊紹祖倉卒應變勇敢登
先斬強胡以挫其鋒保內地而無所失均應紀
錄者也守前屯平川營堡百戶郭進忠哨探已
明收欽亦預亦應免究者也伏乞

勅下兵部將文武各官查例分別陞賞紀錄與節次
獲功陣亡應陞應賞應恤應察人員並地方有

顧詞馬奏議

卷之十三

十九

三十三

無別項失事隱匿等情通行巡按御史逐一覈

勘明實徑自具

奏施行為此具本謹題請

旨

懇賜罷斥以謝人言

奏為因參屬官屢致論列再懇

聖明亟

賜罷斥選任忠賢以安孤鎮以謝人言事萬曆十

六年正月二十一日准吏部咨為遼東屬夷叛

逆論罪宜及撫臣懇乞

聖明俯順輿情亟

賜顯斥以彰

國法以重邊陲事該南京山西道監察御史田

奏前事奉

顧詞馬奏議

卷之十三

二十

三十八

聖旨該鎮夷情見在責成鎮巡官處置原未失事顧

養謙着遵前旨供職該部知道欽此欽遵備咨

到臣臣聞

命自

天感激涕泣遂宜畢力疆事即捐糜此身不足為報

安敢復懷二心顧衝邊重任臣已處非其據而

以彈一屬吏故屢致人言摧心阻氣已無能為

有不得不哀鳴於

君父之前者夫田某之論臣臣閱其疏詞謂開原已

失事而臣推諉撫飾不過襲給事中彭某論臣

之語而甚其詞耳况開原原未失事
皇上已

洞悉之矣臣復何辯第謂臣為薊州兵備副使時善
於鑽刺營求以博邊才之名遂得超陞巡撫而
不言鑽刺者何人營求者何術此則臆度之說
而不知其關係名節不獨在臣一人而已查得
萬曆十一年內該吏科都給事中周邦傑題為
慎選邊吏以固南北疆圉事隨該吏部覆奉
明旨薦舉邊材以備

任使於時科道諸臣連篇累牘各舉所知而臣亦濫

顧司馬奏議

卷之一三

三十一

三百廿三

及其曾經薦臣者科臣則有周邦傑蕭彥戴光
啓等凡十有五人臺臣則有賈如式任養心蔡
慶說趙應元等凡二十有七人總之凡四十二
人此四十二人者臣所知交十不能一二而生
平未識一面者十之八九臣本東南海濱豎儒
未習邊事諸臣不知何所見聞而加臣以邊材
之名及遼東撫臣員缺

皇上念該鎮屢有虜警本

欲選用賢能知邊務者而在

廷之臣又誤採諸臣之薦而以臣應臣以薊事未

終且自揣非分曾不顧違例而上疏懇
辭矣不蒙

皇上俞允而奉有

遼鎮邊務重大顧養謙以公舉簡擢不准辭之

明旨是時遼鎮秋防正急臣不得已而趨遼受事是

採言官之薦

用廷臣之推

按臣於儕伍之中而

授以撫遼之任者

皇上之

顧司馬奏議

卷之一三

三十一

三百廿三

恩也臣自受事以來惟知

恩遇出自

皇上是以三年之內禦虜救荒竭其狗馬自頂至踵

不敢自愛凡以報

皇上耳臣於在

廷諸臣及彼四十二臣者豈無世情知己之感顧

以為諸臣之薦臣推臣無非為邊疆為

皇上也臣本非其材而業辱推薦則勉自鞭策以效

力於邊疆而報

皇上者即所以報諸臣之知己耳而諸臣於臣元無

6 反文水

素交者至今多未通一刺人則有謂臣為迂者矣某乃謂臣為鑽刺為營求而博名高得巡撫臣一人之名節不足惜若在

廷之臣與彼四十二臣者豈肯聽臣營求容臣鑽刺耶然此皆向者諸臣所能辯無待臣言矣獨謂臣為既經論劾志氣隳阻而不能有為而不可無處且引耶陽巡撫李材事為證此則中臣之病當臣之罪而不可謂不忠於

呈上也蓋臣與李材嘗共事東粵東粵多事急軍旅材治軍旅獨長而平藤洞九逕諸賊功最著臣

顧司馬奏議

卷之十三

三

三十七

嚴事之若師夫以彼其才撫治耶陽耶陽又腹裏也其有激而譁者我軍耳

皇上猶念李材既致人言必難展布而

令回籍聽用况以臣視材才出其下不知凡幾倍而撫者衝邊禦者強虜既已再致人言矣又安能展布四體以仰慰

皇上東顧之憂哉臣今一心籌邊又一心懼禍懼禍之心勝則籌邊之策自踈故某謂不能有為不可謂非臣之知己謂不可無處不可謂非

皇上之忠臣臣今日之效忠於

皇上者則謂某之言不可不

聽而臣不可不處也且某與臣未嘗一識面而謂臣為鑽刺向者諸臣與臣亦未嘗一識面而謂臣為邊材其為風聞等耳以某之言告諸臣諸臣必以為不然以諸臣之言告某某亦必以為不然各不然其不然又何所擇而可獨謂某為非諸臣為是耶然則

皇上又何取於虛聲而難去臣為也伏乞

皇上勅下該部將臣亟行罷斥以謝人言別選忠賢任使以安孤鎮庶在某為得盡其忠在臣為得安其

顧司馬奏議

卷之十三

十四

三十三

分在

皇上為

知人善任

從諫如流矣臣不勝懇切待

命之至為此具本奏

聞伏候

勅旨

開拓邊疆以便防守併叙效勞官員

題為開拓邊疆以便防守併叙效勞官員以勵人心事據分守遼海東寧道兼理邊備山東布政使司右叅政栗在庭呈該本道巡歷東邊閱得靉陽堡迤東至新奠堡四十里新奠堡至寬奠堡三十里共七十里內有地名清水谷三岔子康家哨乃木朶兒嶺俱係極衝要地零寇專從各衝竊犯詢其路經山曲鳥道羊腸內勢峻險邊臺難立山頂止在半山立臺軍哨守山腰至如乃木朶兒嶺兩山聳起路僅容車兵馬不得馳驟勢難追逐其境外山坡竊賊易於上頂觀我經行人畜以便竊掠地方往往失事堡官其受叅罰甚屬不便查得新奠迤北地名舊長嶺原有古路一道自靉陽直抵新奠約長二十里總到寬奠不滿五十餘里山勢無險道路平坦捷徑守備王印先已相機修築山木樓臺三座尚有多半未通乘此東虜帖服之際相應開拓間里築臺撥軍瞭守高占山頭即有零竊入犯可俯而矚也是乃木朶兒嶺之外又增一天塹開拓寬奠道路又增一疆土也臺座聯絡增

顧司馬奏議

卷之十三

三十五

三百七十一

兵戍守憑高遠望可寒虜心誠為長便隨行據守備王印并准寬奠管叅將事副總兵王維貞查議相同似應行令王維貞王印督同各守堡官候夏田成熟督率軍夫開拓修築如經商行走仍由裏路如遇兵馬調遣徑直取道來往緣由通呈蒙巡按王御史詳批邊疆新路墩臺准如議開拓修築勤勞各官候事完造冊分別獎勸仍候撫詳繳又蒙巡撫顧都御史詳批開拓邊疆控險要而便捍衛此萬年之長策也該道一東巡而得此可謂不負茲行矣即如議舉行

顧司馬奏議

卷之十三

三十六

三百七十一

仍督各該將領嚴行防範期於有成完日備由冊報以憑斟酌具

題此繳蒙此隨移文王維貞并行王印各遵照舉行去後今准王維貞手本開稱親詣督同靉陽守備王印并長奠備禦郭濟川新奠寬奠各守堡指揮張榮顯李惟喬中軍千把總王邇等各帶領軍夫於萬曆十五年五月初一日起赴工軍夫樂於興作本堡并屯寨住民金豸等各携酒肉至邊酬勞衆軍喜動聲色云此番疆地開拓烽堠增建不惟舊路在於腹裏經行人畜得

免虜掠之患而南北設防兵馬便於應援
等堡軍士原分鄰邊未墾荒田今日始得盡力
開種遂將新墾徑路兩傍稠林盡行斫伐寬濶
原通虜馬衝口伐木編柵阻塞又於各衝高阜
處所各里不等各添設邊臺共一十一座靈陽
堡地方邊臺四座新奠堡地方邊臺六座寬奠
堡地方邊臺一座以上每臺高二丈五尺周圍
八丈挑挖壕塹一道周圍一十四丈深一丈二
尺口濶八尺壕裏埋豎大木排柵一道周圍一
十二丈每臺撥軍十名共軍一百一十名瞭守

顧司馬奏議

卷之十三

二七

三七十三

因邊臺離路高遠恐經行耕耘一時有警趨避
不及仍建立路臺三座靈陽堡地方二座耕民
自相居守寬奠堡地方一座撥軍五名瞭守其
臺高周圍丈尺壕塹俱與邊臺相同共開拓過
邊疆西北自靈陽堡起東南至寬奠堡止順長
計路五十八里濶五十五里靈陽堡開拓過邊
疆至新奠堡界舊長嶺止順長計二十八里濶
二十五里新奠堡開拓過邊疆至寬奠堡界古
河北沿止順長計二十里濶二十里寬奠堡開
拓過邊疆西北至古河東界止順長計一十里

顧司馬奏議

卷之十三

二八

三七十三

濶一十里又斫伐寬濶道路順長共三十七里
濶一十五丈靈陽堡自你木墩起至新奠堡界
舊長嶺止長計九里濶一十五丈新奠堡自舊
長嶺起至寬奠堡界古河北沿止長計二十里
濶一十五丈寬奠堡自古河東沿起至卓山北
止長計八里濶一十五丈斫伐過衝口木柵四
處靈陽堡地方二處你木墩東德不改谷東西
四十五丈南北六十丈清水衝東西五十丈南
北八十丈新奠堡地方一處捨石界衝東西八
十丈南北九十五丈寬奠堡地方一處鍋兒濟
衝東西九十丈南北一百三十九丈萬曆四年
靈陽堡中哨軍士金昇等因無官田查得本堡
你木墩起至清水谷止地平土肥可耕告准撥
給軍人金昇等二百六十九名每名荒田五十
畝共計荒田一百三十四頃五十畝彼時因無
烽堠已經一十二年未敢開種今開拓邊疆前
地俱在腹裏見在軍人金昇等各量牛力共先
開墾過田二十五頃新奠堡軍人朱水等開過
舊分古河荒田一十頃三十畝寬奠堡軍人喻
永停等開過舊分鍋兒濟荒田一十五頃五十

畝餘田漸次開墾且清水谷今耕出鑽成龜石
 一塊折虜臺有古遺房屋基址觀此則知皆我
 中國版圖不知何時棄守今日始得先復舊物也
 又查寬奠地方從新拓邊疆以來隣近定遼右
 衛所屬百姓史良栢等陸續赴本道告批該衛
 并經歷董彥民查明照例開墾荒田三十八頃
 二十三畝各納科穀不等共納穀三十八石四
 斗一升照依年分限期上納抵充軍餉其前項
 各工於萬曆十五年九月十五日告完分別督
 修工程勤勞各官職名開報到道覆行定遼右
 衛經歷董彥民覈勘明實回報前來該本道看
 得新拓邊疆地勢寬濶不惟土脉膏腴軍民樂
 於開墾輪租用佐軍餉且控制上游憑藉隘塞
 令胡馬不敢窺犯而軍民世守舊壤慎固邊圉
 乃萬年之長策也所有修工勤勞官員內寬奠
 管叅將事副總兵王維貞驍陽守備王印以上
 二員創工最優似應首叙長奠備禦郭濟川原
 管寬奠營中軍今調管正兵營旗鼓王通左哨
 千總王用中右哨千總郭文才左哨把總王許
 登新奠守堡張榮顯寬奠守堡李惟喬驍陽把

顧司馬奏議

卷之十三

三十九

三百七十三

總右哨魏良相中哨饒子登以上九員分委勤
 勞俱應併叙緣係開拓疆場墾田增餉所關地
 方軍需頗為重大似應會
 題將効勞各官量加賞賚仍將王維貞王印再行
 紀錄優叙以示激勸等因呈報到臣臣會同總
 督薊遼保定等處軍務兼理糧餉都察院右都
 御史兼兵部右侍郎張 議照驍陽堡建自
 成化年間邊疆東至你木墩東南至山城谷不
 過二十里迫近東虜東虜先是往往大逞東邊
 受禍甚慘至萬曆二年開拓寬奠等處由山城
 谷通乃木朶兒嶺新路虜漸遠塞不復敢逞而
 清水谷尚在境外東北二十五里零賊常由此
 至車頭谷潛入乃木朶兒嶺馬官兒營諸處鹵
 掠行旅居民歲蓋不知其凡幾也今叅政栗在
 庭親歷驍陽迤東新奠之北舊長嶺原有古路
 直抵寬奠通之甚便乃決策開拓據險設臺不
 費財不勞力不擾軍民展土五十八里修築墩
 臺凡十有四座而挑鑿壕塹伐木開道又設柵
 扼衝以外禦而內保計其時不滿五月而工即
 告成不惟控制東胡消其叛逆而取道捷徑墾

顧司馬奏議

卷之十三

三十九

三百七十三

田饒裕真一方之永賴萬年之長策也此其為功不數首虜功矣所擬効勞各官委應

題叙除長真備禦郭濟川原管寬奠營中軍今調管正兵管旗鼓王邇左哨千總王用中右哨千總郭文才左哨把總王許登新奠守堡張榮顯寬奠守堡李惟喬鑿陽把總右哨魏良相中哨饒子登俱聽臣等酌量賞犒外查得分守道右察政栗在庭審勢決策勸衆課工奪虎穴以為內地之藩籬據羊腸以塞東邊之孔道虜謀為之永伐地利因以兼收功當首叙相應優錄寬

顧司馬奏議

卷之一三

三十一

奠管察將事副總兵王維貞素抱經畫之遠猷近收展拓之偉績安邊為念不倖首功鑿陽守備王印督工不分晝夜設防有裨安危開墾日多烽堠益設以上二員俱應併叙紀錄伏乞勅下兵部再加查議題覆轉行巡按御史一併閱視覈勘開過邊疆道路有無便利修過墩臺工程是否堅固將栗在庭特加優叙王維貞王印併徑自具

奏施行為此具本謹題請

音

冲菴顧先生撫遼奏議卷之十四

通州 孟卿顧養謙著

疏

改協守分信地以便責成

題為議改協守分信地以便責成事據整飭寧前兵備山東按察司僉事王邦俊呈蒙旨憲牌依蒙卷查寧前原舊止設察將一員備禦二員兩衛城所邊堡驛舖俱聽察將統屬嘉靖四十一年因中後所地方虜賊不時入犯攻陷錦川營堡東關驛蒙督視遼東軍情兵部葛侍即題奉

顧司馬奏議

卷之一四

三十三

欽依將寧遠備禦移駐中左所又於中後所添設遊擊一員抽拔各城堡官軍二千一百員名駐劄該所應援寧前一帶尚無專責一切偵探哨報收保修守猶責成於察將隆慶四年該前道任僉事議為畫地分守以專責成事將察將原屬前屯一衛中前中後二所鐵場等十堡高嶺沙河二驛及寧遠中右所提調原屬黑龍寨堡并腹裏東關驛共城堡一十七處俱割屬中後所遊擊管轄其前屯備禦掌印提調守堡守驛等官俱聽節制寧前察將改為寧遠察將止管寧

遠一衛中左中右二所仙靈寺等十堡連山等
二驛共一十五處俱題奉

明旨撰給專

勅各欽遵管理萬曆六年六月內又為議處修工未
用

帑銀以便清查事蒙巡撫周都御史案驗准兵部
咨該本部議照寧前地方極衝將領兵遊擊楊
五典右營遊擊王大璋各兵馬駐劄寧遠適中
防修邊工兼備東西應援題奉

欽依備行前道李察政遵將領兵營兵馬分駐寧遠

顧司馬奏議

卷之十四

二 三十三

中右所右營兵馬分駐前屯城各修防萬曆七
年三月內又為專責成以便防禦事蒙巡撫周
都御史憲牌備行前道李察政議將寧遠察將
中後所遊擊各原屬城堡與領右二遊擊及各
備禦提調暫分信地內寧遠城并松山寺灰山
寨兒山白塔谷與水縣五堡曹莊驛共七處分
屬寧遠察將中右所并仙靈寺小團山二堡共
三處分屬領兵遊擊中左所并檜木衝長嶺山
沙河三堡連山驛共五處分屬中左所備禦前
屯城并背陰障三山平川瑞昌高臺五堡及高

嶺沙河二驛共八處分屬右營遊擊及前屯備
禦中後所并三道溝新興錦川黑莊窠四堡東
關驛共六處分屬中後所遊擊鐵場永安二堡
分屬中前所提調官各照信地督理哨防以上
城所驛堡一應僉軍買馬應行事宜與備禦提
調掌印等官仍聽寧前察遊總為統攝通詳允
示遵行外今該本道王僉事悉心咨訪其事體
委有未妥者蓋緣地方名雖分守而統轄尚屬
寧前察遊領右二將體統未定故無論軍馬事
務即傳報虜情俱赴寧前察遊其領右二將不
得與聞是以主客之勢各殊而秦越之視不能
免也一遇地方有事難以責成相應題

請換給

勅書庶為穩便本道酌量地方衝緩及兵馬強弱各

分信地如寧遠察將應分寧遠衛曹莊驛松山
寺堡灰山堡寨兒山堡白塔谷堡與水縣堡及
雙樹舖中左所備禦應分中左所連山驛檜木
衝堡長嶺山堡沙河堡及高橋舖本官仍屬察
將管轄領兵遊擊應分中右所仙靈寺堡小團
山堡黑莊窠堡及曲尺河舖改名中右所遊擊

顧司馬奏議

卷之十四

三

三、五十四末

前屯遊擊應分中後所東關驛沙河驛三道溝
堡新興營堡錦川營堡高臺堡及雙墩舖改名
中後所遊擊右營遊擊應分前屯衛高嶺驛三
山營堡平川營堡瑞昌堡背陰障堡及石河舖
改名前屯遊擊前屯備禦似應移駐中前所該
分中前所永安堡鐵場堡及八里鎮遠二舖仍
聽今改前屯遊擊管轄以上四將所屬官軍錢
糧一應事務各照所分地方管理不得侵越至
於各地方若有大舉入寇及大工興作不能獨
當者聽本道呈請酌量調遣策應協濟不得以
分地為辭如此庶體統正而各得行其事責成
專而各自盡其力有利無害事可經久前屯備
禦既移駐中前所其所統兵馬共一千名皆前
屯土著就與前屯遊擊統轄即於遊擊兵內調
操者撥五百名連本所軍五百名足原額一千
之數與備禦統領似為兩便等因到臣又准鎮
守總兵官寧遠伯李成梁手本照得寧前地方
逼臨關輔勢屬要衝酋虜時肆竊發道路多梗
兵馬馳應迂遠趨奔靡及故議設前屯遊兵駐
中後所右營遊兵駐前屯衛領兵遊營駐中右

顧司馬奏議

卷之十四

四

三十七

所聯絡接應若常山然比年宵備謹嚴防禦得
濟近復分隸邊堡各有專屬無容再議但封疆
之任必彈壓有據而後節制可一節制之寄必
等威有辨而後事權攸重今照寧前設有四將
畫地分守責專一區一旦有警小竊固各衛一
方而大舉則彼此觀望又或哨有的確形聲可
以移易駐防者道傍築室其誰適從似非所以
籌邊計而圖萬全也茲議欲將前屯右營遊擊
改為西路協守副總兵一應禮節悉照遼陽東
路協守事體其寧遠參將領兵營中後所二遊
擊中前所中左所二備禦俾聽節制兵馬不外
增添營伍俱仍舊貫凡虜情軍機副總兵從便
調度庶戰守防禦統紀得有專責事權彈壓緩
急不失機宜其於地方未必無補矣隨行准寧
前兵備道王僉事手本回稱寧前極衝今前屯
右營議改協守彈壓兩衛地方有賴等因到臣
案照先為孤鎮危急直陳利弊大端以裨安攘
萬一事准兵部咨該山西道監察御史陳登雲
題條陳一款重將權以控要地該本部覆議今
後河東各路大小功罪副總兵同其賞罰緩急

顧司馬奏議

卷之十四

五

三十七

應援副總兵悉行調度中有諉以非我信地及有不奉將令用命者許副總兵同該道一一查察此則事權既重法令自行所裨孤遠封疆者非眇小矣其副總兵楊燮所請關防一節聽撫按官酌議施行又一款改統轄以便責成該本部覆議查得右營舊駐廣寧移駐前屯自邇年始非制也故凡補軍買馬俱赴廣寧驗印及它月糧賞賜亦赴廣寧支給行之非一日矣據議查照領兵營事例將該營遊擊換給

勅書常川駐劄前屯一應軍馬糧賞改屬寧前兵備

顧司馬奏議 卷之十四 六一 三六六

是衝地既可以添兵而長途且免於奔命誠為一舉兩得之策但中間事體有無窒礙人情可否通融當此更置之初須為經久之計合行該鎮督撫官會議具

奏以憑覆

請定奪等因題奉

欽依備咨前來准此行據前任分守遼海東寧道兼理邊備右叅議傅霖呈照得全遼以三岔河分

東西河西逼近

京薊故以撫鎮駐劄廣寧統轄全遼河東控禦東

西二虜故以副總兵駐劄遼陽且近年題奉欽依加以協守名色蓋有懲於河東叅遊向無節制嘗至僨事也顧邇年來加銜之將領日增等威之辨別無序號令難行功罪不與協守則亦空名而已今議欲重將權以控要地誠為有見合無將副總兵楊燮比照薊門協守

請給關防以重副將之權凡各路不拘加銜副將并

叅遊等官悉聽節制調度中有諉以非我信地

及不奉將令者許副總兵同本道一一查察其

河東邊事等項功罪協守與諸將共之如此不

顧司馬奏議 卷之十四 七一 三六六

惟將權可重而各路之觀望推諉者咸知有所警戒矣等因到臣該臣會同總督薊遼保定等處軍務兼理糧餉都察院右都御史兼兵部右侍郎張

鎮守總兵官太保兼太子太保寧

遠伯李成梁巡按山東監察御史許守恩議照

設將守邊其責成貴專其事權貴一責不專則

觀望而無固志權不一則渙散而靡同心非武

之善經也寧前以一線地西通山海蓋全遼之

咽喉也其地勢南逼海而北逼邊自邊至海遠者數十里近不過二十餘里而已而邊外之虜

遠近勞逸未均且未經題

若董狐狸長昂諸酋巢穴最近歲為寧前患無寧日先是則寧有失陷城堡之事故移廣寧遊兵右營及領兵營將士分駐寧前各領修防之責然二營皆當視緩急入衛薊鎮之兵當時止令暫駐寧前寧前稱客兵故第為援而無信地若謂事寧可撤也而寧前事無寧期故遂令二營兵常駐寧前以其常駐寧前也後稍分之信地使兩遊擊各分寧前兩營遊邊事之責失事則各以所分地罪兩客將而地方官軍實屬主兵參遊如故兩客將往往不心服而所分地又請主客觀望難以責成是以僉事王邦俊有分信地之議議甚均平可守臣故曰責成貴專然四將雖各有分地而體統不相轄必不能人人有同心而若身臂指之相使首尾中之相應也故鎮臣有改協守之議所以一人心而重事權於寧前最便臣故曰事權貴一也為今之計應將右營遊擊改為西路協守副總兵駐劄前屯而以前屯衛高嶺驛三山營堡平川營堡瑞昌堡背陰障堡石河舖為信地前屯備禦移駐中前所

而以本所及永安堡鐵場堡八里鎮遠二舖為信地專聽協守管轄前屯遊擊駐中後所即改為中後所遊擊而以本所及東關驛沙河驛三道溝堡新興營堡錦川營堡高臺堡雙墩舖為信地領兵遊擊駐中右所即改為中右所遊擊而以本所及仙靈寺堡小團山堡黑莊窠堡曲尺河舖為信地寧遠參將以寧遠衛及曹莊驛松山寺堡灰山堡寨兒山堡白塔谷堡興水縣堡雙樹舖為信地寧遠備禦駐中左所而以本所及連山驛柞木衝堡長嶺山堡沙河堡高橋舖為信地仍屬參將管轄以上各官各照所分地一切哨探修防軍馬錢糧事務俱屬寧前道轄理協守副總兵禮節悉照遼陽東路協守事體寧遠參將中右中後所二遊擊中前中左所二備禦俱聽節制調度若薊鎮灤東有急副總兵仍酌量選調各營兵馬入援其右營今改協守副總兵前屯今改中後所遊擊領兵今改中右所遊擊各

勅書俱

請換給東西二路協守副總兵俱比照薊門事例一

體

請給關防以重其權又查前屯備禦移駐中前所應將本營兵馬一千就便與副總兵統領即於副總兵營內調操者撥五百名赴所連本所軍五百名共足一千額數與備禦統領以免一千土著播遷之勞至於副總兵衙宇并供應已有遊擊成規如或崇卑豐儉不同并操司官軍營房田地俱聽臣等另行該道查議徑自酌處右營既改協守其遊擊陳嘉寵別用聽兵部另查相應員缺陞調再照領右二營官軍皆遠調於河

顧司馬奏議

卷之十四

十

三

東各營堡歲一更番而馬價有限不能遍及每至期徵調即責各軍買馬赴操有倒死者寧前道始照例給馬價買補臣驗其更番之馬往往不堪戰陣軍以馬故輒累及其餘丁族屬及至營遇警不過撥之分防城堡而已馬既不堪戰而養馬適以累軍馬死又費物價若分防城堡則無如火器之利今方務練火器無非取諸額軍之內而不得更議增兵則不如減馬數而練火器之為便也合無將中右所遊擊營調操馬軍一千五百名內減馬五百匹前屯備禦營調

操馬軍五百名內減馬二百匹二營減馬步軍七百名專習火器防守不許別項差役其各存馬軍務驗壯大戰馬騎操以便防禦應撥此可責實效而實兼裁省者也伏乞

勅下該部再加查議如果臣等所言可行覆請定奪施行為此具本謹題請

旨

顧司馬奏議

卷之十四

十一

勦處逆首錄有功死事人員

題為奉

旨勦處逆首官兵奮勇攻擊斬獲首虜應錄有功死

事人員以勵人心并自陳不職乞

賜罷斥以警邊臣事案照萬曆十五年十等月內

節准兵部咨為屬夷蓄謀報怨屢諭不聽逆狀

已著懇乞

聖明早賜勘處以安孤鎮事該遼鎮督撫官張

等會

題逆首逞仰二奴之子卜寨那林字羅糾合西虜

顧司馬奏議

卷之十四

十二 三〇八

聲言報讐搶殺王台子孫猛骨字羅夕商夷寨

與酋婦溫姐及康古六等謀為內應意滅夕商

乘機入犯開原地方節經該道宣諭不聽隨行

察將李宗召等統兵救援即將溫姐挈出釋放

責令講和復將康古六擒綁監候請

旨緣由該本部覆議題奉

聖旨是邊務夷情朝廷惟責成督撫總兵相機行事

巡按御史止是紀覈功罪不必避嫌畏事致悞

軍機欽此欽遵又為屬夷叛逆孤鎮益危查察

兵備官員以明禍本事該臣與巡按御史許守

恩會

題逆首那林字羅等結連西夷悅忽太等并屬夷

猛骨字羅攻圍夕商夷寨隨該官軍出關救援

猛骨字羅將本寨房屋燒燬催迫溫姐并部夷

投赴北關那林字羅去訖及察開原兵備王某

緣由該本部覆議題奉

聖旨這夷情着該督撫等官遵前旨相機行事王某

玩寇養患着錦衣衛便差官校解來京問欽

此欽遵又准總督軍門咨前事內稱猛骨字羅

等逆狀已張勦除應速乃向因該道反覆之詞

顧司馬奏議

卷之十四

十三 三〇八

致事體久未決定今既兩次奉有

明旨亟應相機勦除等因又為軍務事內稱夕商部

落貌處南關新遭猛骨字羅等攻劫之患尚無

固志所恃者惟我為之保庇耳尤宜飛檄開原

守將并諭夕商等衆各宜萬分加謹以防北關

諸虜乘機掩襲之禍或駕言備禦入犯大虜一

面整搦兵馬一面偵探北關動靜苟有一隙可

乘即便直搗其穴使疾雷不及掩耳亦一策也

等因又准本部咨為浮詞亂實邊計未明懇乞

聖明特諭督臣親按遼鎮以決撫勦機宜以便查覈

功罪事該臣題該本部覆議恭候

命下移咨薊遼督撫等官張 等督同總兵官李

成梁及各文武將吏一應勦處那林孛羅卜寨

及猛骨孛羅温姐等遵奉前

旨相機行事無得致悞軍機總待事完之日有功有

罪員役悉聽巡按御史嚴覈具

奏覆

請定奪等因題奉

聖旨這夷情已該督撫等官定議會同着李成梁顧

卷謙協心遵旨行事張國彥從宜調度毋得疑

顧司馬奏議

卷之十四

十四

三五九得

慮推諉致悞邊計欽此欽遵又准軍門咨前事

內稱夷馬正弱勢有可乘形聲未彰敵未知備

速統銳師出其不意則逆夷可除歹商可安海

西之事可定若猶豫後時比及草青馬壯虜勢

一強恐難為力矣事干機宜亟行密切速舉等

因俱各備咨前來已經會行鎮守總兵官寧遠

伯李成梁及備行開原道將各遵依去後萬曆

十六年三月二十一日據整飭開原兵備山東

按察司副使成遜呈據遼東鎮坐營中軍金承

武呈稱先蒙軍門差委原任總兵官王尚文查

閱邊工遇警隨營又蒙撫鎮明文會將前鋒哨

探副總兵李平胡前鋒裏家丁副總兵李寧李

興前鋒外家丁遊擊張世爵胡尚忠秦得貴選

鋒遊擊胡鸞副總兵查大受等兵馬前赴河東

遼陽迤南海州迤北一帶地方關支巡撫顧都

御史預發銀買料豆養馬以待又蒙本院隨會

巡按許御史將廣寧事宜備行兵備鮑副使及

管正安堡車營遊擊事副總兵姚大節并廣寧

備禦王紹芳嚴督存城兵馬朝暮巡守鎮城以

備不虞又會行寧前兵備王僉事并參遊及錦

顧司馬奏議

卷之十四

十五

三五十一得

義諸將比常萬分加謹哨備即會分選鋒左營

遊擊唐伯美遊兵左營管遊擊事參將塗寬及

標下中軍原任遊擊蔣位等各帶領兵馬跟隨

巡撫顧都御史於二月十二日赴遼陽城料理

李總兵帶領本職并旗鼓千把總王通馮文用

陳一諒趙維藩盧得功等兵馬仍令千把總劉

應德王評趙國禎等督令步軍推挽戰車三百

兩亦於本日未時起行赴海州等城駐防仍傳

調寧遠參將營千總王宗堯廣寧右遊擊營千

總張與功中後所遊擊營千總楊暉每領精銳

軍丁二百名義州叅將營把總李國卿領家丁一百名正安堡車營千總張應秋領軍丁一百五十名及順帶鎮武堡遊擊營原任備禦蔣國光領軍丁五十名又行金復海蓋兵備郝叅政海州管叅將事副總兵孫守庶督選復州叅將營新練火器併傳調叅將佟養正蓋州備禦王綬各帶領馬步官軍俱赴遼陽更挽戰車又蒙顧都御史李總兵會議即今雪大泥深兵馬難行比至夷寨夜黑行兵不便稍待月色大明道路乾爽以便進擊至三月初三日新月方升審

顧司馬奏議 卷之十四 十六 三十一歲

時可進撫鎮各起行迤邐進發行會分守邊備栗叅政開原兵備成副使順調遼瀋鐵嶺寬奠副叅遊守備禦楊燮王維貞劉仲文黃應魁張朝臣王印修養中趙之牧彭國珍董文貴崔吉宿振文等馬步官軍又添調戰車二百二十兩合營同進至十三日到開原先時成副使日夜籌備嚴防康古六以招溫姐猛骨孛羅時諭二酋以通貢和好免其殘害布間諜禁洩露專候大兵以除兇孽乃與撫鎮先議於鐵嶺繼與李總兵復議

於開原東郊李總兵將兩河兵馬戰車分布派撥貼寫營圖以將領備禦中軍千把總李平胡李寧李興孫守庶查大受王維貞塗寬張世爵胡尚忠秦得貴唐伯美胡鸞吳希漢劉仲文黃應魁蔣位高良弼等為馬營以秦得倚李得全等督陣又以李志榮李琦等各執旗監督將領備守中軍千把總等官楊燮傅士忠佟養正等為車營以開住將領等官唐朴戴朝弁等各執旗監督霍九皋岳嵩往來總督李總兵統領本職并旗鼓王適前後調度預先頒示號令一官

顧司馬奏議 卷之十四 十七 三十六歲

兵出塞專為擒勦首孽并除黨惡以彰天討以靖地方正臣子報國之時凡我官軍悉宜各遵軍令同心奮勇極力攻勦敢有臨陣退縮故違節制者斬首以徇一大兵進剿預有派定營圖直抵巢寨先行宣諭以示恩威若賊心服効順待以不死罷兵安撫如執迷不服然後聲罪致討進兵之時即遇有奔寨夷人及星散零住者不許擒殺一夷敢有故違督陣官旗當即拏赴軍前違犯軍丁梟示千把總管隊各緝打一百將官定以軍法會處

一孽酋城寨甚堅設備已久大兵征剿或背城死戰悉出迎敵官軍即當力櫻賊鋒奮勇斫殺若貪割首級擁壓爭奪及貪搶財物敵必乘機反攻債事匪細敢有擁壓貪割一級搶取一財一物者軍丁即時梟示千把總管隊排伍貫耳割鼻回營細打一百大棍將官以軍法從事仍會叅重處一攻打城寨全仗火器威力放打安置尤要如法隨用隨繼不容間斷至於人力有限亦不可漫擁急攻竭盡筋力疲懈莫繼今已編有次第按數調攻更番迭進各宜遵守軍紀

顧司馬奏議

卷之十四

一八一

三五八

聽令以待敢有故違擾越混亂千把總管隊當以軍法細打將官亦以軍法從事一此番剿滅夷人歹商領部悉從先各給以白布袋一條令有披為號以便識認官軍臨陣各要辨此敢有乘其混殺妄誅一夷者查出犯軍抵罪千把總管隊各細打一百大棍將領以違律會叅重處一賊寨攻破中有婦女幼夷原係無辜惟剪渠魁以明

天討殄黨類以絕禍源婦女何為幼小無知皆在可宥示諭官軍家丁婦女不許殺戮夷種年十五

顧司馬奏議

卷之十四

一九

三七七

歲上下亦不許一槩混殺俱許生拏回營照例給賞敢有違殺婦女幼夷不惟功不准驗犯軍細打一百大棍將領千把總管隊悉以軍法從事一官軍血戰軍丁有陣亡者敢有將死屍割取報功查驗得出本犯及千把總管隊即時梟示為例將官先以軍法從事仍會叅重治若攻破城寨遇有被虜漢人俱許救回照例以斬獲論功敢有殘殺希圖混報為首抵罪千把總管隊一體連坐將官會叅重處一官兵出寨行營下營各隨標隊不許錯亂喧嘩夜晚下營卒有賊兵衝突尤當不動如山以靜制亂敢有驚擾離次當即梟示千把總管隊排伍一體連坐將官亦以軍法從事一標旗頂纓書名之製所以分別營哨以辨形名此用兵之至要也業已一諭行矣誠恐姦猾軍丁暮夜行營臨陣交鋒將頂纓旗不行插戴故違軍令督陣旗牌人員許即拏赴軍前割去耳鼻回營細打一百大棍千把總管隊一體究治將官亦以軍法從事一境外交鋒如有陣傷陣亡軍丁各營隊同夥務要扶救馱載回營不許丟棄在外敢有故違查

出千把總管隊排伍同夥網打一百大棍將領
定以軍法從事各營分發俾知遵守訖仍於開
原東郊按隊劄營將各將領中軍千把總等官
畢集師次李總兵面以軍令再加宣諭各將唯
唯傳布三軍皆歡呼踴躍至日晡兵行是夜從
開原該管威遠堡小關門臺出境十四日黎明
抵賊寨二酋各一大寨居住相去數里卜寨預
先丟棄空城般歸那林孛羅山城併力拒守其
外大石城石城外木柵內又木城內外大壕三
道其中央據山壘石為城石城內又立木城上

顧司馬奏議

卷之十四

二十一

三十一

下內外共城四層木柵一層石塊滾木甚備賊
衆精兵萬餘各執弓矢器械一半披甲見兵呼
躍出迎拒敵環住達賊羅列道傍李總兵嚴諭
將吏官軍遵守軍令不許殺戮一人不意賊酋
即行橫肆斫死擺撥軍丁朱祿等三名李總兵
方令官軍家丁一擁敵斫火炮火箭齊力射打
混戰一處各賊力不能支趨退入城各有損傷
我兵即有斬獲李總兵將車騎列營四合匝圍
仍豎受降旗一面令通事與各酋講話招撫你
等連年讐殺南關兵連禍結何日是了又連結

西虜圖滅歹商侵犯內地是你自尋誅戮屢經
宣諭執迷不聽今

朝廷令撫鎮親統大兵宣諭你等若悔過學好情
願歸降兩關講和永不相害可率領小頭領部
落站立受降旗下面見撫鎮二堂與你等回
奏你等與南關歹商同康古六猛骨孛羅溫姐鑽
刀起誓驗馬

進貢

朝廷還有大賞你等若不降順打破城寨盡數屠
殺悔之何及二酋再四不聽矢石如雨李總兵

顧司馬奏議

卷之十四

二十一

三十一

下令官兵四面攻擊顧都御史差官催督車營
火器分番迭進原任總兵王尚文原任遊擊吳
大績所領家丁素練火器督率放火炮火震天
呼聲動地賊酋倚附柵柞迎鋒力拒我兵又連
斫數陣賊酋進而復出更番迭戰我兵蟻附柵
寨賊酋矢石交飛滾木齊下我兵損傷甚多死
不敢退斬獲賊級亦多是日計斬首三百二十
三顆內王尚文手刃三級日晡收兵入營夜宿
傳籌枕戈操甲以防突出至次日天明李總兵
開營復申嚴號令務期攻破各兵益勵氣奮勇

攻打盡力攻開賊城二層撤去外柵一層計又斬首二百三十一顆賊退內城拒守其內城高堅我兵仰攻又被大石滾木擊打先登軍丁輒打死傷日暮收營至夜天復落雨連攻二日賊酋因見火炮打壞城垣直達城中八角樓所經之處人死壁穿賊始喪膽滿城哭聲動地二酋乃求我兵稍退出城下馬遙叩乞哀情願與歹商講和效順

中國告乞罷兵李總兵度賊山城甚險勢尚衆強我兵不滿二萬道路遙遠兩雪泥凜開原又歲

顧司馬奏議

卷之十四

二十一 三六十五

歎無糧我兵饑勞故因其乞哀姑且聽從遂集各將吏面議下令收兵仍諭軍中不許復窺各夷審糧旋師於十六日申時從原口入境再照二酋雖畏威乞哀願講和效順但桀悍素著狡詐叵測難保無虞除行地方官員比常萬分加謹及查在陣前後共斬獲首級五百五十四顆內通事高應奎等認出王仲臣等斬賊首把當亥等首級八顆掣回被虜漢人男婦八名口得獲達馬九十八匹盛二百七十五頂甲二百八十一副臂手八十三副陣亡官軍陳勳等五十

三員名被傷官軍吳希漢等五百三十五員名射死官馬一百一十三匹官軍各回城堡防禦等因呈報到道據此除首級夷器等件仍令中軍金承武等分別首從并管哨官員職名徑自解赴巡按衙門紀驗具

題外等因到臣又據坐營中軍金承武開原管察將事遊擊吳希漢等各呈報相同據此除先已於本月十七日塘報兵部軍門并陣亡被傷官軍先行優恤外臣會同鎮守總兵官太保兼太子太保寧遠伯李成梁議照開原二奴遺孽部

顧司馬奏議

卷之十四

二十二 三六十六

議明盡臣等屢奉

明旨相機行事非不知兵貴神速思滅此而朝食也而去秋土蠻及三衛之虜窺我兩河之間正急士馬分馳日夜為備不給大帥安得置兩河不顧而提兵以東也臣嘗曰待時者待二三月間西北之虜馬弱遠塞大營之兵乃可東耳而是時康古六擒猛骨字羅叛歹商益孤危海西南關之事已零落不可收拾而北關二酋那林字羅卜寨者計已售而勢益張使其果知吾計出於勦則合猛酋而殲歹商日犯內地何所不至

曠日持久吾機洩而彼亂成即所謂待時者安所施也臣故縱前所禽那林字羅部夷湯松哈者以示撫內居歹商以寢諸酋之謀放還康古六於開原以收其所妻父妾溫姐收溫姐以繫其子猛首故猛首溫姐尚居近邊聽處分無遠遜心北關二酋亦觀望而不敢遂其惡會兵備王其奉

旨逮繫臣恐諸酋震驚生變使人揚言某以不善撫夷故被逮而令副使鮑希顏趣行赴開原代其事鮑希顏至開原日夜為畫而出之鎮靜安閑

顧司馬奏議

卷之十四

三十四

三六十一

若不經意者諸酋益安及開原副使成遜至身任其事其處勢危而用心苦巨謀纖計動中機宜故諸酋若有所維繫帖然不動以迄於今也先是鎮臣李成梁謂臣曰歲饑士馬俱困今河以西斗米價至三錢豆亦斗二錢即有舉動貧軍自食不給何以飼馬是時河東稍收臣於是發銀五千兩分之海蓋道叅政郝杰分守道叅政栗在庭令之南自海州北抵蒲河三百里之內處處糴豆貯之倉而發大營之兵家河東者使就食為防因以飼馬用是軍所食穀賤於河

西不啻半馬食豆於官軍不累而馬以肥然臣與鎮臣提大兵而東恐兩河之虜有乘我虛而竊發者故於正月密咨軍門請發南兵火噐名為搗寧前之虜而疑諸虜使之遠徙而不敢近吾塞是時軍門飛檄屢至又密授以方略臣與大帥奉行惟謹會河東人載黍穀趨利廣寧價稍平臣以市價糴之三千餘石積貯以備賑臣與鎮臣於是以前二月十二日統兵數千及降夷二百人俱東十四日抵海州而道路以冰雪漸消多沮淖人馬陷足沮淖中輒一二尺許膠不

顧司馬奏議

卷之十四

三十五

三七十二

可拔其來自寧前者已行五六百里疲勞甚而南衛新練步卒當挽車者尚未集鎮臣曰我兵擊虜利月明今途多淖士馬饑勞而車益難進計程刻日抵開原月當漸沉若倉卒赴闕而先自疲是天時地利人和三者無一矣非策也於是乃卜二月三月孰為吉卜則三月吉鎮臣乃以數千騎止海州臣以數千騎止遼陽以待而軍無見糧臣前所糴豆亦已盡於是乃發海州遼陽倉穀以餉軍豆以飼馬凡二十餘日而士飽馬騰矣臣又念發兵時不知其久今師出已

久而廣寧穀又貴於是行分巡道盡發巨所糴糧三千餘石給士卒降夷從征者之妻子而使之無內顧適餉三萬至廣寧則以萬金隨軍以便濟急蓋軍不告匱則約束易施而所經過可無犯秋毫也初未發廣寧時臣數叮嚀大帥謂開原諸酋終屬夷耳今雖以叛逆故加兵終不可盡誅而盡誅之是自撤藩籬而墟其地也地為墟我不可守必招致他虜去諸酋而致他虜是去犬羊而致虎狼也於邊疆計非便今不如以剿為撫兵進時毋妄殺一人妄殺者抵死必不得已而後加誅焉使其懾威而乞撫度其可撫則撫而還此

顧司馬奏議

卷之十四

二十六

三六三

天王仁義之師而大帥之德也功在邊疆

社稷不數一切首功且也後必無貪功之譏大帥深以為然於是作軍令令軍中不得妄殺一人其目如前所云臣又數諭諸將諸將唯唯各以軍令令其軍無不懍懍者三月三日大帥自海州趨遼陽會臣曰可矣居兩日再申前令而副使成遜數以密揭促師最後言歹商部夷饑甚乞賑賑以倉穀五十石臣恐賑歹商不賑猛酋是

顧司馬奏議

卷之十四

二十七

三七二

黑白分矣猛酋必遠遯而其部夷且驚散故令並賑猛酋如其穀數以示待之如歹商而安其部夷以故諸酋與其部夷皆益安三月六日自遼陽發而北以數雨雪多淖如前而恐其洩兵不留行矣十三日至開原邊是夜即出第專有事北關二酋而置南關猛酋不以匹馬入其境蓋先所急而恐傷南關部夷也部夷無罪故也兵行三十里至落羅寨落羅者小酋首之名北關酋部落也其寨去二酋所三十里大帥使人招落羅落羅出聽招大帥以一降旗置其寨門令一材官率甲士十人守之我軍不得入其寨取一草而挾落羅與其騎三人隨行使傳諭二酋出降降者得不殺如落羅而不取其一草是時卜寨已先棄其寨入那林孛羅大城中併力守其衆奔大城者夾道馳與我軍相雜我軍不敢殺一虜二酋恃其險不聽諭而揮其馳騎連殺我三人又揮其甲士直前衝我軍大帥始縱兵擊虜遊擊吳希漢首當其鋒面中大矢創甚其弟希周挺身救亦被大創而斬虜騎之射希漢者我軍如牆而進直抵其城下虜退入壁閉

門拒守矢石下如雨我軍多死傷其外大城以
石石城外為木柵而內又為木城城內外大壕
凡三道其中堅則一山特起鑿山坡周遭使峻
絕而壘石城其上城之內又為木城木城中有
八角明樓則其置妻子資財所也上下內外凡
為城四層木柵一層其衆控弦之士以萬甲冑
者以千計刀仗矢石滾木甚具我兵攻之兩日
徹其外柵破其城二層其中堅甚不可破而
我仰攻先登之士輒死其大石滾木大帥乃急
下令收兵而以大砲擊其中堅凡再發砲內有

顧司馬奏議

卷之十四

二十八

三五十五

重八斤鉛彈揮所經城壞板穿樓大木斷壁頽
而中多洞冒死者於是滿城老幼婦女皆號泣
我軍復以車載雲梯如樓櫓直立之與其中城
齊欲置大砲其上擊中城虜皆喪膽二酋始出
城下馬乞哀叩大帥求生且即欲與南關分

勅入

貢不復敢叛大帥以其本為屬夷今又畏威乞降
殺之不武而滋議故許之降二酋又言果不殺
我者願燒雲梯勿復擊大砲毋盡發我窖糧大
帥度雲梯重挽車者疲不能還乃燒之止大砲

不復擊而令軍中毋復發其窖糧遂罷兵而還
斬首虜五百五十四級救回被虜八人而官兵
死者五十三人然非畏我大砲則虜必據險相
持老我師籍外援為變計安肯委心乞降效順
也所謂大砲者發自軍門製自永平叅政葉夢
熊者也夫使其盡吾之技即破其中城無難而
墟其地自撤我藩籬後必多事且虜必鬪而死
不無損我精銳首虜當以萬計其所費
帑藏又何可勝道皆非所以體

顧司馬奏議

卷之十四

二十九

三六四

砲不復擊示有餘威而留其窖糧示餘恩以終
事使巨得執詞措手以行吾之撫而為久安之
計兵可不再試於東此大帥之忠勇兼濟而仁
智並施也且以為此之為功當不在數萬虜級
下而大帥益遠巡退讓不敢言功此當量其心
而成其讓者也若開原道副使成遜甫任衝邊
即有大事機圓而縝密不洩心苦而危險獨當
始協剿謀終收撫筭分巡道副使鮑希顏誠心
任事發策中機當及側未定之時收鎮靜不驚
之效事雖未竟績實有由此二臣者均應紀錄

者也若管開原叅將事遊擊吳希漢身先士卒當虜之衝面中大創氣不為沮且其籌畫擔當已非一日應聽部議斟酌優錄開原備禦王汝徵責任撫夷綽有機變內外賴以調停始終効其謀諳似當加賞仍應紀錄若副總兵楊燮李平胡王維貞孫守庶李寧李興查大受叅將塗寬佟養正遊擊劉仲文黃應魁唐伯美胡尚忠塗廣胡鸞李應時守備高良弼備禦李繼武高貞正兵營旗鼓王邇各盡心於半載之間共効力於兩日之內本當分別優叙但或見任管事

顧司馬奏議

卷之十四

三十一

三十四

或加銜向用每有功勞輒蒙

恩澤是役也皆願報主上深恩不敢受

賞臣故不敢議賞均應紀錄若坐營中軍金承武傳宣號令給散糧餉分布之勞巨細必經奔走之苦晝夜不息臣所目擊臣甚憐之似應優錄加賞仍聽遇缺推用臣標下中軍原任遊擊將位進兵則軍中之令挺身申飭還師則落羅之寨盡心保全耿直不阿勞怨能任似應復其原任職銜以待用若原任協守副總兵秦得倚奮

顧司馬奏議

卷之十四

三十一

三十一

臂當先身中七矢雖甲厚不至重傷而勇敢亦可渠見原以病免今已病痊應候相應叅遊員缺帶銜推用原任遊擊李如梧官以避嫌得裁身實隨營効力應於別鎮推用若原任叅將熊朝臣原任遊擊史儒秦得貴張世爵雖置閑各自有由而材武終難盡棄况俱隨營日久且其勞績亦多此番戰鬪並為先鋒大營之中皆不可以似應各復其原任職銜與加銜將官並立以便督領軍士若原任總兵王尚文原任遊擊吳大績並屬南人精於火器攻擊之際為力實多在王尚文應查其功次照例議處在吳大績應資其教練另議取用至於死事者領哨捕斬有功者皆屬卑官小卒聽指揮而効死力自當照例陞賞以為勸者也臣於諸臣所不敢過擬者非沒其勞也明剿之非得已也不可誇首功於屬夷而開兵端啓倖門也若夫諸將士之勞所謂焦頭爛額者耳不早為曲突徙薪之計而使將士得成其焦頭爛額之功此正臣之罪也蓋既名為屬夷則當主撫即不聽撫亦當早為之圖臣居廣寧距開原七百餘里未嘗目擊情

狀而惟該道是憑止緣入境之初本兵大臣有
撫臣不宜出巡之議其說甚長其意甚善遂恪
守之而連歲大侵不可輕動一切撫剿悉委計
於王某竟養成二酋之勢至於如此今雖仰仗
皇上神武威靈二酋稽首乞降猛酋母子亦且投見
俱願和歹商入

朝貢為我藩籬如故而業已勞師費財損我銳卒
不為不多事矣王某已褫其職矣臣獨可儼然
在位耶伏乞

勅下兵部錄有功死事者而斥臣以明罰則賞罰明
顧司馬奏議 卷之十四 三二

而邊臣有勸懲矣除將善後事宜容臣等議處
安妥另行具

題外緣係奉

旨剿處逆酋事理未敢擅便為此具本謹題請
旨

冲菴顧先生撫遼奏議卷之十五

通州 益卿顧菴謙著

疏

甄別練兵官員

題為甄別練兵官員以昭勸懲以勵人心事據山
東布按二司分守遼海東寧道兼理邊備右叅
政栗在庭整飭金復海蓋兵備管苑馬寺卿事
右叅政郝杰分巡遼海東寧道兼理廣寧等處
兵備副使鮑希顏整飭開原兵備副使成遜整
飭寧前兵備倉事王邦俊各呈將分隸管伍簡

顧司馬奏議

卷之十五

十一

三〇一程

練過兵馬器械分數及各練兵將領備守等官
分別勤惰回報到臣又准鎮守總兵官寧遠伯
李成梁手本將督查過各營將領等官練兵分
數分別等第回報到臣准此案照萬曆七年八
月內准兵部咨為土酋屢挾貢市遼鎮疏懸可
虞懇乞

聖明申飭兩鎮邊臣協心防禦事該前任巡撫都御

史周 等會

題條議練兵該本部覆議每歲終即以練兵分數
多寡分別各官勤惰聽督撫舉劾懲勸等因題

奉

欽依備咨前來已經通行各兵備道轉行各將領等
官欽遵查照簡練及會將正兵營盛甲臂手弓
箭腰刀撒袋每營各發一件立為式樣行令照
式修整又每營每季酌給操賞銀兩責成各道
監督簡練除萬曆十四年已經分別會

題外今照萬曆十五年又該總兵官李成梁親詣

點驗及委官查點去後今據前因臣會同總督

薊遼保定等處軍務兼理糧餉都察院右都御

史兼兵部右侍郎張 查據各營簡練實數叅

領司馬奏議

卷之十五

二

三十七

以上年點驗備冊各將領等官之勤惰蓋有莫
可掩者除新任與增練不多怠玩未甚者臣等
量行分別獎戒不敢驟瀆

聖聽外查得廣寧正兵營哨探右都督副總兵李平

胡前鋒加銜副總兵李寧李興選鋒中營加銜

副總兵查大受前鋒外家丁右營加銜遊擊胡

尚忠選鋒左營加銜遊擊唐伯美選鋒右營遊

擊胡鸞前鋒外家丁左營原任遊擊張世爵前

鋒外家丁中營原任遊擊秦得貴督陣原任副

總兵秦得倚加銜遊擊塗廣原任叅將熊朝臣

坐營中軍金承武標下中軍原任遊擊蔣位廣

寧備禦王紹芳正兵營旗鼓官王邇前鋒外家

丁左營中軍加銜備禦高貞管前鋒裏降夷所

守備高良弼前鋒哨探營加銜備禦李繼武新

鎧甲威震三韓練士馬功高五路遵元帥之令

甘受杖而無怨言堅儕伍之盟寧捐軀而耻群

誚大虜却縮而不敢逞全遼衣被而賴以安遼

陽副總兵楊燮管寬奠叅將事加銜副總兵王

維貞管正安堡車營遊擊事副總兵姚大節管

海州叅將事加銜副總兵孫守廉管廣寧左營

領司馬奏議

卷之十五

三

三十七

遊擊事加銜叅將塗寬復州叅將佟養正寧遠

叅將祖承訓廣寧右營遊擊陳嘉寵瀋陽遊擊

劉仲文鎮武堡遊擊蔣國泰管開原叅將事遊

擊吳希漢領兵遊擊栢朝翠陽守備王印金

州守備王善政鎮靜堡守備陳一諤前屯備禦

楊紹祖蒲河備禦趙之牧慶雲堡備禦吳嗣勳

清陽堡備禦劉維藩清河堡守備佟養中西平

堡備禦楊紹先鐵嶺備禦崔吉汎河備禦董文

貴瀋陽備禦張朝臣長勇堡備禦毋承宣懿路

備禦彭國珍寧遠備禦葛逢夏中固備禦宿振

文開原備禦王汝徵蓋州備禦王綬義州備禦李都所處皆豺虎之衝區所練並能罷之孤旅雖邊長最難於防禦而用寡各盡其苦辛人人無忝干城在在能嚴刁斗以上諸臣俱練兵克勤所當薦揚錄用以示勸者也及查得整飭金復海蓋兵備右叅政郝杰忠誠厚植材品罕倫舉久廢之城垣全遼之腹心可保練新設之營伍南衛之戰守有方經濟弘猷公輔巨望分守邊備右叅政栗在庭沉毅好謀膚敏多藝考古今禦虜之方略運用不窮拓東南據險之邊疆

顧司馬奏議

卷之十五

四

三十四

要
國家重器邊塞長城整飭開原兵備副使成遜貞潔芳茂砥礪激昂陽春新政邊氓起涸轍之魚淵石秘謀黠酋收負隅之虎封疆之望廊廟之英整飭寧前兵備僉事王邦俊敦篤不浮敏銳有執撫疲勞之士而勲勲先足食之圖處孤危之邊而鑿鑿謹畫地之守才堪當劇績可繼前

此五臣者俱應紀錄以需大用者也又查得前鋒裏家丁右哨千總鐵嶺衛都指揮僉事金尚禮塞外搗巢當先之績屢聞高橋遇虜拒敵之功尤著前鋒外家丁中營中哨千總鐵嶺衛指揮同知唐翰養黑山格虜策馬敢於當先開原討逆仰攻最能盡力正兵營後哨千總金州衛署都指揮同知趙國禎修右屯之城經營頗藉其勤攻北關之虜挽車深得其力正兵營左哨千總廣寧左衛指揮僉事劉應德領餉山東則轉運獨勞從征漢北則推輓不怠正兵營中哨

顧司馬奏議

卷之十五

五

三十七

千總廣寧衛都指揮僉事臧文綵督陣於塞外則數有戰功運糧於天津則獨多勞績選鋒右營右哨千總鐵嶺衛指揮使熊鑰弓馬擅長而賊鋒首犯勇敢出衆而胡壘先登正兵營中軍哨千總定遼右衛都指揮僉事趙栢擊胡絕漠則部斬功多誅叛開原則車營績著正兵營火器哨千總義州衛都指揮同知陳一諒統束營兵清勤而檢身不苟料理火器精熟而克敵有裨廣寧遊兵左營左哨千總廣寧右屯衛指揮僉事閻爭坐管理哨務而勇略素稱分督城工

而勤苦備至正兵營右哨把總廣寧左衛署指
揮僉事陳志忠勤任事即水火可蹈謹畏持身
寧澹泊是甘正兵營右哨把總廣寧左衛都指
揮僉事徐純美世故熟諳付託而屢效營務練
習勇敢而能前正兵營後哨把總廣寧衛都指
揮同知劉守勳性質誠實而督造無私騎射優
閑而赴敵甚勇前鋒裏家丁左哨把總蓋州衛
中所實授百戶鄒添福膽氣過人射藝超眾遇
大虜敢戰討逆酋爭先鋒裏家丁右哨把總
廣寧左衛左所試百戶徐義致死以保高橋績
已堪紀挺身而攻危壘功尤可嘉前鋒親兵把
總海州衛署都指揮同知盧得功臂若懸猿左
右之射皆絕目無強虜今昔之功並稱前鋒外
家丁右營右哨把總鐵嶺衛指揮僉事趙維藩
志存橫草射可穿楊當賊鋒而策馬直前被大
創而轉戰益力廣寧衛指揮僉事安熬貌甚魁
梧才尤精練致貨識江南之產市馬收冀北之
良廣寧衛署都指揮同知安本固幹理有條勤
慎克濟隨營則奮身而不避險海運則負病而
不辭勞以上諸臣均應紀錄以俟遇缺推用者

顧司馬奏議

卷之十五

六

三十七

也又查得管遼陽車營遊擊事都司僉書傅其
貌鄙才庸性貪心險先任守備已多不檢今管
車營益復魚賴其任金州也每月買紗段細絹
三四十疋絨襪靴鞋二三十雙虧價輒十餘兩
三年間計虧張道凌等價肆百餘兩舍人王廣
可證問事凡到官人犯即每名罰紙二刀發匡
廷佐鋪內折銀轉送約二百餘兩識字陳獻策
可證金州衛百戶王某營求收糧索銀二十兩
贏一頭家人傅和尚寫字陳九疇過送指追本
衛軍餘索四所千戶楊汝功湯繩武等四員銀
四十兩旗牌陶奉過送歸服堡富民王三有馬
數十匹田二三十頃本官即指其私造海船挾
銀二十兩贏一頭旗牌葉恕陳旺過送使指揮
佟珮舍人滕祥每春秋兩季查點工程科欵屯
民每次約得銀百兩令各鄉小甲代買海味如
新寨呂科等百十戶盡皆傾家伴當崔義可證
凡遇上司批發詞狀俱令徐天成裁決打點過
送出入罪名每年不下數百兩陳九疇者傳某
心腹也其父與蕭五兒等相毆奪財具告本官
將蕭五兒等俱問強盜以致秦六蕭朝貴俱斃

顧司馬奏議

卷之十五

七

三十八

獄按臣會審始白五兒之寃而豁之新寨屯戶八九十家私送陳舉人供柴將本屯差役加派貧戶王友伏等告發臣乃為之究正其任遼陽也當此凶年穀貴之時差積年旗牌郭聚林望等強買富民完義劉粉兒每家糧一百石止各與銀二十兩撥兵與富戶張住家防盜得張住銀四十兩王友義為之過送舍人徐動等十名年終免差每名納銀三兩計二年得銀六十兩家人傅和尚收送委官李守廉等每季領到官銀索要白銀二十兩委官可審縱子傅大傳二

顧司馬奏議

卷之十五

八

三十七

宿娼與指揮王化醇相爭本官不責其子反索王化醇銀十兩馬一匹王友翼可證此一臣者操守狼狽大壞官常所當單任仍行提問者也撫順備禦畢某初任甚稱安靜近議忽爾沸騰沿積弊侵闖市之稅銀粟察政之查革有據踵故習索克民之柴米馮善友之告言非虛役占而扣月糧不恤軍丁之重困發本以要厚利已同市井之賤夫此一臣者所當單任者也又查得鐵嶺遊擊黃某年齒已非少而世故未練射藝雖可觀而將略則踈氣驕而目若無人同官

每被其陵轢言浮而心多不實邊務無意於經營頃者討逆戰車以沮淖難行借牛於屯卒各將領逐程更替井井有條牛有倒失者臣即厚給之價獨某高坐漫不經心以致牛無稽考而價多冒領及邊堡設防軍士禦虜斬其四級輒張皇其事而冒以為己功蓋某者大帥至戚也大帥不以私蔽之往往繩以公法而某不遵且讓其下若李平胡李寧李興輩官俱至都督副將然而遇敵則勇居常則飲然自卑不自知其

顧司馬奏議

卷之十五

九

三十七

為都督副將平胡甚貧每負債不能償寧與皆無中人之產若將終身絕無富貴驕奢之念而為遼左過計者尚屢以為言欲戒盛滿而束濕薪為大帥計又遠况某材諳無奇而態色已露若再得志必至驕橫恣肆不可收拾豈不為大帥之累乎此一臣者所當單任以示裁抑者也又據前屯遊擊王盛宗呈稱得患時疾一向勉強供職調治三個月餘未得痊可身體虛弱日加沉重飲食少思不能動履所屬地方處處衝要即今春防責任不便等因除臣一面暫委原

任副總兵秦得倚往代其事外查得本官邊務熟練謀勇兼資該營屢有戰功衝區賴其保障而適病甚不支難令卧病久待所當容令回衛調治俟病痊之日另行推用者也又查得潘陽遊擊劉仲文驍勇絕倫勤勞最著而推魯朴誠不識一字上下文移難以裁決自願隨營殺賊報効而簿書禮數乃其所苦所當取回大營領兵以全器使者也前項各官員缺急應議補查得坐營中軍金承武邊務熟知戎行又歷奔走不辭勞苦調停悉中機宜標下中軍原任遊擊

顧司馬奏議

卷之十五

十一

三十七

蔣位才守可觀勞怨能任馭下則嚴而有體赴敵則奮不顧身俱堪推補潘陽遊擊劉仲文員缺如用金承武查得慶雲堡備禦吳嗣勳魁偉之貌通達之才既熟諳乎夷情亦曉營中戎務開原備禦王汝徵謀能中窾口若懸河諸酋入其牢籠兩關賴以料理俱堪推補坐營中軍如用吳嗣勳查得開原後哨千總三萬衛都指揮同知裴邦翰射藝優閑志向明正機圓足以應變事練長於撫夷右哨千總三萬衛都指揮使佟應詔年力強壯才識明敏總哨部曲整嚴練

兵鎧甲堅好俱堪推補慶雲備禦又查得前屯備禦楊紹祖飲飛將種技擊先鋒志每切於吞胡材尤長於練卒前鋒外家丁右營加銜遊擊胡尚忠貌則不過中人勇則可當強虜摧陷之功屢著沉毅之性不浮俱堪推補前屯遊擊王盛宗員缺如用楊紹祖查得前屯遊擊中軍本衛指揮僉事兀思恭千人可往九矢如樹既知狡虜之情形亦熟衝邊之險易寧遠義兵千總本衛指揮僉事王宗堯青年偉幹壯志通才勇敢可使櫻鋒精銳終當脫穎俱堪推補前屯備

顧司馬奏議

卷之十五

十一

三十七

禦又查得遼東掌印都司郭夢徵器量不凡經略有度長才足當大任銳氣可制強胡選鋒左營加銜遊擊唐伯美貌若恂恂氣常凜凜設防則地方樂其安靜遇敵則強虜憚其鋒銳俱堪推補鐵嶺遊擊黃某員缺如用郭夢徵應陞參將管遊擊事遺下員缺查得原任告病海蓋參將孔東儒發跡武科早著鷹揚之譽分察重地猶聞豹略之雄原以親喪告病鄉黨皆稱其孝廣寧備禦王紹芳操守謹潔聽斷公平嚴正而有恩威精敏而無留滯俱堪推補遼東掌印都

司又查得驍陽守備王印精爽有識勤敏任勞
開疆永利於東陲仗劍可當乎一面蒲河備禦
趙之牧精悍之資謹飭之行雅有志於休養日
加意乎隄防俱堪推補都司僉書傅某員缺如
用王印查得遼陽中軍定遼後衛署都指揮僉
事凌雲氣負千城冒藏兵甲坐籌志吞萬虜提
師威振三軍遼陽營旗鼓本衛署都指揮使張
三畏壯年偉貌雄略長才縉雲梯落海西之膽
調戰馬空冀北之群俱堪推補驍陽守備又查
得遼陽義兵中軍定遼中衛署都指揮使康元

顧司馬奏議

卷之十五

十二

三六十二

吉正兵營右哨把總廣寧左衛署指揮僉事陳
志漢夷兼馭戰守咸宜勇略可掃千人操守尤
嚴一介俱堪推補撫順備禦畢某員缺伏乞

勅下兵部再加查議將李平胡等楊燮等俱錄用郝
杰等移咨吏部紀錄推用金尚禮等遇有相應
員缺推用傅某畢某黃某俱單任傅某仍行巡
按御史提問具

奏劉仲文取回大營領兵王盛宗准令回衛調治
病痊之日另行推用各員缺即將金承武等推
補庶勸懲有機而衝違文武諸臣知勵矣為此

具本謹題請

旨

顧司馬奏議

卷之十五

十三

寬恤軍民災困

題為軍民疊罹災困再乞

天恩寬恤折徵以保遺黎以安地方事據整飭金復海蓋兵備兼管苑馬寺卿事山東布政使司右叅政郝杰呈查得遼左屯糧惟道屬四衛頗多而遼左賦役亦惟道屬四衛頗重春初苗出而淫潦夏初苗長而亢陽蟲蝗既半殘傷迅風更多摧折以致在高在下之地盡屬蒿萊而已成未成之田半係糠粃本道親歷海州至熊岳五十寨以南俱所目擊者失今不早為題

額司馬奏議

卷之一五

十四 三十五 三十一

請屯民未免流離且本處屯糧皆係軍餉議蠲則無銀項可補議賑則無積貯可支及查金復蓋三衛官軍月糧如本色月支米一石如折色月支銀二錢五分其所折銀數俱應每米豆一石折銀二錢五分穀一石折銀一錢二分五釐蓋州該管熊岳五十寨二堡并鐵場柳樹排又黃伯嶺等屯田畝原係蠲薄居民極其窮苦豐年尚不能聊生凶年將何以卒歲若與別所一槩追納民力委屬不堪似應減半徵納所減之數於蓋州庫貯牛具子種銀內如數動支抵補海州

額司馬奏議

卷之十五

十五

三十一

營衛官軍係邊地月糧與三衛不同如本色月支米一石如折色月支銀四錢若照金州等衛屯糧折徵不無有虧軍餉合無查照軍餉每米豆一石折徵銀四錢穀一石折徵銀二錢庶在三衛可以少蘇民生在海州可以不虧軍餉等因又據分守遼海東寧道兼理遼備山東布政使司右叅政栗在庭呈查得道屬定遼左右中前後東寧瀋陽七衛地方田苗初生原被連雨衝泔及至長發又被惡風刮折子粒未實仍遇嚴霜地無高下均有災傷難定分數况連年饑饉民無儲蓄其屯科本色糧石委難上納欲乞量蠲但係軍餉正額並無別項銀兩堪以處補合無照依折徵事例每米豆倉斛一石納銀四錢穀穀一石納銀二錢送庫抵放軍餉庶官民兩便地方有賴等因又據整飭開原兵備山東布政使司右叅政成遜呈查得今歲雖云稍收但高阜之處多被狂風損傷低窪者亦遭驟雨泮沒且因連歲荒歉人皆缺食有等窮民未候禾熟青枝採取糊口者過半而遲禾又遭嚴霜計來歲春夏困苦應比今歲尤甚合無查照上

年規則分別無災者照舊追徵本色有災者照軍餉例折徵每米豆一石徵銀四錢穀一石徵銀二錢題

請追徵等因又據分巡遼海東寧道兼理廣寧等處兵備山東按察司副使鮑希顏呈查得左屯右屯中屯後屯義州五衛地方今歲無災照依原額屯科營田糧石上納本色入倉及勘得廣寧左右中四衛地方今歲田禾春夏雨水調勻耕耘以時至八月間天降猛風驟雨田禾傷損收成涼薄軍民憂惶屯科糧科實難辦納若欲全徵本色未免逃移合無將無災應徵糧石亦徵本色上納被災例免糧石俯賜題

領司馬奏議

卷之十五

十六

三五五五

請蠲免或比照上年事例折徵充餉等因又據整飭寧前兵備山東按察司僉事王邦俊呈查得寧前土瘠民貧連年被災已不堪命今復下田被潦高田遭風應徵糧石委難辦納合無軫念軍民困苦將有災無收田糧照依上年改徵折色每石細折四錢粗折二錢其無災田糧仍徵本色庶軍民獲蘇等因各呈報到臣案照先據海蓋分守寧前各道呈據各衛納糧軍餘告稱今

歲田禾春旱秋潦又被蟲害暴風嚴霜災傷無收錢糧難以辦納乞要蠲免折徵等因俱經批行各道查勘去後今據前因臣會同巡按山東監察御史許守恩議照遼鎮河東地廣土厚大有之年全遼所仰給馬今歲災傷則河東為甚若海蓋分守二道故稱穀所從出而災獨甚開原道次之河西分巡道屬雖錦義右屯稱稍收而廣寧四衛與寧前二衛則並受災等於開原分別折徵誠有所不容已也蓋遼左屯糧即充本鎮軍餉雖豐年全徵本色僅足以供月餘之餉而官軍之仰

領司馬奏議

卷之十五

十七

三六六六

帑金糴糧而食者固多也當此荐饑之後農困未蘇而欲悉徵本色不惟逃亡自捐且無以為來歲力耕之地而穀必騰貴即官軍亦受其病矣此臣等所以萬不得已而調停其間者也伏乞勅下戶部再加酌議將各衛有災屯科糧石應徵折色者各照數折徵其不敷銀兩准將牛具子種銀內處補無災應徵本色者照舊徵收本色糧石庶額餉不虧而農不重病矣為此開坐具本謹題請

旨

計開

海蓋道所屬金復海蓋四衛除原額折色

豆二萬四百五十二石不拘年歲

豐歉每石折銀二錢通年解管糧

衙門送庫照舊徵納外實徵本色

屯科米穀豆九萬一千八十二石

五斗四合三勺六抄一撮

金復蓋三衛實徵米穀豆六萬七千八

百三十一石三合六勺一抄一撮

顧司馬奏議

卷之十五

十八

三五六夏

災傷七分米穀豆六萬四千八百五

十九石一斗七升一合一勺一抄

一撮照彼中軍餉事例每米豆一

石折徵銀二錢五分每穀一石折

徵銀一錢二分五釐

全災五十寨等堡屯米穀豆二千九

百七十一石八斗三升二合五勺

減半折徵每米豆一石徵銀一錢

二分五釐每穀一石徵銀六分二

釐五毫其減徵不敷銀二百一十

一兩四錢二分五毫六絲二忽五

微議於蓋州庫貯備賑牛具子種

銀內動支抵補

海州衛實徵米穀豆二萬三千二百五

十一石五斗七勺五抄每米豆一

石折徵銀四錢每穀一石折徵銀

二錢

分守道所屬定遼左等瀋陽七衛實徵屯

科營田米穀豆九萬九百六十一

石八斗九合三勺八抄九撮八圭

顧司馬奏議

卷之十五

十九

三四四夏

五粟均有災傷難定分數俱徵折

色每米豆一石折徵銀四錢每穀

一石折徵銀二錢

開原道所屬三萬遼海鐵嶺三衛實徵屯

科營田米穀豆一萬八千二百二

十六石六斗三升六勺三抄

有災米穀豆七千二百九十石六斗

五升二合二勺五抄二撮每米豆

一石折徵銀四錢每穀一石折徵

銀二錢

無災米穀豆一萬九百三十五石九

斗七升八合三勺七抄八撮照舊

徵納本色糧石

分巡道所屬廣寧錦義右屯九衛

廣寧左右中四衛實徵穀豆二萬三千

一十三石三斗三升八合二勺

有災例免穀豆八千一百六十九石

二斗四升二合四勺八抄每豆一

石折徵銀四錢每穀一石折徵銀

二錢

顧司馬奏議

卷之十五

二十一

三四三得

無災應徵穀豆一萬四千八百四十

四石九升五合七勺二抄照舊徵

納本色糧石

廣寧左屯右屯中屯後屯義州五衛原

無災傷各衛實徵糧米照舊徵納

本色糧石

寧前道所屬寧前二衛實徵穀豆二萬二

千三百八十二石四斗二升二合

五勺三抄五撮二圭二粟

有災穀豆一萬五千六百六十七石

六斗九升五合七勺七抄四撮六

圭五粟四粒每豆一石折徵銀四

錢每穀一石折徵銀二錢

無災穀豆六千七百一十四石七斗

二升六合七勺六抄五圭六粟六

粒照舊徵納本色糧石

顧司馬奏議

卷之十五

二十一

八十五

謝加俸併 欽賞
奏為恭謝

天恩事萬曆十六年十一月十五日准兵部咨為廣
衆內附邊患稍寧乞及時大脩邊政以永圖治
安事該閱視巡按山東監察御史許守恩具題
前事兵部覆題節奉

聖旨各官脩舉邊務効有勞績顧養謙加俸一級還
賞銀三十兩紵絲三表裏郝杰陞俸一級賞銀
二十兩栗在庭鮑希顏各陞俸一級還都與王
邦俊等各賞銀十五兩劉易從傅霖酌量推用

欽此欽遵備咨前來臣等望

闕叩頭謝

恩除原任寧前兵備右叅政劉易從今已養病回籍
分守邊備右叅議傅霖已經去任聽調外隨據
整飭金復海蓋兵備右叅政郝杰等呈稱各官
叨蒙

欽賞加陞級俸例該附名謝

恩等因除

欽賞金幣恭候祇領外伏念

賞不逾時固

皇上礪世之大權而舉不失策實邊臣報

國之常職臣等皆草茅賤士章句豎儒非有文武
之材可備緩急之用誤蒙

皇上拔置衝邊三年雖勉支持八事豈能脩舉頃當

閱視之候分甘斧鉞之誅詎意

皇上注念孤陞遂令臣等並叨

大賚

金幣徧及俸級同陞感激非常循省自媿况微勞必

見

錄已屢沐乎

殊恩而往績非有加又何當乎
鉅典陳辭則躡嚙而不敢瀆拜

命則逡巡而不自安常懷要功希
賞之羞未遂敬事後食之願恐

君恩之太濫懼臣節之不明稽首傍徨流汗至踵
覆載之

德罔極消埃之私弗欺惟與諸臣共期務實不張功
伐不倖榮名戒懷德於二三圖報稱於萬一臣

等無任感戴

天恩激切屏營之至為此具本奏

聞

蓋州等衛地震

題為地震事據整飭金復海蓋兵備兼管馬政屯
田山東提刑按察司按察使郝杰呈據蓋州衛
呈據本衛陰陽學申稱本年二月二十六日酉
時從東南往西北地震三次嚮如雷聲本時止
二十七日未時至酉時又從東南往西北地震
七次聲如巨雷二十八日辰時至巳時亦從東
南往西北地震三次其聲與前相同緣由申衛
呈道轉報到臣該臣會同巡按山東監察御史
徐元議照變不虛生災必有自今據海蓋道所

顧用馬奏議

卷之十五

二十四

三六十一

報蓋州地震皆自東南而西北其震有聲而如
巨雷焉不特一次而凡三日且數次焉其象如
此駭人聽聞臣等謂非地道之常也夫地統元
形其職司成今時當季春正農夫耕耘之日而
動搖如此或者秋冬之間又將有荒涼之景乎
地氣屬陰其道主靜今震動者三日皆自東南
而西北或者陰氣當盛而邊塞之間又將有虜
馬之擾乎其事尚隱其兆已見有一于此全遼
之憂是皆臣等奉職無狀所致罪將何逭早見
而預防之非今日事哉除臣等痛自刻責及通

知

行文武各官一體脩省以圖消彌外為此具本
題

顧用馬奏議

卷之十五

二十五

保留給由賢能方面官員

題為保留給由賢能方面官員事據分巡遼海東寧道兼理廣寧等處兵備山東按察司副使鮑希顏呈蒙臣批據分守遼海東寧道兼理邊備屯田山東布政使司右叅政栗在庭呈稱本職見年四十五歲陝西鞏昌府會寧縣人由進士隆慶二年六月除中書舍人隆慶五年九月選授吏科給事中隆慶六年四月陞戶科右給事中五月陞山東按察司僉事萬曆元年十一月初十日丁母憂服滿赴部萬曆五年正月復除

顧司馬奏議

卷之十五

字本

山東按察司僉事萬曆六年八月陞湖廣布政司左叅議未任本年九月十一日聞父喪丁憂服滿赴部萬曆九年十二月復除山西布政司左叅議萬曆十一年六月陞本省按察司副使萬曆十四年正月陞授前職分守遼海東寧道兼理邊備屯田本年六月初三日到任萬曆十六年十一月該巡按山東監察許御史大閱事竣題行兵部覆奉

欽依陞俸一級扣至萬曆十七年五月初三日止連閏實歷叅政俸三年例該考滿等因蒙批仰分

巡道查報蒙此依蒙查得右叅政栗在庭前項歷俸年月相同例應將任內行過事蹟攢造牌冊赴部給由看得本官器宇端凝才諳卓犖區畫悉經濟訥謨而忠存體

國指顧皆安攘長策而志欲吞胡建首獻誠共期節鉞之洪勳東鄙開邊雅負巖廊之重望值此地方多事若使離任不無廢事相應保留等因備呈到臣據此查嘉靖四十五年十二月內准吏部咨為優處邊方官員以固疆圉事該本部文選清吏司案呈照得遼東等九鎮兵備官

顧司馬奏議

卷之十五

字本

員風霜艱險比之腹裏兵備苦樂懸殊腹裏兵備三年考滿既得叙遷又得善地邊方兵備三年考滿陞職止同腹裏又多仍留在任若不破格優處非惟人情有不均之嘆實於治體關係不輕該本部議得前項兵備官員若三年考滿保留到部查其任內所管地方平時操練脩築屯種果有成效有警收飲隄備調遣果無疎失者是為卓異許陞二級供職平常者止照常格遷叙等因題奉

欽依備咨前來欽遵外又查得萬曆四年五月內

都察院咨為酌議邊臣考滿事例以昭激勸事
准吏部咨該本部題各邊兵備官員較之內地
勞逸本殊故三年考滿特從優叙以後三年考
滿本部查其人品政績果屬卓異者方得照例
陞銜仍舊供職平常無過者亦止照常叙遷等
因題奉

欽依備咨前來又經通行欽遵去後今據前因臣會
同總督薊遼保定等處軍務兼理糧餉都察院
右都御史兼兵部右侍郎張 巡按山東監察
御史徐元考得分守遼海東寧道兼理邊備屯

顧司馬奏議

卷之十五

二十八

田山東布政使司右叅政栗在庭沉毅而謀出
萬全精敏而力堪八面封疆重器安攘真才茲
當考滿例應赴部但遼鎮為最多事之邊而西
則遼瀋東則饜陽寬奠並屬虜衝四時防禦無
息肩之日本官經略苦辛巨細畢賴地方不可
一日無之難令給由離任相應遵例保留伏乞
勅下吏部查議行令本官照舊供職止將攢造牌冊
送部查考應得

恩典照例

請給施行再照本官衝邊三載備嘗艱苦居常練義

兵撫降夷脩險隘關荒蕪造火器戰車以裨實
用有警則清野堅壁守備甚設境內宴然鮮有
疎失其義兵降夷往往有出塞捕斬之奇功而
開饜陽邊疆五十餘里之功最著稽其政行足
稱卓異似應查照前例超陞二級或另議優叙
以示酬勸伏候

聖明裁奪為此具本謹題請

旨

顧司馬奏議

卷之十五

二十九

廣開墾以修實政

題為溥

皇仁廣開墾以修惠民實政事據分守遼海東寧道
兼理邊備山東布政使司右叅政栗在庭呈蒙
臣憲牌依蒙查得萬曆十六年分本道所屬定
遼左右中前東寧瀋陽六衛并靈陽長奠二堡
軍餘李景安等開墾過荒田一百八頃九十畝
七分八釐八毫九絲見年納糧各不等共該穀
三百八十七石五斗一合五勺五撮上等田二
頃八畝二分五釐每畝納穀一斗共穀二十石

顧司馬奏議

卷之十五

三十

三四七

八斗二升五合中等田一十八頃二十畝五釐
三毫每畝納穀七升共穀一百二十七石四斗
三合七勺一抄下等田三十二頃九十八畝八
釐五毫九絲每畝納穀五升共穀一百六十四
石九斗四合二勺九抄五撮瘠薄田七頃四十
七畝八分每畝納穀三升共穀二十二石四斗
三升四合山田四十八頃一十六畝六分共該
穀五十一石九斗三升四合五勺內每畝納穀
一升五合田七頃五十三畝七分共穀一十一
石三斗五合五勺每畝納穀一升田四十頃六

十二畝九分共穀四十石六斗二升九合又准
分巡道副使鮑希顏手本開送所屬廣寧右屯
衛舍餘蔣幹等開墾過荒田一十二畝見年納
糧各不等共該穀四斗四升下等田四畝每畝
納穀五升共穀二斗瘠薄田八畝每畝納穀三
升共穀二斗四升又准開原道右叅政成遜手
本開送所屬三萬遼海鐵嶺三衛并懿路所軍
餘周三漢等開墾過荒田四頃五十五畝六分
見年納糧各不等共該穀二十八石八斗三升
上等田一十五畝每畝納穀一斗共穀一石五

顧司馬奏議

卷之十五

三十一

三七十二

斗中等田二頃六十五畝每畝納穀七升共穀
一十八石五斗五升下等田一頃七十五畝六
分每畝納穀五升共穀八石七斗八升以上三
道通共開墾過荒田一百一十三頃五十八畝
三分八釐八毫九絲見年納穀四百一十六石
七斗七升一合五勺五撮又准寧前道僉事王
邦俊海蓋道按察使郝杰各手本回稱寧前地
方逼臨虜穴軍民稀少金復海蓋四衛年歲饑
饉民皆窘貧各不能開墾無憑開送緣由各到
道卷查萬曆十六年遼鎮地方復遭災傷應徵

屯科糧科已蒙題

准將開原分巡寧前道所屬衛所無災米穀豆徵納本色海蓋道所屬金復蓋三衛災傷七分每米豆一石折銀二錢五分穀一石折銀一錢二分五釐五十寨等堡屯全災減半折徵海州衛并分守道所屬定遼左等七衛開原分巡寧前各道所屬衛所有災俱每米豆一石折銀四錢穀一石折銀二錢看該年新增田糧緣係小民竭力開墾况遇年歲災荒俱應照依屯糧折徵事例每穀一石徵銀二錢另項貯庫備荒支用

顧司馬奏議

卷之十五

三十二

三十三

等因到臣據此案照萬曆十三年十月初九日准戶部咨該戶科都給事中姚學閔等題該本部覆議通行各省直撫按轉行各該所屬府州縣正官但有荒蕪地土耕種素所不及者示諭小民儘力開墾不許勢豪侵奪或有人戶逃亡田地久荒情願佃種者查審明白給與告主帖照俾永為己業而各該有司又必嚴禁遊民盡心勸相示之隨地以鑿陂塘築圩岸之方如貧難小戶缺乏牛種許將積貯稻穀借給補助待秋成之日抵斗還倉每歲將開過荒田頃畝數

目從實申報撫按各印發墾田文簿一扇就以開墾字為號令其陸續登註毋容那移虛捏中有開荒數多者即係實政修舉薦獎以旌其賢或拋荒如故即係曠職廢事戒飭以警其餘年終稽核明確依期

顧司馬奏議

卷之十五

三十三

三十四

奏報其所開地土每畝止令納穀三升另取儲積以備荒歉俟大造之年該州縣通查墾過田畝內稍有肥饒堪以升則者定以下則就將額糧均攤收入冊內原納租穀盡與除豁其瘠薄下地仍納穀三升置之永不起科之例自萬曆十四年為始每年撫按官俱要著實舉行依期奏報倘有無荒可墾去處亦要明白題請并刊刻書冊徧給里民通知永為遵守毋事紛更等因題奉

聖旨是開墾荒田事宜著各該撫按官查照著實舉行欽此欽遵備咨前來准此已經備行各道欽遵轉行所屬衛所官員及示諭查照開墾給與告主帖照印發文簿就以開墾字為號陸續登註一一悉照原題事理舉行除萬曆十四十五年兩年共開墾過荒田二百二十一頃五畝納穀

九百六十七石七斗九升三合五勺已經節次
奏報訖又行分守道會同分巡寧前開原海蓋四
道將萬曆十六年開墾過荒田數目稽查明確
類報去後萬曆十七年三月初七日又准戶部
咨前事該兩廣總督兵部右侍郎劉繼文等題
稱廣東廣州等府州縣萬曆十四十五兩年墾
過荒田効勞官員分別叙獎等因該本部覆奉
聖旨是各處開墾荒田多有虛文搪塞全無實效的
今後各該巡撫官奏到開墾數目你部裏便行
與巡按御史親詣踏看覈實具奏如扶同塞責

顧司馬奏議 卷之十五 三十一

該科一體察治欽此欽遵備咨前來欽遵外今
據前因為照遼左數十年來兵荒相仍軍民殺
擄逃亡失業者眾是以土地之荒蕪者在在有
之然遼與虜鄰用武之地也為足兵計者必先
於足食故科臣開墾荒田之策於遼為尤急臣
自奉
明旨以來嚴行各道督責衛所官員省諭軍民人等
凡有荒蕪地土告明儘力開墾故萬曆十四十
五兩年分守分巡開原海蓋四道共開種過二
百二十一頃五畝十六年分守分巡開原三道

又共開種過一百一十三頃五十八畝三分八
釐八毫九絲而分守道為獨多則以其地廣土
沃而人稍眾也寧前道地窄人少而逼於虜海
蓋道該年災甚人民皆窘故開墾不易蓋遼左
開荒頃地可保而後人有恒心歲屢登而後人
有餘力或招來以復業或召募以導利必以其
漸而不可責效於一歲之間者也及查十六年
軍民種過前項荒田內有納穀一斗或七升五
升三升一升不等則以其地有肥瘠而各從其
便耳其本年應徵科穀四百一十六石七斗七
升一合五勺五撮復遇災沴本色糧石難以辦
納應照歲額屯糧被災事例每穀一石徵銀二
錢貯庫搭放軍餉以後年分追徵本色送倉若
開墾漸多可漸查復屯糧之額而足兵食也伏
乞

顧司馬奏議 卷之十五 三十一

勅下戶部查議轉行巡按御史查覈明實徑自具
奏施行為此具本謹題請
旨

冲菴顧先生撫遼奏議卷之十六

通州 益卿顧養謙著

疏

議處諸酋善後事宜

題為議處諸酋善後事宜以安內外計久遠事據
整飭開原兵備山東按察司副使成遜呈蒙臣
批據開原城致仕官劉鑄等呈稱北關仰逞二
奴子那林孛羅卜寨圖復父讐不修朝
貢又與猛骨孛羅康古六謀害歹商破我藩籬不
聽宣諭是以本院恪遵

顧司馬奏議

卷之十六

三十一

明旨協同鎮守大將相機行事親統大兵聲罪致討
二酋見大勢難支方倒戈遙叩乞哀當此時兵
力非不能盡殄厥類第恐此寨一空反為北虜
竊據今日善後之計莫如因其乞哀而姑以撫
許之陰以養我之銳固我之垣彼如常順我常
撫之彼或作梗我再議剿使撫剿之權我常握
之而彼不能出吾範圍之外則恩信並行惠威
兼至不惟見我

天朝天地之量而窮寇勿追或亦兵法之所當忌也
下情緣由具呈蒙批仰開原道查議通詳此繳

又蒙臣憲牌仰本道即查北關二酋是否誠心
歸順應否撫處聽其

貢市猛酋母子應否寬宥康古六應否放還兩關
四酋應否令其與歹商講和講和之後歹商作
何安插王台子孫究竟作何保全務求外安夷
部內安軍民可垂永久如或夷情叵測不妨再
議征剿審諸與情事體酌議詳妥具由呈詳以
憑會

題施行蒙此行據安樂州代州事都事劉一貫申

查得北關那林孛羅卜寨二酋先因報父之讐

顧司馬奏議

卷之十六

三十七

執迷不順屢次欺害歹商近見大兵征剿畏懼
殺戮倒戈叩降誠心歸順相應照舊撫賞聽其
貢市猛酋母子似應寬宥康古六亦應放還為歹
商之羽翼兩關四酋應與歹商講和講和之後
歹商仍歸原寨安插住種宣諭四酋不許謀害
庶王台子孫保全無虞則外安夷部而內安軍
民可垂永久如或夷情叵測謀害歹商另行請
兵征剿緣由到道看得前項事宜既該代安樂
州事都事劉一貫酌議停妥又經闔城鄉官士
庶耆老屯民劉鑄等眾議前來相應酌議以安

地方以垂永久等因又據本道呈蒙臣憲牌仰本道即便督行開原備禦王汝徵赴此兩關夷人俱在查照開去條款逐一譯審斟酌擬妥當務俾夷情長便地方久安具由登答詳報以憑會

題及晚諭諸酋遵守計開一

勅書作何分給要見南關該若干北關該若干各夷寨應與講明分定一兩關部夷先有互相搶奪及投奔在部者即今既已講和作何處分一故酋網實妻子康古六既已不收作何安插下

簡馬奏議

卷之六

三

三百〇八

落一各酋乞討牛種應否酌量給賞其餘未盡事宜一併查議開報蒙此行據備禦王汝徵呈依蒙隨將兩關夷人遵照款目譯審明白照款登答及晚諭諸酋遵守緣由到道看得善後事宜既經王汝徵照款條議前來又該本道逐一覆議似屬長便相應依擬開呈一查得兩關夷人皆海西舊種

國初收為屬夷共給

勅書九百九十九道每

勅一道驗馬一匹進

貢例也中間兩關互有強弱故勅書亦隨時多寡不一今奉

肯薄伐二奴之子業已歸附則前項

勅書似宜平分南關應給五百道北關給四百九十

九道皆已允從無復爭競一查得兩關雖言殺時

康古六溫姐猛骨孛羅皆叛投北關同攻歹商

歹商不能支投中暫住其寨被猛骨孛羅殘毀

不堪猛骨孛羅亦自燒寨往十八里寨居住今

既講和合令各歸本寨修理照舊安插不許再

相侵奪一查得兩關相殺四五年又值凶荒之

簡馬奏議

卷之六

四

三百〇六

歲各無糧米其間部夷互有脫逃投順者今講和既定例應斷歸原主除已往者聽其自便外其將來但有投奔者許各將原人送還不許隱匿以啓釁端若投降

中國者查係漢人留發原籍若果真夷審是何寨

部落即送還之以安夷心一查得王台在日生

四子虎兒罕赤三馬兔網實猛骨孛羅也其康

古六亦台姦生子也虎兒罕赤生歹商三馬兔

生兀把太網實生三子皆幼而網實死遺妻孫

姐先為康古六所收後康古六娶北關女遂棄

孫姐後又投南關配温姐棄孫姐如故故歹商以孫姐與兀把太為妻并所生三子隨母存住今講和間康古六温姐初有爭孫姐意及以理折之康酋亦不收令歹商殺牛為誓以馬償之今仍與兀把太完聚一查得各酋彼此節年搶掠又值境外窮荒所以各夷寨內家家乏食即近沿邊偷牛竊馬亦窮之使然也今既歸附思欲照前耕種以為生計而無牛具子種故乞哀請討亦真情也似應憐其苦哀其窮而量給之使彼地有所出則不我竊况原係屬夷既復効

顧司馬奏議

卷之十六

五

三三十一

順即吾赤子何忍坐視不救且成大事者又不當計小費也一查得北關卜寨等南關康古六歹商等建州奴兒哈赤等畏我兵威慕我恩惠既皆變其桀驁之性誠心款服矣使其永無紛爭萬年一日則我亦常視為赤子倘既服之後或間有作梗再相讐殺者如係北關則令南關及建州二部隨我攻北如係建州則令南北二關隨我攻南若係南關則北招卜寨那林等南招奴兒哈赤等隨我合攻南關務令彼此相安永為藩籬則或剿或撫權常在我而東北一帶

可常保無虞矣一奉

旨議剿北關屬夷原

命督撫鎮相機行事所謂相機者蓋謂或剿或撫或徑撫而不剿或先剿而後撫觸機而動觀變而行審利害權輕重惟求事濟邊安而不為一身之計非謂專主於剿也若謂北關之夷奉

旨剿除而必盡殲其族類則城寨一空誰與為守必為騷夷之所竊據若謂康古六為奉

旨梟示之酋不宜輕放則殺一康酋於我未必益而北關二孽之疑畏日甚猛骨孛羅子母遠遁不

顧司馬奏議

卷之十六

六

三三十一

可收而歹商之勢益孤東北一帶兵連禍結殆無寧日矣今於北關因其不聽撫而剿之剿之而服照舊撫之留不盡之威施不測之惠彼亦傾心而內向於康古六因其叛而擒之哀其窮而放之慰温姐以收猛骨孛羅而安歹商三酋原係一枝今感不殺之恩而和好如初又為之均

勅書分城寨定婚配給牛種處逃夷再為榜諭使各安居耕種買賣勿相侵奪以啓蒙端則本我屬夷不妨待以赤子而我之軍民亦得放心耕種

而不虞其擄掠所謂相機行事者意蓋如此不然刻舟以求劍膠柱而鼓瑟開原之事將不知其所終矣等因又准鎮守總兵官李成梁手本准本院手本行據開原叅將吳希漢呈據備禦王汝徵呈前事到鎮據此為照二酋作孽構釁結黨稱亂疆場為梗

明旨責成相機撫剿本院與本鎮欽遵統兵至開原面承本院方畧本鎮率眾抵寨下令戒殺監旗招降部夷落羅歸順不誅二酋負固抗拒迎敵殺我撥夜兵方追斬攻克柵寨三層大砲擊其中堅人死壁穿二酋喪膽遙叩乞哀請降遂收兵不攻待以不死彼固投誠我亦以誠待之許其

領討馬奏議

卷之十六

七 三十一

貢市照舊撫賞仰體

皇仁好生之念不敢有違撫剿之

命宥猛酋子母內叛之逆放康古六生還安歹商以復業合諸酋歃血和盟建夷奴兒哈赤今亦與歹商結親王台子孫庶保無虞開原藩籬庶不輕撤軍民樵採耕牧舉得其便設或各酋後有他變再議征剿師亦有名彼又何辭既經吳希

漢議呈前來煩請裁酌會

題施行等因該臣公同鎮守總兵官李成梁及兵備副使成遜備禦王汝徵將康古六於四月初一日放出訖案照先該臣等節次會

題開原北關夷酋那林孛羅卜寨讐殺南關王台子孫猛骨孛羅歹商不聽宣諭并擒獲康古六及猛骨孛羅投赴北關各緣由俱該兵部覆議奉

領討馬奏議

卷之十六

八 三十一

旨遣務夷情責成督撫總兵相機行事臣等欽遵已經會行總兵官李成梁統兵至開原出境攻擊北關城寨二酋出城下馬遙叩乞哀願和歹商効順

中國遂准降罷兵而還并有功死事人員會

題訖隨該臣會行鎮守總兵官李成梁及據開原闔城鄉官士庶耆老屯民劉鑄等具呈節次批行開原道各將善後事宜查酌計議去後續准總督軍門咨為火災迭見事出異常懇乞

聖明亟圖消彌以答

天心事准兵部咨該戶科右給事中胡汝寧題內稱遼左之屬夷方在議處乞

勅當事諸臣毋貪功以輕動毋妄殺以傷和務酌劑
撫之宜期為萬全之舉等因該本部覆奉

聖旨是欽此欽遵又准本部咨為遼左班師報捷逆
虜讐怨方深乞

勅當事諸臣嚴加防備以保孤懸重鎮事該兵科都
給事中張希臯等題據該鎮所報那林孛羅等
邊事夷情伏乞

勅行該鎮諸臣各殫任事之忠永懷桑土之慮互商
作何安插康酋作何處分猛酋之懷疑未附者
作何招撫那小二酋之挾讐恃險者作何羈縻

顧自馬恭議

卷之二六

九

三〇二

各兵信地有無緩急之當增損各路將領有無
勇怯之當更置一切善後事宜從長酌議具
奏務俾孤懸之地有所恃以無恐積怨之虜有所
畏而不來庶足以安邊陲紓

宸慮而

朝廷委任重臣之意與各臣樹功圖報之心兩無
負矣等因奉

聖旨兵部知道欽此欽遵備咨前來會行總兵官嚴
督大小將領等官時時隄備處處戒嚴哨探預
明撫處必當固不得輕舉妄動致啓釁端尤不

得怠緩因循少疎邊備務保萬全毋容一失一
切善後事宜從長酌議具

奏以憑議覆施行又准本部咨為仰遵

明旨剿服負固逆酋恭報捷音以慰
聖懷併乞

俯錄獲功死事人員優叙危苦勞臣以昭激勸大典
以安孤懸重鎮事該本部覆議內稱賞不踰時
固

朝廷激勸之大典事求善後尤邊關捍禦之良圖
今據二孽雖已伏辜然夷情變詐靡常日後控

顧自馬恭議

卷之二六

十

三〇六

禦當慎即如疏內所稱互商之講和作何安插
那小二酋之分管作何約束溫姐猛酋康古六
之拘繫作何處分查照科臣條議詳為慎始慮
終必使可驅可策若彼馴羊無容乍滅乍然有
如厝火其在撫鎮二臣尤宜益殫猷為無懷疑
畏等因題奉

欽依備咨前來准此又節准軍門咨同前事已經通
行遵依外今據前因續據開原兵備副使成遜
稟稱康古六四月十六日出癩子又因小肚疼
於四月二十九日死至七月二十日又據本道

稟稱温姐生乳花瘡於本月初三日亦死及查先後節據該道稟稱南北兩關四酋相見結婚盟誓交歡之狀甚悉備禦王汝徵宣諭調停之節甚詳及歹商願歸原寨與那林願補十五年貢馬之請甚切最後以八月十六日而得那卜二酋爭

勅貢馬之故該臣會同總督劉遼保定等處軍務兼理糧餉都察院右都御史兼兵部右侍郎張鎮守總兵官太保兼太子太保寧遠伯李成梁議照

顧司馬奏議 卷之十六 十一 三十三

中國之有屬夷也猶居室之有藩籬也不可廢也馭夷之道不出乎恩威恩不可化以禮義而以撫威不可加以刑罰而以剿然撫之者所以普皇恩也主於誠制其命而服之可也不可事姑息而啓戎心剿之者所以宣皇威也主於斷不得已而用之可也不可好功名而開邊釁總之藉力於諸將士而不可與諸將士謀上體皇心下觀情勢撫剿互用當機而施期於制夷狄安封疆而已有如不得已而用剿以為撫則首功

不足多而善後之圖不可忽焉而不之講也蓋尚首功者諸將士之事也志在功名也圖善其後者督撫鎮道之事也志在體

國而安邊也所事則一而志之大小判矣夫海西挹婁夷種自永樂初來歸置塔山塔魯諸衛為我藩籬至王台而益効忠順北收二奴南制建州相率內向而開原高枕是時王台近廣順關稱南關酋二奴近鎮北關稱北關酋各以便叩關

顧司馬奏議 卷之十六 十二 三十四

貢市而北關實聽命於南關及王台死其長子虎兒罕赤亦死二奴以侵南關誅事在萬曆十一年而二奴之子那卜二酋者脩父怨益急攻南關不聽我撫諭又蕩搖我邊疆凡五年不庭勢日以張是二酋者撫之必不聽者也臣是以有興師之請温姐者王台後妻而二奴妹也有子猛骨孛羅少而台他子康古六者長康古六實妻其後母温姐而親北關又讐其兄虎兒罕赤而甘心於其子歹商名為南關酋實與温姐啓北關而內為賊是南關惟歹商孤立守其祖王台之業而衆

皆賊也臣是以有並處康酋温姐之議猛酋竟
又以北關攻歹商背我大德不聽我撫諭而建
州酋奴兒哈赤者亦將結婚北關而以歹商為
事是二酋者又北關之佐而歹商之敵也臣是
以復有按臣勘議之

請會浮詞亂真而撫剿之計未明也臣是以有督臣
臨戎之

請及督臣定謀本兵決策

皇上屢有相機行事之

旨也臣與大帥是以有東征之師臣謂大帥今日之

顧司馬奏議

卷之十六

十三

三十九

事屬夷也不得已也宜以剿為撫先嘗以撫不
聽而剿既服而撫是謂相機稱

明命也則盍先示之不殺會科臣胡汝寧有方春戒

殺之說適與臣合大帥是以有誓師之令及我

軍出塞招落羅全其寨不妄殺一虜而二酋阻

眾來抗反我三人大帥是以縱兵斬其騎遂

破其重城乃又負內險下木石如雨殺我先登

之士是以發大砲擊其中堅大砲所及城壞壁

穿而人有洞冒死者二酋始窮泥首歸命大帥

是以下令班師示有餘威而以恩終為可撫之

地一操一縱間不容髮此

皇上所謂相機本兵之指授而督臣之節制也臣與
鎮臣安敢違也當是時我兵幾二萬眾馬稱是
屯開原開原褊小不歲而倉無糧勢不可久欲
悉遣還則所經過不無擾且當稍留以觀變於
是視遠近漸發而還而留勁卒三千人稍待於
開原鐵嶺之間是時康古六尚囚歹商度怨甚
益恐令虛其寨率眾以居內地北關二酋新受
兵驚畏未定猛酋母子亦稍徙而不敢前開原
士民則以為撫鎮二臣會且

顧司馬奏議

卷之十六

十四

三十九

獻捷提兵去復遺不結之案有如虜乘虛報我者

何以待之內外疑懼莫知其所終臣卿者謂首

功不足多者非矯也首功者諸將士之事也是

其小也不於此時為善後之畫而忽然提兵以

去則目前變態他日兵端又何可窮已耶本以

安邊而遺之患自多首功倖

恩澤不復顧其後是卑官小卒之操耳豈

皇上所以丁寧二臣之意與二臣所以効忠而報

主者哉會科臣張希臯所條上洞達周悉不啻履開

原而觀其狀也臣是以與大帥俱留副使成遜

言於臣曰建州酋奴兒哈赤者初欲結婚北關
攻歹商數窺我動靜為北關耳目今聞我急歹
商則又欲婚歹商歹商許之婚亦一羽翼也不
如因而成之大帥乃使通官佟惟動馳撫順關
傳諭奴兒曰汝失期不

貢又欲婚北關攻歹商將並誅汝汝罷北關婚婚
歹商又速來

貢乃釋汝使長東夷語既傳佟惟動遂還不復顧
班師之後四日那卜二酋數使其部夷來請願
入馬復

顧司馬奏議

卷之十六

十五

三十三

貢且和歹商而猛酋女子亦數使其部夷來請臣
與大帥亦數使人往諭之而皆懷疑觀望不敢
直前則以康古六尚囚故蓋當剿二奴時在事
之臣恐二奴狡不可並得故先以計殺之不得
已也若康古六則叅將李宗召招之而即至耳
臣至開原而始聞其詳諸酋之言曰
中國詐我耳往者二奴今之康古六夫非詐取耶
我是以不敢來來畏死不來又畏死是以趨趨
耳夫以堂堂

天朝今年招一酋因而殺之明年又招一酋又因而

殺之非所以馭屬夷而示之信也將益疑諸酋
且必多事為禽康酋之復以詐也臣是以決策
釋康酋然康酋之當釋其說凡有六焉初酋之
械繫至廣寧也恐溫姐合他酋率其子以去故
還置之開原使收溫姐曰將釋汝也及發兵時
恐其變乃復囚之今不如遂成其信一也酋之
得罪也以助那卜二酋故令二酋既待以不死
而獨死康酋是輕重失倫也二也康酋溫姐者
其名分長諸酋實提衡兩關若欲悉殺諸酋立
歹商則康酋溫姐首當誅若欲和諸酋扶歹商

顧司馬奏議

卷之十六

十六

三十七

則康酋溫姐首當釋三也即欲悉收諸酋而康
酋先以招死是教諸酋遠我也釋一酋而諸酋
皆在範圍矣四也且今日之為歹商也豈非以
王台之故耶康猛兩酋皆王台子而歹商則其
孫也北關酋以侵王台子孫有逆狀則罪之康
猛兩酋乃又助北關侵歹商有逆狀則又罪之
其理直其言順也而使歹商能立即悉殺諸酋
立歹商兼有其衆其誰曰不可臣至開原觀歹
商其為人氣弱而多疑不能善其左右其左右
多有離心即悉殺諸酋而立之必不能有其衆

而立也有如不立者是王台之子孫從此滅矣
本以為王台而卒至於滅其後非初意矣今不
如釋康酋使和兩關安歹商諸酋見康酋得釋
必不復疑而又畏我必重歹商歹商以諸酋立
而王台之子孫皆全矣蓋彼一時也威未加而
難讐服也此一時也威既加而可讐服也是釋
一康酋者乃所以安歹商而悉全王台之後也
五也康酋再死再生德莫厚焉刑莫威焉懷德
畏刑當必我報且將使歹商許奴兒婚內倚

中國而外以姻重寢北關之謀又和兩關諸酋使

顧司馬奏議

卷之六

十七

三百六

翼歹商力可制奴兒不得以姻故而啓并吞之
釁此制東夷而安東陞之畧也六也康酋温姐
釋那卜二酋歸而猛酋不足言矣建州酋遂可
乘餘威傳檄而定矣况開原士民之言既若彼
而鎮道之議又若此臣是以決策釋康酋非敢
擅也其機宜宜爾也用以稱

明命也不以一釜中魚故而失諸酋遺後憂也康酋
有子甫八歲而雄點能為其父請死先以入視
其父在開原康酋曰如釋我者請以此子為質
衆皆曰必質子乃可釋康酋臣以為不然乃諭

之曰釋汝而汝背德乃殺汝八歲兒耶去則俱
去耳且汝所以長海西者以

中國也若背

中國必遠遯而可遠遯誰復長汝耶乃以前一日
稍給賞其子而遣之其明日釋康酋囚而諭之
曰

中國之為歹商以王台故也所以囚汝者以助北
關侵歹商也汝亦台子也終不忍殺汝今釋汝
使和諸酋扶歹商修汝父之業歹商安危汝則
任之酋叩首曰唯唯乃教歹商事之以叔父禮

顧司馬奏議

卷之六

十八

三百七

而殺牛軟血為誓夫誓夷所重也先是海西部
夷男婦凡三十餘人以饑來投我至是則以屬
之康酋而稍給之布米且戒曰是以饑來投非
背汝也必勿殺酋叩首曰不敢必置之近寨守
關門乃與康酋以酒脯銀牌衣布釜鹽農器之
屬如

貢市犒賞之節而遣之是為四月一日也是日北
關部夷與建州酋請婚之夷皆在令傍立而見
遣康酋建州夷馬三非者能漢語叩首而言曰
鄉者大兵臨北關破其重城又以大砲擊其

堅危甚二酋不早降者死矣乃知

中國之威而竟舍二酋又釋康古六乃知

中國之恩小夷聞之無不畏服使建州酋得婚

商者願長効順守東陲乃令歹商許之婚稍給

賞而遣之康酋出則促溫姐來見溫姐懼不肯

行酋怒曰我好男子又酋長也乃釋我不殺而

殺汝婦人汝不行者我且入與歹商居

中國若令我殺汝母子我不得不殺汝母子又使

人言於北關二酋曰

中國竟釋我矣我寧死不二汝兄弟急內向自存

不然

中國若令我殺汝兄弟我不得不殺汝兄弟於是

溫姐率其二女及部夷男婦數十人來見臣等

數之曰海西之以王台重也中外所知也汝王

台妻而北關女也康酋雖汝後夫與猛酋實皆

汝子歹商則汝孫也那卜二酋則皆汝姪也王

台死中外視汝如王台汝何不主持兩關使相

和各保其業以守我邊疆而反為禍本今日誅

汝已後而汝婦人不足誅汝何以自贖且汝今

日屋廬焚燒衣糧寶器悉為煨燼舍其糧田不

敢耕孰與當時富日則巖棲夜則徙於林木風
雨驟至疑為

天兵孰與當時安部夷各逃其生若魚鳥散不復汝

顧而

中國之視汝不啻犬豕矣孰與當時之尊且榮也

海西之不家而諸酋為戮則汝一人之故汝何

以自贖溫姐有懼色口刺刺不成言譯之則曰

不幸子孫皆少不聽教乃至此今日生死唯命

臣等曰死汝何益矣今日生汝而汝求所以生

乃不死汝能令諸酋侵歹商獨不能令諸酋和

歹商耶事在汝矣溫姐曰唯唯乃教歹商事之

以祖母禮而為誓如前臣等所以犒賞之亦復

如前是時那林孛羅使其軍兀蘇魯哈卜寨

使其中軍卜三以馬二十匹來

貢臣等詰之曰二酋恐乎二虜叩首曰安得不恐

曰聞那林酋益繕其城以守有之乎曰有之畏

死也臣等乃呵之曰若欲撫汝為我藩籬則唯

恐汝守之不固也若欲剿汝掃爾巢穴則恐其

守之不固也汝屋居而城守將安逃乎且汝効

順時入市則有關原之賞入

顧司馬奏議

卷之十六

十九

三百九

顧司馬奏議

卷之十六

二十

三百九

貢則有

闕廷之賞江上遠方之夷以貂狐參餌之屬來者必藉爾得通汝得操權而中分其利汝布帛米鹽農器之屬又一切仰

中華汝內恃

中國而外無恐耕田及數百里之外圍獵及數百里之外收木耳松子一切山澤之利及數百里之外出則累月連旬而不必返顧也入則盈囊滿車而無憂要奪也汝亦人也非必惡利而好害舍安而就危也今

貢市不通而

賞絕江夷道塞而利失禁汝布帛米鹽農器之屬而坐困日則登山而望夜則秉城而守五十里外不復敢耕田圍獵而收一切之利也又藉兵北虜恍惚太以守後動以千騎盛氣而抵汝有德色而索無厭汝二酋不能供則索之部夷布米牛羊殆盡而部夷窮多怨二酋而願內附我第傳諭部夷有能斬二酋頭來者即立為長長北關汝二酋可不煩兵而立誅也為言二酋秋將取汝之禾春則加兵馬破汝城寨汝有萬眾

顧司馬奏議

卷之六

二二

三〇十

耳歲殺汝三千人三年而盡而二千人五年而

盡而千人十年而盡况我兵勢盛而汝內難作寧能久乎汝二酋何恃而不恐蓋當部夷來請時此語已先傳其小酋外苦恍惚太而內畏誅果有明言將叛二酋而內附者而康古六之言又至二酋恐是使其中軍二虜先代已而請也蓋二虜者二酋所託重也故臣等復詳諭之二虜皆能漢語即叩首曰諸所言者二酋業聞之又見康古六釋而得其言恐甚而令我二人來我二人實代二酋而請死不敢復貳唯是兩

顧司馬奏議

卷之六

三十一

三三十七

關

勅書不平平乃無爭耳是時兩關要領之夷皆在其爭端不獨

勅書也又不獨北關與南關爭而南關亦自為爭也於是諸夷皆聚而訟焉臣是以悉與之平蓋自永樂以來給海西夷

勅書由都督而下至百戶凡九百九十九道不盈千兩關之酋領之視強弱為多寡先是二奴之父強則北關多及王台強則南關多多至七百道而北關不能三之一今日兩關之強弱則可

也宜無論其強弱而與之平於是與南關以五百道與北關以四百九十九道差少其一以存右南關之意而南關康猛歹商三酋則又分給之各有差北關二酋則聽其自分諸酋皆服然兩關以爭鬪故田失其業而饑甚南關為又甚而歹商又甚於是諸夷皆乞牛種則屬副使成遜安所得牛種而與之成遜曰倉則尚有備賑之餘糧牧則有撫夷之牛也於是諭諸夷曰汝輩皆我屬夷也若其逆誅之唯恐其不盡也若其順養之唯恐其不周也使汝饑而坐斃不忍也飲食汝不能遍也固不如使汝自為生汝外安則小夷不為盜小夷不為盜則大酋不得罪是使汝逃死而樂生也牛種固不汝惜於是首先給歹商次給康酋溫姐如歹商那卜二酋以未親入關視南關有差而加兵時卜寨破而那林尚全故那林視卜寨又有差實用以携二酋也及分城寨歸逃夷處分故酋網實妻子制海西建州諸夷之畧悉如副使成遜議諸夷皆感服無後言又諭諸夷曰開原父老嘗為汝請也而有今日使之德開原而樂為我藩籬夫諸酋

顧司馬奏議

卷之十六

七三

三十二

順逆之利害既較然如前此諸酋所以不得不聽撫之故也若邊氓則無虜患而有安居耕作之樂市廛則有貂狐麋鹿皮茸參餌松子之屬乃遠近商賈所用以為生既免其害而復收其利此開原父老之所以為諸酋請也權利害計久遠外安夷部乃所以內安吾民也此臣等之所以歸計於撫也臣乃謂副使遜曰事大定矣撫鎮可以去乎對曰可矣於是臣與鎮臣提所留兵而還臣後鎮臣一日行是為四月十有一日也諸夷羅拜送於郊若不忍見二臣去者二臣還廣寧無何而報康酋死副使成遜述其遺言甚忠臣等深惜之然溫姐年未五十而失其壯夫勢必復合他酋溫姐而復合他酋者則又生一事端矣而是時諸酋之貢尚未入臣等方懼其善後之無狀也忽奉恩命則自督臣而下賞賚加陞各有差臣養謙則且及先世矣鎮臣李成梁則歲加祿矣副使成遜則進而叅政遊擊吳希漢則進而叅將矣夫事未終而先受恩臣等是以益感益懼圖之益慎而

顧司馬奏議

卷之十六

七四

三十九

奏報之不敢苟也恐後無驗而重其罪也於是
參政成遜為畫而急温姐温姐亦久病意未决
而忽以死夫康酋者奉

旨當死者也乃用之樹信諸夷業有成而竟以死死
康酋則其難在温姐而又竟以死此豈臣等智
力之所及哉盖天祐我

國家欲宴然東陲而絕禍本也

皇上之威福也顧兩關四酋不相見恐復有居中為
構者則其釁終不消於是參政成遜主其事而
備禦王汝徵實任之卜寨者首先被兵畏甚而

顧司馬奏議

卷之十六

二十五

三州

急內附者也則先致卜寨使親歹商而那林妻
則歹商姊也視卜寨更親因詰那林曰汝於歹
商視卜寨更親親歹商乃後卜寨耶於是那林
親歹商又因以詰猛酋曰汝於歹商則叔姪也
視北關益親北關業親歹商而汝反踈耶於是
猛酋親歹商竟使四酋相見重約婚姻殺牛飲
血為誓而爭先驗

貢者王汝徵之力也其所以久者則又以那卜二
酋爭

勅故先是臣等給二酋牛種實有差而那林強小

寨與之平那林又曰被兵時非我城守卜寨死
矣

勅書則我當多卜寨曰我首被兵而禍甚當稍益我

而及汝厚耶相持久之然卜寨竟讓那林

勅書凡六道那林乃已王汝徵因其爭得操權而軒

輕之是以二酋各求勝而內向益堅也夫釁之

始也起於諸酋之相攻而卒成叛故今之轉逆

為順也不得不和諸酋而消其釁端今四酋釁

消而且次第入

貢矣那卜二酋且願補十五年之

顧司馬奏議

卷之十六

二十六

三九三

貢矣建州酋之

貢已先入矣善後無遺事而東陲可宴然矣此則

臣等所藉手以報

皇上者也若夫向者首功又安足多也此非臣之能

也

內閣輔臣遺書誨語之所諄諄也本兵大臣督臣

飛檄之所綏綏也科臣建議之所惓惓也按臣

面商之所懇懇也大帥則以不殺善其始兵吏

則以苦心成其終而臣無足稱焉臣故曰非臣

之能也然非

皇上俯容督撫等官相機行事則何以有今日哉夫海西之事前此兵吏非不言撫也而不以誠故酋皆不信亦非不言剿也而不能斷故亂竟釀成其於機遠矣由此觀之馭東夷之畧蓋可觀已當撫而不撫是不仁或事姑息而託於撫將啓戎心是又欺也非所以普皇恩也當剿而不剿是不義或好功名而託於剿將開邊釁是又欺之甚也非所以宣皇威也總之相機之

旨今日奉之以成功將來守之為妙用是體

顧司馬奏議

卷之十六

二十七

三百四

國安邊之臣所宜洗心服膺而相傳不朽者也及查効勞員役除開原叅將中軍三萬衛都指揮僉事申克寬右哨千總本衛都指揮使佟應詔前哨千總本衛指揮同知管應律本衛指揮僉事孫策安樂州指揮僉事李彥遼海衛百戶皇甫受海州衛百戶高尚仁七員通事陳天福謝安高應魁李承武四名容臣等分別獎賞不敢瀆聞外若開原兵備叅政成遜心誠才裕應變不窮臣未至而持其危既至而資其議既去而要其成

功當首叙開原叅將吳希漢勇足當鋒智能料敵外整兵以威虜而內以協道臣之謀功當論次但二臣者已蒙陞

賞無容再議所當紀錄者也若開原備禦王汝徵者機圓口辯百慮能周持長短用剛用柔緩頰鼓唇以籠絡諸酋者非汝徵誰其任之且每有機變與諸人言多不省而汝徵即解此一臣者善後之勞居多所當加以遊擊職銜照舊管備禦事以終其績者也開原兵備道中軍三萬衛指揮使王守官鎮靜有謀傳宣得體鎮北堡提調遼海衛指揮同知李尚德威讐犬羊信安反側先守鎮北堡三萬衛署指揮僉事皮承德守堅孤壘辯折驕酋今守鎮北堡安樂州百戶王應期設備無虞提兵有要以上四臣均當賞賚紀錄以為勸者也伏乞

勅下兵部將成遜等再加查議

題覆及將臣等善後事宜仍行巡按御史查勘稽積案詢輿論審諸夷情問諸開原父老考先後之得失辯撫剿之機宜使馭夷之要畧臣等之心事較然白於

顧司馬奏議

卷之十六

二十八

朝廷之上士大夫之間東陞幸甚臣等幸甚為此
具本謹題請

旨

顧司馬奏議

卷之十六

十九

冲庵顧先生撫遼奏議卷之十七

通州 益卿顧養謙著

疏

甄別練兵官員

題為甄別練兵官員以昭勸懲以勵人心事據山
東布按二司整飭金復海蓋兵備管苑馬寺卿
事按察使郝杰分守遼海東寧道兼理邊備右
叅政栗在庭整飭開原兵備右叅政成遜分巡
遼海東寧道兼理廣寧等處兵備副使鮑希顏
整飭寧前兵備僉事王邦俊各呈將分隸營伍

顧司馬奏議

卷之十七

簡練過兵馬器械分数及各練兵將領備守等
官分別勤惰回報到臣又准鎮守總兵官寧遠
伯李成梁手本將督查過各營將領等官練兵
分数分別等第回復到臣准此案照萬曆七年
八月內准兵部咨為土酋屢挾貢市遼鎮孤懸
可虞懇乞

聖明申飭兩鎮邊臣協心防禦事該前任巡撫都御

史周 等會

題條議練兵該本部覆議看得所題大率謂該鎮
兵馬惟正兵一營簡練已成数苦不多各營將

領雖經簡練率多未精欲照近議於七月中旬責令總兵官親詣各營閱視年終督撫稽覈分數多寡考其將領道寺勤惰深得責成之法合無依其所擬咨行該鎮督撫衙門查照所議行令總兵官於七月內親詣各營點視要見軍丁馬匹果否精壯盔甲器械果否堅利務在略去虛文幹理實事督率查閱一如正兵選練之法中間將領有簡練無效者輕則懲戒重則叅究每歲終即以練兵分數多寡分別各官勤惰聽督撫舉劾懲勸等因題奉

顧司馬奏議

卷之十七

二

三

欽依備咨前來已經通行各兵備道轉行各將領等官欽遵查照簡練及會將正兵營盔甲臂手弓箭腰刀撒袋每營各發一件立為式樣行令照式修整又每營每季酌給操賞銀兩責成各道監督簡練除萬曆十五年已經分別會

題外今照萬曆十六年又該總兵官李成梁親驗及委官查點去後今據前因臣會同總督薊遼保定等處軍務兼理糧餉都察院右都御史兼兵部右侍郎張 查據各營簡練實數叅以上年點驗舊冊各將領等官之勤惰蓋有莫可掩

者除新任與增練不多怠玩未甚者臣等量行分別獎戒不敢槩瀆

聖聽外查得廣寧正兵營并各路副叅遊擊守備備禦各官一年之內或訓練精壯增補兵馬或增造軍器修整器械數多者如廣寧正兵營哨探右都督副總兵李平胡前鋒加銜副總兵李寧選鋒左營加銜遊擊唐伯美督陣原任副總兵秦得倚標下中軍原任遊擊張世爵坐營中軍吳嗣勳管前鋒裏降夷所守備高良弼前鋒哨探營加銜備禦李繼武選鋒中營加銜備禦高貞廣寧備禦張朝勳正兵營旗鼓官臧文綵勇各冠軍氣俱無虜遵大帥之號令直前而不顧死生練衆卒之精神赴急而可蹈湯火歲歲著擒胡之績人人懷報

顧司馬奏議

卷之十七

三

三百五十三

國之忠又如遼陽協守副總兵姚大節寧前協守副總兵王維貞管海蓋叅將事加銜副總兵孫守廉管正安堡車營遊擊事叅將郭夢徵寧遠叅將祖承訓復州叅將佟養正開原叅將吳希漢寬奠叅將陳嘉寵鎮武堡遊擊將國泰中右所遊擊栢朝翠中後所遊擊楊紹祖瀋陽遊擊

金承武遼陽車營遊擊王印錦州遊擊蔣位管
 義州叅將事遊擊王紹芳管開原備禦事加銜
 遊擊王汝徵清陽堡備禦劉維藩長勇堡備禦
 母承宣鐵嶺備禦崔吉西平堡備禦楊紹先蓋
 州備禦王綬寧遠備禦葛逢夏懿路備禦彭國
 珍中固備禦宿振文清河守備佟養中義州備
 禦李都慶雲堡備禦裴邦瀚中前所備禦亢思
 恭撫順備禦張三畏鎮靜堡守備戴良棟廣寧
 右屯備禦陳志慶處據兩河之要害人人選百
 衆之豪雄聞警赴援如首尾中之必應隨管用

命若身臂指之相通二協並著於東西諸將各
 修其部曲以上諸臣俱練兵克勤所當薦揚錄
 用以示勸者也又查得整飭金復海蓋兵備按
 察使郝杰慷慨臨戎忠誠任事練卒得熊羆之
 旅考收收駮札之良勤賑恤而全遼之元氣以
 培修城堡而兩河之腹心以固功高保障才裕
 拊膺分守邊備右叅政栗在庭沉毅有執精敏
 好謀談邊援今古而疊疊不窮製器足守攻而
 種種盡善諭建酋獻逆虜之馘保東陲開直道
 之邊駕馭長才安攘大略整飭開原兵備右叅

顧司馬奏議 卷之十七 五 三百七十

政成遜智能應變明足燭姦稽嚴嚴而餉不虛
 糜奇美多而士因宿飽撫夷已輸誠於內向大
 兵可不試於東陲籌畫當機鎖鑰堪寄分巡兵
 備副使鮑希顏鎮靜有體寬裕能容舉安邊之
 要畧而修守嚴發侵餉之巨姦而法紀肅遇游
 饑救荒有策當大虜應猝無難邊塞長城
 國家重器整飭寧前兵備僉事王邦俊厭浮俗素
 秉實心處衝邊動修實政新設將而更張營伍
 已曲盡其調停乍革餉而搖動軍情益深賴其
 安集才猷遠大問學淵深此五臣者俱應紀錄

以需大用者也又查得蒲河備禦趙之牧材武
 擅場精敏罕儷處衝邊已及四載慎守官不易
 初心金州守備王善政安靜不擾明達有為增
 險隘而垣墉屹乎高堅儲戎器而鎧甲煥然整
 飭以上二員在趙之牧年資已深才力並茂以
 未有相應員缺獨覺久淹在王善政才守甚著
 拔置宜先以經手海運事繁當留終績俱應加
 遊擊職銜以勵其志仍候遇缺推用者也如正
 兵營督陣鐵嶺衛指揮使李有華張子百發不
 虛遇敵千人獨往搗穴每身先馳騎推鋒輒手

顧司馬奏議 卷之十七 五 三百七十

斬強胡本官從征已十二年臣等居常與鎮臣
 論大營將才自李平胡李寧李興之外次即及
 有華今李興死難乎其繼即以有華督其營伍
 且其年勞最久衆所推服應量加備禦職銜以
 便統率而造就於將來者也原任遊擊今革職
 劉崇正素閑邊務尤熟夷情每折市虜以片言
 曾却強胡之十萬蓋崇正起家行伍以親斬首
 虜至副千戶以部下捕斬至都指揮使歷官鎮
 靜堡守備守關門撫市夷最久推陸高平遊擊
 以虜入犯高平具報殺虜人口不實臣等恨其
 欺也而叅論之然督率修工未嘗沒其勤以寡
 禦衆未嘗沒其勇緣衝邊用人不無有所惜於
 崇正者而至革其流官又盡削其實職不復錄
 其生平之勞真足以明罰而為欺蔽者之戒矣
 第市夷所信服惟崇正為最去秋虜擁十萬騎
 壓關門意欲挾賞如宣大其勢甚張鎮臣整兵
 以待臣等令沿邊將領嚴守備而令通夷語員
 役諭虜以利害不少假借虜竟遵我約束入市
 而去而內境秋毫無犯者崇正之力居多也臣
 等嘗以為虜不入而將士無功乃邊氓之實福

顧司馬奏議

卷之十七

六 三百七十一

此之為功不數首功此之為力亦不數強兵數
 萬而不敢一疏
 聞者恐蹈誇詡之誚也今與事之臣如叅將郭夢徵
 遊擊蔣位守備高良弼戴良棟等皆見任事向
 用而崇正獨依然一卒非所以酬勞而示勸矣
 臣等昔不敢蔽其罪而今不敢掩其功也若劉
 崇正者所宜量復其守備職銜以便撫夷而責
 後効者也原任遊擊吳大績志欲吞胡才能集
 事發大砲開原之績已著練火器孤陞之效可
 臻應俟臣等具
 題錄用者也又查得各營中軍千把總等官如正
 兵營前鋒裏家丁右哨千總安樂州都指揮使
 李尚仁前鋒擺撥哨千總鐵嶺衛都指揮僉事
 金尚禮前鋒外家丁中營中軍鐵嶺衛指揮同
 知詹鞠養中軍哨千總定遼右衛都指揮同知
 趙栢前鋒裏家丁左哨把總蓋州衛正千戶鄒
 添福前鋒裏家丁右哨把總廣寧左衛實授百
 戶徐義已經臣等屢薦或勇敢止宜於大營者
 俟再積功勞而加銜委用或才猷尚堪以專任
 者俟遇有員缺而會擬題

顧司馬奏議

卷之十七

七

三四十一

請俱不復署考外如正兵營前鋒裏家丁左哨千總
廣寧右衛指揮同知馮文用貌偉氣雄藝閑志
銳勞已積乎八載名頗著於一軍前鋒外家丁
左營左哨千總義州衛指揮使雷應坤斬級素
多督戰尤力功名則身自致勇敢則衆所推選
鋒左營中軍蓋州衛指揮僉事卞世強年少有
膽力強善射志頗切於功名才已練於行陣選
鋒右營右哨千總鐵嶺衛都指揮使熊鑰矢志
從征射素優於貫甲挺身赴敵勇每著於登先
選鋒中營中軍鐵嶺衛都指揮同知李世勳昔
曾守堡衆皆服其不苛近取隨營人已稱其善
射選鋒中營中哨千總鐵嶺衛都指揮同知俞
成功力能挽強巧堪破的當鋒矢石不避練卒
部伍可觀右哨千總廣寧左衛指揮僉事羅九
成才識精敏技藝優閑執旗號令嚴明總哨戎
機曉鬯前哨千總義州衛都指揮使陳一諒謹
不喪守動不辭勞束營兵深得人心練火器足
寒虜膽中哨千總廣寧右屯衛都指揮僉事閻
爭坐大營領哨征防備歷險艱右屯督工日夜
不辭勞苦火器哨千總廣寧左屯衛指揮同知

顧司馬奏議

卷之十一

八

三十七

王評年青志潔才練技優干城之寄可堪箕裘
之業克振前鋒裏家丁左哨把總金州衛指揮
使張九叙騎射優長膂力強壯舍九矢而貫革
策匹馬以櫻鋒選鋒左營左哨把總廣寧中屯
衛指揮同知張王年力富強膽氣精銳雅負滅
胡之志不忘報父之讐右哨把總廣寧左衛指
揮使徐純美精敏有識動慎多能訓練熟於戎
機奔走勇於任事右哨把總廣寧左衛指揮同
知傅廷立通練甚有吏才醇謹守其家教元是
青衿之舉首今為武弁之白眉遊兵左營中軍
廣寧中屯衛都指揮同知王汲廉能恤士力足
兼人忠勇不墜家聲動敏克閑邊務開原兵備
道中軍三萬衛指揮同知王守官狀貌魁偉膽
力梟雄衝邊可使當鋒處囊終堪脫穎遼陽義
兵營中軍定遼前衛武舉署指揮同知王之翼
熟諳韜鈴素嚴操守才長於訓練功著於督防
海州叅將營中軍本衛指揮僉事張棟才優幹
理識達機宜修防慮謹徹桑簡練志存橫草本
營中哨千總海州衛武舉署百戶王世榮清謹
之操醇雅之度脫身還自沙漠談胡能悉情形

顧司馬奏議

卷之十一

九

三十七

寧前道義兵中軍寧遠衛署都指揮僉事王宗克英姿颯爽壯志雄飛出奇頻斬強胡選銳每摧勁敵寧遠叅將營中軍寧遠衛指揮使董耀威熟知邊務通曉夷情修防備歷艱辛追逐屢能捕斬寬奠叅將營中軍定遼中衛武舉署指揮僉事鄭重貌偉不群志潔有守曾中素諳韜畧塞上可倚干城遼陽營選鋒千總東寧衛指揮僉事李建邦內行能修鄉評甚重引強可以命中搗穴屢有首功開原叅將營後哨千總三萬衛署指揮僉事皮承德三寸懸河一身是膽

顧司馬奏議

卷之十七

十一

三百七十

守堡已稱勞績領哨益見才能本營中哨千總三萬衛指揮使劉大宗貌不踰中人勇可當強虜素挾穿楊之技兼稱茹檠之操本營前哨千總三萬衛指揮同知管應律任事動慎較藝優長簡閱士馬精強督造甲兵堅利鐵嶺遊擊營右哨千總本衛指揮使李元相年力強壯騎射熟閑訓練早著能聲操持更多清譽守熊岳堡蓋州衛武舉署指揮使文濟武丰儀秀整意氣發揚居官志切修名守堡事成務實守撫六堡三萬衛正千戶鄭一道恪遵家教謹守官雅

顧司馬奏議

卷之十七

十一

三百七十一

志存乎建功惟材終當賞拔打造軍器委官定遼後衛都指揮使葉賁存心謹實歷練老成管中軍井井有條造軍器種種適用以上諸臣均應紀錄以俟遇缺推用者也又查得正兵營督陣加街遊擊李某市井小人衣冠大盜委署義州營務惟知貪利自肥任旗牌劉可進為爪牙橫張暴雲倚家人李得保為心腹大肆誅求壓買糧米而騷動乎屯軍借言查點而苛罰乎邊堡出邊伐大木四十餘根已犯條例矣雖弓箭腰刀毬皮之類亦滿載而歸占賣養廉糧三百餘石噴有煩言矣雖皂靴絨襪麻線之類亦盈囊而取查其科歛大安堡軍柳伯松等賊銀共一百數十餘兩已犯遼東等處沿邊地方副叅遊等官科歛軍人財物賊至百兩以上降一級改調煙瘴地面帶俸差操之例該臣發分巡道寔問備細招冊見存但遼左戰地也二千餘里之間苦於人少而難為守今四方充發之軍多發遼左遼左應發各邊之軍臣等尚欲特請而填實寧前况久經戰陣之官一旦發之煙瘴地面風土不宜未必不率其妻子病苦以死是於

彼中無益而遼則失一堪戰世官矣臣等以為應將李某遊擊職銜併身自斬獲功級悉行查革仍於其祖職副千戶再從重降級姑發原衛帶俸差操以為武弁貪縱之戒者也原管前鋒外家丁中營加銜遊擊鐵嶺衛都指揮使秦某出身本自家丁溢官不修名檢賣丁歇役詎知尺籍之空虛剝衆肥家不顧部卒之嗟怨營利則令佟繼美等各領低銀有差責其厚息索雜糧千石被告亦屬有因宣滯則姦占謝大姐見其事發難掩配與家丁出扇馬一匹人言不為

顧司馬奏議

卷之十七

十二

三十五

無據仗勢虐下軍士久已寒心以卑凌尊僚屬共為側目查其役占家丁林和等六名賣放家丁張松等八名已違役占賣放備邊壯勇之例但其驍勇絕倫遇虜敢戰大將深惜之所當革其遊擊職銜併查例降級仍令隨營立功者也蓋遼左大營將領其功勞比之他處固為獨多而

朝廷所以待之則亦不薄其流官大者至副參將遊小者亦為守備備禦其實職則自指揮千百戶而上至都指揮使者不知其凡幾也人人有

功則人人蒙賞加銜加級何歲無之若有功則賞而有罪不罰何以示勸懲不肖者與賢者並容何以明趨舍如李平胡之忠勇樸茂恬然安貧絕無外慕之心李寧之慷慨公誠了然大義且有先機之智此二臣者真無可議臣等何嘗不敬愛而優禮之培植

國家人才以共圖邊疆大計臣等之職也亦臣等之心也乃若李某秦某之輩盡託言於用勇去貪任其縱而不之懲彼且自挾其勇以為有賞而已罰所不得加驕悍日甚上之弁髦法紀下

顧司馬奏議

卷之十七

十三

三十六

之魚肉軍丁急則釀成禍亂者必此輩也故臣等不敢以姑息而使

朝廷之法不行於若輩也又查得長安堡備禦潘陽中衛武舉署都指揮使王某器本斗筲欲如谿壑守官碌碌三年不見寸長嗜利營營四堡動多煩擾指稱科歛則王賽等銀三十兩馬元等銀十一兩悉入私囊役占軍丁則蔡寅等之造漆器張成等之造木器俱充家用令許成等赴莊種地豈是屯田調張銳等出境捕魚無非網利此一官者操守已壞驅策難前所當革任

回衛差操者也所有前項員缺急宜推補又查得潘陽營中軍東寧衛武舉署所鎮撫高應選發跡武科留心營務三軍之氣能振一面之寄可當正兵營中軍背把總廣寧後屯衛指揮同知胡澤貌偉氣雄機圓事練力戰功勞甚著通才邊腹皆宜以上二員俱堪推補長安堡備禦者也再照遼左將領率用遼人以其習於戰鬥也不易推之他鎮而大營將領多起行伍以其短於政事也又不易推之外城故外城將領年勞最深而不得調者稍議加銜以免其積薪之

顧司馬奏議

卷之十七

十四

三百五十一

嘆大營將領操征最久而不得用者亦稍議加銜以慰其伏櫪之嗟此事理人情不得不然非巨等敢假名器以市私恩也獨不宜濫及如近日科臣之議慎之又慎耳或又於賞罰進退之際不少假借耳若窮年一官於胡虜之衝而不得進跬步終身一枝於鋒鏑之下而不得沾虛名何以鼓舞壯士為孤陸效用哉此遼鎮加銜一節所當申明者也伏乞

勅下兵部將巨等所議再加查酌
題覆施行為此具本謹題請

旨

類報邊情

題為類報邊情事萬曆十七年四月初一日據分巡遼海東寧道蕪理廣寧等處兵備山東按察司副使鮑希顏呈本年三月二十八日申時准管義州叅將事遊擊王紹芳手本案照節蒙總督撫鎮衙門咨文牌案及准本道火牌俱稱節據關西喜峯等路并山海及本鎮各路副叅遊備等官王維貞等傳報土蠻等會兵要在廣寧錦義寧遠等處講要比照宣大馬市

顧司馬奏議

卷之十七

一五 三百五十三

督加謹防禦又准本道手本蒙撫院憲牌照得民間耕種之際恐虜賊搶掠耕種人畜請行加謹哨瞭責令千把總守堡等官帶領官軍家丁隨處防護等因本職遵依分撥把總楊應元帶領選鋒外家丁五十名設防大定堡本官下管隊陳守節帶領家丁五十名跟隨守堡張盤貼防大安堡步哨把總趙應旋帶領步軍五十名設防大康堡家丁把總百戶朱永受委督裏家丁指揮潘應商帶領家丁八十名設防大平堡至本月二十五日據義州備禦李都呈二十四

日午時據守大平堡百戶林有陞差夜不收姚國付報稱二十三日夜有達賊二三十騎不知從何地方進入深至堡西腹裏并家溝臺甲軍知覺前賊即於本堡鎮遠衝臺出境順擄鄰臺墓山新臺墩軍一名黃老漢並無擄掠別項人畜本日巳時李都又據大寧堡出哨夜不收金三兒報稱哨至黑鷹山臺空見達賊蹤跡約有二三十騎順邊徑奔右隣大平堡地方去訖本時分本職又據太平堡夜不收汪四兒報稱有貼防把總朱永受等於卯時分據出哨夜不收

顧司馬奏議

卷之十七

十六 三十一

陳守良報稱達賊出境二三里在燒荒山頂上站立許久方纔回去朱永受等據報前賊不遠挑選好馬家丁追趕出境去訖本職恐朱永受等墮賊誘計一面差夜不收官謝應召帶領夜不收陳加友等星飛追趕朱永受等一面帶領本部官軍馳赴大平堡應援於午時分馳至鎮遠衝邊牆下見朱永受等挑下弱馬家丁并守堡官林有陞帶領本堡步軍在邊接應本職責令旗牌方世明監督林有陞并步軍回堡及宿本臺甲軍王官回補五員時分止見達賊二十

餘騎從牆裏往外奔走在燒荒山頂上站立一會往西下去又有六七十騎在牆外分為三枝亦在燒荒山下并石夾子溝掩伏至天明時各俱往西去訖前賊去不多時潘應商不聽王官等稟報就趕追出計此時約走二三十里本職知係被誘復差夜不收趙子良等跟趕續據本役回稟趕至牆外三十餘里地名王伯山岡迎遇在陣走回家丁韓世祿等說稱朱永受等在賈家莊窠撞遇伏賊突起不知多少將家丁衝散我們跑來本職見得賈家莊窠離牆五十餘

顧司馬奏議

卷之十七

十七 三十一

里樹木稠密孤兵不敢前進在牆張疑接應至申時分有備禦李都帶領兵馬亦至本堡邊牆策應其前賊趕散家丁姚達子等俱從各邊隘口陸續分投進入查得未回營被賊趕散死傷指揮潘應商把總百戶朱永受二員原撥設防家丁徐良朋等二十五名并潘應商等臨時隨帶在城及分撥狗河寨防種家丁張天伏等一十四名原趕朱永受等夜不收陳加友等二名擄去城堡遠哨夜不收沈世舉等二名共計未回官丁夜不收四十五員名射死官馬一十一

匹擄去官馬六十一匹盛甲各三十七頂副被傷家丁楊奎等一十九名續據二十四二十五二十六二十七四日各邊隘口進入家丁劉得名等五十六名稟稱朱永受潘應商被賊誘至賈家莊窠突起達賊先約有二三百騎前來衝敵朱永受等督率家丁齊力射斫連衝數陣從西北又來伏賊約有四五百騎官丁力不能支四散跑走騰山鑽林掩藏夜間聽得達賊營內哭聲震動必有互相死傷但四日內尚有回營家丁未知盡否存亡緣係未經回營人數不敢

顧司馬奏議

卷之二十七

十八

三十一

隱報欲再待各丁進入恐稽遲日期先行移文到道看得督防把總百戶朱永受指揮潘應商出境追賊致墮誘計軍丁半回半沒實各官輕敵而妄進二官死何足惜但事關邊機軍威何由而振耶可憫可恨除候本道親詣查確另報等因到臣又據管義州叅將事遊擊王紹芳呈報相同據此案照本年正月二十三日據整飭寧前兵備僉事王邦俊呈據中後所遊兵營中軍指揮何承勳呈據守高臺堡指揮陳為國呈本月十八日卯時據原差出哨夜不孫文舉

報稱寅時分境外達賊三十餘騎徑奔本堡地方乘黑進入本職即差孫文舉等分投走報間有預撥本堡設防把總許仲守帶領官丁五十員名順壕往堡西哨探至戴家嶺臺西空前賊從壕外林內突起許仲守督率官丁過壕奮勇衝斫斬獲首級三顆得獲達馬六匹并盛甲各一頂副及夷器零件被賊斫射傷軍丁孫世平等九名射死官馬七匹射傷五匹餘賊敗奔山林去訖等因又據本道呈據寧遠叅將祖承訓火牌差夜不收陳南益報稱本年正月二十五

顧司馬奏議

卷之二十七

十九

三十一

日申時據守白塔谷堡百戶鄧國臣差夜不收唐銀稟報本日未時分有達賊五十餘騎徑奔白架山臺西空進入各臺舉放煙砲鄧國臣一面差唐銀等分投走報一面與叅將營預撥設防隊總李尚得等各帶領馬步軍丁出堡擺列前賊深至堡後莊窠嶺撲掠樵柴人役鄧國臣督遣李尚得率領有馬軍丁各用槍砲火箭射矢直前衝斫斬獲首級一顆得獲夷器零件射死達馬三匹被賊射斫死家丁一名王仲春被傷陳祥等四名射死官馬八匹射傷九匹賊從

原路出境去訖等因又據本道呈據協守寧前副總兵王維貞火牌差夜不收梁文昇報稱本年正月二十八日申時據三山營堡原差出哨夜不收張舟報稱境外達賊百十餘騎徑奔堡北大古路口臺東空進入各臺舉放砲火守本堡千戶張世臣督軍擺守堡城仍差張舟等分投走報王副總兵并遊備等官領兵追襲四集賊見即時退從原路出境時有本堡設防協守營家丁百總王武等奮勇追趕出境到於地名大孤山離牆三十餘里前賊復回迎敵衝斫一處斬獲首級四顆得獲達馬一十六匹并盔甲各二項副及夷器等件被賊射斫傷家丁牟仲儒等五名射死官馬七匹射傷一十三匹等因本年三月十四日又據分巡道副使鮑希顏呈本日申時據坐營中軍吳嗣勳火牌報稱蒙巡撫顧都御史會同鎮守李總兵計料前賊調兵聚眾聲犯挾賞雖頻年故態其勾引誘聚實把兔兒等首導之今春深草茂得以驕驕先機發兵預奪其壘以伐狡謀土蠻等首聞風亦自斂戢隨將正遊二營挑選精銳兵馬一千二百騎

領司馬奏議 卷之十七 二十七乙

令副叅遊擊李平胡李如栢李寧塗寬秦得倚史儒劉仲文致仕副總兵李得全親兵官李如梅督陣官李有華備守高良弼李繼武高貞帶領千把總馮文用等官軍牽騎馬匹隨帶火器於三月初十日申時從鎮遠堡舊岐山臺東空出境且哨且行十二日申時據李平胡等差把總魯友時等報稱職等行至地名長安革兒離牆約三百餘里適遇驪路先鋒精兵達子即來迎敵李平胡等申嚴號令督率官軍家丁降夷各用槍刀弓箭火器一擁衝斫混戰一處賊見勇猛難支退怯奔逃我兵黑夜又兼河溝陷泥馬不能渡在陣斬獲首級四十一顆內降夷卜向化把漢等認出李繼功斬賊首管代一顆得獲達馬四十三匹盔甲各三十八項副臂手一十九副并夷器等件陣亡官一員李有榮被傷官軍家丁降夷趙維藩等九員名射死官馬四十八匹兵馬於十三日申時從鎮安堡岐山臺西空進境等因本年四月初七日又據分守遼海東寧道兼理邊備山東布政使司右叅政栗在庭呈准協守遼陽副總兵姚大節潘陽遊擊

領司馬奏議 卷之十七 三十一 三十三

金承武各火牌報稱先蒙撫鎮牌帖并准本道
手本通行各官嚴謹備防護耕種屯民遵依
會同本道分撥千把總馬九阜等赴各堡屯駐
防姚大節與車營遊擊王印各亦駐適中長安
等堡截剿本月初三日巳時據瀋陽長營堡夜
不收張二稟報本日卯時分達賊約三百餘騎
從本堡北沙揭臺水口進入分為二枝一枝徑
奔本堡二門與設伏把總趙烈等衝敵一枝約
百十餘騎順李官兒屯徑過渾河奔遼陽長勇
堡界蘇胡子堡當有本堡設防家丁千總馬九

領司馬奏議

卷之十七

三十三

三十三

阜即整兵掩伏俟其半渡一擁突出向前混斫
一處斬獲首級四顆得獲達馬一十四匹并盈
甲夷器等件射傷家丁周文紀等九名并官馬
八匹又有金承武與瀋陽備禦李新芳各領兵
合營馳追至李官兒屯前賊遙見即來迎敵金
承武督率官軍各用槍刀齊力射斫死傷達賊
數多俱被鉤馱去訖在陣得獲達馬四匹陣亡
家丁一名金伯隆被傷金尚禮等一十七名射
死官馬三匹賊見各兵勇猛退從堡南馬門出
境去訖等因各呈報到臣除首級聽巡按衙門

紀驗馬匹夷器給賞原獲之人陣亡被傷官軍
家丁降夷酌量優恤并各地方有無別項失事
仍行各道查勘外卷查先准軍門咨為將情虜
驕邊情易壅謹酌議

奏報事例以祛積弊以肅邊防事准兵部咨該兵
科都給事中張希阜等題該本部覆議移咨各
邊督撫衙門嚴行文武將吏一切大小夷情多
方偵探隄備除零寇竊邊微有跡失者照常年
終類報外若或聲勢重大虜掠數多如擺腰段
柰等事不時

領司馬奏議

卷之十七

三十三

三十三

奏報一面聽按臣查勘一面聽督撫處分其將官
報不以實者按臣先行查叅以治彌縫欺隱之
罪虜情事在可處者督撫便宜行事務酌操縱
緩急之機俟督撫處治停妥之後按臣分別功
罪以

聞如科臣所謂無事苛責不至掣肘則虜情不得以
肆其要挾而將吏不得以恣其隱蔽矣等因題
奉
欽依備咨前來欽遵外今據前因該臣會同總督薊
遼保定等處軍務兼理糧餉都察院右都御史

兼兵部右侍郎張

鎮守總兵官太保兼太

子太保寧遠伯李成梁議照今歲入春以來胡馬漸肥兩河之間往往窺竊賴我沿邊將領防禦甚密屢獲首虜雖無幾何亦足以示我有備而挫虜之氣若鎮遠堡出塞之役不過選銳卒千二百人馬則倍之臣以為偏師疾馳則大將不宜輕出乃止鎮臣李成梁而以其子李如柏與李平胡李寧率諸將士以往李平胡等出及百五十里之外馬有疲不任馳驟者則令二百人驅而還而以千人人各兩馬用降夷為耳目取便道而前及偵得虜諸將士皆趨利欲俱發而如柏平胡寧三人者皆不可曰孤軍深入無援今遇敵而俱縱則馬力必窮有如大虜起而乘我我何以應之且棄馬必不少矣於是以前六百騎視形便止為營如柏掌之而平胡寧輩馳四百騎前迎敵竟斬虜梟騎四十一級而還而少失馬者此三人之力也凡與虜鬪人恃甲冑馬必先多死傷而遼左家丁之馬價以二十金若失亡多其所費價動以萬計矣當此帑藏無贏之日徒聽將士趨利而弃物價猶之士

顧司馬奏議

卷之十七

二十四

三十七

首苟有體

國之心者所痛恤而不忍聞也故臣等於是役不多其首功而感三將之能惜馬圖萬全也乃不意後十有二日而有義州大平堡之事初傳虜之將近塞也臣等申飭之非不嚴遊擊王紹芳分防之非不密臺軍王官等瞭望之非不明而督防指揮潘應商不聽將令不信臺軍伏虜之言與朱永受徒以百騎輕出遠追而大平堡去義州十八里而遠及報至義州王紹芳統兵馳來則往已三十六里是時應商等出已久紹芳恐墮虜計遣人追之未及而已陷虜中矢臣審陣前脫歸之卒言追虜時朱永受覺已遠數欲還而潘應商惡其怯大罵之遂前陷虜永受應商度不能脫與軍丁數十人殊死戰兵盡矢窮而虜益集數十人皆呼罵應商陷我而死則是敗也其為潘應商之罪較然明也然應商志在創虜而竟以身死其視遷延縱寇逃生而償事者有間矣臣等以為若潘應商者仍應與戰死李有榮朱永受一體恤錄者也伏乞勅下兵部查議轉行巡按御史將前項獲功陣亡官

顧司馬奏議

卷之十七

二十五

三十八

軍家丁照例酌議陞賞恤錄與賊犯出入地方
有無別項失事隱匿情弊通行覈勘明實分別
功罪徑自具

奏施行為此具本謹題請

旨

顧司馬奏議

卷之十七

二十七

六十一

缺乏錢糧懇飭臣工協心體國以足經用
奏為錢糧百分缺乏乞

申飭中外臣工協心體

國以足經用事該遼東管糧郎中周文卿會同整
飭金復海蓋兵備管苑馬寺卿事按察使郝杰
分守遼海東寧道兼理邊備右叅政栗在庭整
飭開原兵備右叅政成遜分巡遼海東寧道兼
理廣寧等處兵備副使鮑希顏整飭寧前兵備
僉事王邦俊將萬曆十五年起至十六年十二
月終止收放各項錢糧分別舊管新收開除實

顧司馬奏議

卷之十七

二十七

三十四

在數目內開實在主兵銀一十四萬二千四百
一十七兩八錢四分零客兵銀七萬二千七百
一十九兩八錢七分零造送文冊到臣案照先
准戶部咨前事備咨前來煩將該鎮萬曆十六
年主客兵馬錢糧查照節次題

准事理先列歲額次開管收除在其歲額比上年有
無增減明白開具數目仍將主客用過正項并
將催過民屯益引錢糧比上年省費多寡各若
干俱要從實開報其餘各項事宜查照上年事
規依期

奏報前來以憑具揭

進呈

御覽等因又准總督蒞遼保定等處軍務兼理糧餉

都察院右都御史兼兵部右侍郎張 咨同

前事准此俱經行仰各該守巡兵備道及廣寧

通判張守愚轉呈管糧郎中周文卿查取造報

去後今據前因臣會同總督蒞遼保定等處軍

務兼理糧餉都察院右都御史兼兵部右侍郎

張 議照遼鎮糧餉通計本折之數一歲正

額不敷一歲支放往往預支半年以為常如十

顧司馬奏議

卷之十七

三十八

三十四

六年下半年支放乃十七年上半年額餉十七

年上半年支放則本年下半年額餉也查得十

六年終全鎮分發之數在分巡道大營領餉至

十一月止錦義右屯及廣寧邊堡至八九月不

等止海蓋寧前二道俱至十月止開原道至八

月止分守道至閏六月止中間蒞鎮應撥十五

年新增銀三萬兩未至寧前修邊行糧一萬八

千兩部留未發按臣紙贖充餉銀三千兩已經

題減一千兩通計歲額內少銀四萬九千兩臣等

與管糧郎中不得不視緩急通融支給而連歲

所運天津漕糧六萬石每石部止扣銀六錢臣

等酌量本鎮時價及運米脚費風波損失之數

每石初作銀一兩二錢後俱作銀一兩視部扣

留銀三萬六千兩大約可多銀一萬數千兩俟

完日另查

奏報本鎮監糧照時估給商米一石價銀多至二

兩八錢豆一石多至一兩七錢而給軍則與本

色屯糧一例照石支放遼餉折色以四錢為率

是官費銀二兩八錢買米一石一兩七錢買豆

一石而給軍並作四錢不無太虧

顧司馬奏議

卷之十七

三十九

三十五

國帑矣臣等酌量各地米價之貴賤軍情之緩急

而與各道為之調停河西分巡寧前二道鹽屯

米每石俱與漕糧一體作銀一兩鹽屯豆每石

俱作銀六錢河東分守道鹽屯米俱作銀八錢

豆仍作銀四錢海蓋道鹽糧米作銀一兩豆作

銀六錢而屯糧止照舊例蓋南衛支折色之月

每石止二錢五分而去歲之災南衛為甚故稍

以本色補之開原道為全鎮極邊災甚而方用

兵故鹽屯米豆悉照舊例大都河西米豆之價

視河東稍加重焉以海運漕糧悉發之河西河

西軍士沾惠為多而勢不得及河東也此中所樽節蓋不少矣前項漕糧及屯塩米豆與預借半年之餉相兼分發各該軍丁少者尚不敷數月多者如守道所轄尚不敷半年安得於十六年終尚餘主兵銀一十四萬二千四百兩有零客兵銀七萬二千七百兩有零為各庫實在之數也緣去歲之餉十月盡方至及分發各道已為十一月而營堡有造報部道有稽查然後管糧即中定坐放之數各道發應支之票文移往還動經旬月則已迫歲終矣是時全鎮官軍歷

顧司馬奏議

卷之十七

三十一

三百七十一

過糧餉遠者已幾一年近者亦逾半載或以支票未到而尚留在庫或以權宜救急而印領先給支票未到而尚留在庫者庫簿既註為實在印領先給而支票未到者庫簿亦不敢開除是以實在項下若見其有餘而實皆半年以前歷過之餉也臣等稽覈裁減不遺餘力非不有所節省亦安能補從來不敷之一年半載近來虧額之四萬九千乎惟本折坐放一節舊規屯科塩引錢糧徵納完日必俟管糧即中委官查明然後坐派某月本色某月折色即以報部此其

職掌當然也而遼左豆過五月輒黑腐不可食米穀亦防陰雨沍爛連年饑饉各道之臣當責黃不接之時查在倉本色隨宜給放一以濟軍士之急一以免沍爛之患誠為公私兩便而管糧即中坐派本折定數則已報部矣各道之臣往往文移請改而已無及矣故部臣若以為道臣擅權而不知其應從便計道臣若以為部臣掣肘而不知其未有前聞彼此數目參差往來駁正歸一頗費事矣臣等所以

奏報羈遲亦坐是也竊以為遼左邊長軍餉之給

顧司馬奏議

卷之十七

三十一

三百七十一

散管糧即中勢必不能兼既已屬之各道則每歲當青黃不接之時聽各道查在倉本色隨宜給放以濟枵腹然眉之急而免黑腐沍爛之患則道臣便仍一面呈詳撫按二臣一面移文管糧即中以定本色折色之數而為季報歲報之地則部臣便此和衷共濟之義也而臣等亦便於稽查
奏報矣今節年舊管新收開除實在數目既經管糧即中周文卿與各道備查明白造冊前來相應具

奏乞

勅戶部將臣等所議再加查酌議覆施行為此今將
萬曆十五年起到十六年十二月終止收放各
項錢糧舊管新收開除實在數目并接管年分
官員造完文冊一本具本奏

聞伏候

勅旨

顧司馬奏議

卷之十七

三十三

八十七

蓋州等衛災異

題為災異事據整飭金復海蓋兵備管苑馬寺卿
事山東按察司按察使郝杰呈據蓋州衛呈稱
萬曆十七年三月十八日自午時從東南忽起
狂風灰塵蔽空至十九日夜子時方止將南城
樓東梁墻吹倒五丈五尺東城樓南城梁墻三
丈又一空梁墻一十一丈五尺共二十丈刮倒
鍾樓頂脊併居民嚴儒等瓦房五間吹塌房屋
刮落瓦片難以計數又將佈種出土大小麥穀
等苗刮傷等因又據整飭開原兵備山東布政

顧司馬奏議

卷之十七

三十三

三十一

使司右叅政成遜呈准鐵嶺遊擊董文貴手本
據鐵嶺備禦崔吉稟據守鎮西堡指揮鄭聞詩
稟據沿邊暗瞭墩甲軍陳士學稟稱本年三月
十四日夜亥時分本墩西北角旗杆頂上忽起
火光至本夜子時方滅又據守殷家莊寨堡指
揮施霖稟據沿邊平頂山墩甲軍徐洪稟稱本
月十九日午時分本墩旗杆三根一齊起火本
時隨喊等因各呈報到臣該臣會同巡按山東
監察御史徐元看得頃者蓋州地震有聲已屬
災異臣等不勝恐懼曾幾何時而風火之異又

迭見於益州鐵嶺之間夫大風壞城傷苗則荒之兆也邊臺旗竿火光則兵之象也遼左連年兵荒危苦萬狀若復出此益何以堪顧變不虛注必有所召此皆臣等奉職無狀所致而

天心仁愛

皇上故先示異而使為備耳除臣等痛加修省及申飭文武將吏一體修禳嚴行哨備外為此具本題

知

顧司馬奏議

卷之十七

三十四 二十六

冲菴顧先生撫遼奏議卷之十八

通州 益卿顧養謙著

疏

查發侵餉大姦請 旨處分

題為查發侵餉大姦謹請

明旨處分以清積弊以警將來事據分巡遼海東寧道兼理廣寧等處兵備山東按察司副使鮑希顏呈問得犯人徐仲魁招年二十七歲係廣寧左衛中所百戶林松所餘丁萬曆八年五月內蒙前分巡兵備周副使將仲魁選充書辦與本

顧司馬奏議

卷之十八

三十一

衙門在官寫字楊栢厲綸崔世爵談守恩翁宗善各先後撥掌軍餉專管查笑一應錢糧除萬曆十三年以前節蒙巡按衙門奉

勅京盤并十四年已經閱視俱查無侵冒等弊不招外至萬曆十五年正等月內仲魁等與戶部管糧衙門在官寫字王國用張朝重周鸞譚一浩吳朝鸞劉宗福易守信廣寧各營哨掌糧寫字在官前鋒左營左哨年占兒前鋒裏家丁哨高尚仁朱甫年尚仁翁宗良選鋒左哨朱文太選鋒右哨魏朝廣寧左哨崔祥右哨戴繼文中哨

鮑仲禮前哨孫賓後哨趙彥剛中軍哨汪國江步哨馮四兒遊兵左哨龍四兒鍾世虎右哨高尚禮李羔中哨孫尚德李國臣在官委官廣寧前哨把總指揮李惟萼遊兵左哨指揮路問津百戶高應登遊兵右哨指揮王俊百戶湯誥廣寧右哨旗軍徐九疇前哨旗軍王賓各不合與先未故前鋒左營左哨委官旗軍林大智前鋒右營右哨中營中哨委官旗軍田伏掌糧寫字劉思聰各見年歲饑荒軍丁逃故馬匹倒死甚多要得乘機通同冒造盜支軍餉分用內仲魁

衡司馬奏議

卷之六

二

三十一

與楊栢屬綸崔世爵談守恩王國用周鸞譚一浩張朝重吳朝鸞年占兒各又不合故違沿邊錢糧有侵盜銀二百兩以上俱照本律仍作真犯死罪係監守盜者斬翁宗善劉宗福易守信李國臣高尚仁崔祥戴繼文孫尚德孫賓趙彥剛鮑仲禮汪國江鍾世虎李羔高尚禮龍四兒朱甫年尚仁翁宗良李惟萼高應登王俊路問津各又不合故違遼東沿邊去處有監守盜銀二十兩以上俱問發邊衛永遠充軍湯誥與廣寧右衛委官千戶胡國勳各不合故違軍職有

犯監守盜滿貫律該斬罪者發邊方立功五年滿日還職仍於原衛所帶俸差操各事例自萬曆十五年春季起至十六年春季止各月各季官軍家丁俸鈔糧賞馬匹料草多冒米豆草束布花折銀并換班逃回公差官軍不行開除及將各官職級冒捏加俸預支重造張世臣等通共銀一千九百八十八兩五錢六分二釐內除已還官銀一百五十一兩二錢九分外仍實該銀一千八百三十七兩二錢七分二釐係仲魁與楊栢屬綸崔世爵談守恩王國用周鸞譚一

衡司馬奏議

卷之六

三

三十一

浩張朝重吳朝鸞年占兒翁宗善劉宗福易守信李國臣高尚仁崔祥戴繼文孫尚德孫賓趙彥剛鮑仲禮汪國江鍾世虎李羔高尚禮龍四兒朱甫年尚仁翁宗良朱文太馮四兒魏朝王賓徐九疇李惟萼高應登路問津王俊湯誥各又不合與林大智田伏劉思聰節次冒造盜支侵分各不等仲魁盜分入已銀八十四兩併賊通算該銀三百九十四兩三錢五分六釐二毫五絲楊栢盜分入已銀八十六兩三錢併賊通算該銀三百八十八兩七錢七分九釐屬綸盜

分入已銀四十九兩併賊通筭該銀二百三兩
 一錢三分崔世爵盜分入已銀六十八兩併賊
 通筭該銀二百九十二兩五錢一分談守恩盜
 分入已銀七十一兩六錢併賊通筭該銀二百
 八十二兩六錢五分五釐王國用盜分入已銀
 九十七兩三錢併賊通筭該銀六百二十四兩
 六錢九分周鸞盜分入已銀五十九兩五錢併
 賊通筭該銀四百五十四兩六錢七分二毫五
 絲譚一浩盜分入已銀四十八兩併賊通筭該
 銀四百九兩四錢七分五釐二毫五絲張朝重
 盜分入已銀五十七兩五錢五分併賊通筭該
 銀四百七十九兩八錢五分五釐吳朝鸞盜分
 入已銀九十三兩五錢併賊通筭該銀三百八
 十五兩六錢八分半占兒盜分入已銀七十三
 兩二錢五分併賊通筭該銀二百六十兩二錢
 五分翁宗善盜分入已銀三十七兩三錢三分
 七釐五毫併賊通筭該銀一百九十四兩二錢
 五分一釐二毫五絲劉宗福盜分入已銀一十
 八兩四錢五分併賊通筭該銀一百五十七兩
 六錢七分八釐七毫五絲易守信盜分入已銀

續修四庫全書

卷之二十八

四

三十七

續修四庫全書

卷之二十八

五

三十七

二十一兩五分併賊通筭該銀一百七十八兩
 四錢六分八釐七毫五絲李國臣盜分入已銀
 三十八兩一錢九分三釐二毫五絲併賊通筭
 該銀七十兩四錢八分八釐二毫五絲高尚仁
 盜分入已銀四十七兩七錢九分併賊通筭該
 銀一百三十三兩二分五釐崔祥盜分入已銀
 四十一兩三錢六分四釐二毫五絲併賊通筭
 該銀七十一兩五錢六分四釐二毫五絲戴繼
 文盜分入已銀六十二兩一錢三分八釐併賊
 通筭該銀一百一十五兩八錢五分八釐孫尚
 德盜分入已銀五十六兩九錢六分併賊通筭
 該銀一百兩五分五釐孫賓盜分入已銀二十
 五兩九錢三釐併賊通筭該銀六十九兩四錢
 六分八釐趙彥剛盜分入已銀三十一兩五錢
 八釐併賊通筭該銀五十四兩五錢八釐鮑仲
 禮盜分入已銀六十二兩六錢二分八釐七毫
 五絲併賊通筭該銀一百一十八兩二錢七分
 八釐七毫五絲汪國江盜分入已銀四十三兩
 八錢七分九釐二毫五絲併賊通筭該銀八十
 八兩四錢七分九釐二毫五絲鍾世虎盜分入

已銀四十兩四錢一分九釐七毫五絲併賊通
算該銀九十七兩三分九釐七毫五絲李羔盜
分入已銀三十八兩八錢二釐五毫併賊通算
該銀八十五兩七錢四分二釐五毫高尚禮盜
分入已銀五十一兩二錢二分六釐併賊通算
該銀九十三兩七錢二分六釐龍四兒盜分入
已銀三十八兩三錢七釐五毫併賊通算該銀
七十九兩六錢一分七釐五毫朱甫盜分入已
銀一十七兩八錢一分五釐併賊通算該銀陸
十二兩九錢四分五釐年尚仁盜分入已銀一
十一兩五錢六分五釐併賊通算該銀五十兩
六錢九分五釐翁宗良盜分入已銀一十兩二
錢五分併賊通算該銀二十八兩六錢八分李
惟萼盜分入已銀一十兩併賊通算該銀四十
五兩高應登盜分入已銀五兩併賊通算該銀
二十五兩王俊盜分入已銀五兩併賊通算該
銀二十五兩路問津盜分入已銀六兩六錢五
分併賊通算該銀二十八兩三錢湯誥盜分入
已銀二兩五錢併賊通算該銀五兩七錢七分
五釐馮四兒自盜入已銀一兩一錢一分九釐

顧司馬奏議

卷之六

六

三十七

王賓盜分入已銀一兩五錢六分五釐併賊通
算該銀五兩一錢三分魏朝自盜入已銀二兩
四錢三分徐九疇盜分入已銀四兩七錢二分
併賊通算該銀一十九兩四錢四分朱文太自
盜入已銀一兩二錢已故林大智盜分入已銀
六十四兩田伏盜分入已銀一百四十一兩四
錢九分八釐二毫五絲劉思聰盜分入已銀一
百八兩二釐在官領銀委官選鋒左哨旗軍馮
文倫遊兵中哨百戶丁栢步哨旗軍王國忠各
不合不行舉首外鍾世虎龍四兒各又不合侵
欺在哨管隊金州衛千戶衛惠俸銀三兩二錢
四分入已又將衛惠應支俸銀一兩六錢二分
槩送還庫訖胡國勳又不合重造預支官陳堯
卿等俸銀一兩八錢二分二釐五毫侵欺入已
比有選鋒左哨在官寫字黃世富將新收百戶
陳友功俸鈔誤寫轉除字樣以致混亂俱向未
事發比廣寧左哨委官宋雲鶴張珮陳宗文廣
寧中哨委官楊體元孫守印前哨委官于國朝
陳所聞後哨委官劉守勳劉國輔楊承恩中軍
哨委官丁起鳳遊兵左哨委官張國珍遊兵中

顧司馬奏議

卷之六

七

三十七

哨千總蔣鈇委官丁栢魏相前鋒左營左哨千
總張國忠前鋒右營右哨千總張永官委官李
世功前鋒中營中哨千總詹鞠養前鋒裏家丁
哨千總金尚禮委官李義張國臣趙維藩盧得
功魯友時鄒添福選鋒左營左哨千總朱文翰
選鋒右營中軍喬官千總熊鑰把總趙葵各不
合失於稽查廣寧衛在官寫字李九叙不合將
已陞義州備禦指揮使李都十五年十一月分
糧銀七錢五分不行開除造入冊內本衛掌印
指揮閻師誨用印之時不合失於稽查後委官

顧司馬奏議

卷之二十八

八

三十五

千戶吳邦彥領出前銀不合延至十六年五月
內方纔還庫取獲實收在卷仲魁與楊栢翁宗
善各又不合將盜分銀兩賚夜嫖賭仲魁包姦
在官娼婦張鳳雲一年有餘每月買姦銀三兩
共銀四十兩翁宗善包姦在官娼婦陳鳳兒一
年半有餘每月買姦銀二兩共銀四十兩楊栢
包姦在官娼婦丁定兒一年有餘仍欲姦娶為
妾每月買姦銀五兩共銀六十兩比張鳳雲陳
鳳兒丁定兒各不合陸續接受入已往來包姦
不絕萬曆十六年四月十六日林大智五月初

五日田伏十三日劉思聰各陸續病故隨有廣
寧張通判奉委查造閱視廣寧錦義右屯寧前
十一衛倉庫錢糧文冊仲魁等前項侵冒軍餉
彌縫甚密比時通判衙門經管閱視文冊在官
寫字張國忠不合失於細查將閱視過八事文
冊造報巡按衙門類冊

奏繳訖本年七月內蒙分巡兵備鮑副使卷查先
蒙巡撫顧都御史憲牌照得本鎮官吏旗軍家
丁主客俸鈔糧賞料草銀兩除萬曆十三年以
前已經按院奉

顧司馬奏議

卷之二十八

九

三十五

勅京盤并十四年聽候閱視清查外該本院會
題家丁選鋒及各哨軍士南衛軍糧共加餉銀七
萬四千三百八十兩零通自十五年正月初一
日起已經該部運發前來聽管糧衙門分發各
道放給去後今照連年饑荒節據各營呈報軍
丁逃故馬匹倒死并調操官軍換班回衛公差
預支等項恐有不行開除糧料俸賞又節年屢
獲捷功新陞官職數多不無乘機冒捏侵盜情
弊今當加餉之始合行清查等因備行本道即
將所屬支放軍餉銀兩自十五年起加餉以後

備查有無前項冒造侵盜情弊備細查究明白
有罪人員問擬招參解報以憑施行隨蒙本院
批據本道呈議所屬城堡營哨應該加餉軍丁
分別見在者先准支給逃故者候陸續捉補至
日請明造支仍嚴督將領稽核冒濫緣由蒙批
加餉軍丁開載甚明查照部議以十五年正月
初一日起支但正兵營家丁選鋒近以災厲所
報逃故甚多安得尚有所開見在之數也本院
嘔盡心血費盡唇齒乃能得此於主計者今當
加支之始更有一毫侵冒弊竇則諸將領不惟
有負本院亦且負

顧司馬奏議

卷之八

十

三十一

主上浩蕩之恩深矣神明當鑒之該道留心嚴核之
可也此繳又蒙劉總督軍門移咨本院會查
逃故有無冒破將領有無脫削邊餉年例近來
增多何項糜費當裁何項冗食當革等因案行
本道又蒙巡按許御史案驗備行本道查閱錢
糧積下若干有無侵冒如有侵欺虛冒那移等
項情弊嚴究的確查照律例問擬招參詳報蒙
此俱經通行訖本道遵照節次原行暨蒙撫院
前項憲牌批詳將仲魁等經管主客糧料俸賞

顧司馬奏議

卷之八

十一

三十一

各項錢糧文冊閉門十數日親自悉心查算舊
管新收開除實在除應支外冒造數多欲就行
問又恐不服其心即拘仲魁等到道當堂令仲
魁等將冊自行查算委的通同冒造亦各親筆
填註冊內盜支銀數是實本道覆加面審各犯
方將前項彌縫實情一一招認隨會戶部管糧
周郎中亦查相同仍即會行廣寧張通判會同
備禦王紹芳查問招參詳各官依蒙審究問
在官方汝第原係外家丁左哨舊掌糧字識因
不應役聞有前弊嚇要仲魁并楊栢共銀八兩
周鸞銀二兩通共一十兩周鸞等因見各哨冒
造軍餉盜支庫銀事發自覺有罪將檢舉情由
具狀首赴戶部管糧周郎中處又蒙周郎中查
出前鋒右等哨冒造糧銀併行張通判會同備
禦王紹芳研究詳奪各官依蒙會審間比周鸞
劉宗福易守信王國用譚一浩各又不合將盜
分餉銀情由不行實供却妄供各哨投冊不拘
差冒每次與銀二兩准免駁冊以致准信備由
具呈本部蒙批移冊雖始於道書而交通不行
駁扣劉宗福周鸞等受財枉法無疑但恐中有

侵分軍餉者亦當嚴究庶無法外之姦若舉首則為規避甚明此各件與分巡道所查發覺者一事既經會問自應正法仰張通判會同備禦官併呈分巡道轉詳定奪其各未盡弊孔在本部另行完日仍抄招報繳蒙將仲魁等并拘林大智妻魯氏田伏男田三漢劉思聰妻湯氏到官審問李惟萼高應登路問津王俊湯誥各又不合將前分使軍餉銀兩隱下不行供出隨將仲魁等問擬應得罪名具招呈解本道詳審蒙批各犯通同彌縫盜支官餉已無可疑但中間

備司馬奏議

卷之八

十二

三十一

分賊多寡尚未的實引擬輕重殊覺不倫且李惟萼等係領銀委官乃冊籍中造有姓名者謂之不知情不分賊而槩推之字識即三尺之童可欺乎若然是朝廷之法止能行於各役而不能行於職官矣非所以服人心而彰公道也仰二官再加鞠究務使律例與情節相符三日内解詳行間又蒙戶部周郎中訪得書辦周鸞等通同道書及各營哨把總委官作弊冒支不行磨對駁扣已經將有弊各冊并各犯發行會問外但本部已任一

年自十五年四月為始至今其中尚有未盡今又遷加親查仍有總多撤少而多造米石或開除而後重支俸糧或冒開陞級多支或轉收幫收混造係干錢糧相應併發審究牌行張通判會同備禦王紹芳究問轉詳撫院施行其尚有未盡查出者聽另發究各官依蒙將發下俸糧等冊仍提各該委官并仲魁等逐一查對侵冒糧銀與本道原發單開數目一一面對審証俱情在官內仲魁等盜分入已銀兩併賊通算仲

備司馬奏議

卷之六

十三

三百十一

魁與楊栢厲綸崔世爵談守恩王國用張朝重吳朝鸞譚一浩周鸞年占兒俱二百兩以上俱例該真犯斬罪翁宗善劉宗福易守信李國臣高尚仁崔祥戴繼文孫尚德孫賓趙彥剛鮑仲禮汪國江鍾世虎李羔高尚禮龍四兒朱甫年尚仁翁宗良李惟萼路問津王俊高應登俱二十兩以上俱例該永遠充軍湯誥胡國勳俱滿貫例該立功五年朱文太馮四兒魏朝徐九疇王賓俱律誅雜犯死罪准徒五年逐一審究前情是的將仲魁等問擬招解到道覆加嚴審無

異叅看得各犯經手錢糧輒肆侵冒上下通同
彌縫甚密表裏為姦牢不可破非本職躬親磨
對清查不能以其弊源况此軍餉重務屢蒙
總督撫按衙門憲諭稽核不啻三令五申暨觀
律例重則辟刑次則亦戍而各官識恬不知畏
敢於違犯若不重加懲治何以儆人心而戒將
來耶既經初覆審勘明確將仲魁等取問罪犯
外結得銀每兩值鈔八十貫招結是實議得徐
仲魁等所犯徐仲魁楊栢厲綸崔世爵談守恩
王國用周鸞譚一浩張朝重吳朝鸞年占兒翁
宗善劉宗福易守信李國臣高尚仁崔祥戴繼
文孫尚德孫賓趙彥剛鮑仲禮汪國江鍾世虎
李羔高尚禮龍四兒朱甫年尚仁翁宗良朱文
太馮四兒魏朝王賓徐九疇所犯俱合依監守
自盜庫錢四十貫律各斬內徐仲魁楊栢厲綸
崔世爵談守恩王國用周鸞譚一浩張朝重吳
朝鸞年占兒一十一名併賊二百兩以上照例
真犯斬罪翁宗善等二十四名俱雜犯准徒五
年方汝第依恐嚇取人財者計賊准竊盜論加
一等一百二十貫罪止律杖一百流三千里黃

領司馬奏議

卷之六

十四

三百七十一

世富王國忠馮文倫李九叙張國忠張鳳雲丁
定兒陳鳳兒俱依不應得為而為之事理重者
律各杖八十方汝第等俱有

大誥減等方汝第杖一百徒三年黃世富王國忠馮
文倫李九叙張國忠張鳳雲丁定兒陳鳳兒各
杖七十朱文太馮四兒魏朝王賓徐九疇方汝
第黃世富王國忠馮文倫李九叙張國忠張鳳
雲丁定兒陳鳳兒一十四名口各照例納贖決
杖徐仲魁楊栢厲綸崔世爵談守恩王國用周
鸞譚一浩張朝重吳朝鸞年占兒一十一名俱

領司馬奏議

卷之六

十五

三百六十八

照例真犯斬罪係重刑牢固枷釘監候奏

請定奪翁宗善劉宗福易守信李國臣高尚仁崔祥
戴繼文孫尚德孫賓趙彥剛鮑仲禮汪國江鍾
世虎李羔高尚禮龍四兒朱甫年尚仁翁宗良
一十九名俱照例免徒拘僉妻解發邊衛永遠
充軍招達兵部知會照出徐仲魁等前項盜分
銀兩并已故林大智等於各犯家屬代追還官
入官俱追發官庫收貯叅照廣寧前哨委官廣
寧衛指揮僉事李惟萼遊兵左哨委官東寧衛
前所試百戶高應登廣寧右衛指揮僉事路問

津遊兵右哨委官廣寧左衛指揮僉事王俊不
念邊餉之重希圖盜侵以肥已罔思

國計匪輕惟知攘奪以虧官

明例既犯永戍奚辭遊兵右哨委官金州衛右所試
百戶湯誥廣寧右衛中所副千戶胡國勳侵欺
有跡雖與盜餉者同科然分數未多當與貫盈
者異論廣寧左哨委官廣寧衛指揮僉事宋雲
鶴本衛前所試百戶陳宗文廣寧左衛指揮同
知張珮廣寧中哨委官廣寧左衛中所正千戶
楊體元廣寧中衛指揮僉事孫守印前哨委官

顧司馬奏議

卷之二十八

十六

三六十二

義州衛右所正千戶于國朝廣寧衛後所實授
百戶陳所聞後哨委官廣寧衛指揮僉事劉守
勳廣寧左衛右所實授百戶劉國輔金州衛中
所正千戶楊承恩中軍哨委官廣寧右衛都指
揮僉事丁起鳳遊兵左哨委官廣寧左衛左所
試百戶張國珍遊兵中哨千總寧遠衛指揮僉
事蔣鈇委官蓋州衛右所實授百戶丁栢廣寧
中衛中所實授百戶魏相前鋒左營左哨先管
千總今革任定遼左衛都指揮使張國忠前鋒
右營右哨千總鐵嶺衛都指揮同知張永官委

官蓋州衛署指揮使李世功前鋒中營中哨千
總鐵嶺衛指揮同知詹鞠養前鋒裏家丁千總
鐵嶺衛都指揮僉事金尚禮委官寧遠衛指揮
僉事李義海州衛左所試百戶張國臣鐵嶺衛
署都指揮僉事趙維藩海州衛署都指揮同知
盧得功海州衛指揮使魯友時蓋州衛中所正
千戶鄒添福選鋒左營先管千總今革任義州
衛都指揮使朱文翰選鋒左營中軍金州衛都
指揮同知喬官千總鐵嶺衛署都指揮使熊鑰
把總三萬衛中所實授百戶趙葵字役暗行虛

顧司馬奏議

卷之二十九

十七

二六十九

冒既不能見於先機錢糧任其侵漁又不能發
於臨事廣寧衛掌印指揮同知關師誨輕於用
印難辭率畧之愆廣寧衛左所副千戶吳邦彥
銀雖交官莫迨濡遲之罪以上各官均屬有罪
法應叅究緣係軍職未敢擅便具招連人詳解
到臣覆審無異除批行該道將犯人徐仲魁等
牢固枷釘并翁宗善等俱監候追贓朱文太等
先行發落李惟尊等省候聽叅外該臣會同總
督劉遼保定等處軍務兼理糧餉都察院右都
御史兼兵部右侍郎張 巡按山東監察御

史徐元查得遼鎮軍餉錢糧先年出入輕重部
司得便宜行事撫道以侵官為嫌一切置之不
問自萬曆元年閱視大臣兵部右侍郎汪道昆
因軍餉無憑稽查又以寧前開原領餉軍士遠
來久候不便議

題將京運民運銀兩部司分發各道就近給軍及
稱薊鎮兵備四道會同部屬稽查錢糧遼東巡
撫即不得上例軍門猶得下例各道自今凡隸
本鎮軍餉部司即具數關白巡撫衙門相與計
議部司亦當分立卷宗以待磨勘等因該戶部

覆奉

欽依備咨前來欽遵至今蓋薊鎮薊密永昌凡四道
而管糧部臣亦四處處部道同心錢糧稽查為
便遼鎮兩河二千餘里之間凡五道而管糧部
臣惟一部臣一人既不能遍歷邊城給散而全
鎮軍士亦不能盡赴鎮城支領其不得不分發
各道者亦勢也顧錢糧所在姦蠹隨之先年閱
視大臣謂軍餉無憑稽查者弊在部司之左右
也及分發各道立法之初非不善也而日久弊
生部司之掌糧書役通同道書漸以滋蔓亦情

顧司馬奏議

卷之六

一八

三百四十五

與勢之必然也各道去部司遠故書役之弊少
分巡道與部司同城而居故書役得彼此糾結
而弊獨多各哨之掌糧識字造其端部道之書
役應於內領銀之委官蔽其終表裏為奸牢不
可破頃以十五年加餉之始臣等伏念事貴慎
始法必清源不可使姦人得啓弊端軍士不蒙
實惠以孤

皇上浩蕩之恩於是督行該道或發之牌案或見之
批詞或形之面語不啻三令五申矣然非該道
副使鮑希顏多方廉訪銳情釐正閉門十有餘

顧司馬奏議

卷之六

十九

三十三

日手自磨對必得其情而後發則亦誰能任勞
任怨無所顧忌而發此神姦之端哉故今日之
得發此姦者則當時責成各道之明效也而非
管糧即中周文卿發問其左右且復刻意搜求
同心振剔則承問之官亦安能盡取罪人面質
得情而置之法也以上二臣均應紀錄者也據
議各犯重辟未戍情真無枉相應奏

請定奪伏乞

勅下都察院再加查議

題覆庶法不少貸而姦蠹知警矣再照軍餉之分

發固由部道稽查而造冊請支實自各營之字
識領銀則各營之委官是虛冒之弊其原實自
各營始也各該將領恐其累已揚言曰錢糧不
敢經手是矣而一營之中某衛某官為千總為
把總為管隊有不知其人者乎一日之內軍丁
逃故幾名馬死幾匹有不知其數者乎錢糧委
之不經手可也而千把總管隊之官軍丁逃故
馬匹倒死之數亦可委之於不經手乎則將馬
用彼將矣况千把總之官於軍馬之數則又如
之最親切而無所委責者也將領千把總既明

顧司馬奏議

卷之六

三

三、七十一

知官員之職級軍馬之凋耗而託於遠嫌守法
乃束手傍觀任字識之假捏職銜虛冒糧料而
不之問也此謂之守法乎謂之不守法乎其流
之弊又安知無不才將領通同染指其間而陽
為不知也此將領千把總之當責成者其要一
也遼左先年殷富豐稔米一石價止二錢五分
故軍丁月餉折色定於二錢五分從米價也其
後兵荒凋殘米價日貴折色二錢五分不足以
致米一石而軍士之困日甚故先是撫臣再
請加增增月餉至四錢差足抵米一石而支本色之

月則米一石如故是所增者增折色米價也不
出乎米一石之外也非於本色一石之外更增
米若干也造冊支餉止直言加銀若干可也或
不必云加增而米則書一石銀則書四錢可也
今不曰加銀而曰某次加米若干某次加銀若干
又某次加米若干某次加銀若干既費書寫亦煩
打算用以塗人耳目而為弊藪至於筆畫之訛
寫算子之錯撥其弊益不可窮詰矣且官目軍
丁往往混造一冊漫難稽查此冊式之當改正
者其要二也今幸鎮臣李成梁痛恨前弊與臣
等同心商確立法釐正軍馬則嚴查報之期糧
餉則定造支之式業已明開條款通行五道是
冊式之改正臣等已得便宜行之矣惟是責成
將領千把總等官非奉有

顧司馬奏議

卷之六

二

三、四十八

明旨或載之
令甲立為一定之法不足以肅眾志而懲將來併乞
皇上勅法司酌議今後有犯該監守自盜之條者該
營將領千把總等官一體坐罪其侵冒之多寡
情罪之重輕臨時奏

請定奪庶尺籍易清而弊源可塞矣至於大營之兵

固鎮臣肘腋之兵也將領遵新創之法其日報軍馬之數必不能欺鎮臣自今以往必鎮臣常如今日與撫臣同心稽察務使餉不虛冒而士蒙實惠則純忠體

國之大端也功固不在首功下也伏望

天語一叮嚀之俾撫鎮二臣永奉

明命焉為此具本謹題請

旨

顧司馬奏議

卷之六

二十三

二十五

議處患病將官

題為議處患病將官事萬曆十三年十二月二十七日據新陞領兵遊擊曹篁呈稱本職於本月二十日接得邸報蒙推領兵遊擊員缺正欲奔走疆場稍圖報稱但今十月內偶感風寒濕證手足麻木見今動履艱難卧炕服藥尚未痊可暫難赴任呈乞俯准假限容令調治稍痊即赴供職等因到臣該臣隨批訪得本官原無大病豈可託辭有孤推用之意仰即赴任供事毋得違限取究此繳復據本官呈稱患病日久一時

顧司馬奏議

卷之六

二十三

三十一

調治難痊乞賜請假調攝稍痊赴任等因又批仰暫調理數日依限赴任此繳又牌行開原道查勘曹篁病勢有無痊可催令赴任續據整飭開原兵備右叅政王緘呈行據安樂州知州張一舉呈查得曹篁預於萬曆十三年十月內得患風寒濕證手足麻木令醫生王勳日每用藥調治間至萬曆十四年正月初二日蒙督撫衙門案驗准兵部咨開曹篁推陞領兵遊擊限正月十二日到任本官患病在先陞任在後及其一聞委用恐誤限期遂將頭額急於醫灸奈患

病稍深未即速愈是以連次請假如此原無推諉情弊合無俯賜再寬假期令其依限赴任緣由并取具醫生甘結回報到道看得曹簞居嘗慷慨奮馬革裹尸之心今幸拔擢正捐軀報效之日偶爾患病力不從心屢查情真原非得已合無俯照原議寬假調理改限赴任或衝邊不可時刻缺人姑令在籍養病候其痊可之日遇缺另行推用等因又據遼陽車營遊擊兼都司局捕事務裴永勳呈稱本職於萬曆十三年十一月初八日頸後忽生癰毒迄今三箇月餘頭

顧司馬奏議

卷之六

二十七

三百五十一

臉虛腫膿血不止昏暈數次幾至喪生又兼原在陣傷刀瘡箭眼一齊舉發卧炕日久遍體皆瘡晝夜疼痛不能動履不堪任事呈乞另委官員代管姑准假限回衛調治稍愈尚圖策勵供職等因隨批仰分守道查報續據分守遼海東寧道兼理邊備右叅議傅霖呈行據遼東都司經歷司呈查得遊擊裴永勳於萬曆十三年十一月初八日頸後忽生癰毒此愈彼發又兼原在陣傷刀瘡箭眼亦又舉發卧炕日久幾希喪生緣由回報到道看得遊擊裴永勳委於前項

月日患病即今春防所遺兵馬局捕事務缺官管理相應委官暫代仍行裴永勳回衛調理候病痊另行咨用員缺乞行

題補等因又據寧遠叅將劉登泰呈稱於萬曆十四年二月二十五日領兵隨鎮守李總兵從廣寧鎮邊堡地方出征至二十九日回還因連日披堅執銳脫甲受風忽得右膀右膝麻木半身不隨又兼痰火時復嘔迷飲食難進見今卧炕愈加沉重不能動履兵馬事務乞行委官代理俯准調治等因隨批仰寧前道查報續據整飭

顧司馬奏議

卷之六

二五

三百五十二

寧前兵備右叅政劉易從呈行據寧遠衛掌印指揮楊景嵩呈帶領醫生李世弼親詣叅將劉登泰卧榻處所診驗得本官委的忽得右膀右膝麻木兼有痰火飲食難進見今卧炕用藥調治未會痊可為照寧遠素稱衝邊今係春防之際又興修邊腹壕塹臺舖城等工防修兼舉將官時不可缺今本官既患前疾是實合無委官暫代兵馬事務准假調理痊可照舊供職等因又據分守邊備右叅議傅霖呈稱長勇堡備禦何應魁於本年三月十一日病故等因各到

臣除行各道將各官兵馬事務委官暫代外臣
會同總督劉遼保定等處軍務兼理糧餉兵部
左侍郎兼都察院右僉都御史王 鎮守總
兵官太保兼太子太保寧遠伯李 議照寧
遠一路邊近地衝防禦最急叅將遊擊之官分
地而守時不可缺遼陽車營遊擊兼管局都司
防援開原鐵嶺瀋陽亦屬要務今新陞領兵遊
擊曹簞素稱勇敢患病在先推陞在後勢難卒
愈遼陽車營遊擊裴永勳亦稱勇將但今患病
日久寧遠叅將劉登泰終歲練兵臣不敢沒其
顧司馬奏議 卷之六 二六 三百六

將查大受汎河赴急手批強虜而得全塞外衝
鋒身被大創而不顧以上二員俱堪補劉登泰
員缺如寧遠叅將用李維藩查得原任副總兵
姚大節老成持重諳練夷情近出塞已有功勞
當一面始盡材畧原任副總兵秦得倚馳若雄
飛射驚猿捷提偏師可備手足隨大將如護腹
心以上二員俱堪推補李維藩員缺如用姚大
節仍應查近日捷功復其副總兵職銜管正安
堡遊擊事又查得遼東鎮坐營中軍張世爵督
力方剛戎行久歷料敵每無遺謬行師綽有先
顧司馬奏議 卷之六 二七 三百七

動出塞大捷臣不敢沒其功但自塞外還師將
入邊境瘵迷心竅舉動周章如醉如狂幾至自
盡已而問之則曰若有所使莫知其故見今病
甚不能任事看得以上三員俱屬驍將材難終
棄但各有衝邊之責難以在任養病既經各道
勘明似應准各回衛調理候病痊之日酌量薦
用所遺各官員缺正當春防之際緊急用人查
得正安堡車營管遊擊事叅將李維藩素稱勇
敢熟知虜情調度則進止有機撫賞則恩威得
體且原係寧遠衛世官習其地利選鋒中營叅

機原任叅將郭夢徵魁偉不群慷慨有志武弁
共推才畧用人當惜盛年以上二員俱堪推補
曹簞員缺如領兵遊擊用張世爵查得西平堡
備禦金承武才識通曉號令嚴明又司塞上之
烽烟深得師中之要領廣寧備禦王咨臣操持
謹潔幹濟動能素懷忠義之心綽有勇敢之氣
以上二員俱堪推補張世爵員缺如坐營中軍
用金承武查得正兵營標兵千總廣寧前屯衛
百戶楊紹先桓桓將種籍籍英聲慷慨當強虜
之鋒材武出諸軍之右廣寧右哨千總廣寧左

衛指揮僉事馬升高年少力強技優志銳遇虜
真能手刃從征每以身先以上二員俱堪推補
金承武員缺又查得金復守備傅士忠精力有
餘防禦甚密政務每能綜理邊陲雅著威名中
固備禦劉仲文目不識丁射能穿甲戰陣則身
冒矢石而不避修防則躬操畚插而不辭以上
二員俱堪推補裴永勳員缺如車營遊擊用傳
士忠查得瀋陽備禦王善政力固優於禦侮才
尤便於理繁金復素稱劇區得此乃能促辦長
安備禦王夢禹壯貌精強性質剛毅業已試其

顧司馬奏議

卷之六

二八

材具真可任乎衝邊以上二員俱堪推守備補
傅士忠員缺如金復守備用王善政查得前鋒
中營中哨千總加銜備禦鐵嶺衛指揮使張朝
臣膽氣粗雄騎射精熟慣戰目中無虜先驅部
內多功前鋒親兵把總安樂州都指揮僉事李
尚仁特起行間深知戎事身長擬於七尺勇力
冠乎千人以上二員俱堪推補王善政員缺又
查得前鋒裏家丁左哨千總安樂州都指揮使
毋承宣氣欲吞胡力能搏虎隨營惟知酣戰出
塞每有奇勳前鋒親兵把總鐵嶺衛指揮僉事

金尚禮久在操司習知戰陣探虎穴而每得子
奮猿臂而能落雕以上二員俱堪推陞何應魁
員缺伏乞
勅下兵部再加查議將劉登泰曹簞裴永勳准令原
衛調理候疾痊遇缺起用各官與何應魁員缺
即以李維藩等推補庶就近便於任事衝邊不
致乏人矣為此具本謹題請

旨

顧司馬奏議

卷之六

二九

一百廿

遵例給由自陳不職

奏為遵例給由并自陳不職乞

賜罷斥以重

鉅典事竊照臣見年五十三歲直隸揚州府通州

人由進士嘉靖四十四年十月內除授戶部山

西司主事隆慶三年二月內陞本部廣西司署

員外郎事主事本年四月內陞本部雲南司署

即中事主事本年七月內陞福建按察司僉事

六年閏二月內陞廣東布政使司左叅議本年

十二月內征剿嶺東山寇萬曆元年五月內為

領司馬奏議

卷之六

三十一

三百十六

仰仗

天威嶺東積年極惡山寇盡數蕩平飛報異常大捷

併叙有功官員以昭勸典事叙功陞廣東按察

司副使萬曆二年二月內以原任福建按察司

僉事考察不及聽調萬曆五年十一月內調補

雲南按察司僉事萬曆八年十二月內陞浙江

布政使司右叅議萬曆十年十二月內陞山東

按察司副使整飭霸州兵備未任萬曆十一年

正月內調浙江按察司副使本年三月內為倡

亂首惡營兵奉

明旨各正典刑并叙効勞文武官員等事陞俸一級

本年十月內調山西按察司副使整飭薊州兵

備萬曆十三年六月內准吏部咨為缺官事該

本部等衙門會題奉

聖旨顧養謙陞都察院右僉都御史巡撫遼東地方

兼贊理軍務寫勅與他欽此備咨到臣除臣欽

遵於本年八月十二日前到遼東地方到任管

事外萬曆十四年正月內為虜賊大舉入犯官

軍奮勇拒剿獲捷保全城堡乞

賜勸議功罪以昭勸懲事因虜犯浦瀋汎河等處

領司馬奏議

卷之十八

三十一

三百十六

攻圍城堡官軍出塞搗賊巢穴斬獲首級前賊

解散該兵部題奉

欽依賞銀三十兩二表裏本年五月十二日為大虜

結聚謀犯主將相機出師仰仗

天威官兵奮勇擒斬獲收奇捷事因鎮邊堡邊外可

可毋林斬獲達賊首級擒獲賊屬男女救回被

虜漢人奪獲達馬駝牛夷器等件准吏部咨該

兵部題奉

欽依陞右副都御史照舊巡撫賞銀三十兩紵絲三

表裏萬曆十五年五月內為虜賊屢次大舉入

犯官軍奮勇拒堵保全城堡併出奇獲功事因東虜紉花等節犯鎮夷堡等處斬獲首級保全城堡該兵部題奉

欽依賞銀三十兩紵絲二表裏本年十一月內准吏部咨為撫臣失職尤甚處分全然未及懇乞

聖明並

賜議慶以懲炯爍以協輿論以安邊計事該戶科

給事中彭 題前事奉

聖旨該鎮夷情顧養謙既與屬官異議何不先期叅劾姑念邊方事重着策勵供職該部知道欽此

簡司馬奏議

卷之八

三二

三十五

萬曆十六年正月內准吏部咨為遼東屬夷叛逆論罪宜及撫臣懇乞

聖明俯順輿情亟

賜顯斥以彰

國法以重邊陲事該南京山西道監察御史田

奏前事奉

聖旨該鎮夷情見在責成鎮巡官處置原未失事顧養謙着遵前旨供職該部知道欽此本年五月內為仰遵

明旨剿服負固逆酋恭報捷音以慰

聖懷併乞

俯錄獲功死事人員優叙危苦勞臣以昭激勸大典以安孤懸重鎮事因剿服逆酋那林孛羅等并斬獲首級達馬夷器等件該兵部題奉

欽依陞俸一級給與應得

誥命賞銀三十兩紵絲三表裏本年閏六月內為虜

賊大舉入犯官軍奮勇拒敵保全城堡襲擊獲

功事因虜犯鎮夷堡牽馬嶺驛等處官軍固守

堡城尾賊襲擊斬獲首級達馬夷器等件該兵

部題奉

簡司馬奏議

卷之八

三十三

三百六

欽依賞銀二十兩紵絲二表裏本年十一月內為虜眾內附邊患稍寧乞及時大修邊政以永圖治安事因巡按御史許守恩閱視

奏報本鎮脩守効勞該兵部題奉

欽依加俸一級還賞銀三十兩紵絲三表裏欽此俱

備咨前來欽遵訖及照臣於萬曆十三年六月

陞右僉都御史本年八月到任管事不計外自

萬曆十四年五月十二日陞右副都御史照舊

巡撫扣至萬曆十七年四月十一日止連閏實

歷俸三十六箇月三年已滿臣係在京正三品

官員例應赴部給由緣奉

勅巡撫邊疆離任相應遵例具

奏伏念三載考績稽功事而黜陟幽明者

皇上所以馭群臣之

鉅典也故明則必陟幽則必黜然後功罪明而

鉅典重天下萬世信之臣之今日其於功罪幽明

之間自考甚明實有不容自文以欺我

皇上者蓋從出關以來業已矢心不欺而力小任重

不宜以不肖之身塞賢者路久矣徒以封疆多

故嫌於避難故勉強策駑而不敢有所陳乞乃

顧司馬奏議

卷六

三四

三百七

今則臣得聞陛之日矣能無內重之言以報

我

皇上者哉臣本生長南方不習邊務遲迴仕路素鮮

才名誤蒙

聖恩拔置遠左在事迄今已逾四載中間歷副都御

史三品俸者已於是年四月十一日三年滿矣

所遠巡不敢遽以

聞者則以將士每有微勞輒蒙

湛恩並及常懷因人之慙而言官屢曾論列更荷

曲賜優容益重微幸之懼且三年之內罪狀甚著

不可枚舉舉其大者若夫士因則加之餉歲饑

則發之賑

皇上之恩非不渥矣惟臣不能普

皇上之恩故

恩未盡及於涸鮒枯魚北虜則間有捕斬東夷則近

亦賓服

皇上之威非不震矣惟臣不能宣

皇上之威故

威未盡加於長蛇封豕將吏之貪邪群小之姦蠹臣

等有

顧司馬奏議

卷六

三百七

請必應

皇上之法非不嚴矣惟臣不能守

皇上之法故

法未盡行於社鼠城狐有一於此已溺其職而况三

者並著乎其他臣所不自知而人皆知之與人

所不知而臣自知之者又安可擢髮數也遠左

之人豈無口舌在

廷之臣豈無耳目况臣智無足稱而智已盡力無

能効而力已窮前罪未罰後效難期臣不以此

時求去是益自重其罪也

皇上不以此時去臣是益重臣之罪也有如異日者以債事敗臣雖伏斧鑕則何及於封疆矣伏乞皇上鑒臣愚衷非有矯飾

勅下吏部將臣

速賜罷斥別選賢能以克是任庶

皇上黜陟之典益信重於天下而孤陞有託臣分亦安矣為此具本奏

聞

顧司馬奏議

冲菴顧先生樵遼奏議卷之十九

通州 益卿顧養謙著

疏

屬夷擒斬逆首獻送被虜人口乞賜職銜

題為屬夷擒斬逆賊首級獻送被虜人口乞

恩加賜職銜約束東夷永固藩籬事查先據分守

遼海東寧道兼理邊備山東布政使司右叅政

栗在庭呈據建州左等衛朝

貢夷人馬三非等齎執夷酋奴兒哈赤番文稟帖

赴道門開建州左等衛朝

顧司馬奏議

貢夷人都指稱才具稟稱祖父學好鄉

李產失哈賊首李董剛張伯失脫命逃回再等

綁送又賊首王杲脫命逃走祖父領兵各處追

趕拏住從開原綁送賊根阿台與我為讐又怕

阿台走了

天朝教我祖叫場在阿台家誘哄我父塔失領

天朝兵馬圍住阿台寨子將我祖父一同殺了六年

夷人不安我年長三十歲將讐夷殺了平安今

方得朝

貢李董剛王杲大槍日夜報知聽得賊首殺了漢

人歸送從撫順送進漢人金銀哥等五名從清
河送進于木匠從撫順送進李胡子韓得和徐
尚德張四兒又送撫安堡牛三隻轡頭一副清
河牛三隻俱有案驗存照我領三十二名頭領
保守邊界討要賞賜陞職管束東夷屢年朝
貢出力等情到道看得兩關并建州等衛夷人先
年俱係都督王台管束各効忠順後王台病故
子孫懦弱日被北關侵陵殊費調停近奴兒哈
赤長壯兼以部夷歸心管束建州毛憐等衛一
帶夷人俱知畏服送人口又督令建夷五百
名見今陸續歸來是
貢今稟討陞職管束夷人一節緣本夷原係都督
揮之職伊祖伊父先為領兵鄉導剿除王杲後
死於阿台之巢誠為有功且本酋不敢懷父祖
被殺之恨又不敢從北關逆虜之謀朝
貢依期永堅効順委應奏
請加以都督職銜改給
勅書以示羈縻庶屬夷益知感勸邊疆永保無虞矣
等因到臣會議間又據整飭開原兵備山東布
政使司右叅政成遜呈審得建州衛屬夷冬哥

與先逃往建州今被奴兒哈赤斬獻賊酋克五
十并在官跨兒答及先掣獲監故納失卜咬合
歹都等向在中固城迤東柴河堡邊外地名木
扎河沿河住牧因見南關都督王台強盛即投
南關後王台病故其子猛骨孛羅等衰弱又因
兩關不和復叛歸建州往來叛服不常克五十
與冬哥跨兒答歹都等商議會同帶領馬步達
子五十餘騎於萬曆十六年五月二十七日寅
時從柴河堡黑鷹窩臺北空進入該臺舉放砲
火先未被賊殺死守堡指揮劉芥一面差人赴
城走報一面帶領馬步軍兵出堡追趕克五十
等徑奔目牙鎮屯寇擄沈效忠等牛糧於本日
辰時仍從來路出境時有中固備禦宿振文開
原叅將吳希漢各聞報統兵追趕據報賊已出
境各回城堡劉芥據督屯旗甲崔奉稟稱前賊
是木扎河住牧建州夷人克五十等搶掠劉芥
即於本日午時帶領馬步軍士踏蹤從本臺出
境追趕離牆一十五里至地名稗子峪撞遇克
五十與冬哥等各持弓刀向前射斫死官軍劉
芥宋景等九員名射傷軍士小周奉等三名陣

失宋景等官馬三匹各賊回寨已知射死劉斧
 恐懼大兵征剿各逃散後見事緩復來木札河
 照舊住牧隨該宿振文將前失事及宣諭猛骨
 孛羅奴兒哈赤各稱不係所管夷人情由具呈
 叅將吳希漢通呈蒙巡按許御史詳批賊射死
 劉斧等不可不為之剿也兩處不認將何以處
 之開原道查報又蒙巡撫顧都御史詳批此不
 過零竊耳守堡官何至輕出被殺該道即查劉
 斧及軍士被殺緣由地方有無失事重大夷人
 克五十的係何首部落應否責令何首綁獻或
 領馬奏議 卷之十九

發兵剿處通查議明妥報奪備蒙牌行遼海衛
 經歷杜進孝查勘間又蒙巡撫顧都御史憲牌
 據本道稟稱通事高應魁回稱歹商猛骨孛羅
 等說克五十等賊見在建州奴兒哈赤處乞行
 撫順備禦就近宣諭奴酋將克賊解送據此看
 得逆賊克五十素為邊患近又殺死守堡官員
 罪不容誅合行設法擒拏除行分守道并撫順
 備禦官選差的當通事人役密切宣諭奴兒哈
 赤擒拏外牌仰本道即便備行備禦王汝徵選
 差的當通事人役密切宣諭猛骨孛羅舊年不

學好要革你龍虎將軍近日悔過容汝朝
 貢今逆賊克五十潛逃各處未否果在建州你若
 能緝獲擒綁送進益見忠順照舊龍虎將軍仍
 加厚待若奴兒哈赤拏獲解來便見奴酋有為
 即題

請奴酋陞授都督仍加號龍虎將軍中間軒輊機權
 該道與王汝徵留意圖之等因蒙此行據備禦
 王汝徵呈本年七月內猛骨孛羅將克五十納
 失卜咬合三名拏綁解送間說裏邊因你殺了
 守堡教我綁進有克五十聽聞畏罪在寨夜黑
 領馬奏議 卷之十九

脫逃建州去訖止將納失卜咬合二名差令部
 夷三漢綁送前來王汝徵審係正賊監候擒拏
 克五十等轉解間納失卜咬合原與劉斧遇敵
 傷重在監病故本官復差通事高應魁等密切
 宣諭猛骨孛羅歹商查要賊首克五十冬哥等
 猛骨孛羅將冬哥與歹都跨兒答三名擒獲差
 部夷栢羊戶失等綁送前來其未獲克五十來
 夷說稱逃往建州去訖猛骨孛羅已差部夷那
 刻等前去向奴兒哈赤討要來日另送先將冬
 哥等呈解本道詳審蒙批仰再審明確解報本

官隨將冬哥與歹都跨兒答復令通事高應魁
再審冬哥與跨兒答等各供原與克五十等進
搶柴河堡地方將守堡官殺死等情先將冬哥
等呈解其克五十逃往建州仍行撫順備禦官
宣諭奴兒哈赤務獲正身綁獻緣由呈解本道
詳審間歹都在監病故將冬哥等問罪招解到
臣批候類

題間又據分守道右叅政栗在庭呈為邊情事蒙

本院憲牌依蒙行據撫順備禦張三畏稟據通

事董國雲并奴兒哈赤差來部夷鎖失狼頭等

顧司馬奏議

卷之十九

六

三十四

到驛稟說有作歹夷人克五十克數兄弟二人
逃來建州地方躲住我奴兒哈赤遵聽宣諭本
年十月二十七日捉拏二賊殺死埋董國雲
親到屍所驗看是的該本道看得奴兒哈赤近
日學好遵聽宣諭將逆賊克五十克數殺死忠
順可嘉似應題

請加陞都督管束建州諸夷等因具呈本院蒙批據
稱奴兒哈赤殺死克賊兄弟埋在他通事董
國雲親到屍所驗看是的似亦可信但奴首既
力能擒綁二賊何不即行解獻以自明其功而

殺死掩埋之恐無是理董國雲與克賊兄弟非
親識也死屍何以辨其為真近來本院於諸屬
夷則不忍殺將士之功則不敢據以為已功議
者猶有遼陽故智之疑况事在虜中尤影響而
難憑者乎關係題

請未可輕議該道仍再加詢訪及移文開原道多方

查實詳奪萬一克賊尚在吾輩干係豈小也此

繳蒙此移文開原道責差通事同撫順通事出

境辯驗間萬曆十七年二月初五日又蒙本院

憲牌備仰本道即行撫順備禦官選差精細通

顧司馬奏議

卷之十九

七

三十四

事官員宣諭奴兒哈赤先年汝祖汝父俱係忠
順屬夷近年汝亦學好撫鎮二堂所以許汝
貢市領賞即開原海西諸酋俱是屬夷為我藩籬
中國相待俱如兒女一般海西既不得侵犯建州
建州亦不得陰謀海西其克五十如果尚在即
行綁獻本院即與具

題陞為都督總管東夷必不食言等因蒙此行據
撫順備禦張三畏呈稱克五十殺死是的屍首
難辨緣由具呈本道詳批克五十屍首既不能
辨驗真偽果伊妻見在猶可問而知其詳也仰

張三畏作速索取伊妻及首級解道仍令開原
通事高應魁并馬三非親赴聽審以憑轉解繳
張三畏復令通事董國雲等宣諭去後本月十
八日據通事董國雲張隆等并夷人馬三非回
稟奴兒哈赤令張隆等到克五十屍所取出用
水洗淨遍驗是的具呈本道蒙批克五十既殺
死是真必須割取首級及伊妻解道轉解撫院
方為的據繳續據本官呈稱又差通事董國雲
等出關備將恩威詳加宣諭奴兒哈赤於三月
初三日將叛賊克五十首級割取并伊妻非央
公及漢字一紙差部夷莫牛馬三非等跟同董
國雲等送進審據非央公夷語供說有克五十
存日作歹投奴兒哈赤寨內過日子他知我的
漢子不是好人拏住殺了是實看得奴兒哈赤
將克五十首級及妻獻送據迹揆心其効順可
知但求賞乃犬羊之性有不得不給者而馬三
非又有三十二箇頭領俱當犒賞之稟必奴兒
哈赤素有此意其在今日似亦不可拂其心也
緣由連人并克五十首級呈解到道備審克五
十妻非央公所供相同又據馬三非齎投奴兒

顧司馬奏議

卷之十九

八

三十一

哈赤漢字稟帖一紙計開隣邊保守夷人三十
二名各衛之主奴兒哈赤并速兒哈赤等三十
二名乞賞等情該本道看得奴兒哈赤殺死叛
首克五十解驗首級并伊妻非央公活口可據
情甚真的忠順可嘉似應題
請加陞都督給與應得
勅書管束東夷其速兒哈赤等三十二名皆係屬夷
頭領保我邊疆委亦効勞有功合無每夷量賞
中段一疋牛一隻鍋一口鹽五十斤猪二隻其
奴兒哈赤賞賜衣服段疋牛隻等項另候裁示
使各夷永堅効順固我藩籬等因通呈蒙巡撫
顧都御史詳批據解克五十首級初尚疑其非
真及令中軍官張世爵將馬三非等關閉空室
吊開原道先解賊夷冬哥跨兒答與非央公面
審二夷一見非央公即指為克五十之妻非央
公亦熟識二夷而開原通事張隆則認克賊首
級甚的非央公供其夫曾殺守堡官甚明此事
已無可疑者矣奴兒哈赤聽我宣諭擒殺賊夷
遠獻其級委為忠順可嘉加陞都督給
勅管束東夷等事候即題

顧司馬奏議

卷之十九

九

三十四

請除本院已給賞外該道再給賞鍋十口鹽一百斤
布五十疋其速兒哈赤等三十二名俱如議給
賞首級仍解按院一驗可也此繳又蒙巡按徐
御史詳批克五十首級驗訖即非央公供可據
也該道費盡心力今果如願其功不小奴兒哈
赤忠順可嘉候會

題陞賞其速兒哈赤等賞勞等物俱如議行候撫
詳繳等因備呈到臣除將射死守堡官軍劉斧
等并綁獻賊夷冬哥等及斬獻克五十首級併
入十六年終類報獲功本內已於萬曆十七年

顧司馬奏議

卷之十九

十

六十五

四月十五日具

題聽巡按御史覈勘外今行准鎮守寧遠伯李成
梁手本行據坐營中軍吳嗣勳呈據通事官佟
惟動等查得奴兒哈赤乃叫場之孫塔失之子
先年叫場塔失皆忠順為

中國出力先引王台掣送王杲後杲男阿台將叫
場拘至伊寨令其歸順合黨謀犯以報父讐叫
場不從阿台拘留不放大兵征剿阿台圍寨攻
急塔失因父在內慌忙救護混入軍中叫場寨
內燒死塔失被兵誤殺因父子俱死蒙鎮守李

總兵將塔失屍首尋獲查給部夷伯挿領回又
將寨內所得

勅書二十道馬二十匹給領今奴兒哈赤繼祖父之
志仍學好忠順屢次送進漢人一十三名口今
萬曆十六年五月內賊首克五十竊犯柴河堡
射死守堡指揮劉斧蒙巡撫顧都御史牌行分
守栗叅政差通事宣諭奴兒哈赤即將克五十
斬首獻進見今驗馬朝

貢及查奴兒哈赤祖叫場原領

勅書係都指揮使今又送進人口且建夷歸心聽彼

顧司馬奏議

卷之十九

十一

三十二

約束合無破格題

請加陞都督職銜改給
勅書以彰

中國之恩緣由呈報前來據此為照建酋奴兒哈
赤祖父叫場塔失皆忠順購擒王杲獻送正法
尤見宣力且又死於兵火今奴兒哈赤繼祖父
之志効順益堅進送人口足徵向化之誠斬獻
逆夷尤見除惡之績此夷酋中之慕義者功有
足錄情有可憫東夷俱願約束似宜破格
題陞不惟有以示勸而激勵諸夷亦駕馭犬羊保

固藩籬之一策也等因到臣臣會同總督蒞遼保定等處軍務兼理糧餉都察院右都御史兼兵部右侍郎張鎮守總兵官太保兼太子太保寧遠伯李成梁巡按山東監察御史徐元議照屬夷之為我藩籬舊矣制馭之策不出乎撫剿

恩威臣等鄉者嘗言之矣顧撫剿

恩威之所加在得其要領而已所謂要領者因其勢用其強加之

賞賚假以名號以夷制夷則我不勞而封疆可無

顧司馬奏議

卷之十九

十二

三十一

虞也遼左西自山海東抵開原千二百里之間則柔顏三衛之夷歲糾西北二虜為患此遼之所以急也是三衛之夷不得稱為遼左屬夷明矣惟自開原東北南抵鴨綠江遼蛇八百餘里環東邊而居者則皆女直之遺種皆遼之屬夷也所謂東夷者也然今之呼女直者凡三種其一曰海西女直則故王台之屬今開原南北兩關之夷是也其一則東方諸夷之為衛所甚衆而建州領其名曰建州女直今奴兒哈赤之屬是也其極東曰野人女直野人女直去遼遠歲

因海西入市於開原雖不入

貢而亦不為邊患先是海西王台強能得衆稱開

原南關酋北收二奴南制建州終其身向化而

東陞以寧是時東夷之勢在王台故聽之襲其

祖速黑忒左都督之職以長東夷而萬曆三年

以擒獻逆酋王杲故奉

旨加授勳銜與其二子俱為都督

賞以金幣特優已又視西虜例加授龍虎將軍蓋

台之忠固有足嘉實由我

皇上神機遠覽得其要領不惜

顧司馬奏議

卷之十九

十三

三十一

賞賚名號之加而鼓舞之以作其忠也及王台死

而勢分逞仰二奴稱雄於北奴兒哈赤稱雄於

南且各恃其強而甘心於王台之後王台之後

不立則撤我藩籬而封疆多事矣故前此在事

之臣力

請誅二奴以安王台之後王台長子虎兒罕者左都

督也又繼台死其子歹商襲父職而守忠順之

業北關二奴誅而其二子那卜二酋者報父怨

逆狀益著王台之後妻溫姐則二奴妹也有子

猛骨字羅最少而襲王台之職為左都督稱龍

虎將軍台之孽子康古六長而妻其後母温姐
温姐與康猛兩酋名為南關夷並以北關親故
內為賊而其心於歹商竟附北關而俱叛奴兒
哈赤又将連姻北關而侵歹商諸酋以是故不
入

貢九五年矣是開原屬夷之內向者惟一歹商耳
王台忠順之後其不絕蓋如縷矣使歹商不立
而南北諸酋合則開原必危故臣等以存歹商
故掌議誅那卜並處康猛温姐而且及奴兒哈
赤矣及大兵一臨撫剿互用而那卜二酋降康

顧司馬奏議

卷之十九

十一

三十五

酋温姐死猛酋勢孤與那卜並和歹商而請入
貢奴兒亦畏威罷北關姻歹商而首先入
貢矣夫諸酋既轉運而為順則我不得不易剿而
為撫威畏

恩懷藩籬可復不盡用吾力而示我有餘則不如罷
兵而省勞費之為便臣等是以具狀上
聞請罷兵以善其後今諸酋之

貢則皆入矣歹商以
中國得立於諸酋之間襲其父都督而長海西無
論已猛酋亦擒獻逆賊款服如故則名號亦當

如故矣那卜二酋父並以逆誅法不得襲父職
為都督必俟其後有功勞特

請與之然第不敢聞之內耳未嘗不竊假名號以束
其部夷是海西諸酋各自為雄勢不相下而我
易為制開原之事已大定矣惟建州奴兒酋者
勢最強能制東夷其在建州則今日之王台也
既屢送回被虜漢人且及牛畜又斬犯順夷酋
克五十獻其級而慕都督之號益切則其內向
誠矣及查其祖父父又以征逆酋阿台為我居
間鄉導並死於兵火是奴兒哈赤者蓋世有其

顧司馬奏議

卷之十九

十五

三十四

勞又非小夷特起而名不正者也查得
大明會典內一款建州毛憐三大衛夷人如有送回
搶虜男婦者止許給賞不願賞者量陞千百戶
指揮存留都督名色以待能殺犯順夷首及執
縛為惡夷人與報事引路殺賊有功者此
盟府之典用以信外夷而安封疆者也若錄奴酋父
祖死事之功即當時與之都督亦不為過而斬
獻逆酋之級則又與

明例合矣伏乞
勅下兵部查例酌議將奴兒哈赤加陞都督職銜改

給

勅命使制東夷為我藩籬此東陞之要領也東陞既安可無復煩兵而一意西防又全遼之大畧也
不可失也為此具本謹題請

旨

顧司馬奏議

卷之十九

一六

六二下

瀋陽缺遊擊

題為缺官事據分守遼海東寧道兼理邊備山東布政使司右叅議傅霖呈稱管瀋陽遊擊事叅將劉言於萬曆某年某月某日病故等因到臣臣會同總督薊遼保定等處軍務兼理糧餉太子太保兵部尚書兼都察院左副都御史張鎮守總兵官太保兼太子太保寧遠伯李成梁巡按山東監察御史陳登雲議照瀋陽近數中虜為遼左最衝之區今遊擊劉言病故正當收獲秋防戒嚴將領時不可缺查得管開原備禦事加銜叅將霍九臯智周料敵勇足冠軍收二奴已著勲勞督兩市能消禍變領兵遊擊楊元謀勇相資廉靜有槩能常守乎義訓可不媿於科名以上二員俱堪推補瀋陽遊擊若用霍九臯遺下員缺又查得廣寧備禦吳希漢署篆不苟總哨有為警敏而識機宜驍勇而多斬獲鐵嶺備禦暮承勲老練之才謹飭之守防禦安於磐石修建固於金湯以上二員俱堪調補開原備禦若用吳希漢遺下員缺又查得瀋陽中衛掌印東寧衛指揮同知王容臣才識通明操持

顧司馬奏議

卷之十九

一七

三二下

謹潔素有勇敢之氣常懷忠義之心遼海衛管
局本衛指揮僉事胡一中立志不群負氣甚銳
管局不私物料司捕甚得人心以上二員俱堪
陸補廣寧備禦如蒙

勅下兵部再加查議將前項員缺即以霍九皋等酌
量推補庶地方得人而秋防有賴矣為此具本
謹題請

旨

顧司馬奏議

卷之十九

一八

丁子四

請加副將李興府銜

題為懇

恩俯賜府銜以隆優卹事據遼海東寧道兼理廣寧
兵備山東按察司副使鮑希顏呈蒙臣案驗依
蒙行據坐營中軍吳嗣勳呈揭查得李興自幼
跟隨主將由瀋陽寬奠遼陽副總叅遊隨任鋒
前敵虜當先不計外自隆慶五年四月十七日
跟隨鎮守李總兵在中左所斬首一顆本年十
一月二十四日在清河堡斬首一顆隆慶六年
三月初四日在金線塔斬首一顆十一月初一

顧司馬奏議

卷之十九

十九

三百六

日在舊遼陽斬首一顆萬曆元年三月二十一
日在鎮西堡斬首一顆九月十一日在太興堡
斬首一顆十二月十七日在中遼河斬首一顆
萬曆二年十月初十日在東州斬首一顆十一
月初九日在舊遼陽斬首一顆萬曆三年正月
二十三日在遼河西岸斬首一顆十一月十八
日虜衆入犯平虜堡與賊對敵斬首一顆萬曆
四年三月十八日在大清堡大青山斬首一顆
萬曆五年三月十五日在鐵嶺鎮西堡邊外北
羅兔斬首一顆五月初九日在大勝堡斬首一

穎本月二十六日在鎮靜堡斬首一顆萬曆六年正月十九日在丁字泊堡斬首一顆以上共一十六顆俱報願賞本年六月初八日在鎮靜堡斬首一顆十二月十七日在養善木斬賊首把兒度一顆萬曆七年十二月十七日在紅土城斬首三顆萬曆八年三月十三日在鴨兒匱斬首一顆十月初三日虜衆入犯錦義地方在陣斬首一顆以上共計九顆報陞授職訖萬曆九年正月初九日虜賊入犯錦州城在陣斬首一顆二月十九日在襖即免李興督兵累當鋒

顧司馬奏議

卷之十九

二十

三頁七

前驍雄素著戰陣馳名題加備禦職銜萬曆十年三月十八日在鎮夷堡殺速把亥驍健超群叱咤破虜殄滅元兇李興數人之力更多題加遊擊職銜四月初三日李興領銳兵從大清堡出境至地名大青山斬首四顆生擒達賊一名額參免九月二十三日曹子谷領部兵斬首五十六顆萬曆十一年正月二十六日虜衆入犯瀋陽督率部下斬首二十七顆二月初二日在古勒寨督部斬首一百四十九顆李興躬冒矢石不避艱險義急同舟忠期共濟與曹子谷捷

功併加叅將職銜十二月初四日在開原督部斬首九十五顆本月二十二日虜衆入犯瀋陽蒲河手刃二顆萬曆十二年三月十九日大康堡邊外卜刺哈免督部斬首三十顆萬曆十三年三月十七日在丁字泊堡境外地名打大督部斬首五十七顆萬曆十四年二月二十五日鎮邊堡邊外地名可可母林督部斬首四十一顆李興首先破虜身被大創幾至捐軀題加副總兵職銜六月十七日虜衆入犯高橋舖督兵斬兇賊一顆九月十八日虜犯錦州督兵又斬

顧司馬奏議

卷之十九

二十一

三頁七

首一顆萬曆十六年三月內奉命征討那卜二首督兵當先攻打堅寨矢石不避首倡士氣督部斬首三十七顆二首畏威降服功尤首稱陸續蒙受欽賞一十四次薦獎三十三次本年七月二十二日病故及查李興節次功績手刃賊級共二十六顆內賊首一顆督部斬級共四百九十九顆血戰久勞於鋒鏑防禦極力於邊圉積傷切骨癰疽發面醫藥未效一旦身歿計功所當旌揚之嗣尤可軫隱似宜題

請卹錄緣由到道看得加銜副總兵李興起自我行赤心報

國勲閱樹於塞上忠勇著於師中不十數年陞級都閫加銜副總可謂遼左一驍將矣奄爾死於牖下絕無子嗣家且甚貧計其勞績誠不可泯合無俯賜會

題量贈府銜仍優卹其家以慰忠魂為邊臣有功者之勸等因呈報到臣據此案照萬曆十六年

十一月初十日准兵部咨該閱視遼鎮巡按山東監察御史許守恩題前事該本部覆議李興

顧司馬奏議

卷之十九

二十二

三百六

督撫官題

請優卹等因題奉

欽依備咨前來欽遵已行分巡道查議去後今據前

因臣會同總督薊遼保定等處軍務兼理糧餉

都察院右都御史兼兵部右侍郎張

議照

副總兵李興者本寧遠伯李成梁養子也勇冠

三軍起家百戰戰輒中大創輒斬首虜以歸其

初率以

賞既用有家矣乃願陞累陞而至今官然平生死戰

皆不死而死以疽疽發頭面慘甚以去年七月

二十二日死年四十有二耳前一日臣等使人

遺金經紀其後事與哭則無淚第據牀作叩首

狀曰無能報矣柰何不令我灑血沙漠而死牀

第也其壯尚如此既死籍其室中徒有鎧甲弓

刀鞍馬甚具而負責以千金不能償蓋興嘗養

死士五十餘人馬五六十匹而諸人又各有妻

子凡百五六十人不食於官而衣食芻豆悉仰

給興興平生所得

賞金及諸人首功之

賞悉以供之不給又稱貸而益之故竟負責千金至

顧司馬奏議

卷之十九

二十三

三百六

死而不能償也又止遺二女而無子即又無近

屬弟姪可襲其世官者臣等是以愈益憐之然

臣等非表其能庶而以其身効死又能養死士

以報

國竟暴死且貧而無後可錄之為可念也今蒙

皇上特發溫綸令臣等題

請優卹興已死有餘榮且不朽矣他無例可援惟有

加府銜之議似為可從若卹其寡妻二女則撫

鎮二臣之事而不敢以瀆

聖恩也伏乞

勅下兵部再加酌議將副總兵李興稍加府衛以慰忠魂而勸來者九邊將士聞之當無不願效死以報

皇上者矣為此具本謹題請旨

顧司馬奏議

卷之十九

二四一六十五

衝邊危困請發原額行糧

題為目擊衝邊危困

請發原額行糧以救燃眉仍乞

聖恩定為年例以永保無虞事據分巡遼海東寧道兼理廣寧等處兵備山東按察司副使鮑希顏呈蒙臣案驗依蒙行准寧前兵備僉事王邦俊手本回稱查得領兵營今改中右所遊擊營原有客餉銀一萬六千兩并部發銀一萬八千兩共三萬四千兩原備三營四千修邊軍士行糧支用後將一千營調隨廣寧正兵營分去銀八

顧司馬奏議

卷之十九

二四一六十五

千五百兩止剩銀二萬五千五百兩以新改西路協守營中右所遊擊營客兵軍馬三千名匹照例每年半全半減支給不足之數以逃故者扣除攤放足穀支用蓋管糧衙門每年分發客餉原非註定某營若干惟以全遼酌量隨時分發此縮則彼盈總計全遼分發之數可知矣今停止客餉銀一萬八千兩不止寧前二營告困即全遼皆稱不足惟寧前二營為急故首事告匱今欲知餉之盈縮惟在移會管糧衙門於解運全鎮年例客餉額數并每年分發各處數內

通一計算便見本道止知寧前分發之不足不知何處之有餘難以計算及照二營兵馬縱使半全半減皆足照月給放尚難自贍况半全半減又不足照月放給誠為危急等因又准戶部管糧郎中周文卿手本回稱查得一千營兵馬原議在防修邊工行糧銀一萬八千兩數內支給及查防修邊工銀兩自

題發年分為始至今十六年止節年照數分發寧遠庫支放其一千營兵馬調隨廣寧正兵營團練彼時各軍乾銀向未明白分析槩以年例銀

餉司馬奏議

卷之十九

二十六

三六十五

內通融放支以至相沿至今查得萬曆八年歲入客餉共該京運銀一十萬二千五十八兩九錢五分歲出共放過銀一十萬五千九百五十三兩八錢六分零九年歲入客餉共該京運銀一十萬二千五十八兩九錢五分歲出共放過銀一十萬四千二百七十三兩八錢零十年歲入客餉除停發本年下半年新覓家丁行料草銀一千八百八十五兩二錢七分五釐外實該京運銀一十萬一百七十三兩六錢七分五釐歲出共放過銀一十萬三千五百八十八兩四

錢零十一年歲入客餉并加增寧前等處義兵

下馬行料草共該京運銀一十萬二千六百八

十九兩四錢歲出共放過銀一十萬七千三百

二十一兩八錢零十二年歲入客餉共該京運

銀一十萬二千六百八十九兩四錢歲出共放

過銀一十一萬五千九百八十二兩一錢零十

三年歲入客餉共該京運銀一十萬二千六百

八十九兩四錢歲出共放過銀一十一萬一千

九百九十九兩零十四年歲入客餉共該京運

銀一十萬二千六百八十九兩四錢歲出共放

過銀一十萬二千二百一十六兩四錢零十五

年歲入客餉并加增降夷花得才等行糧料草

共該京運銀一十萬五千二百二十三兩八錢

歲出共放過銀一十萬四千六百一十兩零十

六年歲入客餉共該京運銀一十萬五千二百

二十三兩八錢歲出共放過銀五萬七千九十

七兩零比因年終未銷以致流入實在銀四萬

八千一百二十六兩八錢零以上京運銀兩歲

入照奉

題增多寡額有定數其歲出原來那下補上兼之

餉司馬奏議

卷之十九

二十七

三六十六

加放閏月并設防閱視家丁馬匹等項據各道放數流筭未嘗拘定一年支一年之用內歲出多於歲入緣此項各道俱有還官銀在內茲亦未分別另項也大都遼東客餉止有此數向來通融支給原未分析其一千營兵馬原議防工銀內支給既今見在年例銀內通融支用則寧前分發數減前銀名雖互異而其實即係掣回寧廣矣今有節年分發之數可以互查等因又據代廣寧通判事加銜遊擊王善政呈稱依蒙會同坐營中軍吳嗣勳查得萬曆六年六月內

顧司馬奏議

卷之九

二十八

三百五十九

該前巡撫都御史周 題

准一千營千總李元善一枝兵不滿千且官非將領不便彈壓掣回廣寧聽鎮守寧遠伯李成梁整飭簡練以備東西調遣蒙將一千營原調錦義海州遼陽瀋陽寬奠開原等城堡兵馬分發選鋒左右中三營團練征操萬曆十四年該督撫題

准將正安營家丁四千五百名內河東舍餘家丁每名每年加餉銀七兩二錢河西舍餘家丁與兩河選鋒軍士四千名通融每名每年加餉銀三

兩六錢前項一千營軍士係選鋒四千名之內俱自萬曆十五年正月月起按月加給係加餉之數並不係行糧乾銀及本等月糧名色原無重支緣由各回報到道為照西路協守中右遊擊二營駐劄寧前一千營分隸廣寧俱係河東西各城堡軍丁均為客兵錢糧委應一體支給第寧前駐劄二營兵馬止防本地應支行糧故原議有半全半減之例一千營兵馬既調隨廣寧正兵營內練為選鋒東征西援殆無息有之期故與原營選鋒一體全支行糧近又

顧司馬奏議

卷之九

二十九

三百六十

題加餉銀三兩六錢無容別議合無將今准改軍餉銀一萬八千兩載入年例聽管糧衙門將本鎮原額客餉每歲通融分發庶人情事體均屬妥便等因到臣又准鎮守寧遠伯李成梁手本回稱相同據此案照萬曆十七年七月初一日准戶部咨該巡按山東監察御史徐元題前事該本部覆議看得巡按遼東監察御史徐元題稱防修邊工行糧銀一萬八千兩原議工完停止仍留駐防要將前項行糧速為補給仍載入額餉一節為照寧前一線之路虜人出入無常

前項修邊之軍既改為常守則前項修邊之銀即當改為軍餉緣該鎮向未請明以致本部難於題發已經咨行查議未報今巡按御史徐元親歷其地據軍士迫切之情特為具

奏相應依擬但事係干軍餉必須督撫查覈明實議有定額庶便議覆增入年例合候

命下本部移咨前遼總督會同遼東巡撫都御史即查領兵營原有客餉年例銀一萬六千兩併部發銀一萬八千兩共銀三萬四千兩原備三營四千修邊軍士行糧支用其一千營既調隨廣

領司馬奏議

卷之十九

三十一

三十一

寧正兵營分去銀八千五百兩止剩銀二萬五千五百兩以半全半減例計算每年每軍該銀八兩五錢七分五釐七毫前銀委否足以支放不足之數於何通融處補及查一千營既改為正兵近該督撫會題將正兵營軍士四千五百名係河東者每名加銀七兩二錢係河西者每名加銀三兩六錢共加銀二萬三千兩本部每年照數題發則前分去銀八千五百兩似屬重冒應否仍撤回寧前以補不足之數逐一查議停妥會題前來以便覆

請增入年例永為遵守等因題奉

聖旨寧前軍士既常川防守原支修工行糧准改軍餉隨年例給發督撫官還上緊查明實數具奏欽此欽遵備咨前來煩為查照施行等因又准軍門咨同前事准此已經備行分巡寧前二道移文管糧郎中周文卿及手本鎮守總兵官寧遠伯李成梁查議去後今據前因又接得戶部尚書宋 手書謂常守之軍歲支行糧恐不

領司馬奏議

卷之十九

三十一

三十一

可為例欲就此一萬八千兩之銀或以雙糧為名外量再加行糧銀若干縱有追征出塞之苦免行再議此真老成長慮為孤陸計又遠所謂純忠體

國者也該臣會同總督前遼保定等處軍務兼理糧餉都察院右都御史兼兵部右侍郎張

議照寧前調操二營軍士其苦楚之狀按臣

中言之詳矣歷年

題發修工銀一萬八千兩今已奉

旨改入額餉無容議矣惟是遼鎮主客餉銀並屬不敷往往預支半年每歲京運客餉到日除修工銀一萬八千兩原係寧前調操軍士之餉別為

一項悉發寧前其全鎮客餉聽管糧即中視緩急通融分發不足則皆不足原不能處處取盈寧前安得歲有客餉八千五百兩隨一千營兵撥發廣寧也但廣寧既增兵一千則管糧即中分發客餉之時自稍損益於二道之間而實未嘗執八千五百之數別立一項名色也不過總於客兵項下支銷耳且一千營兵原係兩河調操人數歲有踐更故練為選鋒則與原營選鋒一體支給行糧近復加餉則一體加餉處之不為不厚並無重複冒支即有冒支近日部道諸

領司馬奏議

卷之十九

三十三

三十三

臣查發侵餉之姦不遺餘力安肯容之今歷年出入之數具在管糧即中季報歲報之數具在本無不明者也其入數常少而出數常多則可知餉本不敷之故也而發出實數竟常多於收入實數者則歷年有逃故還官相兼支放之故也然自一年出入之數而言之若為有羨而實預支下年故謂之不敷也此所謂出入實數本管糧即中之事而臣等亦得與聞者也若寧前客餉一萬八千兩之當議其說雖始於即中周文卿自兩年不發而二營之軍頗急周文卿亦

知其必不可裁每分發時未嘗不與臣面議稍減他道之餉而發之寧前使二營之全支減支如故是兩年之間太倉雖留餉一萬八千未發而管糧即中實未嘗裁其分毫也雖為移緩就急之計實有掣襟露肘之虞年復一年他處必又有告急者矣臣等以為十六十七二年修工銀數仍當一體補發以免他處之急者也再照二營軍士近雖分有信地常守寧前而實踐更如故一役而二人分為兩班者也其赴班寧前者以其遠戍也故得食行糧於寧前更番回伍者即截日住支矣若定為雙糧名色新手耳目則兩班軍士必有一體雙糧之告擾且啓邊軍比例告擾之端不如仍舊不動聲色之為便伏乞

領司馬奏議

卷之十九

三十三

三十三

勅下戶部查議

題覆將二年未發修工銀兩照數補發不復另立修工名色悉入年例客餉之內聽管糧即中與撫臣計議通融分發其調操寧前二營軍士惟赴班寧前者得食行糧每年半全半減如故雖有出塞追征之勞不得覆議行糧斯則額餉清

而人心亦定矣為此具本謹題請

旨

顧司馬奏議

卷之十九

十四

冲菴顧先生撫遼奏議卷之二十

通州 益卿顧養謙著

疏

改發軍犯以實衝邊

題為改發軍犯以實衝邊事據整飭金復海蓋兵備管苑馬寺卿事山東按察司按察使郝杰呈稱本道所屬該恤刑衙門題

准饒死編發邊衛永遠充軍犯人四名內蓋州衛朱三兒陝西都司靖虜衛左所陳二陝西都司歸德守禦千戶所王仲先陝西都司花馬池千戶

顧司馬奏議

卷之二十

所海州衛魏國忠陝西都司靈州守禦千戶所每軍拘食長解一名蓋州衛差委百戶一員黑繼宗海州衛差委百戶一員劉惟允各督同押解每員每日盤費銀八分一日止行六十里自蓋州起至陝西歸德止途程往回共一萬八千四百四十里計三百八日共該銀二十四兩六錢四分自海州起至陝西靈州止途程往回共一萬二千里計二百日共該銀一十六兩應於各衛商稅均徭銀內動給并脚力請發勘合應付緣由呈詳到臣該臣已批衝邊無如遼左免

死充軍人犯應否題

請發本鎮極衝邊堡且省勞費而便勾補也不然當此處處凶荒之年不惟正軍生死難必即解官長解往返萬數千里亦難保其無疾病死亡也該道再議停妥詳報又節據遼東都司批差長解張皂兒田虎等管解饒死編發陝西都司肅州儀衛司永遠軍犯田四兒陝西都司寧夏中衛右所永遠軍犯田三哥子赴臣掛號又經通行各道備查各衛及問刑衙門凡有前項編發各省未解充軍人犯若干名暫且收監開具姓

顧司馬奏議

卷之二十一

三

三百五十四

名并所犯緣由呈詳類

題改發本鎮填實去後續據整飭海蓋兵備按察司郝杰分守邊備右叅政栗在庭分巡兵備副使鮑希頰各呈查得蓋州衛監朱三兒原犯姪毆叔死陳二原犯強盜得財定遼左衛監田三哥子原犯卑幼毆本宗大功兄死各斬罪蓋州衛監王仲先海州衛監魏國忠義州衛監王問俱原犯同謀共毆人致死東寧衛監田四兒原犯閩毆殺人廣寧衛監毛聰義州衛監鄭以松俱原犯謀殺人從而加功廣寧左衛監張繼武

原犯弟毆兄妻至死各絞罪并定遼後衛監先問死罪今病故王良德俱各監候間萬曆十五年七月內該恤刑郎中熊瑞會審俱情可矜疑具

題該刑部覆奉

欽依饒死發邊衛充軍欽此移咨兵部編發朱三兒陳二王仲先魏國忠田四兒田三哥子各前項衛所鄭以松陝西都司固原衛左所毛聰陝西都司蘭州衛右所王問陝西都司洮州衛前所張繼武陝西都司榆林衛後所王良德陝西都

顧司馬奏議

卷之二十一

三

三百五十四

司岷州衛中所各永遠充軍咨行都察院劄行遼東巡按御史案行各道都司僉妻解遣間今蒙前因揭查得萬曆九年三月內蒙撫按衙門案驗為重鎮迭罹兵傷十分殘破敬陳拯救機宜以備

采擇以安邊徼事該兵科都給事中王致祥題一議邊遠充軍該戶兵二部會同覆議查得嘉靖四十四年先該巡按山東御史李輔條議實要地一款該本部題

准通行順天河南陝西山東山西等處撫按衙門各

將該問遼東軍犯俱編發寧前衛所填實等因
已經遵行去後但查該鎮先年填實之議止言
充成遼東者編發寧前未言各邊充成者俱解
遼東以故填實未效乃今科臣題欲各省充成
軍犯盡解遼左以實窮邊深得補救之意相應
依擬通行順天河南陝西山東山西等處撫按
衙門查照所議各將應問充發山陝宣大等處
邊遠并三犯逃軍不拘久近俱編發遼東填實
錦義寧前衛所每年終各將編發過名數咨部
轉發該鎮查考一面移咨遼東巡撫衙門如遇
解到軍犯即收補逃故軍伍處給月糧房田加
意撫恤毋致逃亡如或糧餉不足聽督撫徑自
議處施行等因題奉
欽依通行欽遵訖看得軍犯王良德未蒙之先已在
監病故無容別議合無將朱三兒等照例類
題改發本鎮填實衝邊况填實錦義寧前一帶原
係兵科條議該部題
准事例別省軍犯尚且填實遼左而反發遼左之軍
遠戍他方乎此例似應申明
請定

顧司馬奏議

卷之二十

四

三三五

令甲庶便永义等因到臣又據分巡兵備副使鮑希
顏呈為查發侵餉大姦謹請
明旨處分以清積弊以警將來事蒙巡按徐御史案
驗奉都察院巡按遼東一千三十八號勘劄准
兵部咨前事備行本道即將軍犯翁宗善等各
拘真正妻小牢固固肘鎖備抄原招差人押解後
開衛所交割永遠充軍取着伍印信收管一樣
三本限今年十月以裏繳報以憑轉繳施行計
開照例編發邊衛永遠充軍犯人一十九名翁
宗善陝西都司寧夏左屯衛左所劉宗福寧夏
右屯衛右所易守信寧夏前衛中所李國臣岷
州衛前所高尚仁洮州衛後所崔祥榆林衛中
所戴繼文靖虜衛左所孫尚德甘州左衛左所
孫賓甘州右衛前所趙彥剛甘州中衛後所鮑
仲禮甘州前衛左所汪國江甘州後衛右所鍾
世虎固原衛右所李羔蘭州衛左所高尚禮寧
夏後衛前所龍四兒寧夏衛後所朱甫寧夏中
衛中所年尚仁寧夏前衛前所翁宗良寧夏後
衛後所等因蒙此查得萬曆十六年十二月初
二日崔祥初三日戴繼文初五日鍾世虎各在

顧司馬奏議

卷之二十

五

三六十七

監病故及查義州大寧堡於萬曆十一年因虜廢棄官軍借居鄰堡近始修復工將就緒官軍移駐本堡地勢孤懸軍士寡少雖議於義州叅營或廣寧大營撥兵貼守倘遇警急道路隔遠一時難以應猝今蒙兵部將侵餉永遠充軍犯人翁宗善等編發陝西途路遠解遣艱難值此饑饉盤費不貲未免餓死於道途况遼鎮係極衝之邊征防每苦兵寡各犯議發衝要邊堡既可填實軍伍亦免長解之累合無將前項侵餉問擬充永遠軍除病故崔祥戴繼文鍾世虎

顧司馬奏議

卷之二

六

三十七

外其見在翁宗善劉宗福易守信李國臣高尚仁孫尚德孫賓趙彥剛鮑仲禮汪國江李羔高尚禮龍四兒朱甫年尚仁翁宗良一十六名俱存留本鎮咨部改發義州衛各永遠充軍轉發大寧堡填實取衛所守堡各官印信收管繳報仍通行各道轉行所屬問刑衙門以後凡有應問充軍人犯俱議填實義州大寧堡以實衝邊以固保障等因亦呈到臣據此查萬曆十六年十二月內准兵部咨為申飭部規傍及時務少有獻納以効裨補事該南京兵部右侍郎王

世貞奏該兵部覆議查得本部先覆御史董裕條議凡奉

欽恤免死充軍人犯賊情人命侵欺等項在北方係遼薊山陝者免發雲南等處若應問永戍非係極邊者各編發就近即照相離原籍不過五百里之議等因題奉

欽依備咨前來通行欽遵外今據前因該臣會同總督薊遼保定等處軍務兼理糧餉都察院右都御史兼兵部右侍郎張 巡按山東監察御史徐元議照罪人犯例遠戍極邊者雖以苦之實

顧司馬奏議

卷之二

七

三十五

用以實塞下將藉其力以禦魑魅也今極邊無如遼左歲中虜無如遼左三十年間兵荒相仍死徙流亡十以六七八人烟稀闕村落蕭然生靈之凋耗亦無有如遼左者也若錦義寧前之間又全遼之最衝最單而義州之大寧堡又屬新造非壯士填實孰與為守先是以遼為憂者往往建議四方之充戍者悉以實遼誠知遼之急也今四方之實遼者不習虜而無固志遼未必益遼人之習虜而無所逃者反遣而之他邊亦必無固志而他邊未必益是遼損壯丁而他邊

無實用也且發遣則有押解之累往返則有不
貲之費逃亡則有勾捕之煩不如就近編發省
押解之勞費不至累及無罪人與地宜又習虜
有固志必不逃逃亦易跡不至規匿使吏胥得
為奸豈非便計耶臣等竊以為王世貞所條上
四便者即不行於籍伍已定之軍而當行於新
發之軍無可疑也况朱三兒等十一名原係人
命賊情免死充戍翁宗善等十九名原係侵欺
永戍不係逆惡重大事情而遼左衝邊日有征
防工作之苦鋒鏑死亡之憂其視踰絕險萬里
而勞苦死亡者其為勞且死等耳亦足以明罰
矣伏乞

顧司馬奏議

卷之二

八

三六十一

勅下兵部再加查議除病故王良德崔祥戴繼文鍾
世虎四名外將見在犯人朱三兒陳二田三哥
子王仲先魏國忠王問田四兒毛聰鄭以松張
繼武翁宗善劉宗福易守信李國臣高尚仁孫
尚德孫賓趙彥剛鮑仲禮汪國江李羔高尚禮
龍四兒朱甫年尚仁翁宗良共二十六名俱改
發義州衛永遠充軍填實大寧堡以後本鎮間
擬邊遠充軍人犯俱編發本鎮填實錦義寧前

等處邊堡其或情罪深重律不至死而戍不盡
辜者容臣等特

題照例遠遣庶實邊懲惡並行而不相悖矣內翁
宗善等十六名皆係侵餉巨姦衙門積猾智足
資緣力能干請若發伍之後將領利其賄賂巧
為冒功之地則反遂姦而廢法矣仍嚴行該管
將領使充軍人犯果能殺賊有功願陞願賞何
可沒之若有受賄冒功等項情弊將領容臣等
參究軍犯以軍法細打仍改發遠邊此則臣等
所當嚴查而鎮臣所當嚴禁者也再照四方之
戍遼者本與之以生路責之以守邊既普

顧司馬奏議

卷之二十

九

三百九十九

法外之仁亦藉軍中之力法非不善也但近年充發
赴遼者月無虛日臣等驗之壯健堪用者十之
四衰老孱弱者十之六以衰老孱弱之人置之
邊堡立就死地而無所藉其力夫置之死地非
當時生之之意矣無藉其力非當時遣之之意
矣且多耗餉之端而啟侵冒之竇臣等以為應
行各處撫按衙門凡遇編發充軍人犯必驗其
壯健堪用者發之遼左而衰老孱弱者悉從編
發五百里之內或不至死亡而尤可藉其力為

用也此又一便也為此具本謹題請

旨

顧司馬奏議

卷之二十

十一

三十五

荐舉兵備官員

題為循例薦舉兵備官員以備擢用事臣本一介

豎儒誤蒙

皇上任使待罪遼左歷五秋於茲矣而遼左兩河之

間分為五道五道並屬衝邊諸守巡兵備之臣

並屬

皇上選擇而使臣徒擁虛名於其上而教練脩守禦

虜救荒巨謀纖計孰非諸臣之力臣藉之甚厚

而知之最深則有楮筆所不能悉載者今臣奉

命得代其於諸臣例當舉刺而賢者署考不得繁詞

顧司馬奏議

卷之二十

十一

三十八

有成例也謹約其槩而為

皇上陳之除海蓋兵備按察使郝 資望深重已蒙

簡用外若分守邊備右叅政栗在庭鎮靜而出之不

窮縝密而操之有要化建酋復三年之

貢開東邊遺百世之安開原兵備右叅政成遜慷

慨負匡時之畧忠誠堅任事之心定兩關而決

策當機應三面而運籌中窾分巡兵備副使鮑

希顏臨戎綽有擔當應猝不動聲色當輟轉紛

紘之劇地握休養生息之大機寧前兵備僉事

王邦俊實政本乎實心任勞兼之任怨處孤危

而用心獨苦安部曲而消變有權以上諸臣皆封疆勞臣均當薦揚以備大用者也伏乞勅下吏部再加查酌如果臣言不謬將粟在庭等次第錄用則勸邊臣而安邊地之要機也為此具本謹題請

旨

顧司馬奏議

卷之二十

十二

薦舉有司官員

題為薦舉有司官員事臣奉

命陞任撫屬有司官員例應舉劾而遼左有司止三通判二知州廣寧通判張守愚又以聞憂去而自在州知州武揚歷任尚淺其以才守稱者不過二通判一知州耳臣既不敢過為苛求而亦不敢泯其勞績若先是經歷都司等官往往託事權而操利權恣睢漁獵於武弁軍民之間為孤陞之豺虎臣近與按臣不少假借此風頗息而才行表著者不為薦揚又何以示勸也查得

顧司馬奏議

卷之二十

十三

三百五十五

山東濟南府駐劄遼陽通判郝桂芳心思慎密操節清嚴剖庶務而敏若發鋼斷兩造而平於止水駐劄岫巖通判趙名俊悃悃無華醇謹有守卻餽遺不染積習清案牘能發隱姦安樂州知州張德崇溫醇之度鎮密之才聽訟明而法紀無私律已嚴而錙銖不染都司經歷司都司劉一貫才疏通而不滯性耿介而不阿坎壈久而砥礪彌堅閱歷深而功勞最著復州衛經歷郭永爵才識通明志向高遠處脂膏而不以自潤承付託而勇於有為瀋陽中衛經歷朱紫貴

才譔卓越持守清廉條議每中乎機宜比擬悉歸於律例以上各官資格不同均之才守足稱所當薦揚以備推用者也伏乞

勅下吏部查議將郝桂芳等各循資推用乃所以為衝邊有司勸也為此具本謹題請

旨

顧司馬奏議

卷之二十

十四

九十三

薦舉教職官員
題為薦舉教職官員事臣奉

命陞任撫屬教職官員例應薦舉查得復州衛儒學教授韓景閔博雅溫文之士已不媿於人師清通敏達之才終堪託乎民牧廣寧右屯衛儒學教授劉聲振處荒涼之區而澹泊自甘啓顯蒙之士而誘掖不倦志毅然其堪進才綽乎其有餘蓋州衛儒學教授王三益年青而威儀整飭學富而節操清貞振鐸不盡其才鳴琴乃展其蘊以上三員俱原係知縣改教臣不知其當時

顧司馬奏議

卷之二十

十五

九十三

政行何狀而猶得儼然為師必其過失已聞不便於臨民出政而其根本未壞猶可以造士作人故稍示裁抑而實以曲全非必絕其向進也今觀其年力皆壯而其才節又皆表表各道之臣同聲賢之其痛自省而不終自棄可知矣臣是以據今日所見而不敢沒其善也伏乞

勅下吏部查訪如果臣言有據將韓景閔等仍加酌量推用庶

盛世無遺才而教職知所勸美為此具本謹題請

旨

薦舉武舉官員

題為薦舉武舉官員以備擢用事查萬曆十五年五月內准兵部咨為議薦將材以備擢用事該本部題奉

聖旨是各衛所武官材勇堪任的着督撫等官博訪精覈從公奏薦與武舉相兼備用不許冒濫欽此本年七月內又准本部咨為酌議武職起用武舉推用之例以裨邦政事該本部題稱各新舊武舉咨出督撫衙門者詳註考語兩季一報中有才勇可用者與武職相兼推用其陞遷邊

顧司馬奏議

卷之二

十六

三百七

方腹裏各以歷俸淺深為準等因題奉

聖旨這武官推用事例既酌議停當依擬着實行欽此俱欽遵訖今照臣奉

命撫遼四年之間其於本鎮新舊武舉則嘗試之以事矣謹擇其才勇可用者為

皇上陳之如海州參將營中哨千總海州衛武舉實授百戶王世榮脫身虜中知名塞上守堡謹飭不苟統旅訓練有方寬真參將營中軍定遼中衛武舉署指揮僉事鄭重偉貌雄心通才長技曾頗藏手兵甲器可寄以干城蓋州衛武舉署

指揮使文濟武儀容精采志氣奮揚藝既熟於韜鈴才更優於盤錯遼陽車營中軍定遼後衛武舉署所鎮撫王崇吉年資英銳志畧優長射已擅於穿楊志每存乎橫草義州衛武舉署所鎮撫賀世延孤介端方群情裨服監礦廉能而公私俱賴市馬嚴密而營伍深裨以上五員均之武舉之良所當薦揚者也內王世榮鄭重文濟武王崇吉並堪次衝邊境備守之選其於關內邊腹尤宜俟再歷練視其材武乃可任用於衝邊若賀世延者乃成化初理學名臣戶科給

顧司馬奏議

卷之二十

十七

三百

事中賀欽之孫頗能守其祖之遺教甘貧慕義秉正不阿同儕多嚴事之斬將搴旗恐非其任而使之訓迪武士必能正已率物陶鎔將材而端其習尚也臣是以有取也伏乞

勅下兵部查議將王世榮等隨宜器使斯武舉之途各得以其長効用而

聖朝無棄材矣為此具本謹題請

旨

舉劾武職官員

題為循例舉劾武職官員以昭勸懲事臣奉

命陞任撫屬將領等官例應舉劾查得正兵營前鋒

哨探副總兵李平胡遇敵則赴赴武夫居常則

溫溫君子稱貸以畜死士志在報

恩甘貧不染餉金義能守分功大而心轉小位高而

禮愈卑於家可稱孝子慈孫於

國無忝忠臣義士協守東路遼陽副總兵姚大節

老成之度沉審之謀發必當機督降夷屢樹奇

績筭無遺策料黠虜動見狡情三路長城一方

顧司馬奏議

卷之二

一八

一

渠率協守西路寧前副總兵王維貞敬事而有

忠心愛人而多惠政協營新設握聯屬之要機

狡虜屢窺收捕斬之奇捷擁貔貅長於對壘建

旗鼓可以登壇正兵營前鋒袁家丁督陣副總

兵李寧智勇罕儷英爽不群戰輒先登能指揮

而必勝利不多近知取舍以得人才氣已自無

雙行能復稱第一管海蓋察將事副總兵孫守

廉久歷戎行熟諳機事稽餉發其姦蠹可見清

操脩城聽其便宜居然省費難憑皮相應識壯

謀正兵前鋒外家丁左營副總兵查大受勇冠

三軍名傳一鎮置死生於度外真一將之難求

落錢穀於掌中覺千金之易染本乃用勇而去

貪近益建功而省過管正安堡車營遊擊事察

將郭夢徵偉然奇表卓爾英姿勵節有凜凜之

風籌邊多鑿鑿之識大事可屬庸衆非倫寧遠

衆將祖承訓知名猛將敢戰雄才格鬪每負太

劍追逐輒斬梟騎車危地苦捍衛功多開原察

將吳希漢鷹揚壯氣虎視雄姿撫西虜衆憚威

名征北關功成血戰身先士卒膽落疆表復州

衆將佟養正器度豐凝謀猷沉審簡卒徒而氣

顧司馬奏議

卷之二

十九

三

雄鐵騎繕城堞而勢壯金湯不媿科名真稱將

種寬奠察將陳嘉寵儀容莊重才識老成夷市

善於招徠而群胡委命部曲勤於訓練而衆士

傾心鎮武堡遊擊蔣國泰地值衝疲政多惠愛

培元氣能先休養飭邊務更急修防分少絕甘

可稱良將中右所遊擊栢朝翠守新分之地防

禦備極苦心領更調之兵撫練不遺餘力雄才

首出忠志獨堅中後所遊擊楊紹祖壯年遠志

偉貌長才追逐勇而驕虜難侵修築動而衝邊

有賴素多美績不忝名家錦州遊擊蔣位耿直

不阿廉正有守任勞怨而成城守據要害而立
戰功謀勇相資恩威並著管義州叅將事遊擊
王紹芳已足將材兼修士行馭疲卒什伍能整
咸懷敵愾之思守衝邊圯壞皆修且有絕甘之
操正兵前鋒外家丁右營遊擊史儒勇兼力士
貌若書生孤軍當大虜而挺身一矢殲巨酋而
解難設疑設伏有敵有為正兵選鋒左營遊擊
唐伯美勇能起距藝更絕倫衝鋒屢藉其驍雄
設防獨稱其安靜素知守分亦善恤軍標下中
軍遊擊張世爵磊落之度忠鯁之心經戰陣而
熟識機宜曾讀書而頗知理道若欲窮其偉略
仍可用之衝邊鐵嶺遊擊董文貴持身廉靜馭
下真誠先任汎河士卒樂為之用今陞鐵嶺修
防備見其勤管遼陽軍營遊擊事都司僉書王
印精爽有識勤敏任勞開拓邊疆則夷下之防
益峻訓練士卒則旌旗之色改觀坐營中軍吳
嗣勳射巧而的可破心良而守不污備禦慶雲
力擒狡虜而消邊患傳宣總鎮多收怒馬以壯
軍聲管開原備禦事遊擊王汝徵才真天授事
有先機負應變之長三關安堵堅潔身之操兩

顧司馬奏議

卷之二十一

二十一

二十七

市冰清管金州守備事遊擊王善政清通遠識
文武異才開海運以救薦饑規畫智周百務攝
餉務而消積案區分弊絕一朝管蒲河備禦事
遊擊趙之牧才識疏通意氣忼慨顧名思義有
椎牛饗士之風引滿挽強挾射虎飲羽之技清
陽堡備禦劉維藩勇略出衆射藝超群孤城之
辛苦備嘗五載之清操不改西平堡備禦楊紹
先勇敢不撓強毅有執禦衝邊久歷艱危撫疲
卒竭盡心力鐵嶺鎮西堡備禦崔吉早奮賢科
素長武藝撫士卒人爭用命動修守虜自潛踪
長勇堡備禦母承宣勇能格虜慈善恤軍創建
據險之臺可絕零竊之寇懿路備禦彭國珍力
可拔山巧能貫革隨大營素稱勇敢任專城更
著勤勞清河守禦佟養中宏才偉貌壯志清操
任無忝於專城器尚堪於向進寧遠中左所備
禦葛逢夏素懷遠略雅有赤衷統銳卒塞外長
驅撫新軍部中安堵義州大清堡備禦李都宿
閑將略熟識虜情修邊堡防禦有裨飭營兵需
求盡革前屯中前所備禦亢思恭精悍慣戰老
練知機營新設而經理竭心地最衝而防禦得

顧司馬奏議

卷之二十一

二十一

二十七

策中固備禦宿振文美如冠玉能可射鵰宛然
輕緩之風可振箕裘之業慶雲堡備禦裴邦翰
藝絕才優年青志銳刺有吞胡之氣不忘報父
之讐撫順備禦張三畏雅度長才壯年清守撫
東胡効順而邊警息詰群小置法而姦蠹消蓋
州備禦王綬清雅猶是儒生沉靜閑於將略除
戎器兵多堅利簡卒乘馬盡騰驤鎮靜堡守備
戴良棟歷練老成修防嚴密飭堡軍明於賞罰
馭市夷濟以恩威廣寧備禦張朝勳耿介之性
敏練之才總百務每賴調停執三尺不少假借

顧司馬奏議

卷之二十

二十二

三百六

右屯備禦陳志任事最勤處身亦慎修廢城條
議甚悉處疲衛撫恤有聲海州東昌堡備禦安
慈志切吞胡心期報

國有一介不取之守負八面應敵之材撫夷守備
劉崇正夷酋置諸掌上邊計熟於胸中折狡虜
以斥言當雄兵之十萬正兵前鋒裏家丁督陣
備禦李有華強胡授首儕伍推能統士卒能服
衆心累功勞可方名將以上大小將領四十四
員或才守兼優或勇略獨著或以格強虜或以
撫市夷皆遼左之良所當薦揚者也以各營旗

顧司馬奏議

卷之二十一

二十三

三百七

鼓中軍千把總言之除正兵營前鋒哨探管千
總事備禦李繼武前鋒外家丁中營管千總事
備禦高貞前鋒裏家丁右哨千總安樂州都指
揮使李尚仁前鋒外家丁中營中軍鐵嶺衛指
揮同知唐鞠養選鋒右營右哨千總鐵嶺衛都
指揮使熊鑰擺撥哨千總鐵嶺衛都指揮僉事
金尚禮廣寧中哨千總廣寧右屯衛都指揮僉
事閻爭坐前哨千總義州衛都指揮使陳一諒
中軍哨千總定遼右衛都指揮同知趙栢前鋒
裏家丁左哨把總蓋州衛正千戶鄒添福右哨
把總廣寧左衛實授百戶徐義以上十一員功
勞最著於大營已經臣等三薦以上不敢復
瀆及已經練兵薦舉者不能盡及外如正兵營旗鼓
廣寧衛都指揮同知臧文綵晚營戎機歷諳世
故操征已著謀勇轉運尤效勤勞前鋒裏家丁
左哨千總廣寧右衛指揮同知馮文用氣度雄
偉技藝優閑功已積乎八年名頗稱於一鎮前
鋒外家丁右營右哨千總廣寧後屯衛指揮同
知劉翊元魁梧之貌勇敢之心角射已見絕倫
掄才可期上進火器哨千總廣寧左屯衛指揮

同知王評精銳之氣通敏之才謹守則一介不
汗較藝則九矢如樹前鋒親兵把總海州衛署
都指揮同知盧得功懷橫草之壯心披穿楊之
巧技目中無虜塞上有聲廣寧右哨把總廣寧
左衛指揮使徐純美多能多識有守有為任百
務能效勤勞當一面可期樹立本哨把總廣寧
左衛指揮同知傅廷之家教克遵吏事甚習刻
廉雅有儒行勇畧自是將材中軍哨把總廣寧
後屯衛指揮同知胡澤材具通敏幹局動能從
征屢有勲勞任事可蹈湯火開原兵備道中軍

顧司馬奏議

卷之二十

二十四

三

三萬衛指揮使王守官體貌驍雄才識練達堪
任專城之寄卓有廉將之風遼陽分守道義兵
中軍定遼前衛署都指揮僉事王之翼學貫七
書才堪一面訓簡而龜貅增氣督防而狐鼠潛
踪寧前兵備道義兵營中軍寧遠衛署都指揮
僉事王宗堯英資脫穎逸足絕塵虜情常在目
中將略已揚塞上遼陽協守副總兵營中軍東
寧衛納級指揮僉事金文彜七尺雄軀千人巨
擘勇敢魯臬強虜精巧能繕戎車本營左哨千
總定遼中衛納級指揮僉事周體元體貌豐盈

才識練達塞上已標赤幟軍中可教白眉本營
選鋒千總東寧衛都指揮僉事李建邦桓桓之
貌耿耿之心孝誼夙重鄉評廉潔允孚軍士寧
前協守副總兵營中軍廣寧前屯衛署都指揮
僉事張與功整軍放精神常銳督工作鼓舞獨
動久歷衝邊素稱良士本營選鋒千總廣寧前
屯衛都指揮僉事劉世傑二石烏號材官共遜
其能一腔赤膽疲卒克振其氣本營家丁千總
寧遠衛左所實授百戶祖承教材勇本乎天授
忠動得於家傳身每櫻鋒手常斬馘義州參將

顧司馬奏議

卷之二十一

二十五

三

營中軍義州衛指揮同知朱廷慶器宇軒豁才
識老成威名著於疆場節操冠乎群弁開原參
將營家丁千總三萬衛指揮僉事周從文負氣
粗豪遇虜輒先登壘矢心功業領軍不愧前驅
以上十九員皆旗鼓中軍千把總之良也以各
衛掌印提調守堡言之海州衛掌印定遼中衛
指揮僉事章煥然明達老練安靜廉平一方之
利弊周知四所之官民盡服東寧衛掌印定遼
左衛指揮僉事鄒國清白以律已勤慎以服官
守驛則不費公帑而舍宇一新視篆則留心城

守而圯廢悉舉寧遠衛掌印廣寧前屯衛指揮
僉事李思喬邊機曉暢世故旁通任中軍戰守
獨優司衛篆清勤已著廣寧中衛掌印廣寧右
衛指揮僉事齊汝勳年少而事體老練貌寢而
騎射優閑不墜家聲克勤官守開原鎮址堡提
調三萬衛都指揮僉事申克寬力能扛鼎技可
穿楊管中軍卓有賢聲提鎮址又多新營守慶
雲堡安樂州實授百戶王應期七載當衝每挺
身以抗虜一蕪如水不染指以剝軍守古城堡
三萬衛前所試百戶胡大智官常謹守戎務周

顧司馬奏議

卷之二十

二十六

三百五十三

知修臺父著勤勞恤軍能同甘苦以上七員皆
掌印提調守堡之良也又查得金州衛指揮同
知張延德儀容壯偉膽氣驍雄涉萬傾之風濤
備嘗險阻輓三軍之月餉極効辛勞天津海運
往返涉險本官則獨任之事已克終饑卒深賴
所當特為薦揚以錄其勞者也又查得管山海
關叅將事遊擊姜顯宗廉介有聲精爽多藝謀
深膽戶薊東之鎖鑰惟嚴誼切同舟遼左之耳
目是寄本官原聽遼東撫臣舉効而傳報夷情
不奕遼得先事為備所當併薦者也又查得廣

寧左營遊擊事叅將塗某驍健有名姿睚無忌
由卒伍累樹功伐難泯礮敵之能自營司薦躋
榮顯即聞貪肆之狀撒放低銀預買鷄鴨猪隻
營利筭及錙銖壓買雜糧販賣海州遼陽交易
下同市井如日用酒肉米鹽之細令王二莊乃
哥等承送每月不下二三十金即厨中柴炭菜
果之類責王具宋馬二等交送每年約費一百
餘兩包納月錢軍丁雷正等二十名按月出銀
三兩共計銀七百餘兩盡歸私橐收筭者林大
本也侵欺官豆命家人塗有庫等十數人關支

顧司馬奏議

卷之二十

二十七

三百五十四

止放一十五石共約豆八十餘石滿載私家交
送者吳貴二也搶奪首級已犯
明例矣又賣與把總趙雲登等或覲求賞賜或希圖
冒功得銀三百餘兩哨官之知見甚明與販馬
匹已屬違禁矣又賣與家丁門與二等或侵冒
官價或多索稍銀共得一千餘金營軍之活口
見在一味宣淫則強姦中安堡良婦段氏毛得
功妻孫氏而蔣甫之母妹俱同衽席是人道而
禽獸也百方朘削白索劉翊元二十兩索斬國
勛二十兩而莊頭之王章二亦箕歛無遺是衣

冠而盜賊也放軍營利回報稍遲者即呈詳捉
拏假公而實營私設防收斂屯民收穫者盡掠
取載歸禦寇而反為寇且其魚肉軍丁弁髦法
紀而又桀驁無禮言語甚悖若謂臣等所不能
參所不能制者此而不懲漸不可長原管遼陽
左哨千總定遼左衛指揮僉事王某叨管千總
大肆貪淫昔守長安堡勢令軍人朱文義等境
外捕魚一年賣價不下二十餘兩繼守長勝堡
侵剋委官宋世臣等領放軍餉二次計贓約有
三十餘金挾姦徒夫陳尚仁妻已姦所捕獲矣
乃科派古城軍人何三等糧六十餘石買免畢
朝進備知包姦娼婦田哥兒已縱淫無忌矣且
求索土臺屯民侯大等銀一十五兩買姦李門
子可審放左哨官銀指散軍士張振等名色輒
敢侵欺二百一十餘兩見為按臣訪拏究問何
止揭黃給遼陽馬價強索軍丁高名等領狀仍
復剋減每兩一錢一分見行該道查審追贓重
干法紀以上二員在塗其最可恨者每至設
防城堡村屯處處強姦良婦小民畏勢不敢聲
言且有馬價官豆之侵欺在王某則見行拏問

顧司馬奏議

卷之二十一

二十八

三十一

俱當行巡按御史提問查照律例從重具

奏者也正兵營原任加銜遊擊胡某暴橫有聲貪
婪無忌賣放寬奠畿陽等處軍士陳吉等三十
六名回家歇役每名銀三兩共銀一百餘兩俱
荅應官唐浩等收扣過送撒放軍帳王來興等
五十四名每領銀不等共領本銀二百兩每銀
十兩納利銀六錢經手張希閏收筭可審壓買
糧石令軍人張聰黃秀孫千二等一十三名每
名領銀八兩要糧六十四石至秋交糧之時連
原價繳還壓令軍人張一龍等一十八名每名
出產大車一輛至遼陽運糧赴廣寧交卸每輛
陪腳價銀三兩共陪銀五十四兩占使軍士潘
哈西韓達子等二十名賣肉種田經年不赴營
伍本官仍開支各軍糧賞入已代左選鋒事賣
放軍人栢計考等八名不赴營伍每名月納銀
二兩俱係各軍交送諸如此類不可枚舉今臣
與鎮臣雖單其營務而遊擊職銜儼然尚存猶
可為將來倖用之地不獨漏網而已也此當革
其遊擊職銜永不叙用者也又據分守道右叅
政栗在庭呈蒙臣并巡按徐御史批據遼東都

顧司馬奏議

卷之二十一

二十九

三十二

司掌印武舉署都指揮僉事孔東儒呈為虛疾成患乞准回籍調養以延軀命事俱批本道查報依蒙查得掌印都司孔東儒先於萬曆十七年正月初三日偶因風寒侵冒手足痺痿卧炕醫治月餘少愈勉强供職本年八月初二日丁祭早起復冒風寒衝犯舊疾愈加耳目昏暈渾身麻木恐成癱患呈要回籍養病調理似應准從遺下印信事務暫行局捕都司王印代管其員缺聽候題

請施行等因又據該道揭稱本官發身武舉文藻蔚

韻司馬奏議

卷之二十

三十一

三十一

然昔為喪母而告辭叅戎人稱孝行今為無子而不治囊橐官號廉平等因到臣該臣查得本官孝行足稱官箴無玷今既患病難令供職所當聽其回籍調理候病痊之日查例推用者也伏乞

勅下兵部再加查訪如果臣言有據將李平胡等俱附簿候有相應員缺隨宜推用孔東儒容令回籍調理病痊錄用塗某王某行巡按御史提問具

奏胡某單其遊擊職銜永不叙用庶衝邊武臣有

旨 所勸懲而無疎曠矣為此具本謹題請

韻司馬奏議

卷之二十

三十一

三十一

查舉閑將

題為查舉閑將以備錄用事查萬曆十五年七月內准兵部咨為酌議武職起用武舉推用之例以裨邦政事該本部題今後廢棄武職凡有特薦者如係患病調理裁革聽用者量以原官起用如係調腹裏用者以原官調以考察調及被論聽降者以原官降其革任回衛者定照衛官用之果係地方緊急督撫薦用亦須總副起參遊參遊起守把以此遞減等因萬曆十七年六月內又准本部咨為民災兵變均屬可憂懇

顧司馬奏議

卷之二十

三十一

三十一

乞

聖明勅當事之臣預先事之備以保治安事該刑科右給事中吳之佳條陳該本部題覆各省直督撫官復

命疏薦廢棄將官地方緊急則有特薦之

明旨所當遵守等因俱題奉

欽依備咨欽遵訖照得遼鎮與虜為鄰日尋干戈戰鬪之事而將領必用遼人為其習虜而敢戰也故雖廢棄將領之中而不無緩急可使之器或

以疾病告休而痊可已久或以過舉論革而悔悟已深總之人與地宜材難終棄臣今不敢濫及也謹擇見在委用而才勇可觀者為

皇上陳之如原任廣寧右營遊擊陳朝陞伏飛宿將拔距英姿昔任衝邊而以疾告閑今督大營而以材見用原任石門路管參將事遊擊戴朝弁閱歷機宜頗熟措注先後有條清軍丁行伍為充造戰車火器堪練原任鐵嶺遊擊章應選才智本自有餘任用頗能知變統正兵而部曲最整散月餉而姦蠹獨清原任管遼陽車營遊擊

顧司馬奏議

卷之二十

三十一

三十一

事都司僉書楊大觀年力富強才識精敏督城工悉堪保障攝守備具見猷為原任清河管守備事加銜遊擊王惟屏馳驅不惜身勞條議甚有心計戰車之督造如式火器之訓練有裨原任寧遠中左所備禦蔣國光悉心轉運矢志擊胡懲創已見圖新拔拭可令効死以上六員在陳朝陞則以遊擊告病在戴朝弁章應選王惟屏則皆以遊擊論革在楊大觀則以都司僉書論革在蔣國光則以備禦臣於十四年春練兵疏中所論革者也今陳朝陞章應選見督統廣

寧大營兵馬營務賴之而章應選曾委散餉能懲近時之弊稽核最清戴朝弁王惟屏見督造火器戰車五百輛事有條理不費不擾而已有成績揚大觀督修永寧監諸處城工勤敏任事而南衛恃以無恐近攝金州守備益見勵精將國光轉運天津漕糧甫畢見取大營効用使過業有功劳而材武難棄臣是以各錄其勞而不忍終蔽也其他不無遺材而未經委用無事可見者臣不敢驟舉矣伏乞

勅下兵部將陳朝陞等紀錄候有相應員缺查照近

顧司馬奏議

卷之二十

三十四

二十九

題事例隨宜推用斯亦封疆備緩急之一途也為

此具本謹題請

旨

舉効武職官員

題為循例舉効武職官員以昭勸懲事照得廣寧左營管遊擊事參將塗某已該本職參効革任提問遼東掌印都事孔東儒患病題

請回衛調理及照左營遊擊領兵以副正兵秋防正急征調不時掌印都司全鎮百務攸賴時不可缺俱應亟補查得坐營中軍吳嗣勳射巧而的可破心良而守不汗備禦慶雲力擒狡虜而消邊患傳宣總鎮多收怒馬以壯軍聲清陽堡備禦劉維藩勇略出眾射藝超群孤城之辛苦備

顧司馬奏議

卷之二十

三十一

三百五十四

嘗五載之清操不改以上二員俱堪推補左營遊擊如用吳嗣勳遺下員缺又查得鐵嶺鎮西堡備禦崔吉早奮賢科素長武藝撫士卒人爭用命勤修守虜自潛踪西平堡備禦楊紹先勇敢不撓強毅有執禦衝邊久歷艱危撫疲卒竭盡心力以上二員俱堪推補坐營中軍如用崔吉遺下員缺又查得開原兵備道中軍三萬衛指揮使王守官體貌驍雄才識練達堪任專城之寄卓有廉將之風廣寧右哨把總廣寧左衛指揮使徐純美多能多識有守有為任百務能

効勤勞當一面可期樹立以上二員俱堪推補
鐵嶺鎮西堡備禦又查得管金州守備事遊擊
王善政清通遠識文武異才開海運以救薦饑
規畫智周百務攝餉務而銷積案區分弊絕一
朝管蒲河備禦事遊擊趙之牧才識疏通意氣
忼慨顧名思義有椎牛饗士之風引滿挽強挾
射虎飲羽之技以上二員俱堪推補掌印都司
如用王善政仍以遊擊管掌印都司事遺下員
缺又查得原任管遼陽車營遊擊事都司俞書
楊大觀年力富強才識精敏督城工悉堪保舉
攝守備員見猷為原任石門路管將事遊擊
戴朝弁閱歷機宜頗熟措注先後有條清軍丁
行伍為充造戰車火器堪練以上二員俱堪推
補金州守備擬合咨請推補施行

小司馬奏草

〔明〕項篤壽撰

據北京大學圖書館藏明
刻本影印原書版框高一
八八毫米寬二六八毫米

小司馬奏草叙

往余筮仕為南曹郎與同舍郎子長項君相友善時時過從劇譚當世之事既余補外郡去君亦予告歸尋備兵畿輔君起補夏曹京西距京

朝不遠數數為問如曩時已而祇後檀州輒渡以馬政邊事相質訂往來亦無間日會余量移楚粵間與君遂不相聞

奏草叙首

數年所甫余以病乞歸君輒移書屬叙奏草余不嫻文辭更不能識時務即漢北粵南雖皆經畧處顧不當事權與陪末議亦至淺陋第白奴東南夷事稍稍竊聞之今所覩記奏草詳哉乎其言之也大率中外建白下部題覆指事叙陳無可否者弗論矣至其所謂增遼陽之折色定市本之歲額罷延綏之入衛獨

無益之興作杜撫民之調戾已滇粵之

黷兵禁北虜之請茶謝東夷之乞市稽撫賞之旁落查將材之獲歷山海關之節制于遼互市馬之免派于軍開歸正之踞寬捕盜之條皆動中肯綮切協機宜近亦畧見施行非徒空言無當而已若乃請罷成役省閱視抑坐咨寬餉賚此所由批抗大寮潛奪魁佞君之自詭

奏草叙首

于拙者斯其大驗歟竟讀茲編余深有感焉夫不朽有三立言其次詩書隱約直言極諫者上也即練達時務者亦不可少為叙篇端俟之知者

維揚錢藻撰

奏草叙畧

談當今之務者曰南備粵北備胡粵之事苟不徵功喜大鵬刺而拊循之足矣胡則異是三衛屬夷分地世官之日久而要賞道虜意既叵測行間剋易撫賞者時復激之如不可問何朔虜東西兩部西窳雄桀今且降名王而餽之厚矣第挾增之漸日滋而豺狼之嗜無已斯

奏草叙

坐救之形也可無限制哉迤東頗奏功最直易與耳而我士馬疲匱故亦不細借令為市為脩為戰與守善回故事而謹備焉庶無難者第疆場諸凡轄在將領文武六吏不能瑣瑣屑屑計也將領匪人幾不敗乃事耶此其要在幕府權在樞府源在政府缺一寧可哉顧沿邊積習更復頗易即市事歲縉第當約法

如額如則市不如則不市直有戰耳若薊之近習則差為難薊北

輦輟屬夷屏蔽額設兵將無幾庚戌之後增置將吏十倍曩時有主兵有客兵有入衛之兵近募南兵實塞下搃之幾二十萬歲所糜餉二百萬餘大較諸鎮無逾薊者頻年無大警日事脩築金湯稍固軍民益稠輜輳殷殷一大都會矣豈

奏草叙

直天幸我蓋多人力焉第班軍入衛日甚凋疲遼兵已報罷去延綏去薊太遠入衛兵卒何益于防守之事今數千里歲徵發數千人而歲供無文力役之征什半費矣不幾人費乎議者謂南兵不可久此不盡然兵貴勇力南北無庸擇也少詰冒濫可矣故事叙錄將材必鷹揚不牙必戰陣首功者即市場勞瘁僅

僅予賞耳苟不當虜板築荷插非有汗
馬霜露勲也一行登薦便祈推擇閩浙
村官良家子投隸幕府及嚮繒賈堅寄
空名於鎮城者豈淺少哉甚輒檄致故
所知客偕與傳來矣歲所上墻堡勞僅
數里許計里二百丈許而所列勞窳里
數十人他坐而衣食于縣官者不啻凡
倍即一搃禦也而數人共之文武大吏

奏草叙

三

亦莫可誰何凡將之材所需知勇苟不
跨馬不穿札以好謀也苟不閑韜畧以
技擊蹶張也驅所不服習者而典關隘
不次稱帥矣儻偶無事可耳即有虜患
是以將予敵也其故謂何否且歟歟藉
藉又何以故哉大司馬公時時謂予直
欲猝挽而堅持之力未遑也丁戊之交
中外事權權貴人盡秉之若之奈何哉

其相左也病廢多暇輒取笥所存駕部
職方奏草葺之大要覆

奏不必盡由中議亦不能盡當

廟議若粵南勤大征而茲以撫插為先漠
北倍金繒而茲以歲增為限遠財匱而
崇賑賚薊林雜而抑奔趨他所調停置
郵少寬捕格者此所繇失貴人之意抑
拙者之明效與詳在草中不復叙詩曰

奏草叙

四

憂心悄悄僕夫况瘁嗟夫心之疲矣瘁
豈顧問哉傳有之采薇廢則征伐缺矣
出車廢則功力缺矣杖杜廢則師衆缺
矣夫司馬捐讓之法存而三代仁義之
師概見于後世牧民形勢乘馬之篇著
而尊攘之略可睹記焉則盛時之所以
安內攘外者胡可廢也胡可缺也

秀水項篤壽撰

小司馬草卷之一

駕部稿

題為地方十分困敝乞

恩寬減變賣種馬拖欠銀兩以蘇小民以固邦本事

案呈到部看得南京太僕寺卿何 等題稱揚州

等府州縣連年水災要將拖欠變賣種馬價銀共

三萬六千餘兩照依先年事例酌量減免候豐年

帶徵一節為照種馬變賣一半徵價非常大恩不

得類冀况前議每馬一匹變銀十兩本是常值殊

非多科止緣積久未完遂為逋累即今徐鳳淮楊

奏草

卷之一

十一

三百九

頻歲水災昏墊已極本官目擊時艱題

請前來無非仰承

德意寬恤元元但各府災傷原有差等所議減緩不

無異同相應酌量列為三等合候

命下劄行南京太僕寺并咨行應天淮揚各巡撫及

咨南京都察院轉行印馬御史行令所屬仍照原

題每匹十兩事例內將揚州府屬泗州臨淮縣淮

安府屬邳州山陽桃源宿遷贛榆清河睢寧沐陽

等州縣俱係重大災傷前項馬價擬以十分為率

准免六分仍追四分自萬曆八年為始分作三年

徵解限萬曆十年通完其揚州府屬江都儀真二

縣鳳陽府屬壽州宿州懷遠虹縣盱眙定遠靈璧

鳳陽等州縣并滁州建平縣間有水災擬於十分

之內准免四分仍徵六分自萬曆六年為始分作

三年徵解限萬曆八年通完其應天府屬上元句

容縣鎮江府屬丹徒金壇縣近年頗登擬自萬曆

四年為始十分為率派作三年徵解每年帶徵三

分之一限萬曆六年通完各該有司務要依期催

奏草

卷之一

十一

三百十

併無復因循再照邦政所需莫急於馬兵家制勝

尤貴於預邇來馬政遞減遞更通計每歲畜牧較

之

祖宗之時已損十之四五且自折色過多則備用已

少自種馬半賣則舊額頓虧雖目前積貯似若苟

完萬一軍興何從猝辦每思

祖宗之盛而不可得欲復

祖宗之舊而未有會私心竊計頗懷隱憂但兩淮一

帶累歲水災民因果極所據該寺上

請本部覆題萬非得已其餘牧馬地方如北直隸山東河南等府間歲稍登拖欠亦少司牧事者各當仍照先題事例嚴行追解毋得藉此爲比以災爲辭等因萬曆四年三月初十日太子少保本部尚書譚 等具題本月十二日奉 聖旨是欽此

奏草

卷之一

三

九

題爲清庫藏一政體以杜侵魚以實軍需事案呈到部看得南京太僕寺卿何 等題稱所屬府州縣各項馬政錢糧無官查理積弊要委府佐等官清查完欠以杜侵漁及將扣留備荒場租盡數解部遇有災傷應派備用每馬一匹扣數減徵一兩及稱該寺先年裁革少卿寺丞各一員積有缺官俸薪等銀三千七百二十八兩起解外其原派州縣俸薪通行停徵各一節爲照馬政錢糧

奏草

卷之一

四

三

愈防愈出本寺深究害源思爲釐正據所建白最詐且密矣但查先年寺卿何 奏議通行南北直隸山東河南各撫按選委廉幹官員嚴查所屬馬政各項銀兩完欠積弊奉有

欽依遵行已久况印馬御史今雖併差然勾稽錢糧實其職掌則是綜覈之法本非不精而因循之久漸以旁落若復以查盤之事獨歸該寺則有專職者議其多門其兼攝者委非已責且南北同寺俱爲一體檢察奸弊致有異同非所以專任用而一

法守也合候

命下移文應天淮揚撫按併行北直隸山東河南各撫按及兩京印馬御史遵照先題事例選委廉幹官員將所屬馬政各項錢糧逐一清查吏胥之侵盜者問罪追徵所司之乾沒者叅提催併其兩京太僕寺卿丞按臨所屬地方仍各通行查考遇有奸弊照前施行務使未徵者不容掛漏已徵者無得侵那俾法在必行毋畏奸避怨廢壞牧政至於應天等府州縣牧馬地租先經寺卿雷 題有定

奏草

卷之一

五

三百九

議據稱前項扣銀或解該府或留州縣事體不一委難清查及訪所扣銀兩未聞幫助貧民止資豪強拖欠必有定法方杜遺奸但天災不常事體貴一若盡行解部遇災扣除則文移往返似為繁鎖而計筭減補適滋弊端合將應解部者照舊解部應扣留者州縣扣徵解府類解南京太僕寺收貯遇有荒歉地方呈請該寺照災酌助務使貧民沾協濟之恩豪右無覬覦之望如有仍踵故習欺隱占賴者各撫按印馬御史及該管太僕寺官嚴查

究問施行其該寺卿丞既以冗官裁革員下柴俸即當免科累年積銀盡令起解額派銀數准行停徵但各縣歲派原有規則此既停徵則坐派之時仍要計筭均平以杜奸弊再照留都乃根本重地積貯又經國要圖况

陵寢寔豐鎬之舊高墻有郭隣之防據嘉靖二十九等年帑藏告匱行令南京兵部取用收貯馬價地租缺官銀兩三十餘萬隆慶年間閩廣用兵借給一十五萬若無素所蓄積何以有此即令

奏草

卷之一

六

三百

皇上躬行節儉間有餘贏南京衙門無礙官銀所積無幾其合應收貯者乞

命仍舊存留但使時加稽查無裨侵那似不必務為檢括奏題起解致使空虛緩急無備等因萬曆四年三月十一日太子少保本部尚書譚 等具題十三日奉

聖旨是欽此

題為查處驛遞銀兩以昭

聖恩以寬民力事案呈到部看得巡撫保定都御史

孫 巡按直隸御史賀 等會題保定府屬驛遞

工料支應銀兩先年量其衝僻定數支給後因牌

票勘合一體應付支辦繁多自去年八月以後奉

例裁革各驛遞應付較前所省數多及查各驛遞

舊額每年共該工料支應等銀九萬三千六百有

零今議減四萬二千二百有零實止用五萬一千

三百三十五兩要將去年九月起減扣至年終止

奏草

卷之一

七

三

共該銀五萬六千三百八十三兩俱貯府庫於內

動支五萬一千三百三十五兩抵作萬曆五年分

各驛遞正用其該年額徵銀兩通行免徵以後再

計實數酌量減派及稱該府地瘠民貧如遇水旱

逋負不齊洪應難定前項扣貯銀兩除抵作萬曆

五年正用外如有不敷尚有貯剩二項南馬銀一

萬餘兩并見催蘇常等府未到銀兩責令該府另

貯專備補較各一節為照驛遞疲敝救小民困苦仰

荷

聖明軫念真切一時冒濫盡清節省不少委應亟議

寬恤使小民均霑實惠但法貴謀始今出惟行公

差多寡有難以一時為準盈縮規則當較夫數歲

之常今據該府所議乃自去冬以迄今春時方半

載而保定一府實為西路總會之區當從寬議况

豐凶不齊完欠難必若以一時節省之數定為永

久遵行之規倘或差使繁多則支持不給必至賠

補賠補不已必至逃亡不休必至增派是今

日蠲免之多忘其為恩他日增派雖少翻以起怨

奏草

卷之一

八

三

非所以慎始議為可繼也但寬一分民受一分之

賜早一日民霑一日之惠今撫按合疏具題無非

欲

聖澤流行速於置郵耳相應擬合無恭候

命下本部移文巡撫都御史及咨都察院轉行巡按

御史督行該府暫將所議支剩銀兩准作萬曆五

年支用如有不給即以南馬等銀較補本年免派

一年以後照舊徵解但每於年終即行查算支剩

若干積至幾年約數一年支用有餘再議免派一

年自是率以為常用寬民力其河間等府及南直隸各省一體通行查議施行內南馬等銀除通融補贖外若有多餘仍另貯在官專供驛傳緩急如水旱災傷差遣充斥等項支用大抵小民困窮與驛傳疲敝使客跋涉之苦行旅往來之煩俱要公聽並觀既不宜任其冒破徒為積奸巨猾之資亦不可過為減削致失公平正大之體萬曆肆年四月二十九日太子少保兵部尚書譚 等具題五月初二日奉

奏草 卷之二 九十一 二百五

聖旨畿輔驛遞疲敝救至極該府銀兩既積有剩餘准免派一年以甦民困各該驛遞衝疲地方都着照例查議行其餘依擬欽此

題為行移勘合沉匿日久懇乞

聖明嚴究以彰

國法以隆

親親重典事奉本部送禮科抄出禮科都給事中

李 等題等因奉

聖旨禮兵二部知道欽此欽遵抄出到部續准禮部

咨稱填發遲速及干係

宗藩者本部查覆外其差人給領一節移咨知會

前來通送到司案呈到部查得各府部院公文行

奏草 卷之二 十一 二百九

本部車駕司轉發原無傳遞員役俱附各省差人

順齋見行事例齋文二十角以上方給包馬一匹

遠方差人候久告齋別省順路公文該司恐有遲

滯隨時給發邇來本部查訪便道順齋及武官告

領終非事體行司停止其萬曆二年前間有誤

事之人隨行拘究尚有見行兵馬司監追及叅送

刑部未結者去年七月間覆議驛傳事宜開款申

明似亦無誤所據該科具題前因查得兩部該司

發行月日及本省塘馬傳遞無一差遲止有川貴

差官所領二件卷開先後據各告稱候久願齋順路公文該司審各假道河南見有順齋事例川貴萬里程途不宜留滯來役止圖公私兩便詎意付託匪人近據禮部該司行查一面回報一面移文兩省提究及行河南塘馬挨查失落處所復據該科查叅合候

命下移咨都察院轉行各該巡按御史將紀榮等嚴提問罪原任該司郎中係遷官事發似應免究耳照部院公移非關官吏選法即係錢穀刑名并本

奏草

卷之一

十一

非

部清勾軍單要皆

國家重事急于風火隆慶三年該本部尚書霍具題不許職官齋領止有差承附帶一途其差承告領公文只為希圖包馬此輩半是胥走猾徒不皆奉公守法中間磨洗之弊甚于稽程增減之奸廣于脫失况且公文入手互相那換惟圖利便不顧失遺在馬匹則有合夥行走附帶私人在公文則有私相授受不赴原行衙門交割縱使事無差誤終於前件未銷即今半年之內本部遇有前弊隨

事通行申飭多方禁戢但不敢上瀆

天聽今經言官論奏內除萬曆三年以來久無別省及武職差人順齋外但各省正差及塘馬投遞未必如期無誤合行各該撫按及布政使司等衙門知會務要嚴加清查毋得視為故事每季終將原發公文數目併奉到日期咨部查考如逾期不到及經久方到者行提該役叅問重擬等因萬曆四年六月初六日本部尚書譚等具題本月初八日奉

奏草

卷之一

十一

百

聖旨是欽此

題為比例折解班銀以蘇民困事車駕清吏司該
看得巡撫鳳陽兵部左侍郎吳 巡按直隸監察
御史舒 各題稱廬州府屬無為六安二州合肥
等六縣額僉湖廣等處各

王府校尉每被各府不分逃絕有無勘合一槩溷
提隨解又云脫逃復行提取累民不便乞要比照
河南府屬折銀解府雇人代役一節為照
親王之國例撥校尉六百名歷相繼補新封
郡王題抄到部本部覆

奏草

卷之一

三

言

准有護衛處撥與軍餘十二名民間僉派十二名無
護衛處俱於民間僉派每名每年於均徭內帶徵
銀一十二兩解府雇人代役遵行已久今查

荆

襄等府分封湖廣江西山東河南等處所僉民校
因何派及廬州府所屬州縣况各府原額校尉六
百名數半是錦衣衛校丁撥結半以羣牧所軍丁
改充此皆隸於尺籍不係編氓但

國初間有民戶投充未必盡由行伍或係始封所

撥軍校原籍今乃累及同姓異籍齊民似不能無
再查

荆

淮

襄

鄭四府係是

仁廟諸王肇封於永樂之末就國於宣德之初而

崇

德

奏草

卷之一

十四

與三府又皆受封於天順之後所據鄭文開稱及該
州間列緣由未見的確况

先朝兩都竝建所撥侍從員役獨有南京衛所校軍
及畿輔州郡民戶僉充者本部既無冊籍可據該
州縣又未經一一查詳他如

興府校尉今已改隸

顯陵

梁府國除校丁未知應否裁革况

梁府寢園已隸

顯陵校尉似已歸併今該撫按具題勾解之煩頂補之苦在

藩邸寄力役之名而竟歸於雇役在民間竭力差之費而終併於銀差據例陳情莫非勤恤民隱但事涉

親藩所關非細似難遙度以滋瀆擾擬合題請恭候

命下本部移文該撫按轉行該道行無爲六安合肥等州縣備查前項民校僉充來歷中間有無軍籍

奏草

卷之一

十五

五

併轉咨河南湖廣江西山東各巡撫衙門轉行布

政使司行各

王府長史司備查廬州府屬州縣校尉原籍是否軍民僉充於何年間奉何事例坐派今復勾補如果的係民校貫籍有據咨回本部另行議覆如係軍籍撥補仍照舊例遵行等因萬曆四年七月二十一日本部尚書譚等具題本月二十三日奉聖旨是欽此

題爲數陳末議以仰禱

聖治事車駕清吏司案呈奉本部送准巡撫江西等處地方兼理軍務都察院右副都御史潘 咨等因到部續准都察院咨據巡按江西監察御史張呈同前事案呈到部看得給驛乘傳并應付脚力節奉

欽依已爲詳盡卽如各省起運錢糧始皆編僉糧長解戶經收經解後乃差有押解官員其合用脚價既定有扛解銀兩而一切浮費則解官取諸糧長

奏草

卷之一

十六

三

解戶糧長解戶於徵收之時不免多取於民後因通革糧解委官總部謂之官封官解在百姓既免多取之弊在糧解亦無偏累之苦而扛解銀數仍舊則水脚諸費亦自足用此條例不給勘合之由也乃今既革其糧解又減其水脚又不給與勘合比至途中且有意外之虞各該官員一經差解錢糧卽如墮落窞窞多方求免至欲棄官以去者於此不爲酌處委於事體未便合無恭候命下本部通行各該撫按衙門以後凡遇起解京邊

各項錢糧務要嚴查有無經收糧長解戶及曾否將先年扣解減削如糧解及扣解仍舊其勘合仍照例不給若糧解已革扣解復減削過半即照江西撫按今議事理給與應付勘合由陸路者每銀一千兩撥夫二名由水路者每站船一隻以銀十萬兩為率撥夫二十名數有不及亦准給與船夫解官支廩給馬匹隨行人等不得槩支日糧馬驢回還之日人夫住起量行給與解官廩糧脚力所給外號勘合務要開填銀兩數目及脚價多寡以為應付等差不得徇私情分外填給其原未經裁減脚價去處不得緣此輒行裁減改給勘合致滋冒濫等因萬曆四十九年九月二十三日本部尚書譚 等具題本月二十五日奉

聖旨這起解錢糧官員依擬分別給與勘合回還之日不准近來訪知勢要官員不係公差的經過有司驛遞照舊應付各撫按等官全不體朝廷優恤民隱之意仍踵弊轍阿意奉承今後有違犯的一體查究欽此

奏

卷之一

七

三百七十四

題為懇乞

天恩俯念殘疲邊邑比例免養官馬拯蘇民困事案呈奉本部送准總督薊遼保定等處軍務兼理糧餉兵部左侍郎兼都察院右僉都御史楊 咨到部送司卷查隆慶六年十一月內為乞憐

陵寢重地差繁民疲遵例仍免養馬以蘇困苦事該順天撫按官楊 等題稱昌平州奉祀

諸陵差役繁重乞照鳳陽泗州事例將該州寄養馬匹盡數發兌以後永為蠲免本部依擬免派已經

奏

卷之一

六

三百七十五

題奉

欽依通行欽遵去後今諒前因查呈到部看得總督侍郎楊 咨稱密雲縣寄養馬戶率多逃亡貽累里甲乞要比照昌平州事例將該縣見養馬匹先行調兌以後量減數分一節為照馬政重務寄養地方各有常額減於此必增於彼減者雖以為恩增者重以為累非公平正大之體也且密雲縣雖為軍門駐劄之所人馬所聚懋遷亦多較之昌平州

陵寢所在奉祀人員往來繹絡不同但蕞爾一邑當
此有事之時比之嘉靖庚戌以前無事之日差役
繁簡自難例視查得近該薊鎮題討寄養馬一千
匹已經題覆

准給相應就中酌處合候

命下劄行太僕寺將密雲縣見養馬內臆壯堪充者
儘數調充該鎮官軍騎征其有不堪充者仍令喂
養不堪喂養者行該管衙門另行酌議後有解到
備用馬匹先儘別州縣照舊分派牧養如已足原

奏草

卷之一

十九

三算

數仍派該縣寄養每候該鎮請討之日先儘該縣
調充給軍騎操不許退回則制額不減民困可蘇
矣等因萬曆四年十月初十日太子少保本部尚
書譚 等具題本月十二日奉

聖旨是欽此

題為仰體

宸衷比例懇

恩蠲免拖欠馬政錢糧以廣

聖澤以安地方事查呈到部看得南京太僕寺卿石

等題稱淮安府屬累被水災要將節年拖欠馬

價草料場租銀共一十一萬五千二百九十三兩

一錢一分已徵者截數起解未徵者悉與蠲免徐

州揚州高郵興化寶應等五州縣均被水災乞將

拖欠馬價草料場租等銀共一萬五千餘兩一體

奏草

卷之一

二十一

蠲免及稱鳳陽府屬十八州縣共欠草料場租銀
一萬餘兩揚州府屬泰州通州泰興儀真江都如
臯六州縣共欠馬價草料場租銀四萬餘兩廣德
州建平縣共欠馬價草料場租銀四千餘兩前項
州縣疊遭水患要將前欠銀兩除奸徒侵欺者嚴
併外其果係小民拖欠實數亦要酌賜蠲免或量
減分數各一節為照馬政錢糧軍需重務本難輕
議但淮安等府所屬連歲水災民困已極當年錢
糧尚難措辦逐年舊欠何從帶徵雖節經撫按等

官題議本部酌量覆奉

欽依帶徵終是徒寄空名無裨公家實屬而催徵督
促之煩尤為民間重累况戶部一應錢糧悉蒙蠲
免前項積逋委應酌處今該南京太僕寺卿石
等目擊民艱題

請前來無非仰體

德意優恤困窮相應依擬恭候

命下行移該管撫按并劄行南京太僕寺將淮安一
府自隆慶四年起至萬曆二年止共欠馬價草料

奏草

卷之一

三十一

三十一

場租銀一十一萬五千二百九十三兩零并徐州

碭山高郵興化寶應等五州縣共欠馬價草料場

租銀一萬五千餘兩如有已徵在官者務令盡數

作速起解不許吏書及經收入役混報未徵侵欺

作弊未徵者悉與蠲免其鳳陽府屬一十八州縣

并揚州府屬泰州等六州縣俱累遭水患其欠馬

價草料場租銀五萬餘兩以十分為率量免五分

仍照舊議分作三年帶徵扣至萬曆七年為滿其

廣德州建平縣災傷稍輕欠銀肆千餘兩相應照

舊徵解其餘無災州縣應馬政錢糧俱要依則

完解不得援例奏擾等因萬曆四年十二月十七

日太子太保本部尚書譚 等具題二十九日奉

聖旨這馬價銀兩依擬蠲免減徵以蘇民困欽此

奏草

卷之一

三十一

三十一

題為敷陳末議以仰裨

聖治事查呈到部看得應天巡撫都御史宋 題稱

奉例節省蘇松常鎮四府所屬驛遞減編站銀七

千三百五十七兩二錢零徽寧池太安廣六府州

所屬縣驛減編站銀一萬四百六十七兩三分三

釐五毫二絲及將蘇松等四府奉例以後節省銀

四千三百一十九兩一錢七分三釐已經放給織

造仍有未奉例前積存銀一千七百七十四兩三

錢七分五毫一絲并徽寧等六府州前後積存備

奏草 卷之一 三十一

用銀一萬二千八百七十五兩三錢二分八釐二

毫動支抵充織造應用一節查得保定一府俱是

陸路每馬一匹每年工料銀或六十或七十兩每

驢一頭每年工料銀五十餘兩通計所屬州縣二

十驛遞一十六處歲派額銀九萬而民快諸役不

在其中蘇松等九府一州俱從水路每名長夫每

年工食銀七兩每名水手每年工食銀九兩通計

所屬州縣四十有七驛遞二十七處歲派額銀一

十四萬而阜快等役俱在其內此額派多寡之由

也即今奉

旨清查保定所議馬驢數目及歲給工料十已裁其

四五但該府止是西路之衝所屬支應衙門較之

蘇松等府纔及一半內馬一匹即減銀二十驢一

頭即減銀十兩以故扣至四萬有奇其蘇松等府

所議水手長夫每日工食不過二分難以再減其

所量革名數積筭無多况各府係九省通衢鎮江

池州太平廣德丹陽儀真府州縣又當水陸之會

南京內使進

奏草 卷之一 三十一

貢船扛仍照舊額此裁省懸絕之由也及查近來江

北旱路募商當差馬驢頭累害已少江南站銀盡

入條編總歸雇役一切廩糧無頭戶貼戶私賠之

苦一應夫役無排門備差貼差之名此則今日節

省之驗也但江南站船水手多者十名少者五六

名每名每歲工食銀或十兩或九兩若使出水奉

差不為浮食間有脩理聽差動經歲月止應船頭

看守其餘水手工食不宜一槩濫支近據浙江見

行事例直差則全給一年守候則量行半給凡有

船隻處所似宜以此為準不特蘇松等府為然此則今日當議之要也再照先議外號填給勘合造冊具

奏回銷甚便檢查尚未一一遵行南京兵部及各督撫按部屬各差關給外號勘合止據文移請討待之稍易填給不無假借未必盡奉公差經過地方官員私用傳牌不無仍蹈宿弊此則所當再行申飭釐正及設法稽查者也合無恭候

命下本部移文應天撫按等官將蘇松等九府一州

奏草 卷之一 五十一 三十一

減編驛傳事宜俱依擬施行其站船水手工食銀兩吊取浙中事例酌處徑行凡有站船處所據此為準其南京兵部及總督撫按總兵部屬各差應給外號勘合者以後俱要具本題

請方准給發填給將盡預期再請仍各照將用過勘合造冊繳報青冊送部以便稽查及查大典遞運所每年真定等府饒陽等縣編發站銀二千二百六十兩近因裁革冒濫本部於去年十一月間委官清查餘羨稍敷兩年支用該府前銀似當將萬

曆五年分蠲免一年以寬民力萬曆五年正月二十五日太子少保兵部尚書譚 等具題本月二十七日奉

聖旨是朕軫念小民困苦節有明旨清查驛遞期以除弊安民乃各撫按官全不體朕心將題准事理都視為故紙背公徇私牢不可變又訪知近日朝覲官有遣牌馳驛的一槩應付若不奉公差得以傳牌應付則勘合俱屬無用清查亦何有益此等情弊你部科豈不悉知竟未見奉旨參奏何忍於負朝廷而不

奏草 卷之一 三十一 三十一

敢違私請豈佐朕奉天養民之意今次姑再行申飭以後勘合都着具奏請給不許擅與有仍前違犯的撫按官并各地方有司俱以不職降黜你部科容隱不參定行一體重治決不輕貸蘇松等處減編事理擬奏尚欠清楚姑依擬行站船水手工食着通行查減真定等處站銀准免派一年以甦民困欽此

為懇乞

天恩俯憐衝疲州縣議處馬匹拯蘇民困事查得隆慶二年五月內為酌陳馬政諸議以備採擇等事該太僕寺少卿武 奏稱南北直隸山東河南各府州縣民間種馬為害多端無益實用乞要盡行變賣本部酌議覆奉

欽依准賣一半每馬變價十兩每歲仍徵草料銀二兩其備用馬匹照舊徵解隆慶五年又該給事中 梁 請將草料悉行蠲免本部議擬每年每馬止

奏

卷之二

三

三

徵草料一兩又查得萬曆四年十月內為懇乞

天恩俯憐殘疲邊邑等事該薊遼總督侍郎楊 咨

稱密雲縣地瘠民疲差繁賦重乞將寄養馬匹酌

量減免本部議擬將該縣見養馬匹堪免者儘數

調兌後有解到備用馬匹先儘別州縣派養足數

後派該縣寄養俱經題奉

欽依通行欽遵去後又查得山東沂州原額種馬一

千七百一十五匹變賣過一千二百零一匹見在

五百一十四匹郟城縣原額種馬八百四十五匹

變賣過五百九十二匹見在二百五十三匹費縣

原額種馬一千一百一十四匹變賣過七百七十七

匹見在三百三十三匹保定府完縣原額種馬九

百五匹變賣過四百五十二匹見在四百五十三

匹唐縣原額種馬九百五十五匹變賣過四百七

十八匹見在四百九十七匹新安縣原額寄養馬

二百七十二戶見養馬一百七十三匹順天府密

雲縣原額寄養馬七百九十四匹看得直隸印馬御史

孫 題稱巡歷所屬見山東等處歲被水災乞將

奏

卷之二

三

三

沂州郟城縣費縣保定府完唐二縣見養種馬變

賣三分之一俵額以見養數永徵折色草料姑行

停免新安縣密雲縣寄養馬匹見在堪免者盡數

調兌不堪者另行議處以後免行發養或暫免數

年或量減分數薊遼總督楊 咨稱密雲縣原額

地二千八百五十七頃有零每馬一匹編地三頃

五十八畝共養馬七百九十八匹近年脩蓋營房

等項公用共去地三百四十五頃零地去馬存小

民偏累乞要照數減免額馬九十六匹各一節查

得原額種馬一十二萬五千餘匹立法初意不獨專為孳生亦可備濟緩急邇年以來議題變賣十已去其五六今計沂費郊完唐等州縣共原額種馬五千五百三十四匹變賣過三千五百匹止存二千零三十四匹似難再議但御史孫 職專馬政目擊民艱題

請前來相應酌處合將沂費郊完唐等五州縣見養種馬二千零三十四匹內量賣三分之一每匹估價銀十兩解寺草料暫免二年自萬曆七年為始照

奏草 卷之二 二十九

例徵銀一兩其備用馬匹行太僕寺於兗州保定二府每年扣派數內通將折色派與沂費等州縣餘下本色分派同府成熟地方俟年來豐收照舊徵解新安密雲縣寄養馬匹通照近行事例堪充者先儘調充不堪者另行酌處以後解到備用馬匹如果數少暫免給養兩年總督楊 咨稱密雲縣公占地三百四十五頃每三頃五十八畝養馬一匹相應永免發馬九十六匹合候
命下行令各該撫按及太僕寺遵照施行再照各邊

互市夷馬雖多然土性未習養充皆難今雖僕寺馬價少有餘積而蓄牧之數較前減半先今各處種馬既經變賣牧馬人戶似已少蘇萬一軍興乏用實於

國計無賴合無通行各處種馬州縣不拘先今變賣原額馬戶冊籍照舊存留待後年登揀選備用馬匹堪以作種者給與蓄牧庶幾初意不失軍需無虧再查順天等府所屬寄養馬匹本部委官充給每稱養馬至十年以上者毛齒漸長軍士多不願

奏草 卷之二 三十

領年復一年日就憊駑目今臆壯猶可變賣合行太僕寺通查給發寄養馬匹十年以上不堪調充者從長計處務期官民兩便等因萬曆五年三月初六日太子少保本部尚書譚 等具題本月初八日奉
聖旨是欽此

題爲查催馬價復給全銀急救貧民殘喘事查呈
到部看得山東巡撫都御史李 題稱江南糧餉
馬價節年積欠三十餘萬累及本省包賠至於民
力不支乏役稱苦若非嚴限督催他省有司終屬
怠玩議將嘉靖隆慶年間所欠銀二十六萬一千
二百三十四兩移文各該撫按衙門通行所屬盡
數蠲免其萬曆元年二年三年欠銀四萬三千三
百一十五兩九錢五分三釐每年帶徵二分與見
徵萬曆四年全數定限解給代役當過工食弁補

奏草

卷之二

三

三

司庫借過銀數以後見徵銀兩務令當年全完如
再因循延欠責成撫按卽照京邊錢糧事例經管
正佐等官各按分數參奏降罰及稱馬價徵足銀
有盈餘將代養糧餉馬匹增復舊數本省續加銀
兩量爲裁減一節爲照江南馬價節年積欠數多
致累東省疲民似當設法催解但歷年久遠遽行
驟徵尤恐民力不支合宜酌量蠲免既經山東巡
撫行令司道會議具題前來相應議擬恭候
命下本部移文山東巡撫都御史及各都察院轉行

彼處巡按御史將江浙蘇松等處馬匹查自嘉靖
隆慶年間銀兩除徵解已到者查給其餘欠銀二
十六萬一千二百三十四兩冊開細數移文各該
撫按衙門通行所屬州府縣查有已徵在官者仍
行解給如係民欠未徵者所在明示曉諭盡數蠲
免其萬曆元年二年三年共欠銀四萬三千一十
五兩九錢五分三釐每年帶徵二分與見徵萬曆
四年全數定限以咨文到日爲始限半年以裏通
行追完解發山東布政司散發代役應給之人及

奏草

卷之二

三

三

補還司庫借過銀數以後見徵銀兩務要當年全
完每年終將完欠分數咨部查覈如有因循延欠
解不及期者聽各該撫按遵照京邊錢糧事例將
經管正佐等官各按分數參奏降罰嗣後徵解及
時銀有盈餘增復糧餉馬價等項悉如所議施行
仍將行過事宜咨部查考萬曆五年三月初十日
太子少保兵部尚書譚 等具題本月十二日奉
聖旨是欽此

題為議留賠補入衛兵馬價以便騎操事案呈到
 部看得到巡撫大同都御史鄭 題稱本鎮入衛衛
 鎮官軍在薊倒死馬匹給價領買宣府市馬往返
 勞費不便要將大同市馬就給本鎮官軍部發價
 銀即作本部歲發大同年例市本之數其宣府應
 得年例如有不足仍行補發以免往返一節為照
 各邊入衛官軍馬匹原係各鎮自備始議遇有死
 馬仍於該鎮處補繼因各鎮買補不前奏討紛至
 議將薊鎮註防月日馬匹倒失請發太僕寺銀聽

奏草

卷之一

三十一

三百九

給各領兵官回鎮買補後因互市夷馬騎操足內
 地賠補之缺而官無費財節邊關喂養之需而軍
 無累害一舉兩得法甚良也再查各鎮各有歲發
 互市買馬年例之銀多寡不等薊鎮歲查各鎮入
 衛各兵死馬之數方為議請原無定額即今開市
 既久各鎮積馬數多宣府非獨盈大同非獨歛市
 宣府之馬以補大同移大同之軍而赴宣府道里
 往來委屬未便既該巡撫鄭 題議前來相應依
 擬歷查各鎮入衛官軍在薊倒失馬匹通計每歲

數不甚多歲支馬價亦不甚廣原係一年倒失買
 補之數不應扣除各鎮年例市本合候

命下咨行大同督撫官將前次給發大同入衛馬價
 銀三千一百二十兩存留本鎮即將調習市馬照
 數給發入衛官軍騎征其萬曆五年各鎮入衛官
 軍在薊鎮倒死馬匹係大同者准於大同買補係
 宣府者准於宣府買補所用之銀俱不在各鎮年
 例之內永為定例仍咨宣府巡撫查將收過延寧
 入衛弁本鎮入衛馬價數目扣算如不足本鎮原

奏草

卷之一

三十二

三百十

議事例市本咨部處補等因萬曆五年六月初四
 日少保兼太子太保本部尚書王 等具題初六
 日奉
 聖旨是欽此

題爲比例折解班銀以蘇民困事車駕清吏司
呈奉本部送准都察院咨據巡按直隸監察御史
邵 呈奉本院勘劄准兵部咨前事等因咨院備
劄前來奉此依奉案行潁州兵備道查報去後今
據該道兵備僉事朱 呈行查過廬州府額派

荆

淮等府校尉僉克年間軍民選補緣由到部送司
案查萬曆四年七月內該巡撫鳳陽兵部左侍郎
吳 巡按直隸監察御史舒 會題前事要將廬

奏草

卷之一

三五

百八

州府屬無爲六安二州合肥等六縣額僉湖廣等
處各

王府校尉比照河南府屬事例折銀解府雇人代
役該本部議擬覆奉

欽依咨行巡撫衙門轉行河南湖廣江西山東各巡
撫轉行布政使司行各

王府長史司及咨都察院轉行巡按御史行無爲
六安合肥等州縣備查廬州府屬州縣校尉原籍
是否軍民僉克於何年間奉何事例坐派去後今

據潁州兵備道查過廬州府屬州縣額派

荆

淮等府校尉軍民僉克年分名數前來未有各巡
撫衙門行各

王府長史司查明咨回緣由及照

興府

龍飛一應校丁若係從

龍則改隸錦衣衛若留藩邸則改隸

顯陵再查

奏草

卷之一

三六

二百〇六

梁府國除墳墓俱屬

興府承管其所存校丁似已先屬

興邸今計必歸

顯陵須行承天守備衙門查明方見詳的等因案呈

到部看得巡按直隸監察御史邵 呈稱要將廬

州府屬州縣額派各

王府校尉比例折銀解府募役一節莫非俯恤民

瘼以蘇繁役但事干

宗藩未經各衙門查明覈實有難輕議擬合再查

為此合咨前去煩為轉行巡按直隸御史會同巡撫部院查照先今事理轉行河南湖廣江西山東各巡撫衙門備查明確會議停妥徑自具題以憑議覆施行

奏查

卷之一

三

奏

題為敷陳末議以仰禱

聖治事案呈到部看得江西巡撫都御史潘 巡按御史趙 會題所屬驛遞站銀每年於均徭驛傳二項下派徵一十萬六百五十餘兩近自奉例節省減編銀二萬八十有奇止編七萬二千六百餘兩及查節年支剩已未完銀八萬五千二百三十餘兩內將已徵在官銀四萬九千五百九十九兩有零動支四萬九千二百八十兩零抵免萬曆六年分驛傳項下站銀止徵均徭銀二萬三千三百五十九兩有零較補一年支用其未完民欠餘銀三萬五千有奇分年帶徵完解俟後積有盈餘再議免派及稱今議實編支應銀數僅足歲用無容拖欠每年終查筭如有催徵不前者照例叅治一節為照驛傳條例開載本明歷朝以來累行申禁自波流於正德之末觴濫於嘉靖之中徵發無限民困日深先任刑部尚書鄭 建白於前本部尚書楊 酌議於後諸凡弊端稍稍釐革而頻歲以來稍復冒濫以此言官敷陳本部題覆節奉

奏章

卷之一

三

奏

嚴旨稽查通行各省直酌議減編去後所據奏冊到部南直隸浙江等省及順天河間保定三府未及十處免徵一年及借留織造之數不下四十餘萬其議處減編之數又且一半有奇矣即今本部酌處

題覆填給行使雖未嘗寬假以徇人情實不敢過為刻削以忘宿旅此眾所覩記也但查各處冊籍簡明固多間或有目無綱則難於檢括或有總遺細則苦於扣除或裁省太多似非可繼或盡仍舊

奏草 卷之一 三十九 三百卅一

貫終屬虛文今該江西巡撫都御史潘 巡按御史趙 會題前事計道里之衝僻以度支應酌歷年之省數以定減編以節省五分之內而永免其三則嗣後無復派之虞以貯庫見存之銀而取以支給則宿邇無難追之患水夫以行住定工食而得稱事之宜近欠限年分以帶徵而有緩二之善再查清冊開載條分於前而各府減存之詳指掌可見總結於後而一省編支之數舉目可知即猶胥巨蠹無從操其奇贏貪官污吏難以容其乾沒

真足以仰承

德意下恤民窮編僉驛傳此為準則合候

命下本部移文江西撫按將南昌等十二府屬應徵萬曆六年分驛傳項下站銀四萬九千二百八十六兩六錢零盡數免派一年於已徵在官節年支剩餘銀四萬九千五百九十九兩有零內動支抵用仍將應徵均徭項下銀二萬三千三百五十九兩八錢照數徵補一年支用其未完民欠銀兩再議徵免實數分作三年帶徵限自萬曆六年起至

奏草 卷之一 四十一 三百卅七

萬曆八年止追完俟後各項支剩餘銀并扣存水夫工食積有盈餘再議免派一年其萬曆七年并以後年分站銀照今議減數目每年實徵七萬二千六百四十六兩有零俱限本年盡數完報如有掌印督糧等官將見徵帶徵年分銀兩完不及數即照戶部題准事理查叅罰治再照慮不厭詳法求盡善先議水夫住留之日每船二名看守在於浙直閩廣腹裏水勢溢小本已足支至如湖廣江西淮揚地方江

濱湖口巨浪怒濤不徒撐駕行使必須多人即使
駐泊河埠篙工舟師亦不可少莫若行令沿江沿
湖官站船隻停留之日本船水手量為存留看守
每名半給工食及至出差計日全支回日即仍半
給此則費不加增人自不乏至如舊欠站銀分限
催徵亦為可行但催欠之數未必盡是拖賴或係
貧難無措或以拋荒無徵既有減省積剩此皆在
官餘贏與其併追完官為他日蠲恤之資孰若查
實量為蠲免以寬目前一分之賜仍候

奏草

卷之二

聖

三

命下行令該省撫按再加查議徑自酌處施行緣係
敷陳未議以仰禱

聖治及奉

欽依兵部知道事理未敢擅便謹題請

旨

萬曆五年十一月初十日太子少保兵部尚書方

等具題本月十二日奉

聖旨該省處置驛傳減編免編事宜極為停妥潘季
馴趙耀實心愛民能奉行朝廷德意着吏部紀錄

用所奏都依擬其拖欠帶徵分數准盡行蠲免以甦
民困欽此

奏草

卷之二

聖

三

題為議處驛遞站銀以甦民困事奉本部送兵科
抄出整飭薊州等處邊備兼巡撫順天等府地方
都察院右僉都御史陳 題云等因案呈到部
隨查所題庫貯南馬等銀二萬餘兩先據順天巡
撫都御史王 題稱動支前銀六千八百餘兩備
築灤縣城垣本部覆奉

欽依咨行照數支用外前項銀數實在似係一萬五
千餘兩今該撫按議將前銀抵補災傷州縣萬曆
六年分協濟是謂倒懸之急所當亟拯者也該府

奏草

卷之一

聖

議將前銀准作萬曆六年分驛遞支用槩府通蠲
站銀三分之一又稱萬曆四年以前各州縣舊欠
站銀并乞蠲免似為浩蕩之恩所當會徧者也此
皆仰承

德意下恤民窮相應酌處但照前項站銀減省數多
則積剩拖欠皆是餘羨所屬州縣既累被災傷卽
使催科亦無從措辦見在餘銀合應先儘被災地
方抵補次年協濟正數其四年拖欠未完站銀不
分災傷成熟等處一槩通行蠲免此則施仁先及

于無告洪恩均被于京畿樽節休養之中得施為
緩急之序矣合候

命下移咨該撫按劄行該府通查前項站銀一萬五
千五十餘兩內除馬錢等應領人數遵照前奉
欽依支領外其實在銀兩查將疲累被災州縣額編
萬曆六年分協濟各驛遞站銀酌量減派就將前
銀抵補充用萬曆四年以前未完站銀除已徵在
官及收侵者照舊追併外查係小民拖欠者悉行
蠲免再照

奏草

卷之一

聖

京師為天下之樞四輔乃股肱之郡查得大興遼
運所協濟夫銀係真定廣平順德大名河間五府
饒陽南和內黃寧津威清等六縣每年通共徵解
二千二百八十兩萬曆三年以前一歲夫役支用
一千二百餘兩近來清查之後每年約用不及八
百兩卽今本部委官查盤實在庫銀一萬八千餘
兩足敷十年支用除先題蠲免萬曆五年分各府
協濟一年外前項官庫存積莫非民間膏脂今該
真定等府既各有災傷相應量免數年大昭寬恤

况省立谷處俱已奉例減編

奉轍之下節省既多徵派如故尤非一視同仁之意
併候

命下行令該撫按將萬曆六年起至萬曆八年止查
照協濟處所通行蠲免仍將見在餘銀支用其萬
曆九年以後每年共減編銀八百八十兩實編銀
一千四百兩務要依期徵解無得延欠照例查叅
緣係議處驛遞站銀以甦民困及節奉
欽依兵部知道事理未敢擅便謹題請

奏草

卷之一

四

三

旨

萬曆五年十一月二十日太子少保兵部尚書方
等具題本月二十二日奉

聖旨畿輔重地小民窮苦朕心深切軫念這所奏協
濟站銀夫銀抵補蠲免減編等項事宜俱依擬以甦
民困其該府餘剩銀兩與部覆支存數目不同還查
明行欽此

題為比例陳情乞

恩賜給校軍以便

朝叅事車駕清吏司案呈奉本部兵科抄出錦衣
衛親軍指揮使司帶俸指揮使王奏奉

聖旨兵部知道欽此欽遵該兵科叅看得錦衣衛帶
俸指揮使王 奏為比例陳情乞

恩賜給校軍以便

朝叅一節為照校軍乃

朝廷侍衛禁役原無撥給戚畹跟用之例今俸既

奏草

卷之一

四

三

居戚里則優倖之恩自當次第

錫予何必遽爾自行陳乞奏內所比王極沈至事例
果否相合抄宜查酌施行通抄到部看得錦衣衛

帶俸指揮使王 奏稱

朝叅陪祀乏人跟用比照王極沈至事例撥給校

軍跟用一節為照王偉甫列戚畹漸致顯榮自當

黜浮崇雅以成退讓之名不宜率遽陳乞以侈騶

從之盛既經兵科叅酌前來合應查處但查

皇親王極沈至俱以外戚蒙恩列銜禁近先曾比

例上請頒給軍校隨從及行該衛覆查亦稱事體
相同錫之從人似非過溢合無勉如所請恭候
命下行令錦衣府軍前二衛照例撥給校軍各三十
名跟用

恩典出自

朝廷臣等不敢擅便

奏草

職方稿

四七

五

小司馬草卷之二

題為仰遵

職方稿

明旨查議兵巡道以專責成事案呈到部看得巡撫

江西都御史潘 巡按江西御史趙 各題稱南

昌兵備兼管分巡專駐寧州饒州分巡兼管九江

專駐饒郡道里遙遠動屬掣肘要將分巡南昌道

印信交付屯田僉事不妨原務兼管南瑞二府巡

務并省城會操鄱湖防禦寧州兵備僉事另給南

昌兵備關防一顆專飾南瑞二府戎事仍轄瑞昌

奏草

職方稿

三百〇五

兼制湖廣興國通城崇陽瀏陽咸寧平江等六州

縣盜情饒州兵備副使即以見領分巡九江道印

信兼管饒州府屬并星子都昌二縣分巡事宜仍

兼攝新建進賢建德等縣地方兵戎原務九江兵

備副使亦以見領兵備關防兼管九江府屬并建

昌安義二縣分巡事宜及操捕船廠等項原務其

各道

勅書照依今議分理職務增入換給仍各申諭專駐

信地禁止叅謁賄巡各一節為照責成宜專道里

貴便控馭遠闊則機失於遙制綜理瑣委則力分於事多所據江西省會襟江帶湖叢山巨浸逋逃出沒實繁有徒前項兵巡道等務必須分屬得宜便可詳於督責既該撫按官都御史藩 等酌議繁簡均節停妥具題前來相應依擬合候

命下將分巡南昌道印信交付屯田僉事兼管南瑞二府巡務并省城會操鄱陽湖防禦其屯田關防仍存該道督理通省并池州府各屯田政原務寧州兵備僉事改為南昌兵備另行請給南昌兵備關

防一顆專飭南瑞二府戎事并照原議所轄瑞昌

兼制湖廣興國通城崇陽劉陽咸寧平江等六州縣盜情饒州兵備副使即以見領分巡九江道印

信兼管饒州府屬并星子都昌二縣分巡事宜及原議兼攝新建進賢等縣地方兵戎原務九江兵

備副使亦以見領兵備關防兼管九江府屬并建昌安義二縣分巡事宜及操捕船廠等項原務其

南昌饒州九江三兵備及屯田道各照今議分理

職務增入責任請換

勅書欽遵行事其屯田道元加兵備衙住袁州給有不坐名

勅今既兼南瑞二府巡務仍應照前改給另鑄南昌兵備關防一顆移咨禮部查照鑄給本部仍咨行江西撫按衙門行令各道務要專駐信地不許越境叅謁陪巡有妨職業等因萬曆伍年拾貳月初六日具題初八日奉

聖旨是

奏 卷之三

題為積年劇寇威向化并議撫處事宜以久安地方事案呈到部看得兩廣督撫巡按等官凌等會題內稱廣西梧州府屬岑溪等縣六十三山七山邪留連城等處俱與羅旁接壤猥獍嘯聚為患多端據各被害乞告剿除方以大征羅旁未暇兼舉差官賚文曉諭各賊畏威求撫賊首潘積善等赴道受罪願歸所占田地納糧編差隨委知縣葉詩等親往各山查明田地編派糧差仍將潯梧參將移住岑溪桐州府原有靖夷營募兵六百名專歸統領其廩糧工食悉照舊規又謂道理遼遠控制難周七山為蒼藤岑要地連城為羅定信宜岑溪諸猥嘯聚之藪六雲為容縣北流中衝北科為六十三山咽喉之處懷集縣與賀縣為界五里村山從賊出此出沒議設指揮千戶五員於各地方分兵劄營屯守暫選梧州等衛所指揮等官李汝賢等五員各令派定信地立營坐鎮將蒼梧各縣原設防守額兵三千九百七十七名每官一員撥軍六百名聽用共三千名餘下九百七十七名選

奏草

卷之二

四一

三百六

留六百名將三百七十七名汰去內將汰去兵糧增給營兵每月通支糧銀六錢其新設官五員每員每日給廩給銀一錢二分紙劄諸費每季給銀三兩俱於梧州餉銀內支給其各官兵俱屬參將調遣參將原領

勅書換給各指揮千戶分屯五處務守信地用意加撫不許生事如有乘間竊發或徑自擒捕或互相應援及有已撫復叛聽其相機剿除七山等處指揮千戶五員以後載入軍政遴擇指揮任用如指

奏草

卷之二

五一

三百七

揮不足以千戶補數仍帶署銜著為定規及稱剿撫功同而賞格未載欲要比照剿賊有功事例將分守蒼梧右叅政王 僉事王 首叙廣東嶺西右叅政蔡 兵巡副使徐 併叙酌量陞賞各一節照得止戈為武不貴殺降所據梧州府屬六十三山等處猥獍負固不悛罪應殄滅今督撫等官凌 等因羅旁破竹之勢察諸巢危笞之形分布甲兵欲行征討乃申以文告示以德威上賴聖武布昭

天心悔禍賊酋潘積善等輸情伏罪捧檄請囚納土
歸氓制挺受捷知縣葉詩等按閱圖籍收隸版章
約法已明款輸不爽又慮非我族類逆順無常酌
議潯梧叅將王德懋移住岑溪往來調度暫委指
揮李汝賢等分據要害劄營屯守既足以奪其再
逞之私又可以防其未然之變俱為得策願惟百
粵地廣賊繁有徒反側弗寧積有年歲今乃不假
兵車歸氓式化任事諸臣功勞茂著自宜優錄不
可泥于故常但剿除撫定力有難易創謀乘勢有

奏草

卷之二

六一

後先所據叅政王 僉事王 同心體

國好謀有成坐收不戰之功委應首叙叅政蔡 副

使徐 憂切震鄰義效共載大彰遙擊之威委應

併叙既經督撫等官凌 等題請前來相應議賞

但得算發謀雖有各道而集思廣益寔在督撫今

總督兩廣右副都御史凌 畢收群策獨展壯猷

不以成功自居不因勝兵務殺餘威震於遐方而

傳檄自定勝莫及於永久而處置咸宜巡撫廣西

右副都御史吳 心力協濟謀斷相資震持角之

威而緩急有賴贊輔車之勢而唇齒互依雖口不
言功本人臣酬報之義而論功行賞寔

聖朝鼓舞之權尤當大加褒叙以酬勞績者也合候
命下本部移咨總督兩廣右副都御史凌 及咨巡

撫廣西右副都御史吳 查照所議通諭各巢

獍待以不死許其自新如復乘間竊發已撫復叛

定行調兵盡剿再不姑息其見任潯梧叅將王德

懋改住岑溪地方本部查照今議事理改擬責任

換給

奏草

卷之二

七一

勅書賞付本官欽遵行事原領

勅書徑自

奏繳其七山連城等處暫委指揮千戶李汝賢等五

員各照前擬地方分兵劄營屯守應給廩糧等項

俱如所議施行若果撫馭有方不妨加陞久任其

五屯守官職以後載入軍政遇有考選之年照例

遴選如指揮不足以千戶補數其千戶官仍帶指

揮署衙不與世襲永為定例如有安輯各巢者聽

撫按官奏薦破格錄用如或撫馭無策亦聽徑自

叅革另補叅政王 僉事王 各陞俸級叅政蔡
副使徐 重加賞資至督撫等官凌 等應加
錄叙仍候

上裁欽遵施行再照政畏張急理善烹鮮刑新之法
斷輕典安遠之計利用薄征况各徃獍從無禮義
化訓之素不堪約束兵將之煩今既攝以武臣必
須撫循得策俾其知從化之樂悔跋扈之愆方可
未安反側長保無虞若使統馭乖方嚴刑重斂則
今日議撫之功不免為他日用剝之累非所以尊

秦草

卷之三

八

國威而懷遠人也併候

命下轉行該省督撫官通行司道總叅府縣文武各
官務要加意撫字薄示羈縻嚴戢官兵秋毫不犯
毋得過為苛切以開釁端亦不可曲為因循不加
防範等因萬曆五年十二月初八日具題初十日
奉

聖旨這各徃獍既畏威伏罪姑准赦宥着傾心聽撫
遵奉約法如再作惡撫按官奏來定行調兵剿除不
宥各地方官撫處有功凌雲翼賞銀四十兩紵絲四

表裏吳文華三十兩二表裏王原相王一卿各陞俸
一級賞銀十兩蔡汝賢徐時可賞銀二十兩還都著
吏部紀錄其餘俱依擬欽此

秦草

卷之三

九

題為竭愚悃陳末議以仰裨

聖治事案呈到部看得吏科給事中鄭 條陳五事

除事干別部者行自議覆外所據重邊臣以豫備

兵食一事內開北虜款塞有年今當乘時整飭預

足兵食全賴邊臣得人欲得邊臣遠大之功有三

一則擇之不可不破常格一則任之不可不出常

調係隸吏部掌行另行查議其謂賞罰不可不革

常套一節為照勵世之權莫先賞罰其於邊鄙尤

所當先攷之律例及連年議覆功賞罪罰條縷甚

奏草 卷之三十一 十一

明數十年來不無僭濫故有一捷七封兩人四伯

則賞不當功制臣逮係債帥通誅則罰不當罪往

事明徵足為鑒戒誠有如科臣所議者即今明良

一時賞罰公信邇者本部會題

恩例覆奉

明旨慎重爵賞之意詳且盡矣但北虜互市本屬羈

縻所在修戰修守何嘗一日可緩顧惟居安慮危

治世不廢信賞必罰議貴精詳所據科臣且題前

因良以開府專征與建節稱帥者勞逸不同決機

制勝與披堅執銳者難勿有間故論功則以武臣

血戰為重文臣次之論罪則以主將為重守巡偏

裨議之俱為有見但親冒矢石者利害切身而發

蹤指示者成敗攸係其有重大邊情文武各官均

有委任既與同其功則不得不與同其賞一體錄

叙似不為嫌其他零斬捕獲修築効勞文臣委應

次叙若挫失誤事則主將為先兵備偏裨部曲然

亦各有專責必須酌議定罪不當獨坐督撫等官

尤為確論至於綜覈功罪先以督撫詳以按臣預

奏草 卷之三十一 十一

防虜患貴在得人務足兵食諸凡誤謬聽令科道

官叅劾俱于邊政有裨相應依擬合候

命下將各邊武臣今後如有臨陣殺賊者不拘職分

大小照例論功陞賞若總督巡撫等官調度功同

者一併論叙其餘隨事効勞無大關係者不得一

槩同叙若地方疎虞罪先主將下至守巡偏裨及

部曲隊伍各有專責者細加查覈議擬定罪其餘

悉如所議施行再照恩賞而奮具臣所恥畏罪而

強志士不為前項所議規條祇為磨鈍之具其各

督撫大臣掌專制之權寄封疆之重自當盡忠報國隨分竭誠况功罪載于冊書臧否速於苗裔有不當以計功邀賞亦不可以畏罪規避至于卓異奇功非常敗挫則

國憲具存又不可以文武拘不可以崇卑論者併候

命下仍移咨各邊督撫等衙門知會施行等因萬曆

五年十二月十二日具題十四日奉

聖旨是欽此

卷之二

一三

題為行查武職履歷登註將材以便推用事職方

清吏司案呈到部為照幅員廣大衛所繁多大小

職官同姓同名不知凡幾本部推用各官惟據總

督撫按等官疏薦下部分別衛所職名登記查考

必須原題開列明白履歷備細登記無誤然後陞

用不差所據衛所姓名重複前項所開欸目難以

悉數若不備行查明倘或推選有誤各將誰歸既

經該司具呈前來相應題

請通行備查著為定例遵行恭候

奏草

卷之二

十三

三

命下本部移文南北直隸十三省及宣大山西薊遼

保定延寧甘固各該總督巡撫衙門及移文都察

院轉行各差御史備查各屬武職先今經薦官員

要見某人係某衛所何等祖職及武舉名色納級

等項出身世襲指揮明開僉事同知使職千百戶

鎮撫明開署試實撥聽用廢閑官員仍開先任某

處某官因何革任及有緣事失事提問已結未結

照前開列出身至干異省効勞者經何衙門取用

即今果在何處改調衛所者先何衙門食俸本籍

職名有無除革因事降級者曾否陞復罰俸住俸者曾否開支逐一速查詳悉開具造報以憑註簿推用庶免差誤嗣後各該督撫按官循例舉劾照

今
請明事例仍造青冊送部併乞容令本部查各省直地里遠近刻期限報以便責成等因萬曆五年十二月十四日具題十六日奉
聖旨是欽此

奏草

八卷之二

十四

一百四

題為夷情事案呈到部看得總督宣大侍郎臣題稱順義王俺荅帶領把漢那吉等委果西行番下管事頭領照常

進貢近差夷使遍書欲早發貢賞及討通事二人護送西行以免西鎮生疑以便鈴東部落仍議圖戰守以使之畏威慎撫處以使之懷惠大同巡撫鄭 稱虜王於十月間離巢西行是的等因為照互市之舉本屬羈縻戰守之防自當備預所據虜首離巢西行名雖請佛然其為套虜復仇與西戎

奏草

八卷之二

十五

仇殺之情實為有之若彼之行徑出甘州之西北則與我邊界遠不相干若其南行則經我邊境不過百里所當戒嚴即彼以善行非叛盟渝約懷詐欺我以圖一逞者比而經過地方防禦機宜自合有備該臣先任總督及科臣題議本部覆奉
欽依通行欽遵訖今該督撫官吳 等的據夷情奏稱前來合行再加申飭恭候

命下移咨各該督撫衙門即便行令大小將領等官嚴加警省以備不虞在甘寧延固沿邊地方如遇

虜王經過處所務整兵設伏嚴為防守一面選差
官通傳諭虜王恪遵前盟禁戢部落毋得剽掠騷
擾生事如有違犯照例罰治如果虜番互相讐殺
只當按兵自守觀其成敗其過虜王所過量行撫
賞宴犒所討茶篋似難准給其各把守官軍務要
密加隄備不得虛自張皇致生虜疑若或負盟逞
詐即當相機戰守毋得觀望畏縮縱寇為患在宣
大山西勿以虜王西去為安當以部落尚存為慮
凡一應互市撫賞事宜恪守常規毋失信義仍須
密察虜情愈加防範嚴禁將士毋得輕肆凌侮自
啓釁端其餘修邊練兵一切制禦之圖尤當萬分
整飭再照北虜西番非我族類今雖奉佛終不可
保其間陽順陰逆之情難保必無今既不可不防
其西去又不容不察其東歸日後迎佛回還尤當
加意隄備大修戰守方可不墜計中其餘各鎮未
盡機宜悉查照本部原行防撫事理施行等因萬
曆五年十二月十八日具題二十日奉
聖旨是欽此

奏草

卷之三

表一

三十一

題為虜王率眾西行乞
勅當事諸臣嚴戒備預撫處以固疆圉事案呈到部
看得巡按直隸御史黃 具題前因率謂俺荅果
於西行所遺部落尚多雖經申明禁約但黠虜狡
詐靡常其中乘間竊發者難保必無乞要申飭兩
鎮督撫等官嚴戒預備撫處及稱宜大通官與俺
荅習熟夷情甘肅素不相通宜遣宣大通官二人
先至甘肅聽彼督撫衙門差遣往來使虜情皆得
預知而亦可免騷擾之患及稱市茶之類有不可
從各一節為照虜王西行近該大同督撫官等具
題與夫防撫事宜已經本部條議去後今該按臣
復有此疏大畧相同但合再行申飭無容復議所
有預遣通官赴甘肅應用一事誠為有見及查近
該督臣吳 題稱虜王書討通事二人護送西行
以免西鎮生疑以便鈴束部落已為得策今該前
因相應酌議恭候
命下移咨宣大山西及甘寧延固督撫衙門將虜王
西行防撫機宜及市茶禁例查照先次題行事理

奏草

卷之三

表一

三十一

着實遵行宣大督撫衙門申誠原差通官二人前
至甘肅會同陝西軍門所差通事人役同在虜中
往來傳諭申彼此之情釋疑懼之意仍須密察事
機探報的實庶撫禦不失先事有備等因萬曆五
年十二月二十八日具題三十日奉
聖旨是欽此

奏草

卷之二

六

二

題為恭際明時罄陳愚悃以仰禱
聖治事案呈到部看得刑科給事中姚 題陳修邊
防等三事均為邊務軍機除暴安民有益合就開
立前件議擬上
請定奪 計開
二曰修邊防
前件臣看得本款所陳內除錢糧收放招買侵冒
事宜係隸戶部議覆外卷查先該宣大巡按御史
陳 題嚴例限以定市馬內稱宣諭俺荅鈴東各
夷務要臆壯好馬三鎮約以二萬為率又該山東
道御史柴 題議互市以防北虜內稱貢馬瘦弱
責軍朋領償價不堪今後約以成數不得額外加
增又議番休以馭南兵本部覆議備行薊浙督撫
衙門諭以番休之法永不召募浙中又查得兵科
都給事中裴 等題飭春防事宜內開薊鎮南北
之兵互相讐怨行令各該將領善為撫處俱經覆
奉
欽依通行欽遵外為照貢市之設本屬權宜召募南

奏草

卷之二

十九

兵所以實薊其間長便事宜節經言官建白要在
當事臣工實心幹理而已今該科臣論奏莫非思
患預防深意相應依擬申飭合無備行各該督撫
諸臣在宣大陝西責令監市員役宣諭俺荅諸酋
令其鈐束部落務將臆壯好馬依期交易市價悉
照定額不許數外求增所在戰守事宜各要整頓
料理在薊鎮行令各該將領毋分南兵北兵一體
優恤至于衣糧額數原有成規主客雖異多寡宜
同在土著者不得過刻召募者不得增多又當時

奏草

卷之二

三

加曉諭令各相安如遇南兵闕伍即將精健土民
充選毋復再行遠募况招選南兵原非得已今各
兵士從戊年久安心樂役者固多亦有繫念鄉土
有父母妻子之思者或畏法令不敢言歸又有一
等狡猾之人本無勇藝徒以便捷詭譎虛習末技
託名從軍冒支糧餉呼朋引類導利宣淫所謂不
勝煩擾正以此也合行申明該鎮凡南兵之思歸
者量行資遣寧家即召本鎮精壯以補其闕其有
奸猾冒餉無益實用者嚴行查革仍候

命下行文督撫轉行該鎮各將領知會施行伏乞
聖裁

四日飭軍政

前件臣等查得隆慶五年十一月內該巡按御史
馬 條陳重職任以責成效一欵本部覆議通行
各該布按二司清軍右布政副使官各分定屬府
一半照依分巡分守事例按月巡歷其府州縣正
官督同佐貳等官同心清理如有未及分數者聽
清軍御史指名叅奏比照錢糧未完事例遞加罰

奏草

卷之二

三

治清理有法者分別獎薦覆奉
欽依通行去後為照清軍之法內有冊籍以憑綜覈
外有專官以理勾補刊成條格法亦密矣但所在
不察奸弊貽害日滋奉單勾取則里書貪求解丁
應役則衛所剝削徒有虛名全無實用該科深酌
弊端謂其責任未專之故考之先題事例大畧相
同若使着實舉行何至行伍缺乏今據論列前來
相應依擬恭候

命下移文各該撫按通行申飭各管清軍官員務要

稽察奸弊以臻實効其一應清勾事宜及五年一
差清軍御史悉照舊例施行伏乞

聖裁

五曰弭盜賊

前件臣等查得近該江西撫按官潘 等題稱廬

陵縣盜賊行劫當被保甲鄉兵擒獲本部覆奉

欽依通行各省一體舉行去後為照弭盜之法莫善

于保甲節經建議久已通行所在地方官司自當

奉行惟謹間有狃於因循不加整頓司捕者既不

奏草

卷之二

五二

三

能緝獲以除奸司察者又不能窮詰以止暴致寇

之端未必非此况據江西前事保甲之驗又足徵

矣今該科臣論列無非先事慎防時加警策之意

相應申飭合無備行省直撫按衙門行令各屬地

方等官務將保甲之法嚴行修舉如一家被盜眾

則救之一人行盜眾則攻之比閭族黨之中寓伍

兩卒旅之意苟有吳越不關守望不助遇寇而閉

戶不聞知寇而不行覺發各坐應得罪名至于巡

捕巡檢等官務要各專捕察不許管幹差委避事

畏難江山險僻之處多為盜藪務要嚴為防範任
俠浪開之輩多起盜心務要嚴為禁戢其有循良
之吏能化強梗者撫按官特加優薦悉如所議其
竊盜徒犯仍行發驛擺站別項徒犯照例充工尤
為要論但係干刑名事屬法司不敢輕擬仍移文
刑部徑自覆請施行伏乞

聖裁等因萬曆五年十二月二十八日具題奉

聖旨是欽此

奏草

卷之二

五三

三

題為春期已屆慮患宜防乞

勅各邊預行申飭以仰裨安攘大計事案呈到部看
得兵科都給事中裴 等題稱春防在即乞要通
行申飭各邊大率謂虜王西行遼左多警在甘寧
諸鎮當於所經道路設伏撫處尤要禁絕茶市隄
防番族在宣大諸鎮當慮王首既去部落恐無約
束更宜經畧備禦倍常加謹在遼左當防土蠻窺
犯督率待戰不得輕許貢市其勾虜屬夷長昂等
亦宜相機懲創各一節為照春氣漸融虜馬易逞
夷情軍務均當先事預防今該科臣條議前因無
非制虜安邊之意相應依擬合候

奏草

卷之二

十五

三百九十八

命下本部馬上差人移文各鎮督撫大臣轉行各該
文武將領查照前項題議事理着實遵行加意隄
備內修戰守外示羈縻遼左則示以必戰之形奪
其要挾之意薊門則慎固封守杜其狎侮之心宜
大則申明恩信使居者無攜貳之志甘寧則嚴設
防範使行者絕窺伺之奸其他番族部落糾虜屬
夷當處置得宜共圖寧謐此外一應機宜及臨

事互相應援調度節年題議甚明通行查照遵守
不得因循誤事等因萬曆六年正月十二日具題
十四日奉
聖旨是欽此

奏草

卷之二

十五

題為嚴緝礦徒以安地方事案呈到部看得山西撫按官右僉都御史高 等具題河南汧池等處人民聚眾隔盜礦隨行調集軍壯驅逐捕 剿當即解散尤恐各徒仍復潛來乞要轉行河南撫按等官一體嚴禁一節為照河南山西及陝西地方題督密邇境界相聯陝西永盧汧池等縣又與平陸垣曲夏縣為隣所在諸山盤據產有礦砂三省亡命之徒資夏縣等處之食以為依本處居住奸民又藉礦徒之勢以為利憑險作奸貽害地方先年二省賊徒併糾陝西盜礦行劫為三省之限隔者僅一黃河而各處渡口四五十所今乘寒泆水合渡凍而來勢所必至查得舊例禁人私渡打毀筏船仍令委官於各渡口盤詰訪緝洞主勿令影射窩藏亦為良法邇來法紀漸疎奉行少怠以致嘯聚成群漸不可長所據該省撫臣司道等官發慮運謀調集兵壯驅逐解散地方無虞勤勞為最但前項奸徒未遂初心况利竇未塞勢必再聚求逞既經撫按官高 等酌議前來誠為弭盜安民

之計相應依擬合候

命下本部移咨山西巡撫衙門查照所議將前項礦賊申明禁例嚴為防緝仍一面行文河南及陝西撫按官督行守巡兵備各道嚴行臨河近礦軍衛有司掌印巡捕等官嚴加防守遠行哨探前項礦徒如有結聚務要協力同心會兵剿逐効守望之助嚴渡河之防不得以地分彼此互相推諉仍申明保甲設法稽查省諭各鄉村山谷居民不許仍前結聚越境盜砂自取誅戮若有推委致有失事者重治以罪等因萬曆六年正月十二日具題十四日奉 聖旨是欽此

奏草 卷之二 三十一

奏草 卷之二 三十一

奏草

卷之二

千六

二百

題為議修鞦券空心敵臺以永固孤懸重鎮事案
呈到部看得巡撫延綏右僉都御史宋 題稱萬
曆六年應修鞦臺二百座合用工料銀兩不等內
榆林道七十五座神木道五十座俱每座該銀二
百兩靖邊道四十五座定邊道三十座俱每座該
銀二百二十兩通共該銀四萬一千五百兩照依
戶七兵三事例早賜給發一節為照延綏一鎮分
為四道地方所產柴炭灰石難易不同價值亦異
原議給價分為兩等所據六年應修臺工銀兩既
該彼處巡撫官酌量分派停當具題前來相應依
擬合候

命下移咨巡撫延綏宋 即將六年應修臺二百座
候值春融就便興工合用銀四萬一千五百兩照
戶七兵三事例本部該出銀一萬二千四百五十
兩於太僕寺馬價銀內戶部該出銀二萬九千零
五十兩於客餉銀內各動支聽該鎮巡撫衙門差
官領發前去分給各道收買料物扣省鹽菜等項
支用完日備將修過磚臺用過銀兩造冊

奏草

卷之二

千九

二百

請行巡按御史覈實具奏再照安邊之策設險為先
墩臺之設止資耳目舊制沿邊或五里或十里乃
設一座每墩守軍多者六七八人少者三五人惟以
傳報烽火瞭望煙塵非可據以守也該鎮造臺多
至八百餘座悉以磚包石砌似為保障之計但工
程浩大邊塞貧寒先年修築邊牆軍士之力日已
困竭似當加意體恤曲從寬省以安人心前項臺
墩工程雖有定議而審時度勢不妨酌議裁省使
三軍之士力常有餘庶裨戡守矣等因萬曆六年
正月十三日具題十五日奉
聖旨是銀兩准給發欽此

題為懇乞

天恩憐恤死難超救冤獄事案呈到部看得巡按福建監察御史商 題稱查勘過原參見監百戶白麟見賊入城奉頭鼠竄據律問斬夫復何辭但查賊由南門攻入原非信地應從末減二子報效贖父均各陣亡情有可憫似應破格議處一節為照犯人白麟先因倭賊攻陷縣城已經問擬斬罪續據本犯奏辯前因隨該兵科參稱該犯所奏情似可原但當時分管信地果否與縣城無干二子立功贖罪果否並戰陣亡均無的據抄宜查覈等因又經備行彼中查勘去後今該巡按福建御史商 勘明具題前來照得本犯原駐白鶴嶺隘物無城守之寄既一經調入縣城則守備之責似無可諉今致失陷城池擬斬非枉但查本犯調委協守西北而賊徒襲入南門則失事之由原非信地先擬視斬部斬俱各數多紀驗已明未經叙錄議功論罪本屬可矜今其子生員白受采等投訴官司立功贖父乃各捐軀赴難視死如歸雖請纓之志

奏草

卷之二

三十一

三百七

似屬未酬而緹紫之情大有可憫况恤錄陣亡既可以世延其子褒慰忠孝似可以上逮其親既經按臣查勘明白相應酌處但事屬異常例應奏請律條比附隸在法司本部不敢輕議合候命下將白麟前事移咨都察院查議上請定奪其子孫應否恤錄承襲仍候通詳科斷施行伏乞

聖裁等因萬曆陸年正月拾叁日具題拾伍日奉聖旨是

奏草

卷之二

三十一

題爲拏獲達賊姦細事案呈到部看得陝西巡撫董題稱潼關河西各道拏獲達賊姦細周滿成蒲帶帶子王保鎖供稱俱係漢人被虜近該頭目王邦實吉哥兒各差部落共有八人由鎮靖堡進入躡探南朝消息乞要將見獲各犯問擬如律及失於盤詰員役一併提問招參有功人員併議陞賞與其餘未盡情節另行查明奏請定奪仍欲

奏草

卷之二

三十一

三十一

降勅明示俺答堅守盟誓即將吉哥兒王邦實照依彼中夷法處治一面行各邊整兵隄防一面嚴禁邊外樵採牧放如民間所需亦要懸木牌定擬月日辰出酉入各一節爲照陝西四鎮俱與虜鄰未曾納款之前中土之民被其擄掠不可勝數甘心向虜者固多思歸潛逃者亦有先年邊政廢弛招之使來者或殺以報功或指爲姦細置之死地遂使陷虜之人永絕來歸之念而虜人因得假此以恐脅之已非一日之故矣近自款貢以來夷心頗

定華人思歸本部見有歸正事例如遇虜中走回人口差人伴送原籍官司給親隨任照例免差如失迷鄉貫者俱准收充通事給贍撫恤每年各鎮奏報者多至百數少至數十所以昭

中國之威信而杜邊釁也今據周滿成等若果甘心投虜爲之驅使潛入境內探聽消息則罪在不宥死有餘辜但查各犯初覆招詞前後互異兼之供有籍貫况王保鎖又有親父王爲在官中間情有可疑事干人命邊情舉動貴宜詳慎不妨再加

奏草

卷之二

三十一

三十一

覈審使委心於虜者聞風知懼慕義來歸者獲保生全方爲兩得合候命下移咨陝西督撫即將周滿成等再三研審務求真情不得拘泥成案致有枉抑如有不實即從未減其未獲人犯嚴督各道緝拏若果別無姦計姑照前例應發原籍者伴送着籍應收通事者一體撫恤以示懷集之義至于夷夏之防出入之禁自當時加譏察不可少有玩怠况經據有前因即宜通行陝西四鎮撫臣着落大小將領把守關隘用

心防範盤詰其民間樵採懸牌出入定擬時候尤當嚴行查考至于

降勅俺答事關國體未可輕率致虜疑笑仍將審釋過緣由處治等項具奏

定奪施行等因萬曆六年正月十三日具題十五日奉

聖旨這本說的是依擬行欽此

奏草

卷之二

三十四

九十四

題為秋防事竣薦揚年勞久著大將以重邊備等事案呈到部看得剿鎮督撫官右都御史楊等具題各一節除楊壽甫見經法司提問已應革任聽其問理孟杰上年查係耳聾難以附簿備用李信近方改正遊擊亦無容再議外為照剿昌二鎮拱護

京畿

陵寢關係匪輕連年建議修築各官効有勤勞例于秋防畢日通行一次叙論所提總兵官戚繼光謀

奏草

卷之二

三十五

三十五

斷兼資楊四畏廉勇素著綜覈修守勞瘁俱多簡練戎兵勲猷並著資望已深懋寵優加似亦非濫但查二臣俱於四年冬閱視論功已膺賞賚迄今甫及年餘似于原議三年之例未合難復議

請副總兵等官史宸等亦皆與有勤勞俱應紀錄其餘戴罪效勞各官服勤歲月久近不同原犯罪情重輕亦異今該鎮憫恤勞苦請為開釋以彰宥罪之仁本部酌量等差待積年勞以公使過之義內如尹湘以修臺無功降級王鉞以科歛調衛立功

董一元李如楨以倒馬住俸降級况馬各已補完
張爵以革任復用俱於功過得準朱壽原降祖職
三級劉楫以失事開伍叙用止及兩年楊秉中以
犯賊降祖職二級復用仍須再歷歲月方可准復
原職除同李幹經保數次累著辛勤合候六年終
邊功再議金科王如龍吳嵩崔廷威張文魁軍罪
止於終身效勞之日尚淺趙嵐張四教高如桂所
犯未軍非有軍功不贖武振係干重辟尤須照例
獲功奏

奏草

卷之二

三六一

請高仲以小肯被誣原由錦衣衛調任已經保薦二
次况兼獲有軍功合照陞職改調在京別衛更須
再積年勞另叙楊爾干近該本部別參降祖職一
級仍行革去管事其餘更調及參論等官既該督
撫官楊 等會題前來通應酌擬合候
命下將戚繼光等俱附記在簿酌量循資推擢董一
元開俸李如楨張爵復參將職銜尹湘復級王鉞
回原衛高仲仍照功陞職級調回京衛劉從武以
原職調管司馬臺提調事務張士選調昌平管河

兼守備鞏城地方本部備查原擬責任行令各官
欽遵行事李宗召安廷燦張允嘉俱行革任回衛
帶俸差操不許管軍管事霍貢黃奇革任聽調腹
裏別用楊爾干照本部先參發落施行其楊壽甫
革任候法司提發落遺下各員缺另行推補再照
各鎮舉劾秋防官員內除見任及本鎮衛所各官
職名俱有文冊可據其餘各省在鎮効用等官既
經薦保紀錄待遷但各官履歷未詳不便推用併
候

奏草

卷之二

三七一

命下移咨各該督撫及移文都察院轉行各該巡按
御史照依近日題行事例將前項各官出身履歷
緣由作速備查咨部以待推用施行等因萬曆六
年正月十七日具題十九日奉
聖旨李宗召等着革任回衛其餘都依擬欽此

題為承平日久邊備漸弛懇乞

聖明乘時破格議處以資戰守以肅疆場事職方清吏司案呈到部為照制虜安邊在于有備設備守國尤貴及時大率言邊事者不過戰守二端先守後戰事理必然苟行伍不充器械不利甲冑不完不可以言戰險要不據城堡不修濠塹不濟不可以言守所據撫臣高 開列十有二事大較有裨戰守相應酌議但建置興作在慎始計熟思審處可無後艱今據各款內除區畫已詳徑宜施行

奏草

卷之二

三十八

三百四

者依擬上

請外其有意慮各別聞見異同且事在彼中難以遙度者就于原列款中附以本部意見備行督撫衙門會同從長計處務期有益邊方以圖實効令候命下移咨酌議具奏施行等因萬曆六年正月十八日題奉

聖旨是山西武備久弛高文薦既銳意振作凡戰守事宜有該及時整飭的還着與總督衙門計處停當具奏舉行欽此

計開

一布兵馬以資訓練

前件臣等看得兵貴足用不貴偏多今據所議該鎮三路奇兵以下多寡相應緩急無賴劑量損益務足三千二千之數誠為有見但各路軍兵土著城堡與召募調發者不同况諸城堡相去有百里者有八九十里者安土重遷人之恒情廬舍墳墓各有故業今欲改隸別營威令所加何慮不從但恐既分之後人無固志不免逃亡逃亡若多守備益弱莫若准照所議以近就近分派各營仍居見住城堡平時則往來訓練有事則調發從征庶於軍情兩便但事在彼中有難懸斷恭候

奏草

卷之二

三十九

三百七

命下仍移文山西督撫衙門將前項所議各營補派設官分管及撫臣添隸標兵量增行糧并分等訓練諸事一一會同酌酌停妥具奏伏候

聖裁

一議駐守以據要害

前件臣等看得關隘險夷雖有定勢緩急衝僻亦

各因時其有先稱衝險而今則可緩者不妨改移亦有先雖夷僻而今則當急者尤宜整頓所據更置添設各路城堡及補足軍數俱于戰守有裨但查賈家堡地隸大同堡屬山西說者謂為偏老門戶彼此聯絡互為犄角偏關逼隣虜穴板升叛人不時窺伺先年設有總兵鎮守今已改駐寧武若

又將守備移住滑石澗堡本關整兵五百統以指揮撤舊增新更易非小至於合用軍數欲於逃故內召補恐難即完不濟實用况賈家堡在大同山

奏章

卷之二

四十一

三百六

西之間又當會同該鎮與督撫詳議相應備行山西督撫衙門將前項應更置應添設應裁併者一會議停當具奏施行伏候

聖裁

一精衣減以壯軍威

前件臣等看得兵家自衛在於甲冑甲冑堅固則士氣振揚今據所議明甲臂手委應完備以壯軍容但合用鐵炭紬布工價為費實多今所議鐵料甲價六錢三分五厘臂手九分無非節省多費之

意識恐委官支用不足又滋科歛加減之弊合行山西督撫衙門行令各道督同該路將官照議再行酌處價值製造務要堅固精好無為觀美亦不得科派軍士致生怨咨其有減剋料值無益實用者查照參究問罪施行伏候

聖裁

一查器具以備衝突

前件臣等看得制勝之具火炮為要或戰或守均不可無今據所議前因委於戎機有益合無備行

奏章

卷之二

四十一

山西督撫衙門轉行各道行各該守備將前項器具照議支銀買料如法置造以資應用但中國長技用之在人打造貴精演習貴熟至於邊關又當嚴禁出入不許傳法製造庶為有益伏候

聖裁

一查水泉以嚴隄備

前件臣等看得機事貴密好謀務成今據前議水泉去處收確應用將以禦虜畜牧絕其駐屯臨期行之亦是一策內除收買價值分給聽用等事相

應依擬但出奇行計兵機所係未發先露不免害成苟利軍機何惜鉅費專制關外便宜可也併候命下移咨本鎮慎密施行伏候

聖裁

一栽樹株以固藩籬

前件臣等看得平原曠野虜易馳驅密樹深林駢難奔突今據所議廣培邊木事亦可行但於膏壤沃野樹之易成若邊地砂磧瘠薄鹹鹵千里之遠有寸草不生者况種樹乎查得別鎮先年亦有行之者徒爾勞人終成畫餅况今閑暇設險練兵當務者多工程通完軍伍充備徐議可也伏候

聖裁

一議用人以祛夙蠹

前件臣等看得軍必擇將將在得人統御非人重為軍累所據官少事煩委用不足專於附近選任遂致濫及凡庸今欲不分地方通省遴選委為得策合無備行山西督撫衙門今後委用防邊官員不拘邊方腹裡務要查訪才能及素行廉潔者即

坐名定委其奉委官員亦不許畏難規避至於考選軍政疏薦陞遷等項俱如所議施行伏候

聖裁

一修邊城以嚴保障

前件臣等設險本以守國而力役難於並興今據所議輒包老營堡等城伍座土築古計溝利民水池堡二座及陽方口盤道梁邊牆二處及時修築委於防守有益但工程浩繁有難遑度刻期定費不妨致詳合無備行山西督撫衙門將前項事宜

奏章

卷之二

四三

細加議處具奏

定奪至于所議各役鹽菜行糧量地方之衝僻以定有無酌工程之緩急以為多寡非不當矣但塞上軍壯類多貧難一行赴工更無他措必須量加優恤况查近年各邊修築事例間有不同不妨再加酌量稍為增益俾其樂於趨事忘勞忘怨再照朔漠之地土多砂磧掘深溝池方及塊壤今計墻堡垣墉必須根基深廣基廣則難傾根深則難圯仍候備行修築處所務要廣大基址深種腳根寧

第... 冊... 卷... 第... 6... 版... 內

使寬其程期益其工料不可就於土面浮沙上累
磚石至於先年所議修築牆堡或有築而未完者
務須催督完而漸圯者務須整理毋使前功就隳
方有實効伏候

聖裁

一葺墩堡以便收斂

前件臣等看得堅壁清野所以剿虜若使墩臺不
完屯堡不固何以團聚軍人收斂牲畜今據所議
委於防守有益但禦虜係民城堡爲急墩臺不過

奏草

卷之二

四十四

明瞭望傳炮火非可據而守也今欲修築當先城
堡其空心墩臺無益戰守者不必興修勞軍傷財
惟將舊設瞭望等臺量爲幫修可也合無備行山
西督撫衙門通行各道嚴督所屬各官將前項三
道所屬先今應修城堡及時興工各照原議年限
陸續完報以憑查考軍民屯堡五座俱如議修築
歸併其餘規制丈尺合用軍夫等項悉如所議惟
口糧鹽菜仍候會議併行伏候

聖裁

一濬壕塹以設險阨

前件臣等看得溝渠之設所以爲固地險能據可
以制人今據所議無非修備禦以圖萬全之意合
無備行山西督撫衙門轉行各道嚴督所屬各官
將前項應挑壕險應斬山梁候各邊工完之日次
第舉修不得並興工役以滋將領各私地方占軍
影射之弊其合用軍夫等項悉如所議惟口糧鹽
菜仍候會議併行伏候

聖裁

奏草

卷之二

四十五

一明賞罰以勵人心

前件臣等看得板築興作委任貴專刻期成事實
罰貴當今據所議無非專任責成務求實効之意
但事宜可久法貴可行邊地沙土易頽磚鹹易壞
若以三年十年爲限尚行追究則人情實難法將
終廢合無備行山西督撫衙門嚴行該道將前項
副參遊守州縣掌印等官隨地分委責其成功若
士築工程未及二年至于傾圯磚包工程三年之
內至于倒塌或有甲冑不堅器械不利者文武官

計罪定罰重則降級輕則罰俸其邊堡工程果能
堅固兵甲修造果能如法使營伍改觀戰守足恃
者候閱視大臣勘有成效該道叅將及守備以下
俱各出格陞賞施行伏候

聖裁

一查錢糧以計贏縮

前件臣等看得足用安邊本於積貯設險立守寧
可惜財所據各項諸費通計用銀七萬五千七百
餘兩米四萬八千三百餘石先儘該省無礙存積

奏草

卷之二

四十六

三百

官銀五萬二千八百餘兩米二萬四千一百餘石
及動支平潞二府積貯民屯銀一萬五千兩其餘
不給借用客餉銀二萬六千五百有奇不增益於
額支不請給於

內帑通融計美可謂當矣但邊方廣儲所以備虜
修築經費亦有恒規以全晉之地當胡虜之衝况
地瘠民貧天災不測存積無礙之銀所以備不時
之用似未可以盡動也合無前項無碍官銀止給
二萬兩其不足者仍候會計停妥估筭明白於清

下客餉內量支再有不足不妨照例題

請於戶七兵三事例給發見在米穀陳陳相因者照
議支給但石城湯池非粟不守邊方積貯貴權重
輕若食不足而銀有餘則緩於積銀而務實倉廩
若食有餘而銀不足則緩於積食而蓄用錢糧所
據前項米穀雖是朽腐不堪倘使盡行給散倉廩
空虛米價踴貴災荒流行折色關支何益實用况
查存下客餉數多合無照近行出陳易新事例使
舊者雖支新者有積邊儲既足邊備自修以戰則
有資以守則可久以之加兵則不憂乏食以之興
作則無不赴功守土庶人莫急於此伏候
命下移咨督撫會議施行併乞

奏草

卷之二

四十七

三百五

上裁

題為集衆議陳愚見以裨營務事案呈到部看得
巡視京營吏科左給事中王 江西道監察御史
李 條陳七事內除恤軍士係戶部處弓箭係工
部各掌行移咨該部徑自議覆外所據分營操選
官屬習騎射重新馬厩出防五事俱于營務各有
裨益合就開立前件議擬上

請定奪等因萬曆六年正月二十日具題二十二日
奉

聖旨依擬行欽此

奏

卷之二

早八

音八

計開

一議分營操

前件臣等看得教兵之要貴於操練操練之法貴
於精嚴三營分操雖為舊制而合營團操以便簡
閱亦先年巡視科道等官之建白也今以軍士日
衆至於十萬一營之內簡稽難周演習不便所議
分部操演不為無見但查近歲合操之後各營廳
房坍塌頗多戰車營房俱造五軍營內修葺增置
動經歲時及照營規名雖合操而分營細練亦自

不廢合候

命下備行總協及巡視科道等官查照所議督率各
該將領嚴行訓練務使分合有方行伍整肅毋相
混淆明行簡閱則雖合猶分矣如果當分總協大
臣不妨再議

請奪伏乞

聖裁

一議選官屬

前件臣等看得軍必擇將將貴得人然後以戰則
勝以守則固所據各營雖有主將總領而傳宣號
令擺列隊伍必資中軍千把總等官責任之重不
獨戰車為急城守皆不可忽相應依擬合無備行
總協大臣即將三大營中軍千把總等官逐一揀
選分別勇藝隨宜器使其才方綿弱者徑自斥退
回衛另行選取固不得備員車戰以損威嚴亦不
可濫充城守以示卑弱其操演簡閱視日期并示賞
罰等項悉照原議施行伏乞

聖裁

一議習騎射

前件臣等看得馳逐合戰騎兵為最今雖有選鋒大半無馬則是徒負虛名無裨實用既經各官具題前來相應依擬但查戰兵選鋒三千數內有馬七百六十八匹車兵選鋒二千數內有馬一百九十四匹通共少馬四千餘匹今太僕寺堪兌馬匹僅一萬八千年例兌給約有三千之外而一歲所入本色未足相當若使四千盡兌則所餘無幾合無備行總協大臣行令該管即查選鋒五千數內

奏草

卷之二

五十一

言五

量派步騎兵各二千五百內除先領馬匹共九百六十二匹外其無馬騎兵一千五百二十八名造冊送部劄行太僕寺調兌餘下步兵二千五百仍俟萬曆七年以後逐年增派本色以漸請給務足五千之數其新兌馬一千五百三十八匹草料候給領之日咨行戶部查發其習騎射汰老弱選精銳俱如議行伏乞

聖裁

一議重新馬

前件臣等看得寄養馬匹出自民力官軍兌給未幾旋即倒斃者誠為可恨但查題

准事例各營倒馬官軍照依年分追椿其新馬槩令買補本欲責成喂養尤恐倒斃由于不測貧軍遺累難支合無仍照舊題事例量追椿銀仍備行戎政衙門督令各該管官嚴責各軍用心喂養不得作踐致損其應賣老弱馬匹移文巡視科道及太僕寺每于驗烙之時或如議穿左耳或烙以火印如遇營馬倒死掛號巡視衙門設法查驗倘有抵換即便拏究該管官員一體查叅庶于情法兩便伏乞

奏草

卷之二

五十二

言五

聖裁

一議罷出防

前件臣等看得卒不服習是以卒予敵先年議撥戰車營兵二枝分戍薊鎮更代往來不徒藉以出防亦欲其習見邊事作其驕惰也所據山徑崎嶇跋涉勤動以戰則今無可觀以力則推挽甚苦所議暫容休息誠為有見但非虜款

頁邊境雖寧修戰修守何可少懈况查各鎮邊防分布疏內各軍派有信地似難遽議撤回合無備行劄鎮軍門於分戍之兵憫其行役優加撫恤使無祈父之怨其出戍車兵推挽艱難人多不便或停車不發該鎮造車給與果否可行仍加議處咨部施行伏乞

聖裁

奏章

卷之三

五三

題為條議邊方切要事宜以裨安攘事案呈到部看得陝西巡撫董 條陳六事除設府佐添州佐改兵備係吏部改鹽引係戶部各掌行俱移咨徑自行議覆外所擬改副將換班軍二條俱於邊務有裨合就開立前件議擬上

請定奪等因萬曆六年正月二十九日具題二月初二日奉

聖旨依擬行欽此

計開

奏章

卷之三

五三

百八五

一議改副將以便調度

前件臣等看得洮岷河階俱與番鄰谷設參將分路保障遇有警急徵動援兵聽固原總兵調遣本為得策但相距千里遙制實難洮州去河階二州俱四五百里道里適中應援為便若使參將職級相等委難約束所議洮岷參將改副總兵照舊應援安會河階二路參將悉聽節制居常則整飭兵戎各自為守不得干撓遇警則督令調遣併力共戰聽從節制雖官名稍異事不更張相應依擬合

候

命下就將洮岷參將改副總兵職銜及查陳守義年資尚淺未可遽陞但更革之初體統宜重以便行事合將本官即加副總兵職銜責令久任本部定擬責任各另請給

勅書欽遵行事凡湊足兵馬支給糧料及相見禮節等項備行該鎮督撫官查照原議徑自施行伏乞

聖裁

一議換班軍以便戍守

奏草

卷之二

五十四

頁上

前件臣等看得徵發軍士道里費均今據前議真足以體悉人情省約糧餉相應依擬合候

命下備行陝西督撫官查照所議即將岷州衛備禦涼州班步軍內摘撥四百五十名改調階州常川駐劄一切操練分布月糧撫恤等項徑自酌行其原調秦禮軍士五百七十名仍回原衛所改爲涼州備禦班軍上班之日照例責令分巡隴右道揀選起發務要盛甲鮮明器械齊整違者聽其肅撫按照例參究伏乞

聖裁

奏草

卷之二

五十五

本

題爲優叙監市效勞酋首議處進

貢馬匹輪更市廠以示羈縻事卷查萬曆三年十月內該陝西督撫官石 等具題甘肅開市事宜本部覆議即於甘鎮邊外擇離內地遠處置立夷廠着令西海丙兔等酋每年赴彼互市一次松山賓兔一枝亦許歲在莊浪小市一次等因題奉欽依通行欽遵去後今該前因查呈到部看得總督陝西石 題稱西海酋夷丙兔台吉等九名互市恭順及進

奏草 卷之二 五十六 三百七

貢馬一十匹應照上年事規留邊給軍併

請賞賜及稱松山酋首賓兔台吉部落小市自萬曆六年改在高溝寨地方互市以後與鏹尖墩每三年一次輪流開市一節除各虜馬匹賞資係禮部掌行移咨徑自議覆外爲照甘肅一鎮南番北番路止一線備禦防守不可不嚴及查本部前議互市處所只許邊外隔遠內地置立市廠今據所稱賓兔台吉小市向在鏹尖墩互市三次爲以地方貧窮欲要改在高溝寨買賣二年一次輪轉無非

以邊地瘠薄人民稀少爲此更番之舉以便華夷之情亦屬可行但事係邊關夷夏之防全在督撫經畧處置本部難以遙度既該彼處督臣具題前來相應依擬合候

命下移咨新任總督陝西軍門會同甘肅巡撫仍查高溝寨鏹尖墩兩處地方離邊孰爲遠近彼此互市三年一輪果否華夷兩便如果虜人絕窺伺之奸居民無警擾之患即照議徑自施行等因萬曆六年正月二十九日具題二月初二日奉

奏草 卷之二 五十七 三百七

聖旨是欽此

題為嚴緝礦徒以安地方事案呈到部看得河南撫按官右都御史周 等具題前因率謂山西平陸等縣竊礦之徒多由本地奸民勾引窩藏乞要行令山西撫按等官嚴禁仍於沿河北岸要害防守擒拏一節所據前項礦徒來自河南者多由山西人為之窩藏住於山西者多勾河南人為之黨與彼此連結貽害地方本部旁求弊源謂須通行申飭已經奉有

欽依移文該省及山西陝西去後今該前因恭候

奏草

卷之二

五八一

三百五十四

命下移咨山西河南各撫按衙門督行守巡兵備各道嚴行臨河近礦軍衛有司掌印巡捕等官查照先題事理着實遵行在山西者禁其渡河而南在河南者截其渡河而北無事則各嚴防守有警則互相勦除仍專督各州縣掌印官嚴責山谷土著居民恪守禁諭不許勾引窩藏自取罪累等因萬曆六年二月初一日太子太保兵部尚書方 等具題初三日奉

聖旨是今後凡有盜賊生發事關隣省的都着照近

日江西湖廣例彼此約會協捕務期盡絕事寧一體叙功論罪不許各庇所屬推諉債事欽此

奏草

卷之二

五九

四百

題為恭報北虜西虜貢市已竣遵例議叙效勞官員乞

賜恩賚以示激勸事案呈到部看得總督陝西尚書石 題稱北虜西虜貢市已竣安靜無擾延寧二鎮各效勞員役昨歲三貢互市再成已經陸錄甘肅鎮互市在後今歲方係三次要將甘肅巡撫候特加優賚寧夏巡撫羅 延綬巡撫宋 所當優賚總兵官程九思張臣白允中副使姚 胡 李 張 參議解 郎中譚 併加優賚副使殷 參

奏

卷之二十

六十一

三十三

議張 經市三次重加優賚副總兵陳銳盛愈謙經市三次併行優賚原任總兵官張傑等俱應併賚原任總兵官劉承業等互市三次仍應優賚副總兵聶大經等俱應厚賞原任守備都司中軍陳達道等仍應優賚各鎮旗牌官張雲漢等俱應量賞其餘承委官役張繼芳等俱不逐名煩瑣議請通聽各鎮撫臣犒賞及稱遵奉

明旨不敢議陞惟通丁人等備歷艱辛比照各官不同今通丁宋敖琪等准給冠帶小旗擺忽等量陞

職級惟復止議給賞吏部原撥書吏梁鍾等照例

量賞各一節為照犬羊之性驕悍難馴貿易之事紛競易起乃今華夷雜處帖然不爭若非撫馭得宜何以有此所據總督尚書石 洞識夷情經營市事威惠兼盡心力俱勞例應首叙巡撫侯 羅 宋 同心區畫協力撫綏信義外孚勲績並茂均應併叙內侯 經市三次獨積年勞尤當優叙其餘大小各官或典司貿遷而出納平允或防範市廠而晝夜戒嚴效勞惟均恩賚宜及再據通丁

奏

卷之二十

六十一

三十三

討給冠帶職級近奉

明旨市完不許陞錄似難再議合無念其往來勤苦姑准榮身既該督臣具題前來相應酌處合候命下將石 侯 特加優賚羅 宋 同加優賚及互市三次殷 張 重加優賚程九思等及互市三次等併應優賚張 等及互市三次陳達道等優賞其餘副總兵等官聶大經等併賞旗牌等官張雲漢等量賞通丁宋敖琪等准給冠帶小旗擺忽等量陞職級惟復遵照

明旨亦各行賞其書辦等役併承委官役人等通行

總督陝西軍門查照原議公同各鎮撫臣動支官

銀照例徑自分別犒賞但

恩典出自

朝廷臣等不敢擅擬伏乞

聖裁等因萬曆六年二月初三日具題初五日奉

聖旨石茂華侯東萊各賞銀叁拾兩紵絲二表裏羅

鳳朝宋守約各二十兩二表裏殷仁張九一各賞銀

十五兩程九思陳銳等各十兩張傑等陳達道等各

奏其

奏其

奏其

奏其

八兩聶大經等張雲漢等各五兩擺忽周東各陞一

級宋敖垣等准給冠帶其餘依擬欽此



小司馬草卷之三

題為邊工將竣預嚴責成以圖永固事案呈到部

看得大同巡撫鄭 題稱大同原議脩築邊工今

歲可完但築以塞土非比磚石不惟歲久易淪即

使霪雨難支乞要責成大同各路叅守等官將脩

過牆臺不時巡視遇有披塌即時脩補各官陞遷

事故須行交代具呈督撫方許離任先後任事官

員不得因循推諉每季終該道巡視呈報督撫仍

聽從實查叅春秋兩防聽撫鎮官巡閱歲終疏題

巡按復命併行查勘一體奏聞并乞著為定例一

節為照各邊脩守所重臺牆大同邊工尤為緊要

今該鎮原議應脩牆臺當事諸臣遵奉

欽依率作興事今歲可完撫臣又恐歲久易湮雨澤

易塌欲嚴加責成以圖善後相應依擬合候

命下移咨大同督撫衙門轉行各該叅守等官查照

題議事理將前項脩過牆臺各照所分界限加意

經營共圖保障未完者作速脩砌務使堅固已完

者時常巡視補葺傾圮其無益空心墩臺即行停



止各官如有陞遷事故卽以所管臺牆竝無損壞交代明白具結呈報督撫衙門方許離任若有因循怠玩以致傾損者罪在前任則坐前任罪在接管則坐接管各督撫官查明分數指名叅奏議行降罰至於該道巡視撫鎮親閱等項悉如所議著爲定例仍通行各鎮知會施行等因萬曆六年二月初八日具題奉
聖旨是欽此

奏草

卷之三

二

三

題爲春和土解脩築繁興懇乞

聖明稍罷不急之工以甦極苦邊軍事職方清吏司案呈到部看得兵科給事中王 題謂虜款七年各邊鎮建築頻興軍士苦於催迫監事急於報完行糧鹽菜又多尅減以致創成者徒爲塞責傾圮者復爲重脩工無了期逃亡枕籍縱成險隘無人固守關隴雲朔之間脫有意外將何禦侮乞要申飭各鎮九邊牆敵臺係衝要孤懸者照舊脩理其餘不急之工盡行停止脩工軍士止用步軍佐以餘丁及馬兵老弱者不妨寬限務在堅固以免重費各軍士應得月糧鹽菜銀兩俱要依時給散有馬壯軍止今操練各一節爲照封疆之事保障爲先八事之陳脩築爲首邇因北虜款貢建議脩築東自撫順西抵加峪脩整臺牆壕塹一以防零寇之往來一以阻大舉之直達脩其所可守以守其所必攻其意誠善策亦可行但設險之事有三城堡爲最牆垣次之墩臺又次之收斂人畜堅壁清野惟城堡是資所當亟脩者也阻遏虜騎緩其衝

奏草

卷之三

五

突亦有藉於邊墻所當次脩者也至於墩臺以備瞭望以傳砲火爲我軍之耳目或十里或五里乃置一座或七人或五人共守一墩惟於邊口險要及賊衆出入之處從宜設立古所不廢也至若空心磚臺徒備美觀無益實用且一臺之脩幾三百金而邊方無木無石之處採辦尤難此則不必脩築者也况九邊之地里遠近險易既有不同而軍力多寡不一若不量人情不因土俗必欲一槩添築此又事之不可爲者也但人心喜好不同競相

馳騫城堡脩矣從而添之邊墻脩矣從而加之墩臺脩矣從而益之土可也磚可也而必欲一例磚石前工未已後工復興前議未詳後議復起春夏則脩築秋冬則採辦邊無餘人人無餘力是以朝廷保障之意番爲邊人怨咨之媒科臣所以反覆剴切直言不諱端以此也相應依擬通行申飭恭候

命下備行九邊總督鎮巡諸臣查照所議轉行各該司道將領等官各展忠心務脩實事備查見今工

程惟將城堡先行脩築務要高堅可以收斂其邊墻未完者依限催完已完者時加脩葺務在堅固可阻虜騎墩臺惟取足以備瞭望傳烽火或磚或土各從其便十里五里各從其宜其余空心石臺半里一里無益戰守者悉行停止不得因習舊套固執已見圖務虛名無裨實用至於軍夫惟將步軍及班軍協力分番赴工寬其期限恤其饑寒令用鹽菜口糧工價俱宜優厚使人心樂從勤于趨事其有馬官軍尤當加意撫恤時勤訓練不得一

奏草

卷之三

五

三百五

槩役使致士馬困疲行伍消耗若司道官有不仰體

德意好事喜功各將領有託名脩築濫役軍士科斂剝削者聽督撫巡按及臣等指實參論再照流俗之見因勢低昂中人之情隨時高下先年脩築之議興則競議興作不復深慮遂致作無益以害有益今一聞前議必又習爲安靜不復經營或致當爲而亦不爲此皆踈於謀

國不盡由衷爲今之計在爲其所當爲止其所當止

急其所當急緩其所當緩則戰守有資封疆可賴
斯下不戾於科臣之言上無負於

陛下責成之意此又深望於當事諸臣者也伏乞

聖裁等因萬曆六年二月初八日具題奉

聖旨設險守隘乃邊防要務况當虜款閑暇之時正
宜綢繆牖戶以備不虞但近年以來邊臣多不實心
任事年年脩築旋復傾壞以致工無了期徒苦疲軍
無裨戰守今後都着酌量緩急有必不可已的着督
撫官悉心措畫身親閱視多方鼓舞使人忘勞務求
保障實用其餘不緊要的依擬停止不許因而罷廢
脩守遂弛邊備致貽後患欽此

奏草

卷之三

六

二五

題為春和土解脩築繁興懇乞

聖明稍罷不急之工以甦極苦邊軍事職方清吏司
案呈到部看得兵科給事中王 題前各一節為
照王公設險重門待暴三代脩文德城朔不聞已
也兩漢盛征伐乘障不聞已也邇因虜款貢建
議脩築東自撫順西抵嘉峪脩整臺牆濠堦一以
防零寇之往來一以阻大舉之直達脩其所可守
以守其所必致固非謂專於脩守遂爾忘戰也但
城郭溝渠原非天造版築興作未免勞人今諸鎮
脩工軍壯人等乘時閒暇驅之力役免其操練責
之赴工且設險脩防衛其室家保其軀命月糧工
食之外加有行糧鹽菜佚道使民無踰於此若使
當事諸臣虛心經畧酌地方之衝緩定工程之後
先憫軍士之勞苦嚴將領之剋減則悅以使民何
勞何怨乃今羣言籍籍咸謂剋剥多端奸弊非一
以致軍士之疲苦不堪將領之督責更其誠有如
科臣所言者所擬議欲軍伍邊防無脩並舉滌于
戰守有裨擬合通行申飭恭候

奏草

卷之三

七

二五

命下備行各鎮督撫諸臣查照所議轉行各該鎮道將領等官備查見今脩築工程先若城堡次若邊牆次若墩臺次若壕塹又次若山崖敵臺果係衝要孤懸及圯壞傾頽者趁此春融及時興作責令各該監督將吏查照近議時督步兵民壯及餘丁幫助脩築要各灰石堅固脩砌如式月糧工食不得扣除行糧鹽菜從實給散其有限期太逼者少假從寬鹽糧不等者稍加優厚無復過為裁減巧為乾沒其有仍前不法及攬用掛木諸凡奸弊止

奏草

卷之三

八

百四

圖了事者各督撫官務要從重參治毋事姑息若事勢可緩則不妨需徐無益備禦則不妨停止不必拘泥成案至於驍健馬兵既免力役之征尤當時加操練庶幾戰守並脩斯為完策耳

題為查錄堵虜力戰官軍以勵人心事案呈到部看得薊遼總督撫鎮官右都御史楊 等題稱萬曆五年十二月十七日達賊二千餘騎拆牆進邊入犯前屯關弁山等處當被各該防守官軍奮勇力戰拒堵出境城堡保全人畜無失在陣斬首二顆獲馬一十三匹在官軍陣亡者九十三員名被傷者二百三十四員名內引近奉

奏草

卷之三

九

百四

獲把總朱延慶施國臣身被重傷乞要憫其敢戰之苦錄其堵虜之功俱免究或量加賞其誤事備禦張應選守堡官牟景嵩王建忠與有功陣亡人員及地方有無隱匿失事通行巡按御史覈勘明白提問錄恤具奏各一節為照土蠻速把亥諸酋窺伺全遼已非一日長昂專攤等甘心勾引為之鄉導分犯遼鎮先擁大眾東掠海州西捨前屯意欲牽制我師以圖狂逞猶幸先事戒嚴分防周密所在官軍拒堵出境進無所獲積忿益深復于十

二月十七日擁衆再犯前屯本謂歲事將終乘虛伺隙乃遊擊王大璋等聞警力敵于前都司楊紹勳等馳援夾擊于後雖其斬獲數少損傷數多得不償失功難準罪但該鎮與虜爲隣以戰則歲無休月以守則日無寧時况寇在門庭利用禦戰所據揚紹勳等見敵能奮臨難克前獲功雖少殺虜頗多朱延慶等併力先驅設伏邀擊虜衆遁北不得掠搶行旅城堡俱保無虞似當憫其死力畧其損傷量加優恤俾知感激勉圖後功既該總督撫

奏草

卷之三

十一

三十四

鎮官分別具題前來相應議處併其餘該事各官情罪及有功陣亡人員錄恤一併通行議擬勘處屬夷長昂專攤等久荷撫賞不思圖報勾引逆虜所宜責諭合候

命下移咨蒞途督撫等官遣令通事嚴責長昂等背負恩信令其改圖如復仍前構犯定行革其撫賞調兵問罪決不輕貸仍移咨都察院轉行彼處巡按御史卽將前項賊經處所從公體勘要將達賊實有若干從何地方進入城堡有何攻破人畜有

無殺虜官軍曾否對敵陣亡殺傷等項是否止於奏內之數斬獲首級是否真正楊紹勳王大璋等是否力戰應援應否叙錄其失事有罪張應選等作何問究陣亡有功莊國麟等作何錄恤逐一查覈明實一併造冊限本年三月以裏具奏以憑覆請定奪再照瑞昌等堡去山海關不過一舍之地官軍對敵合戰聲息傳報難諉不知關內官軍分布似有信地若使將領聞警提兵關外剗遙爲聲援不徒力戰孤軍恃以無恐亦足以振威懼虜不

奏草

卷之三

十一

三十四

敢深入乃今擁兵觀望閉關不出非所以奮忠勇而保封疆也併候
命下行令內地各將領申諭戒飭以後東路警報務相救應雖不得輕爲舉動亦不可互分彼此以失事機等因萬曆六年二月初九日具題十一日奉聖旨是欽此

題為地方盜賊殺人乞究怠玩官員以肅法紀以警將來事案呈到部看得巡視京營吏科等衙門右給事中等官李 等巡視中兵馬司地方廣東道試監察御史吳 各題前事為照兵馬司巡捕營職專捕盜巡捕營重於夜禁而晝自有按伏尖哨兵馬重於晝巡而夜亦有巡警更夫職守未嘗不交相責成也至如巡捕營統於巡視京營科道兵馬司統於巡城御史遇有失事罪在營捕則巡視叅之罪在兵馬則巡城叅之罪同則各分叅之

奏立

卷之三

十一

十一

此故事也乃今京城之內白日行劫兵馬捕營罪本難諉但閉門剽殺踪跡詭秘兵番無從緝訪官軍從何追捕所擬該司兵馬情有可原巡捕各官似應免究及照二臣所題一則欲通行懲治以嚴譴罰一則欲申明職掌以嚴責成無非爾盜安民之意至於科臣所謂兵番放閑東西空濶欲要增添舖夫失事小則限捕不叅失事重則分叅專管臺臣所謂牌甲包替多係無賴欲要會同各城設法議處務釐宿弊俱為尊嚴

王畿通論合應依擬恭候

命下將兵馬張府量行戒飭叅將等官劉印等姑各免究行劫前賊責令戴罪立限嚴行緝捕務在得獲有能限內緝獲者照例給賞及能獲別盜者遵照近奉

明旨准贖其

朝房東西添設舖舍增置更夫處給工食及兵番總甲清革包替巡警軍哨嚴切稽查等項事宜悉照所議行令各該衙門施行再照火盜之生本難

奏草

卷之三

十一

十一

預知事發之初即將各官叅論委屬未妥惟盜發而不能擒捕火發而不能撲滅則罪實難追然盜有明暗時有晝夜詭秘之盜潛踪隱跡惟兵番能緝訪之大夥之盜人衆力強惟官軍能逐捕之發於白晝則責在兵馬番捕發於黑夜則責在巡捕官軍然地居一城事同一體其密相告報互為應援又當同心協力有不可彼此推諉者合再行申飭城營永為遵守以後凡遇賊盜生發事小則徑行處治事大則先具題知惟將該管員役責限緝

捕比併事完論其功罪

奏請發落仍各查所由在兵馬聽各城御史參論
在巡捕聽巡視京營科道參論其兩相關涉者即
會同詳參則大公之體既立而巡察之職亦舉矣
等因萬曆六年二月初九日具題十一日奉
聖旨依擬行欽此

奏草

卷之三

十四

九十五

題為番賊殘害日滋重臣制禦無策懇乞

聖明速賜議處防禦事宜以安極苦邊圉事案呈到
部看得陝西巡撫董 題稱階文西固一帶斬脩
崖邊遵奉

欽依萬曆五年終完報見今完者僅十之三未完者
尚十之七所據工大人少力役不堪乞要寬論及
稱前工或云脩之便或云脩之不便或云不脩而
移置墩寨於山巔為便議論紛紛未有定的仍欲
另行勘議停妥奏請一節為照前項地方逼近番

奏草

卷之三

十五

九十六

夷議脩崖工以嚴封守原限萬曆五年終完報今
據已完工程未及一半怠緩之罪本屬難辭但該
撫臣巡歷工所相度形勢質諸羣情議論三端可
否未定則是始事之初已屬輕率從事之後知其
無益明矣若復拘泥成說仍行計議所謂作室道
傍終難底績而民勞財傷無益反害者也所據具
題前因相應酌處上

請伏望

皇上軫念邊軍窮困將原議工程俯為停止有罪官

員量為寬宥恭候

命下本部移咨陝西督撫官遵照將前項斬削崖工
悉行停罷惟將沿邊一帶通賊要路酌量大小遠
近或立墩哨瞭或設堡把守或填塞堵截不失設
險防範之意務使功可成而軍不困閑暇之日召
補軍伍置備器械蓄養馬匹積儲糧草使三軍之
力有餘則軍聲可振番賊自懼較之徒竭心力於
版築而無裨於戰守者其勞逸相逕庭矣事完之
日通將停止過緣由并建設過墩堡險要備開具

奏草

卷之三

二六

百七

奏查考施行等因萬曆六年二月初十日具題十
二日奉

聖旨是欽此

題為恪遵

明旨仰仗

天威飛報主將禦虜非常奇捷事案呈到部看得薊
遼總督撫鎮等官右都御史楊 等恭報大捷一
節為照胡虜土蠻窺伺全遼要挾侵犯迄無寧歲
自去年五月之後先犯錦州繼犯廣寧歷秋及冬
騷擾兩河月無虛日邇者一出沒于寧前一往來
于錦義一分布于開原復又糾集屬夷一犯于前
屯一犯于海州一犯于瑞昌分道竝進東西牽制
毀我臺牆疲我士馬今又屯集遼河遠中虛稱欲
掠江夷寔將乘我不備忽于今年正月間擁眾而
南結營劈山直逼塞垣勢尤猖獗幸賴
昊天純佑

奏草

卷之三

十七

百七

列聖威靈

皇上

神武布昭

仁德旁溢羣策畢收衆思咸集累降

嚴旨申飭將士協心一力內脩防守外決戰圖該鎮

文武諸臣乃能各殫忠謀事事有備臨機決策先
發制人出塞摩壘追奔逐北斬獲賊級四百三十
五顆皆其精銳數內會首五顆又其渠魁所得馬
駝輜重不下數萬及查臨陣軍士帶傷爲數不多
陣亡止于一名別無損折較之往歲搗王杲之巢
斬獲及千原非胡虜近日奏平虜之捷首級二百
尚是情歸未有如出塞遠攻臨陣斬獲如此之多
者也且當

嘉禮告成之辰值捷書

奏草

卷之三

六

三

上奏之日

天與人應喜與功偕昔周文肇關雎之化聿成徂莒
之功成王當訪落之年遂收淮夷之捷稽之往古
獨盛于今誠宜率循

令典宣奏捷音庶以播之四方傳之萬世除獲功人
員另行論叙外合候

命下移咨禮部行欽天監擇日具奏及行移鴻臚寺
於

皇極門早

朝將差來人員引至

御前宣讀捷音等因萬曆六年二月十三日具題十
五日奉

聖旨朕方行嘉禮該鎮有此大捷實

天地

祖宗默佑朕心深切感仰還着遣官告祭

郊

廟以答洪庥欽此

奏草

卷之三

九

五

題為申明舊例舉劾巡邏官員以安重地事案呈
到部看得南京兵部尚書翁 題稱南京巡邏各
官原議聽提督官每年終甄別勤惰通送該部候
三年閱視分別等第舉劾定為常例近因歲久廢
弛以致勤惰無別欲要比照京師巡捕事例每年
終聽該部查明舉劾一節為照
留都重地巡邏貴嚴所有京城巡捕把總等官俱
屬南京兵部照缺選補三年一次閱視舉劾題議
已久向鮮舉行所據南京兵部尚書翁 具題前

奏草

卷之三

三

三

因深得振作激勵隆重根本之意但一年之內功
罪未彰論奏頻繁事權不一况三年閱視舉劾先
該題有事例若使着實舉行何患勸懲不立既稱
停閣日久合行照舊脩舉恭候

命下本部移咨南京兵部行令提督巡捕官督率把
總指揮等官務要用心巡邏緝捕盜賊每遇三年
之期聽該部照例閱視分別等第開列賢否咨部
查考其有賢能卓異者從實奏薦以備錄用怠緩
誤事者指名論劾以憑究治施行等因萬曆六年

二月二十三日具題本月二十五日奉
聖旨是欽此

奏草

卷之三

三

共

題為一年防禦事竣薦揚任久忠勤主將以勵邊
臣事案呈到部照得近該薊遼督撫官右都御史
楊 等題前事內舉劾遼鎮大小將領武職官員
緣由本部覆題節奉

聖旨近來各邊舉薦太頻且卑官小職非有奇材異
能的只宜照常咨部錄用乃一槩列之薦牘多至數
十百人亦為煩瀆你部裡還酌議來說欽此抄捧送
司案呈到部為照舉劾之典所以進賢退不肖也
各該總督撫按奉

奏草

卷之三

三十三

命鎮巡或年終奏報或防守事完或陞遷交代各遵
例行而沿海江防汛畢又于例外隨事論列雖其
意在搜獎薦賢然諮延既廣僥倖易萌瑣屑隈細
深為煩瀆

皇上軫念邊疆洞悉事情致厯

嚴旨下令酌議敢不悉心詳具上請

聖裁 臣等竊議得舉劾多端賢否則一各率其職以
時舉行政體宜然若或假借機會汎濫市恩以明
揚之大典為介冑之捷徑非所以重憲綱而昭公

道也合無申飭邊腹督撫巡按并各差御史等官
凡有舉劾之責者或陞任交代或防守事竣或完
報工程或叙錄勞績各隨事體重大者照例舉行
在一時可以無叙者宜從一併舉不得重複煩擾
其宣大三邊互市既有叙錄則秋防之疏惟將叙
錄所不及年深稱職及罪惡顯著者指實陳奏已
經叙錄者不得再陳至于海防春汛果遇海寇侵
犯各官奉調防禦者事畢將有功有罪之人量為
叙列不得一槩年年舉行然求才雖廣掄才貴精

奏草

卷之三

三十三

凡見任自鎮守大將而下以至衛所小職併閒廢
病痊自叅守而上果係智勇超卓功績茂隆操守
清慎武藝絕倫忠實可用者從實叙薦多者不得
過五六十人中者四五十人而止其隨營報效
聽用卑官末職或止效一事之勞或僅有一藝之
長惟加獎賞作養列名咨部以憑紀錄不必一一
奏牘上煩

聖覽其有罪過昭彰賊私狼籍才力闕茸年齒衰邁
者尤當虛心博訪卽事指黜其或事出風聞察無

實跡闐闐掩昧汗皦中傷者不得瑣瑣濫及上失
聖朝忠厚之體下絕中人自新之路至于免死調發
立功贖罪殺賊等項或立有戰功或效有勞績者
務備開原犯情罪重輕有無在鎮立功者明開年
月充成者分別永遠終身降級者原係何職納級
者有無實職係何等出身奉何明文取送備咨報
部查行若或因循故習依違阿比濫列人數至百
名之上及將附託親暱賈豎私交虛名借職混淆
錯雜希圖開伍復職隳壞法紀滋起奔競辜負

奏草

卷之三

三

德意者聽科道叅究恭候

命下本部通行各該督撫諸臣及移咨都察院轉行
各該御史遵照

明旨及今議事理着實舉行等因萬曆六年二月二
十四日只題二十六日奉

聖旨舉劾公典必精必覈乃足勸懲今後各督撫巡
按官係陞任交代等項照例舉行其秋防春汛非實
在用兵及事體無甚關係的俱不必瀆奏若有奇才
異能及罪惡顯著者聽不時舉劾不在此限如循習

故套及濫舉市恩着科道指實叅奏其餘依擬欽此

奏草

卷之三

三

共

題為恪遵

明旨仰仗

天威飛報主將禦虜非常奇捷事案呈到部看得勦
遼總督撫鎮官右都御史楊 等具題前因除例
不論功者不議外為照東虜土蠻乃殘元遺孽有
衆百萬驕悍桀驁尤甚諸酋窺伺全遼要挾貢市
雖經平虜之挫益深報復之謀自去年五月以來
往來侵掠更無虛日十一月間令莽惠等要挾不
遂復令莽忽歹等出沒寧前滾兔灰正等分掠海
州十二月間三路屯劄牽制我師今於正月間聚
結大營移駐劈山突逼邊境欲拆牆深入乘我無
備若使堵截稍緩邀擊不前則地方之殘破軍民
之荼毒其害不可勝言者所賴

聖武布昭

廟筭預定該鎮總撫諸臣仰遵

明旨益殫心力總兵官督率將吏先機速發始迎擊
于近邊敵謀已奪繼勦逐于絕塞醜類盡奔計在
陣斬獲首級四百三十五顆內酋首五顆收獲牛

馬駱駝四百九十餘匹盔甲六百七十餘副夷器

弓箭諸物不下萬計賊之渠首多殲精銳殆盡對

敵官軍陣亡一名帶傷二百五十九員名其餘別

無損失自昔威寧搜套斬首四百邇年王果之誅

俘斬千餘平虜之役首功二百卽已稱奇以今較

之尤為奇特實惟我

皇上聰明

天縱勇知性成

留神邊務

奏章

卷之三

二十七

二百〇五

軫念全遼增餉增兵加賑加賞是以有此且當

嘉禮告成之始

慈御移宮之辰膚功

上奏露布飛傳

綸音下頒

天顏胥喜真足以繩

祖武而慰

慈闈酬百王而垂萬世矣 臣等伏覩先奉

明旨邊功不許叙及輔臣竊窺

聖意乃謂邊關常事而言至若偉績奇勳一槩抑遏不為敷揚

恩命不加酬報無據非所以收宗功而重

國體崇武畧而振士氣也如大學士張 黼黻

王猷運沉機于掌上論功

密勿定石畫于禁中大學士呂 張 貳公弘化仰

弼

一人之猷偶王在亶允作萬邦之憲開誠布公而威

嚴是屬集思廣益而謀斷相資竝宜優叙至如總

督楊 勤宣遠畧克奮忠猷累歲專征乘時備塞

方茲奇捷乃其運籌所當優叙巡撫張 勝美先

得已伐敵人之謀徵發相機遂成戡定之績保固

東土偉烈無雙所當特叙總兵官李 忠勇超羣

謀猷獨擅援桴擐甲備極勞瘁決機買勇不憚險

危所據節年功次已及數千見斬虜級又逾四百

雖懋官已叙而世賞未崇似宜大破賞格

錫之封爵以彰殊異其各司道等官或簡練戎兵而

謨謀素定或分布要害而犄角應援將領等官姚

天與等或摧鋒陷陣而敢勇直前或設伏出奇而

力謀各殫雖其勞績不同均宜酌量叙錄其各在

陣臨敵官軍內除應錄應卹外其他首功無與而

摧虜則同似當大賚以昭全凱至於陣亡修尚仁

首櫻賊鋒身膏草野良可痛惜其秦得倚等或毀

面絕筋而存亡未保或穿鏃觸刃而瘡夷未平俱

宜額外加卹俾歿者蒙帷蓋之惠存者沾煦嫗之

恩再查帶罪立功各官內如蘇國賦李汝謙吳疆

霍九臯俱以失事降級功罪似屬相當但所降祖

級多寡不同合查所獲功次重輕論復柯萬王國

瑞李國相宋承恩皆以失事克軍亦合查實開伍

熊朝臣以舊官委用原無職級僅可仍復舊銜黑

雲龍先任指揮克軍後以功陞副千戶及李尚元

問開伍未經叙功即回原銜難定職銜以上各官

通候查勘明白照例議擬常春近該論黜亦難復

任仍行該鎮另行加賞及查

令甲所載陣前斬將擐旗擒斬賊首等項奇功原許

即時奏擬陞賞今據所報揆之前例寔為允合既

奏草 卷之三 三十八 三十九

奏草 卷之三 三十九 四十一

該督撫等官題

請前來相應出格議擬伏望

皇上俯查舊例將大學士張 呂 張 同加褒蔭

楊 張 優加陞蔭仍行厚賞李 議加封爵仍

行厚賞與楊 張 同

賜重書褒美以示隆眷賀 等各加陞賞內姚天與

加副總兵職銜黃都加遊擊職銜各照舊管事周

等同加重賞內裁良棟秦得倚各加遊擊職銜

量陞署都指揮僉事熊朝臣准復原職守備職銜

奏草

卷之三

三十一

三十一

孫守廉加備禦職銜照例以都指揮體統行事各

照舊管事常春仍聽巡撫衙門再加重賞傅廷勳

等併賞內李平胡李得全各加備禦職銜照例以

都指揮體統行事仍管哨探李興李寧仍各給冠

帶王有等量賞陣亡修尚仁照依陣亡百戶喻

春例行令該衛所將應襲兒男起送赴部准陞三

級其書吏高尚學等咨吏部免考照例冠帶林世

鳳等各准給與冠帶王仲文等行總督衙門量賞

照得建非常之功者當與非常之賞三軍鏖戰危

苦備嘗非有

特恩何以示勸查得該鎮王杲平虜之捷俱蒙

聖恩優加賞犒今茲之舉事體相同伏乞

仁慈軫憫大破常格照依前例於太僕寺馬價銀內

量動給發將在陣對敵各官軍酌量給賞陣亡修

尚仁賞銀三十兩帶傷各軍丁分別重輕另給以

為湯藥之資其餘獲功及斬獲會首員役併帶罪

立功官蘇國賦等十員名與地方有無別項失事

本部仍咨都察院轉行彼處巡按御史通查明實

奏草

卷之三

三十一

三十一

分別應陞應賞應贖及被傷者作何優叙一併造

冊限本年四月裏具奏前來以憑議覆前項賞功

銀兩差本部官一員弁奉褒獎

璽書齋赴該鎮會同撫按等官先行宣讀

勅諭獎勞撫鎮仍大集有功文武吏士公同逐一犒

賞其給賞過官軍銀兩數目該鎮徑自造冊

奏繳庶賞不踰時匪徒該鎮將吏感激懷

恩卽九邊士卒亦皆鼓舞思奮矣但

恩典出自

朝廷臣等不敢定擬伏乞

聖裁再照恃勝而驕兵家通弊遭屺思報黜虜常情

今土蠻雖敗而黨類寔繁勢必再逞尤當加意戒

嚴方可善後仍令通行該鎮轉行各司道及各將

領等官務要恪遵

前旨益加督勵練士足餉厲兵秣馬務殫忠勇勉圖

後功毋或驕惰致有他虞等因萬曆六年二月二

十六日具題二十七日奉

聖旨朕方行嘉禮該鎮有此奇功朕心嘉悅李成梁

奏草

卷之三

三

三

屢立戰功今又決機出塞斬馘數多論功為冠着加

太保仍兼太子太保賞銀一百兩大紅紵絲蟒衣一

襲廕一子世襲本衛指揮使楊兆賞銀八十兩紵絲

四表裏廕一子錦衣衛百戶世襲張學顏賞銀八十

兩紵絲四表裏原廕武職伊男陞一級世襲仍各賜

勅獎勵賀濬陞一級姚天與等陞二級還同周世科

等各賞銀二十兩傅廷勳等各十五兩王有翼等各

十兩出邊官軍血戰勞苦除候覈勘照常陞賞外還

發馬價銀二萬兩差兵部司官一員前去會同撫按

官給賞以風勵將士其餘俱依擬本兵調度有功方

逢時賞銀五十兩紵絲四表裏還廕一子入監讀書

給與應得誥命曾省吾部光先各陞俸一級賞銀三

十兩紵絲二表裏該司郎中陞俸一級賞銀十兩其

餘的各八兩新任總督巡撫梁夢龍賞銀四十兩紵

絲二表裏周詠三十兩二表裏欽此

奏草

卷之三

三

三

題為強盜越獄闕擾都城懇乞

聖明查究失事官員以昭法紀以重根本事案呈到部看得南京兵科給事中等官各題奏東城兵馬司監原獲打劫宋貳子強盜李憲等打開獄門湧出隨就擒獲查叅失事官員一節為照留都重地刑獄大事聽斷貴專監禁貴慎兵馬司官職在巡邏捕獲盜賊叅送法司收監問擬京城一應民詞悉由法司聽斷止是地方喧鬧小事亦必由巡城御史批詳該司供由報奪兩京一體初無異同所

奏草

卷之三

三十四

三五三

據兵馬劉檠捕獲劇賊既該部院題奏自合即送法司未盡餘黨應行捕緝乃將各賊犯拘繫日久防範不嚴致令縱逸害及平民韓鏜等專司典守刑具解散幾致逋逃職業何在幸賴衆力一時就擒而怠緩疎虞罪各難諉既經南京兵科等官各題稱前來又據該科所論陳堯韋美甘舉等交通騙害事或有之相應酌議查究恭候

命下將劉檠韓鏜依律免究言輅爾壽弁陳堯等一千人犯行南京法司通提究問發落仍出禁示各

城兵馬司以後詞訟不許私自濫受人犯不許一槩監禁其該管地方雜事重者叅送法司輕者申解巡城御史發落敢有仍前故違明禁聽南京兵刑二部及科道官叅究再照內外守備文武大臣責任惟均所據羣賊越獄事出倉皇登時擒獲門官市卒各效其力則其號令素行職業亦舉所據言官論列緣以根本要地時當戒嚴近事之徵後事之鑒請乞

天語叮嚀殆亦為此併候

奏草

卷之三

三十五

三五三

命下行南京內守備及兵部等衙門各照遵行益加嚴慎永保無虞等因萬曆六年二月三十日具題三月初二日奉

聖旨是言輅等都着南京刑部提了問欽此

題為

國運方泰

帝治惟新懇乞

聖明及時脩舉以裨萬世治安事職方清吏司案呈

到部看得南京貴州道試監察御史陳 奏稱要

將公侯伯除五府掌印僉書不遣外其餘擇其年

二十以上五十以下者量以一半遣之邊方悉隸

大將麾下練習戎事遇有邊警使之將兵一節為

照

奏草

卷之三

三六

三頁

國家用人惟賢是使固未嘗以世類而棄亦不當

以世類而私通查開國靖難及累朝續封公侯伯

并連外戚恩澤列爵世家未及六十餘姓其有才

能堪用者見推管理紅盔將軍兩京五府掌印僉

書提督戎政總督漕運管理操江鎮守雲南湖廣

十已居其六七見在新任已經保薦聽用者不過

數人候缺推補其餘老幼不堪及曾有過犯被論

閑任者止奉朝請食其封祿庶幾保全勲名延慶

於後若使徒限年資不擇臧否咨用邊方恐三等

崇階難居倖幕與叅謀議又侵事權非所以全功

臣而辨等威也所據御史陳 建白無非以寵祿

世卿義均休戚俾其明習邊事堪備緩急實乃為

國得人之意况各官叨承世爵俱當曉暢軍務諳

練兵戎邊情將畧委應加意恭候

命下本部行令各爵不拘見任聽用年力精壯者各

要習熟武藝講求韜略其有才望卓越智勇無優

者不拘腹裏邊方大將員缺一體推用等因萬曆

六年三月初十日具題十二日奉

奏草

卷之三

三七

三頁

聖旨是欽此

題為清查庫藏以築城池以肅風紀事案呈到部
看得南京都御史汪 題稱江浦與南京對峙共
守長江之險欲要脩築城池合用工費就將見存
掣鹽等項銀兩經歷司并山東道上元縣江寧縣
各庫通共貯銀一萬八十五兩有零不係起解銀
兩相應動支聽應天巡撫關領應用其不敷之數
及一應脩築事宜俱聽南京兵部應天巡撫從長
計議奏請

定奪及稱掣鹽銀兩盡解南京戶部類解不得仍

奏草

卷之三

三十八

三百五

以解院扣留設法清查盡解濟邊各一節為照江
浦地方拱衛留都浦口官渡又為水陸通衢兼之
軍民雜處江防要害關係不輕所據脩築城池委
不容已但沿江板築工費不貲見存庫銀未必足
用况該縣對峙京城雖云隔水堪與冲勝果否相
應合行勘議停妥可便興作恭候

命下移咨南京兵部并應天巡撫查照所議會同酌
酌要見前項城池應否起築如果當築仍要揣度
文尺計量工費見存庫銀是否足用不敷之數從

何處辨具題前來以憑覆請其掣鹽銀兩盡解南
京戶部類解濟邊不得扣留俱如所議等因萬曆
六年三月十一日具題十三日奉
聖旨是欽此

奏草

卷之三

三五

六十二

題為議處脩工未用帑銀以備清查事案呈到部
看得遼鎮總督撫鎮官右都御史楊 等具題前
因大率謂寧前脩築臺牆原議空心臺三百座見
脩四年止完臺一十九座石牆一千四百八十七
丈七尺但人力既少工夫難完完亦難守候今歲
見脩永安堡臺牆工完停止弁議寧前二處止脩
緊要邊臺一十九座就調該路軍夫二千四百一
十七名每年脩臺六座自萬曆七年為始計程三
年可完應用脩工錢糧就於該鎮免調夫丁編徵

奏草

卷之三

四十一

三十三

銀內動支防工兵馬仍在寧前駐防年終將完過
臺工用過錢糧通候閱視其部發脩工銀三萬兩
乞要准作歲發馬價或候緊急題
請動支及要註銷原定大工限期各一節為照遼
東寧前培臺之脩始自該道具呈閱視督撫會題
議覆該鎮勘報工費浩大須四十餘年而後可完
是其先議已失詳審既該本部酌議量里先建臺
工兩臺之間止用磚石稍聯為牆足以拒虜則亦
心知其不可為而難于中止故小變其說以遷就

其事未有一定之見也又經覆行該鎮估計隨據
總督撫鎮官劉 等題議脩臺三百餘座計費三
萬餘兩本部又議每臺外加雇夫銀一百二十兩
又不過假此以招致軍夫之心冀其功之可成以
終前議之意耳脩築以來迄今三年僅完十一勞
費不貲日久罔效近該巡按御史趙 題議
請止牆工欲要多設臺圈壕塹蓋有見于軍夫之
勞困工程之難就欲為停止以示休息故 等覆
議以為九邊脩築當各因其地不得一例相拘空

奏草

卷之三

四十二

三十四

心碑臺固為無益所當停止而因地設險城堡濠
塹亦有當脩非謂一切止之而不為也今該鎮會
勘因見前議臺工浩大難成軍夫勞苦不息以該
路見有臺一百二十九座可守惟於險要之處小
團山鐵場等處添臺一十九座金復蓋三衛軍夫
免行調用惟將本路軍夫二千四百餘名分派脩
築工食於免夫編徵銀內動支亦為可行但于城
堡壕塹當脩與否未見明白聲說况寧前一路西
接山海東入廣寧北近虜巢南逼海墻官民商賈

往來衝要虜騎易於馳突空臺既所當止而深溝
高壘以遏奔衝亦不可廢况舊有二濠米否深濶
可限虜騎碑石之墻雖不可成而沿濠起土爲壘
以爲障蔽又有不可因臺工之止而遂已者臣等
部議所謂脩其所當脩止其所當止急其所當急
緩其所當緩意蓋有在近奉
明旨酌量緩急有必不可已的着悉心措畫尤諸臣
之所當仰體竭力者也顧事在彼中難以遙度相
應再行勘處合候

奏草

卷之三

四十二

三十一

命下本部移咨該鎮督撫諸臣轉行各道及將領等
官查照先今題議事理虚心計處要見該路臺工
停止之外有何城堡未備當脩其見在二濠應否
挑濬沿壕起土築壘以省石墻之費是否可爲逐
一計議務求畫一經久期以早完毋得拘執已見
致有異同亦不得務求簡省有誤設險再照遼海
之地連年苦戰土地拋荒米糧艱貴脩工之軍辛
苦萬狀口糧鹽菜若止令自備尤非人情相應從
厚使人樂從既有丁夫銀兩可動就當量議加給

如有不敷就將所發馬價銀三萬兩留貯該鎮以
備不時之費不得別項那移借支以滋靡弊俱限
本年四月以裏會奏前來以憑覆
請等因萬曆六年三月十八日具題二十日奉
聖旨是該鎮邊工還着督撫官體勘明白酌議停當
具奏欽此

奏草

卷之三

四十三

五十八

題為直陳緊切重大機務懇乞

聖明稽

祖制酌時宜博謀獨斷以恢

聖治事案呈到部看得刑部貴州清吏司主事管

所陳杜邊隣之釁大槩有三一謂宣大三鎮馬市

諸會年例之外踰限請乞邊臣扣除軍糧貿易備

馬致離衆心欲要備財蓄欵以備不虞約束俺酋

禁其挾請一謂土蠻數犯遼東未經大創近雖斬

獲數多未忘報復欲要聚糧訓卒以圖搗巢一謂

奏草

卷之三

四四

三四四

各邊撫賞脩工銀兩間有剋剝餽遺及稱彌縫無

罰欲要搜刷積弊以求善後各一節為照權宜之

術不足久持常勝之家難與慮敵即今北虜款貢

本屬權宜東虜敗遁未嘗忘報所據戰守之圖不

可一日少懈本部先令咨行各鎮練兵足餉厲士

秣馬休養士卒稽查錢糧丁寧申飭頗為詳盡今

據所奏前因無非思患預防之意相應依擬恭候

命下備行各鎮查照本部節次議處事理通行脩舉

嚴加隄防務圖戰守東路則虞其報復不可恃勝

而生驕惰之心西路則示以限制無狗要求而為

苟安之計至于搗巢一事未可輕率惟足兵固守

為不可勝以待其來則拒之不當貪功倖勝妄動

以開邊釁至於宣鎮市馬數多市本不足當議量

請增益以省扣軍之累其邊餉銀兩敢有剋剝餽

送彌縫者聽各撫按指各叅究伏候

聖裁等因萬曆六年三月二十二日具題二十四日

奉

聖旨是欵此

奏草

卷之三

四五

四五

題為遵成議罷臺請明

允發脩臺馬價銀兩以便遵守事案呈到部看得延綏巡撫宋 題稱今歲脩築空心磚臺悉行停止先有

請發工料除戶部銀兩原係本鎮客餉正項仍聽管糧郎中照舊收候作正支銷其兵部原議馬價銀一萬二千四百五十兩免行給發及稱各城堡邊墻墩臺應脩緊要工程另行看實脩理一節為照設險之事有三城堡為最墻垣次之墩臺又次

奏草

卷之三

四

五

之應脩應止較然甚明但今各邊急於自效一槩竝興徒使軍士勞苦功成無用所謂務脩守之名而無保障之實者也昨該科臣有言凡遇不急之工無裨戰守者一切停罷故本部覆議通行九邊備查見今工程惟為其所當為止其所當止急其所當急緩其所當緩非為一切盡已也今延鎮撫臣議將空心磚臺停止息軍省費深為有見其原給工料馬價委應退還但查彼中地方城堡邊墻之類或有未完做工軍士口糧鹽菜尤當有備所

據前項銀兩已經給發日久計期已抵該鎮不徒該鎮待用儘可通融抑且往來跋涉尤非事體既該巡撫官具題前來相應酌議合候

命下移咨延綏巡撫一面將前給馬價銀一萬二千四百五十兩收貯在庫一面遵照先今所議事理備查所屬地方城堡之未備邊墻之復頽緊要工程當及時興舉不可一槩停止者應支工價口糧鹽菜竝聽動支前銀應用不得別項支銷等因萬曆六年三月二十五日具題二十七日奉

奏草

卷之三

四

五

聖旨是欽此

題為查革冒濫關文以蘇疲衛事案呈到部看得
南京兵部尚書翁 等題稱軍衛衛疲乞要禁約
衛所不得應付公差內外官員軍牢軍夫吹鼓手
雖有真正大差不得擅起衛關若管軍官指稱應
付科斂者參奏重處一節為照軍衛之設非同驛
遞金鼓響器以備軍容各該軍丁專備差操城守
大小軍官牢伴額設俱有定數無有額外軍夫軍
牢之名也况近年以來逃亡日多清勾數少本等
職事猶恐不敷至於應付送迎既已難繼兼之橫

奏草

卷之三

四十八

三十一

索乾折其何以堪節該言官建議本部覆奉

明旨禁革開載至詳申飭非一乃今積習相沿牢不
可破是在各該所司着實舉行耳今該尚書翁
等具題前來合再申飭恭候

命下通行南京兵部各該撫按嚴加禁約所屬凡遇
公差內外官員除係軍情重大于例該用響器吹
鼓手者照舊應付外其餘遵照先今題奉

明旨通行禁革不得擅起衛關其軍牢軍夫盡行裁
革不許編僉應付如管軍官指稱應付及故違需

索者即便指名參奏等因萬曆六年三月二十六
日具題二十八日奉
聖旨是欽此

奏草

卷之三

四十九

三十二

題為披竭愚忠籌議邊務懇乞

聖明採納以圖安攘事案呈到部看得刑科給事中

王 條陳五事均於邊務有裨合就開立前件議

擬上

請伏乞

聖裁等因謹題請

旨

計開

一用近邊之武臣云

奏草

卷之三

五

二百四

前件臣等看得本款所陳要將總副參遊等官於

本鎮見任將領陞擢守提把總等官於臨近衛

所指揮千百戶推選如大將員缺本鎮乏人方

於附近擇用一節為照南北之風土本殊人才

之習尚亦異因地用人因人授任古今通義也

本部邇來推用大小各將領稽其才識之優劣

計其年資之淺深量其地方之遠近酌量器使

行之已久所據科臣具題前因與本部見行大

畧相同合應依擬着實舉行然人難求備事貴

達權自參遊而下於本地用之或可無缺自副

參而上責任既重人數亦少又有難以執於一

方者况通才巨器不為風氣所拘習俗所移者

又當惟其所用以需成功似不可狃于故常者

也伏候

聖裁

二汰邊臣之冒濫云

前件臣等看得本款所陳謂奔競之徒投充哨把

名色旋即陞擢以致侵剋軍需消索士氣淨壞

奏草

卷之三

五

二百八

掩罪多由此輩一節為照用人之道惟才是取

不以其類古今名將紹承箕裘者固多而奮起

行伍者亦自有之况使功使過去詐去貪難以

槩論第邇年以來習俗既競士行益偷加之以

納級名色雜之以請託干謁轉相倣效實繁有

徒坐名咨用冒濫滋廣節奉

明旨通查去後所據科臣具題前因深切時弊相應

依擬合移咨各邊督撫備查各屬武職嚴加考

覈果係操行端慎存心忠直知謀出衆勇藝超

倫者照舊留用其有武藝生疎才力短弱詭譎
諂媚之徒或係賈豎私人進不以正白丁假役
投托買求詭名報效倚勢生事剝軍害人冒功
廢餉者悉行革退其大小將領有貪殘不法者
撫按官從重叅究拏問伏候

聖裁

三慎賞罰之大典云

前件臣等看得本款所陳謂賞罰欠明由於瑣罪

失實遇警則卒旅當鋒將領殿後虜去則功歸

奏草

卷之三

五十三

三

將領罪加旗軍甚有割民首克功者欲要嚴查
一節無非慎重賞罰以昭勸懲之意相應擬
合無備行各該總督撫按官遇勘功罪無論將
領軍卒一體從公總覈從實開報務使賞必當
功罰必當罪如有買功奪功并妄割貪功者悉
照所議依律例治罪伏候

聖裁

四恤邊方之百姓云

前件臣等看得本款所陳謂邊民困於財力苦於

擄掠欲行撫按官優恤嚴禁有司擾害免額外
之賦罷不急之工并將招派貧軍止其永戍負
累殷商加意蘇息賑恤被虜家口譴斥殘民官
員及板升叛人要行招撫各一節卷查萬曆五
年該臣先任總督條陳招納一欵事機人情亦
已詳悉本部覆議明示

恩信如例安插題奉

欽依通行欽遵訖為照邊方疲民困苦萬狀委宜優

卹今據科臣所議甚得撫綏招徠之意相應依

奏草

卷之三

五十三

三

擬合無備行各邊撫按衙門轉行有司將各屬
邊民加意撫綏去無藝之征停無益之役稽戶
丁之永戍寬殷商之累害并存恤賑貸等事悉
如所議至於招撫叛人查照題
准事理施行伏候

聖裁

五鼓士卒之銳氣云

前件臣等看得本款所陳謂邊軍勞於工作困於

侵漁衣糧散給又多後時要行各邊督撫巡按

嚴飭將領等官撫恤軍士時給月糧痛釐侵剋
節其力役時其訓練一節無非休養士卒振揚
威武之意相應依擬合無備行各邊總督撫按
衙門嚴行各該兵備大小將領等官將各邊軍
士加意撫恤時其頒給杜其侵剋仍要均其逸
勞嚴加簡稽俾其服習戰陳俱如前議施行伏
候

聖裁等因萬曆六年三月二十八日具題三十日奉
聖旨是欽此

奏草

卷之三

五十四

一百四十一

題為懇乞

聖明及時脩舉切要急務以隆萬世治安事案呈到
部內除添設官員脩葺號舍及議更權豚係隸別
部掌行咨各具履外其一謂南京根本重地武事
廢弛要行內外守備叅贊大臣時督將領申明紀
律嚴加汰選革去罷弱收補精壯務實營伍一節
為照

兩都竝建重大惟均所據南京西接荆襄控扼江
淮之險南引甌越兼制湖海之衝

奏草

卷之三

五十五

一百四十二

官

殿

陵寢庶府百司重城萬雉內而中官外而世臣以為
之保障重而叅贊深而營衛以為之完鑰樞機詳
密法守森嚴可謂備矣邇年以來軍政廢弛武備
不脩憊弱衰殘僅充行伍誠有如御史陳 所言
者所據具題前因無非尊嚴

王畿拱固根本之意相應依擬恭候

命下移文南京內外守備叅贊大臣時督將領申明

紀律嚴加簡稽責成服習營伍之中將見操正軍食糧餘下汰革老弱選補精壯其餘雜差城守等役各從其便仍要禁約軍職不得過為搜求以滋紛擾務使留後重地不至空虛至於

京城禁近巡邏貴嚴乃有屠戶人等糾黨逾越漸不可長併行各該管轄衙門申明夜禁嚴加訪拿從重究治再照理善烹鮮更化有漸留都軍民依

附

輦轂習於宴安漸成驕惰整齊振刷委不可已所

奏草

卷之三

五十六

二百一

貴節制大臣留心整頓時加撫循深根固本無逾於此等因萬曆六年三月二十九日具題四月初一日奉

聖旨是欽此

題為酌定籌邊經制以預安攘事案呈到部看得總督宣大侍郎吳 具題前因條議五事俱於戰守撫有裨 合就開立前件議擬上

旨

計開

一酌戰守之制 云

前件 臣 等看得本款所陳戰守事宜及練兵量

犒弁將戰具查議脩補聽各巡撫於積貯銀

奏草

卷之三

五十七

二百一

內或徑自動支或具數奏

請年終造冊報部及聽巡按弁閱視查驗一節為照

禦虜之策惟戰與守戰守之具在器與兵機

宜不審分合無方則無以應敵犒給不敷器

械不整則無以勤士今據所議無非安攘之

計合無備行宣大山西督撫衙門行令大小

將領等官如遇虜警將前項一應戰守隨宜

舉行其優犒戰士脩補器具合用銀兩俱於

見貯庫銀支用多則具數題發少則徑自動

支年終造冊送部仍聽巡按閱視查驗等項
悉如所議施行伏候

聖裁

一酌設險之制云

前件臣等看得本款謂欲將山大軍夫暫於四
六八月各休半月以脩農事斷自萬曆七年
為始各照宣府事例一體更番續議工程加
意包脩大同邊工一竣即併力脩民堡山陝
見議工程止以邊軍聽役其腹裏節年戍邊

奏草

卷之三

五十八

二百八

民壯暫聽存留派脩各府州縣未完城堡各
鎮應給脩工口糧鹽菜依期支放嚴禁侵扣
歇工月分止於冬初春後晴和之日量行採
辦工料其採料日期全給口糧鹽菜一節為
照設險守國自古為然築垣脩堞所以據地
利也憫勞恤苦所以得人和也今據所議無
非逸道使民之意合無備行宣大山西督撫
衙門行令所屬文武將吏將前項邊腹工程
及時脩舉放班以便耕作更番以示休息口

糧鹽菜依期支放嚴禁侵扣採辦工料之類
准今全給等項悉如所議施行至於三鎮應
脩工程尤當行委各道兵備等官親行勘閱
凡係有益保障必不可已者以次興脩其先
羊空心磚臺及用磚包邊牆之說務人廢財
無益實用者一切停罷不得依違有誤邊計
伏候

聖裁

一酌賞罰之制云

奏草

卷之三

五十九

二百九

前件臣等看得本款一謂大小將領分任戰守
不許推諉一謂大舉虜情凡官軍臨陣當先
殺賊數多者不必責取首級惟割左耳備驗
果有頭功奇功照例叙錄割耳數少不得以
頭功奇功論叙一謂領兵官當先斬數多
照頭功奇功例一體超陞世襲一謂紀功官
查報失真勘覈遲久議要隨營紀驗覆查得
實願賞者聽即支散積貯銀兩借給一半將
願陞官軍分別首從同賞過人數用過銀兩

造冊奏報以憑陞叙及速行查發賞功銀兩
一謂臨陣退怯者合申明律令各將所部許
照軍法斬一二人以徇又謂遇有大戰宜錄
其功少寬其罪各一節查得萬曆三年十二
月該總督薊遼侍郎楊 題為大虜入犯等
事本部覆議節奉

聖旨以後各邊將士遇虜但以力戰為功不以損軍
為罪欽此通行欽遵訖今據前議無非致詳
功罪大彰激勸之意合無備行宣大山西督

奏草

卷之三

六十一

頁

撫衙門行令所屬大小將吏等官除已前功
次仍照舊例論叙外自今以後遇有大敵官
軍果能奮勇當先殺賊有頭功奇功者不必
責取首級惟割左耳覈實照例陞賞若領兵
官果能身先士卒破敵摧鋒即查獲下斬首
數多者許照頭功奇功事例一體超陞世襲
勘覈功罪務要依限完報無得仍前稽遲有
逾時日至於責成將領及隨營驗功申明臨
陣條例量寬損折之罪等項悉如所議施行

再照首級驗功著在

今甲各邊零斬賊寇非此無據惟是遇有大敵臨
陣倉皇割爭首級多致僨事所議割耳為記
但可偶一為之不待定以為例至於軍前覈
功尤當備細查驗方准奏報中間報冒濫
者紀功官一體叅奏治罪伏候

聖裁

一酌貢夷之制云

前件 等看得本款謂今年貢夷各執稱子女

奏草

卷之三

六十二

頁

頭領生長効勞者以漸加增比例乞討陞賞
要行通融酌處除管事之陞頭領及管事乞
賞散夷應給賞者不請給於

內帑即於三鎮撫賞銀內量行處給內拔其緊要
數人同虜王各枝子孫每歲總計未得過三
十人照舊具題請陞其應得賞資仍於

內府一體頒給著為定例一節為照虜欲無厭漸
固難長因時制馭亦當有權查得萬曆四年
九月具題陞賞貢夷本部覆議節奉

聖旨今次姑從所請照數陞賞以後省諭虜王務遵原約毋得歲歲求增欽此已經通行欽遵似難更議加益但據各夷求討堅力勢難固絕况賞費不多陞亦虛器委當通融議處合無備行宣大山西督撫衙門將每年發夷乞陞頭領乞賞散夷應給賞者照議於三鎮撫賞銀內量行處給如有病故者明諭虜王令其開除不得虛冒其每歲照舊請陞頒賞三十人數亦如所議奏行仍令通事員役曉諭各虜務要遵奉約束無復分外請乞以滋月濫伏候

聖裁

一酌撫馭之制云

前件臣等看得本款謂邊夷鼠竊輕則量為罰治重則聲罪會長不許將領隱忍彌縫倘庸淪盟如禍機尚隱則具奏定議如事機已急則發兵勦截或虜復乞哀不妨更撫其用間設奇悉聽便宜從事一節為照虜雖款貢而

狗偷鼠竊時或有之相機撫禦勢不容已今據所議無非先事預防之意合無備行宣大山西督撫衙門行令所屬大小將領今後每遇各夷有緣邊竊盜查無別逞者即呈請督撫衙門或輕或重隨宜處治不得容隱以損威重亦不許貪功以啓釁端倘各虜會敢於負恩背信無故生事者即宜閉關絕貢一面具奏一面截勦如悔過乞哀復行撫處至于用間設奇有裨軍機者存乎其人難以預議內有應行奏請者具奏定奪伏候

聖裁等因萬曆六年二月初二日具題初四日奉聖旨首級驗功着照舊貢夷陞賞歲增非宜今年且着臨期奏來定奪其餘依議行朝廷委任邊臣戰守機宜原不中制如果專心圖國經理有方功績自不可掩不然雖日事題覆亦竟何益今後惟事情重有關係不敢自由的許其實陳奏自外職任所在着他每依實幹理不必崇飾彌文欽此

小司馬草卷之四

職方稱

題為暴軍離伍貽害地方將臣制御失宜激變軍情併乞

聖明究處以振兵紀以安邊徼事案呈到部看得兵科都給事中光 等總督兩廣右都御史凌 等與題前事為照恩威並用理道所先不戢自焚兵家所忌逃兵江子德等九百名雖係撫民皆一時糾聚烏合之衆素無紀律節制頑悍輕剽相習成風即使處置得宜尚難禁其暴掠况以黃道等撫

奏草

卷之四

一

三

馭無恩侵尅致怨且羅定之役為日已久春深瘴起人各思歸其逃叛搶掠勢所必至在黃道等之罪固無所逃而各兵叛搶情尤可惡科臣撫按之論俱屬詳明無容再議但禍起有因法嚴首惡守備黃道本以小人濟其貪冒畧無悔改之心終負使過之意於九韶朱育等罔遵紀律同惡相濟遂失衆心釀成大變俱當重究亂兵人衆二首已誅沿途雖有擒斬逋逃尚多至于鎮守廣東總兵官張 羅定兵備道右叅議徐 稽防名詳答亦難

設但變生意外情有可原既經諸臣叅題前來相應依擬合候

命下將黃道先行革職仍咨都察院轉行廣東巡按御史行提到官同見監把總朱甫并緝拏張九韶嚴加究問照依律例重擬限萬曆六年十一月內具奏

定奪張 徐 姑免罰治行令振刷以善其後見逃

哨官童子雲等及逃散各兵咨行兩廣總督并福建巡撫衙門通行原籍挨查明白果係倡首叛歸

奏草

卷之四

二

三

及沿途殺人得財指實擒拿依律處斬其有一時思歸附和隨行不曾得財殺人者照軍法細打或矜其愚頑悉從寬宥不必過為忿疾好殺傷仁其被虜人口及地方功罪員役仍聽總督巡按會查明白分別議處遺下守備員缺本部查選推補耳照羅旁諸賊梗化有年乃今與師討罪既已歸心即宜還定安集以廣招徠不必草薙禽獮勞兵久駐有妨農功其各哨兵士多係招集之徒尤當通行申飭各大小將領等官嚴明號令寬示優恤依

期放還如有奸狡倡亂者密行訪拿照依軍法斬首梟示毋得姑息有損威重再查閩廣各寨撫民雖已歸正終懷野心投充應募撫禦實難併候命下移文二省督撫將各處撫民止當招徠安插使之樂業非有大舉不得輕聽報效輒行調遣恣令殘賊貽害地方違者叅究施行等因萬曆六年四月初五日具題初七日奉

聖旨黃道革了職弁朱甫張九部都着巡按御史提問具奏哨官童子雲等并倡首逃兵及沿途作歹的奏草倉凌雲翼劉思問挨籍嚴拿正法其隨逃無別過犯的姑准寬宥今後閩廣撫民止着安插生業不論大小征進俱不許募調張元勳徐汝陽免究着策勵振飭其餘依擬行欽此

題爲敷陳防虜事宜以圖保安邊疆事案呈到部看得陝西總督董 甘肅巡撫侯 題稱虜王西來悉從甘鎮境上乞要分兵設伏及稱果止迎佛入海必由東中西三路莊浪鎮羗涼州水泉兒甘州扁都口經過肅州兵備武 與叅將姜顯宗等官軍留鎮嘉峪迤西諸夷西寧兵備董 并遊擊管叅將事蕭文奎等官軍留守西海駐虜俱不可離信地甘州副總兵統奇兵營官軍駐劄古浪所鎮守甘肅總兵官統正兵營官軍駐劄涼州衛撫

奏草臣帶標下遊擊官軍駐劄永昌衛各相機協助該道副使殷 叅議張 少卿馬 督率大小將領李昫等各統官軍隨便向往左右策應如復讎瓦刺則必由涼州鎮番永昌寧遠甘州高臺鎮夷肅州嘉峪關過自賀蘭山西下必至涼州境外甘州副總兵卽至永寧同涼州副總兵鎮番永昌各叅將督同寧遠石硤一帶守操等官總兵官移駐山丹督同本處及平川一帶將領等官各隨虜防範沿途所過墩堡標下遊擊仍駐鎮城以防甘州後

山西路兵馬太弱虜王一過甘州而西其東原設
按伏各官軍宜尾其後以備應援涼州副總兵移
駐永昌甘州副總兵移駐古城總兵官移駐鎮夷
撫臣帶標下遊擊移駐高臺嘉峪關守備兵力不
及仍須肅州叅將量分兵馬相兼防守如虜久駐
關外叅將兵馬一半留該道護守衛城一半隨叅
將移駐嘉峪關協助前後策應軍門帶領標兵或
駐莊浪或駐蘭州隨便調度仍禁約海虜套虜軍
民番族不得交通如有強拘則差宜大熟識官通

奏草

卷之四

五

示以禮法至于撫處隄備一切未盡事宜臨時酌
處各一節為照俺荅西行部落頗眾戎狄貪詐乃
其恒情無論迎佛復讎在我當嚴隄備所擬撫禦
事宜節該諸臣建白俱經部覆有行今該鎮督撫
酌量地里衝緩兵勢強弱分布設伏畫地防守至
於禁約交通曉示恩信俱為得策所貴文武大小
各官同心協力着實舉行之耳今據具題前因相
應依擬恭候

命下移咨陝西總督董 其肅巡撫侯 查照原議

事理嚴督本鎮大小文武各官照依分管信地加
意隄防應撫應禦相機行事固不可周章以損威
重亦不宜踈略以啓弊端如有怠玩債事不奉約
束者竝聽指名從重叅究倘虜別有請索要中茶
馬即便差宣大熟識官通明行曉告以茶市乃
中國待西番之市行之二百餘年虜人不得恃強
欺壓番人侵奪市利如馬市乃北虜新教之市其
寧延綏各有定處行之數年賓鬼等亦不得分外
求開自失信義若虜人挾奪番人茶市則番人亦

奏草

卷之四

六

三百四十三

可侵奪虜人馬市此乃自起爭端我
中國必不輕聽并將馬市亦禁不與是彼求利而
反有害矣至於虜王會佛惟可量給茶湯以示恩
信則本部前覆已明在督撫諸臣酌議而行惟求
國體不失虜心不二而已如有他逞務要相機堵
截毋得過為疑畏再照兵難遙度將貴專謀機會
變於斯須便宜在於關外諸凡未盡事宜徑自臨
期酌處固不必一一取成於千里之外以坐失事
機也等因萬曆六年四月十一日具題十三日奉

聖旨是這撫御事宜着該鎮總督鎮巡督率各該文武等官查照先今題覆事理協心着實舉行務保無虞毋得輕率畏狗啓釁招侮事完後仍着開具實蹟分別功罪來說欽此

題為虜賊入犯仰仗

天威官軍奮勇堵剿大致克捷事案呈到部遼東總督撫鎮等官右都御史梁 等恭報大捷一節為照土蠻速把亥諸酋雄據塞外睥睨遼陽春初入犯開原已遭大挫今又詐稱投降以圖報復撲殺哨夜擁衆渡河直逼塞垣窺墻深入若使先事無備迎擊不前墮虜計中地方傷殘殆不可言所幸

郊廟萃靈

神人協贊

皇威遠布

廟筭先機節奉申飭戰守該鎮文武將吏恪遵

明旨哨備加嚴陶承譽等聞報先馳調集諸軍分布要害始拒堵于邊墻賊氣已沮繼追勦于邊外虜勢益孤通計斬首四百七十六級數內酋首九顆所獲牲畜盈甲輜重數千我兵帶傷不多陣亡止是一名自昔三年之克聿收捷伐之勲六月之師用獻

中興之捷今甫爾兩月再奏奇功似此

盛美真足以上酬百王遠邁千古誠宜率循

令典宣布捷書傳之多方以詔來世除獲功人員

另行論叙外合候

命下移咨禮部欽天監擇日具奏遵奉

明旨祭告

郊

廟及移文鴻臚寺于

皇極門早

朝將差來人員引至

奏

卷之四

九

御前宣讀捷音等因萬曆六年四月十三日具題十

五日奉

聖旨朕恭上

兩宮徽號禮成該鎮丹奏奇捷此實

天地

祖宗昭佑朕心欽感着照例宣捷仍遣官祭告

郊

廟以荅洪庥欽此

題為狡虜撲掠熟番挾求茶市伏乞

聖明早行禁戢以保邊圉無虞事案呈到部看得兵

科都給事中光 等陝西巡按御史李 總督侍

郎董 巡撫都御史傅 各題揭稱俺答之子賓

兔率眾撲掠熟番甘肅等族頭畜并岷州軍馬一

同掠去聲言草長還來洮州境外住牧挾土官投

順收服西番要在本處開中市馬欲要傳諭虜王

禁戢賓兔等會歸巢住牧不許掠番索市在科臣

則稱背盟黠倣如故整擐兵馬早為防備在按臣

奏

卷之四

十

三

則稱追還原捨頭畜撫處等項要行當事諸臣着

實遵行在督臣則稱防禦事宜隨到隨發及稱尚

候查明另行各一節為照茶市之設蓋以制馭番

夷北虜素不市茶著有禁例邇來類行求討將以

啗番乃奸人撥置之謀希擅

中國之利法所當禁本部覆議甚詳奉有

成命通行禁止無容再贅所據甘肅等族俱係納馬

熟番無異

中國編氓今賓兔率眾撲掠挾勢迫脅索賞計重

遁雖進無所獲懊悔而歸然夷性貪狡垂涎茶市
心實未已洮岷一帶熟番盤據草長復來之言不
可不信防禦事宜雖該督撫多方處置已為周密
而先事伐謀尤所當慎所據都給事中等官光
等題揭前來相應申飭恭候

命下移咨陝西總督董 陝西巡撫傅 甘肅巡撫

侯 查照先今所議事理傳諭虜王俺答鈐束各

酋首古落堅守盟誓仍歸原巢住牧不得臨邊騷

擾不得搶掠納馬熟番所擄彼中頭畜照數追還

奏

卷之四

七

三百五

即將作歹夷人照依夷令罰治仍行宣示

天朝法度申明茶市禁例不許再請如仍要挾搶番

并將馬市亦禁不與倘有背盟實跡就便整擄兵

馬相機戰守諸凡未盡事宜應奏

請者奏

請定奪應便宜者便宜施行再照賓兔雖稱狡猾兵

力亦不甚強况吉能諸子為哈刺敗殺者衆勢亦

漸衰此會今乘俺答西行假以唬嚇番人掠取小

利似非有包藏禍心渝盟肆侮之意訪得掠番無

獲懊悔誤聽人言失利而歸其情已大可見其欲

待草長再來駐牧中馬之言不過張大誑衆有無

皆不足較惟在我備之有素處之有法而已叅將

陳守義差人與之講說亦得一時撫馭權宜之術

况虜人求討賞勞各叅守無從處辦使司道等官

不為措置使之束手坐待或失事機釀成釁隙此

則督撫諸臣所當留心不宜拘攣避嫌惜小費而

失大利也至於熟番族類繁多受我

中國之恩二百餘年向順於虜非其本心特畏其

奏

卷之四

七

三百十三

強耳今我雖不能制虜使之不敢侵犯而申諭番

族示以恩義令其陰相結聚聯絡固守各保身族

永享茶市之利無為強虜所構至於沉機處置先

事規畫以離間其黨虜連結之計此則運用之妙

在督撫諸臣矢心協力非臣等所能遙度者也併

候

命下再行申飭施行等因萬曆六年四月十四日具

題十六日奉

聖旨是這防虜保番事宜都着督撫官悉心如議舉

行未盡機宜許便宜行事如虜人再索茶市併馬市
停止不許曲徇欽此

奏草

卷之四

十三

題為區畫分駐地方以明職掌以便責成事案呈
到部看得巡撫福建都御史龐 巡按福建監察
御史商 各題稱福建東偏海上地勢孤懸西北
環山東南濱海守巡等道責任既殊事權不一欲
要將分守福寧道照舊駐劄興化管理該府并福
泉二府及福寧州地方分巡武平道改為分巡福
寧兵備道駐劄福寧管理該州并福州府地方分
守建寧道移駐邵武管理該府并建寧延平地方
分巡建寧道照舊駐劄建寧管理該府并邵武延
平地方分守武平道改為分守漳南道駐劄汀州
管理該府并漳州地方分巡興泉道及漳南道與
巡視海道通照舊駐劄管理不必更易其驛傳改
屬清軍道以便巡歷鹽法增入督屯道督理各道
原奉
勅諭先後不同即為改給各一節為照八閩地方控
連山海原設守巡等道管轄分駐各有專責顧道
里遠近不同政務繁簡亦異必須裒益停安庶可
便於責成除分巡興泉漳南二道及巡視海道俱

奏草

卷之四

十四

三

照舊管理無容再議外其餘應該更易各道捨遠	就近益簡損繁區處得宜事權良便但福州見有	整飭兵備副使兼分巡福寧道帶管清軍事務今	既將分巡武平道改為福寧兵巡而福州兵備未	見開除原管前事亦未見明說管理清軍各道所	給	勅書有坐名上請者有交代傳用者今既更易地方	應令	請換與印信關防應否查改必須一一明開方可	奏	卷之四	十五	官
轉為	請給今該撫按具題前來通應議擬合候	命下將分守福寧道照舊駐劄興化管理該府并福	泉二府及福寧州地方分巡武平道改為分巡福	寧兵備道駐劄福寧管理該州并福州府地方分	守建寧道移駐邵武管理該府并建寧延平地方	分巡建寧道兼兵備照舊駐劄建寧管理該府并	邵武平地方分守武平道改為分守漳南道駐劄	汀州管理該府并漳州地方其驛傳事務改屬清				

軍道鹽法事務增入督屯道各查照管理仍咨行	福建撫按衙門轉行各道一體遵行及咨吏部知	會其福州兵備應管事務與今改易各道應換	勅書及應否換給印信關防仍行彼處巡撫逐一查	明報部以憑另擬	請換施行等因萬曆六年四月十九日具題二十	一日奉	聖旨是欽此	奏	卷之四	十六	官
---------------------	---------------------	--------------------	----------------------	---------	---------------------	-----	-------	---	-----	----	---

題為議處脩理省城以保固重地事案呈到部者
得巡撫福建都御史龐 巡按福建監察御史商
各題稱閩省城垣低薄西南一帶地勢甚卑須
增高固會城七門內外河渠不通亟宜開濬合用
工費將萬曆五年春汛已畢之兵總兵標下客兵
一營防守漳州土兵二營俱暫行掣放省下各兵
餘總共五千二百一十三兩八錢四分七釐支用脩
理仍自萬曆六年以後每遇春防既罷酌量地方
緩急營兵多寡從宜掣放扣留餉銀專備脩理不

奏

卷之四

七

三百四十六

許別支及稱本省客兵皆三年一放班回籍至期
差官調募道路煩勞各兵資緣應募經過更多騷
擾今萬曆五年秋汛既畢浙兵三營例應放班先
期下令願回者照常押回其願留者仍行點選存
留強壯不復揀退發回不堪照舊選補其凡在官
兵至二月初一日始令支糧每兵所省約三四兩
至於秋汛之後泉州遊兵一營在監軍道力主撤
放帶管分巡興泉道及該府掌印海防官堅意請
留皆持議不動其所省餉銀以漸存積城池之工

皆可兼舉又查萬曆五年九海防上裁減兵船革
去協總及省差官募兵一切冗費不下萬金行該
司將支用存貯數目明立案籍以備稽查各一節
為照八閩重地距山瀕海省會城郭委應脩葺合
用工費錢糧取之節省兵餉區畫已詳無容別議
其泉州遊兵一營在監軍則力主撤放在道府則
堅意請留各持一端尚屬未定但據該省海防最
為緊要若使水陸有備撤兵省費最為得策如果
兵力單弱防守未敷又不宜務為節省有妨保障

奏

卷之四

六

三百四十七

顧事在彼中本部邊難遙斷相應通行議擬合候
命下移咨福建新任巡撫都御史劉 查照所議事
理自萬曆六年以後每遇春汛既畢如果地方無
事聽將前項營兵酌量緩急兵數多寡從宜掣放
扣留餉銀存貯省庫專備脩理會城之用不許別
項動支仍行該布政司將支用數目明白造冊登
註案籍以備稽查其泉州遊兵一營再行從長計
處如果當撤將扣省餉銀備脩城池如不可撤仍
照舊存留以資緩急議定徑自施行等因萬曆六

年四月十九日具題二十一日奉
聖旨是欽此

奏草

卷之四

九

廿四

題爲土官橫悖已極法紀難容懇乞

聖明亟賜議處以洩公憤以安邊徼事案呈到部看
得巡按廣西監察御史孫 題稱南丹州土官莫
之厚侵越土地虐劉人民逋負

國稅冒破兵餉迹類背叛惡浮盜賊要行督撫相
機剪除如其束身就縛猶許其子世官倘或執迷
抗拒曉諭族目并各土州有能設法擒獻者許襲
其官職分其土地一節爲照土官莫之厚世受

國恩不思竭誠圖報乃敢恣肆猖狂自干法紀所
據前項情罪委不可原卽今兵威大振蠢茲夷會
滅之何難但聲罪致討

王師之義脩辭播告懷遠之仁不妨先行訓誥諭
令改圖若使稔惡不悛加以誅戮亦似非晚旣該
巡按御史具題前來係干夷情相應議擬合候

命下本部移咨總督兩廣右都御史凌 及咨巡撫
廣西右副都御史吳 查照今題事理會行查勘
土官莫之厚前事果係頑悍兇虐侵擾地方先遣
旗牌官明行曉告發其罪狀示以寬恩責令改過

自新以贖前罪如果俛首聽命歸還侵占待以不死若復仍前桀驁非兵不克然後另議奏

請聲明罪狀削除官職追奪印信治其渠魁撫其脅從仍動調附近土漢官兵密行擒剿顧夷情不一兵勢亦殊本會之罪固不可赦而地方奸詭之徒有往來交通啓釁召禍者亦當併查若本會果自作孽法所必誅若或被人揆唆構訐抑鬱其情不能自達致其懷憤生亂則又當體諒申理先誅其誘訐之人使之得其平而心自服或可不煩兵而

奏草

卷之四

三

三百四

定矣其中一應撫治未盡事機本部難以遥度悉聽總督撫巡會同區處具

奏定奪等因萬曆六年四月二十七日具題二十九

日奉

聖旨是欽此

題為暫免班操扣解價銀以資工費事案呈到部看得宣大督撫鎮官右侍郎吳 等題稱河南赴班官軍三年限滿本鎮工程未完及脩置器械應用并鹽菜銀兩仰給不貲乞要照前節次題

准事理再免三年扣價解邊以備脩工置器一節為照班軍戍邊名為備禦建置初意良有遠圖非欲故煩內地糜費軍餉也近自欵貢以來版築興作所給不敷且中土班軍素稱脆弱驅之從軍無裨戰守折價助工頗稱兩便今既各工未完尚須

奏草

卷之四

三

三百四

仰給扣價所擬該鎮比例題

請再扣三年委於脩守有裨相應依擬合候

命下移咨河南巡撫都御史會同巡按御史將該省

春秋兩班備禦官軍自萬曆六年六月初一日為

始至萬曆九年五月終止再行免班三年查扣價

銀併追節年拖欠數目差的當官員解赴宣府巡

撫衙門收貯以備脩工支剩銀兩留造軍器等項

不許別項支銷其支用數目每年聽巡按御史併

三年閱視大臣通行稽查至萬曆九年六月以後

再行查議等因萬曆六年五月初九日具題十一日奉

聖旨是欽此

奏草

卷之四

三

三

題為議留邊官以便撫夷事案呈到部看得薊鎮督撫官右都御史梁 等題據總兵官戚繼光呈稱該鎮白馬關夷情頗劇又近渤海所募田峪地方事關

陵寢最為喫緊提調郭珍雖非通才臨事謹慎夷心深服代者恐難得人乞要將本官改以遊擊職銜仍管該關事務合用供應查照遊擊一體議給仍聽石塘路參將節制一節查得郭珍千萬曆元年推陞本關提調歷任五年之上曾經塔保別無過舉量加陞用已將新科武舉王惟一 等題請簡命一員代補遵奉

奏草

卷之四

兩

三

欽點劄令到任管事去後今據總兵官戚繼光具呈督撫前因查得該鎮各官貪戀地方不願別移巧於鑽附牢不可破但據稱本官職在撫夷與別項委用不同既經該鎮督撫具題前來姑從依擬但京營佐擊勞苦獨多至于關隘將領必其積有勤勞著有卓異方得加銜管事郭珍既非通才又避勞就逸應照舊提調難以加銜合候

命下將郭珍以原官提調白馬關事務新任提調王
惟一繳劄回衛聽改別用其神樞九營佐擊將軍
員缺本部另行推補等因萬曆六年五月十八日
具題二十日奉
聖旨是欽此

奏草

卷之四

五

七

題為議處脩工未用帑銀以便清查事案呈到部
看得遼東總督撫鎮官右都御史梁 等題稱寧
前見脩臺墻工大難完委宜停止欲候今年永安
堡殘工脩完先將寧前應脩衛要邊臺一十九座
以萬曆七年為始調寧前叅遊二營步軍二千四
百餘名每年共脩臺六座計三年可完壕壘城堡
遇有坍塌隨時濬葺俟邊臺工完再查應脩工程
挨次舉脩其做工軍夫除挑壕者不議口糧外脩
臺者每名日給米一升五合鹽菜銀三釐於南衛

奏草

卷之四

六

八

夫丁銀內支用其部發馬價銀三萬兩照舊貯庫
聽候支銷防工兵馬除千總李元善一枝兵不滿
千掣回廣寧聽總兵官簡練以備東西調援領兵
遊擊楊五典右營遊擊王大璋各兵馬分駐寧前
防工通候臺工完日并用過錢糧造冊聽閱視賞
罰各一節為照寧前見脩臺墻工鉅費多難以責
成且夕先該總督撫鎮各官具題暫行停止改築
衝要邊臺一十九座期以三年可完本部覆奉
欽依行令再將應脩城堡從長計議去後乃今總督

撫鎮官梁等具題前因覆行該道再四勘議謂
欲脩大牆則財力未給沿壕築壘則土性不宜仍
如該道所擬止脩緊要邊臺一十九座反覆計議
不啻再三似于人情土俗安妥可行相應依擬但
遼鎮連年征戰士不解甲頻值饑饉田地拋荒軍
士脩工財力俱苦所議鹽菜銀三釐似為太少相
應增至五釐庶可少濟合候

命章移咨該鎮督撫諸臣轉行鎮守及該道將領等
官查照今議事理俟今年永安堡見脩工程完日

奏草

卷之四

三

將寧前小團山鐵場等處添脩邊臺一十九座自
萬曆七年為始調集參遊二營無馬步軍二千四
百餘名分投脩築每年共完臺六座限以三年通
完務期堅固足堪防禦至于重壕二道各軍不加
口糧亦要挑濬深濶以阻零騎出沒其脩臺軍夫
合用糧米鹽菜銀兩俱於夫丁銀內動支如有不
敷聽于馬價三萬兩內接支防工兵馬除千總李
元善一枝掣回廣寧外其遊擊楊五典王大璋二
營令其分駐寧前道中調度防脩邊工兼備東西

有警應援每年終之日將脩完臺座用過銀糧數
目聽巡按御史覈勘明實造冊奏繳青冊送部查
考仍聽大臣閱視施行本部原發馬價銀三萬兩
除接支外存剩之數收貯廣寧庫內聽候脩工緊
急

請明支用不許別項挪移借支再照備邊乘塞守
重于戰所擬始議工程規模太遠財力俱拙勢終
難完故再行查議期在破去舊套務求實效若使
觀望意向依違遷就則好脩與不脩其弊等耳又

奏草

卷之四

三

非人臣矢志封疆之義也今後臺工完日果有該
舉之工不妨再擇緊急處所有資保障者另議脩
築次第舉行庶于防守有備等因萬曆六年六月
十二日具題十四日奉
聖旨依議行欽此

題為承平日久邊備漸弛懇乞

聖明乘時破格議處以資戰守以肅疆場事職方清吏司案呈到部看得山西督撫官侍郎吳 等會題後開布兵馬等七事先該撫臣高 條陳一十二事除覆議五事已經允行外數內軍馬更選地里因革工作錢糧計慮宜局本部覆行會勘今據督撫官會議前題酌工役之大小審時日之後先刻筭程期分派鹽菜處置詳明委屬停妥相應依擬便于責成合就開立前件覆議上

奏草

卷之四

三九

請定奪

計開

- 一布兵馬以資訓練
- 前件會議本鎮自奇兵營以下各營分撥軍馬
- 內同城者徑撥該管離遠者就于各堡另委
- 把總一員平居訓練有事調征撫院標兵赴
- 邊防秋之日比照振武衛軍量增月糧總兵
- 標下以都指揮劉縉國加守備職銜分管委
- 於軍情事體兩便合無咨行山西督撫衙門

各照原議遵行其總兵標下大同右衛都指揮劉縉國雖查將材向無紀錄既經該鎮題堪委用合應量加守備職銜分管標兵本部給劄行令欽遵管事伏候

聖裁

一議駐守以據要害

前件會議將賈家一堡仍舊駐守其滑石澗堡地係極衝允收斂防禦必須重其責任便于督成欲要革去防守委官另設守備一員以

奏草

卷之四

三九

四〇

重事權應增兵數聽該道陸續募補因革俱當合無咨行山西督撫衙門照議施行其滑石澗堡添設守備本部另行推補定擬責任行令赴任管事伏候

聖裁

一精衣械以杜軍威

前件會議本鎮各管合用明甲共七千三百八十九副各軍臂手共六千九百七十四副量加工食俱各停妥合無咨行山西督撫衙門

轉行各道督同叅將等官將前項衣械照議支給銀兩如法製造仍嚴禁科派剋減諸弊伏候

聖裁

一葺墩堡以便收斂

前件會議停止無益墩臺其砂澗驛大營屯黑
乾塔屯各應封脩土堡一座中莊屯改築山
寨一座伏連坊展脩土堡一座委於軍民防
守有益合無咨行山西督撫衙門將前項應

奏草

卷之四

三十一

三百五

脩應築堡寨合用錢糧悉如所議施行伏候

聖裁

一濬壕塹以設險阻

前件會議將寧武等三道所屬沿邊壕塹待各
路大工完日另行脩舉
請發錢糧緩急得宜施為有序合無咨行山西督撫
衙門照議施行伏候

聖裁

一脩邊城以嚴保障

前件會議將岢嵐道所屬應脩老營等五城堡

寧武道所屬陽方口西河馬頭起至小紅溝
止應土築邊牆廡平道所屬盤道梁界自火
燒梁起王野梁止應脩築邊牆一道古計溝
築土堡一座皆係脩險固邊至計合無咨行
山西督撫衙門將前項應脩工程合用匠役
軍壯日糧鹽菜及各工脩完期限悉如所擬
每年終將脩過工程丈尺用過錢糧數目明
白奏報以憑查覈伏候

奏草

卷之四

三十一

三百五

聖裁

查錢糧以計盈縮

前件卷查先該山西撫臣高 題議脩邊等項
銀兩已經本部覆議合無將無礙官銀止給
二萬兩其不足者仍候會計停妥估筭明白
於積下客餉內量支再有不足不妨照例題
請戶七兵三事例給發題奉

欽依通行欽遵去後今據會議三道合用明甲臂手

物料礮藥鹽菜等銀共五萬九千三百二十

兩八錢七分五釐合用買米銀共五萬七千六百三十七兩七錢二釐九毫九忽通共該銀一十一萬六千九百五十八兩五錢七分七釐九毫九忽查照前議于本省無礙銀內動支二萬兩存積客餉銀內動支五萬兩仍該銀四萬六千九百五十八兩五錢七分七釐九毫九忽查照節年脩邊事規戶七兵三如數給發相應依擬合無咨行山西督撫衙門將本省無礙銀并存積客餉內如數動支

奏草

卷之四

三十三

三百一十二

收買礮藥明甲臂手物料共七千八百九十四兩三分五釐其餘俱發備葺邊城屯堡等項工食支用其尚少銀四萬六千九百五十八兩五錢七分七釐九毫九忽合照脩邊戶七兵三事例計算在兵部該出銀一萬四千八十七兩五錢七分三釐三毫七絲二忽七微劄行太僕寺於庫貯馬價內動支在戶部該出銀三萬二千八百七十一兩四釐五毫三絲六忽三微移咨戶部徑自查發仍各將

前項銀兩分派一半于六年七年兩次差官解赴山西巡撫衙門轉發工所應用候各工通完之日將用過錢糧備造文冊類行奏繳并造青冊咨送戶兵二部以憑查考伏候聖裁等因萬曆六年六月十四日具題十六日奉聖旨該鎮脩防事宜既覆勘停當都依議行欽此

奏草

卷之四

三十四

三百一十三

題為秋防屆期預飭戰守機宜祛積習以隆安攘
事案呈到部看得邊關形勝戰守事宜節奉

明旨仰承

廟謨及言官敷陳本部題覆該鎮督撫官員分布調
遣詳且密矣但西虜納貢開市則宣大山陝似各
稍安而會長西行屯聚部落約東為難東虜連遭
挫折則薊昌遼保僅若息肩而耻憤日深不忘報
復屬夷煽誘時蓄異圖既經該司據例呈來相應
題

奏草

卷之四

三五

三

請申飭恭候

命下本部馬上移文各邊督撫衙門即便轉行各該
兵道及總兵副參遊守等官查照先今申飭事理
務要整練人馬加意隄防嚴行哨探鼓舞將領優
恤軍士移檄各路分地固守沉機待變互相應援
破相習之故套運審勢之權宜共保寧戢以圖萬
全其在宣大山西貢市處所務要照例撫賞而中
存限制依期貿易而曲示調停至于會長遠行部
落渙散必處置得宜使携貳不生防禦嚴密使變

動無擾毋怠忽以忘備毋因循以養釁因微察著
念始慮終善之善者也其在陝西四鎮虜既西逾
其涼則延寧兩路似亦無虞然防禦策援皆當有
備今據督撫揭開順義直抵西海往掠瓦喇未有
定期計其東歸尚需歲月雖老會感德可保無他
而所部人衆釁隙易生東歸之日尤當隄備勒兵
守險宣恩布信使威不可犯惠必有終此其要也
其在薊昌連年脩築似無遺力藩籬雖設守護未
周况東虜之窺伺未忘屬夷之反側難定南兵狂

奏草

卷之四

三六

三

于驕逸衛兵困于脩工平居視之若有餘緩急用
之恐不足如前年古址鴉鵲之踈失近日青會土
蠻之縱橫長昂狐狸之詭譎不可不深思熟計者
也其在遼東則終歲當虜四時皆防耻憤日增志
在求逞該鎮屢獲首功不可恃其常勝不可信其
求和審量彼已斟酌虛實防彼誘伏戒我輕貪分
犯則按兵各守衆入則併力合攻此為要矣如真
保則鳩集壯勇謹守關隘以備應援其固則輯撫
羗番離其交構以固藩蔽皆所當加意者也再照

先事申飭樞帥之任當機運用閩外之責况兵不
可以遙度機亦難以預定臣等又查得節年秋防
本部該科雖再三申明而各鎮亦各有分布兵馬
緣由具奏其事非不詳且備也然行之既久頗成
虛套有不可不改圖者蓋分布之說始自嘉靖之
季虜寇頻仍防守無虛日當時諸臣始畫分布策
應之謀乃一時揣摩之見非可久之事也二十年
來每遇秋期拘泥成案止將兵將地方姓名數目
畧為更易具之簡牘上陳聖報以為觀聽其於虜

奏草

卷之四

二十七

三百七

情之虛實將之勇怯地方之險易茫然無據且
文移布告彼此喧傳實事未舉虛聲先露縱使果
申機宜已屬不密不惟不可以禦虜而或反為虜
人所窺矣况今虜勢比之先年既已不同而我防
禦之機亦當隨時而異自今以後合無將節年分
派舊套通行除革惟行督撫每遇秋防之時各將
所轄正奇參遊諸營兵馬預先整擱開具某營堪
戰馬軍若干步軍若干弓矢若干副甲冑若干領
兵仗火銃鎗砲各若干件所駐城堡糧料各若干

石草若干束足支幾日之用簡明數目各具奏
聞并揭報本部查考其各營兵馬即令該管將領
照依原定分守駐劄地方就便教習操演然虜無
侵犯則軍無調遣較閱之法不可不嚴各總兵官
當七月之中宜親詣各營會同各該兵備司道將
各營人馬逐一較閱城池逐一審視明其功罪嚴行
賞罰不得安坐鎮城合管調操徒滋勞擾其各將
領有怠廢職業營務不脩科害軍士才力庸懦者
指實呈報督撫查明即行參革究治毋俟防畢致

奏草

卷之四

三十一

三百七

令苟延債事總兵官出入操閱所帶本營兵馬少
止三百多止五百准其經過城堡按日支給糧草
其以他事私行不得一槩冒支萬一虜有變動一
應調度戰守因其勢之緩急地之遠近賊之多寡
兵之強弱以為進止攻守應援按伏方略悉聽總
督撫鎮諸臣悉心協力設謀出奇克敵收功以保
疆圉本部既不能遙授亦不敢中制各該諸臣既
得以展布忠猷不能他委參遊守操等官亦不得
藉口分布已定不敢擅離之說以為推奸避事之

計如是則督撫鎮守之能否功罪可據而定歷年之彌文可革將來之實效漸臻矣併乞

聖明裁定容臣等一體通行各邊鎮督撫總兵文武等官欽遵施行等因萬曆六年六月二十一日具題二十三日奉

聖旨是節年分布秋防委多沿襲虛套無裨戰守依擬着各總督鎮巡等官悉照今次所議事理一一舉行務臻實效毋得因循推諉徒事彌文欽此欽遵抄捧到部為照邊事軍情隨時變易道里之險夷難

奏

卷之四

三十一

三十一

易虜勢之緩急堅瑕有不可以執一論者所據防期已近本部題議破除舊套使諸將得臨機應變展布忠猷無拘牽牽制之患今奉

明旨省實舉行是在各鎮便宜斟酌之耳且虜情之在昔時者既與今日不同制馭之在今日者自與往時有異其有昔衝今緩昔重今輕者不妨量為裁省以補別之不足昔緩今衝昔輕今重者不妨曲為增添以就此之有餘其正副叅遊各營兵馬器械芻糧止查見在總數送總督衙門類造簡明

方冊同本具奏如有不足應議給者即行請給應撥補者即行撥補毋得因循致誤事機仍自萬曆七年以後每歲入夏之時各鎮會同各該總兵等官查照題行事理預為計筭照例奏聞永為遵守擬合通行為此合咨前去煩照本部題議

欽依事理轉行總副兵備叅遊守等官一體欽遵施行

計開查造冊式

奏

卷之四

四十一

四十一

該鎮某路某營實在堪戰馬軍若干 步軍若干 盔甲臂手若干 弓箭若干 火器若干 刀仗器械若干 所轄城堡實在糧若干 料若干 草若干

題為竭愚衷廣

德意以

光聖政以飭吏治事案呈到部看得戶部咨開南
京貴州道試監察御史王 奏稱衛封疆一事大
率謂欲衛城郭在練民兵要行撫按官令各州縣
凡遇編審民兵務選精壯時加訓練稽閱賞罰別
項公役嚴行禁止欲衛鄉村在嚴保甲要行撫按
官令各掌印官挨戶編審論其產業以為編次輪
流巡邏互相覺察至謂沿邊沿海各處撫禦防守

奏草

卷之四

聖

三十一

事宜尤為最急各一節為照保甲之法家自為守
人自為衛自古稱善保護鄉落莫過于此至于沿
邊沿海防禦事宜屢經建議業已通行但恐人情
易玩不妨頻加申飭至于土著民兵各有額設惟
在簡選壯勇訓練以時明其賞罰免其雜差庶有
實用既該御史王 具題前來相應依擬合候
命下通行各撫按行令各該州縣一應民兵各照地
方原額仍隨土俗所宜惟是編審之時務要揀選
精壯報名在冊給與工食行委該管官員時加訓

練較閱藝能分別賞罰專督巡警停免雜差俱照
所議着實舉行其餘保甲邊海防禦事宜仍再通
行申飭查照先今事理施行等因萬曆六年六月
二十六日具題二十八日奉
聖旨是欽此

奏草

卷之四

聖

七十八

題為條議

國家重大事務懇乞

聖明及時經理以保泰治事職方清吏司案呈到部
看得南京福建道試監察御史王 題陳三事除
宗藩漕河二事聽別部徑自議覆外其議虜市一
款大率謂西鎮貢市當備不虞各鎮兵額缺少相
應增募新兵所給工食比照南兵稍減各兵或集
京師或併隣鎮或練附近州縣俾虜不疑可以轉
弱為強服番制虜乞要通行該鎮悉心布置各一
節為照安邊制虜所重在兵戍卒京軍每患不足
邇自欵貢以來京營各鎮勾補逃亡收召義勇
禁衛漸充邊防稍備選鋒家丁亦每增糧益餉京
邊班操間亦折銀募充至於宣大市場處所乃在
鎮城遠郊惟是開市之時設伏軍士以防不虞其
餘兵馬分布信地及各該營伍操練與虜本不相
聞所擬具題前因似亦大同小異但居安忘危兵
家所忌所在揚兵振旅固所以奪虜之氣而沉機
密謀誠不可示虜以疑委當外示羈縻時加訓練

奏

卷之四

四三

百

嚴夷夏之防審強弱之勢足京軍以振居重之權
練民兵以為先事之具簡召客兵增給衣糧制虜
輯番莫善于此至于所稱優養壯勇免其雜差嚴
行操演及申明市禁尤為確論相應依擬通行九
邊合候

命下移文各鎮督撫衙門即便轉行各該兵備將領
等官嚴加申飭查照先今事理欽遵施行等因
曆六年六月二十七日具題二十九日奉

聖旨是欽此

奏

卷之四

四四

百

題為仰仗

天威剿平經奏劇賊大除民患恭

報全捷事案呈到部看得總督兩廣右都御史凌

巡撫廣西右副都御史吳 各題稱漢土官兵征

剿過廣西河池哱咳北三等巢匪賊共計擒斬首

從賊人賊級四千八百四十名顆俘獲賊屬三千

二百五十六名口奪獲牛馬一千二百五十二頭

匹賊仗二千五百一十四件搜獲指揮應襲吳奇

親供一張恢復民屯田糧一千二百餘石招撫過

奏

卷之四

四五

三五

北五八寨東歐等峒共一百八十二村種人韋扶

妖韋公良等四千餘徒除生擒各賊審明就近處

決梟示斬獲功級聽巡按御史紀覈賊屬馬牛器

械給收及行該道議設善後營堡河池責令東蘭

州官自出兵耕守哱咳責令土官黃如金韋觀厥

復土司領兵屯劄北三責令遷江所土官黃祐黃

鉦土舍黃登庸各集甲兵分屯耕復舊地所據効

勞文武諸臣功叙各一節為照百粵之地徭徭雜

居在東則羅旁諸山夙稱盜窟在西則右江各寨

業為賊巢行劫逞兇逆節比著去歲東征凱奏尤

慮善後之難今春西討兵興未卜經始之畧所賴

天錫休加

聖武昭布六服承德四征弗庭師出有名所向皆捷

而兩鎮官員諸路將吏祇若

廟謨恪遵勝筭難經旁被竹之後則設官分職處置

咸宜察有注危密之形則僉將出師剿撫已定除

前使提督嚴 肅任巡撫郭 先事發謀及監察

御史孫 同心共濟例不槩叙外如總督兩廣右

奏

卷之四

四

三五

都御史兼兵部左侍郎凌 聲振百蠻威行兩省

區畫之善甫畢而東剿除之勲再樹于右底定南

服功略無雙及查本官先以羅旁報捷遵奉

明旨廕一子與做錦衣衛副千戶巡撫廣西右副都

御史吳 先事密謀當機果斷分布戎兵督策進

止師行以律所自有功北山凱績此為最先其在

廣西文武各官間道出奇併力合擊殲俘逆黨安

插諸巢前後擒斬已逾八千歸復土田不啻萬頃

畢智竭力則有若副使吳 今故參將王瑞謀勇

相成獨最諸吏功當首叙內王瑞雖故功不可泯
共贊厥成則有若副使陳參議尹參將倪中
化先後効勞所當酌叙督理儲餉分參謀議則有
若布政使高 等六員與其勞又有若副使周
等四員觀其成俱當分別賞賚共事則知府鄭
等所當分別賞錄其餘獲功官員如指揮千戶等
官李鳳等并領哨守備王克臣等應陞應賞并土
官羅謙端等通候覈實另叙并土官莫之厚革去
冠帶仍候立功再叙此嶺西大征之捷所可紀者
也其在廣東文武各官剿撫遺孽度地居民經營
兩縣建置四所公解市廛兵屯并聚綜理勞瘁則
有若原任叅政今陞按察使蔡 等提綱挈領服
勤為多所當陞 同心裏事則有若布政使施
等所當厚資專理築城則有若同知劉 等六員
專理量田則有若通判董 等四員板築計筭心
力俱勞均當分別陞資至于專管招撫則通判
錄搜捕餘黨則總兵張元勳均當厚資協力則副
總兵陳璘等併當加資原任叅將吳京等所當量

奏草

卷之四

四七

三十四

賞至于委官原任知事等官吳思際等應行該督
撫分別獎賞仍咨吏部紀錄此嶺東善後之績所
可紀者也 陞諸臣既該督撫巡按分別具題前
來相應議擬合候
命下將凌 吳 重加廕叙內凌 或照前任總督
殷 事例於洗簾錦衣衛副千戶准與世襲吳
超格陞賞王瑞應得陞賞准與應襲兒男加錄領
給蔡 等同加陞賞陳 等量加俸級仍行厚賞
張元勳等重賞高 等通加厚賞數內王克臣朱
文達仍候覈功優叙董繼志准令致仕胡相等以
下五員仍各紀錄周舜岳等併加賞資內饒敬承
已經吏部題覆免行起送訖其李時中等五員李
鳳等八員并候覈功叙錄羅謙端等十一員通候
覈實議叙仍聽廣西撫按衙門分別獎賞莫之厚
革去冠帶俟後立功再議督撫報捷員役王倫穰
銳准查例陞級其獲功應陞應賞人員仍咨都察
院轉行廣西巡按御史覈勘明白照例造冊限萬
曆六年十二月內回奏吳思際等三十一員聽兩

奏草

卷之四

四八

三十五

廣督撫廣東巡按分別獎賞仍咨吏部紀錄續後
搜山功次聽令酌處另奏其餘如河池等處分屯
一委官善後事宜及羅旁等處丁糧差徭學校諸事
悉如所議次第脩舉本部仍行督撫巡按行各該
管文武等官務要敦崇簡寬無事煩促加意撫字
曲示優容俾此迷民知有王化之樂悔其既往之
愆庶幾前功足可永久矣臣等再查總兵官王
時值多艱似宜從事所據督撫會題前功本官略
無勞績委屬觀望相應議處等因萬曆六年七月

奏草

卷之四

四九

三十一

初五日具題初七日奉

聖旨兩廣平賊善後各官勞績可嘉凌雲翼先廕武
職准世襲還賞銀四十兩紵絲二表裏吳文華已陞
了廕一子入監讀書還賞銀三十兩紵絲二表裏吳
善陞二級王瑞應葉兒男加陞二級還各賞銀二十
兩蔡汝賢已陞了加俸一級徐時可等各陞一級并蔡
汝賢還各賞銀十五兩陳俊等各陞俸一級賞銀十
兩張元勳等各賞銀二十兩高察等各十五兩周舜
岳等各八兩王世科着革任回衛其餘俱依擬欽此

題為地方十分災荒軍民困苦懇乞

天恩破格寬恤以保衝邊事案呈到部者得戶部咨
開遼鎮督撫官梁 等題議遼鎮邊備二事一謂
該鎮馬匹倒死不出椿朋軍丁自行買補賠累不
堪除將無故倒死者分別贖息酌復椿朋舊例該
鎮徑行外惟臨陣軍士倒死馬匹責其賠馬何以
服軍心作士氣欲要再發馬價銀二萬兩查給買
補一謂寧前一帶日被三衛屬夷竊掠耕樵行旅
坐受其困但各夷受賞于前而反噬于遼欲要宣

奏草

卷之四

五十一

三十一

諭各夷令其斂戢以後再逞定行問罪革賞各一
節除酌復椿朋該鎮已行外為照遼鎮頻歲當虜
斬獲雖多臨陣馬匹被傷不少若使責軍賠償委
屬不堪所議官為買補情法俱當及查萬曆四年
五年二次題

請馬價發過銀四萬兩本係一時權宜原非邊儲定
額似難據以為例但該鎮虜警不常殘害獨甚索
之官庫則無可那移責之貧軍則重貽累害相應
准給馬價買補至于寧前屬夷叨承撫賞世受

國恩乃今受賞于薊陰肆守遼撥置東虜罪難姑
息尤當嚴加曉諭宣示

國威以警將來既該督撫各官會題前來相應議
擬合候

命下劄行太僕寺動支馬價銀二萬兩差官解送遼
東巡撫衙門交割查將戰死馬匹酌量給發軍士
買補其無故倒死者不得一槩

請給此後亦不得援以為例本部仍咨薊遼總督梁
查照所議行令該道如遇撫賞三衛夷人之日

奏上

卷之四

五

旨

務要宣諭

朝廷恩威俾其各安分義屏絕東虜為我藩籬恪
守撫賞不許勾連逆黨仍前縱肆如復不悛聽該
鎮將作歹夷人指名奏

請輕則革其撫賞重則與師問罪示不姑息然制虜
之道雖貴於奪其氣尤當先服其心其心既服則
其氣自奪苟撫賞之不當其施則愛者不以為恩
而不得者反以為怨所賞之物或有濫惡則虜情
不悅得以起釁虜之所以反復而我日見其多事

未必不由于此也仍通行該道將領等官以後委
官置買撫賞貨物務要查照價值嚴加揀選庶使
各夷得有實用以絕釁端毋復役使私人致多尅
落收置粗惡致失夷心違者悉聽總督撫按等官
指名叅奏此聲一布則虜心感動所謂處置得宜
操縱有術備辭脩刑其機在我而無難矣其山海
關接界寧前叅將控制內地遇有緊急合相應援
諸九虜情尤當密行哨探不時傳報該鎮毋得視
為吳越漫不相關併行巡撫周 將該關叅將查

奏上

卷之四

五

照所擬節制舉劾施行等因萬曆六年七月初五
日具題初七日奉

聖旨該鎮既饑疲馬乏這銀兩准給發其餘依擬欽
此

題為摘陳彌盜急務乞

賜通行嚴禁以靖江洋以護重地事案呈到部者得提督操江都御史胡 題稱往年湖廣黃州府等處置造巴河漁船六槳八槳甚至十槳十二槳者乘載客販江行便捷富商大賈覓裝銀兩以致奸徒交通潛行劫奪棄船脫逃莫可踪跡要行湖廣江西巡撫官行令江防兵備府縣等官一體嚴禁大船不過四槳小船不過二槳仍行九江等處抽分等官毋得驟收稅銀濫給由帖違者查究船

奏草

卷之四

五十三

五十三

戶籍貫將該地方官參治各一節為照荆揚吳會長江萬里巨漕與澤易聚通逃况多槳漁船往來如飛是為出沒之利而裝載富賈尤為誨盜之資以致交通舟子因緣為奸甚或登樣置造同行肆劫江洋多盜寔此之由所擬

留都三百距江防禦委當嚴密今該提督操江都御史胡 具題前因深為根本重慮相應依擬合候

命下移咨湖廣江西巡撫官令各該兵備等官出榜

曉諭計其道里立為程限其有先時渡江約法在後者審實發回不許撐駕其餘嚴加禁革遵照四槳二槳製度成造行使仍咨兩京戶工二部行文九江等處抽分鈔關衙門毋得濫取船稅出給由帖一應盤詰處所務要多方查戢違者究治參問但沿江上下不便陸行緩急時有無妨過計其有傳報緊要操捕兵防多槳船隻恐難一槳禁絕如不容已或通查船籍記在官如或用之必須撫院司道給與印信牌帖編列字號大著船尾以便

奏草

卷之四

五十四

五十四

識認防其詐偽付之執照仍咨該院徑自酌處應否施行等因萬曆六年七月初八日少保兼太子太保兵部尚書方 等具題初十日奉 聖旨是欽此

題為官兵遊哨海洋遇賊血戰奮勇獲捷事案呈
 到部看得巡按浙江監察御史王 題稱查勘過
 萬曆五年四等月內倭賊乘船一犯漁山再犯大
 陳等處外洋當被谷該設伏官兵督併剿捕盡絕
 兩次在陣擒斬倭首四十六名額內有名倭王秀
 姪頭日船主柁工并勾倭漢賊首十名額奪回
 被虜男子一百一十五名是日及稱帶管巡視海
 道僉事額 台州六巡道僉事楊 先後督哨大
 收全功鎮守浙江總兵官命告病回籍李超籌籌
 無遺寧紹參將徐正推陷有賴署台金嚴參將事
 遊擊張藻部多斬獲中軍右遊擊潘清首挫賊鋒
 均當首錄內李超雖經患病回籍尤當追叙松海
 把總王有麟等力戰有功相應紀錄內張應慶任
 和李尚忠願賞軍門標下旗牌官裘良用等衝擊
 有功相應一體給賞寧波府知府游 等董督糧
 餉寧波府同知李傑等備葺船械所當併錄又稱
 巡撫侍郎徐 奠黎慈寧城靜鯨波于海外尤
 當優以殊格特加表揚各一節為照倭奴騷擾兩

表直

卷之四

五五

浙積有歲年近來整頓海防動遭挫敗而貪驚成
 性大創難馴去年四等月內連艘直至漁山再至
 大陳等洋將犯內地若使防禦少疎縱令登岸沿
 海殘害何可勝言所幸該鎮撫臣先事有備號令
 嚴明分布舳艫設伏險阻鎮守海道各官聞警督
 兵奮勇剿滅殲之外洋俘斬數內有名渠魁倭主
 翁姪至十名額尤為奇績先因未經覈實遽難輕
 議
 恩資今該巡按御史王 查勘真確分別功次題叙
 前來 臣 等逐一參詳俱已允當內李超患病回籍
 已在一年之上似難敘錄外及查原任巡撫侍郎
 徐 才兼文武志切安攘籌運域中功收海外所
 擬擒斬之績皆其指示之功尤宜特加優叙以勸
 將來合無恭候
 命下將徐 特加優異以酬懋功須 等優加俸級
 仍行厚賞游 等量賞併王有麟等准與紀錄張
 應慶等隊兵毛秀等一十五名弁救回被虜男子
 一百一十五名應賞官兵及陣亡被傷等項官兵

表直

卷之四

五五

三百十三

一百五十五員名通曉巡撫衙門動支布政司餉
銀行今該道悉如今擬賞恤則例各照等第數目
給賞優恤但

恩典出自

朝廷 臣等不敢定擬伏乞

聖裁其生擒各犯苦喇肆凡等六名除已監故不知
姓名二人已經梟示外其餘四名仍咨都察院轉

行浙江巡按御史即便會官處決梟示具由回奏
施行萬曆六年七月初八日具題初十日奉

奏

卷之四

五七

百

聖旨是徐斌賞銀三十兩紵絲二表裏須用寶等各
陞俸一級仍賞銀二十兩游應乾等各十兩其餘依
擬苦喇肆凡等着便會官處決梟示欽此

題為虜情事為照禦戎之策戰守與撫三事雖異
而續用畧同誠使撫御得宜操縱有法以守則堅
以戰則勝所謂上兵伐謀功不在下也所擬北虜
青把都者兄弟糾聚素稱兇強而察罕屬夷又相
為構結既未易撫亦未易守也頃者此會擁衆二
萬收取討孫不賴深入屬夷內地逼近邊塞勢稍
張皇乃能先期告報普稱無他恪遵訓約秋毫不
犯此由

聖朝威德隆厚黠虜傾心如此其在宣大總督侍郎

奏

卷之四

五六

三

吳 恩信素孚既有以寢其驕志而偵探明實又
有以消其奸謀所擬明加戒諭已得攻心奪氣之
謀預行傳報尤竭同心共濟之力此撫處之功有
益于薊鎮者也薊鎮總督梁 巡撫陳 總兵官
戚繼光提兵據險先事預防分哨設奇沉機制變
先聲振而虜謀已伐羣力舉而邊徼無驚此防守
之功有裨于封疆者也其副總兵等官曰福等兵
備等官徐 等或往來邊徼或調度軍資矢志勞
心分猷共念事雖不同為功則一至于宣諭虜酋

駐外畜牧不得出沒近邊開端生釁敢有渝盟卽
當閉關絕貢已經屢行曉告不啻再三今該具題
前因仍合移文申飭伏望

皇上將吳 梁 陳 戚 重加賞賚其餘 等咨
行吏部紀錄曰福等本部登記在簿及移咨各鎮
申飭曉諭虜會務遵約束施行但

恩典出自

朝廷 臣 等未敢擅擬伏乞

聖裁等因萬曆六年七月十一日具題十三日奉

表草

卷之四

五元

百

聖旨是吳允屢次偵報虜情多設方略使薊鎮得預
爲戒備邊境輯寧特賞大紅飛魚紵絲衣一襲銀三
十兩以旌首功梁夢龍陳道基戚繼光各賞銀三十
兩紵絲二表裏欽此

題爲酌議脩守機宜以裨安攘事案呈到部看得

薊鎮總督右都御史梁 題稱薊昌二鎮脩守機

宜當議有三除議錢糧一事聽戶部議覆外一議

工程則謂薊鎮一十二路古北口爲要昌鎮三路

黃花鎮爲要其餘俱次之擬於三年內先將兩路

臺牆偏坡及各路緊要者脩完至萬曆九年或於

春秋兩防後奏報歇工嗣後每歇三年脩工三年

勞逸更番似爲長策一議勸懲則謂該鎮設險爲

守工程浩大叙勞官員乞與宣大貢市遼東戰伐

表草

卷之四

六

三

均當優叙明歲暫停大臣閱視待三年工完聽將
十年以來擬議脩工蹟勞顯著及誤事有罪各官
分別具題候

欽差大臣或

特差風力科道閱視明實議

請陞陞賞罰後每三年工完照例叙論一次其總兵

官戚繼光楊四畏年勞備極兼事脩守更乞優加

陞陞各一節爲照薊昌二鎮內護

陵京外隣夷虜以守爲戰脩築爲先近歲建議脩築

臺墻剝削偏坡正欲扼塞險衝保障封守不謂版築類興財力俱困主兵日疲客兵坐累功無完日軍無息肩當為限節優卹誠有如督臣所言者內除萬曆五年該鎮冊報古北口脩完臺墩一十六座墻七百三十八丈零黃花鎮脩完墻八百二十九丈五尺其餘未完尚多委不可緩今據所議先將古北口黃花鎮及各路緊要墻臺儘今三年脩完正與本部原題急所當急先所當先初議相合其餘可後可緩者以次增築三年遞歇三年遞脩

卷之四 三十一

先造其勞道悅使人無訕于此再查近奉

聖旨止因薦剡類煩收錄多濫

天語丁寧端有所謂若乃事體重大未嘗一槩停葺如使在工官員勤于興作功勞昭著何殊戰守今後各工報完之日仍宜論叙照例通行巡按御史勘報不必更特差官至于

欽遣閱視大臣例該三年一差則又稽查八事不特邊堡一端遽難議止其總兵官戚繼光楊四畏年

勞久者通俟論功之日再叙合候

命下備行薊鎮總督巡撫查照先今題議事理轉行總兵及各該兵備將領等官即將薊鎮先自古北口昌鎮自黃花鎮及各路首衝極壞緊要臺墻偏坡等項工程儘今三年之內通行脩砌如式務求堅固足堪保障脩完量行停止少示休息以後年分遞脩遞歇更番循環每三年工完之日聽督撫官將効勞人員分別罪具奏其總兵官通叙前

議用過錢糧有無冒破脩過

工程之堅固 巡按御史一併覈實覆請定奪其餘候

欽差大臣至日閱視施行每年終仍聽衙門遵照吏部具題

新旨造簡明總數文冊咨報以憑查考等因萬曆六年七月二十七日具題二十九日奉

聖旨依議行欽此



小司馬奏草卷之五

職方

題為班軍積困頻逃懇乞

亟拔敵本以壯拱衛事案呈到部為照

中都河南山東槩無邊防去京不遠撥軍赴操分
番來往不徒充足行伍實以拱衛

皇畿額設本處月糧之外到京有行糧之給撥工有
鹽糧之加非不厚也先年該管折乾賣放號為荷
包軍丁特寄空多全無實用以此改撥做工久之
遂成故事公所私門力疲不能勝其役滑胥巨蠹

奏草

卷之五

一

三百二十二

財盡不能勝其求加以糧銀之解散非時後期之
加罰通積既遠番休之期日滋科索之弊官軍重
累至此極矣邇來戎政大臣巡視科道加意撫循
嚴行督責臣等近亦力為區處催取班銀清查給
散稽察奸弊曲示調停移文中外法非不詳而極
弊積疲遽難振起所據巡視科道各官目擊其艱
條為五事其一謂統領非人易滋奸弊要行遴選
於委任之初考察於班完之日增制劄官添設遊
佐申明體統以便責成其二謂淮揚災傷疲困已

極要行分別等則定其減留數內三分之一比例

徵解糧銀嚴行詐冒預祭月糧其三謂工役不均

冗濫無節要行差官估計立限扣工以次撥差依

期掣放遲到罰工隨時酌處其四謂班軍行糧多

被侵剋要行依期投報遵例給散仍于巡視衙門

赴驗註銷其五謂班軍總隊路費不齊要行酌量

處給其巡視科道衙門照撥吏胥外戚恩澤世家

清查乾沒此皆洞燭民隱深切時宜鑿鑿可行大

裨營務惟是增添遊倖本謂專官統轄便于董成

奏草

卷之五

二

三百二十三

但先年設有叅將管班後以科剋問罪題奉

欽依裁革今若復以遊佐領之第恐權移于專制費

侈于官增久之弊生則亦叅將之續耳竊謂仍罷

之為便也其餘所議悉當付之施行謹開前件上

請定奪等因萬曆六年七月二十七日具題二十九

日奉

聖旨依議行欽此

計開

一選統領以專責成

前件臣等看得所議無非興事考成之意相應依擬合候

命下行直隸山東河南撫按查照所議仍着落該道如遇上班之日先將領班各官逐一遴選才守不得濫用每軍數至二千量添劄付官一員其有曠職貪殘者放班之日許臣等與戎政大臣巡視科道考察論革其都司與副將相見體統仍照萬曆四年題

准事例再行申飭遵行伏乞

聖裁

一稽實伍以充營衛

前件臣等查得

中都等三都司春秋兩班原額官軍七萬一千九百七十八員名除防邊存留守

陵扣糧無下一萬六千三百八十六員名及無丁撥

補一萬四千九百九十三員名實在京操官軍四

萬五百九十九員名內鳳淮揚徐等府州所屬各

衛所官軍一萬七千四百五十三員名即今淮揚

等處災傷相仍軍民俱困委當酌處但三分減一

所寬幾何合無將萬曆七年分淮安邳州長淮高

郵大河揚州宿州等衛洪塘東海西海鹽城通州

泰州興化等所極災地方班軍八千四百三十一

員名春秋兩班徵解原額糧銀其鳳陽等處八衛

官軍照舊上班萬曆八年將鳳陽中右三衛留守

中左懷遠壽州儀真等衛次災地方班軍九千二

十二員名春秋兩班徵解原額糧銀其前淮安等

十五衛所官軍照舊上班如果水患漸平河工已

畢悉行仍舊否則該地方官再題議處伏候

命下移文各該撫按照議減留其合應上班者仍要

嚴行該道預先查審各衛均從名冊照依前議分

別等第將老稚貧弱充為城操務選殷實壯丁赴

班都司擇地依期赴京勤加約束務足額數其中

積年衛總隊長無身家者並聽更易其各軍月糧

銀兩照例量給兩月作為路費餘銀仍舊到京散

給以防中路脫逃之弊至于戶部關散行糧鹽糧

移咨及時給發施行伏乞

奏革

卷之五

四

三十四

聖裁

一省工限以恤久戍

前件臣等查得隆慶二年該協理京營戎政兵部右侍郎曹一欵休工役以養班軍該本部議得山東等三都司京操官軍督令隨營操練仍咨工部并內官監等衙門遇有重大工程會同本部并戎政衙門議

請酌量撥給不得徑撥等因題奉

欽依通行欽遵外今該各官詳議及此相應申飭合

奏

卷之五

五

二百一

無一面移咨工部等衙門以後遇有一應興作與勦賊工役先期專委所屬官員逐一估計用軍的數量等程期具題請撥一面移文巡視科道知會以憑查考註銷一面移文戎政大臣凡三都司操軍赴班做工務照到營先後派撥若有折乾越撥奸弊並聽查究如遇大寒暑雨及途遠工程悉聽工部隨時酌議其遠限罰工題放班期應從寬減者聽戎政衙門臨時查照所議酌量題請施行伏乞

聖裁

一時給放以杜侵尅

前件臣等查得所題前事無非杜絕冒破加惠軍士之意相應依擬合無通行都司并管工司官各照前欵事理務省繁文依期給散其餘悉如所議施行復有侵欺抑勒需索等弊並聽巡視科道指實參究伏乞

聖裁

一禁科索以清蠹源

奏

卷之五

六

二百一

前件臣等查得所題前事無非嚴肅軍政之意相應依擬合無備行中都山東河南撫按查照所議如遇都司割付并衛總等項員役上班一應盤費之類俱要酌議停當給與止足應用不許私解多派致損軍財其巡視科道衙門合用撥辦該吏移咨吏部一體查撥凡省軍因禁折乾革積辦等項悉如前議施行伏乞

聖裁

題為倭夷入犯即時剿平伏乞

中飭海防諸臣更相戒備以圖善後事該本部題

云云案呈到部看得兵科都給事中光 巡撫鳳

陽都御史江 巡按直隸御史崔 董 林 各

題前因大率謂七月內有倭船一隻飄至海門縣

餘東場登岸劫掠隨調官兵攻剿科臣光 按臣

崔 則稱賊船潛伏江海恐不止此乞要通行中

飭在撫臣江 及按臣董 林 則稱前項賊船

一隻約有二十餘人登岸拒敵當被官兵擒斬盡

奏

卷之五

七

三百六

絕仍行各該將領嚴為戒備及行該道查紀功次

獎賞內董 又稱揚州府逼鄰江海近因新城失

盜議調狼泰二營兵三百名駐劄捍衛茲因倭警

即議撤回欲要另募三百名撥補狼泰二營原數

前兵仍留該府屯聚防守各一節為照先年倭寇

生祭浙直幽廣極被慘毒自嘉靖丙辰之後二十

年來甫覺寧息雖省兵革餉民力稍寬而沿海邊

防漸亦懈弛今者前項倭奴驟來登岸所賴官兵

用命即行斬獲似若不多而保障之功亦足錄矣

內除功級是否真正并有功員役及地方有無失

事通候彼中勘明另行外顧外洋夷船恐不止此

潛伏遠島難保必無所在水陸官兵節年裁減頗

多守備單弱萬一寇至遽難猝應兵科撫按諸臣

欲行戒備委不容緩及查揚州一帶襟江距海增

築新城又皆鹽商居聚原調狼泰二營兵三百名

防禦今以有警仍歸本營新城封守似屬無備所

議照數召募補還該營先調各兵原留城守相應

依擬中間募兵工食糧餉亦各查議處辦恭候

奏

卷之五

八

三百六

命下移咨浙江應天鳳揚福建山東廣東各巡撫及

操江衙門仍咨都察院轉行各該巡按御史查照

督率各該沿海地方將領整擗兵船時加操練嚴

明烽堠晝夜巡邏司陸路者葺固城堡稽查保甲

驅逐遊閒禁緝奸細以消內患司水路者修整戰

船預備火器遠哨島洋協力防禦以杜外虞一面

督率司道府衛州縣等官練士足餉詰寇安民毋

得怠忽容隱致令延蔓如或誤事從重叅究其原

調狼泰二營兵三百名仍舊防守揚州另行召募

新兵三百補充原數合用工食糧餉行彼中撫按
會議停妥轉咨戶部議覆施行再照變無常應消
弭在人近據浙江巡撫侍郎徐 題稱海門之異
尤宜誠備而誠備之要在擇將領沿海地方將領
合通行簡選更置况人才既殊水陸地方亦異用
之各當庶可有濟本部查鎮守廣西等處地方總
兵官呼良朋歷任福建守備遊擊叅將等官該省
巡撫都御史劉 等題保生長海濱習知水戰膽
狎風濤足橫鯨海號稱飛將屹然長城鎮守福建
等處地方總兵官王尚文歷任運總浙直都司叅
將管理南京營務各該巡撫都御史謝 等題保
志氣激昂謀猷弘遠甲兵素富威聲夙推曉暢兵
機精閑騎射先緣闡廣山寇未除本部會推
簡用乃今右江平定且無海防撫循迷民保障南
服則王尚文爲優至于長驅海外習知水道則呼
良朋尤勝合無互相更調以盡其長又查得浙江
僉書都司楊一經以運總陞汀漳守備鄧鍾以武
舉用海上之事恐非所服習江西僉書都司鄧子

外草

卷之五

九

三百五

巡撫都御史潘 題保奮跡闡廣策勲江湖
羊角水堡把總王應斌該巡按御史張 題保征
倭閩海設備山巢即今江西可緩浙福爲先亦應
調用以因其才合無併候
命下將呼良朋改調福建王尚文改調廣西各鎮守
總兵官楊一經改江西鄧子龍改浙江各該都司
僉書鄧鍾仍以守備職銜改管羊角水堡把總事
王應斌改陞汀漳守備照例以都指揮體統行事
本部備查各原擬責任請換
制勅改給憑劄賞付各官欽遵到任管事其總兵
官合用
符驗旗牌就彼交用務要各殫忠勤恪修職業保
障地方仍行咨各該總督撫按衙門一體查照施
行等因萬曆六年八月初九日具題十一日奉
聖旨是呼良朋等都依擬改用欽此

奏草

卷之五

一

三百五

題為議修軍屯民堡以保萬全事案呈到部者得
巡撫大同都御史鄭 具題前因一為本鎮應修
民堡四百二十四座邊民貧困不堪必須官為助
修查得河南應戍班軍扣解班價以資工費大同
入衛遊兵量留一枝以助工役俱先經題

准有行今三年已滿乞要照例再行三年及稱各
營步卒與州縣土兵版築久勞宜各分班乘暇力
役照例日給行糧一升五合鹽菜銀五厘即于前
項班價及班軍所省行糧內動支民堡土築磚包

奏

卷之五

十一

三

各從其便亦不必刻期報完每年終將修過工程
用過行糧鹽菜具奏聽巡按御史查覈及三年開
視大臣并勘其督工人員聽督撫衙門分別勸懲
一謂本鎮三年之內造完各營軍火器具乞要轉
行新任巡撫及總兵官將前項器具如法安置未
成者亟為督造每遇操演及有警之時給軍披執
仍不時稽查不許隱匿更換及拐帶逃失各官遇
有陞遷事故交代明白方許離任各一節為照設
險隘利器具乃禦虜安邊至計况民堡既修人自

為守所在堅壁清野俱有憑藉即今前項工程漸
有次第使人興作尤貴因時但先任撫臣既已陞
遷則接管巡撫及見在鎮臣正宜同心共濟以固
封守所據扣價資工番休力役完修民堡查造軍
器等項諸事既經撫臣具題前來通應依擬合候

命下移咨大同督撫衙門將前項民堡及時興修其
該鎮入衛遊兵每年量留一枝以助工役仍咨河
南巡撫及咨都察院轉行河南巡按御史將該省
應戍大同班軍逐年槩免上班盡扣該班工食嚴

奏

卷之五

十一

三

行徵解大同以備募夫鹽菜之用斷自萬曆七年
為始扣至萬曆九年為期仍候萬曆十年將該鎮
遊兵二枝照舊入衛河南班軍臨期議處其軍夫
班次工期優給糧菜年終奏報查勘等項悉如所
擬至于各營軍火器具已成者務要如法收貯未
成者務要督催造完其設法稽查禁革諸弊交代
離任俱照前議併行撫鎮衙門施行等因萬曆六
年八月初九日具題奉
聖旨是欽此

題爲夷情事案呈到部看得薊鎮督撫官右都御史梁 等咨擬總兵官戚繼光稟稱本年八月內節行哨報屬夷長昂董忽力等率領部落阻截各路貢夷不許進馬揚言結連東虜土蠻西虜青把都等分投聚兵進搶要挾加賞開市一節爲照三衛屬夷歸附

中國授以世官給以撫賞保其族類生全之

恩二百餘年每歲修貢乃其常職長昂董忽力等忘

恩背德侵盜剝削歲益滋甚今又率領部落阻截各

路夷使揚言不貢煽惑族類敢爲連結之計倡其

悖慢之辭左使奸夷轉相告報希圖要挾悖逆無

道罪在不赦即當興師問罪大示創懲但狼子野

心貪詐恒性治以不治馭戎大權况

國家之于屬夷原非利其貢市資其屏翰亦惟念

其先世歸順之義曲加保全之仁使不爲北虜所

殘害耳况要挾阻貢惟是二酋其他部落多被疆

脅有不忍盡誅者合先明行曉告諭以

恩威如若果肆狂逞即當勵兵秣馬督率三軍相機

恩威如若果肆狂逞即當勵兵秣馬督率三軍相機

設伏拒剿逐捕斯爲得策所擬前因相應具題合候

命下本部移咨該鎮督撫查照先今事理即便督行

總兵官行令各該大小文武將吏務要申明號令

嚴謹斥候多方偵探務得虜情一面差知事通丁

責以大義曉以禍福聲二酋構阻之罪明諸部被

脅之情彼若執言不貢我即閉關棄絕毋得要挾

自貽後悔薊昌二鎮即將南兵土兵并入衛之兵

速簡精銳步騎分定部伍自密雲以至山海量地

里之遠近審關隘之險夷布置營陣畫地固守以

待其變諸將尤宜同心同力設策出奇思十年之

訓練收一戰之勲名不得觀望畏縮坐失事機貽

禍封疆自干

憲典若長昂等果自知悔禍聽我訓戒扣關乞哀入

貢不妨照舊撫賞以示曲全再照夷狄之情素多

譎詐封疆之事本無定機機有可乘事在專制今

二酋罪狀明著如此中間懸賞用間運奇設謀離

其黨援購其首惡撫其餘脅攻其無備又在督臣

其黨援購其首惡撫其餘脅攻其無備又在督臣

帥臣加之意耳等因萬曆六年八月十九日具題
二十一日奉

聖旨是這事情着該鎮總督鎮巡等官相機處置欽
此

張

卷之五

五

五

題為恭進非虜表文鞍馬照例乞
請陞賞以懷遠夷以廣

聖恩事案呈到部看得總督宣大侍郎吳 題稱願

義王俺俗等恭進 表文鞍馬乞將修貢虜王及

東西各枝虜官貢使夷人各賞賜筵宴等項俱照

上年數目查給仍乞照例陞襲官職如順義王等

下子孫且且台吉補兒哈都台吉明暗台吉貴兒

且台吉虎兒喀氣台吉敖卜太台吉忽刺哈兔台

吉鐵列卜兒台吉的里蓋兒台吉八格四台吉白

格兒台吉明暗台吉土門台吉乍克大台吉五克

台吉白言束木台吉班不刺什台吉忽刺海氣台

吉土盟的台吉一十九名俱量授副千戶職銜緊

要頭領討討兒恰塔刺害恰我着首領隱鐵氣四

名與套虜賓兔台吉等子大友布小友布抄克兔

阿不害三名俱量授百戶職銜本王女中素阿不

害一口比照太松例一體請給賞資已故把林台

吉子着力兔把獨兒台吉應襲伊父指揮同知准

給原賞其虜王虜官分枝請

奏

卷之五

七

三

勅七道差官齋捧至邊在兵科都給事光 等則稱
俺答諸囚紛紛請乞終無已時今歲姑照所請如
數陞賞暫應其求仍乞

勅邊臣嚴爲省諭諸酋謹遵約束以後不得從前再
恣增請各一節除俺答等及東西各枝子姪婦女
頭領等酋請給增給筵宴賞賜頒

勅諸事聽禮部徑自覆議外爲照先年互市馬匹議
有定額撫賞名口亦有定數頻歲以來稍有請益
雖無大費而其流漸不可長誠有如該科所言者

奏草

卷之五

十七

三百五

所據順義王俺答等酋款貢以來堅守盟約於茲
八年族屬部落頗稱効順即今乞陞二十六人數
不甚多而所授千百戶空銜亦屬虛器通計所增
夷官每員每歲不過賞給段疋衣服一套既該督
臣具題前來相應姑從所請以慰夷心但無厭之
求終非可繼而額外之請亦難爲常合行嚴加曉
諭不得歲歲增乞以傷恩信恭候

命下將且且台吉等一十九名俱各量授副千戶討
討兒恰等四名與大歹布等三名俱各量授百戶

着力兎把獨兒台吉准襲伊父指揮同知仍聽禮
部題

請照依品級一體給賞一面移咨宣大軍門曉諭
諸酋感戴

天恩益加忠順自今以後不得援引妄乞加增其中
有病故者亦宜查明停給况各酋効勞久著者既
已分外加陞或有始順終悖先勤後惰生事作歹
者不妨明行告戒除去職銜革其衣段使知警畏
庶幾賞罰明信恩威並行亦或可少杜其無厭之
求矣等因萬曆六年八月二十日具題奉
聖旨是欽此

奏草

卷之五

十八

三百五

題為官兵奮勇剿賊二峒相繼蕩平飛報捷音類
叙功次事案呈到部看得巡撫南贛都御史蒙

題稱大廟陳黎等巢劇賊依山負險糾黨橫行突
出英德清遠等縣地方劫財殺人當該軍門督調

兵備等官率兵剿捕擒獲首從賊徒四十四名斬
級一百三顆俘獲賊屬一百五名口除將賊級轉

詳廣東巡按御史覆覈并奪獲器械牛馬俱變價
入官被傷兵夫重加優恤外及稱南部兵備僉事

姜 功當首論南韶守備胡 功當次論韶州守
禦千戶所指揮同知汪世臣等亦應次論韶州府

知府周嘉謨等俱應并叙及生擒劇賊唐景松等
仍行究招會審詳決其善後事宜另行具題各一

節為照各巢劇賊稔惡有年屢撫屢叛糾類流劫
荼毒生民乃今各該官兵奮勇剿除蕩平巢穴所

據前項効勞官員委宜叙錄既該巡撫都御史蒙
具題前來相應依擬合候

命下將姜 重賞胡 併賞汪 等量賞仍與周嘉
謨等移咨吏部通加紀錄所獲劇賊唐景松等移

咨都察院轉行彼處巡按等官會審詳決臬示及
將前項擒斬功級照例覈勘其善後事宜酌議停
妥再照總督兩廣都御史凌 威今素行廓清頗
側巡撫南贛都御史蒙 消除禍本寧靖地方相
應重加賞賚但

恩典出自
朝廷臣等不敢定擬伏乞
聖裁等因萬曆六年九月初三日具題初五日奉

聖旨是凌雲翼蒙詔各賞銀二十兩紵絲一表裏姜
忻賞銀十兩胡九經五兩汪世臣等各四兩唐景松

等着會官審決臬示欽此

奏草

卷之五

十九

一百五十五

奏草

卷之五

二十

一百五十五

擬爲劇賊蕩平議處善後事宜以圖永安
到部看得巡撫南贛汀韶都御史蒙 會同總督
兩廣右都御史凌 巡按廣東御史龔 具題謂
大廟各巢山深林密賊易盤據剿滅之後尤當預
防所擬開列七事其一議于白芒山下置造營房
教場將韶州清遠二營之兵更番哨守一應材木
工役之費隨于本山土產酌量處分其二議選韶
州清遠衛所才能武官一員訓練營兵比照梧州
事例半年一替以資彈壓其三議將大廟各賊沒
官田租二千餘石除還業主名糧之外量行分取
以資力役其四議將三水寄庄民田責令英德附
近排年承買令其各自佃種以便覺察奸萌其五
議令受田之民自新村以至上下二汰二十里內
分築土圍十餘以安新集之衆其六議令清遠二
縣排年自河傍直通上下二汰開路築橋以通往
來其七議集編氓聯爲保甲置備器械以助守望
各一節爲照除惡務本善後爲難所擬集兵以禦
暴擇將以統兵鳩工度費分地受田開除道途建

奏草

卷之五

二十一

三百五

立保障均爲弭盜安民至計相應依擬合候

命下本部移咨南贛巡撫及總督兩廣都御史仍咨

都察院轉行廣東巡按御史行令該道查照開款

七事悉如所議務要酌事機之後先量財力之盈

縮一一次第着實舉行伏乞

聖裁等因萬曆六年九月初五日具題初七日奉

聖旨是欽此

奏草

卷之五

二十一

三百五

題為明統屬以便督責事職方清吏司卷查萬曆四年正月內該鎮督撫官楊 等題為益節制聯分勢以固邊防事本部覆議該鎮添設中路協守副總兵官一員一十三路兵馬錢糧等項事宜分屬東中西三協守各管理四路隨該改擬各官責任中路副總兵駐劄三屯城內分理馬蘭谷松蘭谷喜峪口太平寨及總兵營標兵河南車營鞏重營各兵馬事宜係隸劄州道東路副總兵駐劄建昌地方分理燕河營石門寨山海關及巡撫下

奏草

卷之五

三十一

三十一

標營各兵馬事宜係隸未平道西路副總兵駐劄石匣密雲分理石塘嶺古井口曹家寨墻子嶺及總督下標營新筑左營各兵馬事宜係隸密雲道各計議而行已經覆奉

欽依請給

勅書通行遵守去後今該前因查呈到部看得劄鎮督撫官右都御史梁 等題稱該鎮近年議准中路添設協守副總兵一員分理馬松喜太四路等處兵馬其遵化左右及鞏重三營又屬東路

協守副總兵一鎮兵馬分隸東中二協管理至於錢糧冊籍等項事務劄未二道兩路相關節制不一要將遵化標下三營兵馬仍歸中協督責二協勅書改擬責任另行

請給以便遵行各一節為照政患多門兵貴專制所據遵化標下三營兵馬錢糧冊籍各項事務先已專屬劄道近議分隸東路協守又與永平道相關則是一路事權兩處分轄不惟掣肘難行抑亦易於推委既經該鎮會議具題前來相應依擬合

奏草

卷之五

三十一

三十一

候

命下本部移文該鎮督撫衙門轉行東中二協守副總兵官查照今議事理即以遵化標下左右及鞏重三營兵馬改屬中路協守官管理錢糧冊籍等項事宜仍歸劄州道統屬二協

勅書本部改擬責任另行

請給其各原領

勅書徑自奏繳但軍馬事務鼎分三路而唇齒聲勢倚角相依至於軍需征遣自當協濟應援不得

五分彼此其或東隣有警聽調赴防買馬朋銀各道通融計算撥用事務悉如所議施行等因萬曆六年九月初五日具題初七日奉聖旨是欽此

奏草

卷之五

十五

六

題為改遷巡司以圖防禦事看得巡撫福建都御史劉巡按御史商各題稱澳頭地方附居腹裏無為輕重石井澳遠在海邊最為衝要巡司雖已移置未經題改地名及改給印信要將澳頭巡司准與改作石井澳巡司請換印信一節為照巡司所轄盤詰奸細必需控制扼塞方可隄防所據石井地方既稱衝要相應移改恭候

奏草

卷之五

十六

七

命下將澳頭巡檢司改名石井巡檢司移咨禮部換給印信以便責成仍咨吏部以便銓選等因萬曆

六年九月十一日具題十三日奉

聖旨是這巡司既移建稱便姑准改給印信今後凡事干典制的地方官俱要預先奏請如果用兵時不及候旨方許以便宜行事一面隨即奏聞平時不許擅行更革欽此

題為申明賞功格例以勵人心以固海防事案呈到部看得原任浙江巡撫今陞南京工部尚書徐具題前因大率謂近因兩廣督臣題議山賊賞格并及倭賊分為三等除斬獲真倭有名賊首照舊陞賞外其一等二等為從真倭與漢人脅從各不議陞俱止給賞但全浙為倭夷人犯首衝官兵遠出窮洋冒刃衝鋒險苦備至若使陞及于首功而獨靳于從賊人心不服何以激勸乞要遵照平倭事例將一等獲真倭從賊一名顆者仍陞實授

奏草

卷之五

二十七

三十一

一級獲漢人脅從賊一名顆者仍陞署職一級二等獲真倭從賊三名顆者陞實授一級不及者止署職獲漢人脅從賊三名顆者陞署職一級不及者止議賞以上願賞銀兩亦照前例議增各一節除一等二等擒斬真倭有名賊首者照舊陞賞不議外為照功疑惟重賞必當功先年倭寇猖獗震撼東南懸立賞格擒斬真倭從賊與漢人脅從功次悉照非虜事例陞賞蓋以倭奴勁悍航海戰征較之山礦平原寇自不同近因兩廣土寇稍寧督

臣題定賞格并及倭功分為三等內議所獲真倭從賊與漢人脅從賊徒各不議陞無非慎重爵賞愛惜名器之意但沿海將卒泛洋島冒白刃者為重賞使也若有賞無陞何以激勵羣心責其死力所據具題前因不為無據但賊有多寡則勢有難易若專主新例而槩不議陞固失之輕若一循舊例而通行陞賞亦失之濫相應酌議擬上請恭候

奏直

卷之五

二十八

三十二

命下咨行浙直閩廣等處總督撫按各官查照今議事理斷自萬曆六年九月以後海洋擒斬倭功不拘外洋登岸賊至五百名之外船至十隻以上為一等所獲真倭從賊一名顆陞署職一級不願陞者賞銀二十五兩若二名顆者陞實職一級不願陞者賞銀五十兩獲漢人脅從賊三名顆陞署職一級不願陞者賞銀二十五兩賊至三百名之外船至五隻以上為二等所獲真倭從賊三名顆者陞署職一級不願陞者賞銀二十五兩如不及數二名顆者賞銀二十兩一名顆者賞銀十五兩

漢人脅從賊三名顆者賞銀二十兩二名顆者賞銀十五兩一名顆者賞銀十兩賊不過數十人船不過一兩隻及敗後散遁零星擒斬者獲有名真倭賊首一名顆者賞銀二十五兩不願賞者陞署職一級獲真倭從賊一名顆者賞銀十兩獲漢人脅從賊一名顆者賞銀五兩本部著為定例遵行再照

國家懸爵賞以待豪傑初無有所靳惜但崇報之典固當加隆而冒濫之端漸不可長所據前項賞

奏草

卷之五

二十九

三十九

格蓋以兵船水卒衝冒風波萬死一生加恩從厚若使販夫賈豎私人雜流素不曾畫一奇當一隊而概登覈冊冒竊武階則

天朝曠蕩之恩乃為此輩捷徑之路非所以崇武功而作士氣也併候

命下行令各該督撫及紀功御史行各文武征剿官員務要恪遵

禁例覈實紀錄毋復冒濫以滋奸弊諸色人等冒功買功者悉照律例問遣施行等因萬曆六年九

月十六日具題十四日奉

聖旨這倭功賞格依擬行近來邊海叙功多屬冒濫今後各巡按御史務要着實查覈不許徇情扶同致滋奸弊有仍前虛冒的着該科從實叅奏處治欽此

奏草

卷之五

三十

七十七

題為參究欺玩將領以飭法紀以慎海防事案呈
到部看得總督兩廣右都御史凌 巡按御史龔
各題稱叛賊林道乾前自外番突入河渡門乃
潮漳副總兵晏繼芳柘林守備周汝敬信地晏繼
芳指以福建警報回顧南澳擁眾株守一兵不祭
周汝敬初守磊口門聞林賊告招遂將兵船遠移
海門馬耳澳致賊遞去若非受賄賣放即係怯懦
自全及參潮漳副總兵晏繼芳徒負虛名全無實
用柘林守備周汝敬一籌莫展大干物議所當重

奏草

卷之五

三

三百六

究鎮守廣東總兵官張元勳責亦難辭力疾聞警
勉強管事分守廣東帶管潮州海防兵備左叅議
李 住劄長樂牽于遙制潮州海防同知楊承勛
以賊在門庭無兵備禦過聽乞招情非獲已所當
免究要將晏繼芳周汝敬先行革職提問內周汝
敬有通賊受賄之情置之重典通另具奏
定奪一面查選謀勇官員推補前缺其叅議李 總
兵張元勳同知楊承勛姑從免究行令策勵供職
在按臣則又稱林賊雖逃禍根未斬而防守事宜

更當整刷各一節為照林賊毒流閩廣誅有年
頃者天奪其魄深入近島即其揚言告招不過
我之計正當同力合圍庶不墮彼計中該鎮文武
將吏張元勳等臨事遲緩坐失先機至于晏繼芳
擁握重兵控制澳曲周汝敬分符隘口守把要衝
顧乃虛言欺誑防範疎虞縱賊逋逃罪將奚諉若
使周汝敬通賊受賄移船遠泊俾令潛遁果如人
言則又逆

天誤

奏草

卷之五

三

三百四

國養寇貽害又不得與逗遛退縮者同科既該總
督等官查參前來相應與其餘各官通行議擬至
于沿海防守事宜俱當申飭合候
命下將晏繼芳周汝敬先行革職仍移咨總督兩廣
右都御史行提到官查照所叅事情逐一追究問
擬限萬曆七年二月內回奏遺下各員缺本部另
行推補李 等通姑免究行令策勵供職一面移
咨該省總督嚴行海防道叅等官將沿海防禦事
宜查照部科先今題覆事理更加整飭用意隄防

萬曆六年十月初六日具題初八日奉

聖旨是晏繼芳周汝敬革了職着總督衙門提問具
奏李盛春等姑着策勵供職欽此

奏草

卷之五

三

五

題為直陳虜情并酌撫處機宜乞

賜採擇以永真疆圉事案呈到部看得巡撫直隸

御史黃 具題前因大率謂備答諸酋欵貢八年

市馬歲增宣府為甚當事邊臣往往委曲那移以

致上下俱困若不禁阻將來則市本有限而增益

無窮但臨時驟拒勢必不能欲要於未市之先預

行申飭以

朝廷市本原有定額不敢加

請若執不肯從惟當閉關絕市如虜渝盟更當清

奏草

卷之五

三

野堅壁以待其變其原議市本不敷近雖

請益恐亦未足當明為處給及要行督撫官議處

虜馬是否增益錢糧有無足用前議果否可行或

別有制虜長策不妨上

請各一節查得先年互市始議題

准市馬之數三鎮以二萬為率貢賞之限每年以

一次為期逾歲漸增而宣府特甚者緣青水諸部

族屬獨多密邇東虜易於夾帶歲增加倍勢使然

也顧

請給市本原有常規邊臣委曲那處若非取盈於國勢必累及於軍此而不節後將難繼誠不可不預為之所矣但前此所增似難復減而將來之漸猶可亟圖按臣所言先行告諭委屬可行即今市完之日宜選誠實知事虜所信服官通傳諭諸酋鉗束部落示以

特恩責以大義已往所增數口姑不頓減今後不得再行分外多求亦不許私為東虜夾帶并轉販別夷馬匹及將瘦損不堪者橫索高價如約則與市

奏草

卷之五

五十一

三百六

遠約則閉關先期告誡俾令曉悟如或執拗不從敢行渝盟則曲有所歸自當練兵秣馬以待其變今計宣鎮市馬參萬餘匹所易銀貨不下貳拾餘萬大利所在虜人傾心搶掠劫奪何如市多大羊至愚必能辨此假令一族思叛他部未必樂從操縱之權機是在我且

朝廷之上惟以安邊制虜為功邊鎮諸臣但當以竭誠任事為職豈可隱忍遷就顧忌掣肘而不為國家長久之計乎至於市本近該本部擬議奉有

欽依多增參萬餘兩若從此市馬不復加增似亦足用如果不敷明

請議處毋復那奏剋削致令偏累貧軍所擬按臣題議深於邊計有裨但事在疆場遽難定擬合候命下移咨宣大督撫衙門將前項本鎮市馬備查每歲加增者錢糧有無足用前項按臣與本部之議果否可行其間事機不能遲度及別有禦虜上策從長會議另行具

請定奪再照互市之舉本以羈縻虜情而戰守之具

奏草

卷之五

五十一

三百六

在於蓄養軍力今查宣鎮市馬每歲分派軍士領買免其採辦扣除月糧轉充市本馬則自相變易分償原值官既省銀軍亦得馬偶一為之似屬兩便若使歲以為常勢必重為軍累累重則財匱財匱則心離何以能責其出死力破強虜哉况該鎮邊功既定客餉日積稍再動支亦似可行其各軍糧銀未免除扣惟照山大之例將各營每年內存馬匹老弱痛瞎不堪騎征者通行估賣即以市馬補給既可以裨助市價又可以惠濟貧軍人心既

安邊備益固矣仍候

命下移咨該鎮督撫查照各鎮事例如議併奏施行

等因萬曆六年十月初八日具題初十日奉

聖旨是該鎮市馬歲歲增加委非長計着督撫官從
長議處具奏欽此

奏草

卷之五

五

八

題為續報海洋賊情事案呈到部看得總督兩廣

右都御史凌 巡按御史龔 各題稱叛賊林道

乾聲勢雖窮其謀狡詐所至乞招者為緩師掠食

之計今惟以剿為主以招為術但大海茫洋必俟

機會猝難力取除嚴督各路兵船相應截剿在按

臣則又稱林賊果散黨類自縛到官然後量處待

以不死若不實心求招不可輕許招撫各一節為

照叛賊林道乾告招等項事宜節經督撫等官具

題已經覆奉

奏草

卷之五

三

四

欽依咨行閩廣嚴督鎮守道叅等官整搦水陸官兵

加意隄防協力追剿去後所據林賊告招不過緩

我之計其往來沿海地方搶劫既多黨與眾盛仍

肆狂逞勢所必至况本賊素稱狡猾終難馴伏今

其窮蹙之時寔乃滅亡之日該鎮文武將吏正當

督率兵船協力剿捕沿海固守毋令登岬使進無

所掠退無所據彼若再告求招當外示聽許嚴飭

各該官兵不得輕行浪戰致被驚逐以便計取且

稔惡為首止是道乾一人不妨大懸賞格有能擒

捕者重加陞賞同夥賊人有能擒斬緝獻者一體
陞賞一應從賊解兵乞降者悉准赦宥所謂渠魁
不赦既足以彰

天討之公脅從罔治又足以散反側之黨至於嚴兵
而不戰因兵以行謀一應機宜本部難以遷度悉
聽便宜酌處務求萬全既該總督巡按等官凌
等具題前來相應議擬合候

命下移咨總督兩廣右都御史凌 遵照節奉

欽依內事理嚴督鎮守道叅等官整朔水陸官兵重

奏草

卷之五

三十九

百九

懸賞格務將林賊或剿或招相機從長處置不得
顧慮觀望有誤事機等因萬曆六年十月初九日
具題十一日奉

聖旨是欽此

題為秋期已盡類查禦虜有功急事人員以飭冬
防事職方清吏司案呈到部看得巡按山東監察
御史安 奏稱查勘過萬曆五年四等月內達賊
陸續侵犯前屯等處地方各該官軍失事獲功緣
由問擬軍人王舉夜不收狄淮犯該望高巡哨之
人失於飛報邊遠充軍軍夜劉隆等犯該各不應
杖罪俱先經分巡寧前兵備道問擬前罪詳允發
遣發落訖今犯緣係一事仍聽前案歸結其斬獲
首級一十三顆獲功楊得功等一十三名陣亡劉
照等四十五名各照覈冊查議陞賞虜去軍夜楊
九思等四名猶望生還似難議錄被傷員役楊孔
等已經給賞及叅守松山寺堡副千戶董勳等均
應治罪但楊紹勳遇敵尚多斬獲胡鷲每戰不聞
退却應與有功千總楊得倚遊擊張剛楊爾于併
行加賞內劉登泰等俱功過相準似應免究董勳
等被賊殺掠頗多似應提問或憫其兵少賊衆姑
照近例罰治又稱虜衆衝突勢急且大守堡諸軍
未免單弱若以大舉責備守堡卑官力誠不支乞

奏草

卷之五

四十一

三百三

要以後零賊失事責之守堡以下大舉失事責之
參遊以上各官各一節除充軍王舉等杖罪劉隆
等先已發遣發落訖虜去楊九思等未可遽擬叙
錄被傷員役楊孔等已經給賞俱無容再議其餘
有功陣亡應陞應賞員役俟覈冊至日查照另議
外爲照前各官既經巡按御史安 覈勘明實分
別功罪酌擬具奏前來臣等逐一參詳俱已允當
相應通行依擬上

請恭候

奏

卷之五

四

三百五

命下將楊紹勳等量加賞資劉登泰等姑各免究董
勳呂齊仍移咨都察院轉行彼處巡按御史即便
提招分別情罪輕重如果情在可原照依近例各
罰米石備賑如或所犯罪重仍要照例究問先將
行過應罰應問緣由具呈該院咨部查考再照遼
鎮近年虜警異常時有窺犯地方失事不論大小
每責備於守堡卑官而該管將領多畧其罪不惟
功罪欠詳抑亦責成失實法紀不平誠有如按臣
所言者合無依其所擬行令該鎮總督撫按等官

查照所議以後地方如遇零賊失事責重於守堡
提調以下等官如遇大舉失事責重於參遊守備
以上等官至於哨探聲息傳報緊急則守堡各官
專責不得推諉若有失事重大則又不得不各任
其咎者庶幾情法適中人心允服等因萬曆六年
十月十七日具題十九日奉
聖旨是楊紹勳等各賞銀拾兩欽此

奏

卷之五

四

三百五

題為恭報本年三鎮貢市事完遵例乞

請優叙效勞官員以勵人心事案呈到部看得總督

宣大侍郎吳 具題前事為照非虜互市款貢八

年遵奉約法益堅効順此皆

皇威遠播

廟畧弘宣故諸虜歸心九邊寧謐如此當事諸臣何

敢言功妄希

恩賞但竭力宜獻承事奔走其忠勤勞績亦自有

不可泯者如總督侍郎吳 節制三鎮久竭忠勤

奏草

卷之五

聖旨一

三

績應首叙原任大同巡撫今陞本部右侍郎鄭

矢心經畧克終令圖宣府巡撫右副都御史王

大同巡撫右僉都御史賈 山西巡撫右僉都御

高 分方經理各彈獻為資俸雖殊勤勞則一通

應優叙宣府總兵官今陞後府僉書雷龍大同總

兵官郭琬山西總兵官麻錦建節重鎮綜理多勞

其餘大小文武各官或先事料理或臨事隄防其

他奉委幹辦奔走傳宣均應叙別以彰激勸既該

督臣具題前來合遵

前旨諭叙恭候

命下將總督吳 特加優賚原任大同巡撫鄭 巡

撫王 賈 高 總兵官雷龍郭琬麻錦重加優

賚按察使等官許 等同加優賚郎中等官劉等

各加賞賚參將等官李真等同加賞賚同知等官

嵇巖等及原任參將等官胡進等三十四員原於

天等三十員原任守備等官楊一名等九員俱移

咨軍門分別獎賞但

恩典出自

奏草

卷之五

聖旨

三

朝廷臣等未敢擅擬伏乞

聖裁等因萬曆六年十月十九日具題二十一日奉

聖旨是吳允賞銀四十兩紵絲二表裏鄭洛併王一

鶚等各三十兩二表裏許希孟等二十兩一表裏劉

思中等各銀十五兩李真等各十兩嵇巖等各五兩

欽此

題為將領不職縱官貪玩致軍脫班乞

賜嚴行罰治以肅軍政事案呈到部看得巡視京

營吏科右給事中帥 江西道監察御史趙 所

題前因大率謂班政廢壞皆緣將領正官不職及

稱犯官韓應復李門吳從周等全班不到劄付官

蕭炳張斌等已經該管衙門查明參劾有行提問

內查前項劄付等官係 中都留守司掌印署正

留守尹志莘領班署副留守卞實所轄俱由各官

違慢致滋奸弊乞要罰治戒飭仍行彼處撫按振

奏草

卷之五

四

三百四十三

飭軍伍一節為照入衛班軍有留守都司僉書官

分番督領各該撫按考選軍政巡捕官通年劄付

領班及其臨期徵發并月糧班銀該兵備道及該

都司衛所掌印官為之督催給與各官領解若使

遴選得人鈐束有素則侵逃諸弊何從而生但以

積習相沿流弊百出遂有如韓應復等之扣侵蕭

炳等之遲誤不惟班軍緣之日疲而班事因以廢

弛矣邇來隨事查提多方整飭兩年之間軍亦稍

蘇數亦漸足即如蕭炳等罪雖未結軍已續到本

部念各貧軍奔走困苦難再加罰量將應罰

工數姑准暫免發管赴工所旋留守尹志莘督理

無策卞實管轄欠嚴再查韓應復扣減一事原係

雷以誠所領既經科道查參前來相應酌議恭候

命下將原任 中都留守司掌印署正留守今陞

神樞二營參將尹志莘量行罰治惟復照例遷官

事發免究領春班署副留守卞實并原任領秋班

署副留守雷以誠併劄量罰仍行瀋陽河南山東

各撫按官務要考選劄付委官及行司道轉督各

奏草

卷之五

四

三百四十三

該衛所掌印官查催月糧等銀領班都司各要專

心督責加意申嚴撫處班軍俾有實效其於脫逃

軍伍嚴覈處補毋復因循仍將原參各官并侵銀

劄付解官李門吳從周照依本部原限作速催提

完解再照各領班官二十餘員班滿之日戎政衙

門查照分數以別賞罰本部覆奉

欽依着實舉行近因科道官李 等建白及本部覆

題班滿之日會同考察本屬一事今分兩端不惟

政體不一亦恐人情不便即今春班已經會同考

察外自今以後合無候班完之日併聽戎政大臣
會同巡視科道查分數以別勤惰覈材守以定去
留會疏上

請本部查照議覆不必又行會同再考庶幾事權歸

一人情永安矣等因萬曆六年十月二十日具題

二十二日奉

聖旨是尹志莘姑免究下實雷田以誠各罰俸叁箇月

欽此

奏

卷之五

四七

一百十八

題為敷陳海防要務以安生靈事案呈到部看得

工科給事中尹 具題前因謂嶺海廣閩寇盜靡

常信地單兵糧虛有器具缺少姦宄潛通軍政廢

弛乃條開八事其一謂南頭柘林白沙三寨地方

曠遠雖置兵船不足哨備近雖設烏兔寨止為廉

州珠池仍行裁革將船二十隻增入白沙復撥二

十隻輪流看守海安兼哨珠池未免顧此失彼兼

以崖州等處抵連外洋哨船稍弛急寇難防南頭

柘林白沙三寨尚宜酌量海澳添造官船務足分

張

卷之五

聖

三百五

布至河渡門港尤當增柘林之船以備防禦若使

糧餉不足量減營兵以濟寨餉且多置哨船則沿

海貧民又得投兵就食可消隱憂其二謂廣東六

寨信地各有港門可以避風泊船惟白鶴白沙碣

石三寨水淺易壞一遇颶風大船不能入港須用

三號四號小船可以灣泊仍須多置隻數以振兵

威其三謂往年南頭等寨兵船回省修整以致信

地空虚議欲隨寨修葺不必掣回省城惟白沙一

寨屬在瓊州無桅可換若遇壞桅仍令回省或至

恩陽附近更換其四謂廣東寨船各有駕禦軍兵
每將虛名冒餉議欲責成守巡及海防官親臨督
查嚴禁虛冒揀汰老弱遇有事故即行募補毋得
隱冒其香燭等費明白議處船泊在澳不許各兵
偷閑亦不許將官登岸如違者許撫按官查叅其
五謂行船之資全在楨楫若有壞損便難駕使定
例一年小修三年大修偶遇颶風致船損壞又當
隨時修理不可拘以年例至於軍器火藥量給備
用新給銃砲逐一鑿記以防抵換其六謂海邊姦
民將船上楨楫硝磺兵器等物接濟海寇議欲嚴
加禁革毋令前物得以下海有能出首仍懸重賞
容隱重治其七謂海寇隨撫隨叛不必議招况逃
避外洋風多飄蕩若使兵船聯絡毋令登岸劫掠
灣泊接濟又當自滅其八謂海上將領虛兵尅餉
苟且偷安議欲專責海防等官嘗駐海勿親自督
理查覈虛兵有能振飭者歲終優叙以酬其勞各
一節為照嶺東瀕海倭夷島賊出沒不常廣布兵
船邀截外洋此為上策所據量察之廣狹以定船

奏草 卷之五 四九 三百五

之多寡則扼塞要衝運糧有備酌水之淺深以置
船之大小則沙隄港口行使不淤至於隨便修理
則財力省而防守不單清查虛冒則行伍充而緩
急有賴其他整頓各用之器具使我之自衛攻人
者資嚴禁土人之接濟則賊之水米利器無備專
王剿滅則兵無二心嚴督海防則軍有紀律果能
舉行寇不足平矣相應通行依擬合候
命下本部移咨總督兩廣右都御史及咨都察院轉
行廣東巡按御史行令各該司道海防等官查照
開款八事悉如所議斟酌緩急次第整頓着實興
行萬曆六年十月二十三日具題二十五日奉
聖旨依議行欽此

奏草 卷之五 三十一 三百五

題為整竭愚衷敷陳未議以備安攘事職方清吏司案呈到部看得巡撫直隸御史黃 條陳七事除蠲逋負以蘇凋瘵重兵食以實關塞二款係隸戶部掌行移咨徑自議覆外所據任舊將以備緩急繕城堡以衛邊氓修戰守以伐虜謀指市本以恤貧軍俱於邊務有裨相應依擬惟處屬夷以杜後患似屬難行謹逐款開列前件議擬上

請定奪等因萬曆六年十月二十四日具題二十六日奉

聖旨依議行欽此

計開

一任舊將以備緩急云云

前件臣等看得將貴知兵人惟求舊故少而英銳皆在所必錄老而諳練者亦不可遺至于久任責成加銜增秩搜羅智勇咨薦待用莫非為國得人之意相應依擬除本部見經實舉行外合無備行宣大督撫衙門查照遵議施行伏候

聖裁

一繕城堡以衛邊氓云云
前件臣等查得先該巡撫大同都御史鄭 題為議修軍屯民堡以保萬全事及題為繕完軍器以備戰守等事本部覆議移咨督撫衙門將大同應修民堡及時修築軍火器具已成者如法收貯未成者催督造完等因已經題奉
欽依欽遵訖今據本官所陳大畧相同合無再行申飭仍咨該鎮總督及各巡撫衙門將應修民堡應備器具逐一如議施行伏候

聖裁

一處屬夷以杜後患云云

前件臣等看得史車二夷歸附已久似無可虞狼子野心終難馴服若藉為我兵彼必樂從而無厭之心恐日滋長不至於盡隸尺籍盡食月糧不已也其端一開後將不繼事有當圖其久遠無利於目前者正此類耳合無照舊與之撫賞毋令失所生怨仍嚴行申諭令其感

恩圖報自相團結外裨非虜毋聽其誘脅內衛邊疆

毋妄行勾引該鎮參守嚴飭撫夷官役時時加察
有犯者革去撫賞以示誨如北虜入犯有能擒斬
真賊報功者一體給賞則鼓舞有方駕馭得策矣
伏候

聖裁

一修戰守以伐虜謀

云

前件臣等看得士馬精良待以克敵若使簡稽不
實則強弱不分驚憊不堪則緩急無濟所擬具題

前事相應依擬合無咨行宣大督撫衙門查照所

議施行伏候

聖裁

一捐市本以恤貧軍

云

前件臣等查得近該本官題為直陳虜情並酌撫
處機宜等事本部覆議移咨宣大督撫衙門將前
項本鎮市馬備查每歲加增者錢糧有無足用宣
鎮市本仍果不敷再動支積省客餉亦似可行
其各軍糧銀未免扣除惟照山大之例查各營內
馬匹不堪者通行估賣即以市馬補給等因題奉

欽依通行該鎮查照各鎮事例如議具奏去後今據
所陳與前畧同仍再行該鎮查照先今事理會議
俾安一併具奏施行伏候

聖裁

奏

卷之五

五十四

九

題為嚴禁令弭盜賊以便巡視以固根本事業呈
到部看得南京四川道試御史張 所奏前因大
率謂南京重地門禁漸弛至于樂院寺觀尤易減
盜欲要宮禁之內勅內守備示諭各內官衙門凡
有事情俱送本監審處內使火者工役出入俱要
懸帶牌面京城之內乞勅禮部行令各寺觀庵院
及各院樂工不許窩藏面生歹人敢有隱瞞照例
處治各一節為照

留都重地

奏草

卷之五

五十一

三百十

國家根本皇城之內所貴肅清邦域之中尤當盤
詰所據嚴出入之防稽窩留之弊深于門禁有益
至於雲遊僧道寄食寺觀劫財巨寇投宿娼家此
皆盜賊淵藪尤宜禁緝今該本官具奏前來相應
依擬合候

命下通咨南京兵部一面轉行內守備司禮監衙門
行令各監凡有一應事情俱送本監審處不許滯
刑考打其出入人等俱要懸帶牌面違者守門官
軍拿究一面轉咨禮部行令各寺觀庵院凡遇投

宿僧道務查來歷各院樂工不許窩藏生人若或
迹有可疑各聽密稟訪緝違者照例治罪等因萬
曆六年十月二十九日具題十一月初一日奉
聖旨是

奏草

卷之五

五十六

六十八



小司馬草卷之六

職方稿

題為嚴禁下海奸人勾引接濟通賊貽害通賊方事
查呈到部看得兩廣總督右都御史凌 具題前
因太率謂福建廣東等處沿海姦民私造雙桅大
船裝載違禁硝黃軍器等貨物下海通番買賣勾
引接濟為患地方乞要查議備行福建撫按官查
前項下番買賣商船果否係歷年通行大例即今
應否禁革或明白定議凡有力之家願往貿易者
許從實報官里隣保結仍由海道衙門出給文引

奏草

卷之六

一

三百廿五

撫按驗明掛號引內明開船主夥伴水稍等姓名
其船丈尺長濶若干裝載某項貨物至某番貿易
定限某時回銷至下次另給稅銀照貨上納出海
與回籍俱聽海道委官照數盤驗如有夾帶違禁
硝黃軍器等項照例問罪貨物船隻入官其隨帶
刀槍銃砲亦要報官回日照數點驗或船隻數多
分為二班一班出海一班守候如遇海上有警即
責守候商船剿捕有功重賞或免納稅一年俱聽
該省酌議奏

請其以前違犯姑免追究先該本部傳聞通寇林道

乾突犯海隅恐海濱奸豪舊黨乘機接濟煽誘為
患咨行本官查禁今該本官議題前來又該福建
巡撫劉 條此四事其一謂漳州澳民私造大船
裝載禁物潛往日本興販為奸要行巡海海防等
官遇有澳船俱令赴官告給船由照額打造填給
文引并將貨物登記不許夾帶違禁諸物臨發則
盤詰放行回還則查驗登岸其二謂漳泉商船無
可辨查要行各該有司將大小船隻編刻字號每

奏草

卷之六

二

三百廿三

船十隻立一甲長給文為驗其三謂沿海居民間
有通賊接濟欲要督行巡海道嚴行該府縣掌印
巡捕等官禁諭各村澳民遵照保甲互相稽查如
一家接濟則九家報官敢有容隱九家連坐其保
甲長另行重處其四謂南日山寨新移吉了巡司
之旁道里不均應援不及欲要移置平海衛南哨
澳地方以便策應各一節為照閩廣距海西南島
夷通道獻琛自昔有之至於番貨漢物貿易往來
海濱之民依以為生勢難盡禁

國初閩廣兩浙設三市舶不徒督理貢事亦以牽制市權意深遠矣尋以浙海多故旋改旋罷惟廣東福建市舶尚存而廣南番船直達省下盤詰禁今稍為易行福建市舶專隸福州惟琉球入貢一關自之而航海商販盡由漳泉止于道府告給文引為據以此沿海居民富者出資貧者出力懋遷居利積久弊滋緣為奸盜者非一日矣嘉靖之初一壞於法網之疎濶再激於禁令之滋繁釀成大禍東南驛騷頻歲以來稍稍寧息而劇賊林道乾

林鳳等遁逃島外尚漏

天誅更有點猾豪富託名販買勾通誘引偽造引文收買禁貨藉寇兵而齎盜糧為鄉導而聽賊用誠有如督撫二臣所言者所據各題要行查照事例明白定議清查船隻譏察貨物編列字號照對文引嚴稽保甲禁緝接濟及將商船分番出洋量留防守委於經權適宜官民兩便但事關海防土俗民情貴在詳盡遽難遙度况漳泉惠潮地連二省相率一水往來與販船隻記號禁令稽察事難異

同必須會議歸一方可永為遵行至於巡撫劉所議移寨平海南北適中策應甚便亦合併行依擬恭候

命下本部移咨兩廣總督福建巡撫及咨都察院轉行廣東福建巡按御史等官查照前議逐一斟酌何者當禁何者當通何者可以阻絕接濟何者可以革禁私交會議停妥務期海晏夷清民安盜殲限萬曆七年三月內具奏前來以憑覆

請然後刊刻榜文沿海曉告斷自

令下之前先曾出海及有違

明禁者許今不時回還首告免罪自今

令下之後無論豪右不問狐鼠凡有違禁令者悉各付之於法則積弊可革太盜可除矣其移寨平海如議施行等因萬曆六年十一月初二日具題初四日奉

聖旨是這海禁事宜着該省督撫巡按等官會議停當具奏欽此

題爲廣西兵變通詳督撫章疏申叅失事官員未盡之罪以正紀法事案呈到部看得兵科給事中光等兩廣督撫官右都御史凌等各題稱廣西岑溪縣吏唐祐與協總金仲恩相歐知縣葉詩偏護妄申以致營兵激變金仲恩糾同把總張之賢統領營兵入縣抗官驚擾地方隨該官兵將倡守哨官呂子和擒斬附從惡黨斬級二十七顆擒獲八十三名聽行該道審將從亂數名明正典刑餘照軍法細打革退其撫回各兵通行曉諭不復

奏草

卷之六

五

三百三十一

失意外之防但變生倉卒所當免究百戶王廷棟與見監把總張之賢協總金仲恩等通行提問酌量情罪發落各一節爲照粵徼之民習俗剽悍調馭之術尤貴安詳所據舉起隻鷄事極微細把總張之賢等不勝小忿突入縣庭恣肆猖狂搥威軍心煽構起禍大違法紀知縣葉詩偏聽下吏誑申道府張大聲勢聳動聽聞激衆生亂寔爲厲階叅將王德懋提令營兵任劄岑溪去梧州三百餘里若使威令素行遇變能應少加鎮定衆忿自消而乃徑入府城以致軍中無主亂是用成罪實難辭梧州府知府李 據其批申行提急於詰究委匪人狹詐恐嚇各將奚諉蒼梧道叅將王 控制遙遠變起倉卒調集兵將擒戮戎首雖若稍過功亦足原他如唐祐之黠悍刁誣王廷棟之假公行私弁金仲恩之鼓舞倡亂及見獲各兵之逞憤行兇孽由自作罪在不原再照漸不可長事貴防微叅詳前事在有司委欠調停任兵將尤屬驕悍况兩廣營兵素稱鷙狠今歲羅定之變斬首一百餘

級然後寧戢而岑溪又復有此且王德懋自縣入
府復由府至縣往返數日親臨招撫然後安集則
一其跋扈甚明若非即時擒斬恐亦遽難解散而王
德懋之可以撫定者亦分守之威有以懾之也所
據科臣叅奏惟恐玉石俱焚無辜濫及小懲大誡
責備有司無非詳慎之意與督撫之臣題叅大略
相同合應酌處恭候

命下將知縣葉詩革任仍咨都察院轉行廣西巡按
御史行提到官同見監把總張之賢協總金仲恩

奏草

卷之六

七

三

及百戶王廷棟該吏唐祐嚴加究問照依律例重
擬限萬曆七年三月內回奏叅將王德懋革任遺
下員缺另行推補知府李 量加罰治叅政王
姑准免究行令策勵供職其生擒逃兵八十三名
仍咨兩廣督撫會同巡按衙門酌量情罪內將首
惡會審正法其餘情輕誘脅之徒悉照軍法細打
革退見在撫回各兵姑准宥免責令自新緣係廣
西兵燹通諄督撫章疏申叅失事官員未盡之罪
以正法紀有司處事過當將官約束不嚴致激兵

彙及節奉

欽依兵部知道事理未敢擅便謹題請

旨

萬曆六年十一月 初四 日

奏草

卷之六

八

三

題爲申明管轄地方以便責成事案呈到部看得
巡撫應天都御史胡 題稱九江一衛治在江西
官軍屬之直隸應天撫臣九有地方事宜無不通
行九江兵備該道移文無一呈覆及稱該衛軍政
廢弛已極漕米軍器掛欠甚多皆由兵備道不相
統屬之故有礙職掌如謂九江衛治在江西考成
等件聽彼中守臣管理如謂干繫
祖制仍比照蘇松徽寧事例庶有專責各一節爲照
九江一帶爲

奏草
卷之六
九
三百二十五

留都上游而江洋寇盜出沒恐各撫臣一時調度
策應不及故沿江衛所官軍悉聽南京操巡等官
調遣九江兵備亦聽節制惟九江一衛地屬江西
而一應事情不關該省責成應天撫臣蓋犬牙相
制意本深遠但近來諛衛屯政廢弛錢糧拖欠雖
經編入考成而道里遼遠董責不前委應申飭至
欲比照蘇松徽寧兵備統屬恐事益牽制不便遵
行既該巡撫具題前來相應酌處合候
命下移咨應天巡撫照舊專管九江衛分如遇有行

考成諸事不便督催者卽移咨江西巡撫衙門轉
行九江兵備道着實幹理完報仍申江西巡撫知
會至于不應往來文移體統禮節自有定規惟在
各官自盡不宜輒爲紛更致滋多事則
成憲不失而職業亦脩矣等因具題奉

聖旨該地方兼制事理分屬欠明難以考成還再議
明白來說欽此欽遵抄捧送司案呈到部 臣等查得
九江府轄於江西而九江衛屬之直隸地方遠隔
事體相關 臣等愚昧議處未當仰塵

奏草
卷之六
十
三百三十七

明旨許容再議 臣等謹再議得南京乃根本重地九
江實南京上游土地分屬江西而軍衛遠屬直隸
正彼此相制遠近相維之深意也然軍衛以地遠
自委故政事易于廢弛巡撫以勢遠難及其考成
全賴該道而九江兵備職兼軍民承上達下責任
有歸若或徒諉殊失建官分職之義合無將道衛
照舊分屬軍民詞訟悉聽兵備道就近聽斷事情
重大者呈江西撫按詳允發落至于考選軍政催
饋漕糧製造軍器清查屯丁凡係南直隸撫院當

行者悉聽備行兵備道督理考成不許故違抗拒
如或怠玩不理許其指實參論但九江本江西界
屬與徽寧常鎮列在

畿內者不同一應該行事宜止許文移往來定限
責催該道官亦不得越境參謁送迎有妨職業則
體統相維政務克舉而事體亦可永守矣恭候

命下移咨南直隸并江西各巡撫衙門查照施行惟
復別有

定奪等因萬曆六年十一月十八日具題二十日奉

奏

卷之六

二

聖旨依議行欽此

題為飛報地方賊情事奉本部送兵科抄出巡按
雲南監察御史帥 等題奉

聖旨兵部知道欽此欽遵抄出送司卷查原行事理
相同為照南夷荒徼反側常性若使封疆之臣隨
事剿撫處置得宜自可消其頑梗不至跳梁詎謂
好大喜功任用匪人構禍地方通查斬獲首級不
下千餘而妄殺妄掠男女七百六十名身盜于放
火焚燒木爪等處各村絕盡則又不知其數污辱
士女劫掠貨財屠戮之苦甚于盜賊今據按臣所

奏

卷之六

三

勘慘毒之狀真可痛心無辜生靈冤抑何枉而一
時當事文武大小官員如原任巡撫雲南侍郎鄒
專制一方意欲禦寇而任用羣兇乃反為寇即
有俘斬之勞難贖荼毒之慘見任鎮守總兵官黔
國公沐 手握兵符隨人指使咎亦難辭但先該
捷音上

聞未行查勘已經本部覆奉

欽賞繼為巡按御史陳 論奏又奉

明旨處分與已故楊守廉等及發遣發落何東江等

無容再議至如原任副使張 等各聽節制同事
戎行明知衆冤無一敢白罪亦難解但委任權力
不在諸人重入深文又非其手情有可原似應免
究知縣雷起蛟等狐鼠之輩驅走爲能罪有所歸
難以盡責亦姑免究原任州同知張思賢與未
獲曹華已決揚一廉等累承軍門差委殺人掠財
無一不與死有餘辜若行該省提問不惟事失證
據亦無以厭快衆憤合嚴行拏解雲南同見關至
應韶從重問擬武舉官生周詩等同惡相濟指揮
奏 卷之六 五十一 三四四
等官蘇天秩等助虐冒功李春華等交構煽禍雖
騙財肆毒跡有重輕而黨惡殃民厥罪則一與谷
嚴提重究千百戶魏朝鳳等因公效死亦合量加
恤錄再照否臧成凶噬臍無及存正清湖鑒後事可
師及今以後撫鎮重臣自當仰奉
明德因俗招徠督責將領簡閱士卒厚集兵餉聯絡
土司原額遊兵一千名見少一半仍當再行招募
計處月糧內固保障外消燬孽其有弗率狂逞者
但行鵬剿罪止鋤首惡不問脅從務期寇息民安

無事勞兵遠討此皆制禦長策既該巡按御史帥
勘議具題前來相應通行依擬恭候

命下將張 等姑與免究雷 等亦免別究張思賢
行原籍嚴行拿解曹華多方緝拿務要得獲弁周
詩等同見問王應韶俱移咨都察院轉行雲南巡
按御史通提到官查照今題參事理照依律例重
擬限萬曆七年八月內回奏千百戶魏朝鳳等行
該省量加恤錄其家及咨該省撫鎮等官督責參
將常住紅果哨往來虛不補地方務要簡閱士卒
厚集兵糧原額遊兵補足一千之數無事訓練有
警鵬剿務期寧戢諸夷保障荒徼緣係飛報地方
賊情及奉

欽依兵部知道事理未敢擅便謹題請
旨萬曆六年十二月二十一日具題二十三日奉
聖旨

題為懇乞

申飭邊臣勉脩實政以固疆圉以備虜患事案呈到部為照重門設險所以守國臺墻城堡原不可廢但勢有險夷工有緩急事有後先力有難易經營區畫貴在得宜本部節擬各鎮題

請前項工程擬議具覆先所當先急所當急務求一勞永逸足堪保障其他不關緊要可緩可後者議行停止不得徒務脩守之名以為勞軍費財之舉已經題奉

欽依通行各鎮無容別議但弊以積久而滋人以沿習而玩值此新歲漸及春和板築興作復將營果誠恐踵習舊弊濫議工程虛耗錢糧疲困軍力其有假脩築之名創遊觀之所不徒勞人費財反以導欲恣逸而召釁聚訟每由于此更有託名採辦責賣取償號為營房按月取息此皆蠹竭財力攬貳人心致使虛名日張實政日損上負

朝廷責成至意亦非^臣等所望於邊臣者也相應

通行題

請申飭合無恭候

命下本部移咨各鎮督撫嚴行鎮守司道等官惟將原經題

准應備未完工程劑量大小斟酌緩急將步兵土兵分班脩築時其賚予節其勞逸刻期完報不得又將無益臺墻^等與作他如薊鎮之賽西湖湯泉盤山宣府懷隆昔之飲酒樓及採取柴炭折乾取價等項尤宜痛行禁革務求乘此閒暇責令鎮副參遊等官訓練軍士時加撫循畜養馬匹脩造器械申明紀律公行賞罰所積糧餉年久浥爛者照例出陳易新以廣儲蓄使虜之款貢不變則我之備禦益堅設一旦有警則戰守有資不惟可以固我之勢實亦可以伐虜之謀諸臣所以感恩圖報以副

皇上責成

德意者庶不負矣等因萬曆六年十二月二十日具題二十二日奉

聖旨是各邊工程曾經題准緊要的着上緊脩築以

資防禦其餘不許虛冒錢糧疲敝軍力這奏內所稱
奏西湖飲酒樓等項是何名色因何脩建作何防禦
省各該巡按御史從實查勘具奏欽此

天正

卷之六

六

六

題爲吐虜大舉入犯仰仗

天威至將奮剿大捷事案呈到部看得薊遼總督撫
鎮等官右都御史梁 等恭報大捷一節爲照兵
以奇勝功以謀成所據速把亥諸會要挾不遂久
蓄異謀乃者甫撤秋防乘時歲暮揚輕兵以逼關
前將以致我之奔命擁大部於東路意在乘我之
不虞該鎮督撫鎮巡文武將吏謂銳進之寇未可
爭鋒而攻其必救賊乃可制潛師出塞深入賊壘
乘虛奮擊遂使三萬之寇狼狽敗遁旣收功于塞
外及保全乎境中爲謀已奇其功甚偉在昔
二祖肇運逐胡犁庭掃穴卓越萬古無與論功二百
年來僅有此捷是皆

昊天純佑

列聖萃靈我

皇上神武維揚

廟謨默運之所致也是宜薦告

郊廟播諭中外庶幾懾夷會之膽而款順可堅寢猶
夏之謀而永清可保矣除獲功員役另行論叙外

恭候

命下移咨禮部行欽天監擇日鴻臚寺於早

朝將差來人員引至

御前宣讀捷音以昭

盛事等因萬曆七年正月初十日少保兼太子太保

本部尚書方 等具題十二日奉

聖旨是該鎮屢獲奇功朕心加悅依擬奏告

郊

廟用答神庥欽此

奏

奏

奏

奏

題為春防伊邇伏乞

申飭沿邊當事臣工勉圖實効以裨安攘事案呈

到部看得兵科給事中光 等題稱春防在即乞

要申飭各邊諸臣大率謂陝西一帶虜王未回難

保無事宜府一鎮青永貧悍尚有隱憂遼左亦難

日思報復薊鎮屬虜異謀已形俱當預防及稱各

邊勉圖實効者有四事焉一謂各鎮入衛兵馬勞

久力疲延寧遠來困苦又甚應否掣回而以土著

抵補一謂南兵浮食驕縱應否裁革均節糧餉作

奏

奏

奏

奏

何處分一謂春秋兩防分布兵馬徒為文具令無

駐劄信地遇有警急策應往來一謂各邊工役類

興軍卒疲困欲候工完暫停興作各一節為照春

氣融和夷馬易逞邊情虜患寔當戒嚴所議擺邊

兵馬務求實効毋事虛文脩築工程急先要衝停

止無益其兩兵雖云未會當虜防守墩臺亦資其

力即今虜情叵測似難遽議裁革但當精加簡練

汰去老弱嚴革頂替遇有事故間行召募上著務

求勇力足用不得特寄空名既該科臣具題前來

相應嚴加申飭至於入衛兵馬勞人遠戍軍力日疲而擁護

陵京事關重大先奉

明旨查處必須候有別兵代補方可改議撤回况今虜警未寧前兵分布策應未敢擅議停放但今虜王西牧延寧之守當加備於往時而二鎮兵馬久弱當此之時應將各兵暫止入衛以為本境邊防俟虜王東回之日另行調發則機宜緩急可以無失而二鎮之兵亦可休息但事在關外本部遽難

奏草

卷之六

五

選度合咨該鎮督撫議處恭候

命下本部馬上差人移文各邊督撫大臣轉行各該大小文武將吏查照節次申飭事理整練兵馬加意隄防分地固守沉幾待變在遼左當時防報復在薊鎮當嚴備屬夷在西北一帶當申明恩信加意撫處使虜之居者無携貳之念行者絕窺伺之奸凡一應防範事宜務要實心幹理以圖萬全其延寧入衛兵馬咨行薊鎮督撫衙門從長計議應否暫行停止二三年將本鎮節年召募訓練土兵

抵補防守務使經久可行具奏

定奪其分布擺邊脩築工程等項悉照本部前項節題事照行今議申飭施行等因萬曆七年正月十七日具題十九日奉

聖旨是入衛兵馬着照舊行欽此

奏草

卷之六

五

七十七

題為閱視屆期懇乞

聖斷係 差遣脩責成以省費安邊事案呈到部者

衛兵科給事中李 題謂各邊鎮有總督專任綜

核有撫鎮司道共事同心其三年

差遣大臣閱視似為無益又謂行館鋪葺取給貧軍

之難借備夫馬迎送往來之難供張餼廩遠方措

辦之難更新衣器無力飾置之難增添脩葺不得

息肩之難議論各別鎮臣可否之難况當關隴防

禦剿遼戰守之時欲要暫停閱視以省煩費請自

奏 萬曆七年為始照依

萬曆七年為始照依

欽定年限將閱視事宜責令各鎮督臣將錢糧險隘

等事令各屬照式造冊行各道躬相勘閱查理廢

舉分別功罪司道造冊呈送巡撫覈實各行

總督督臣閱核功罪甄別賞罰奏

聞下部詳覆并督臣功能具奏請自

聖裁其

欽遣閱視大臣或六年或九年或不拘年分間一舉

行各一節為照防邊詰戎所以致理時輯屢省所

以考成先擬閱視之舉蓋因邊事稍寧恐武備廢弛

先皇帝採輔臣之議定三年之期

皇上御極以來元年一舉四年再舉乃今又復屆期

臣等方擬據例上

請科臣乃有此奏蓋謂西北款貢雖堅而虜酋往來

未定東土戰守稍備而諸夷窺伺無常各路防禦

戒嚴未見休息加以行邊閱視重滋煩勞開六

難明其未便欲以所閱八事責成制臣無非軫念

奏 邊疆舍勞即逸之意但奉有

成命遽難改移而事干疆場未易輕議臣等竊以為

朝廷以邊事實効責之鎮臣而又特遣大臣分投

考閱非故以此勞民也直欲內外相維期底成績

耳但邊地瘠薄荒遠素無有司里甲之用一有舉

動未免派及軍餘中閭不無勞擾况武弁無識輒

假科求訐告紛然物議叢起流弊自來誠有如此

臣所言者但

欽遣大臣素推才望選擇司道必簡清脩自當愛惜

臣等方擬據例上

名義務思節省惟是道路往來官軍迎送會集合
操守候勞費勢所不免若使預行告戒嚴禁逢迎
隨地分操速遣回伍先聲所及孰不知畏其該鎮
督撫鎮守司道等官更能仰體

朝廷省恤之意與差去大臣一德相成各從簡省
一應餽送供給燕享通行裁革毋事虛文以相塗
飾如有違例獻諛傷財害民者偶一懲之自足警
百固不必慮此浮費求罷課功也所擬該科具題
前因相應酌議合無遵照

奏草

卷之六

三五

穆宗皇帝聖旨如例上

請簡推才望大臣選委清慎司道照舊閱視惟復
俯納科臣所議今歲暫停差官行邊容_臣等移咨各
鎮督撫會同巡按御史及司道等官將應閱八事
查照所奏覈實稽考分別功罪具

請定奪仍候五年之期另

請差官但事體重大_臣等不敢輕擬伏乞

聖裁施行等因萬曆七年正月二十日具題二十二
日奉

聖旨遣官閱視邊務奉有

先帝明旨本因虜會款順恐邊臣弛備故用此儆惕
人心振興頽廢這是防虜安邊大計如何詆爲無益
若差去官糜費勞擾地方科斂奉承此自奉行者不
得其人豈可因人廢法今歲且選差給事中三員會
同各該巡按御史查閱以後應差年分臨期奏請李
廷儀妄言阻格
先帝成命姑着罰俸半年欽此

奏草

卷之六

三五

題為直陳虜情竝酌撫處機宜乞

賜揀擇以永奠疆圉事案呈到部看得宣大督撫

官吳 等題謂宣鎮市馬每歲加增蓋因青永二

大枝人馬之數與順義相等順義一枝分市大同

山西二鎮青永二枝分市宣府一鎮屢經青永二

會各欲比照順義馬數入京為請節差通官傳諭

諸會照萬曆五年所賣三萬之數不許橫索以踰

前數及稱欲蘇軍困則變賣夷馬必須從輕估價

以免累軍其該鎮市本不足要將每歲年例客餉

銀兩以後照額全發以便動支弁各軍以前所欠

馬價一十一萬餘兩槩為蠲免以後收買軍貨悉

於題

准年例市本內照數動支不致那處易賣夷馬亦不

高估價值以累貧軍各 節為照撫處夷市以消

外患優養軍士以恤內政此皆防邊要務不可偏

廢所據議要全發年例客餉銀兩以便動支則費

不加於額外減損馬價及蠲免舊欠以蘇軍士則

惠可及於困窮均為制虜安邊大計但虜馬上年

已及三萬今若就三萬為准則虜必又復求增

惟當執言上年過多必不可從以折其意而臨時

操縱全在督撫加意調停毋容太濫倘若市本不

足聽於年例客餉與節年積餘減哨銀內相兼支

助總不得過三萬之數庶幾可行既經該鎮督撫

官會議前來相應依擬合候

命下移咨戶部將年例客餉銀兩查照所議全發以

便支助其該鎮各軍以前所欠馬價一一萬二

千二百二十八兩本部移咨該鎮督撫衙門照數

一槩蠲免其估賣不堪馬匹減輕變賣夷馬等項

悉如所議施行再照虜奉天等處無厭所據宣

府市買馬匹較之初議已逾數倍若使年復一年

不為限制不惟

帑藏有限亦且恐虜要求漸不可長後益難繼該

鎮督撫官仍當仰

明旨嚴諭諸會曉以

後年分市馬務遵往年

之數不得行外求增其差遣往來通事人役弁入

市巡綽把守官軍應宜申明禁約既不得潛與虜

交教誘求索亦不得輕率激虜致起事端至於派
軍買馬終非長筭即虜吞大餌未便渝盟而軍士
之累何時可已今議減價賤買僅可稍舒目前而
經久之圖尤當預講俟

命下移咨該鎮督撫詳議施行等因萬曆七年正月
二十日具題二十二日奉

聖旨該鎮市馬着以五年額數為准以後不許狗虜
濫增全發客餉一節還會同戶部從長計處來說其
餘俱依擬欽此

奏草

卷之六

五

百

題為集衆見陳末議以禪戎政事案呈到部看得
巡視京營吏科右給事中帥 江西道監察御史
趙 條陳七事均於戎政有禪合苑開立前件議
擬上請

定奪萬曆七年正月二十一日具題二十三日奉
聖旨依議行欽此

計開

一議慎選將領

前件 臣 等查得武職每五年考選軍政兩京五

奏草

卷之六

五

百

府掌印僉書等官錦衣衛堂上官例各自陳
旨下本部覆議去留請自

上裁其餘錦衣衛弁各衛所掌印僉書等官俱由兩

京兵部考選具奏其兩直隸及各省衛所掌

印僉書等官聽各該撫按會同司道等官考

選去留造冊

奏繳及查京營副叅等官三年閱視與巡捕管官

俱年終科道舉劾其九邊將領等官亦有三

年閱視督撫陞遷巡按復

命舉劾無容別議外維腹裏省直總副叅遊都司守備操守等官止有擬按官復

命舉劾中間不無掛漏况經推擇漸致崇階本部縱有見聞未得即便革處今擬科道具題前

因無非慎重將帥之意合於五年考選之期本部移文各省直撫按等官行令總兵副總

兵比照前例俱着自陳聽本部題覆請自上裁其叅遊以下等官先期各該撫按查訪的確預

造賢否文冊俟期開送部科備照本部仍會同兵科叅詳去留上請

定奪如有大奸遺漏聽科道官拾遺至于京營各官仍行總協大臣隨時器使果有樹立者奏行

紀錄庸劣冒濫之徒不得干請夤緣致廢營務再照舊課貴精盡威貴恕况將帥之選與

文職殊故有去詐去貪使功使過之說所議考察各官亦不必拘以額數定以地方惟是

貪酷異常老弱無用及推奸避難剋剋軍士無他別長巧辯鑽刺者在所必黜其有氣質

粗率勇力少文雖有負俗之累寔多超乘之材者當取其所長棄其所短曲示保全其隱微曖昧之事或媚嫉飛語讎怨謗書並不得偏聽苛責致有棄材恭候

命下著為定例遵行伏乞 聖裁

一議分練卒伍 前件 臣 等看得京營軍士原係合營團練近以十萬之衆簡稽難周操演不便先該科道官王道成等建議分操見經本部覆奉

欽依有行今據所議大畧與前意相同相應再行申飭合無備行總協大臣即于原建置教場營堡等處舊營各營行令各該大小將領查照所議統領部軍着實操練務使苛正之法人人習知足裨實用其陞遷將領間以會歷邊方樹有戰功者相參推擇伏乞

聖裁

一議申飭禁兵

一議申飭禁兵

一議申飭禁兵

一議申飭禁兵

前件_臣等看得勇士四衛二營官軍及圍子等軍拱護 禁兵委當嚴慎近來冒占數多老弱居半展轉規避蠹弊日深其見委坐營各官營政廢弛互相推諉委應申飭令無移文該監行令各坐營等官逐一清查頂冒選補精壯開造文冊送巡視科道衙門查點其二營坐營官各要分管操練遇有逃亡通詳挨補不得越伍鑽求亦不許該管官徇私撓補違者聽巡視科道官查叅究治伏乞

聖裁

一議精覈召募

前件_臣等看得管軍不克向行召募雖則摘牌揀驗選替甚嚴但有無賴廝役雇代虛冒又有一等巧立教操武生名色圖糜厚餼鑽刺營求委難盡革合照所議備行總協大臣今後遇有缺伍查照舊例收補清查冒濫嚴稽選替俾行互相糾查其他教操官生盡數革黜仍行各營將領每遇摘牌各役着實揀驗

務要精壯軍丁充補足堪征操勿得濫用幼弱虛冒糧餉每年終三大號頭通將收募過軍役開報巡視科道衙門逐一覆查叅除違者悉聽查訪的實指名叅究伏乞

聖裁

一議脩復牧政

前件_臣等看得管馬驍騎下場牧放復因地歸占種議微子粒停廢既久遽難議復所據其成稽察立法比較甚于馬政有裨會無待令戎政大臣嚴行各營中軍把總等官備將馬匹年齒毛色及肥瘠應留應賣等項逐月查點填造比較文冊候巡視科道并戎政衙門不時吊驗應息分別賞罰伏乞

聖裁

一議重懲科尅

前件_臣等看得各該將領不恤軍士多有科尅苛求致人告擾若不嚴加重治何以警戒將來今據所議合無備行總協大臣除揭示細

訪外仍專責令各營副參等官嚴禁中軍千把總官不許似前科擾致害軍士仍要按季開報有無科剋等弊如有怙終不悛聽巡視科道官查叅究治倘該營將領犯法加等不貸縱容隱護一併連治伏乞

聖裁

一議郵處事宜

前件臣等看得着伍新軍餉該存儲乃有尚奉驗營支糧類多死傷疾病寔由郵處失宜殊

卷之六

三十五

百九

可痛憫合無備行戎政衙門行令各該將領弁衛所指揮等官九軍解到日務要加意撫循毋令失所年終查有逃亡數多者悉聽巡視科道官查叅究治伏乞

聖裁

題為北虜大舉入犯仰仗

天威王將奮勦大捷事職方清吏司案呈到部看得遼鎮總督撫鎮等官右都御史梁 等題為照東虜土蠻速把亥等頻歲犯遼迄無寧日連遭挫折積忿益深頃因要挾未遂乃復大肆狂圖結集黃虜構煽屬夷銳騎兩枝分侵關外大部三萬突入東昌該鎮臣撫總兵官哨探素明分布預定先調各兵防守嚴警協力拒堵邊警剋期李成梁射率銳卒出塞直搗賊營遂使賈勇奮擊潰其腹心方張巨寇時尾遁奔大部老營駙首就戮其既奇收功尤偉所獲斬獲在陣賊級八百八十四顆馬駝盈甲俱逾十數其餘夷器無算及查我兵殺傷不多屯堡並無攻燬臣等歷考前聞載稽近事即廣寧豐潤之拜首功未平懷柔東寧之封破虜數百二百年不僮僮見此真足以慰

二祖

九宗

列聖在天之靈舒

仁聖

慈聖

兩宮東顧之念是皆

皇上神武布昭

威德遠被軫念全遼加賚加餉訂謨石畫定自

禁中沉機遠猷授之闕外是以將士月命克奏膚功

如此一時文武諸臣何敢言勞而激勸之典例不

容也如總督梁 王鎖鑰於薊門王猷充塞宣制

節於遼左謀斷相成巡撫周 調遣

奏直

卷之六

三十一

二百十四

謀檣背乘虛勝策多得均當優叙總兵官李成梁

忠惟報

國勇不顧身累戰累勝况懷敵愾之誠愈出愈奇

益著橫行之畧尤當特加優叙其各司道部寺等

官張 高 等或分參謀議各殫猷為或督

理餉儲均竭心力將領等官秦得倚唐朴等或衝

敵前鋒邀其銳進斬獲雖必摧陷功多或深入賊

壘截其驍雄大功之成與有勞瘁績用雖殊均宜

酌叙內蘇國賦楊燮劉承武王淮屏先後題恭奉

任懲創日久今既累立戰功似應附記錄用王國

瑞武振張各武鄒軻各因失事受賊問軍終身似

足與贖但部斬數目未明功罪未否相準合候覈

冊再議其守堡官徐維瀚孫希孔致虜深入罪本

難諉但偵報已明似應免究其陣亡被傷高得功

等合照例郵錄及查

令甲所載陣前斬將舉旗擒斬賊首等項奇功原

許即時奏擬陞賞乃今前捷寔與例合既該督撫

等官具題及稱原任遼東巡撫今陞戶部尚書張

奏直

卷之六

三十一

二百十四

訓練功深恩威素著宜併加賞賚等因前來相

應通行議擬題

請合無恭候

命下將梁 周 特加陞唐李成梁特加封爵優叙


張 併加優賚張 陞賞唐朴黃都李成材李

如栢李平胡李得全孫守廉劉崇正戴朝弁李澄

清秦得倚熊朝臣張相重加陞賞內唐朴李澄清

仍加副總兵職銜秦得倚加參將職銜李成材李

平胡李得全孫守廉熊朝臣各加遊擊職銜量陞



署都指揮僉事張相加備禦職銜照例以都指揮
 體統行事各照舊管事李如栢仍遇缺推用高自
 新吳道明蘇國賦楊燮劉承武王惟屏同加優賞
 內蘇國賦楊燮劉承武王惟屏本部仍與紀錄翟
 等候覈冊至日再議徐維瀚孫希孔各免究
 其餘薛仁高得功等三名被傷蔡繼祖一百二十
 三員各本鎮各照例給發銀兩先加存卹仍與叙
 錄及獲功弁斬獲首員役併帶罪立有部功官
 王國瑞等四員斬獲多寡與地方有無別項失事
 本部仍咨都察院轉行彼處巡按御史通查明實
 分別應陞應賞應贖應卹一併造冊限本年五月
 以前具奏前來以憑議覆施行仍通行該鎮大小
 文武官員務要嚴加警懼防虜報復毋得倚恃常
 勝少自驕矜致隳前功有負任使但
 特恩出自
 朝廷 臣等不敢擅擬其叔撫總兵各官應否
 賜勅褒獎併乞
 聖裁遵奉施行等因萬曆七年正月二十三日少保

兼太子太保本部尚書方 等具題二十五日奉
 聖旨該鎮出邊擊虜斬馘數多功可嘉尚李成梁前
 後所獲功已中率今又奮勇出奇兵收全勝宜加
 叙以勸忠勞先賞銀一百兩大紅紵絲蟒衣一襲
 夢龍賞銀八十兩紵絲四表裏周詠六十兩二表裏
 張崇功唐朴等各賞銀二十兩高自新等翟繼祖
 各十五兩鄧梅等各八兩其斬獲功次弁該科所奏
 長定事情會巡按御史一併作速從實勘明限三
 內具奏另行議處本兵調度有功方逢時賞銀五十
 兩紵絲四表裏鄭洛二十兩二表裏該司官掌印的
 銀十兩其餘各八兩以後各邊獲功奏捷俱先議
 資其陞廕等項俱候勘明行欽此

